

中華文史叢書之五
民國元年蜀本影印
王有立主編

元蜀郡虞文靖公
道園學古錄

(一)

虞

集著

台灣華文書局印行



中華文史叢書之五
民國元年蜀本影印
王有立主編

元蜀郡虞文靖公
道園學古錄

(二)

虞

集著



台灣華文書局印行

中華文史叢書之五
民國元年蜀本影印
王有立主編


元蜀郡虞文靖公
道園學古錄

(三)

虞

集著

台灣華文書局印行



中華文史叢書之五
民國元年蜀本影印
王有立主編

元蜀郡虞文靖公
道園學古錄

(四)

虞

集著



台灣華文書局印行

元蜀郡虞文靖公道

園學古錄

影元刻本

蜀

本

民國元年 存古書局補刊

道園學古錄歐陽元原序

斯文與造化功用相彌綸國家氣象相表裏故文人生於世有數文章用於世有時斯言若夸理實然也皇元混一之初金宋舊儒布列館閣然其文氣高者倔彊下者委靡時見舊習承平日久四方俊彥萃於京師笙鏞相宣風雅迭唱治世之音日益盛矣于時雍虞公方回翔胄監霜臺閒吾黨有識之士見其著作法度謹嚴辭指精覈卽曰他日斯文之任歸之至治天庥公仕顯融文亦優裕一時宗廟朝廷之典冊公卿大夫之碑板咸出公手其自成一大家之言山林之人縫掖之士得其贈言如獲至寶

事酬酢造次天成初無

一毫尙人之意。然其意機用自熟。境趣先生。石逢原。其職故自其外觀之。如深山。穹林。葱蒨。鬱蒨。莫測根柢。鉅野大澤。汪洋澹泊。不爲波濤。試刺其中。則日月之精凝結。歲久皆成金珠。龍虎之氣變化。時至卽爲風雲。孰能窮其妙也哉。太史夏臺劉君伯溫蚤歲鼓篋從公成均。及爲江右肅政使者。近公寓邑。乃哀公文將付諸梓。書來京師。屬元爲敘。惟李漢於昌黎子瞻於廬陵皆能知而能言者。走豈能爲前人役乎。第於公有世契。生平敬慕公之文。呂附著姓名爲幸。又高劉君政事之暇。敦篤風誼如是。遂不敢辭而爲之敘。至正六年二月。

李本後序

至正元年十有一月閩憲幹公使文公之五世孫所來求記屏山書院并徵先生文藁付梓行世本與先生之幼子翁歸及同門之友編輯之得在朝藁二十卷應制錄六卷歸田藁十八卷方外藁六卷蓋先生在朝嘗爲文多不卷藁固已十遺六七歸田之藁閒亦散軼今特就其所有者而錄之所謂泰山一毫芒也先生前代世家曰道德文學繇成均柏臺史館經筵洊歷清要皆承平之日其所著述則國家之典故功臣賢士之遺蹟焉歸僑臨川塵慮消歇日與四方之賓客門人子弟講明道義敷暢詳懇而其緒餘發而爲言深欲闡明儒先之

微曰救末流之失先生之學庶或於此而可見與

元吾蜀郡虞文靖公伯生所著詩文凡四集曰在朝曰應制曰歸田曰方外計五十卷統名曰道園學古錄至正閒公門人夏臺劉伯溫校梓歐陽元爲之序公從孫湛嗣又輯編遺稿十六卷亦越勝國嘉靖嘗刻本鋌則未之見也清興乾隆朝江右崇仁復有梓公集者蓋崇仁爲公寓邑賢士大夫重公高文典策理學經濟故辦香之奉視其鄉人涪翁維謹今案

高宗皇帝四庫全書題詞曰公集薈粹菁華不減廬陵之在北宋揚詡至矣而蜀中坊書反亡其本鋌弱冠計偕北試畱滯都門迺假鈔中祕藏書而讀之其詩汪洋浩瀚若不逮唐鄉人李太白宋之蘇子瞻顧清新之思

超逸之解篇幅已終神味悠然不盡使人之意也遠固未嘗斤二求肖先輩而自成風氣不愧一代大家文則閒架結構擬於孫樵李習之波瀾態度侶又規撫曾南豐王半山唯變化之功差遜迺若於有元國家庠序興廢吏治官方汙隆學術人心誠僞世宇風俗厚薄雖常日應酬率然弄翰下暨鞅掌旅愁栖遲偃仰迷悶無聊病膏憂患之作靡弗三致意焉較厥芝亭五七字襍出於羽士玄虛神仙縹緲不盡根於理者實自有閒又其論學端本濂洛周程堯夫諸賢兆有明三百年制科取士豫符合方今崇儒重道推尊朱子學者恪守傳註大訓遺意則公特識也他如海口屯田之議便於民生校

官資格之非鑒乎士習其洞悉豈務學有本源類如此然則公之文章殆天下名世文章非迂生瞽儒所得而私也嗟乎世恆譏詩文人不學道無實用若伯生者豈不傑然大雅士哉後踰十稔鋌攜其集反華陽入錦官踐層城憑弔公故居第見夫廣術縱橫華屋鱗次飛蓋軒車星馳電瞬衣冠異昔坊表無存頽仰徘徊歎息泣下屈指六百年來鼎禪三朝兵燹攸作故家遺俗掃地盡矣惟是沃壤繁華耆老父兄弟經聖清安宅休養厯年滋多各曰工帖括干祿取科名爲急務一豈讀書種子講求文學治經史豐詞翰固不乏人而二三忠信聰明才智可大副吾聖君賢相保子孫黎民之望

者或猶漸染俗學未能景行前代典型崛然興起印合
文靖之用心爲可惜也。錡不揣愚昧故刊公遺集。呂風
竊幸附於西江社裏人。馨荃我公之末庶幾詩人恭敬
桑梓且諗海內有志爲學者誦詩讀書尙友古人一變
至道不其懿而或者謂西蜀文章之祖揚馬陳李三蘇
而後伯生實爲替人是尙爲方隅曲學盛自標榜其鄉
先生未足曰知我公之大也。道光丁酉秋八月癸巳岷
陽之野後學孫錡譔。

元中六翰大

虞集字伯生蜀郡人宋丞相允文五世孫父汲爲黃岡尉宋亡僑居臨川嘗起爲長沙教授避亂趨嶺表干戈中無書可攜集母楊氏祭酒楊文仲女也口授集論語孟子左氏傳歐蘇文過耳輒成誦比還長沙就外傳始得刻本則已盡讀諸經通大義文仲世曰春秋名家楊氏在室卽通其義故集與弟槃皆受業家庭具有源委左丞董士選除南臺中丞延集主家塾成宗大惠初曰薦授京學教授除國子博士監祭殿上有劉生被酒失儀集請削其籍大臣有爲劉謝者仁宗時在東宮傳諭勿竟其事集言國學禮所自出此而不治何曰爲教竟

移詹事院黜之仁宗益曰爲賢及卽位改太常禮儀院
博士時拜住爲院使閒問禮器祭義集備言先王制作
及古今因革損益之由拜住歎服俄遷集賢修撰因會
議學校集上議曰師道立則善人多學校者士之所受
教曰至於成惠達材者也今天下學官猥曰資格授強
加之諸生上而名之曰師爾有司弗之禮生徒弗之信
於學校無益也如此而望師道之立可乎下州小邑之
士無所見聞父兄所曰導其子弟初無必爲學問之實
意師友之遊從亦莫辨其邪正然則所謂賢才者非自
天降地出安有可望之理哉莫若使守令求經明行修
者身師尊之至誠懇惻曰求之其意化之及庶乎有所

觀感其次則求夫操履近正而不詭異駭俗者確守先
儒經義師說而不敢妄爲奇論者眾所敬服而非鄉愿
之徒者延而致之曰諷誦其言使學者習之入耳著心
曰正其本則他日亦當有所發也其次則取鄉貢至京
師罷歸者其議論文藝猶足聳動人非若泛泛莫知根
柢者矣累除翰林待制兼國史院編修官英宗卽位集
曰憂還江南時拜住爲丞相言於上遣使徵之比趨朝
而拜住已遇害泰定初除國子司業遷秘書少監充禮
部考試官集言於同列曰國家科目之法諸經傳注各
有所主將曰一道惠同風俗非欲使學者專門擅業如
近代五經學究之固陋也聖經深遠非一人之見可盡

試藝之文惟其高者取之不必先有主意若主意先定則求賢之心狹而差自此始矣後再爲考官率持是說故所取每稱得人帝幸上都命集與侍讀學士王結執經曰從自是歲嘗在行俄拜翰林直學士兼祭酒侍經筵嘗因講罷論京師恃東南海運竭民力曰航不測非便乃進議曰京師之東瀕海數千里北極遼海南濱青齊荏葦之場也海潮日至淤爲沃壤宜用浙人之法築堤捍水爲田聽富民欲得官者合其眾分授曰地官定其畔曰爲限能曰萬夫耕者授萬夫之田爲萬夫長千夫百夫如之察其惰者而易之一年勿征也二年勿征也三年視其成按地之高下定其額朝廷曰次漸征之

五年有積蓄命呂官就所儲給呂祿十年佩之符印俾得傳子孫如軍官法則東西民兵數萬可近衛京師外禦島夷遠寬東南海運呂紓疲民遂富民得官之志而獲其用江海游食盜賊之類皆有所歸矣其後海口萬戶之設大畧宗之文宗卽位改奎章閣侍書學士兼職如故嘗呂先世墳墓在吳越者歲久湮沒乞一郡自便帝曰呂爾之才何施不可顧今未可去爾時關中大饑帝問集何呂救對曰承平日久人情晏安有志之士急於近效則怨譴興焉不幸大裁之餘正君子爲治作新之機也若遣一二有仁術知民事者稍寬其禁令使得有所爲隨郡縣擇可用之人因舊民所在定城郭修閭

里治溝洫限畝晦薄征斂招其傷殘老弱漸呂其力治之則遠去而來歸者踵至春耕秋斂皆有所助一二歲閒勿征勿徭封域旣正友望相濟是三代之民將見出於空虛之野矣帝稱善因進曰幸假臣一郡試行此法帝不允有旨諸兼職不過三免集國子祭酒會修經世大典命爲總裁中丞趙世安嘗謂集久居京師且病宜假一外職就醫文宗怒曰一虞伯生汝輩不能容邪閱歲書成旣上進呂曰疾丐解職亦不允時帝方嚮用文學雅重集不聽其去而嫉之者往二摘集文辭指爲譏訕帝皆察知其故不能中傷一日命集草制封乳母夫爲營都王使貴近傳旨其人素忌集謬言制封營國公

集具稟進丞相愕然集知爲所紿卽請易稟終不明言其故凡論薦人材必先器識心所未善不爲牢籠沽譽御史中丞馬祖常嘗出牘求薦光人龔伯璲集曰是子非遠到器恐不得令終乃大拂祖常意後果事敗身戮如集言先是爰權貼睦爾者明宗長子也文宗忌之放之靜江詔書有曰明宗在北時自曰爲非其子蓋集筆也及文寧二帝相繼崩召諸老臣赴上都議所立集與焉祖常使人諷集曰御史有言矣乃謝病歸臨川順帝元統二年召還侍臣有曰舊詔言者帝曰此吾家事豈有彼書生邪時集疾作竟不至屢被旨卽其家撰文褒錫勲舊卒封仁壽郡公諡文靖生平折節下士接後進

雖少賤如敵己當權門赫奕未嘗有所附麗集議中書
正言讜論多見容受屢曰片言出人於濱死亦不自爲
惠家素貧歸老後兼作方外交登門之士相望於道其
束修羔雁之入還供賓客費雖空乏弗恤也早歲與弟
槃闕書堂爲二室書陶淵明邵堯夫詩於壁左曰臨庵
右曰邵庵故世稱邵庵先生有道園學古錄五十卷行
於世

虞文靖公道園全集總目

學古錄詩集三共爲卷八計八百十九篇

道園詩遺藁共爲卷八計七百三篇

學古錄文集四共爲卷四十四計七百四十九篇

道園文遺藁共爲卷十六嗣訪求舊本續刊

虞文靖公道園全集詩目錄

在朝稟四卷卷第一冊

賦四篇

琴操一闋

四言古詩六篇

五言古詩六十篇

在朝稟卷第二冊

七言古詩二十五篇

五言近體詩五十二篇

五言排律詩九篇

在朝稟卷第三冊

七言近體詩一百三十四篇

在朝彙卷第四冊

五言絕句四十八首

雜言二首

七言絕句壹百壹十首

填詞六首

應制彙一卷卷第五冊

古近體詩十六篇

歸田彙三卷卷第一冊 長卷第六

賦一篇

四言古詩四篇

五言古詩四十一篇

七言古詩二十六篇

歸田棗卷第二冊 長卷第七

五言近體詩十九篇

七言近體詩一百二十三篇

歸田棗卷第三冊 長卷第八

五言絕句十二首

七言絕句壹百二十首

填詞六首

共計八百壹十九首

虞文靖公集

虞文靖公道園全集詩目錄

岷陽鵞溪村舍
景熙元本重刊

虞文靖公道園全集卷一

在朝橐

賦

別知賦送袁伯長

余忽忽處此之無故兮、幾偃蹇以自窮、誓斂裳以遐征、
兮抗九霄之雲龍、頰三辰而徘徊兮、遲後古以爲期、何
夫子之俚俚兮、亦踉蹌而在茲、吁嗟乎世惠之浩浩兮、
恥謂人以不賢、陳佩玉於交逵兮、被涂輿以瑤環、設厚
顏之鬱沈兮、孰敢卽問乎津涯、發疾叫於咽隘兮、眾披
靡而莫支、夫治倡之狐惑兮、豈不足於內揆、顧西子之
蓬垢兮、益返忌乎醜夷、惟前聖之無悶兮、老氏亦貴夫

知希顧涼薄之多懲兮猶慷慨而尙辭予固將去此而
無悔兮念夫子之與我曰進予以不及兮又證予以其
可予嘗究往來之爲道兮論因革之爲權莫或知其瓠
落兮子獨謂其固然庶久要以自輔兮克有聞以時行
忽先我而南驚兮殆若爲乎予情迺歌以送之曰長江
渾渾兮春汎綠波白日耿耿兮擊楫爲歌天薄我賦兮
非以病我吁嗟兮昔之盛者何其多

古劍賦

吳季有劍古所服兮先時利行後伏匿兮歷世十百神
物來兮精英上浮久乃識兮截截庚庚玉理側兮質化
光泯黜正黑兮匡視白日澹斂色兮燧人司金石水泐

兮終古不磨奇雄特兮勿褻勿試靈具戒兮鬼目睒睒
頭鬢鬢兮竊擬窺之目造慝兮靈怒殛女不女貸兮神
宮無人帝湛默兮季冠如山采衣翼兮長身好修又正
直兮稱是容佩有加飾兮魚室珠襖雜文織兮虞於帝
傍順降陟兮握奇中運授神職兮旋陽制陰物不忒兮
辟卻百非五兵息兮大宰不劇完以爲惠兮變窮於傳
墳無極兮

畫枯木賦

夫誰畫此枯樹兮臨不食之散泉旣偃蹇又嚙食兮骨
岸岸以弗妍想執筆以極思忽機釋而神旋遺眾壤於
甃有勒不毀之所全或聖去於斤運或石泐於溜穿滄

無用以如晦、悅嘆規而能圓、澹黜乎其既失、旋蒼然而在前、命以物而不可就、春秋而論年、噫吁嘻、被草以毛、膏慮用丹、皆爲流眩、頤常注次、獨何爲托寂寞於無意、而刻畫其不傳、

木齋賦

奎章閣藝文監秀才方積昔在匡廬讀書羣木之間、謂之木齋、予愛其高秀而賦之、其辭曰、

夫何碑斲以嵯峨、我兮據積水而鬱盤、有梗枿與豫章兮、翳松柏之凡凡、攬芳草之盈庭兮、聽呦呦之鳴鹿、濯予纓於滄浪兮、沐予髮乎飛瀑、予潔清以有待兮、歎望之而彌高、絳余驂以弗馳兮、氣綿薄而心勞、感春物之芳

芑兮又晚實之不食更千歲其未已兮退自修乎茲室

操

思魯琴操

龜山之陰陰兮有雲垂天。河目而海口兮將見其人。望之彌尊兮卽之彌親。大音寥寥兮中信而真。

古詩四言

味經堂詩

原序

國子祭酒魯公伯子翬父作味經堂自爲記以勗其子遠公嘗命遠從余遊故賦此詩

維昔元聖有子過庭學禮學詩。詔之叮嚀面牆之室。繇不知味親能使學不能使嗜。觀於惠容聽於惠音。詠歌

周旋實悅我心。邈乎千載。聖往言在。舍而不求。匪罔斯
殆。畏友輩父。窮經篤行。既有諸躬。思貽厥後。既蓄既畚。
俾稼之食。既畋既漁。俾鼎之實。作堂高明。日子遠來。吾
經在茲。遠其味之。始子虛羸。匍匐來食。茹草飲水。以禦
朝夕。窮人得歸。自我父師。俛焉斯文。老至不知。煌煌靈
芝。如彼嘉玉。薄言采之。在彼中谷。南陽之人。來詹來言。
君子豈弟。宜其後昆。

題宋誠甫侍郎垂綸亭

岷源建高。駛無游舫。漢曾其委。安流滔滔。爰有君子。
垂綸其下。雖不得魚。意甚閒暇。援藟引楫。至於中沱。
蔭樹以休。悠悠永歌。逝波沄沄。不轉維石。樂茲忘憂。

矢言不食。烝然雲興。風舉以高。馳翔中天。遺景九皋。
水其落矣。魚亦潛渚。睠言夙好。除於風雨。風吹衣
裳。彼爲栖栖。行吟望子。實勞我思。山有榛栗。河有魴
鯉。豈其飲泉。必洽之美。君子冠純。秩秩大經。洞有清
酌。可以濯纓。

高彥敬青山白雲圖

兩岸之間。曾不容舫。白雲悠悠。與山俱高。

趙忠簡公祠堂詩

至順三年春。解州聞喜縣學用禮部符祠其鄉
先生故宋丞相趙忠簡公公六世孫國子博士
箕翁求虞集作迎送神詩

山河邈悠。宗國爲虛。騎箕來歸。懷此故都。鳴臯在樹。飢
鱷在渚。閼宮不存。公食無所。董澤之陂。有蒲與荷。子孫
具來。式燕以歌。瞻彼洛矣。其水泱泱。斯文在茲。俾也可
忘。原注秦檜既貶趙公於海南。隨使人逼殺之。公臨終。忘從所寓寺僧索素帛一方。書其上云。身騎箕尾歸天。上氣作山河壯本。以付寺僧而絕。聞言之董澤公鄉也。

賦衛節婦王夫人

汎汎淇水。岸有佳竹。閨門嚴嚴。樂爾貞獨。汎汎淇流。岸
有松舟。閨門閒閒。樂爾貞幽。汎汎淇右。有堂孔阜。娟娟
貞幽。肅肅眉壽。淇原有泉。可濯可沿。亨鬻勺尊。樂爾高
年。高年樂止。亦有孫子。式歌衛風。以告國史。

題學易齋

曰注其人將詣孔陵

惟學易。君子慎其齋居。動息有存。起處是於。奇耦玩畫。方員視圖。晝循靜始。夜根動初。罔不在中。日居月諸。乃秉元化。以時盈虛。其惟元聖。啟我後愚。載瞻巍巍。魯陵鬱如。

古詩五言

諼草生竹閒

諼草生竹閒。翠色相綢繆。美人欣有託。君子故忘憂。昔聞有鳴鳳。飲水來丹邱。不食眾木實。樂只淇園秋。

高竹臨水上

高竹臨水上。幽花在崖陰。以彼貞女姿。當此君子心。春陽不自媚。夕露忽已深。湘妃昔鼓瑟。悵望蒼梧岑。

月出古城東

月出古城東。海氣浮空濛。車騎各已息。宮闕何穹窿。牧馬草上露。吹笳沙際風。帳中忽聞雁。傳令發雕弓。

翁方綱曰勁氣已實景出之

書上京國子監壁

神京極高寒。幽居了晨夜。雷風無時發。靈雨每飄灑。炎光不到地。蕭爽度長夏。大化漠無宰。豈必事陶冶。揚雄不曉事。守道栖栖者。玄經百無徵。白髮謾盈把。

至治壬戌八月十五日榆林對月

日落次榆林。東望待月出。大星何煜煜。芒角在昂畢。草樹風不起。蛩螭絕啁唧。天高露如霜。客子衣盡白。羸驂

斷餘棧。菱婦泣幽室。行吟毛骨寒。坐見河漢沒。驛人告
晨征。瞳瞳曙光發。

憶三十年前與元復初參政同賦秋日梨花元
有句云朝食葉底梨莫看枝上花而忘其後句
因續之云

朝食葉底梨。莫看枝上花。花開食實後。霜風振長柯。遠
水良可鑒。彩雲亦易過。念爾白於雪。日莫當如何。

李老谷

十轉山嶠交。九度沙磧漚。始辭平漠曠。少接山木秀。老
病畏行役。慰藉得良覲。秋嶺晚更妍。寒花晝如繡。故園
夫如何。朝陽炫霜袖。

泰定甲子上京有感次韻馬伯庸待制

翰音迎日轂。儀羽集雲路。寂寞耽書閣。老大長郎署。爲山望成岑。織錦待盈度。我行起視夜。星漢非故處。

賦水木清華亭

中流泛蘭楫。望彼嘉樹林。落日蕩野水。浮雲生夕陰。游魚戀芳藻。好鳥鳴幽岑。爲樂恐易老。吾將脫朝簪。

天庥戊辰前續詠貧士一首

目昏畏附火。枯坐寒窗中。破褐著絮重。虛豆兼冰崇。病骨於此時。浮屠屹撐空。呼兒檢餘麻。計日待春風。雖欣解凍近。翻驚紀年窮。貰酒欲自廣。無錢似陶翁。

又一首答舍弟見和

蜀侯昔罹憂。嶺海萬死中。詩書庶不泯。焉思祿位崇。爾來五十年。所以四壁空。涉世惟信道。卓然立頽風。漫仕非我能。偶貧豈人窮。深耕定有獲。歸嘆兩衰翁。

後續詠貧士四首

老骨寒不寐。夜長况聞風。心悸危欲折。跼蹐敗絮中。雞鳴當晨餐。馬疥芻不充。山童衣白鶉。喚之愧慙。求火掃木葉。庭樹亦已空。掘起不敢怠。曙光屋南東。苟遂牛馬性。歸放春草豐。

歸蜀越關隴。棧閣危登天。適越河濟隔。堰水丈尺閒。飢寒迫旦暮。舟車計茫然。東家有一叟。欲去初不言。早朝聽詔畢。喚馬闐闔前。童奴受宿戒。向暖爭相先。聞之瞋

兒子我何爲汝牽。屢無千金賈。吾足安暇憐。

爲政貴察色。讀書在研覃。司視旣不明。兩者無一堪。尙不追吏責。爲師固宜慚。聖世無棄物。况茲久朝簪。決去豈我志。知止亦所諳。頗聞南山下。菊根浸寒潭。濯餌干日期。冰臚復清函。老馬果識道。更服鹽車駢。天風夕號怒。勝想殊清妍。探架得古書。前日手所編。奈何視茫茫。字若萬蟻緣。精意成寂寞。惆悵還棄捐。於惟仲尼衰。清夢不復然。小子未聞道。何以卒歲年。

觀花有感

掛巾花樹枝。酌酒花樹下。風吹巾上塵。花落手中罌。清唱起相壽。母遽且聊暇。流光急去人。莫怪秉燭者。

鐫按李太

白桃李園記古人秉
燭夜游良有以也

赤城館

雷起龍門山雨洒赤城觀蕭騷山木高浩蕩塵路斷魚
龍喜新波燕雀集虛幔開戶微風興倚杖眾雲散

錡曰翁覃溪曰此方是不著一字儘得風流其傾倒
此詩也至矣

同閣學士賦金鴨燒香

黃金鑄爲鴨焚蘭夕殿中窈窕轉斜月逶迤動微風綺
席列珠樹華鐙連玉虹無眠待顧問不知清夜終

退直同柯敬仲博士賦

月下白玉階露生黃金井疏條栖鵲寒衰蕙流螢冷戀

關感時康。懷歸覺宵永。晨鐘禁中來。白髮聊自整。

送良上人賦得井上桐

桐陰秋轉薄。井氣曉爲霜。交柯舞幽鏡。墮葉響鳴璫。高巢翠羽下。澄水玉虬藏。上人從定出。行吟繞石牀。

送吳子高

懷寶獻京國。悼亡還獨歸。日落雲中樹。風吹江上衣。湘靈瑟在席。織女石支機。遠道多寂寞。強飯勿相違。

于仲元舍賦紅梅

白雪不成夜。丹霞遂崇朝。妙質承日映。飛英向風飄。醉來紅袖近。歌罷綵雲消。揚州問何遜。何似董嬌嬈。

寄題新治亭

窈窕冶亭莫。蕭條江南秋。汎覽山河外。張樂鳳凰邱。公
子飛翠蓋。美人回綵舟。從茲至黃髮。樂哉以忘憂。

題儋耳東坡載酒堂二首

翳二儋耳城。歷二桄榔樹。百年遺故邱。新堂設賓阼。清
風海上來。朝陽在庭戶。丹山五色鳳。覽惠屢來顧。甘心
熟桂酒。羅列襍諸預。苜蓿多孫子。食飲祭先具。蛟龍波
浪深。歸來風雨遽。

鑿井得甘泉。渴者恆自私。流潤不擇地。委順復何疑。海
南絕風雨。水木况華滋。鄰舍解讀書。諸生還誦詩。何必
懷故鄉。且樂聊在茲。星河度白鶴。山月懸峨眉。來晚去
何速。勞人千載思。

鎡曰長公在昔人皆惡之今也人皆思之能抑其惡而揭其所由思則可以自立並可以識伯生此詩之旨矣

盜發亞父冢

自注彭城有盜識寶氣于冢上發之得一劍也

盜發亞父冢寶劍實累之冢開寶氣盡獄吏書盜詞盜言惟見寶焉知亞父誰項王不寶善弟子遂與凡黃腸下深錮千歲復何爲大河繞城東落日耀城西過客立城下踟躕望安期

應制題王拙畫吳王納涼圖

雨過太湖上風生響屨廊紅綃拂几席白紵製衣裳朱光淪厚地明月在高堂何以保玉體長年樂未央

步虛詞四首

步虛長松下。流響白雲閒。華星列燿火。明月懸佩環。肅
然降靈氣。穆若愉妙顏。竹宮憺清夜。望拜久乃還。
稽首望太霞。離羅間層霄。綢繆結冲氣。要眇出空謠。前
參千景精。後引務猷輶。攝衣上白鶴。招搖事晨朝。
朱光出東海。高臺迎赫。六龍獻陽燧。九鳳保金支。鍊
丹軒轅鼎。濯景崑崙池。拜賜冰玉佩。元洲共遨嬉。
學仙淮南王。問道劉更生。三年鍊神丹。九載凌上清。日
月作環佩。雲霓爲旒旌。回首召司命。靈雨灑蓬瀛。

題商學士畫

方士好服食。商山多紫芝。采之長松下。濯以清澗漪。蒼

涼百里內。秦皇都不知。駕舟載男女。築宮東海涯。

贈藝監小吏

廣術何迢。榆槐蔭蔽之。鼓鐘晨莫起。車馬中間馳。此有發居者。閉戶教孤兒。十歲學文史。十五從吏師。丹青出天性。落筆有令姿。藝監取材伎。小大無一遺。署兒筦庫下。祿薄不足爲。手持一束書。求以慰母思。告兒勿薄吏。公卿出白茲。請看孟氏里。軻母自有福。

記子昂畫

春風動蘭葉。庭戶光陸離。言收竹上露。石角掛練衣。車行不擇路。茅苴何楚。遊子憺忘歸。徘徊歲云莫。

送西臺治書仇公哲

陝郊得時雨。生意始來復。存者事稼穡。還者葺牆屋。安知凋瘵餘。政可致新福。闢除正廣術。區井表深瀆。均齊定恆志。忠厚保敦篤。豈無憂世士。受仕在芻牧。爲義苦多違。好名常不足。治書肅將指。善類庶有勛。

送張道士歸上清

白雲盱水上。自古多仙人。手攜綠玉杖。頭戴白綸巾。袖中出風雨。天上禮星辰。歸來庭戶靜。芳草自生春。

日出行

日出上城府。日莫當蚤歸。城門已擊柝。出郭何焉依。下馬投館人。空垣月當扉。涼風振庭樹。巢鳥屢驚飛。起坐搔白髮。忽如霜草稀。周公不復夢。仲尼故霑衣。老萊有

孺色傳聞惟食薇。求之事已晚。徘徊行道微。

贈治冠者

車馬入隘巷。言尋治冠師。反關不受客。高坐哦風詩。布衣不掩脛。晝食甘藿藜。冠成動經歲。不售亦不辭。我好文章。把筆無不爲。愧爾爰寂寞。慎與當自茲。

贈寫真佟士明

佟郎居上京。閱人如風花。拈筆寫其似。千歲畱英華。邇來七十年。將相紛在目。來者有如此。往者那可續。昔我初北遊。面白鬢如鴉。點染煩粉墨。華星映丹霞。今如雪中松。苦硬雜蒼白。卻視當年容。邈如不相識。不識當如何。臨風且長歌。黃雲接河漢。白雪漫坡陀。乞身願歸老。

吳蜀山總好。贈君千黛螺。翠色秋可掃。

寄陳眾仲助教上都

學省足清書。詞垣驚蚤秋。美人隔河漢。落月在高樓。持衣未成曲。吹笛不勝愁。還趨鳩鵲觀。別製鸛鷀裘。

贈鐵菴道者二首

昔遊雲臺觀。山色上衣青。松花春雨落。柳葉秋露零。飢來煮白石。睡起看黃庭。人間忽已老。莫問少微星。海上別妻子。山中求茯苓。白虎戲元渚。蒼龍護黃局。燒香招五老。行廚庖六丁。從子似非遠。丹霞粲華星。

題商憲符華山圖

昔祠雲臺館。行穿御階柏。夕陰嵐氣深。重碧照行客。獨

訪張超谷。漸覺巖險迫。冰生玉井頭。日射仙掌側。豈無鐵鎖懸。翻身若飛鶻。恐煩華陰令。不奈昌黎伯。王事況有程。車馬何忽。流觀終南山。周覽天府國。爾來十七年。欲往不再得。山河想邈悠。傷殘轉蕭索。摩挲商老圖。彷彿希夷宅。高哉蓮華峯。白雲澹秋色。

寄幻菴主者

朝遊武夷麓。莫入匡廬岑。放舟臨野水。采藥過幽林。清泉磨寶劍。磐石鼓瑤琴。臘月歸溪上。還作蚤春吟。

賦茅山道士雲松巢

昔年李太白。廬山思結巢。褰雲自天上。和鶴止松梢。道士涵閒遠。高居古大茅。誦經門臥虎。看劍石眠蛟。飛步

脫冕舄長吟吹鳳匏。九江攬秀色。許爾作神交。

酬上清道士鈔陰何詩

殘雪松上落。輕冰硯裏生。寫詩過夜半。欹枕又天明。少陵愛何遜。太白似陰鏗。不愁勞弱翰。亦足助高情。

題李漑之學士白雲半閒

山中多白雲。何由到城邑。招之恐不來。欲攬遽無迹。栖檐候晨光。納牖作秋色。用冲不爲盈。常住寧若客。分張任蒼松。散落還白石。日照香鑪峯。隱身仙掌側。有恩封一鄉。與子當共食。

題浴日觀

煌煌赤老烏。三浴乃出海。波濤始晃漾。宇宙破冥昧。西

登泰華顛東望方丈外稽首希夷翁今晨良慶會

爲范尊師賦雲林清遊

大茅千仞下結屋三四楹雲林戶牖潤鶴去海天平坐
上發長嘯人間聞玉笙斲苓春霧重煮朮晚烟輕綠室
噓丹氣蒼崖受日精樵遺伐木斧眞降引霓旌九鼎金
還就千齡樹不傾問誰解居此云是范長生

吹笛圖

白雲悠二去長松披高邱匡坐吹笛人似是馬督郵飛
鴻遺哀響幽泉發春流女樂亦何有道遙以忘憂

送甘以禮調官歸鄉

甘君有良材於政無不宜白頭郡縣下尙覺非所施奈

何筦虛宬而可紂吏師。豈直名吏師。積學本書詩。高情
抗浮雲。廉節濯清漪。君子安所遇。固無喜愠辭。嗟我忝
從官。簪筆恆殿帷。竟無國士薦。徒稱故舊知。晚歲向田
里。藜杖相追隨。尊酒曰怡老。未爲負明時。

送李彥方閩憲

原序

文監李公彥方出貳閩憲同朝羣公皆賦詩以
爲贈彥方屢擢臺職激揚之宜有不待予言者
適有一事深有感於愚衷先正魯國許文正公
實表章程朱之學曰佐至元之治天下人心風
俗之所係不可誣也近日晚學小子不肯細心
讀書窮理妄引陸子靜之說以自欺自棄至欲

移易論語章句直斥程朱之說爲非此亦非有
見於陸氏者也特呂文其猖狂不學呂欺人而
已此在王制之必不容者也閩中自中立之歸
已有道南之歎仲素愿中至於元晦端緒明白
皆在閩中不能不於彥方之行發之去一賊吏
治一弊政不如此一事有呂正人心儒者之能
事也集臥病而目眚爰掘起書此云

七閩去天遠顛連苦無告牧人受深寄昧者覆爲暴犀
象雜金貝飢渴劇飮膏大言相鄙夷饜奪心自恣豈無
循廉吏實病黑白撓聰明屬旒黠聽瑩資所到李侯金
閩彥圖史擅讐校晨聞大夫奏夕理武夷棹君子慎修

職。寧適豐廩。稍蕉荔甘多毒。薑桂老堪芼。所懷延平翁。
揚休似明道。授受有源委。精微足深討。言立聖如在表。
正患可造。師匠久不興。真妄如枘鑿。云何誚支離。肆誕
長凶傲。異言古所誅。末學足深悼。閩雖在海隅。前聞此
淵奧。正訟從簡編。良俗宜善導。贈言不及它。持此永爲
好。

題鄭秀才隱居

陶翁昔好菊。荒徑不暇鋤。素琴初無絃。名酒亦屢虛。雖
有五男子。俱不解讀書。淒涼千載下。高名將焉如。不如
鬼谷洞。鄭子樂有餘。種菊曰爲田。二中更爲廬。善藥不
二價。詠觴送居諸。有興揮五絃。涼風在庭除。時來青田

鶴亦出濠梁魚。昨者遊京師。侯門曳華裾。捧檄忽一喜。
翩然告歸與。芳蒲采甘露。玉漿釀清醕。老父坐堂上。稚
子具籃輿。晨遊南山陲。暮濯清水渠。席閒撫猗蘭。房中
詠關雎。曰此得高壽。何必南陽居。

題朱邱竹木

猗二淇園竹。結根磐石安。枝幹相扶持。風雨不可毛。其
實鳳所食。君子思保完。恆恐聲影疏。蕭條霜露寒。金玉
慎高節。千載承清歡。

詠史

軒后邈已遠。漢武亦雄哉。荒忽九州外。百年過煙埃。變
化庶長久。臨海築層臺。黃金靡鏤飾。喬林摧長材。樂通

竟先死。孫卿殊未回。不知作者意。空令來者哀。奉盤泣
繁露。馳道殷奔雷。志氣昔所在。風雲恆往來。

畫古木

荒郊臥蒼苔。蛟龍在其上。不知風雨來。垂影一千丈。後
主撥鐙法。江南久寂寥。空令沒骨畫。容易媚中朝。

賦蘇伯修滋溪書堂

滋源恆伏流。春雨川迺盈。林疇廣敷潤。草木俱繁榮。臨
深見遊鯈。仰喬有鳴鶯。君子樂在斯。齋居托令名。積學
抱沈默。時至有攸行。抽簡魯史存。采詩商頌并。禹穴追
馬公。湘江歌屈生。紉蘭不盈握。伐木有餘情。浩然欲浮
海。歸興還濯清。方舟我爲楫。白髮愧垂纓。

題薛外史瓊林臺

高臺積方石。瓊林樹交柯。晨光眩白雪。夕景纏紫蘿。每聞樵子唱。恐是仙人過。塵世在足下。豈能聞笑歌。過海祇騎鶴。開池還養鵝。外史政瀟灑。大白焉足多。

送張兵部孟功巡河分題得屋上烏

花發上陽春。門開未央曙。城柝起羣栖。流光散朝羽。息影頻近檐。結巢願當戶。轆轤轉金井。終日灌嘉樹。

錡曰。翁覃溪謂讀伯生詩全要識得句外之句。愚謂讀伯生詩須先識得意中之意。則句外之句可得而解。如右二詩是矣。

題彭澤陶氏家譜

白甓在戶外。五柳當門前。燕去王謝宅。人依墟里烟。述
意尚千載。人情猶昔年。已安遺子孫。高哉爲世賢。

道園詩集卷第一

虞文靖公道園全集卷二

在朝橐二

古詩七言

賦洛川老人九十

洛川老人年九十。須眉如畫身玉立。錦袍金帶方烏巾。
手挽彊弓無決拾。八月平原秋氣高。聞有狡獸依蓬蒿。
清晨上馬薄暮返。累騎毛血懸鞵橐。身是前朝將家子。
生逢太平百無事。都將英氣化高年。何物小兒堪指使。
太守上言朝有恩。束帛養羊兼上尊。洛川老人過百歲。
擊壤爲歌傳子孫。

張令鹿門圖

外

張侯襄陽人。深知襄陽樂。十年宦學懷襄陽。故托豪傑
寫山郭。老我不樂思蜀都。人言嵩陽好隱居。三十六峯
常對面。水竹田廬還可圖。欲往不能心慄慄。忽見新圖
被山惱。沙禽浦樹俱可人。金澗石牀爲誰好。向來耆舊
皆英雄。駕言從之道焉從。弄珠月冷識遊女。沈劍潭深
知臥龍。八月霜晴水清淺。聞道扁舟足迴轉。何時古寺
傍檀溪。幾處殘碑在江峴。呼鷹臺高秋草多。養魚池中
蓮芡坡。蜀嵩未必不如此。我今不遊奈老何。張侯張侯
早結屋。莫待史詹爲君卜。要看壠上課兒耕。好在魚梁
白沙曲。

子昂畫馬

憶昔從公侍書殿。天閑過目如飛電。池邊儘有吮毫人。
神駿誰能誇獨擅。公今騎鯨隘九州。人間空復看驂驪。
惟應馭氣可相逐。黃竹雪深千萬秋。

鎮曰卽從杜陵丹青引化出而運法用意又自各別。
所曰可貴。

湛湛行

湛二天宇立。日黝星白如銀。垂近人。牛羊散漫草多露。
大帳中野傍無隣。去年八月羽書急。婦女上馬小兒泣。
今年八月天子來。身屬橐鞬月中立。

家兄孟修父輸賦南還

大兄五月來作客。八年不見頭總白。五人兄弟四人在。

每憶中郎淚霑臆。我家蜀西忠孝門。無田無宅惟書存。
兄雖筦庫實父蔭。弟竊微祿承君恩。文章不如仲氏姪。
叔氏最少今亦老。五郎十歲未知學。嗟我何爲長遠道。
諸兒讀書俱不多。又不力耕知奈何。憂來每得二三友。
看花把酒臨風哦。蜀山嵯峨歸未得。盤二先壠臨川側。
碧梧翠竹手所移。應與青松各千尺。南風吹雪河始冰。
兄歸烏帽成都城。明年乞身向天子。共讀父書歌太平。
翁覃溪曰。此詩好處全在脫去修飾。

鏢曰。藹然孝子悌弟之音。

子昂墨竹

吳興畫竹不欲工。腕指所至生秋風。古來篆籀法已絕。

止有木葉雕蠶蟲。黃金錯刀交屈鐵。大陰作雨山石裂。
蛟龍起陸眞宰愁。雲暗蒼梧泣湘血。吳興之竹乃非竹。
吳興昔年面如玉。波濤浩蕩江海空。落月年二照秋屋。
孫澍曰是題子昂畫竹移綴他人不得。

商憲符畫幽篁古木

湘君宮在洞庭湖。幽篁古木龍所都。石壇雨長碧苔蘚。
水屋風動青珊瑚。老人欹枕看螻蟻。嫠婦停舟聽鷓鴣。
江南蜀道問來往。商公商公今有無。

吳郡陸友仁得白玉方印其文曰衛青臨川王
順伯定曰爲漢物求賦此詩

將軍人奴公主時。豈意刻玉爲名章。珠襦已隨黃土化。

此物還同金雁翔。軍中只識長平侯。西風木葉茂陵秋。
人生卑微何可忽。碌二姓名誰見收。

鎮曰、一結無限感慨。恰又收到起二句章法完密。妙在無意掉轉。

爲達兼善御史題墨竹

蜀道荒涼多古木。篋管千尺相因依。小年慣見今白髮。
杜宇夜啼愁不歸。老可嘗作陵川守。古墨蛟龍多入手。
春雷每恐破壁飛。神鼎空令夔魅走。丹邱越人不到蜀。
修葉何以能縱橫。內府人家爛熳寫。使可見之心亦驚。
江南御史龍頭客。暫別那能不相憶。知君深識篆籀文。
故作寒泉溜崖石。

畫鶴

薛公少保昔畫鶴。毛羽蕭條向寥廓。通泉縣壁久微茫。
故物都非只城郭。長鳴濶步貌閒暇。解寫高情亦奇作。
田中芝草日應長。石上松花晚猶落。赤壁江深孤月小。
雲野迴秋霄薄。羣帝相從絳節朝。八公許製黃金藥。
誤嬰塵網跡易迷。移召中州命如昨。借懸素壁憶眞侶。
忽有微風動林壑。碧虛寥二積雪高。直過嘯臺絕栖泊。

題畫

棠梨生竹閒。牽牛引蔓相因依。晨華墜露天水碧。斷蘇
絡石爛斑衣。鷓鴣蹋枝歲將莫。蟋蟀在戶人當歸。蕭條
落墨人間稀。蕭條落墨人間稀。

寫廬山圖上

憶昔繫船桑落洲。洲前五老當船頭。風吹雲氣彌谷起。霜墮楓葉令人愁。高人祇在第九疊。大白一去三千秋。石橋二客如有待。裹茶試泉春岩幽。

題旦景初僉司畫

旦公山堂城東南。畫圖古檜何甃。城中無山有山癖。直藉毫墨窮幽探。旦公彈琴古檜下。鬱二窗戶生晴嵐。春雨時來鶴鳴谷。秋聲夜作龍吟潭。先皇晝坐羣玉府。內使趣召飛雙驂。畢宏韋偃出中秋。營邱北苑開滕緘。是時旦公主舒卷。一二文士相交參。旦公歸來坐成想。亦頗拈筆爲梗枿。伯熙奉詔每有作。礪礪相並將無慚。

嗟予懷歸亦已久。摩挲老目百不堪。山中豈乏真偃蹇。
可容白髮抽朝簪。

題柯敬仲畫

予先世居隆州。州治之後山石室翁守郡時。隆
爲陵州州事。簡時來就吾家。拾故紙背作茅蘭
竹木之屬。所得頗多。吾幼時尙收得數紙。今亦
亡之。丹邱生用文法作竹木。而坡石過之。近又
呂新憲作墨花甚妙。從子悅有眉山學官之行。
邱爲作此予愛而賦之。

昔者老可守陵州。守居北山吾故邱。太守時來看山雨。
每畫紙背成滄洲。老蒲松烟色過重。揮霍陰崖交劍矛。

百年離亂亡故物。敝篋江南誰復收。新圖篋管枝葉修。
使我不樂思昔侯。碧雞祠前杜鵑叫。玉女井上叢篁幽。
棠梨樹高青子落。碧花翠蔓縈牽牛。揚雄無家不歸老。
蠨蛸蟋蟀寒相求。丹邱先生東海客。何由見我空山秋。
蕭條破墨作清潤。殘質刊落精英畱。陂陁重複分細草。
山石縈紆生亂流。眉山學官莫厭洽。言歸故鄉非遠遊。
石田茅屋倘可得。萬里欲上東吳舟。百花潭深濯新錦。
持報呂比珊瑚鉤。

鎮曰、因畫而懷故居、一官沈滯、幽憂條歎、如卽於楮
墨、此題畫聖法、杜陵老人后、知此法者、惟蘇長公而
已、不圖伯生又闢其奧、

白翎雀歌

烏桓城下白翎雀。雌雄相呼。以爲樂。平沙無樹托營巢。
八月雪深黃草薄。君不見舊時飛燕在昭陽。沈二宮殿。
鎖鴛鴦。夫容露冷秋宵永。芍藥風暄春晝長。

敬仲畫扇

松根茯苓如石髓。服食令人壽千歲。子欲求之觀此圖。
老身偃蹇枝扶疏。長鑱燐火新雨霽。羽人丹邱期不至。
却剪蒼筤崖石閒。吹作龍吟秋滿山。

翁方綱曰。至精語。以平調出之。

題簡生畫澗松

簡生與我皆蜀人。畱滯東南凡幾春。每拂齊紈作山水。

使我感慨懷峨岷如此長身兩松樹滿谷悲風散陰霧
雌雄如劍變爲龍鱗鬣齊成擘崖去秘閣嘗觀韋偃圖
蒼潤雄深世所無默識形神出模畫把筆莽蒼增嗟吁
玉堂寶書本同館官府旣分難復見摩挲新墨慰衰朽
鬢雪飄蕭數開卷昔我樵牧青城山坐起政在雙樹間
當時簡生若相見應并寫此聽潺湲劉郎集賢好賓客
好著幽窗對晴碧凌雲爲我哦七言有鶴飛來破秋色

題李受益承旨作東平章萬戶繼志堂後

將軍腰閒黃金符父兄功成百戰餘太平不復事弓馬
秋雨高堂聞讀書門有喬松墓有草永言思之願終保
幙中賓客誰屬文東魯儒生國元老

題柯博士畫

礪頭風急潮水長。蒹葭蒼二繫魚榜。青山一髮是江南。
白頭不歸神獨往。幽篁繞屋茅覆簷。木葉脫落秋滿簾。
買魚沽酒待明月。定是黃州蘇子瞻。子瞻文章世希有。
謫向江波動星斗。夜投斷岸發清嘯。栖鶻驚飛怒蛟吼。
圖中風景偶相似。欣然揮洒春雲開。子瞻應是念鄉里。
還化江東孤鶴來。

題高彥敬尚書趙子昂承旨共畫一軸爲戶部
楊侍郎作

不見湖州三百年。高公尚書生古燕。西湖醉歸寫古木。
吳興爲補幽篁妍。國朝名筆誰第一。尚書醉後妙無敵。

老蛟欲起風雨來星墜天河化爲石趙公自是真天人
獨與尙書情最親高懷古誼兩相得慘澹酬酢皆天真
侍郎得此自京國使我觀之三歎息今人何必非古人
淪落文章付陳迹

題灤陽胡氏雪溪卷

原序

去年予與侍御史馬公同被召出居庸未盡東
折入馬家甕望縉山度龍門百折之水登色澤
嶺過墨谷至于沙嶺乃還道中奇峯秀石雜巨
嘉木香草黃鳥皆有聲予二人按轡徐行相謂
頗似越中但非扁舟耳適雨過流潦如檻泉則
亦不甚相遠郭熙畫記言畫山水數百里閒必

有精神聚處乃足記散地不足書此曲折有可
觀但不令郭生見之灤陽胡太祝乃曰雪溪自
號豈所見與予二人同乎然灤水未秋冰已堅
尋常已不可舟況雪時邪當具溪意云耳因爲
賦詩云

積雪平沙陰山道射虎殘年不知老豈識船如天上坐
翠竹爲帷樹爲葆昔乞鏡湖苦不早白髮如絲照清潦
它年此地若相逢應著漁簑脫貂帽

題楊友直檢校所藏李營邱枯木圖

老龍出海蒼髯鬚營邱枯木天下無同枝屈鐵墮崖雪
澗底應拾青珊瑚明堂清廟要梁棟朔風吹沙澤腹凍

老身不用嘆遲莫。按圖來求萬鈞重。

題詹圃老梅圖

鄉人共識古梅樹。移植詹亭仍百年。計時當生宣政前。
僻遠幸遺花石船。昔僑寶唐尋故物。石樓嵯峨白沙白。
陵陽慈竹樂公移。根節相扶俱遠客。此樹乃在鄰邑閒。
看花食實真足閒。人言支離故多壽。我意培植茲惟艱。
華蓋高人世師表。爲爾賦詩歌窈窕。詹家孫子多讀書。
早晚春雷化龍矯。

酬蕭侯送蒲萄

蕭侯昔致蒲萄苗。山童不灌三日焦。宛西上品復親致。
手種窗南自澆水。一月當生一尺長。移向江頭薜荔牆。

秋深雨足馬乳重。舉囊石壓青霞漿。是時蕭侯當走馬。
來訪衰翁茅屋下。酒酣舞劍傾一尊。不信金盤露如瀉。

題袞塵騶圖

驂騶食粟石每既。立仗歸來汗如洗。脫羈展轉聊自恣。
落花塵土隨身起。君不見春雷起蟄龍欠伸。霧擁雲蒸
九河水。

律詩五言

林皋亭

九月天氣肅。鶴鳴在林陰。使君敬好客。來者總能吟。紅
樹秋山近。黃華夕露深。隣翁八九十。有酒卽相尋。

題子昂長江疊嶂圖

昔者長江險。能生白髮哀。百年經濟盡。日畫圖開。僧
寺依稀在。漁舟浩蕩回。蕭條數根樹。時有海潮來。
錡曰。趙王孫如可作也。讀此詩能無淚下。

挽胡伯恭令尹二首

二十南陵簿。才名舅氏同。千金劍客散。一棹酒船空。朱
紱垂循吏。安輿已病翁。神明盡今日。嘆惋漫羣公。
病起思歸日。齋居臥治時。抱孫方在膝。反席遽如遺。江
路牽愁遠。坊門望到遲。遙憐賢弟哭。未忍老親知。

題雪谷曉行圖

蹋雪度嶙峋。霜髯跨玉麟。前瞻那有際。後至豈無人。松
樹紛二老。梅花的二春。金烏海底出。遍界爛如銀。

送先壘二隣僧還吳二首

繁若背山陰。松筠夾逕深。門閒容虎臥。湖近聽龍吟。雨
過泉添澗。風飄磬出林。衲衣皆舊識。一一謝幽岑。
東嶗憶切提。幽尋日未西。過山隨虎跡。倚石待猿啼。雲
外催歸錫。松閒覓舊題。卜隣吾欲老。毋惜伴扶藜。

節婦王夫人劉氏

憶昔中丞在。清淳古道存。節高賢女弟。文託外諸孫。慈
竹宜家慶。桓楹表國恩。燕秦鬱相望。美俗繫人門。

次韻阿榮存初參議秋夜見寄

寓館城門夕。高秋雨露開。天垂華蓋近。月轉紫垣來。疏
闊思良會。淹畱到不才。深期謝安石。揮麈散風埃。

雪谷早行

積雪擁柴門。行人稍出村。溪頭或遇虎。木末不聞猿。接
棧迴山閣。支橋就樹根。驅車上重坂。回首見朝曦。

雪巖樓觀

高閣丹青起。中天紫翠分。窗當大白雪。門俯九疑雲。伐
木山人去。吹簫帝子聞。塵中歸未得。春思轉紛紛。

送人之劍閣倅

往年登劍閣。快馬著春衫。設險懷前代。磨崖覓舊鄉。
人遊雪界郡。倅試冰銜。歸道觀新政。春江不挂帆。

寄子山尚書

竹色侵衣碧。重簾雨氣深。白鷺翻墨沼。紫燕入書林。北

海春尊側。西山夕閣陰。東曹公事少。歌舞散黃金。

漫興

雨閣衲衣潤。風簾隱几高。白頭更事少。病目向書勞。南
客傳鄉信。東家問濁醪。江邊茅屋破。歸楫若爲操。

送張尚惠

原序

史館薦張尚惠爲檢閱官。衆論以爲宜。稱其可
任。未奏也。有司曰。闕簿注新進士。尚惠頗有聞。
卽斂裳宵逝。噫。進退若是。可。以信史館之薦人
矣。予力雖不足。以留之。亦終不敢失之也。故作
是詩以餞之。

六月初聞雨。官河潦水生。江南歸宋玉。稷下謝荀卿。鵬

鳴青霄迴蒹葭白露盈。好畱詩興在。來聽上林鶯。

寄丁卯進士薩都刺天錫

鎮江錄事宣差

江上新詩好。亦知公事閒。投壺深竹裏。繫馬古松閒。夜月多臨海。秋風或在山。玉堂蕭爽地。思爾佩珊珊。

送趙繼清令尹之官安陸

雲夢開七澤。陪尾貫連山。爲政烟塵表。吟詩松竹閒。故人總華要。令尹獨清閒。文學偏宜老。母愁鬢髮斑。

明皇按樂圖

新度霓裳曲。三年教得成。驚鴻渾不下。飛燕若爲輕。芍藥春亭莫。夫容野水生。梨園多白髮。吹笛到天明。

翁覃溪曰。不著一筆議論。

送長沙守

白髮長沙守。循良又好文。近辭金馬去。遠有玉魚分。對竹聽湘雨。開簾看嶽雲。漢廷思賈誼。一飯莫忘君。

送趙編修祀西嶽瀆

西道祠官去。東風入旆斜。汾陰已歸雁。江上正飛花。歲事聞宜穀。鄉人喜過家。老來思故里。欲寄使君車。

代眾仲作

昔在泉州住。將軍每見招。春雲山對屋。夜雨水平橋。池鴨穿荷葉。溪魚上柳條。禁城鐘鼓起。車馬晚蕭蕭。

題宋雲舉大常臨汾二節婦序後

許氏姪從姑。相承患難餘。自傷還自誓。同志復同居。白

髮冰霜其。丹心鐵石如。有關名教事。珍重太常書。

送王照磨之官雲南

遺廟珍珠浦。歸舟棘道溪。飛鳶愁暑雨。走馬畏山泥。官署尊丹鷲。祠官勝碧雞。題詩遠相送。紅日五雲西。

玉堂燕集圖

朝廷多暇日。翰苑又青春。薄醉猶催酒。清歌況有人。玉堂金硯匣。翠袖白綸巾。老去渾無賴。憑誰爲寫真。

寄答桂風子先生

深隱廬山裏。題詩忽見存。風高應跨虎。月落更聽猿。酒熟邀皆去。丹成笑不言。雲屏第九疊。相與浴晨暉。

寄蒲田先生

懸榻塵生席。深居晝下帷。齊眉安饋食。擁髻近歌姬。藥
裹須鐘乳。書題憶荔枝。白頭吟更苦。何必蜀人思。

鄭谷圖

道士徐太虛。生紙畫山居。林壑春烟裏。桑麻夜雨餘。過
橋九節杖。連屋一牀書。似是子真谷。歸耕三月初。

畫檜

茅山多古樹。此檜更長生。鸛鶴棲來穩。蛟龍化得成。雲
深還近戶。月落似聞笙。千載如相見。蒼然故舊情。

李員嶠墨竹

河東李學士。隨意放洋州。月落亭陰迴。雲生谷口幽。江
濤空渺。筆墨更悠悠。瀟灑西清地。令人憶舊遊。

爲歐陽少監題宋好古竹

幕中能寫竹。作此雨瀟湘。出石根還瘦。臨溪影更長。班
稚子立。一一鳳雛將。日有長安使。平安問老蒼。

贈楊友直

雒陽楊友直。字擬漢中郎。畫若錐穿石。垂如雨漏牆。舞
花羞女美。醉草笑僧狂。昨日鴻都學。煩君寫數行。

題朱邸竹木

江上復春雨。曾陰覆碧波。石高龍影臥。林迴鶴聲過。解
佩猗蘭浦。揚旂落木坡。佳人翠袖薄。日莫欲如何。

寄阿魯翬學士

問訊東泉老。江南又五年。涼風鳴步履。明月棹歌船。陪

講長懷舊。還朝獨後賢。治平二三策。早晚玉階前。

赤壁圖

過鶴生新夢。攜魚憶舊遊。清霜凋木葉。落月湧江流。隱者時堪訪。良田亦易求。如何玉堂夜。白髮不勝愁。

題况肩吾縣令贈行卷

縣庭都禁謁。祇許見諸生。接壤皆興學。游民亦願耕。絃歌居室迴。山水畫圖清。千載雲巖石。能畱令尹名。

送朱萬初之廣東照磨

聖主多清暇。臨池愛日長。天章垂鳳彩。雲氣動龍香。進諫慚簪筆。爭書敢近牀。承恩君最早。服玉向炎方。

八月八日有感題視草堂壁

載筆趨芸閣。探囊索縕袍。坐銷秋日淨。心折夜風高。識
字頭先白。謀生計轉勞。文園多病渴。常想賜蒲萄。

賦程氏竹雨山房二首

春雨過山竹。幽泉繞舍鳴。燕泥書帙浥。魚浪釣絲晴。奉
席從孫子。連牀總弟兄。舊聞林下叟。讀易到天明。
遊子聞春雨。思親望故園。竹閒開几席。花底注山尊。累
世書連屋。頻年稻滿村。卜鄰淳樸地。絕學欲重論。
翁方綱曰。質實中。神理綿邈。杜陵五律後所罕見也。

戲作試問堂前石五首

試問堂前石。來今幾十年。衰顏空雨雪。幽致自風烟。微
醉寒堪倚。孤吟靜更眠。五湖春水長。誰繫釣魚船。

爲問堂前石。何年別太湖。春風神不玉。夜月影長孤。不
中明堂柱。空遺良嶽圖。頗思嘉種木。歲晚與相扶。
爲問堂前石。何無藤蔓纏。金蓮疑可致。紫菊若爲妍。舊
夢遺波浪。閒情閱歲年。祇緣相識久。親爲濯清泉。
碣石久淪海。女媧曾補天。乾坤遺叢爾。霧雨護蒼然。淬
劍龍隨化。彎弓虎自全。昔賢多賦此。誰賦最流傳。
爲問堂前石。屢逢堂上人。遠來嗟最久。獨立與誰隣。運
載勞車馬。摩挲識鳳麟。鑾車書吉日。追琢到嶙峋。

代石答五首

幸自隣頑鄙。毋煩問歲年。當寒金作礪。向暖玉生煙。脣
黛無歸意。毛羣有叱眠。涼州三百斛。亦未酹觥船。

昔觀一柱觀。還度幾重湖。雪盡身還瘦。雲生勢不孤。磨
穿鄴臺瓦。賦就草堂圖。芝閣元雲在。危蹤敢藉扶。
牛肉何堪餽。蝸涎漫自纏。沈冥辟邪古。羞澀望夫妍。神
物須清鑒。靈根屬少年。金輿曾共侍。千載憶甘泉。
轉徙寧論地。存留亦信天。露盤危欲折。劫火不同然。雒
下殘經斷。岐陽數鼓全。向無文字托。寂寞竟誰傳。

顧星五曰此首全是自諡

去歲畱詩別。嗟哉白髮人。冠依子夏製。居切左邱隣。執
籥充振鷺。修辭綴獲麟。終須愁坎壈。勿用誚嶙峋。

送魯子翬廉使之漢中

封上頌臺禮。輕車入漢中。節毛霜渭雨。木葉動秦風。把

酒臺基古。馳書歲事豐。朝回倚西閣。日二數歸鴻。

立春夜試墨

輕雪作春花。飛來入鬢斜。紫貂迎晚霧。絳蠟炫晴霞。書
詔頻趨閣。思歸卽借車。幾時將稚子。隨意蹋江沙。

蜀人曲江之官贈呂墨竹

拈筆寫琅玕。清風入室寒。蜀山空偃蹇。海郡更盤桓。雲
霧瓊簫遠。冰霜玉節完。莫忘鄉里意。持向曲江看。

正月十一日朝回卽事

宮柱春陰合。霓旌拂曙來。天光臨閣道。雲氣轉蓬萊。晝
漏沈。二鼓晨尊灑。二盃香霏簾底霧。樂殷殿前雷。祥瑞
儀曹奏。珍淳尚食催。舞庭分鷺序。效獻過龍媒。融雪微

生草輕風不動埃。老人南極至。王母上方回。玉色何多喜。金華得重陪。裁詩賀新雨。西閣待門開。

贈別兵部崔郎中暫還高麗卽回中朝

束髮來東海。從軍護北門。珠光連旭景。玉氣達春溫。淵靜龍含惠。門嚴虎列屯。從容參幄帳。慷慨屬橐鞬。拜表推黎獻。趨朝謁至尊。雲依溫室樹。星入紫微垣。不道璫璣貴。仍嬰筦庫煩。利行雖近市。義守不窺園。眷遇忘身得。危難欲手援。懷邦維父母。於國實甥婚。異國還羈勒。中涓致壁飧。魯連名竟重。箕子教應存。簡在從當日。扶持備宿藩。清宮風肅。驂乘火焯。帝所爲郎重。王家報禮醇。暫伸桑梓敬。未愛李桃繁。神闕秋期早。康侯晝

錫蕃九成思閣鳳。六月待冥鵬。

次韻筠軒司徒足成旦公所藏英宗御題之句
元題曰。日光照吾民。月色清我心。又題琴曰。至
治之音。

化國多長日。高人侍紫宸。觀書從上相。屬筆念生民。雲
漢文章備。風雷號令新。惟應青簡在。能載古風淳。御翰
龍池曉。繡經鸞殿陰。雲依清靜葉。月印妙明心。千載堂
堂去。諸天肅肅臨。朱絃誰爲鼓。至治有遺音。

次韻李侍讀東平王哀詩

宇宙生奇變。明良陷逆圖。傳聞昏白晝。悲憤結全區。治
極機潛否。恩深事失謨。犯車仍斷軌。壞戶竟傷樞。魑魅

嫌明鏡。強梁忌雅模。甘心成首禍。藉口肆羣詆。隱忍危
衝決。憑陵善唯俞。自天俟鈇鉞。累月具箠壺。裹革疑亡
地。招魂競出都。笳鳴殘夕月。馬僨四交衢。所痛倉皇際。
將无古昔殊。腹心何蠱蝕。肘腋不支梧。列位多翹楚。干
城總豹貙。詎言歸厄數。不復頌貞符。天討張恭罰。皇威
凜大呼。報讎方婉變。錫爵竟嗟吁。相業今如在。民生實
少痛。誰能疵璧玉。唯有泣瓊珠。執簡書羣盜。當關欠一
夫。馳奔嗟薄曰。沐浴止中途。決去思投闕。違之或汎湖。
危知無復死。恨不奮前誅。春雨煩冤滌。朝陽瘋思蘇。謳
吟信感慨。述作懼荒蕪。芒忽思離散。焄蒿起苑枯。神還
嵩岳峻。氣直斗杓孤。陟降先皇側。回翔造化徒。英靈常

會合。瞻想豈虛無。

慶史顯甫治書父八十

治世尊三壽。高年見八朝。羽儀參漢皓。神觀邁周喬。柱
下聲名遠。壺中日月饒。微醺霞灼灼。新沐雪蕭蕭。地厚
人俱載。天全玉不凋。一經傳令子。貳憲肅羣僚。侃侃稱
時望。英英樹國標。繡衣兼綵服。白日上青霄。上壽歸榮
異。推恩錫爵超。紫深宗伯橐。金重列侯腰。珍膳應恆從。
安居必見招。乞言逾藥石。報惠稱瓊瑤。千歲庭來鳳。羣
工韻合韶。陳詩方懿頌。擊壤此康謠。

送國王朶而只之遼東

大祖收中夏。元臣有武功。建邦開土宇。爲位冠君公。奕

世王章在。諸孫相業隆。春秋周正月。禮樂魯新宮。鹿幣金遺酖。熊侯算失中。河山仍鐵券。寶玉又琬弓。投筆鄒枚秀。揚旂芮綰雄。塞雲依碣石。凍雨洒遼東。戎器橐藏盡。賢書奏納同。大夫勞誓御。惇史采民風。

送陳碩

原序

莆田陳氏慶厓名法從故家也。自眾仲來京師。集得友焉。凡問學脩己之事。有益於愚陋多矣。又從知其父兄之賢也。問所自出。則南唐趙氏信乎其學之有傳矣。嘗以其從子碩來見。予愛其端謹。可望南歸省父眾仲。送之以文。予不能忘也。乃賦詩曰。

六歲過閩郡。書聲憶滿城。目盲今子夏。心醉昔延平。爾
叔同游息。吾文愧老成。每分重席暖。相對一燈明。遠海
乘桴意。高山伐木情。願攜邛竹杖。往看荔支生。辟掾青
衫舊。趨庭綵服輕。爲言穿木榻。亦未厭藜羹。寶瑟畱飛
雁。蘭舟及嘯鶯。佩懷湘渚贈。綬向會稽迎。去。二江雲濕
飄。二島霧清。重來知有意。時我已歸耕。

奎章閣有靈壁石奇絕名世御書其上曰奎章
元玉有勅命臣集賦詩臣再拜稽首而獻詞曰
禹貢收浮磬堯階望喬雲自天承雨露拔地起網緼擊
拊磬音合衡從玉兆分巨鼇三島力威鳳九苞文班位
資乾坎爲山鎮幅員固知興寶藏不假運神斤書帙侵

春潤香鑪借宿薰。烟光晴冉二。波影晝沍二。融結繇元
化。登崇荷聖君。瑞于龜出洛。重若鼎來汾。柱立尊皇極。
磐安廣帝勲。詎云陳秘玩。因願獻前聞。

送南宮舍人趙子期宣詔交趾

三年頒正朔。五月向南交。將命方離闕。陪臣已在郊。衣
裳鴻羽漸。干戚虎皮包。瘴霧衝風散。瀧湍急雨捎。朱鷺
窺土室。白雉下檣巢。夜浦鰲停織。陽岡荔折苞。初筵分
麇麕。後騎詔笳鐃。諏日修王貢。兼時眠客庖。方言書側
理。海錯藉青茅。漢柱苔侵篆。秦林桂拂旂。括囊無慧茂。
當戶有蠨蛸。卽見還音節。毋煩筮繇爻。

道園詩集卷第二

虞文靖公道園全集卷三

在朝稟

律詩七言

送袁伯長扈從上京

日色蒼涼映赭袍。時巡母乃聖躬勞。天連閣道晨留輦。
星散周廬夜屬橐。白馬錦韉來窈窕。紫駝銀甕出蒲萄。
從官車騎多如雨。祇有楊雄賦最高。

顧奎光曰三四原作山連閣道晨留輦野散周廬夜
屬橐天星二字趙文敏所易氣象較濶

代祀西嶽至成都作

集到成都今十日。驅馬橋下春水生。渡江相送荷主意。

過家不畱非我情。鷓鴣輕筏下溪足。鸚鵡小牕呼客名。
賴得鄆筒酒易醉。夜深衝雨漢州城。

贈星上人歸湘中

潭北湘南無影樹。一花吹渡海門潮。天香滿室定初起。
雲氣上衣身欲飄。寶月夜寒龍在鉢。銀河秋近鵲成橋。
豈無一箇邛州竹。與爾松根共寂寥。

子昂秋山圖

翁昔少年初畫山。丹楓黃竹雜潺湲。直疑積雨得深潤。
不假浮雲相往還。世外空青秋一色。窗中遠黛曉千鬟。
瀛洲雞犬同人境。尙想翁歸向此閒。

題黃竹村所藏畫卷

雪後成陰玉一坡。寒梅疏竹共婆娑。經行不覺藍輿遠。
點染還疑綵筆多。蜀棧煖雲生野樹。匡廬晴照落江波。
商公已老高公死。惆悵誰人奈汝何。

過池陽與周南翁同知

使過池陽聞上日。好懷浩蕩爲君開。江干維舟車馬集。
亭上持盃風雨來。通夜龍魚聽語竟。明年鴛鴦憶朝回。
九華秋色翠可食。爲問謫仙安在哉。

安慶路雙蓮寺得上人超然亭

超然之亭何所超。雙蓮孤塔共岩隈。城頭疏雨散花至。
江外斷雲將樹朝。晨飯舊從香積化。晚鐘常送海門潮。
尋原悵望空歸去。此地安禪試往招。

謝毛山主者贈白羅氅衣請爲作大洞祖宗師

四十五贊

鶴氅裁成雪色新。仙翁持寄感情真。清高自此全拋俗。
寬博由來隱稱身。佩玉洞聞雲外響。劍光飛射日中塵。
畫圖寫向羣真裏。便是揮毫贊詠人。

送莫京甫廣憲經麻

延春閣下承恩日。是我經帷侍講時。方擁青編臨綺席。
遙看朱紱拜丹墀。風微細草鳴珂佩。日煖飛花近鬢絲。
尙憶遠人嘗軫念。莫言南海是天涯。

集與諸公遊尙書何公山莊公孫斯明先爲剪
薙荆榛并致酒饌遂得敬瞻尙書墓道盡日乃

還偶成四詩酬斯明兄弟并簡同遊者

盛惠高年陟泰階。歸尋仙隱石樓開。舊聞前引朱衣吏。
每爲行吟綠逕苔。夜色園林瓊圍樹。春寒庭館石湖梅。
世家今有賢孫子。黃菊高秋看客來。

先君夙有登臨志。老去無能共往還。敢謂菊華憐寂寞。
許教邛竹歷孱顏。地高天近惟秋好。雲淡風輕盡日閒。
早晚涪翁酬素約。更從几杖一躋攀。

石梯一逕仙凡交。過此先見蒼崖坳。幽穿斗角潛蛟窟。
危出雲根棲鳳巢。題字百神驚澗底。嘯歌衆籟越林梢。
重吟仙伯石樓詠。一解齊人山鬼嘲。

黃姑仙崖置屋牢。我躡飛磴如猿猱。環山翠黛是城郭。

平地白雲皆海濤。人頭關上走馬健。仙掌峰前飛隼高。
願得金丹換毛骨。三清八極資遊遨。

黃氏妹之葬。予呂他故不及送之。旣葬之。明日
仲常弟與譚元之表姪。述事興懷。形諸詠嘆。後
十餘日。始得併見諸公和章集。憂患之餘。觸事
易於傷感。俯仰存歿。不覺清涕之交頤也。依舍
弟韻。亦述二章。一曰示黃氏諸甥。一曰寄元之
表姪。

寒泉涓二山木秋。予弟行役荒原頭。忍聽諸甥哭慈母。
浩將孤淚灑新邱。山川神氣早晚復。珠璧輝光日夜浮。
不惜衰年待爾輩。受成積惠過岑樓。

憶別高堂十五秋。不堪俯仰雪盈頭。翁時贈玉歌清渭。
子正將車從太邱。久矣孤懷成寂寞。勸哉古學矯虛浮。
每看舍弟承咨辨。如見從容月滿樓。

題故太子少傅翰林承旨李野齋幽居圖

車蓋歸來托遠林。魯山嶕嶸魯原深。漁樵相識頻分席。
賓客時霑舊賜金。百歲儀刑猶近古。五朝文物至于今。
披圖想見登臨地。松滿徂徠起夕陰。

送江聲伯

家近茅峰無百里。羨君來往及清秋。每看丹井晨光起。
幾見龍池雨氣浮。白髮紅塵嗟我老。素書玉訣使人愁。
仙都羣老渾相識。定著雲裘訪羽邱。

歐陽元功待制入院。僕呂兼領成均。辰酉甚嚴絕。不得相見。今夜。當同宿齋宮。賦此先寄。并簡謝敬惠修撰。

學省初兼禁直稀。故人同署卻相違。食餘苜蓿承朝日。坐候棠梨過夕暉。自注。成均堂東有棠梨。日影至。則師生始散。二十餘年矣。預喜奉祠秋寺燭。定知催襍早朝衣。今晨瘦馬經門巷。想擁青綾尚掩扉。

次韻張蔡國公淡庵青山寺詩

相國觀山負夙期。聖恩祇許暫相違。身隨雲影畱三宿。心了泉聲絕百非。開土談空依寶樹。野人耕雨薦山薇。雙龍深護安禪室。繞坐諸天近紫微。

次韻國子監同官

坐隱烏皮髀肉消。諸生應笑懶邊韶。階前老馬隨秋草。
袖裏遺編俟早朝。乞米西鄰晨有粥。留家南國暑無綯。
經明亦是歸耕好。清夢無時萬里橋。
學官南直禁垣陰。假寓惟愁兩壁沈。一曲鏡湖遺老事。
三年經幄小臣心。銀河回夜天逾近。草逕迎秋露轉深。
珍重鄉人居巷北。時能來往和鳴琴。

次韻馬伯庸寶監學士見貽詩并簡曹子貞學士燕信臣待制彭允蹈待制

禁廬曉直夾城西。經笥龍光映壁奎。繞閣浮雲飛野馬。
當階生草伏馴麕。雷行已識天無妄。風烈惟聞帝弗迷。

徒積寸誠無補報。每還冰署欲雞栖。

其二

奉節通霄虎帳西。重光貫玉護文奎。賜餘分食兼羔雉。
侍側專茵雜豹麋。樂事易成團月怨。吟情深入五雲迷。
上林更有高枝在。彩鳳還來擇舊栖。

鰲峰者國史院庭中石名也。伯宣御史爲僕言。自其先公時與諸老名勝賦詩者蓋數百篇。今玉堂無本而御史家具之。且曰峰所托差低。盍稍崇其址。迺八月五日旣克如命。因賦此。且報。且請錄示舊詩補故事。且傳云。

視草堂前石一拳。何人移置自何年。久憐翠色連重地。

故拔孤根近九天。俯仰百年承雨露。等閒千尺接雲烟。
故家御史遺書在。爲錄鰲峰舊賦篇。

進講後侍宴大明殿和伯庸贊善韻

丞相承恩自九天。講臣春殿秩初筵。養賢敢謂占頤象。
陳戒猶思誦抑篇。旣奏虞韶兼善美。豈無后稷暨艱鮮。
願推餘澤均黎庶。樂只邦基億萬年。
劍履歸來帶玉瑤。元臣促召不崇朝。盍簪誠與朋求助。
納約須從牖向招。御柳新條臨畫殿。仙桃曉色上春潮。
校書寂寞揚雄宅。亦賦凌雲麗九霄。

十一月二十夜思仲常弟

江梅應發去年叢。叔也俄爲畢竟空。來後去先康節苦。

離多會。少子瞻窮。近書時閱。猶疑在舊學。重思孰與同。
萬里相從。憐季子。白頭清淚。夜窗中。
還京聞訃。在秋餘。老淚無多。眼易枯。丹旄到無頻入夢。
佳城得否。未收書。食貧未已。憐孤幼。述惠無聞。愧老夫。
忍讀近緘。成永訣。爲教衰薄。趣歸與。

次韶道士寶神清賦舜粟

帝惠無爲。保太和。歷山遺種。有嘉禾。想經稷教。躬耕法。
正及堯時。擊壤歌。或二九秋。新雨露。離二千古。舊山河。
曲肱飲水。幾忘肉。最憶宣尼。感歎多。

太乙道士張彥輔。日本國人。從元惠真人學道。
妙齡逸趣。特精繪事。爲其友天台徐中孚用商。

集賢家法作江南秋思圖東觀大隱夫虞伯生
爲賦此詩

三年別卻釣魚磯。晝看新圖夜夢歸。石壁蒼松含爽氣。
江沙翠竹弄晴暉。西瞻雪嶺家何在。東入天台路轉微。
賀監若蒙湖曲賜。遍翔千仞振塵衣。

贈竇神清歸隱茅山

翩然歸鶴自遼東。又向茅山擬住冬。啄食定依何處竹。
結巢應得古時松。雪滿空山騎隻虎。月明秋水佩雙龍。
別來彷彿三千歲。亦欲還栖第一峰。

題南野亭

門外烟塵接帝局。坐中春色自幽亭。雲橫北極知天近。

日轉東華覺地靈。前澗魚遊畱客釣。上林鶯囀把杯聽。
莫嗟韋曲花無賴。畱擅終南雨後青。

送貢仲章學士奉祠嶽瀆

三十過從今六旬。故人惟我兩吟身。空譚作賦相爲壽。
寧復升堂互拜親。送別轉令嗟影獨。思歸從此上心頻。
南湖春滿鷗波綠。定艤漁舟往問津。

次韻吳伐李宗師赤城阻雨

人間伏日當早休。道上馬車如水流。神仙不愁風雨夕。
父老已知禾黍秋。誰憐司馬久多病。惟有杜康能解憂。
北溟之鷗六月息。載我八極恣遨遊。

次韻伯庸尙書春暮遊七祖真人庵兼簡吳宗

師

賞心不作三春過。高興都爲百事牽。願解蘭舟溪水汎。
思攜藜杖野雲窅。真人館在無塵界。太尉詩如絕行仙。
花下共遊仍獨往。不辭泥醉晚朝天。

石渠承雨作流泉。中有參差荇菜牽。花近飛觴魚駭逝。
柳低步障燕隨窺。紅塵朝路常參吏。清晝齋居幾劫仙。
但乞會稽尋賀監。酒船一棹水中天。

花時宮館多賓客。春酒盈缸餽在牽。據石發歌風爲起。
臨流揮翰硯將穿。紫髯一去惟憑夢。白髮頻搔豈解仙。
賴有看雲高閣在。江東烟樹共晴天。

一住京華三十年。春花秋月謾相牽。高情總付珠簾捲。

危坐空餘木榻穿。水曲停驂新禊事。牆陰題字小遊仙。
動成陳迹多惆悵。安得長生老後天。

送宋誠甫太監祀天妃

使者受節大明殿。候神海上非求仙。廟前水生客戾止。
帷中靈語風冷然。麗牲有石載文字。沈璧用纁求淵泉。
賈生何可久不見。海若率職君子還。

觸石墜馬臥病蒙恩予告先至上京寄漑之學

士敬仲參書

翠幄臨都尙駐郊。言瞻龍漠度前茅。雨餘草氣千原合。
日下雲章五色交。給札修詞持玉筆。賜羹充腹出瓊庖。
白頭感遇知何補。阿閣清嚴栖鳳巢。

趣召顛隤歎日昏。旋聞予告荷深恩。藥頒西域千金劑。
酒賜初筵九醞尊。默憶舊書忘晝永。行吟冷署覺春溫。
摩挲素壁光於雪。思得參書寫樹根。

閒閒宗師和前韻期望過當復用韻以謝

草堂長憶蜀西郊。屢卜歸休自結茅。司馬檄傳驚父老。
少陵詩苦入神交。山多美竹深宜屋。江有嘉魚遠致庖。
乞得閒身當及早。堯時元自有由巢。
書卷連牀度曉昏。懷歸猶復戀君恩。養生賴得南華論。
好客時傾北海尊。山木向秋俱老大。海霞迎日共清溫。
蓬萊正與鼇峰接。幾見浮雲起石根。

雲州道中數聞異香

雲中樓觀翠岩巖。載道飛香遠見招。非有芝蘭從地出。
畧無烟霧只風飄。玉皇案側當霄立。王母池邊向日朝。
卻袖餘薰散人世。九天清露海塵飄。

鎮曰此則近於語怪矣

次韻楊友直北行道中

蕭二戎馬昔升虛。壯士吹笳慘不舒。關外羽書三月急。
道傍茅舍百年餘。沙田雨足仍生黍。河水冰消不禁漁。
洛下賈生猶獻策。平明立在玉階除。

王儀伯參政見和郊字韻詩復用韻敘謝

龍遊宮沼鳳遊郊。通水明堂不剪茅。綿蕝草儀三日具。
大烹饗帝五雲交。執輿已信神爲馬。和鼎寧容祝代庖。

八月涼風張樂地。頌聲洋溢播雲巢。
聖遠言湮感墊昏。河汾千載勛知恩。垂紳論道稱前古。
束髮明經奉至尊。車騎身從遊汗漫。庭闈心在視寒溫。
朝回未覺歸途晚。斗杓西移揭角根。

十月十六日奎章奏對。回至李漑之學士宅。宣
旨行香孔林。桮上得住紙。因賦此詩。并得其鎮

紙玉蟾

聖恩深念魯東家。林木蕭條散暮鴉。丹詔先令修古廟。
彤庭卽日遣皇華。閣中學士馳山驛。天上文星絢海霞。
偶爲傳宣到東閣。就牀奪得玉蝦蟆。

次韻馬伯庸尙書

邃閣晨趨禁掖西。莫街騎馬及雞栖。退朝每想花邊散。
得句應從竹上題。賜被南宮無宿火。齋居方丈有蒸黎。
鳳池何似承明近。久候文星共聚奎。

送甘太史祀名山大川

太史名山閱秘經。承恩衣繡許趨庭。江頭飛蓋逢春柳。
林下幽人識使星。宣室夜深蓮燭絳。石渠風煖竹書青。
清朝盛典須陳蹟。最想遄歸駟馬駟。

投甘太史并寄天臺武夷太無三君

武夷山裏芝三秀。華頂峰前黍一炊。湖老每懷鴻去遠。
山人每謂鳳來遲。浮關紫氣緣書佐。照夜青黎賴客知。
賀監清狂天所放。故令華髮待安期。

子昂墨竹

高崖數竹凌風雨。老可當年每畫之。修影自憐流水遠。
虛心如待出雲時。縱橫鴻爪畱沙磧。宛轉鶩羣向墨池。
百世湖州仍見此。故知王子善參差。

孫澍曰詩妙于切

二十五日卽事呈閣老諸學士

松陰鵠立候宮車。風送飛花著白鬚。水影漸移簾側畔。
鶩聲祇在殿東隅。近牀擬進賢臣頌。載筆親題列女圖。
太液雨餘波浪動。龍舟初試散魚鳧。

賦胡氏皆山

萬山起伏如波浪。外固中寬故可居。日出擁金千仞雪。

雲生納翠八窗虛。亭中畱客多爲酒。谷裏成樓更貯書。
朝往莫歸勞杖屨。醉翁應不憶環滁。

賦碭山簡陳卿心遠亭

作亭臨河二水渾。草樹繞屋啼鳥聞。夢回枕上彭城雨。
目送檐閒芒碭雲。歸來黃菊有佳色。坐老青山無垢氛。
但願尊中長得酒。曲阿莫問舊參軍。

送全州錄事

武昌郡城公事少。錄事官曹盡日閒。且可隨雲度流水。
更宜把酒看青山。階前虎跡石苔紫。雨裏鳥聲江竹斑。
應會吟詩一百首。寄與明年春雁還。

與眾仲助教譚王臨川遺事慨然興懷良上人

爲蔣山善公求送行因爲賦此

霜筠雪竹鐘山寺。最憶臨川舊所遊。病骨荒陂秋澹。
白頭遺恨思悠。燕歸雲海迷華屋。鷺起星河近綵舟。
欲托善公重到日。松閒石上試相求。

翁覃溪曰此詩可題於李雁湖注荆公詩后

玉堂讀書

玉堂策士詔儒臣。御筆親題墨色新。省樹坐移簾底日。
宮壺馳賜殿頭春。虞廷制作夔龍盛。漢代文章董賈醇。
書閣莫年偏感遇。但歌天保答皇仁。

謝吳宗師送牡丹并簡伯庸尙書

輕風紫陌少塵沙。忽見金盤送洛花。雲氣自隨仙掌動。

天香不許世人誇。青春有態當窗近。白髮多情插帽斜。
最愛尙書才思別。解吟胡蝶出東家。

和范惠機從楊撫進士見寄

清江先生最好奇。十年不出髮如絲。田舍每詢歸後計。
玉堂今見寄來詩。風前雨過林花動。日下雲行省樹移。
還覓舊遊春欲莫。楊撫爲我道深期。

送進士劉聞文廷赴臨江錄事

清江百丈石爲城。太華千峰積雨晴。官府幾時書帙靜。
漁舟盡日釣絲輕。故家好訪春秋學。上國多傳月旦評。
頗有老懷煩錄事。到州爲問范先生。

大廷策士問經世之道僕忝在讀卷之列觀諸

進士所對有感賦此錄以贈別劉生粹中支渭
興文舉二賢良

昔人有欲問先天林下相期二十年已向塵埃成白髮
尚從燈火事青編獲麟遂訖春秋後鳴鳥猶聞禮樂前
春雨未來農事晚獨懷歸計在山田

翁方綱曰整頓精微是律體之兼有與會者惟呂問
先天作起句末知伯生易學何如也放翁集中亦喜
譚易均弗知其意所在

羅朋友道擢高科拜官還崇仁賦此爲別

重溪疊嶂竹交加曾著芒屨蹋白沙名勝多年嗟寂寞
文章此日羨才華青雲步武纔重見白屋詩書尙幾家

鄉邑相逢煩告語。好敦忠信作生涯。自注白沙友道居近之昔崇仁有何同父尚書李公父舍人墳墓故宅在焉國朝六科崇仁舉進士第者惟家弟與友道才二人故云重見所以深期望於來者云

贈趙生

天門一日觀黃榜。茅屋三年掩素扉。湘帙蠹魚春雨潤。練囊螢火夜光微。夢游朔雪畱鴻跡。思入南山望鶴飛。會倚宮牆看射策。上林初日炫朝衣。

贈昇龍觀主

榻前親製先生號。賜與江南謝舜咨。大華雲開天使下。少微星動史官知。龍飛滄海畱珠樹。虎臥丹房守玉芝。聖主無爲千萬壽。更應築館候安期。

訪李真人不遇

退朝花底佩珊珊。去訪真人曉出關。芳草欲迷行徑古。
長松深護步廊閒。蒼龍挾雨得瑤簡。白鹿穿雲致玉環。
如到天壇看月影。定知清露滿人間。

賦壺洲

傳聞海上有元洲。曾是安期舊所遊。千頃白雲都種玉。
一杯弱水不勝舟。魚龍夜護黃金鼎。鸞鵠晨朝紫綺裘。
波浪不驚星斗近。步虛聲裏度清秋。

完哲篤下第歸蜀

西郊長憶草堂吟。塵外幽居更可尋。奏賦上林春事晚。
攜書舊隱歲華深。濯錦江波紅豔二。浣花潭水碧沈二。

白頭未覺歸歟莫待子重來獻好音

吳宗師夢予得山居奇勝特甚夢覺歷二分明
欣然相告賦此

宗師夢我山居好笑我生平豈有之野服許辭金殿直
俸錢足辦草堂貲安知蓬島非兜率不是匡廬定武夷
還有勝緣同晚歲至人無睡已多時

翁覃溪曰銅凡拓彈電轉月圓

富李簡伯司業分俎

憶昔同堂肄樂歌朝陽煦二午風和炮羔升俎堆紅玉
醕酒盈尊汎綠波坐席已成三載別交情猶似嚮時多
尋常飽惠寧私我願賦緇衣上禁坡

次韻朱本初訪李漑之學士不遇

城南城北暖塵飛。伐木相求苦未歸。吟到碧桃還細雨。
行來芳草又斜曛。綺窗綵筆題詩遍。斗帳沈香入袖微。
共載小車勝走馬。重游莫待曉紅稀。

寄趙子敬平章

聞道乘閒入翠微。猶愁嵐氣濕人衣。道傍野樹飛花盡。
溪上春雲作雨歸。故舊釣絲輕在手。仙人棋局靜忘機。
赤松曾許同千載。擬向高秋傍鶴飛。

仁壽寺僧報更生佛祠前生瑞竹有懷故園

聞道故園生瑞竹。試從來使問何如。蒼筤獨出千叢裏。
翠節駢生數尺餘。比管可吹丹穴鳳。長竿莫釣錦溪魚。

折筵已向靈氛卜。亦說能歸似兩疏。
聞道故園生瑞竹。令人歸興滿江干。扁舟不畏瞿塘險。
匹馬誰云蜀道難。杜甫溪頭花匝匝。孔明廟裏柏闌珊。
新堂題作歸歟字。定得臨江把釣竿。
聞道故園生瑞竹。山僧爲我重栽培。百年雨露餘生息。
一日風雲幾往迴。壠上枯桑烏萃止。城東華表鶴歸來。
聖恩若許歸田里。千石清尊爲爾開。
聞道故園生瑞竹。吾家孫子好歸看。佛祠竟日春陰覆。
先隴多年暮雨寒。門戶淒涼嗟老病。鄉關迢遞報平安。
重來慎勿勞余夢。駟馬橋邊據馬鞍。
鉉曰先生于此君興復不淺

題張太少爲陳升海畫廬山圖

誰向匡廬成舊隱。畫中一似夢中看。千株松樹參天起。
一箇茅亭傍水安。清風空谷傳吟嘯。白日高岑生羽翰。
寄語山中陸修靜。葛巾不畏過溪寒。

別國史院黿峰石

秋雨莓苔數尺身。文章曾見百年人。吁嗟一代興土盛。
付托諸公製作新。垌野有詩皆在魯。泰山無刻更先秦。
鳳麟一去無消息。空使鶯駘愧後塵。

執戟揚雄久不遷。頻年從幸到甘泉。賜歸特許先三日。
作賦時令奏一篇。翠勺娛人花帶露。貂裘倚馬草橫烟。
殷勤爲謝堂前石。何處秋來共月圓。

神鳳琴

鳴鳥人閒久不聞。遺絃欲托斷琴絃。曾看土鼓歌朝日。
亦共陶尊醉夜分。五色雲中迎太乙。九疑山下望湘君。
采詩應被唐風譜。早晚樓船或祀汾。

繼陶居士傳

汶水滔二蜀嶺高。飛蓬千里棘心勞。道閒乳虎作人語。
城上慈烏向子嗥。玉樹歌殘斷王氣。朱門往事付鴻毛。
將軍莫歎今爲庶。居士當年已繼陶。

謝書巢送宣和瀘石硯

巢翁新得瀘州硯。拂拭塵埃送老樵。毀壁復完知故物。
沈沙俄出認前朝。毫翻夜雨天垂藻。墨汎春冰地應潮。

恐召相如令草檄。爲懷諸葛渡軍遙。

送蘇伯修御史

新除御史南臺去。頓覺文星闕下稀。病起可堪江霧濕。
信還莫待苑花飛。千年鳳鳥來阿閣。萬里鱸魚出釣磯。
總道揚雄文最古。君知頭白久思歸。

次韻柯玉文寄別

避弋驚鴻過遠汀。啄苔病鶴想華亭。臨邛枉騎情都盡。
於越扁舟影更傳。賓客莫詢溫室樹。君王猶問楚江萍。
重來賈傅非年少。前席從容對夕廷。

謝書巢惠梅花

巢翁遠送梅花樹。正在東風四日前。紅萼無言餘舊雪。

白頭相見又新年。喜從嘉樹來江雨。憶共香秬上海船。
春夜不眠賓客醉。只畱孤鶴伴清妍。

再用韻簡巢翁

豈無尊酒梅花側。聞道長齋繡佛前。官閣護雲宜煖日。
小車衝雪稱高年。願辭閣下金蓮炬。但乞湖中罨畫船。
約取巢翁攜鶴去。鬢毛同白不爭妍。

送玉泉長老栗木果

非青非黃栗木果。使者西川馬上來。楚國共疑金橘味。
衛人祇道木瓜栽。頻婆妙色情懷別。橄欖餘甘齒頰迴。
歸到玉泉應說法。試令關老聽轟雷。

送王君實御史

頓覺文星闕下稀。旁人猶道此言非。東風十日京城雪。
西道三春客子衣。鶯滿輞川君定到。鵲啼劍閣我思歸。
千花並繞圖書府。相待承恩入紫微。

寄句曲外史張伯雨

獨抱長鑱管白雲。琴心誰錄內篇文。清齋三日秋仍瘦。
徧禮羣真夜每分。石記恐妨塵外事。山經聊許世閒聞。
已從司馬求真籙。更爲通章九老君。

寄荅馬昂夫總管

白髮先朝舊從官。幾年南郡尙盤桓。九華山裏詩題徧。
采石江頭酒量寬。雁到京城還日莫。馬懷餘棧又春殘。
何時得共鳴皋鶴。八月匡廬散羽翰。

觀大洞經書與董道士

江東昔有大茅君。大藥親令二弟分。紺綠俄消頭上雪。
玄黃初合洞中雲。雷鳴春谷龍三變。月滿秋空鶴一羣。
一落人間成老大。何年名字刻瓊文。

送劉宗師歸茅山

長松落二千峰雪。碧漢寥天一鶴風。十月暫離句曲洞。
早春還謁大明宮。君王舊識蒼龍劍。圖書新傳白髮翁。
欲把紫芝歌隱惠。三茅應聽月明中。

與薩都刺進士

當年薦士多才俊。忽見新詩實失驚。今日玉堂須倚馬。
幾時上苑共聽鶯。賈生誰謂年猶少。庾信空慚老更成。

唯有臺中爲侍御。金盤承露最多情。

送歐陽元功謁告還潯陽

憶昔先君早識賢。手封製作動成編。交遊有道眞三益。
翰墨同朝又十年。心似古人機獨敏。用周當世惠仍全。
雍祠已有蒼崖石。欲托高文與代傳。

曉奉新書進御牀。解纓隨見濯滄浪。歸鴻不計江雲闊。
倦驥空懷野水長。竹簟暑風魂夢遠。茶烟清晝鬢毛蒼。
藍輿千里宜春道。投老相求水石莊。

送王師魯編修祠南鎮

山陰巖壑多陳迹。王事能來况莫春。太史好探神禹穴。
老夫先是會稽人。每見日出雕闌近。湖上風生白苧新。

若得梅樓同晚飯。便從賀監卜爲隣。

次韻楊友直

史館能容客避囂。深簾飛絮晝寥寥。數枝芍藥誰相贈。
一束生芻故可招。坐定驚雷經席上。酒闌纖月在林梢。
何由長共陶弘景。聽取松風作鳳韶。

題東平王與盛熙明手卷

原序

宋宣和手勅一通卷首題識四字我朝英宗皇帝御書也。帝嘗曰。至治三年正月十五日。幸五華山。臣有曰。此書獻者丞相拜住侍側。就題曰。賜之既歸。第曲江盛熙明寫金字佛書一帙。贊丞相丞相因曰。此卷贈之。且語曰。其故至順三。

年三月八日熙明屬歐陽元記其事於左方
聖代御題前代勅小臣叨備史臣書事業久爲人土苴
文章猶作世璠璣海淪碣石圖空在墓築祁連計已疏
誰識全燕天所眷萬年形勝帝王居

和馬侍御西山口占

岵嶢宮殿水西頭春日時聞翠輦遊霧引旌幢連閣道
風傳鐘鼓出城樓羣臣頌惠金爲刻萬歲稱觴玉作流
避暑醴泉涼氣早旋京應喜大田秋

到先隴爲墓人書

未忍他鄉作故鄉故因使騎入陵陽鄉人共訝聲音似
客路疑將鬢髮蒼親老長懷鄉里意孫多宜寘墓田旁

治生自可依諸葛。數頃膏腴八百桑。

八月十五日傷感

宮車曉送出神州。點二霜華入弊裘。無復文章通紫禁。
空餘涕淚洒清秋。苑中苜蓿烟光合。塞外蒲萄露氣浮。
最憶御前催草詔。承恩回首幾星周。

題煖翠亭

老去唯思臥白雲。一亭萬竹喜初聞。波回曉日鴛鴦並。
沙散晴烟翡翠分。把釣左泉歸衛女。乘舟北渚望湘君。
誰能獨采薇盈袖。却道高寒思不羣。

送許有孚赴湖廣提舉

奉詔掄文秘殿西。才華知合藉金閨。思親浩蕩江波遠。

戀闕遲回苑樹低。望鶴樓前移綵鷁。吟詩花底聽黃鸝。
歸來尙覺春風早。雁字充庭玉筍齊。

賦石竹

積雪初消萼綠華。東風吹動絳綃霞。龍嘘石氣千年潤。
鶴過林陰一逕斜。刻字欲尋金錯落。析旌如織翠交加。
綺廂坐對吹笙暖。未覺人閒歲月賒。

集爲朶兒只慎齋平章題紫微亭用王右丞語
也并賦詩一首奉寄

右丞昔向終南住。獨對南山賦紫微。春雨乍收原上牧。
晚晴仍見谷中歸。好畱杜牧爲賓客。更覓園公共薜薇。
聞道新亭多雅興。想持尊酒看清暉。

賦碧筠堂

藹二江東雨後雲。碧筠堂上注芳尊。眉山老去無賓客。
淇水春生有子孫。團扇晚涼畱翠黛。疏林纖月對黃昏。
問誰吹得參差玉。爲斲蒼苔向石根。

奉同吳宗師賦蔡七祖新齋

城南烟樹聽鶯啼。石上莓苔覓舊題。自有琴心傳內景。
更將書帙事幽棲。晚來相鶴風生竹。雨過籠鵝水滿溪。
蜀客草玄成底事。蕭條白髮愧青藜。

次韻吳宗師

硯池滿貯薔薇水。鏗腹輕磨翡翠鈿。仙苑烟雲隨地煖。
道山風日向春佳。巢笙夜二鳴金屋。飛鳥時二步玉階。

祇恐江頭花事晚。漫勞車馬賦茅齋。

寄來鶴亭主人

惠清舊館何時到。雨後春泉定滿池。綠字久無弘景信。
紫苔應長少霞碑。數峰烟樹天垂野。千頃鷗波雨散絲。
海內交遊多老去。爲誰溪上放船遲。

送王中夫赴安慶教授

太行積雪都消盡。船到舒州水正高。江樹連城分野色。
門生加豆薦溪毛。尋原自去書山石。問字誰能載醴醪。
爲覓種椒張處士。早收丹實待歸舠。
自注集延祐己未秋南歸安慶城東有張教授與予同舟從者得椒實數升至江右種皆成集復來京師又十數年山中椒已無存者可爲求種秋過江上行取之爾

送張兵部巡視運河

畫橋冰泮動龍舟。鴨綠潏。出御溝。使者旌旗穿柳過。
人家鳬雁傍溪浮。桃花吹雨春牽纜。江水平堤夜唱籌。
應有餘波方浩蕩。不令歸楫恨淹留。

謝吳宗師惠墨

念我衰年不廢書。錦囊古墨送幽居。明窗塵影丹同熟。
元圃雲英玉不如。敢爲文章勝虎豹。祇應箋註到蟲魚。
研磨不盡人間老。傳與兒孫尙有餘。

再和二首

慣見天真按筆書。七言宛麗出閒居。誰云太璞無存者。
藏在丹房已久如。寫韻臺虛人跨虎。換鵝池暖水生魚。

元霜比似金丹秘。祇得刀圭便有餘。
家傳戈法負遺書。得墨深將藻繪居。華采每慚誇既往。
平安聊遣問何如。畫殘翠黛愁蛾綠。寫得黃庭辟蠹魚。
鬚髮如霜還可染。硯池不敢棄君餘。

三用韻答巢翁就日奎章賜墨予之

隣父長思長史書。不辭頻謁惱巢居。臨池三月玄霜盡。
對月千篇白雪如。賦敵洛波翔翠羽。歌成湘浦媵文魚。
故分瀘石松烟色。猶是奎章舊賜餘。

四用韻寄吳宗師奉祠城東岳祀其二謝夏真人送海棠一枝

休奉東封遠獻書。神宮咫尺九重居。香飄秘殿人嚴若。

靈降方壇樂翕如。水上祓除祠候燕。雨中歸牧夢占魚。
此時最憶風雲地。濯二清沂詠歎餘。
定計歸來已束書。高齋虛寂似禪居。好花送與春厭共。
病目愁看宿霧如。四月出林多野筍。半陂流水足溪魚。
今春又過今秋早。一飯跼蹐不願餘。

謝吳宗師送牡丹

人人看盡洛陽花。誰似堯夫小二車。高閣每煩君實望。
西街還過伯淳家。東風寒食炊烟散。燕子空梁暮景斜。
最憶秦城垓上樹。樵人祇向擔頭誇。

題著色山水圖

江樹重。二江水深。楚王宮殿在山陰。白雲窈窕生春浦。

翠黛嬋娟對晚岑。宋玉少時多諷詠。江淹老去倦登臨。
扁舟却上巴陵去。閒聽孤猿月下吟。

題熊太古畫

亭上長松三百丈。何人可侶此經過。窮冬藜杖出同谷。
清夏籃輿還曲阿。栖鵲每來從島嶼。老猿時復下藤蘿。
王維韋偃久不見。病目摩挲愁奈何。

送趙伯常自中臺出貳淮憲

淮南地沃徧宜麥。况可扁舟弋雁鳬。此地正須能賦客。
中臺新剖使君符。山城過雨驚春盡。野老扶藜到日晡。
行部若臨江岸闊。烟波冉二有漁夫。

送淨慈書記

寒梅的二西來意。翠竹青二劫外春。日出碧雞山作霧。
臺空彩鳳地無塵。八年寫遍湖光好。萬里歸來月色新。
我在錦官城裏住。白雲滿屋便爲隣。

送趙秉彝因王君實末章引起句

朝裏儒官盡白頭。斯言三復使人愁。芳叢獨見芝蘭秀。
早歲不矜稊稗秋。藏書靈谷訪遺老。把釣清江懷故侯。
大中樑棟小榱桷。匠氏尋引還相求。

鏤曰興會斐然不爲律縛正如王右丞畫雪著芭蕉。
可於神致求之不可已理詰也然學者慎無圖兒爲。

題畫

緝熙殿裏御屏風。零落誰收百歲中。錦樹總含春雨露。

畫橋猶是舊青紅。花開陌上懷歸燕。潮落江頭送去鴻。
何似綠波生太液。絳桃風急綵船東。

城東觀杏花

明日城東看杏花。丁寧兒子早將車。路從丹鳳樓前過。
酒向金魚館裏賒。綠水滿溝生杜若。煖雲將雨少塵沙。
絕勝羊傳襄陽道。歸騎西風擁鼓笳。

題張希孟中丞送畢提點申達卷後

十年七聘不還朝。起爲飢民夜駕輶。嘉樹百年誰忍伐。
生芻一束不能招。西州華屋交遊少。北海清尊意氣消。
欲寫濟南名士傳。泉聲山影晚蕭蕭。

寄海南故將軍

海上風來五月秋。晚涼應上木蘭舟。金盤丹荔生南國。
玉碗清冰出北州。狂客醉時花作陣。美人歌罷月如鉤。
期門舊識將軍面。從獵還披翠羽裘。

次韻宋誠甫學士城南訪病莫歸

騎馬城南覓舊題。飄蕭席帽碧雲低。東風花柳過韋曲。
落日兒童唱大堤。繡閣豈無和玉髓。錦囊還有鑄金蹄。
歸來吟轉樓頭月。池冷芙蓉翡翠栖。

翁覃溪曰實迺字字吟哦頓挫而出

寄泉南三老人

春城連海樹扶疏。中有幽人八十餘。庾信流傳江左賦。
伏生零落濟南書。鄰翁社舞尊多酒。弟子晨炊饌有魚。

前代衣冠今絕少。故懷三老載安車。

次韻答眾仲助教相壽之句

老牛無力服柴車。道遠鞭驅未到家。碩果長畱霜後樹。
寒梅深辨雪中花。青城萬里懷空谷。滄海千年望太霞。
賴有良朋相慰藉。釣竿隨分倚江沙。

題康里子山尙書凝春小隱六韻

羣玉府中香滿袖。凝春亭裏看花開。綵雲近席微風動。
紅日當窗好客來。西海珊瑚階下長。東家胡蝶雪中迴。
竹深每聽尙書履。池煖時分太液杯。鳳羽浮烟金錯落。
鵝羣隨水白氍毹。人間應得函封帖。青李林禽繞舍栽。

次韻杜惠常博士萬歲山

秘閣沈二便殿西頻年立此聽春鷗風搖翠岸新生柳
雨浥銅池舊產芝玉几由來常咫尺衡門此日遂栖遲
申生欲去柴車在杜甫長吟雪鬢垂墨沼遊魚翻宿藻
畫檐飛燕冒晴絲山中竹簟涼如水應夢釣天九奏時

次韻朱顯甫

御溝雪融三月初鳬鷺鴻雁總來居葡萄水綠可爲酒
楊柳條青堪貫魚池邇天河起箕尾滉漾雲海浮青徐
舟前花落傍飛燕堤上風來濕舞裾翠輦時畱金騶馬
錦波不著玉夫渠臨流宋玉偏能賦莫待東都客問余

道園詩集卷第三

虞文靖公道園全隹卷四

在朝橐四

絕句五言

燕陳公子宅贈燕學士

落日照大隄。花間聞馬嘶。城頭鼓角起。相送五門西。

宣和墨竹寒雀

眼昏身手鈍。上馬怕風沙。祇好扶藜杖。循籬看落花。

題旦僉司所藏慧甄腐瓜行蟻圖

瓜腐來螻蟻。梧生致鳳凰。荒園空宿雨。阿閣自春陽。

雙鴛圖

戢翼石梁陰。秋風日夜深。使君莫行野。江水蕩人心。

畫扇雀竹

啄粟野田莫。飛鳴亦求雌。誰家江上雨。發船歌竹枝。

畫扇柳蟬

不食遂終日。長吟如老翁。金盤九秋露。玉樹一絲風。

畫雙蝶

舞罷庭花落。池邊看睡鳬。無端雙蛺蝶。飛上繡羅襦。

商憲符畫松

松根生茯苓。松葉纏兔絲。服之可長生。歸哉南山陲。

河梁泣別圖

落葉滿長安。秋風漢節還。裁詩寄歸雁。三月到天山。

缺曰含意不露是唐賢絕句體裁

題蒙古松壑書

長風壑中來。吹雨洒高竹。憶昔曾見之。終南跨黃犢。

捕魚圖

網罟日相從。天寒澤國空。釣竿長倚樹。老却渭川翁。

子昂畫

拂石叢竹閒。采蘭幽林下。遊子憺忘歸。何日遺遠者。

又

松上一枝雪。竹閒千本蘭。江濤嗟遠道。風雨憶春寒。

雜寫

韓子登華封。縣令捐其階。囂呼始得下。亦不傷雅懷。

其二

粵人善操舟。先去令人愁。今年水未落。不見葦鱸秋。

其三

狂罵人不怒。徒然傷天和。問君丹邱月。當勝白蘋波。

其四

雲閒陸士龍。寧知千金貲。文章倘有取。論薦何愧辭。

其五

長鬚一握雪。昏目九重雲。不爲成去計。猿鶴皆怨紛。

其六

夕望姑蘇月。晨瞻太湖波。金章還闕下。隨意覓漁蓑。

其七

貪祿戀君恩。三年金馬門。願於堯舜世。頭白老人村。

題柯敬仲雜畫

北苑今仍在。南宮奈老何。青山解浮動。端爲白雲多。

其二

雨過蒼苔石。雲生野岸泉。幽懷春冉冉。稚子秀娟娟。

其三

鐵石餘生色。冰霜作曉妍。春雷明日起。何處尙龍眠。

其四

雨過黃陵廟。蒼梧雲正愁。何時倚虛幌。對此滿林秋。

其五

江上秋漠漠。風雨晚蕭蕭。千載誰相識。惟應待老樵。

其六

昔過箕管谷。鉤衣石肉斜。擬尋龍作杖。拾得上天槎。

其七

黃金千鎖甲。琬玉六簾鈎。雨送鴛鴦夢。烟籠翡翠愁。

其八

娟二生玉潤。楚二作金聲。羽扇迎風定。羊車過月明。

其九

峽口春雲重。江南夜雨多。水深桃葉渡。風急竹枝歌。

其十

蒼涼初出口。黃落早知秋。不遇采芝客。寧知叢桂幽。

其十一

明堂要梁棟。大匠取修直。鬱屈崖石間。秋風動蕭瑟。

其十二

平陸蒼龍起。近山生遠烟。前村三萬頃。明日水平田。

其十三

莓苔生石路。翠竹自交加。不惜青鞵濕。臨流蹋白沙。

其十四

昨夜采樵去。偶逢三尺枯。山人不到海。不識是珊瑚。

其十五

瀟洒一枝新。惟堪掃淨塵。白雲在窗戶。畱作老僧隣。

題李漑之學士湖上諸亭

烟蘿境

玉女乘烟霧。松閒采薜蘿。飛行了無跡。明月送空歌。

金潭雲日

金沙灘上日。潭底見雲行。祇有琴高鯉。時二或作羣。

漏舟

春水如天上。秋潭見月中。如何列禦寇。猶欲待冷風。

紫霞滄洲

洞裏琴鴻濶。洲前棹入雲。擬尋雲谷叟。同訪武夷君。

秋水觀

湖深山影碧。天淨月光空。幸自無波浪。蘋花漫晚風。

無倪舟

三周華不注。水影浸青天。不上銀河去。空明擊棹還。

紅雲島

日出湖邊曙。雲生島上紅。絲舟移曲岸。白塵對微風。

蕭閒堂

受業蕭閒老。令人憶稼軒。高堂何處是。湖曲長蘭蓀。

松關

黛色浮空表。蒼髯積雪邊。雞鳴從此度。掉臂向秋天。

大千毫髮

善聽返無聲。善視入無覩。還將一縷雲。散作萬山雨。

觀心

炯二燈畱室。微二息若存。仰探當月窟。俯察識天根。

題熊太古畫二首

路過秦時檣。家畱蜀道山。長安都看徧。回首入柴關。

其二

海內此亭古。幽村春事多。扁舟歸未得。江水已生波。
敬仲竹樹怪石

雪樹寒逾勁。霜筠晚更修。元雲動蒼石。令我憶湖州。

雜言

題柯博士九疑秋色圖

余獨游兮洞庭野。雲徘徊兮天將雨。望九疑兮不可見。
結幽篁兮聊延竚。

題柯博士畫

登孤丘而望遠。見江上之楓林。放余舟兮澧浦。何天高
而水深。

絕句七言

次韻竹枝歌答袁伯長

沙禽東去避網羅。蕩舟相逐如遠何。越山青。越女白。
從此勞人魂夢多。

春江風濤苦欲歸。東盡滄溟南斗低。明年白日百花飛。
憶爾琴中烏夜啼。

燕姬當鑪玉雪清。簫中吹得鳳凰聲。不及晴江轉桡鼓。
洗盞船頭沙鳥鳴。

木夫容

九月襄王宴渚宮。霓旌翠羽度雲中。滿汀山雨衣裳濕。
宋玉愁多賦未工。

水夫容

長洲宮沼醉西施。蕩漾蘭舟不自持。願奉君王千歲樂。
一盤清露玉淋漓。

送四川憲使

晚趨嚴召直承明。侃二論思歲未更。國老不應持節去。
鄉人徒羨過家榮。錦溪園裏千竿竹。夏日移牀就綠陰。烏帽練衣邛竹杖。
閒來誰與共清吟。已歎玄經返墨池。復愁國史奉嚴祠。離鄉遊子歸仍晚。
獨對東風惜鬢絲。小東郭外今無舍。萬里橋西況有田。不恨錦官非昔日。

知尋玉局是何年。

龍游峽口芝千本。仙井山中玉數匳。老去首丘天所念。
未甘孫子祇東南。

曹將軍馬

高秋風起玉關西。踣鐵歸朝百萬蹄。貌得當時第一匹。
昭陵風雨夜聞嘶。

舊屋

舊屋已屬他人家。臨風且復立江沙。欲從子雲訪墨沼。
更向少陵尋浣花。

誰家

誰家結屋倚江湍。五月湍聲入座寒。種樹已堪維馬騎。

開軒即可把魚竿

馬圖

昔在乾淳撫蜀師。賣茶買馬濟時危。鄉人啜茗同觀畫。解說前朝復有誰。

先君太史棄諸孤之四年。集來吳門省連州府君之墓。始見叔父南山翁。二與集同出太師雍國公蓋四從矣。翁曰。後會未可期。幸畱數語。識歲月。翁方客授外鄉。又曰。推人生年月日論禍福。曰。代耕。故不能久畱城中。敢用賦。此曰承命云耳。

玉屏古柏與天齊。使過於今又七期。各道遺書向江上。

西風江水鬢絲二。

玉遮墓下有諸孫。東望滄波每斷魂。泣血三年餘喘在。
更將衰淚灑荒園。族人散處江南郡。不識音容但記名。世澤須令孫子憶。
故家今幾尙簪纓。

王母圖

瑤草春深盡日閒。靈芝清露自怡顏。雙成吹徹參差玉。
八駿人間去不還。偷桃小兒癡且妍。恃恩無賴更蒙憐。竊翻雷電天公怒。
風雨落花紅九川。黃竹遺墟白雪高。空桑戴勝向晨鳴。茂陵多欲非仙器。

枉賜金盤五色桃。
西望瑤池斗柄旋。
金明水淨月娟二。
請觀阿母神仙籍。
名在龜山第幾篇。

竹杏沙頭灘漱

蛺蝶飛來石竹叢。
羅襦曾試繡紋重。
荷花啼鳥銀屏暖。
臥看窗閒唾碧茸。

閩州海棠

閩州城南天下稀。
海棠參天鸚鵡飛。
百年高興付蕭散。
老著西江何日歸。

畫猿

冷泉亭下呼常到。
巫峽舟中聽更愁。
老石枯藤還見汝。

因懷經處思悠。

記夢中詩三首

出海雲霞九色芒。金容滉漾水中央。向曾賜服元洲玉。
今結蕭臺五鳳章。

飛步崔嵬上九宮。親題彩筆篆明虹。玉樓臨海連天碧。
待子扶桑鶴出籠。

失卻漁磯返棹遲。幾回石上候安期。老翁巖下諸年少。
總解題詩笑鬢絲。

題周東陽進士爲南郭園林記後

南郭名園纔隔縣。好沾花竹及清時。歸來未老柴車在。
百里尋春定可期。

維摩

二士同開不二門。是何境界擬評論。若爲普供諸香飯。貴得薰聞識道根。

錢舜舉折枝夫容

白髮多情憶劍南。秋風溪上看春酣。剪來一尺吳江水。擬比千花濯錦潭。

商惠符小景

商公昔者觀秦蜀。劍閣崢嶸筆底開。又向江南住三載。不爲廬阜卽天台。

天祚改元十月題子昂馬

朝服綰帶日從容。太僕承恩出九重。前代王孫今閣老。

祇畫天閑八尺龍

翁覃溪曰此與王孫今代玉堂僊用意又別
錕曰題好詩亦蘊藉

寄馬伯庸尙書

江上河豚吹柳花三月淮船當到家
賜金盡賣買田舍
坐對八公吟日斜

商惠符小景

五老峰前屢往來紫雲如蓋蔭崔嵬
十年京國頻看畫
最愛高僧坐石苔

賦故宋李忠襄公植烏石渡舊隱

窈窕幽篁帶薜蘿青春白日坐蹉跎
試詢烏石江頭水

寧有微波接汨羅

訪杜弘道長史不值道中偶成

雨浥輕塵道半乾興來隨處借花看
牆東千樹垂楊柳飛絮時二近馬鞍

聽雨

屏風圍坐鬢髮二絳蠟搖光照暮酣
京國多年情態改忽聽春雨憶江南

棋曰語淺情深

春雲

春雲漠二度宮城樓雪初融水未生
行過御溝成久立起頭枝上有流鶯

與趙子期趨閣

日出風生太液波。畫橋千尺彩船過。橋頭柳色深如許。
應是偏承雨露多。

玉堂讀卷雜賦次韻

侍漏宮門聽鑰開。袖中進卷總賢才。奏名殿裏千花合。
傳勅階前好雨來。
千花覆檻柳垂絲。晝刻傳呼淑景遲。聖主自觀新進策。
侍臣簪筆立多時。
文章光焰貫長虹。來者無窮去者空。頭白眼昏心力盡。
高堂深夜燭搖紅。

題陳眾仲助教送人之官南平序後

我憶錦溪最上原。春雲爲雨日行天。何時獨上溪邊閣。
不待冷風已洒然。

院中獨坐

何處他年寄此生。山中江上總關情。無端繞屋長松樹。
盡把風聲作雨聲。

題歐陽原功少監家柯敬仲畫

涔陽日二水生波。翠袖黃裳晚櫂過。珠樹月明花婀娜。
鳳毛春煖錦婆娑。

楚宮朝雨過江潭。燕二新來試浴蠶。庭下錦衣皆稚子。
庖前秀色是宜男。

子昂人馬圖

綠衣奴子十七八。面如紅玉牽馬過。繡簾美人時共看。
階前青草落花多。

紹興閒臨安士人有賦曲一春長費買花錢。日
日醉湖邊。玉驄慣識西湖路。驕嘶過沽酒樓前。
紅杏香中簫鼓。綠楊影裏鞦韆。晚風十里麗人
天。花壓鬢雲偏。畫船載得春歸去。餘情付湖水。
湖烟。明日重攜殘酒。來尋陌上花鈿。思陵見而
喜之。恨其後疊第五句重攜殘酒酸寒。改曰重
扶殘醉。因歐陽原功言及此。與陳眾仲尋腔度
之歌之一再。董此字求書其事。因書之。并系呂
一詩。

重扶殘醉西湖上。不見春風見畫船。頭白故人無在者。
斷提楊柳舞青烟。

題畫古木

高秋木落洞庭空。岳陽城南多晚風。蛟龍夜護玉壇古。
劍影長留明月中。

八月十五日得旨先歸驛騎在門復召還草詔
十七日至桓州驛題壁

烏桓東望天無際。祇有銀蟾出海頭。不得吹簫送清夜。
禁城鐘鼓度中秋。

子昂幽蘭修竹

舊時長見揮毫處。修竹幽蘭取次成。欲把一竿茗水上。

鷗波千里看雲生

子昂竹石

數尺琅玕近玉階。連昌宮苑少人來。
庚子蒼石如人立。恐有題名上紫苔。

畫竹石

井中墮卻翡翠釵。海上拾得珊瑚鈎。
蒼龍過雨影在壁。斷雲零落令人愁。
篋簾谷中春事晚。老鶴俛啄莓苔生。
長鳴戛戛二雨氣潤。舞羽翛然二山月明。

酬書巢送棕筵

積雨蒼苔路不分。松華盡日落紛紛。
塵埃滿袖歸來晚。

誰與柴門掃白雲

子昂畫

棠梨枝上白頭翁。墨色如新最惱公。直似故園花石外。
銅盤和露寫東風。

送上黨長

春雨人漫長紫苗。縣庭無事坐終朝。俯看雲氣千山表。
野有新田市有謠。

畫馬

蕭條沙苑貳師還。苜蓿秋風盡日閒。白髮圉人曾習御。
長鳴知是憶關山。

虢國夫人學畫眉。宮門催入許先馳。春風十里聞薌澤。

新賜金鞍不受騎

畫羅漢

虎嘯千山木葉空。晴空無處著神通。蒼龍浴罷軍持水。
閒玩明珠似日紅。

題納涼圖

百頃芙蓉水滿隄。綺廂只在畫橋西。羊車薄莫過湖曲。
驚起鴛鴦不並棲。

題畫

松戴蓬萊山上雪。竹含滄海岸邊風。三更月上誰能看。
唯有河東學劍翁。

題趙子固山礬瑞香水仙叢蕙

梁園池館日蒼涼。飛蓋追隨憶故鄉。澤畔行吟春事晚。
時二駐屐近微香。

息齋竹

紫貂早解獵圍驂。一棹夷猶雪滿簷。山雨欲來春樹暗。
盡將情思寫江南。

冬至前一日答吳宗師

綿二微息起黃庭。仰望扶桑拂帝青。海上鶴來知有意。
手持楊許寫來經。

題吳彩鸞所書唐韻

豫章城頭寫韻軒。繡簾窈窕地月娟。尋常鶴唳霜如水。
書到人間第幾篇。

壬申芝亭宜春帖

祇今江上無茅屋。何日成都有薄田。若荷聖恩歸去蚤。
東風擊壤慶堯年。

髮從更白三千丈。身似初生第一春。久向黃庭留白鶴。
偶隨華蓋駕蒼麟。

東風吹雪著髭鬚。目力都妨讀細書。兒子總堪供稼穡。
故人還許共樵漁。

一種芝蘭異楚蕝。儀如鸞鳳氣如春。他山借石成瑚璉。
莫負深耕種玉人。

華萼樓宴集圖

華萼樓前翠輦來。寧王吹笛百花開。夾城誰敢爭馳道。

獨對霓裳進玉杯

爲歐陽學士題子昂墨竹

蒼崖倚木雲千尺。新筍穿林玉一雙。若到瀟湘聽夜雨。
定知剪燭向西廂。先生歸到歸鴻閣。二下應生此竹枝。定有鳳凰來共宿。
可憐翡翠立多時。

送道士趙虛一歸金陵

三月二十五日集侍立延閣上顧問集嘗至金
陵否集謹對曰嘗到又曰治亭是朕所題往年
八九至其處新松當長茂矣集謹對曰臣猶是
未種松時到也近臣奏曰元妙住持道士趙虛

一所種也。上曰：然。又顧集曰：已陞觀爲宮，汝知之乎？集謹對曰：臣奉勅題榜，賜之矣。是日趙虛一來別歸江南，卽告呂聖上，不忘治亭之意。又三日，吳大宗師賦詩贈行，董先生爲持卷來索賦。因錄所得聖語如上云。

春明晝侍奎章閣。聖主從容問治亭。爲報仙都趙貞士，新松好護萬年青。

題子昂春江聽雨圖

原序

越鳥巢南枝，所欲得於江湖之上者甚不多也。區區不余畀，覩此慨然。

憶昔江湖聽雨眠，二歸雁度春前。數株古木依茅舍，

老去何年蹋釣船

顧奎光曰小序甚妙

賦思州田氏楊夫人柏舟堂

白髮高堂晝霧昏。自將忠義教兒孫。邊傍種得千株柏。
雨露深。荷主恩。

次韻杜惠常典籤秋日西山有感

落日龍舟山下回。寺門依舊對山開。霜凋碧樹烟生萼。
從此頻傷八月來。

百頃夫容野水光。石梁秋日度流香。空遺玉座臨高閣。
只有金仙住上方。

閣上露華生翡翠。潭陰日色射金虬。舊時車駕迎風動。

此日闌干傍水流。

每進文章出殿遲。日華西轉萬年枝。甘泉罷幸揚雄老。
滿鬢秋風不受吹。

題畫

原注柯敬仲雜畫

夢裏江南憶舊遊。明璫翠佩不勝愁。一鉤纖月清如水。
吹笛何人共綵舟。

黃筌夫容乳狗

西旅初聞効貢來。金毛覆地不凡材。騶虞麟趾同靈囿。
抱子花陰臥石苔。

題柯敬仲畫

牽牛引蔓上棠梨。上有幽禽夜二栖。自有秋風動疏竹。

江南落月不須啼。

題蔡端明蘇東坡墨蹟後

原序

天際烏雲含雨重。樓前紅日照山明。嵩陽道士
今何在。青眼看人萬里情。此蔡君謨夢中詩也。
集在錢塘。一日謁陳述古。邀余飲堂前小閣中。
壁上小書一絕。君謨真跡也。綽約新嬌生眼底。
侵尋舊事上睂尖。問君別後愁多少。得似春潮
夜二添。又有人和云。長垂玉筋殘妝臉。肯爲金
釵露指尖。萬斛閒愁何日盡。一分真態爲誰添。
二詩皆可觀。後詩不知誰作也。杭州營籍周韶
多蓄奇茗。嘗與君謨鬥勝。韶又和作詩。子容過

杭述古飲之韶泣求落籍子容曰可作一絕韶
援筆立成曰隴上巢空歲月驚忍看回首白梳
翎開籠若放雪衣女長念觀音般若經韶時有
服衣白一坐嗟嘆遂落籍同輩皆有詩送之二
人最善胡楚云淡妝輕素鶴翎紅移入朱闌便
不同應笑西園舊桃李強勻顏色待春風龍靚
云桃花流水本無塵一落人間幾度春解佩暫
酬交甫意濯纓還見武陵人固知杭人多慧也
丹丘柯敬仲多蓄魏晉法書至宋人書殆百十
函隨已與人弗畱也他日獨見此軸在几格閒
甚怪之及取觀則吾坡翁書蔡君謨夢中詩及

守居閣中舊題也第三詩曰爲不知何人作其
軒轅彌明之流與陳太守放營妓三詩亦辱翁
翰墨流傳至今亦有緣耶卷後聯佳紙敬仲求
集作詩識其後賦此四首是日試郭岷墨但目
疾轉深不復能作字又他年歲後雖若此者亦
尙能作否臨楮慨然至順辛未二月望日成都

虞集書

祇今誰是錢塘守頗解湖中宿畫船曉起鬥茶龍井上

花開陌上載嬋娟

自注白樂天蔡君謨陳述古蘇子瞻皆杭守也

老却眉山長帽翁茶烟輕颺鬢絲風錦囊舊賜龍團在

誰爲分泉明月中

三生石上舊精魂。邂逅相逢莫重論。縱有繡囊畱別恨。
已無明鏡著啼痕。能言學得妙蓮華。贏得春風對客誇。乞食衲衣渾未老。
爲題靈塔向金沙。

題著色山圖

巫山空翠濕人衣。玉笛凌虛韻轉微。宋玉多情今老矣。
閒雲閒雨是耶非。

題東坡帖

原序

東坡先生書少陵翁負薪行筆力與辭氣同一
高古。憶在江上聞舟人竹枝一首。漫識於此。
魚復浦前春水生。負薪渡江新月明。憑郎莫下巫峽去。

楚王宮殿在專城

錡曰質而不俚最近古人

題畫

張彥輔小景

山下吳王避暑宮
前浪起白蘋風
抱琴響麋廊頭去
多是扁舟笠澤翁

題李氏青溪精舍

昔逢李白青溪上
醉著宮花紫綺袍
松雪落崖迴晚櫂
海風吹月見秋毫

題李氏浩然堂

水滿青溪花滿叢
浩然堂上看春風
小車還過溪頭去
看徧青山似洛中

聽雪軒

樓前宿鷺起星河。近歲江南雪轉多。投老鐘山寒不寐。
滿山松竹夜如何。

放鶴亭

山人不受北山移。春雨開田種紫芝。昨日華陽真逸到。
借騎過海問安期。

臘日偶題

大藥無功卦氣銷。等閒雙鬢雪飄蕭。東家釀得黃精酒。
說道凌晨許見招。
舊時燕子尾銚。重覓新巢冷未堪。爲報道人歸去也。
杏花春雨在江南。

無題

夏簟琅玕冷於水
綠鞵烹魚手操匕
西風歸燕杏梁深
恨不身先貴人死

與陳升海

門外大風都不起
窗前卷書淨於水
匡廬道士上清來
吹笛數聲月明裏

與陳道士

門外大風吹樹倒
窗下燒香禮黃老
日午誦徹大洞經
白鶴隨人啄瑤草

題扇與周幹臣

玉疊松花蜜餅香
龍珠星顆露盤涼
遙知環碧樓中坐

翠竹蒼松夏日長。

樂府

次韻禮院孟子周僉院秋夜曲二疊

天濶秋高初夜長。浮塵銷盡霧蒼茫。澄二孤月轉危牆。
金井有聲惟墜露。玉階無色乍凝霜。不聞人語只吟蛩。
風力清嚴掃暮烟。纖塵不碍月嬋娟。太虛那得有中邊。
大地山河空復影。九霄宮闕舊無傳。幾承劍氣一飄然。

招熊少府

南阜小亭臺。薄有山花取次開。寄語多情熊少府。晴也
須來。雨也須來。隨意且銜杯。莫惜春衣坐綠苔。若待明
朝風雨過。人在天涯。春在天涯。

廬山尋真觀題法曲導引

闌干曲正面碧崔嵬嵐氣著衣成紫霧墨香橫壁長蒼苔
蟾詩爲白玉柏影掃空臺江海客欲去更徘徊霧鬢雲鬟
何處在風泉雪磴幾時來鶴翅九秋開

題梅花寒雀圖

殘雪曉牕外幽禽少春聲初動花枝裊花落知多少春
起早苦被東風惱綠陰攜子歸來好滿徑生芳草

柳梢青題楊補之梅花

壬順癸酉立春客有持逃禪翁此卷相示清潤
蘊藉使人意消因所題柳梢青調亦賦一首云
從別幽華玉堂金馬十載忘家橫幅疎枝如逢舊識同

在天涯。荒村茅屋欹斜。待歸去重尋釣棹。解卻釣絲。青
鞋藜杖。翠竹江沙。

風入松

畫堂紅袖倚清酣。華髮不勝簪。幾回晚直金鑾殿。東風
軟花裏停驂。書詔許傳宮燭。香羅初剪朝衫。御溝冰泮
水拖藍。飛燕又呢喃。重簾幙寒猶在。憑誰寄金字泥
緘。爲報先生歸也。杏花春雨江南。

道園詩集卷第四

虞文靖公道園全集卷五

應制稿

一卷

韓晉公

混土星像

猗黃靈填土中。馴伏牛類相從。朱旂揚招八風。乘天田
入紫宮。命司嗇錫九農。鳴塊桴年屢豐。

蘊能羅漢圖

有寶其寶。破慳來獻。我乃回施。非見所見。月輪當空。天
清海平。神光赫然。萬國永寧。

趙千里出峽圖

巨舟臨峽口。眾工志如一。各以所操濟。雖危萬無失。所
憂至平曠。玩肆生縱逸。母俾持釣翁。倚杖三太息。

滕昌祐懷香睡鵝圖

蒼鵝惜毛羽。宛宛臥春雨。雨餘日照沙。上有懷香花。懷香不自獻。夢到金鑾殿。殿池多躍魚。君王方草書。

董元夏景山口待渡圖

董元夏山何可得。嘉木千章鐵作畫。曾巒總含雨氣潤。百谷正受川光溢。犬牙洲渚善湫澗。滄江散落碣石開。山田何處無耕鑿。尋源不得還徘徊。柳下行人將有適。臨流不度心爲慄。我楫孔堅舟孔安。奉子以濟諒非難。

題周怡臨韓幹明皇出游圖

開元盛事何人畫。玉冠夫容御天馬。從官騎步各有持。移仗華清意閒暇。宮花如錦照青春。詔許傳看思古人。

不知身在瀛洲上。親奉圖書侍紫宸。

羅漢圖

神光炯炯視容直。坐展兩足手按膝。雨龍還入軍持水。
風衣拂著磐陀石。深山海島非人閒。碧桃花開啼鳥閒。
法雲遠爲等慈起。矍然飛錫無留難。

胡虔取水番部圖

駝車度磧輒三日。老馬跑沙泉水溢。橐囊盛滿不辭勞。
徼外天山雪千尺。君不見聖明天子恩澤多。旁及四海
猶翕河。昆蟲草木感餘潤。日獻醴泉甘露歌。

端午賜大長公主

原序

細葛迎颼喜宮衣之初試。瑞蓮承露慶壽學之

方持輒陳節物之多儀用祝年齡之有永併將

唐律式衍魯風

殿閣薰風五月涼。綠荷池上度天香。扇裁團鑑飄羅雪。
盤注輕冰酌玉漿。塵尾可消時晝永。綵絲宜祝壽年長。
清朝共慶宮闈貴。萬歲萑蒲汎紫觴。

白樂天重屏圖

錦屏圍煖坐衰翁。妻子相看語笑同。翡翠鴛鴦元是畫。
櫻桃楊柳詎非空。清朝優老容歸早。野寺宜閒見歲豐。
兜率有天何異此。葛巾吟偈白蓮風。

柯博士畫扇

旭日鳴幽鳥。露華在芳叢。外廷無奏事。殿閣自微風。

燕文貴小景

行盡長松逕。溪頭有小舟。鑑湖如賜與。終日弄清流。

徽宗畫梨花青禽圖

宿雨初收禁林寒。玉斧臨牕看春色。蒺藜沙上暖塵飛。
何處人間作寒食。

趙千里小景

前代王孫不好武。拈筆幽牕寫汀渚。殘雲野水三百年。
依舊松筠溼春雨。

陳閔畫中宗射鹿圖

昭陵石馬立殘陽。曾見騰驤逐鹿場。馳射衝波夸獲雉。
故知英氣似前王。

曹霸下槽馬

櫪下長年飽豆芻。誰通馬語識踟躕。主恩深重知何報。或者東封駕鼓車。

道園詩集卷第五

虞文靖公道園全集卷六

歸田橐

賦

東皋賦

出東郭曰騁望得逶迤之方皋窈窕修筠之舍盤桓嘉
樹之高秀野綠縹長渠翠濤界畦疇曰分畫列藩籬乎
周遭汎崇蘭於舊畹薦幽澗之新毛鳶魚樂兮天光雲
影之動蕩虎豹蔚兮山輝川媚之薰陶結幽居曰靜好
不窺園曰爲遨或視明星而弋鴈或饗朋酒而包羔其
有棄敝屨於軒冕託遺響於歌騷者乎吁嗟惟麟黍稷
在畿眇故封兮江海悵王孫兮來歸載耘載耔載裳載

衣忽十世其將遠挺三君而奮飛奉賢書曰造廷竝策
名於常旂鸞翔鳳朝赫其有輝值炎精之既淪遽斂翮
於熹微於穆趙侯知惠者稀中田有廬兮種瓜北山無
蹊兮采薇悄二隱憂兮願懷二懇二菑畚兮疇依慨膚士
之不慝懼俯仰之多違侃二廣文特起無儔內有明賢
之助外嬰憂患之酬二親高年一身百謀煦二陽春英
二涼秋屢專席於名郡常曳裾於諸侯觴詠不閒於絲
竹旨甘頻及於交游積累之勤百福是邁婉二子孫食
惠不渝嗟予少時迎於名門揮絃飛鴻垂綸遊鯤老至
不知車懸身存夕草載露黯二然銷魂訊故老於岑隅索
履跡於崖根秀娟二兮既長鬱蒼二兮彌尊孰辟世於

醉鄉樂舒嘯於邱園晨光粲其盈庭鶴鳴聞於九天黍稌既豐華實載繁俎豆衣冠古而又文東臯之人其昔之桃源也邪

古詩四言

環洲詩爲蔡天璧作

溪有清流環我中洲。襍華鮮明芳草和柔。詠有文君。鳴有睢鳩。采二遊女。侃二良疇。載泳載游。在我中洲。溯二無端。沿二無止。既采蘋藻。亦有蘭芷。觀彼嘉魚。一日千里。彼畎彼隰。皆爲方田。分合雍邱。交流壁旋。星迴于天。雲媚于川。君子樂豈。睂壽永年。言命輕舟。言載百壺。駕我乘黃。履我雙鳧。汎二彭蠡。至于匡廬。詠歌曰歸。清風

載途

冰雪相看亭

原序

趙君有道之先故宋南渡時自東都徙分宜二
百年于茲矣其大父登進士第仕至文林郎湖
北憲司幹辦公事其父兩舉江西轉運司進士
覃恩受官宋亡不復仕城東故地美竹萬个作
亭其間而隱焉名之曰冰雪相看信國公之子
平遠宣慰之所題也有道信厚敦愿衣冠容氣
翩然有王孫公子之遺風敏稼穡曰服徵賦
謹詩禮曰保族姓無外驚無妄求弗變其父之
志曰老其身曰長其子孫是曰士君子稱焉夫

元亨利貞之爲德猶春夏秋冬以爲時也君子
觀乎運序曰白處則合於時措之宜而不過焉
方其曰振振麟趾之賢處富貴之極則元亨春
夏之時也白其來南族蕃曰久非秋之利乎其
在有道爲冬之貞無疑矣冰至堅而不折雪至
潔而不污凜然相看不接于他物誠得處貞之
道也予聞而善之故爲之賦詩焉

挺挺直筠琴岡之陰豈無春陽匪今斯今高宜于天下
蟠地深不易其節侃侃素心豈無膚敏白駒駿驥我獨
考槃樂乎幽林堅冰在淵積雪在岑獨往不迴悠然行
吟采采紫芝園綺是尋還求陶生撫我素琴邈乎古人

副我夙欽

竹林七賢圖

瞻彼修竹。下臨清流。文石偃隄。華松蔭邱。植表界壤。翦
茅宅幽。梁度高巘。臺隱中洲。方牀讀書。異宮同休。詠歌
相聞。觴豆相求。或蒔名藥。或釣游鯈。課藝嘉植。坐思遠
遊。濯纓微波。看雲良疇。逸而不放。嚴而自修。泰哉沮溺。
邈乎巢由。按圖曰觀。永宜春秋。孰若七君。遺其故儔。糟
粕塵世。高縱莊周。我懷古人。遯而違憂。安得揮絃。已招
湛浮。

竹溪六逸圖

悠二逝川。矯二逸民。攜書相從。敷席水濱。支頤負暄。揮

羽卻塵躡屐遠道。隱几重茵。幽響中發。虛觴載陳。投我嘉實。含和茹醇。優哉悠哉。及茲良辰。山有鳴鳥。郊有遊麟。濟二呂寧我懷古人。

古詩五言

題汪華玉所藏蘭亭圖

衡茅負晴旭。有客至我門。共披會稽圖。山木盛繽紛。眾賢坐水次。飛觴汎沄。夷曠各有趣。高閒知右軍。幽情付後覽。陳迹感前欣。悠二千載來。不異更旦昏。探穴問神禹。望海悲秦君。逝者皆如斯。死生固奚云。所曰鼓瑟人。思從童冠羣。春服沂新浴。歸歟聊永言。撫卷不知老。遐思在茲文。東南極積水。日暮多浮雲。

寄題曹元賓尚書臨流圖王繼學參政畫

昔聞適炎服。中道臨清漪。潘二蕩荒日。悠二寒動颼。來者何滔。逝者不可追。聖有川上歎。晝夜固如斯。解纓手自濯。浩蕩忘險夷。高人今摩詰。萬里同襟期。抽毫寫幽思。滯雨更題詩。三年反田里。春河釋冰澌。舟楫繫野樹。灌木晞晨曦。上堂喜懼集。艱辛謝親慈。入室換野服。登山采靈芝。庶曰永年壽。豈惟療朝飢。開囊見舊物。感慨深係之。歲晚金石友。看雲立多時。憐我不共看。寄言令我知。來鴻春苦旱。去燕秋易寒。道遠不相覲。加餐慰遐思。

玉隆留題

仙真治茲山。重阜隱延廣。冲奧元氣會。運至法靈響。與
世作司命。神宇廓宏敞。及門春雨來。元感副夙仰。摩挲
晉時樹。託身何蕭爽。千載抱微息。日月其來往。欲爲黃
髮期。日待紫芝長。上天垂光彩。月出江海上。故人不可
待。惆悵理歸鞅。

黃堂留題

雲館息塵鞅。夜聞春雨聲。溪水傍階長。仙茅新綠生。曉
氣動原野。曠分見夷平。神真昔參合。觀泉宅幽貞。儼然
師弟子。歲來會秋清。遺民千載後。高宴從簫笙。因嗟蚤
好道。晚歸濯冠纓。矯首望遠海。駕言羽翰成。神仙在平
地。敺驅愧凡情。太乙有移召。中洲良可營。

記夢

夢行衡廬間。千仞過蒼壁。崇高仰神明。深廣下不測。雲
雨蓄旁礴。時至如欲出。綑縲尙回旋。揮霍忽奔逸。物怪
匿巖穴。懔若俟霹靂。黑波汎高樹。木葉走崩石。升身登
元間。縱觀龍變跡。俯視九州野。草木有輝澤。乃在風雨
外。手畫素三尺。揮毫極動盪。落墨更沈鬱。圖成示坐人。
其笑不可得。顧瞻以踟躕。恍惚增歎息。因之命肩輿。出
門聊有適。大術何舒一。白鶴從數客。略經幽澗濱。便上
青松側。憑高望遠水。雙景蕩虛碧。拂石共客坐。芳草藉
尻膝。忽然聞鐘聲。睡覺北窗席。

次韻陳溪山樓履

頗憶蜀井西。櫻欄每易訖。披心割魚子。束皮充彗掃。制
工巧。紉履文。織象花草。輕鬆隔沮洳。緩步得堅好。長跪
獻圯下。會期後三早。知君貴賤履。陟降恆有道。憐我涉
世深。垂誠不待造。兢二歷淵冰縮二奉師保。時行不違
矩。庶慊歲年老。

其二

解舄還上方。歸山據枯槁。禁足結憎夏。陳編謝探討。隱
几或過書。凝塵遂忘掃。行庭不見人。誰或踐生草。實由
筋力衰。無復馳走好。前年當此時。嚴召出城早。追度龍
門水。賜見沙領道。鼎湖忽踰年。始克罷趨造。感君素履
詠。幽貞可長保。番番茹芝人。長歌豈知老。

其三

六月乃屢雨。良田不憂槁。獨念桂林戍。觸熱赴南討。道路備攘掠。所過淨于掃。縛人夜送軍。吏卒何草草。蠻獠亦人類。義利啓戎好。尋原可制亂。機要貴及早。夜來送者還。頗言喝橫道。諸軍四面集。同月約皆造。誰爲飢渴謀。性命安可保。藜藿雖滿盤。對之令人老。

浮邱公吟寄赤城陳道士。人山有遇爲溪山。壽浮邱生上古。形神蓋不泯。說詩秦漢閒。安知非斯人。世俗苦淺迫。無能信真淳。雨雲不待攷。飛光越鹵塵。豈知有道者。千歲一息勻。金精歷可鍊。色重無磨磷。蒼二紫元峯。咫尺天北辰。神明未已定。尊高此依因。握機稟元

化同流溥無垠。所曰赤城子。從師踐荆榛。三周日月屯。
志確神乃親。廬閒玉雪相。旭陽射光新。稽首受餘嘖。骨
換非昔民。不遠恆在茲。睠然願知津。先生早有聞。爲恭
若逡巡。賤子請執御。端輓駕飛麟。

爲變理普化題陳立所作龍眠山圖

變侯起高科。得邑舒水上。民淳事稀簡。田野甚夷曠。戰
爭遺跡泯。山水良足賞。幽棲南昌尉。英爽赤壁將。古仙
家白雲。美人化黃壤。峇峇龍眠山。一士獨可尙。高懷托
千載。妙畫極羣象。向來讀書處。春雨草木長。夷猶昔賢
遠。瑤席共來享。彈琴坐終日。微泉散清響。來者安可期。
徘徊曰惆悵。畫圖記彷彿。聊曰慰遐想。

和陳溪山韻

幽人慎素履。古道思獨往。曠日登高臺。浮雲不足上。丹砂煉仙骨。沆瀣濯神爽。遠懷澄江濤。耿若孤月朗。河漢自傾注。山川邈游想。斂跡陃飛翼。歸耕故時壤。好風從東來。空谷感遺響。詔書薦遺逸。郡府屬高仰。聊持東湖水。往助敬亭賞。

和陳溪山送蘭花韻

幽林有叢蘭。菁菁秋不衰。憐彼采藥人。不識敷榮時。涼風動綠葉。清露生華滋。世傳神農經。圖書竟空披。深根寄連茹。藉曰瓊瑰詞。同心永爲好。豈但服食宜。先民昔有言。所貴希見知。舊聞絕行仙。晚有童孺姿。南陽有黃

華西山多紫芝。度世未聞道。咀嚼空莖枝。湛一保冲炁。
執御正不奇。靈苗無助長。無能已熙怡。始信斷金利。終
古貞不移。千鼓同一息。敢忘君子期。

送空巖印公還徑山

東出楞伽室。西望香爐峰。曲折披翳薈。蕭條倚枯筇。然
燈共過夜。曝日忽經冬。天山斷緣想。海國識行蹤。忘言
及生滅。抽簡托疎慵。追憶塔中相。表茲雲際封。螭父謝
五鳳。永護煩雙龍。

題張觀海所攜虛舟竹所二毛圖

虛舟倚亭臬。修竹相因依。水木有清華。魚鳥澹忘歸。鷺
羣晚色翫。鶴羽傍林暉。相是鑑湖曲。幽栖掛朝衣。古道

日已遠。昔人相見稀。蒼茫寫雲霧。蓬壺是邪非。

送龍翔高獨峰上人還金陵

承詔寫宮榜。馳使出丹闕。黃金射江海。光景依日月。邇來垂十載。感遇嗟白髮。神靈在雲漢。畎畹慨明發。祇園何譚。夙志返超忽。幽士任精舍。諸妄久息歇。活劫鑑止水。高峰獨齒萃。觀察勝願力。知我心兀。清風不可執。振錫出林樾。

送海東銛上人十首

用雲霞出海曙梅柳度江春爲韻

積水衆鷗滅。春空藹餘雲。掩室坐修竹。天花散繽紛。上人東海客。來去何見聞。飛錫還日下。珠宮浪沄。日色出海水。千波散明霞。一杯承足來。九載不爲除。要

觀香爐峰。折蘆長風沙。微吟動林響。蒼龍送浮槎。
我昔參秦霞。東望候日出。子從日下來。海水中蕩潏。坐
受龍女珠。簾垂夜光室。持還定何有。長空斷鴈一。
爲法不辭遠。遨遊歷年載。衣中得故珠。終夜動光彩。還
持一支葦。歸泛萬里海。駕言乘桴行。沙際如可待。
旨蓄崇虛豆。生芻長冰署。無堪餉遠客。乘下若爲住。行
囊掛屋壁。破榻夜風雨。神光發慧劍。耿射東海曙。
燕坐共禪月。行吟向孤梅。有懷匡廬山。老人岌崔嵬。洗
鉢三峽水。振木東林臺。乘槎動歸思。欲去更徘徊。
山居如老禪。坐致不請友。何方簷下雲。識我門前柳。翠
竹不碍山。黃花紛在手。未覺酬對難。離妄亦無取。

老胡昔東游。勝士乃西度。到岸無彼此。不憚勞筏屨。要之心本空。一了不移步。龍宮解相迎。黃金已先布。百鍊成利器。千金來海邦。清霜凝秋水。國士歎無雙。持正行正法。魔邪孰不降。觀子製名字。高風凜寒江。止觀覓心要。律儀檢凡身。密言轉相付。海刹幾秋春。奇哉善根熟。一徹無逡巡。子來得何法。歸報日邊人。

楚石琛藏主白蔣山歸卻欲就叢林閱藏同舟
清江之上賦此贈之

手攜北山雲。卻上西江水。月明洲渚生。葉落風不起。虛舟不移棹。寒波釣金鯉。銀河轉碧落。北斗去天咫。龍吟匣中劍。虎躍弦上矢。殺機誰敢當。吹毛豈輕試。貝葉啓

千仞木榻脫雙履。惟應勝壁觀。悠二度年歲。

題東郊山房

秀挺東郊山。雲氣常覆之。林邱翳幽澗。流泉發芳滋。盤桓在中谷。良疇漾清陂。開堂直岡景。長年誦書詩。孝友夙所敦。求道遠有師。雅志尚端潔。凡近諒難知。康樂昔賜履。詠歌足遐思。啓書訪前聞。往跡無所遺。瞻彼商澗松。深根連喬枝。亭二植高節。鬱二含令姿。衆木不同泯。悠哉副深期。

題蒙庵爲黃石谷賦

東南有高邱。下臨萬家邑。汪洋浹春潤。沃衍盛秋入。羣山若浪波。起伏翠重襲。靈運好奇險。高平罕相及。幽人

園綺閒周覽度原隰。隨山導清泉。積石拾層級。結庵居
蒙名。果行信所執。良時一來游。朔月九交七。門當星斗
高。隴臥風雨溼。一川燈火歸。賓從雜車笠。登高愧能賦。
騰身竦山立。

爲黃氏賦大雅詩

岐山鬱嵯峨。鳴鳥昔有聞。周公盛制作。經綸曰彌文。朝
事接燕饗。勸勞兼賓軍。肅雝述盛德。工歌贊前勲。流蕩
乘濮靡。何由返咸雲。陳肆輒有見。吳季真不羣。公子有
古絃。歷然宮徵分。大雅忽有作。青春日方殷。高堂曰居
之。樂康永欣欣。

已卯十月廿二日從宜春郡幙嚴伯威觀南軒

閣登舟有賦卻寄同遊者劉粹中賢良

茲郡多美泉。小大各有神。深潤浹溫厚。艸木何光新。披
圖閱名世。顧皆仙佛人。退讓寡外驚。懷哉此良民。退之
文既遠。泰伯學未醇。昔我朱與張。遺言存縉紳。東湖有
新閣。下臨南澗濱。周眺忽已晚。皎然仰空顙。虹梁亘溪
流。落日車馬塵。曾邱閒叢祠。鐘鼓嚴昏晨。江潭歎搖落。
名邦感宜春。爲治古有道。川原隨所因。華構相爲雄。大
雅竟誰陳。移舟古峽口。西望蒼嶙峋。浩蕩無與語。逝波
絕垂綸。

秋堂

原序

秋堂者臨川吳生文明之親舍也。生才甚清美。

賦詩婉麗無塵滓之汨觀其同門未之及也昔
胡邦衡曰詩人薦朱文公大儒豈曰玩物曰成
名哉性情之正冲和之至發諸詠歌自非眾人
之所能而士大夫各曰其見二之耳生未可自
喜自畫也是曰爲賦秋堂詩云

閭巷多囂塵秋堂獨高深有子能讀書幽懷發微吟天
高風露下澗泉落危岑神仙絕飲食穢濁無留沈所曰
聽夜誦其愛風滿林神清易曰哀情長恐成淫大治昔
有作九牧歸吉金熬樞下五石功成振鴻音宣風萬物
暢神祇肅有臨鳳鳥鳴岐山人文示來今候蟲入牀下
嗟哉苦勞心

清風拂高堂。舊席忽已除。下堂具甘旨。上堂列琴書。垂紳夙夜至。再拜問起居。誦詩已三百。習禮少壯餘。納交君子室。執御長者車。爲樂占之道。誰能笑其迂。

題雪泉齋

長河沍凝合。微泉自溫活。蛟龍依呂生。抱困待春發。南雪不到地。流泉常在山。飛英散絕澗。流澌響潺湲。融結各有方。不息在無二。觀茲保深長。乃得養生理。濯尊薦寒冽。春陽向熙怡。君子遠莫致。永言呂相貽。

平江開元雪庵光禪師訪予臨川山中其歸也
予與賓客用一雨六月涼中宵大江滿分韻送
之不足予爲繼之而予分得一字

積雪何處高。蜀山最齒萃。海東極孤絕。目送斷鴻一。徘徊杪欒樹。宴坐但空室。園果墮宿雨。當晝從定出。八月露水繁。石鉢滿華蜜。相會豈無因。分牀便深密。

賦彭氏靜深堂

君子憺無欲。淵然事幽潛。貞居觀物初。天機引休恬。寂二象愚朴。容二無斃厭。羣動不知止。謀思墮鈎箝。反息不及踵。乘舟膠漸二。豈知本湛一。不與利欲兼。圖書發聖縕。受命孚不占。戒愼保靈秀。先幾發微纖。進善取損益。閑存日惟嚴。浩二厚有積。悠二浸何淹。盈科日時行。小人慙屬饜。虛堂積雨霽。光風草侵簾。空洞溥龍澤。止水澄秋蟾。善學在年富。勇哉副遐瞻。

秋山行旅圖

春夏農務急。新涼事征游。飯糗既盈橐。治絲亦催裘。升
高踐白石。降觀索輕舟。試問將何之。結客趨神州。珠光
照連乘。寶劍珊瑚鈎。乘馬垂苜蓿。縱目上高邱。策名羽
林郎。談笑覓封侯。大行何崔嵬。日暮摧回輓。古木多悲
風。長途使人愁。羸驂見木末。足倦霜雪稠。谷口何人耕。
禾黍正盈疇。出門不及里。酒饌相綢繆。壯者酣呂歌。期
頤醉而休。安知萬里事。有此千歲憂。

爲題馬竹所九歌圖

屈子久去國。行吟山澤秋。思君不復見。婆娑感巫謳。仰
瞻貴神遠。俯慨深篁幽。衝波起浩蕩。立雲黯綢繆。初陽

翳扶桑莽蒼蕩海漚渺渺君夫人遺珎在中洲壽夭乘
陰陽孰知制命由慨然長太息悲歌寫離憂想象吕恂
悅開卷令人愁

清明山房詩爲危太朴作

矯首望太清正色蒼吕玄皦二何歷二日星高轉旋游
塵雜氛氣起滅尋丈閒容光見擾二孰與爲控搏所吕
學仙者凌空怡妙顏質化入常宋凝暉托空山據會觀
往來生死何足患妙哉太朴子難爲世上言

次韻太朴良友伴何仙舟讀書山中見懷之作
得謝荷休澤逍遙在巖阿結廬庇風雨樊圃牽藤蘿塞
坐古人書日夕猶詠歌追念少壯日玩愒亦已多兢二

事補塞奈此遲暮何美人百里內邈若隔山河興懷貽
好音緼藉三春花報言慎芳歲卷石崇巍峩

寄題樓撫山普潤禪寺

原序

寺在撫州城南八十里唐普潤禪師道場師姓
翁氏元和元年二月八日坐化於潭州有靈異
州人就肉身裝塑後現夢撫州太守迎歸建寺
至今遺體堅固如初靈應尤著

高人出世間未忘鄉里思靈骨萬里還深恩千載遺嘉

穀歲恆登羣生無厲疵古刹抱禪悅高邱依母慈

原註寺名

有師母墳名翁家林即師故俗家

崇構起積廢新堂納華滋

原註今長老秋雲富

公所建

東鄰有二士峩冠誦書詩

原註謂袁微君誠夫

清秋約杖屨

千步攀松枝

原註寺後有山名千步

寄題許愿夫抗雲樓

城居苦迫隘。層闌上岌嶷。措身方丈間。千里心目超。可
呂抗浮雲。誰能顧塵囂。峴有古臺遺。碑正蕭條子。固
若星斗。其魂安可招。龐公輟耕際。頗懷見凌霄。賦詩托
飛鳥。長空何寥。

古詩七言

江樓看劍歌書趙子昂劍銘後

豫章高秋宴高閣。乃出此劍相娛樂。當時冶鑄絕精英。
土蝕沙沈更銷鑠。遺質所有如冷電。江光不與晝光卻。
神光內閟氣逾深。識察誰能動冥漠。等閒千年不一試。

壯士酣歌謾揮霍。嗟予衰朽雪滿顛。空對涼風起天末。
或言江中有蛟螭。當煩仙人下寥廓。吾故臨風拂其鐙。
俾伏崖陰無敢作。

劉忠肅公之四世孫中書舍人諱震孫之曾孫
益之題其居曰雲松巢予家與劉氏累世之契
故爲書忠肅公文集之首詩三百篇并賦此詩
與之

丞相昔遊泰山頂。天風浩二春晝永。玉檢微茫不可求。
但覺靈霞熟丹鼎。白日人間如水流。前代衣冠成古邱。
悠二憂患何足計。直道千年橫素秋。徂徠之松數千尺。
東連海上莫烟碧。中書偉人如玉立。每向南風望東北。

濁世公子何翩跹。卻憶匡廬還謫仙。芙蓉出水耀初日。五色光新天爲妍。我今僑居廬阜側。西視峩眉歸未得。豈無雲錦晚相娛。月落終懷雪山白。森二喬木魯東家。河閒禮樂更光華。勿忘先世舊遊處。吾秣爾馬膏其車。

吳興趙子昂十馬圖

昔在秘閣見十馬。云是韋偃之所畫。此圖位置略相似。心神偶同豈臨寫。馬種本自渥洼來。濯濯清泉更瀟灑。常恐一旦風雨至。蹴蹋波濤逐神化。英雄意氣今豈無。未見深沈如此者。君看最後臨岸驄。自是真龍世無價。

畫馬

百年升平卻走馬。立仗天閑常見畫。蕭灘二頭八十翁。

卻寫西來大宛者。高蹄如鐵頂如鉤。風鬣蕭蕭二苜蓿。秋
常見貢來騎不得。長嘶要蹴崑崙邱。

題畫

連昌宮裏古牆陰。積雨過春黃竹深。老樹無枝交屈鐵。
立石有書名錯金。吮毫池上寫幽鳥。承恩春日風光好。
當時執戟今白頭。卻對蕭森倚秋昊。

空山歌

高空之山聶公宅。稚川作圖纔數尺。秋天薄雲千仞表。
春雨喬林百年物。憶昔侍郎鎮成都。將佐盈廷賓客趨。
錦官城外笳鼓發。駟馬橋邊高蓋車。先廬舊在小東郭。
丞相祠堂同宋實。嚴公同訪杜陵家。退之亦到淮泗幙。

我眉嗟我久不歸。江水娛人秋日暉。坐看蓬萊變桑海。
自古南城天下希。公子親迎陳氏館。我初至撫猶弱冠。
看君揮翰甚風流。豈想重逢鬢毛換。君言中閒一再來。
數見先公曾次開。鶯花風雨必求友。水竹園林持酒盃。
嗟予晚歲始能退。寧有文章驚海內。平生不受簡書畏。
故家高致君應最。圖中山色積翠濃。雖欲舍予將焉從。
蜀人相如最能賦。待倚山木歌高空。

爲燮元圃題鼇溪春曉圖

夫容山陽萬家邑。石嶺戴轍縈紆入。溪水西行夜雨深。
連村桑柘春雲溼。昔因荒迴少官府。日莫狐兔作人立。
自從置縣二百年。稍有衣冠更俗習。讀書進士比舍聞。

潤屋黃金亦家給。山中白日浮雲多。負乘因仍足車笠。
燮侯世胄國勲舊。射策君門恥汾襲。朱衣作監列星宿。
遠人豈意高軒及。援琴不鼓書牒稀。彈鋏無魚賓客集。
繡衣使者停車見。黃堂大夫下牀揖。登高望遠送飛鴻。
攬轡駿二度原隰。人言桐鄉人愛我。二愛桐鄉重于悒。
畫圖千疊山木稠。菱舍蕭條莫忘葺。

題馬竹所畫

霜清木落江海空。一棹歸來何處翁。雙松千歲如鐵石。
爲爾回薄旋天風。憶昔神龍劍所化。夕臥滄波弄明月。
望中冉二雲氣生。直接銀河上瓊闕。

霍元鎮規模董北苑。米南宮父子寫山水人物。

殊有標致見示春江捕魚圖遂賦此

春江聚網萬魚急。漁人相謹魚相泣。負薪深山何處樵。
利害相乘不相及。海鷗冥二秋影微。黃葉江南一棹歸。
人間得失兩無迹。不廢山水含清暉。

南岡

華蓋三峯立天表。山北山南青未了。曾看雨雲出太虛。
幾送餘霞落飛鳥。岡頭春歸露未晞。梧桐鳳凰相因依。
臥龍之孫思外氏。悵望輝光生翠微。

題何大夫畫馬

國朝畫手何大夫。親臨伯時閱馬圖。伯時絕憶鐵面語。
放筆騁驪懷此都。此都大夫八九十。千馬萬馬在胸臆。

偶然數鬣落江南。捲束上箱。謝橫樞。

同開先南楚悅禪師觀息齋畫竹卷于崇仁普安寺煜公之禪室。蓋煜之師。一初本公所藏也。因記延祐甲寅。息齋奉詔寫嘉熙殿壁。南楚與之同寓慶壽寺。中予時爲太常博士。俯仰之間。已爲陳迹。乃題其後云。

嘉熙殿裏春日長。集賢奉詔寫蒼筤。邇來二十有五載。飄零殘墨到江鄉。匡廬高人昔同往。每見揮毫鳳鸞翥。木枯石爛是何年。修竹森森長春雨。

題村田樂圖

尺素自是高唐物。瑩如秋水宜設色。何人畫此畎畹閒。

二三老人若相識。茅屋蕭條古樹下。農務未殷牛在野。
或怜鸛鴈脫籠絳。或弄獼猴笑真假。老翁政自如兒嬉。
高髻襁負相扶持。古時粉社祀田祖。移饌高亭隨所宜。
抱甕初來未貯酒。亦有生鷺宛延首。村優競攜樂具至。
犬怪雞驚兒拍手。拄杖出門欣見賓。雜華滿庭生好春。
歲時無事得如此。擊壤何必非堯民。騎驢過橋殊矍鑠。
攜具荒陂來赴約。定知張果千歲人。游戲人間共盃勺。

柳塘野鴨

江南水退秋光淺。風柳參差萬絲捲。鴛鴦在梁鳬在渚。
蕩二扁舟去家遠。千艘轉海占長策。白粳連江動秋色。
斷蒲折葦野水濶。明星旦將弋。翠盤擎露夜深寒。

玉色亭二落月殘太液池頭黃鵠下夢中曾見畫中看

丙吉問牛喘圖

少陽用事春猶淺丞相公行問牛喘三公職事知者稀
嗟彼德微蒙策免天子有道守四夷中心無爲日萬幾
遠有甸服近有畿夙夜明哲發裳衣

錡曰卽是孟子今恩足及禽獸而功不至於百姓之
意推廣言之妙在不用一直筆諷刺俱含於文字外

江貫道江山平遠圖

江參去世二百年翰墨零落多無傳人閒幾人寫山水
誰能意在揮毫前昨見石林舊家物春雷疊嶂初破墨
我和葉詩頗豪放三者相望都突兀險危易好平遠難

如此千里數尺閒。高雲舒卷非散地。麗日照耀皆名山。
我持美脯酒一斗。墨汁盈盤可濡首。江生精神作此山。
向山呼生當至否。高秋銀漢天無雲。帷中冷然來夜分。
黃茅嶺頭華蓋頂。畫我獨訪浮邱君。

爲汪華玉題所藏長江萬鴉圖

雲巢幽人愛江渚。抽思揮毫寫橫素。波瀾不驚潦水盡。
秋氣晶明絕烟霧。正帆去棹不相襲。岸曲洲旋總堪賦。
孤村城市僅如蟻。百丈長江直如縷。蕭蕭二木葉洞庭波。
歷歷二晴川漢陽樹。蒹葭宿雁天欲霜。叢葦寒鴉日將暮。
就中樓觀何王宮。想見華年貯歌舞。丹青倒景駭靈怪。
粉黛含情怨幽阻。青春遊子憺忘歸。白日冷風帳中語。

人閒遺跡何足留。最惜精思墮塵土。郭熙平遠無散地。
小米蒼茫托天趣。銛鋒鉅戟不破墨。刻畫晶熒昔誰苦。
渤海細書藝文章。精絕戈波絕回互。南唐後主萬鴉圖。
點二晨光動毛羽。昔年曾見今日昏。雖復逢之亦難睹。
汪侯此卷出故家。相示摩挲極愁予。香奩犀軸見者稀。
謾錄餘情示來者。

翁覃溪曰此詩王漁洋尙書所取者又自成一格局

盤車圖

大車麟二牛駕輓西望太行雪千尺。往時飛挽實長安。
百兩仰關過阡陌。亂流十里九屈曲。水濺車箱沙沒轂。
前和後應日云暮。王事有程車下宿。旂旐央二昔臨洛。

東南會期出方嶽。侯伯有位賦有差。載幣瞻迎來若君。不見海艘百萬乘。天風京坻連雲多腐紅。天子視朝大明宮。千乘萬騎來何雄。

贈羽士費無隱

東望雲林三十六。聞有仙人結茅屋。清露零二采紫芝。白雪深二斲黃獨。國初山下苦流離。義士傾家救世危。百年孫子俱華髮。誰解燈前說舊時。聖恩深重絕征戰。猶慮寒溫資瞑眩。身著黃冠寫古方。薄素細書三十卷。相從宋寔久者誰。禹穴山頭一布衣。鬢如鴉羽顏如雪。跳入壺中夜不歸。市人扣門呼不應。光影俱消聲色泯。但言解隱不言無。不道本無何所隱。我欲作丹須永金。

人閒無藥不堪尋。青霞如練還相覓。華蓋衝天丈室深。

題漁邨圖

黃葉江南何處邨。漁翁三兩坐槐根。隔溪相就一烟棹。
老嫗具炊雙瓦盆。霜前漁官未竭澤。蟹中抱黃鯉肪白。
已烹甘瓠當晨粲。更擷寒蔬共萑席。垂竿何人無意來。
晚風落葉何毵毵。了無得失動微念。况有興亡生遠哀。
憶昔采芝有園綺。猶被留侯迫之起。莫將名姓落人閒。
隨此橫圖卷秋水。

題韓幹畫馬

韓生觀馬十二閑。時寫一二傳人閒。坡翁嘗來伯時宅。
見此遺跡開衰顏。前行如雲塵不動。後者追風絕飛鞚。

昔人能事已可能。始覺賞識非虛諷。昔觀秘府韓絕少。
得見龍眠已驚倒。使人讀詩如見畫。人中一復生坡老。
五雲之中天上奇。代產名駒天子騎。神明尙令後古見。
莫歎韓生非畫師。

題黃都事仲綱山居溪閣圖二首

出山作官十載餘。聊托筆墨懷幽居。連雲一一列眉黛。
細雨往二逢樵漁。鄰家父老每載酒。隔屋弟兄皆讀書。
我久居山不待畫。獨念稚子扶犁鉏。閣前流水秋愈深。
故人東來還見尋。方舟直過彭蠡澤。把釣坐對香爐岑。
雲中烟樹差可辨。江上鄉關誰與吟。我欲芳蘭寄遠者。
日暮天際多輕陰。

題秦虢二夫人承召遊華清宮圖

貴人竝鞚如輕鴻。承恩馳入華清宮。道途先不止行客。
策蹇奔趨烏帽風。奚囊墮地何足拾。豈有篇章浪相及。
畫史當時妙墨傳。光彩流動狂情急。君不見白頭拾遺
徒步歸。明眸皓齒事皆非。朝天泥滑袖封事。高閣雨餘
宮漏稀。

方壺畫山水歌

方壺之山在海中。世人欲見知無從。壺中仙人閔昏濁。
綵筆手開三五峰。亭二兩箇老松樹。萬壑千崖閱今古。
憶昔長從王子喬。坐聽秋風最高處。世人畫山非不多。
不識眞仙奈若何。君看昆侖上丹穴。芝泉玉樹森婆娑。

東望方壺應不遠飛度九州如過電便從海上問金公
莫待浮杯水清淺

示問

憶我蚤歲離親側足自踰二心惻二中年祿廩不及養
人羨清華已驚惕歸來老病五年餘閔子謀食躬犁鋤
蓬蒿羅生果窳異蛛網微細仍縈紆星河江上喜非遠
況與良朋適我願故人念我一相見暑中尙愼柁樓轉

道園全集卷六

虞文靖公道園全集卷七

歸田藁

律詩五言

玉隆宮所藏宋乾道宸翰雲壑二字

昔者雲歸壑。天章自九重。日華常映鳳。山氣盡成龍。俯仰遺陳迹。高深儼惠容。飄然化春雨。結想在高松。

寄忽承旨

投老清江外。依山結數椽。扶藜循水竹。把筆賦雲烟。歲熟無憂食。秋清不礙眠。故人相望遠。北極在天邊。

寄三衢守馬九臯

聞道三衢守。年豐郡事稀。詩成花覆帽。酒列錦成圍。鶴

三才圖會卷之十一 書屋
髮明春雪貂裘對夕暉。扁舟應載客閒聽洞簫歸。

題朱澤民山水

積雪山陰道。嵯峨筆底生。雲門見童子。禹穴闕蛟精。高
臥人何在。幽情幾詠成。杜陵空想象。晚飯掩樓晴。

寄題汪道士草亭

飛白妙娉婷。新題照草亭。仙遺相鶴法。客借換鶯經。霧
雨歸懸黍。風雲護伏苓。遙知春晝永。深坐養黃庭。

黃敬延送竹本

分得瀟湘玉。森然忽滿林。香爐來曉色。石檻借清陰。好
共芝蘭長。毋令草蔓侵。清風月如晝。老朽要長吟。

聞雁

樓近煖雲溼。夜深歸雁低。聲音燈外盡。羽翮月邊迷。丹
二白榆上悠。二黃竹西應。逢穆王駿。春艸一長嘶。

錢舜舉畫

一樹花如雪。清明客未歸。坐看黃鳥竝。夢作綵雲飛。翠
袖寒猶薄。羊車過絕稀。相如能作賦。月下卷春衣。

山水圖

泛舟桑落浦。望見香鑪峯。野水常欹樹。山雲不礙鐘。桃
源攜客覓。松徑與僧逢。爲託荆關輩。沾予九節筇。

顧奎光曰。伯生律句。工麗秀潤。其氣韻具體盛唐絕
無儻父面目。

丹霞觀黃知微留別

寓館隔溪津。過從厭市塵。振衣清露曉。挂笏野亭春。歸
作芝田主。思存黍谷神。松華頻寄取。老去欲輕身。

題馬竹所畫

老樹依江岸。歸舟傍釣竿。水花看晚淨。風葉識天寒。雁
字來千里。魚羹付一餐。遠山青可隱。曰下是長安。

題曹霸馬

將軍今爲庶。畫馬寄高情。聚立天風起。長嘶沙艸生。飛
揚萬里意。凌亂五星精。日暮太行道。悲哉長短行。

翁覃溪曰。起全用杜。而其詩全非倣杜。此豈李何輩
所知。

答陳溪山元日卽事

積雪埃塵淨。光風宇宙新。閒來知惜日。老去善酬春。退
密觀羣動。憑虛集百神。真人起居法。無一是違仁。

送客北門晨登山木閣

晨登山木閣。零雨煖於春。溪水解留客。梅花偏照人。秣
香知酒熟。市遠覺民淳。此地堪娛老。惟愁度水頻。

次韻陳溪山

移棹避殘暑。開樽就夕陰。冥鴻聊自遠。幽草若爲吟。離
索連三月。接遲共寸心。遙憐溪上晚。扶策獨臨深。

又

乘興忽忘遠。相思知幾何。未便塵事少。謾悔世緣多。朝
食烹芝菌。秋衣製芰荷。平生但隨運。何地不蹉跎。

杏園詩爲黃思順賦

善藥多陰德。名花種滿園。暄風吹雪盡。暑雨綴金繁。臥
護煩仙虎。分嘗任野猿。佳兒足文學。食實侶桃源。

贈劉無作

袖中殘卷在。動是十年前。逝水從前輩。傷情有妙年。博
聞誰共學。孤坐獨求禪。莫恨相知晚。文章倘爲傳。

又贈劉無作

一家俱學佛。之子更劬書。諸老交游徧。眞乘究竟治。
生爲淨業志。養足嘉蔬爲問龐居士。成能更久如。

律詩七言

與燮元溥登仙遊和李浩卿韻

老去江山已倦游。況聞風雨滿溪頭。擬尋黃鵠望松壑。
聊伴白鷗經稻疇。山崦有雲堪作供。酒樽無婦可歸謀。
從教賓客回車晚。留取衰翁專一邱。

陳可復爲予寫戴笠圖賦詩四首

浮雲滿空無所依。高岡獨行來者稀。仙人冉二遺松老。
鳴鹿呦二生艸肥。伐木遠聞何處谷。頤筐近得故時薇。
山中雨來霧先合。此日先生戴笠歸。南園多竹暑氣微。
始來結屋相因依。挂巾石壁晝霧溼。沐髮池水朝陽稀。
頻年車馬踐霜雪。六月裳衣無綵絲。鄰翁問舊坐來久。
此日先生戴笠歸。老去懸車百慮灰。西風獨愛菊花開。
田家酒熟邀皆去。

茅屋詩成懶更裁。欲及天清殍沆漚。要觀日出上蓬萊。
赤松有約應相待。此日先生戴笠來。
捨卻鄉人駟馬車。老身全不要人扶。雲霄一羽山頭杜。
風雨孤村海上蘇。薄命長鑱隨積雪。多情破帽落輕烏。
莫圍玉帶垂朱紱。此是先生戴笠圖。

仙游道士余岫雲爲從珠溪余隱士求得華山
下黃茅岡一曲。規作丹室喜而賦之。不覺五首。
華山東下有茅岡。云是毛公舊隱場。清露尙餘丹滿臼。
白雲今許草爲堂。冬憑野燒開畚隴。春託山雷淨石牀。
從此便爲千載計。洞天先拜紫霞章。

茅岡地主古醇儒。乞我岡頭作隱居。嶺上閒雲從管領。

澗中流水聽開除。刀耕火種從茲始。雨笠風瓢便有餘。
自古詩人多會合。浮邱毛氏不愁余。

石人屹立古仙壇。雙澗交流拱一盤。臨水種松須匠匠。
就中作室要寬安。洞經卽日修真訣。玉臼逢春浴舊丹。
卻恐山中添故事。題詩莫與世傳看。

仙游辦得茅千束。華蓋須分屋數間。微咏玉經忘我老。
謾調金鼎勝于閒。龍雷變化從舒卷。鶴露清寒自往還。
何侶綺園諸老者。採芝初不離南山。

茅岡初割一溪雲。玄契華陽舊隱文。謁簡自題香案吏。
封章先報大茅君。種成和露桃千樹。借與摩霄鶴數羣。
便是宸清真洞府。不煩夢想託紛紛。

崇仁監邑阿里仁甫茉莉花盆中折竹插之而生枝葉近年翰林學士薩公謙齋作御史時亦有此瑞朝之士大夫引寇萊公故事曰爲徵名其堂曰瑞竹而咏歌之薩公仕東南歷郡守部使者所至有仁政著清節美名耆壽今爲中朝老臣瑞蓋不虛發也仁甫長邑三年清介明恕孚于上下此竹之生父老庶士爭走山中相告因取而觀之略寫其狀賦詩曰美之

華盆插竹忽生根枝葉青二向曉曦直節有生資地力
虛心無愧荷天恩薩公堂上今重見萊國祠前孰更論
但得清風千古在常扶筇杖看淇園

撫郡天寧明極覺講主陪敬齋監郡奉祠華蓋
特有高咏三讀敬歎僕偶共清游輒復次韻表
退不工聊資笑粲

三峯宮殿接新橋十月長齋陟翠嶠朝步仍垂蒼玉佩
登歌還引紫瓊簫千枝絳蠟連虹貫五色香雲向日飄
賴有高人陪後乘清新詩句侶參寥

鄧公信吾暨家賢弟比奉憲臺書幣存問衰朽
于山中其還也無旨爲餞賦此與之

幙府秋高寄遠情飛鴻肅二度江城深慚衰朽勞人問
豈有文章與世驚疏傳多年餘賜盡揚雄已老太玄成
憑君歸致殷勤謝擊壤田間荷聖明

故人將命清嚴地。越陌經阡枉見存。松菊荒蕪慚重客。
裳衣顛倒出柴門。老忘舊事尋書卷。喜走鄰家覓酒尊。
此邑故家無幾在。更崇令德及諸孫。

安成劉雲章漢章兄弟兩秀才來訪一長書一
長詩皆有志文學賦此爲別

步屨東行好弟兄。束書銜袖見才英。只愁困學孤來問。
豈有奇聞外素誠。知道言辭無詭妄。及人事業匪縱橫。
名鄉自昔多君子。珍重歸來在矯輕。

壽陳溪山生日

山來詞客作南居。來往風流舊不疎。好句每容鄰曲寫。
高情不解世閒書。中夜還丹鼎。冉二高仙訪道車。

千歲相期真有約。九天風露壽尊餘。

秋日同朋遊北塔山

縣西北塔極蕭疎。投老能來幾度餘。山木已隨樵客斧。
屋塵猶護醉翁書。遠懷天上多騎鶴。近愛槎頭可釣魚。
九日懸厓多網菜。可能無意再巾車。

縣道蕭條北客疎。西人居者亦無餘。春尋道士松花館。
秋覓山人柿葉書。太史闕文誰借馬。相君退食尙烹魚。
何因得侶先天叟。洛下人家總駐車。

歸田多病故人疎。好客相逢樂有餘。老去深盃那解飲。
詩成大字尙能書。門生去上青驄馬。道士歸騎赤鯉魚。
如此餘閒多樂事。誰能七十始懸車。

送尼山廟學彭山長

尼山新作素王庭。春告成功用上丁。徂徠有松充采斲。
靈光何殿效丹青。風霆形氣皆垂教。金石文章具刻銘。
天子萬年綏福祿。曾孫奉若薦明馨。

遊洛湖田舍

近郭林泉無可遊。行尋田舍逐激流。春眠稍可遠鐘鼓。
秋熟或能求豆區。萬里橋邊祠廟古。百花洲畔釣船幽。
兒童不解憶鄉里。老夢時時還故州。

題范德機詩集後

抱膝長吟老范兄。寒巖古柏兩同清。東都高節鴻毛遠。
南海真仙鶴骨成。遺橐飄零存梗槩。孤兒孱弱賴高情。

若無塵外知心友，千古誰聞出世名。

溪山翁所居與小雅易君相近，翁與予賦詩易君之季子至善，輒隨錄之，遂成巨帙，賦此以答其美意云耳。

橫塘烟雨易東家，翠竹娟娟映白沙。
綵筆徧題詩滿卷，繡簾長對樹交花。
往來二老隨天分，爛熳三春感物華。
卻問綺園商嶺外，曾無高咏到烟霞。

題徐孟俊屏山閣

題詩遠寄屏山閣，回首人閒二十年。
西嶠依然仙子館，東湖還載隱君船。
同時翰墨嗟誰在，滿屋詩書歎獨賢。
欲買一舟江海去，遠看喬木翠參天。

送易用昭

詩成長是倩人書。最愛東家織翠裾。遠樹斷雲疏雨外。
華星明月晚涼初。滿窗柿葉題都徧。短帽梅花畫不如。
莫向墨池成久別。鷺羣還欲謝崇虛。

和陳溪山雪中雪晴二首

柴門積雪未全開。千樹瓊林豈異哉。鉛鼎微溫過半夜。
玉經細咏卻千灾。江南冰向川流合。天際春隨斗柄回。
太華高人觀物表。詩成先寄鶴飛來。

東風先散息寒威。病骨欣然解帶圍。日照瓦溝生淑氣。
冰融硯沼漾晴暉。銀旛試戴花枝弱。玉鱸新嘗菜本肥。
尊酒欲爲君子壽。除公誰是兩忘機。

和陳溪山立春後三日卽事

夢朝金闕見明晨。滉泱庖間積玉塵。三日新春三日雪。
一分深雪一分春。柳條封盡芽如粟。梅萼飄殘實已仁。
欲破鳳團銀盃凍。冬溫且酌井泉新。

寄陳奉常

并序

昔聞朝廷寔廟升祔。奉常陳君新甫。曰世胄之
貴游。博洽之高諒。特奉明詔。出使江海之上。采
上金明材。擇良工。絕藝新作禮器。樂器。求在郡
國之書。與通樂律之士。曰備一代之盛典焉。鴻
儒碩彥。感歎其委任之隆。非尋常效一職治一
事之凡近而已。故賦相餞。奇辭瑰句。傳乎四方。

何其盛哉僕泊然老懷未忘舊習亦成一章奉寄

新廟工師謹駿奔奉常承詔出修門鑄金就徵揚州貢
觀樂應求季札論功德頌成諧鳳鳥文章篆定刻瑤琨
千年製作于今盛擊壤猶慚荷夙恩

集自郡城歸溪山翁寄詩并和申字韻垂教依
韻再呈殊愧遲拙

暮春長日雨兼風買得江船未及東出郭故人邀杜老
輟耕田父訝龐公謾從修禊忘溪曲何用安居徧洛中
旦起紫芝行復長詠歸先與謝崆峒
待客花陰午過申茶香榆火一時新干竿嫩綠搖輕暑

數萼餘紅墜晚春。坐憶雲林行道迹。夢遊仙島意生身。
連根分種如冰雪。來向清池對玉真。

謝陳溪山送蛾眉豆種

種豆南山憶故鄉。蛾眉分種喜封囊。底須飛鵲能銜玉。
未許蹲鴟共淪湯。玉椀茶香分瑟瑟。瑛盤櫻顆間煌煌。
燃箕煮釜催詩句。更約鄰翁供佛牀。

己卯秋舟過清江憶范德機

歸來江上鬢如絲。所謂伊人獨繫思。千載清風東漢士。
百年高興盛唐詩。離二宿草秋雲斷。采二黃花夕露滋。
山水含暉無盡意。他生何處共襟期。

玉堂風日擅揮毫。海上馳驅歎二毛。太傅竟無宣室召。

拾遺空署華州曹。孤兒衣食交遊古。百世文章墓石高。
車過不留應腹痛。寒泉秋菊賦離騷。

宜春臺晚眺

長沙王子舊層臺。古佛神龍寶殿開。秋水繞渠三峽漲。
春雲垂雨大瀉來。萬家香火細縕合。四面峰巒紫翠堆。
最憶老藤陰覆地。空中幾見異僧迴。

廬陵歐陽德器游京已所藏先世誥勅見原功
于玉堂賦此已送之

袁公孫子不離鄉。封誥于今幾世藏。恩數重懷全盛日。
標題猶是故時囊。遠從史館求同姓。未覺輜車滯一方。
昭代治平多制作。討論應及漢文章。

送黃子剛

從師學道暫辭親。百里西來動十旬。夜讀松林堂下月。
晝吟梅萼坐中春。每欣老筆蛟龍走。亦愛幽居鹿豕馴。
春服蚤成還再到。永歌同向澗之濱。

書武進縣學記後

並序

縣令之職。有社稷民人之寄。不敢曰百里爲小。
也有政焉。有教焉。不可曰偏廢也。陳君子瑛治
武進。修學校。馮彥思記之。可曰。知其所系之重
矣。崇仁之士。觀乎其記。蓋亦有所感而不及爲
者。豈非天平。因邑士之意。賦詩曰。書其後云。
從容文學聖門優。惆悵吳人獨子游。百里絃歌誰濟。

千年禮樂付悠悠。邑人此日傳新記。弟子遙知憶故侯。
何事紫芝三秀地。空聞疎雨過新秋。

己卯臘八日雪爲魏伯亮賦

官橋柳外雪飛棉。客舍樽前急管絃。僧粥曉分驚臘日。
獵園晨出憶殘年。白頭長與青山對。華屋誰爲翠黛憐。
唯有寒梅能老大。獨將清艷向江天。
漫空飛絮散輕棉。所異寒威欲折絃。縣令溫存僵臥叟。
詞人解頌太平年。翦雲爲葉煩相寄。種玉成田不受憐。
丹鼎溫二千歲熟。樂天事業在知天。

寄賀吳宗師七十壽旦

開府希年正樂康。聖恩賜宴在斯堂。歲周二十逢熙洽。

年按期頤被寵光。劍佩總從仙苑集。簫韶還徹洞庭張。
簪花當日今誰是。試向雲籤閱舊章。

舊德高年荷聖恩。幔亭如宴武陵君。松喬能壽多深隱。
園綺來朝只暫聞。千歲天邊觀鶴髮。五雲日下護龍文。
山中七日陽初動。遙禮三台過夜分。

和陳溪山元日後雪

瓊妃翦水散春天。坐下先迎華嶽仙。飛步總鳴蒼玉佩。
閒居能檢白雲篇。朝元閣近星辰北。獻壽盃深雨露前。
白髮舊時香案吏。幾迴七日是千年。

撫郡元都觀羽士黃一初自京師還得大宗師
吳公所爲和詩三篇其一故翰林學士吳先生

廿年前廬山中所賦其一則和天師所與詩其一則予在茅山羅山第一谷中送一初詩也臨行大宗師囑之云到臨川卽呂示予也忽復一歲一初又將北游卻賦此一百六十八字託一初謝大宗師古道高誼也

世外神丹起積疴。腐塵坐見月明過。侯生猶識遺經草。梁甫空成鼓缶歌。柱史通家今昔少。番君分祀子孫多。淒涼遠寄懷賢咏。譜入朱絃久未和。

和吳先生韻

白髮高居古道山。蓬萊雲氣隱垂環。尙方徧識前朝履。特進仍先法從班。桃李成蹊春日滿。風雲繞坐晝陰閒。梅仙舊德元都館。紫陌紅塵有客還。

和天師韻

荒陂野色帶餘曛。隴上時逢植杖耘。靈囿鳳麟千載去。
玉階鸛鷺此時分。誦詩自託浮邱伯。垂問長勤大隱君。
爲報黃茅岡曲舍。簷端盡日宿浮雲。

自和韻

贈武夷道士羅鑑空兼憶范德機

學道應須住武夷。青山綠水不勝思。九天清露三生夢。
千古高情兩鬢絲。羽客鑑空猶有鑑。故人詩後更無詩。
懸崖仙骨堅如玉。明月長歌覓紫芝。

寄題采石新造觀瀾亭

雪嶺春融萬里來。浮雲天際兩眉開。魚龍夜水星前起。
風雨春潮足底回。尊俎誰陪賢太守。文章莫愧昔英才。
無邊李白登臨意。更覓遺碑步紫苔。

集與胡伯友書問疏濶稍久因楚石藏主待謁
翹仰高誼賦寄此詩

喬木千章萬壑秋。使君清興在危樓。星沈夜水神魚化。
霜落寒汀宿雁留。紅袖烏絲酣楚客。畫屏銀燭看吳鉤。
不知肯著枯藤杖。采二芙蓉涉遠洲。

贈楚石藏主謁饒心道六有先生

不識南塘第幾橋。翠樓華屋上岧嶢。古文獨許揚雄識。
幽興誰爲杜甫邀。伐木春聲生澗谷。涉江秋影蕩蘭苕。
散花如雨攜雙履。解與高人話索寥。

十月朔旦同監邑大用暨僚屬游北塔山

敗壁殘書五十年。重來山色尚依然。田疇稍稔農民喜。

官府多閒令佐賢。黃菊不差蓬鬢改。清尊一聽酒盃延。
坐中有客天邊去。金榜春風待雁傳。

九月與薛元鄉外史會于黃氏溪園陪坐溪山
先生談玄觀古仙像

自昔簪纓盛邑東。新堂還見百年風。兩人白髮驚先老。
一客玄裳喜暫同。食飲具陳先世業。耘鋤全效野人功。
談玄不及紅塵事。盡日溪園樂意中。

會後將登華山按茆岡元卿先往候予至

石斛金釵感素秋。洞懸鍾乳入山幽。扶衰不藉人間藥。
老健聊爲物外遊。雲作衣裳塵不染。詩成珠玉世誰收。
石人久立黃茅月。歲二能來爲客留。

予與元卿相遇山下別後和朱德嘉韻奉寄重
塵賔和再用韻奉謝

茅岡七疊七香車。誰賦新宮蔡少霞。千歲留蹤丹井日。
諸天獻供菜羹瓜。石人雨立春衣溼。崖蜜蜂來晝樹譁。
愚仗仙翁須一到。浮邱已遣鹿銜花。

和朱德嘉登華蓋山有賦韻寄薛元卿和詩未
成登山已遇元卿下山道中足成呂寄

相期秋晚命柴車。同看華峰散彩霞。農父苦留杭侶雪。
山人先詔棗如瓜。蛟翻巨石痕猶在。鶴立危峰語不譁。
邂逅不留知有意。林臺菊有未開花。

縉山張君榮字仲華來丞撫之崇仁歷兩政六

年心平氣順上下相安如一日雖有遠役重勞亦無闕事甚可稱也予之間居相愛如故舊每懷扈從東道往來縉山道中見其風土之勝民俗之美未嘗不談道曰爲樂于其受代調官京師因記之曰詩而與之別明年進秩南來觀舊治父老兒童相迎于東門之外又當歌此曰爲一笑之歡也

昔從時巡出縉山翠畦綠樹畫圖間驅車百折龍門險載筆千峰虎帳間麥粉勸嘗銀纓熟梁炊持獻玉漿還道傍父老應常好爲說鄉風一破顏馬公同涉龍門道歎侶山陰及武夷儘有山崖如罨畫

但無一棹弄清漪。知君久有鄉關夢。老我能無木石思。
抱甕青梁洪玉食。饋漿道左野人誰。

太平縣道喜年豐。每出城南訪野翁。粗有軒窗開艸木。
謾留車馬翳蒿蓬。心寬易醉母多酌。事簡無私亦屢空。
好得公田多稼地。長年歌咏聖恩中。

集家世曰文學爲業。亂離顛沛憂患困苦。無敢
失墜。然學未成而出。早涉筆爲文。應事而已。人
或曰爲能。自知其不足也。歸田。曰來。稍得安閒。
而目疾相嬰。學不加進。于立德立言之事。無有
乎爾也。是曰所作事過。卽罷。不復記錄。至元庚
辰冬。臨川李伯宗黃仲律來訪山中。拾殘稿于

敝篋得粗可屬讀者二百餘篇而錄之賦此以

謝

冰生鐵硯不堪磨。收錄殘編夜每過。老病自知才思少。
應酬長愧語言多。天人理一非無學。內外篇分豈白訛。
只恐玄經終寂寞。空煩彌月駐山阿。

答黃仲律學文之問

少學文章慮每周。鄉人未免是吾羞。讀書次第依先覺。
下筆流行稍自由。血氣既衰猶帖。神明自至但休。
聖賢端緒無歧徑。篤信躬行莫妄求。

重題環翠亭爲李浩卿作

亭深環翠燭光寒。曾與詩人語夜闌。秋色相高風肅。

露華如洗月團圓。莫疑窈窕圍歌舞。自愛空閒接羽翰。
我憶舊書陰德事。百年應長萬琅玕。
原註詩人調燮元傳觀志能也

答馬竹所見示詩韻

黃茅分土勝封留。惟有松喬是匹儔。戴笠不愁山雨溼。
倚筇嘗聽澗泉流。玉堂夜永空餘夢。瓦甕春生欲自浮。
豈料朝雲停翠竹。能從幙府一來游。
壯氣橫秋勢利輕。讀書讀律總留情。爭看撤幙清風起。
歸拜懸車白髮榮。馬上詩成憐我老。尊前花發爲君清。
鳳池緩步春還近。莫厭羹魚斫尾頰。

送吳文明

山雨寒窗詠楚辭。可人同有古人思。冰梅的的開生面。

霜菊英。保令姿。詩侶仙成隨世換。學如春到只心知。
重來宜及東風早。華蓋茅岡長紫芝。

次韻答陳溪山

一陽初動反隆寒。久雨山居絕往還。彩筆曉題傳密意。
綠樽春泛換衰顏。希夷睡足風雲外。安石吟餘水竹閒。
共看往來間日月。紛二塵事不相關。

雪夜有懷華蓋山王玉元

三峰千仞玉穹廬。石骨金筋守靜孤。渺二微陽丹建地。
繚二深息火生符。瓊林撐拄虛明兔。銀海奔吞黑赤烏。
持酒相尋行迹斷。人間無鶴到蓬壺。

答盱江聶空山

老去文章不滿車。蕭條家學賴兒扶。從師授業渠能達。
對客揮毫我病蘇。春雨解憐轅下犢。朝陽愛及屋頭烏。
德星何日賢人聚。膝上瑤瓊看畫圖。
繞屋看山不命車。天寒翠袖自攜扶。梅花照眼春常健。
竹葉怡顏氣倍蘇。復有新雛娛老鶴。莫將舊事憶童烏。
畫堂圍煖歌春雪。蜀錦波瀾列海圖。

寄和吳間閒大宗師

釣天樂徹洞庭波。野迴誰爲擊壤歌。筆硯烟雲塵世隔。
鶯花風雨客愁多。傳書稚子空遺簡。伐木樵夫久爛柯。
舊學浮邱華蓋近。相思何處看雲過。

答吳宗師壽稀年詩三首

早接雲龍晚散萍。三年芳信祝修齡。公從天上承恩宴。
我向山中讀道經。老兔幸分千歲藥。高鴻還借九秋翎。
蓬萊清淺人應識。拄杖過頭弁會星。

老子長年藏室居。舊聞星象動江湖。尚方別賜三公舄。
維嶽恆馳六轡駒。龍馬河中先聖畫。麒麟閣上列仙圖。
從游童冠俱頭白。幾度涼風咏舞雩。

能歌能辨九爲章。無限才情屬楚襄。巫峽艸生春易曉。
渚宮花發日何長。玄經寫就池皆墨。國語成來目少光。
把筆題詩亦聊爾。坐中何用怪韋郎。

送撫郡經歷海朝宗調官

館閣綸恩拜命新。風雲近接屬車塵。受釐宣室多清夜。

奏賦甘泉是暮春。雨過落花行處少。日移高樹坐來頻。
知君此日行吟思。驄馬封章又避人。
論撰西清近九天。回頭二十五華年。送人趨召迎新雨。
對客停思倚暮烟。染翰朝裁五色吟。詩往過羣賢。
故人若遇楊開府。莫說韋郎鬢颯然。

寄趙知微廉使

曾賜元洲冰玉丹。南征六月海生寒。宣威辨說誰爲陸。
列守文章孰是韓。溟渤不驚天蕩。烟塵如洗月團圓。
故家文獻應催召。拭目雲霄一羽翰。

題致爽樓

原序

易君小雅。士也。自其先長沙知錄公老於是。

邑予孫守儒業至于耆耄又曰醫藥活人鄉邦
稱世有善人者也小雅與余年相近少相好也
元統癸酉余自京師還小雅觴余新樓之上望
眺平遠山川邑屋烟雲竹樹歷歷在目而易氏
子孫或仕或處皆循二敏藝而敦本小雅髮鬚
郁然顏貌充悅諸子侍立若弟兄之相次也余
深歎善焉小雅曰樓未有名也子爲我題之余
曰爲元章最號善標置嘗自名其軒曰致爽子
之樓四面皆可觀而西面獨遠請用挂笏意字
之曰致爽仍請賦之

易公屋上有青山故駕層樓擁髻鬢客至每留風燕外

詩成多在雨簾間。南階竹侶兒孫長。東老身同日月閒。
若道神仙平地好。便從南郭覓柴關。

東坡墨竹

扁舟憶上浣花溪。風雨橫江萬竹低。石室歸來秋侶水。
蛾眉相對醉如泥。春雷翻石蛟龍起。夕照穿林鳥雀栖。
二老何年重會面。爲揮濃墨寫淒迷。

白雲閒上人度夏

白雲長傍太湖飛。忽向西江度釣磯。彭澤小龍邀共飯。
潮陽遷客憶留衣。笋因春雨朝二喫。橘待秋霜顆二肥。
我自本名無所往。經函松下共柴扉。

寄龍翔寺訢笑隱

贏得歸來休便休。鶯花何處更追遊。閒雲過樹依檐宿。
好雨沾泉繞舍流。世上文章將底用。夢中塵業又何憂。
隨身宮殿香雲裏。還見千峰百海秋。

寄魯學士

往歲樓船過太湖。珠簾翠幙護圖書。泉南五馬傳燈後。
天上羣龍進講餘。滿座賓朋尊有酒。盈疇杭稻食多魚。
趣裝未覺曹參晚。應有賢人載後車。

答甘允從寄海東白紵

海國練衣雪色明。寄將千里見高情。著從野鶴渾相稱。
行近沙鷗亦不驚。江露浥船歌醉起。鑪烟攜袖憶詩成。
秋風遊子偏愁予。誰采芙蓉共晚晴。

次韻董子羽見寄

家徒壁立相如宅。森列雲山作畫屏。前日遠煩天子使。
至今猶詫野夫亭。得來妙句題章艸。政爾齋居讀道經。
積雪滿庭誰見問。故人千里眼終青。昔年供奉慙清切。
簪筆春明近御屏。一日攜書歸菊徑。幾回封雪坐茅亭。
女蘿薜荔知新葺。華蓋芙蓉歷舊經。最憶先生天上去。
皇都應見艸青。

次韻答聶空山

惠我名香海上來。講帷還憶舊親陪。微風高閣紆天步。
細雨深簾對露臺。滿袖當時攜馥郁。孤村此日爨蒿萊。
高人雅意相期遠。未覺窓二白髮催。

寄貞居張先生

司馬先生苦著書。久飡金液日清虛。星辰欲動含精劍。
雲霧長隨畢道車。重憶仙翁千仞表。爲修真籙百篇餘。
白頭供奉黃金盡。靈笈何因到隱居。

孫宰金碧山水

昔代香山避暑宮。中天積翠玉夫容。雲生金水三春柳。
露滴銀牀五粒松。飛瀑橋長通窈窕。斷堤人倦立從容。
舊時行處今看畫。烟雨樓臺晚更濃。

甲戌四月十七日。至臨川冲雲寺祝聖壽齋罷。
爲賦此詩。

郭西寺門雙石頭。水檻相對林塘幽。百花過雨落松隕。

黃鳥隔溪鳴。麥秋衰朽虛蒙宣室問。淹遲實愛小山留。
爲貪佛日同僧話。滿袖天香念舊游。

蜀人劉夢良效楊補之掀蓬圖

錦屏山下花如錦。卻貌清江野水邊。放筆豈能無直幹。
掀蓬方欲鬪清妍。最憐半面歌歌扇。更笑輕身障舞筵。
君看上林千樹雪。繁枝何處獨娟娟。

寄吳思可廉使

歲月將題傑閣成。寄來三筆荷高情。知公任比中丞重。
念我文慙吏部名。王勃當年神所助。江淹老去夢還驚。
尚懷曝日茅檐下。解寫農桑詠治平。

寄南安燕信臣總管

昔同禁苑又經筵。一別于今四五年。太守政
老夫吟徹野雲邊。愁來每看新題字。夢裏猶
頗欲仙。茅扶病骨。想能函致到臨川。

游仙游山賦詩

仙游亭于北門東。雲樹烟霞野逕通。秋淨華
春濃。仙縣百花中。昔人黃鶴何年去。九日清
醉插菊花歸路晚。莫令狂客惱衰翁。

方壺作仙游山圖

身在山中底用圖。偶然點染出方壺。數株古
一幅橫橋水滿湖。門外從教車馬過。鑑中不
等閒真遇尋師者。指與雲間一翠渠。

答錢翼之

吳郡名書盛有唐。流傳風致到錢郎。閉門三月梨花雨。
徧寫千林柿葉霜。客看舊題驚歲月。僧將新句度江鄉。
莫愁茅舍淹留久。秋菊春蘭各自芳。

次韻聶空山送杏

看徧生紅雨滿林。筠籠遠致百凡金。遙知過熟心先喜。
猶恐微酸齒不禁。洗琰便應催泛蟻。封囊何必共來禽。
唯當種核成嘉樹。花遶春壇坐鼓琴。

和陳溪山春雪見貽

彌天春雪積塵空。花信今爲第幾風。一色瓊林無別間。
九霄金粟有餘豐。愁吟野徑雲俱黑。睡起東窗日已紅。

幸自與公同此樂。莫辭微醉注黃巾。

予少年過薊門酒樓賦此題曰連十八書郡人疑其爲呂洞賓詩也謾記于此

耳目聰明一丈夫。飛行八極隘寰區。劍吹白雪祆邪滅。袖拂春風槁朽蘇。氣侶酒酣雙國士。情如花擁萬天姝。如今一去無消息。只有中天月影孤。

卽事 四月十六日

臥病邱園忽五年。千官此日正朝天。縣公稱壽邀相共。野老扶藜拜不前。帶拭文犀看舊賜。髮垂明鶴愧初筵。莫言小邑天光遠。朝蓋靈芝五色鮮。

日疾偶成二首

一任榴花五月開。看如烟霧亦悠哉。靜聽靈響空中發。
坐受天香世外來。樂府好邀張籍賦。策書宜其左邱裁。
太清絕點誰能畫。一瞬青蓮月滿臺。
木棉鶴袖小烏巾。百事無聞自在身。舊是玉皇香案吏。
今爲華蓋洞天賓。看花謾笑如烟霧。落筆那能泣鬼神。
聞有紫芝新可食。園公有約願爲鄰。

柯敬仲畫古木疎篁

不見丹邱四五年。幽篁古木更蒼然。蒹葭霜露風連海。
翡翠蘭苕月在川。憶昔畫圖天上作。每題詩句世間傳。
前村深雪誰高臥。亦有晴虹貫夜船。

答盱江石門江秀才

石門山在盱江上。聞侶金山及落星。浮石不隨春漲沒。
道林常見晚雲停。鳥飛空界誰能賦。龍負經函我所銘。
此地卜鄰多逸興。重來爲寫向幽亭。

夢吳成季真人見訪夢中作

竹外旌旗駐馬鞍。兒童驚喜識衣冠。青山春日何須買。
高閣浮雲只共看。野簌不堪供七箸。新詩聊可佐盤桓。
當年赤壁扁舟夢。幾度人間玉宇寒。

嘉平旣望陳溪山白山齋還邑月下獨步

野迴霜明月轉高。寒花疎影立亭皋。池冰下見蒼鱗鬣。
雲海東迴雪羽毛。客去夜深猶倚杖。詩成春近更揮毫。
茅簷數客當晴昊。無限清歡一緼袍。

莫愁寒日經簷短。甕牖西南煖有餘。頗有襟期俱老大。
略無塵滓涉清虛。飢來進火烹仙朮。定起和丹較道書。
憑仗白雲封谷口。免教人跡近幽居。

題馬竹所照磨捕魚圖

霜寒水淨已無魚。漁者縱橫網不疎。羹食盡供晨市遠。
炊煙猶待晚歸餘。已知漠二濠梁異。豈盡洋二鄭沼如。
萬里江湖春雨闊。海鷗不去小舟虛。

李伯宗錄詩

老去逢春總謾吟。敢煩綵筆爲追尋。玉堂天上成塵夢。
茅舍山中稱野心。萬里雲霄歸鳥盡。孤村風雨落花深。
文章傳世知何用。空使高情慨古今。

壽陳溪山生日

風動蕭蕭白髮疎。高齋長日共清虛。輕雷過雨神功外。
瑞露垂雲壽瀝餘。藜杖每期天外友。松肪更試枕中書。
九秋華蓋通天極。千載相隨兩鹿車。

吾家舊物薛公鶴

原序

予家有薛少保鶴一軸。先尚書自蜀攜至此邑。
呂爲珍玩。先參政晚歲失之。不知何在。當時極
惋歎。今二十餘年。集妻姪浚儀趙德莊從好事
者重購得之。欲集識其故而藏諸篋笥。爲賦。

吾家舊物薛公鶴。老氣崢嶸壓九臯。鐵石閣身修足脰。
雪霜依骨淺翎毛。通泉久失千年壁。杜甫空吟一世豪。

老去思鄉歸未得時二借看倚秋高

二月雪與陳齊賢

江南二月長聽雨誰見翩二雪滿舟病眼直驚翻玉樹
吟身渾欲覓貂裘衝寒載酒憐佳客把筆題詩想舊遊
得意長安各騎馬山堂還憶醉翁不

閩憲克莊曰故舊託文公五世孫明仲遠徵鄙
文老退遺棄散逸荷伯宗用昭止善浩淵子勛
至善及余表姪孫陳諒予兄子豐仲弟之壻賈
熙用昭之從子大年等十餘人寒冬連旬日夜
錄之得五十卷亦已勞矣賦此爲謝

老去斯文付宋寥寒枝枯甲一遺蜩虛言白歎眞何補

好友相求不憚遙。敗篋塵埃煩數子。破窗燈火每連宵。
書成明日尋梅去。共看春風轉斗杓。

送朱明仲歸建安并簡貳憲幹克莊

道南遺緒實大存。徑寸神膠萬里渾。路遠祇憑霜履穩。
歲寒更覺緼袍溫。山川文物今誰在。師友淵源尚可論。
弱翰不堪酬使者。遠來深愧考亭孫。

送王公輔遠遊

原序

君子之所居。雖歲月易遠。而餘風流韻。不自知其及人之不窮也。空山雷先生隱于種湖之上。豪傑名勝多從之遊。其光顯盛大者。固已著見于代。其高尚深遯者。則有不可得而知者矣。然

種湖猶有先生遺書數百卷與平生著述皆無恙也湖觀之師弟子相傳而守之其寥廓之趣粵古之思必有彷彿其精微者乎至元二年丙子正月六日大雪道無行人有羽士王公輔自種湖來袖詩一篇爲贄觀此風致諒非俗塵所能固有得于君子深矣問其年纔三十喜其盛年好讀書苦吟聞其將從吳越淮泗而遂至乎京師也故作詩以送之

春雪門前二尺深。予喬雙鳥度幽岑。欲吹藜杖同清夜。靜看梅花對苦吟。江國鶯花時冉。京城烟雨晚駸。老來每憶登臨處。仗子芳年一一尋。

題趙師舜謝安遊東山圖

太傅東山杖屨行。總將憂患托高情。獨尋窈窕開瑤席。
雙引娉婷詠玉笙。春雨松間殘奕冷。秋風江上暮塵生。
三分籌策頻煩甚。惆悵雲霄一羽輕。

活水源爲王欽道賦

川上嘗聞感聖衷。尋源曾見出泉蒙。風霆流動千門闢。
山澤高深一氣通。潤物已隨時雨化。濟川猶歎昔人功。
野塘舊隱誰能住。一勺清泠謝大空。

夜宿周氏簡饒復心李伯宗

復心與伯宗留宿周氏東齋。談易論語集註至
于達旦。集已微疾。不得奉陪。然心甚喜。雞鳴賦

此章呈二君子

霜月高齋宿兩賢。夜深情話極幽玄。退藏莫測神明化。
通變猶聞典禮傳。五十華年思絕學。二三良友肇遺編。
選鋒若欲驅殘臘。晴昊梅英孰與先。

贈朱萬初之官建寧

并序

仲春之望建寧幕長朱君萬初之官迂道百里
惠訪山中存撫老病深感古誼得見禁林貴臣
名公書報萬初延閣機暇得進所製新墨甚稱
旨意中書傳問所居官將有朝擢之喜良爲助
慶因賦此爲別云

墨卿玄壁進明光。玉硯雲興御榻香。內相貽書傳異賞。

中朝垂問仕何方。世家應訪金絲舊。古道相求艸木荒。
把筆欲題新感遇。牛衣春夢入滄浪。

甲戌四月十七日至臨川冲雲寺祝聖壽齋罷

爲賦此詩

郭西寺門雙石頭。水檻相對林塘幽。百花過雨落松暝。
黃鳥隔溪鳴麥秋。衰朽虛蒙宣室問。淹遲實愛小山留。
爲貪佛日同僧話。滿袖天香念舊遊。

送韓伯高僉憲漕西

正月樓船過大江。海風吹雨洒船窗。雲消虹霓橫山閣。
潮落黿鼉避石砮。闕下諫書今第一。濟南名士古無雙。
湖陰水退多餘鳥。應勝愁吟對怒瀾。

顧星五曰三四宏壯五六接不得弱妙用流動之筆
工整中見變化格律深嚴漢庭老吏故非白負

費無隱丹室

碧雲雙引樹重二除卻丹經戶牖空一徑綠陰三月雨
數聲啼鳥百花風年深不記栽桃客夜靜長留賣藥翁
幾度到來渾不語獨依秋色數歸鴻

挽文山丞相

徒把金戈挽落暉南冠無奈北風吹子房本爲韓仇出
諸葛寧知漢祚移雲暗鼎湖龍去遠月明華表鶴歸遲
不須更上新亭望大不如前洒淚豈

顧星五曰意到氣到神到挽文山詩此爲第一

滕王閣

城頭高閣插蒼茫。百尺闌干背夕陽。秋雨魚龍非故物。
春風蛺蝶是何王。帆檣渺二來彭浦。車蓋童二出豫章。
燈火夜歸湖上路。隔離呼酒說干將。

顧星五曰。讀此詩。始知物換星移。是弔古套語。

白樂天重屏圖

錦屏圍暖坐衰翁。妻子相看語笑同。翡翠鴛鴦元是畫。
櫻桃楊柳詎非空。清朝優老客歸早。野寺宜閒見歲豐。
兜率有天何異此。葛巾吟唱白蓮風。

道園全集卷七

虞文靖公道園全集卷八

歸田橐三

絕句五言

題汪華玉子昂蘭石四首

海內出珊瑚。枝撐碧月孤。鮫人拾翠羽。泣露得明珠。
參差不可吹。紉佩寄遠道。遂令如石心。歲晚永相好。
抱玉下天河。繞叢秋露多。天寒翠袖薄。日莫欲如何。
翠袂倚岩嶢。來尋碧玉簫。拂衣成歷劫。遺迹映寒潮。

題黃與可所藏錢舜舉瓜圖

秋蔓有遺實。不食庸何傷。東陵爲圃地。何曾憂雪霜。

題趙師舜光風轉蕙汎崇蘭圖

宋芳非不多。金石好兄弟。雜佩呂間之。春風接襟袖。

春研帶雪圖

玉茗深宮裏。春研帶雪殘。可憐五色羽。相竝不知寒。

江村秋晚圖

依約米家船。疎林薄暮烟。新詩吟未了。槎上釣江鯿。

題饒世英所藏錢舜舉四季花木

海棠

睡起多情思。依稀見太真。一枝紅淚溼。猶憶故宮春。

黃蜀葵

花萼立清晨。驚黃向日新。金杯承玉露。偏醉蜀鄉人。

芙蓉

丹霞覆苑洲。公子夜來遊。終宴風露冷。折花登彩舟。

山茶

萬木老空山。花開綠萼閒。素妝風雪裏。不作少年顏。

絕句七言

題趙師舜所藏雪竹圖

鳳凰臺上竹猗猗。別出參差玉一枝。閱盡雪霜心似鐵。

高風惟許歲寒知。

題饒世英所藏孤鶴圖

海風吹月憶危巢。清夜梳翎雪墮坳。仙客不知猶是畫。每聽長唳向松梢。

贈朱萬初四首

霜雪摧殘澗壑非。深根千歲斧斤違。寸心不逐飛烟化。
還作玄雲繞紫微。

原註近世墨呂油烟易松滋媚而不深重萬初既
曰墨顯得真定劉法石刻墨法呂為劉之精藝深
心盡在于此必無誤後世因覃思而得之蓋取千
百年摧朽之餘精英之不可泯者乃用之非常松
也嗚呼孰肯舍易而求難必求
古人之成法而後盡其心者乎

珥貂鳴佩入明光。新墨初成進玉牀。草野小臣春夢短。
猶懷染翰侍君王。

原註天麻己巳天下大定中外又安天子始作奎
章之閣于宮庭之西曰親御翰墨時榮公存初康
里公子山皆近侍閣下呂朱萬初所製墨進大稱
旨得祿食藝文之館其名藉甚邈在草野豈勝玉
堂之
思乎

延閣晨趨接佩聲。又紆朱紱向江城。丹心要侶東陽水。

釀作冰壺徹底清

原註朱萬初呂藝文直長呂年勞恩賞出佐帥幕
南海轉丞東陽東陽文物之邑俗第呂名酒歸之
豈其山川之望哉韓文公議丞不負余余負丞今
丞凡邑之風俗教命刑獄科賦無不得言言之當
無不可行存乎其
人而已萬初勉之

頗愛燒香是鼻塵不應緣鯢又勞人方牀石鼎過清晝

一縷山雲伴老身

原註深山高居鑪香不可闕退休之久佳品乏絕
野人爲取老松栢之根枝葉實擣治所楓肪和之
每焚一丸亦足呂稍助清苦久亦不復爲今年大
雨時行土潤溽暑特甚萬初袖致土速數片空齋
蕭然遂得爲一日
之供亦可喜也

雪後偶成

千山積雪日華明甕牖前頭畫不成未有樓臺供遠眺

負暄過午聽簷聲

曉來殘雪在陂陁。遠侶羊羣或侶鷺。憶踏春泥看柳色。
駝裘貂帽度冰河。

白贊題白雲求陳可復所寫像

歸來江上一身輕。野服初成拄杖行。祇好白雲相伴住。
天台廬阜聽松聲。

築室

溪頭築室苦不多。無奈今年春雨何。水暖白鷗渾不去。
泥深田父少相過。

客有好仙者。持唐人小遊仙詩求予書之。惡其
淫鄙。別爲賦五首。

東海轉上白玉盤。滿天風露桂花寒。方平欲來其今夕。
微聞洞簫過石壇。偶過松閒看弈棋。松枯鶴老忘歸時。山前酒熟不中食。
自有金盤行五芝。關二睢鳩在河洲。錦幄春溫吁可愁。六合清凝海天碧。
木公金母坐優游。衣垂烟霧冠晨暉。雪色鬢毛風外稀。何事酒鑪眠不去。
塵中醉裏或忘機。老婦扶兒休笑儂。不肯學仙蚤已翁。東家木公合璧谷。
但汝護田祈歲豐。

子昂竹

憶昔吳興寫竹枝。滿堂賓客動秋思。諸公老去風流盡。
相對茶烟颺鬢絲。

子昂蘭石

汀草離離石老蒼。行吟何處樂清狂。江中遺佩相思久。
莫待明年春蕨長。

夢蟾圖

炯二孤蟾兩日寒。莎羅臺上濯神丹。冰容映日初無質。
故許空巖夢覺看。

唐五王出遊圖

華萼樓前御柳長。春風馳道曉塵香。龍姿鳳質多相侶。
黃髮爲期樂未央。

錡曰翁覃溪曰津成之筆無人能及有目識此詩矣

八駿圖

瑤池積雪與天平西極空聞八駿名玉殿重來人世換
蕭二苜蓿漢宮城

射獵圖

羽獵長年從翠華合圍八月度龍沙蕭二徒御圖中見
猶想君庖賜滿車
日莫推車力已疲道逢猛虎快饑飢負嵎何待要馮婦
弱婦嬰兒未可欺

題白玉蟾像

日出扶桑積雪高海空天淨絕纖毫每看劍氣衝銀漢

知是吹笙詠碧桃。

題大別山柏圖

馮陵霜雪鼓風雷。此樹相傳手所栽。想見樓頭黃鶴客。
千年一度此山來。

答趙秉彝送地黃膏

身如老馬視茫茫。多謝銀罌致地黃。昨日飲餘肌骨煖。
解持書卷近晨光。

酌張用鼎

老去尙書賓客盛。淮南淮北誦君詩。玉堂自是歸來晚。
不及觀君落筆時。

題關尹問道圖

身隱何爲更著書。區區關尹強留車。周公制作成殘缺。
歎息何人問緒餘。

翁覃溪曰：柱下當年必有所見爲之慨然。

中秋前偶賦

一室蕭然絕蔽虧。桂香初發自先知。已無熱惱仍無夢。
坐到空林月落時。

空林月落大如盤。雞犬無聲曉氣寒。童子擬謀朝一食。
玉盃盛得露漙漙。

一盃濃露滑如飴。灌溉清涼可療飢。畢力石田嗟已晚。
空山何處采靈芝。

采芝不覺過前山。偶答樵歌莫卻還。人影自行殘照外。

雨雲先入翠微間

次韻答魯子翬參政四首

山水娛人若妙顏。幾年搖落鏡中鬢。高情誰與爲膏沐。
舒卷春雲指掌閒。

海風春雨散晨曦。紉扇高堂兩鬢絲。想見東南賓客盛。
臨江釀酒看潮時。

病鶴前年下玉京。空巢聊寄一毛輕。白雲千載悠二外。
自照寒溪野水清。

方嶽羅賢祝網開。選掄更欲藉非才。故人情厚慚衰朽。
千里空煩重使來。

題赤城站壁

莫怪扁舟不早歸。斜風細雨溼蓑衣。天心月滿江心定。
贏得閒身坐釣磯。

又和赤城壁韻

飛鴻力盡始能歸。敢向漁樵詫芰衣。多謝相如遠相問。
華星明月照寒磯。

秋夜有作

月明清露浸山河。八極無塵水絕波。形質不應猶有礙。
鼻端惟恨桂香多。

玉龍圖

貝闕澄_二海月生。水晶簾影接空明。鮫綃翦得霓裳就。
卻擁冰髯上太清。

郭熙畫本

江南喬木已無多誰畫參天鐵石柯記得玉堂春晝永
寒林坐對老東坡

浙西提舉陳眾仲呂其省之命請考秋試其還
也賦此贈之

道諒交情志竟完千山觸熱訪衰殘惟慙薄德成虛辱
故詠高風小子看

百事消沈老病身石田茅屋度餘春故人遠訪閒相對
共看流泉日二新

合禮文章體道心事天成物致精深老來更覺交遊少
珍重高賢副所欽

游揚羅李生閩土。千古斯文一綫微。最憶相逢共紉繹。
開窗東海渺烟霏。子去聲光日已高。荒村那復重相遭。畫屏甕牖閒欹枕。
春雨秋雲見羽毛。

贈閒白雲

白雲東去又經春。每想飛鴻到水濱。幾箇遮山松樹子。
憑君灑雨洗埃塵。

無題

貝闕珠宮夜不眠。露華浩二月娟。不應又作人間夢。
窈窕吹簫度碧烟。

題亡弟嘉魚大夫與眉山奴詩後

瞻望眉山艸木春。西還無計每傷神。數家共客巴陵下。
只託詩書論古親。吾弟文章絕幻靡。只餘詩句侶西江。十年夢斷遺書在。
風雨梧桐白一廂。

書蘭亭後

墨池春雨水冷。消得鷺羣舞雪翎。千載臨文嗟悼盡。
摩挲病目看蘭亭。

題黃敬申虎圖

當時玉帳蜀雲西。坐嘯風生艸木低。傳寫餘威千載外。
空山藜藿尚萋萋。

聞機杼

咿啞機杼隔林幽。夢覺江湖憶舊游。滿地月明涼似水。
數聲柔櫓過揚州。

賦玉簪花

玉簪花發憶京城。編閱詩篇未識名。解道折花猶帶露。
卻愁香色起凡情。

面植芝蘭背植蕙。高花冠玉擅中園。小冠不厭雙蓬鬢。
賴有朋簪玉露繁。

翠葉長挺出露叢。紫華高潔倚微風。方田種得新秋玉。
萬斛濃香屬老翁。

天官卉會若星流。簪筆同朝八月秋。一色尚方新切玉。
含香無語度中洲。

溪橋蹋雪

萬竹孤亭積雪明。衝寒先到寄高情。過橋不是尋常客。共聽空山裂帛聲。

奉答吳仲谷見寄兼簡許愿夫

城南謾作艸堂新。過客全稀甌有塵。城闕鶯花二三月。無因藜杖伴詩人。

華蓋山前已結庵。荒陂獨往策羸驂。何如城北蕭閒叟。吟詠高齋從適餐。

翠竹如雲百尺樓。川原錦繡出城頭。遙知吟詠羣賢老。清酒千壺薦膳羞。

題范德機詩後

玉堂妙筆交遊盡。投老江南隔死生。最憶崖州相憶處。
華星孤月海波清。

題文丞相手蹟後

大廈明非一木支。區區未忍聽傾危。故人邂逅聊相問。
矢死終天更不移。

次韻陳溪山春日卽事

日出蒼龍霧露零。郊原花柳總蘇醒。七言內外黃庭景。
歷歷東風舊所經。

河漢光微海出暎。蓬萊宮闕啓千門。晴虛無外來相覓。
塵影俱消湛若存。

蕉竹窗中舊席虛。白雲不住意何如。欲占正叔來消息。

正值包羲未畫初

題呂洞賓見滕子京像

一杯湖水碧于天。飛劍來時月正圓。天下正多憂樂事。
翛然來往又千年。

題魏受禪碑

華歆勸進鍾繇筆。妙畫千年不可磨。舊有始皇今石刻。
李斯文字更嵯峨。

鎮曰刺在言外

寄吳景永

原序

崇仁邑士吳景永客授齊安寓定惠院書來報
寺之海棠東坡所爲賦詩者合二百五十餘年

枝萼復盛住山明月溪增葺坡翁舊寓并錄所
賦爲寄偶成三章答之并呈幹公克莊部使者

云

滿山桃李擅春風麤俗何妨總化工
賴得土人渾不愛故容山寺對衰翁

江城紅萼是鄉人

二

去花飛海復塵二百餘年還一夢

雨中月下爲誰春

昔登棧閣俯春濤紅萼青松翠壁高
應有故人知我在鷓鴣春雨老江皋

鎮曰詩意甚自負故知文章千古得失寸心伯生于
此早自信其爲可傳矣

次韻東山鳳栖別墅四時詞

湖邊綠樹多年柳。島上紅雲二月花。惟有舊時雙燕子。
經春猶在故人家。

雨餘飛蝶傷秋潤。江外蹲鴟喜早涼。高屐圍棊歸別墅。
東山莫是謝家莊。

秋聲柿葉書連屋。日暮黃花醉短籬。每歎觀文修舊史。
不違初志見新詩。

寒陰潔白分嘉玉。園果青黃貢上金。受命素心如鐵石。
不知冰雪歲年深。

臨川艾蜚英茂才求書比遊京師荒山久病筆
墨盡廢偶有近詩二首寫寄國史侍講祭酒先

生數千里外一笑契舊有同在者共一看之亦
知衰朽托底無恙也

鳥鳴不鳴山更幽少學多聞今始休當年空食人間飯
聊爲田家事牧牛
牛角掛書田裏歸昔人行處不相違白蘋如雪鷺飛起
耿二銀河星宿稀

和陳溪山韻

林園寥廓靜簾櫳來往風雲盡日中萬卷相娛嗟歲晚
一簞猶恐負時豐

幽二直入南山路行到水窮猶有雲回首獨歸無一事
道傍還見丈人耘

題樓壁耕織圖 并序

我國家既定中原，民久失業，置十道勸農使，總于大司農，慎擇老成重厚之君子而命之，皆親歷原野，安輯而教訓之。今桑麻之效徧天下，齊魯尤甚。其後功成，省專使之任，歸憲司。憲司置四簽事，其二則勸農之所分也。至今耕桑之事，憲猶上之大農，天下守令皆曰農事繫銜矣。前代郡縣所治，大門東西壁皆畫耕織圖，使民得而觀之。而今罕爲之者，撫圖頌詩爲賦三章，二四句。

鄉里蠶桑勿失時，畫圖勸相又題詩。當時補袞應無缺。

金玉餘音到繭絲

吳越蠶桑用日多。始終吟咏極婆娑。玉成繭館閒琴瑟。
宜薦房中備樂歌。

昔者東南杼柚空。詠歌蠶織到圖窮。勸農十道先齊魯。
百世興王衣被功。

送程呂文兼簡揭曼石

樸學清忠荷主知。每驚異論苦相危。只緣自信非鄉愿。
俟命從容絕妄思。

玉堂北局是秋官。健筆相遭白晝寒。莫怪討論成諍論。
御牀夜索艸篇看。

故人不肯宿山家。半夜驅車踏月華。寄語傍人休大笑。

詩成端的向誰誇。

西郊草堂圖爲從子豈作

故家東郭百花洲。梅柳西郊總舊遊。賢子獨知懷土念。
結廬爲擬艸堂幽。早晚東吳買客船。直歸萬里畫橋邊。寄貲儘有詩人在。
忍向圖中看數椽。草堂在處卽西郊。巴嶺還如雪嶺高。但有好孫能力學。
不愁老杜不春遨。野梅官柳頗依。酒債尋常七十稀。莫遣錦溪賢姪覺。
恐愁安樂不思歸。

至正改元辛巳寒食日示弟及諸子姪

疾風吹雨作春深。抱膝西窗獨自吟。百世詩書千古事，
只憑孫子不虛心。
江山信美非吾土。飄泊棲遲近百年。山舍墓田同水曲，
不堪夢覺聽啼鵑。

寄成都孝成姪

寒食風花高下飛。錦官城外是邪非。百年墳墓惟孤姪，
勤酌寒泉薦薺薇。

寄吳門弟姪

尚書大墳在吳門。老病西江更斷魂。春雨滿山湖海去，
扁舟強飲引諸孫。

寄子安民從子宣

兩兒逐祿廣東西。解憶荒村叫竹雞。北返衣冠先志在。
扁舟何日發端溪。

癸酉歲晚留上方觀

投老歸來山縣小。無端人事尙關情。雲房借宿最岑寂。
亦有鄰春月下聲。

燈前自了讀殘經。風入疎簾月入櫺。坐到夜深誰是伴。
數枝梅萼一銅瓶。

偶行幽徑豈尋春。忽見叢蘭紫萼新。幸自林深可終日。
吳將香引路行人。

山中積雪到簷端。獨對篝燈坐夜闌。不是梅花心似鐵。
如何禁得許多寒。

葵榴雙鳧

江南春事已蕭條。只有葵榴綢日嬌。水國不知炎暑近。
雙將文羽戲清潮。

題明皇按舞圖

寢安食飽對青雲。按舞調笙不厭頻。南內歸來還獨看。
梨園弟子白頭新。

題昭君出塞圖

天下爲家百不憂。玉顏錦帳度春秋。如何一段琵琶月。
青艸離二詠未休。

題陳氏遠樓

春風滿縣花開日。夜月千山雪積時。定有扁舟來好客。

倚闌溪水度雲遲。

偶成

野田閒水浸秋天。隨意行吟到水邊。
樵牧各歸魚鳥散。微風吹面鬢蕭然。
半晦秋陰近石牀。倚牀自炷水沈香。
新涼透骨清如水。幾箇蒼簑共夜長。
鶴骨新來怯曉寒。東窗睡覺日三竿。
蒲團深坐香如縷。塵几殘經亦倦看。

杜亭

夜色澄。二海氣深。水光蕩漾入簾旌。
冰肌玉骨便清夢。不爲吹簫送月明。

璧月珠星繞四周。團團翠樹屋東頭。黃金布地香爲國。
此是山中富貴秋。

田舍

晨昏車馬亂雲烟。花下追遊亦偶然。百舌無聲春亦去。
蕭蕭田舍日高眠。

題漢孝宣受貢圖

悠悠旌旆馬蕭蕭。萬里歸來氣不驕。黃屋東邊渭水上。
從官誰是霍嫖姚。

答饒心道四首

碧玉淒涼思入雲。數峰江上見湘君。夜深霜冷絃中折。
儘有遺音世未聞。

日下紫微還獨歸。陰一夏木掩柴扉。空傳秀句寰區滿。
世外高情更絕稀。

巴水東流日夜深。先生茅屋背城陰。東風盡日吹香草。
金石臺荒想獨尋。

塞坐詩書日昃歌。陶公于此每婆娑。匡廬雨過青如舊。
只爲長松不易柯。

題約牖爲譚無咎賦

約牖前頭一沼開。天光倒影入蒼苔。臨泉洗墨春雲溼。
恐有神魚起蟄雷。
檢束精神不外馳。天光融徹入初曦。飛塵不礙清虛景。
意識空從一管窺。

意識休將一管窺。斂藏深密靜無私。始終慎獨成天德。
深信開章自宓義。酬酢紛拏審室廬。老來漸覺就明虛。羨君盛歲先知約。
絕利尋源事廣居。

別燮元圃後重寄

郭西山路有寒梅。想見臨行首重回。夜聽雨聲知水長。
滿船明月幾時開。

聞燮元圃除御史

好風天上送春來。紫陌紅塵萬里開。春雨春波舟一葉。
題詩先到鳳凰臺。

燮元圃除御史後寄蕭往淵巡檢

望仙亭上最清閒。日二吟詩竹樹間。長官新我豸冠去。誰與空山相往還。

題趙子固梅

楚王宮室賦離騷。不及梅花莫解嘲。留與周南舊公子。歲寒聊寫兩三梢。

古檜

根到深泉石作身。疎二香葉不知春。海波不動天風遠。千歲寒蛟作老人。

題夢良梅

詩翁白髮對青春。看遍江邊玉雪新。我是錦城二裏客。開圖更憶錦屏人。

留易小雅樓促陳溪山同飲

花滿橫樓酒滿盃。晴光偏送好春回。東家縱有溪山興，聽得歌聲也合來。

和陳溪山櫻桃

紫玉盤中絳雪繁。相如多渴喜清寒。明光分賜難重得，卻作金丹火齊看。

留題龍門寺

自入重山知者稀。默然終日坐垂衣。山猿還笑癡頑甚，無見無聞忘卻歸。一榻東軒絕百非。浴波紅日上當扉。輕雷谷口作飛雨，知是老龍回翠微。

舊得鷗雛短羽毛。筠籠三月未能高。攜來聽法生公石。
風竹雲松任所邀。投閒雖久尚勞生。數日山居實稱情。
香象渡河姑且置。端然聽得落花聲。

樂府

滿庭芳

微雨經宵。煖烟籠晝。相尋閒步堤沙。露桃風絮。香影傍
烏紗。徙倚江樓最久。綺窗迴翠擁雙丫。輕鷗外。水村山
郭。帆過泊誰家。東華塵土夢。漢宮傳蠟。隋樹啼鴉。記
當時攜手。何處天涯。日暮清吟未足。聽街鼓催發香車。
山翁醉。驚雷散雹。深夜未停撾。

寄阿里仁甫

維舟南浦。臨流不渡。蹋破城南蔬圃。故人直是不相忘。
把酒看沙頭鷗鷺。青雲得路。蘭臺烏府。早晚新承恩。
露輕車切莫便乘風。先報與山翁知取。

法曲獻仙音三疊爲陳溪山壽

秋氣至。壽暉注天香。燕坐喜看扶兩几。擊鮮何必恩諸
郎。長歲接賓行。

盤石上新畫太邱翁。扶老一枝風滿袖。凌霄千歲露垂
松。不與山閒同。

千歲事何許。覓松喬。急雨輕雷開道路。星河北斗轉岩
嶠。相對話漁樵。


051
1

1218155

浣溪沙

江上秋風日夜生。蕭蕭兩鬢葛衣輕。芭蕉叢竹共幽情。
病骨不禁湘簟冷。夢魂猶似玉堂清。畫簷疎雨過三更。

道園全集卷八



21101000188008

道園詩遺藁

有元西蜀徵文獻虞老高名孰比倫遺
什統應歸類藁此翁不僅是詩人神仙
丰骨中尤大道學文章品最真異代鄉
先揚馬席豈徒詞賦接芳鄰

鷺溪鎮題

道園遺藁原序

自昔文章家著述其集有內外篇前後續集別集之分蓋由其體製有同異歲月有早暮故其編纂彙次之法各有所存然其文之可傳者雖單詞斷簡皆不得而棄置則又有所謂拾遺者焉國朝一代文章家莫盛於閣學蜀郡虞文靖公公之詩文曰道園學古錄者其類曰皆公手所編定天下學者既已家傳而人誦之矣然其散逸遺落者猶不可勝計也其從孫堪克用乃爲博加討訪積累之久得古律詩七百四十一篇而吳郡金君伯祥爲鋟諸梓是編之傳其殆所謂拾遺者乎予嘗獲執筆從公之後而竊誦公之詩曰爲國朝之宗工碩生

後先林立其於詩尤長者如公及臨江范公蓋不可一
數也學者讀是編則知其殘膏賸馥沾丐後人者夥
矣今公已不可復作予是曰三復是編而永慨也抑公
平生所爲文無慮餘萬篇今學古錄中所載不啻十之
三四然則并加討訪而使之盡傳焉豈非堪之志而予
之所深望者乎昔昌黎之集成於門人河東之集託於
朋好惟廬陵歐陽公之集其嗣人能致其力焉若堪之
汲汲於此其亦可謂無媿於歐陽氏矣夫堪一字勝伯
至正二十年正月十日金華黃潛序

故奎章閣侍書學士蜀郡虞公道園學古錄其季子翁
歸與公門人李本之所編今建寧板行者是也書始出

如景星鳳凰士爭先覩之爲快而湖海好事者復輯公詩另爲一編然與學古錄所載皆有得失予意其蒐葺已無遺憾近於一二士友間每見公詩文皆公所親筆較之二集中多所不載然後知公之篇章在世不能無遺佚者予外姪克用公之諸孫也好古嗜學早夜不倦聞士友間有公詩文輒手編成帙如是者累年積其所得凡七百餘篇皆板行二集所無者遂分類編次爲六卷附呂樂府題曰道園遺藁屢欲刊之而未能也近克用假館于吳江之金君伯祥家其先君子樂善至治閒嘗識公于吳蓋平日之所欣慕而樂道之者克用偶出是編伯祥亟命鋟諸梓昔虞公南來椿呂總角獲拜公

於錢唐皆從叔祖母家氏博涉書史嘗手書蓮經一曰
出曰示公公不勝渭陽寒泉之思至賦七言古詩辭極
淒愴且手跋於後者垂數百言今二集既不錄而椿又
不能追憶曰附克用集中可勝歎哉然觀克用所編凡
公平日之雄詞健句膾炙人口者悉已收入則其所遺
者已鮮而克用之用心尙未已也予嘉其志與伯祥之
好義故因其請而爲識于簡端至正己亥夏五月旣望
眉山後學楊椿序

有作之於前而無踵之於後則其傳不永欲永其傳必
後先得人可也吳郡素稱文獻邦而人多好義事有可
資於世者則不惟作之者有其人而踵之者又有其人

若長洲陸君守道早從虞堪勝伯遊受其教益居多堪嘗哀其從祖道園先生古律詩七百餘首竝古樂府若干篇而金華黃公晉卿眉山楊公子年皆序於前金氏伯祥已爲鋟梓迨今歲久版多亡闕存者僅三之一且模糊閒出守道以其師之故方圖補刊而易其模糊者奄及易簣二子珩璜念其父志今續成之徵立序其事於戲先生之片言半簡猶爲今之所重況其詩之大篇短章足以垂于天下後世使人躍然而欣睹者一公論之悉矣奚待後生小子立之言哉雖然若是編補刊之始末與夫守道之不忘其師珩璜之能繼其父以見吾邦後先之有人而得永其傳者是皆可書也故爲之序

其後如此至正二十三年癸酉十二月初吉行在翰林院侍講承德郎兼修國史後學彭城劉玄謨

先叔祖學士虞公詩文有道園學古錄翰林珠玉等編已行于世然竊讀之每慮其有所遺落凡南北士夫閒輒爲蒐獵訖用有年始得詩章七百餘篇皆章二在人耳目及得之親筆者蓋懼其以僞亂真故不敢不爲之審擇也惟先叔祖鴻文鉅筆著于天下家傳人誦其大篇大什諸編前橐已得其八九此蓋拾遺補闕庶免有湮沒之歎方類聚成編以便觀覽而吾友金君伯祥乃必用壽諸梓以廣其傳命其子鏐書以入刻伯祥之施不其永耶外有雜文諸賦尙有俟于他日云至正十四

年五月甲子從孫堪謹識

虞文靖公道園遺稿詩總目

卷第一冊

琴操一闕

古詩四言十四篇

古詩五言六十三篇

卷第二冊

古詩七言五十二篇

卷第三冊

律詩五言八十三篇

附律詩七言一篇

卷第四冊

律詩七言上一百十九篇

卷第五冊

律詩七言下一百二十篇

卷第六冊

絕句五言四十一篇 六言六篇

卷第七冊

絕句七言一百八十七篇

卷第八冊

填詞十七篇

共計七百三篇

虞文靖公道園遺藁詩卷第一

操

釣雪操

鑿方池兮山之曲。仰喬松兮倚脩竹。四眚來兮無不足。
歲之寒兮天雨玉。雨玉兮滿庭。予何思兮折芳馨。魚潛
淵兮亦在藻。言將求之曰忘老。鰈鱣兮鰻鯉。有酒兮多
且旨。霏霏兮來思。尚友兮君子。

古詩四言

致樂堂詩

有註

致樂堂者。集賢待制周君之所曰奉母者也。蜀
郡虞集爲之賦詩曰。

翼翼新堂。有闢有房。夫人來居。旣安旣舒。攸芋攸寧。載
燠載清。言闔于門。曰寫我誠。有駟其馬。有仇其軔。爲子
來者。允貴且賢。貴容舒遲。賢有令儀。爾因爾宗。先君之
思。翕爾兄弟。具于嘉旨。我飲我食。先君之予。詩言溫柔。
禮言著存。我撫我惠。先君之孫。樂哉誰氏。維周壽母。疇
克致茲。周南仲子。君子善頌。文則多有。又永歌之。曰導
燕喜。

萬戶張公廟堂詩

并序

大德辛丑昭勇大將軍河南征行萬戶鎮通州
張公曰其兵從征緬死之通人作廟曰祀公二
十年閒朝之公卿大夫士能爲文章者莫不爲

之制作泰定丁卯公子御史亦俾予賦之集
爲征緬事始末在朝諸君子則知之矣通州僻
在江海其人何白知之況久遠乎且不著夫狂
夫首禍之故成宗皇帝聖明卒致其罪則公所
以不肯墮其構陷必甲冑以死之意亦終不白
於通人故稍原其始而道之庶將來其有考也

詩曰

於赫世皇竝用豪傑一定宇內橐厥戈甲旣久旣安成
宗繼之祖功莫加道在手持狂夫興謀以動相國曰昔
祖宗咸尙戰克萬方悉來史皆前能我獨無名曷稱繼
承蠢彼西南醫叢負固聚落八百各統女婦人強善驕

馬貝競豪。參禾于牢。黃金飾槽。取而有之。富可足用。赫
乎功多。以世智勇。相臣以聞。天子曰嘻。有是言哉。汝其
試之。狂謀既售。諫言不入。既賦軍實。弓鉞仍戢。餽饗啓
行。萬里騷然。飢危蹈毒。未戰已捐。番二名將。天子爪士。
鎮于江滸。天子所使。狂夫忌之。承制驅之。詎思國謀。徒
逞厥私。將軍慨言。死爲臣職。可陷者身。不陷吾職。見制
鄙庸。豈我召凶。心知無還。沉冀立功。與其矯誣。死彼狂
手。孰與奮擊。不喪吾守。孤旅轉戰。深入不回。殺戮旣多。
身卒死之。三軍失聲。萬士喪氣。孰明公心。君門萬里。裹
革東歸。遙二江壖。部曲候迎。悲風旆纒。民懷其忠。士感
其義。虎奮鷹揚。如見其至。卜廟得吉。東望際海。神其妥。

之有永無壞。狂夫辱國。天子震怒。立呼狂豎。斬以大斧。狂罪則誅。死事奈何。褒封哀榮。白世不磨。豈惟不磨。元嗣御史。既有兄弟。又多孫子。奕二勳門。秩二良材。天之報忠。豈有涯哉。

柏堂詩

崇仁劉觀母熊氏有貞節。觀作堂奉之。翰林學士吳生有記。藝文監丞揭曼碩氏作頌。朝賢多繼聲者。元統癸酉。集歸自京師。亦爲之賦焉。

翼二新堂深明高安。嘉樹在庭。維柏桓桓。霜降露濡。載寒載溫。歲以序遷。我有恆歡。惟肯壽母。來居來言。昔扶弱支。今撫其繁。先君之思。永矢弗捐。視此庭堅。不忘以

存肅二令子敬共前聞婉二有容郁二有文室其宜家
長其子孫暖日扶輿涼風進軒駕言忘憂游息山園閣
度淳珍匪汎鬯芬樂耑和豐具養無愆孰栖爾柏翽二
其鸞里人瞻之孝慈之門君子有言德風攸敦敢告司
藝善培根原

題胡徵君器之和陶軒

春木晨榮秋華夕滋流雲行天逝者如斯柴車葛巾曷
能歸來我懷古人徒誦其詩有美君子尚友先覺靡觴
不詠無詠不屬豈無他人孰此追躡優哉游哉君子之
樂吾儕小人力絀乃休猶可以馳曷其停輓卷舒無悶
入聖實優敢以未成竊方前修祖德之述尚論其世我

獨何爲。夙墮羈縻。聞君贊歌。祇以生愧。既曰知非。請勸
餘歲。自註集讀書中山昔草屋三閒以紙糊其壁舍弟
仲常爲書邵子諸詩於東謂之邵庵書陶詩於西
謂之陶庵吳先生見而歎之以爲
世內無窮之悲世外無窮之樂也

心遠堂詩

渺二平湖。其際維山。飛鳥載雲。晨往夕還。平湖瀾。薄
于山止。雲窮于飛。目力無際。慨昔周游。山川邈悠。忽焉
興懷。一息九州。千古旣往。萬古方至。悠二我思。譬彼逝
水。樂哉君子。其居深二。不遯以寧。式究厥心。

題上官樵寓

青松爲關。白雲爲戶。其迎無賓。其住無主。假夢付鹿。遇
弈忘斧。不去不畱。是曰樵寓。

東坡笠屐圖

謫居荒濱。無誰與語。言從諸黎。歸在中路。風雨適至。借具田父。信童怪隨。傳像畫者。笠以雨來。屐以泥行。匪以爲容。用適其情。朝衣軒車。固將若驚。恆服爾假。猶不予寧。含德之厚。混迹於俗。魏二勳華。天章轉燭。幽囚野死。曾莫指目。我不自忘。的致凝矚。偉哉天人。其猶神龍。其來無迎。其去誰從。形擬猶差。矧是飾容。世無其人。神交或逢。

呂洞賓像

洞庭無波。明月萬里。我肯見之。劍若秋水。

玉清道士魚障

春雷發聲。風雨皆至。跋浪龍門。一躍千里。我服神丹。得爲水仙。鱗二。媵子。飛朝九天。

墨蘭

遍遊楚澤。枝訊葉辨。使讀騷者。得見真面。好風東來。其葉紛披。所不隨者。芳荃自持。歷沅跨湘。無二無雜。向一毫端。生分別法。日莫無雲。微風扇和。樹之百畝。寧愁其多。

畫魚

東人結網。西人漚鷺。滄海長逝。吾獨何心。

棋曰。四言詩。襲三百篇貌。不是遺三百篇貌。又不是譚藝家以爲難能。

古詩五言

次韻答袁伯長學士十首

衡門有一士。閉戶守玄一。脩之三十載。深不願世述。晶
光無淪降。赫二抱靈質。終然不可撓。煦物若春日。
斗酒相勞苦。聊樂不爲怠。菹醢備百索。嘉此歲無害。馳
驅廢穡事。每爲同里慨。縣官庶能念。中歲得半代。
春花好顏色。持以勸君酒。君今不識察。後竟侶今不悲。
歌無轉喉。拙舞不運肘。生不與世諧。死寧同世朽。
少年學爲琴。豈惜爲君撫。知音不在今。在昔或可數。遠
遊竟不值。歸將托幽阻。念子獨我求。龍門作風雨。
雞鳴當知晨。草生當知春。出山復懷歸。永愧先幾人。飛

蓬離本條縱浪隨風塵。流水東入海。逝者何踰。
兩邛各峇嶷。荒隧下深迫。狐狸號其顛。儀秦此幽宅。
子昔在世。往復相十百。所以學仙人。劇飲謝天厄。
跼躄鳴趙瑟。揚眉鼓秦弦。遠奔萬金室。窈窕若雲烟。
安知碧草晚。飛光無復年。聲名竟不立。淪落世羞傳。
疏傳出漢廷。決去豈不偉。未能忘懷樂。日問金餘幾。
陶生行乞食。何有口腹累。鄧郎臨死。豈不復著簪履。
少年頗濩落。偃蹇無所承。長大不得食。常持一半冰。
昔爲井中泥。今爲井上醎。未得復故初。灌輸効微能。
梧桐失故蔭。丹鳳蓄餘戀。去之千仞端。十載始來見。
高秋竹無實。忽二恐復遠。昆邛玉爲田。爲子採芝箭。

建昌道志卷之十一
二
棋曰以閱世之深心寫高潔之天趣詩品在射洪感
遇上足徵伯生所學

早起二首

馳驚亦已久淹留竟何成疇昔夢至家屋舍還欹傾晨
思理垣墉夕念鉏耨荆唯恐歲年莫惕然心爲驚歸去
非有難納履斯遄征永言得安居庶無愧平生

岿運忽在秋觸目非故先哀蟬厲短噪雜英綴微鮮昔
人知化育能事本無言翕然變岿雍皞二同其天斷琴
具斯意一鼓三絕絃寥二竟何補戚二徒自憐

棋曰古淡

夜坐

露坐廣庭夕。海氣接清顙。毛髮感森爽。幽夏集中抱。寄身百年內。變化不待老。區區二事形骸。所競非所寶。昧茲動靜閒。生理誠草草。聖言就湮沒。迷散費探討。所憾精力微。何以相斯道。

溽暑多蚊蟲。起滅尋尺內。稍思出夷曠。高眠釋煩憤。凝神一無爲。消息任告代。怡然以終古。熒々自乘載。逍遙日月上。下視渺明晦。如何在世間。動輒爲形礙。得見王子喬。吾將解蒼佩。

錡曰冲澹軒爽直舉匈臆浩乎其有所得也。

遊長春宮詩分韻得在字

神宮古城端。千里見畿內。幽關挾北戶。連嶂鎖西岱。南

式微 卷之一
樹蕩何極。東溟渺無碍。中天積紫翠。雲氣常霰隸。孰云
萬有賾。攬括固茲在。奇懷得縱觀。指顧生百慨。天風正
浩蕩。春物尙茫昧。翻愁目力短。奕二飛鳥背。永感神禹
迹。願托穆王載。仙人騎黃鵠。一往不復再。忽然會予心。
雲中贈雙佩。

錡曰夷曠壯偉何減昔人慈恩寺登雁塢諸作

題張希孟凝雲石

海石不盈握。隤然如委雲。危岑集遠思。虛竇棲微熏。天
高泰華斷。日出香鑪分。几硯襲清潤。文章互綢緼。潛雷
起神谷。震驚天上聞。亟視恐無及。化爲九龍文。

題許愿夫抗雲樓

城居苦迫隘。層闌上岵嶴。措身方丈間。千里心目超。可
以抗浮雲。誰能顧塵囂。擬峴有古臺。遺碑正蕭條。子固
若星斗。其魂安可招。龐公輟耕際。頗懷見凌霄。賦詩托
飛鳥。長空何寥二。

次韻袁伯長贈陶心山

憶昔白雲君。高居寶黃室。夕煉黃帝鼎。晨註神農經。羣
眞皆滿坐。逸響每盈庭。寸田旣無畔。幽關那有扃。飛淩
萬物表。婆娑垂帶鈴。歸來塵世外。曾孫燕虛亭。所志在
高遠。三峰列青冥。頽然得所止。一念三千齡。崑崙抱明
珠。旭日曜空青。槃桓有童子。松根求茯苓。

送周東揚赴零陵分韻得鳥字

拂劍池水秋。理棹湘江曉。地古記載多。昔清戰伐少。雨洗崖石文。風作林谷竄。應上朝陽巖。東望聽啼鳥。

魏氏園亭分韻得池字

託好自故國。傾懷得新知。授館澗谷居。張筵芙蓉池。高僧攝香至。清唱入雲遲。況陪兩時彥。羣從俱忘疲。仲夏乃積雨。水石各華滋。高柳尤故物。臨風綠披。曾及百年外。飛蓋來參差。隆替與昔邁。百室無一遺。盛德獨能遠。感慨更共之。西風白鶴表。落日滄江湄。二老昔在世。遺書方在茲。勗哉保傳業。子孫以相貽。

喜雨分韻得須字

下車未逾月。十日九馳驅。祇知府事殷。不聞燕寢娛。傳

呼當夙興落月啼城烏中衢塵不動肅二來車徒借問
何所往高堂集羣儒列坐多皓首巍冠講唐虞遂以青
矜升鼓篋何干二是昔天氣高市童雜呼雲風雲東南
合倏然靈雨俱緩帶卻煩劇清涼變斯須麗澤深有悅
羣生亦昭蘇逍遙池閣上何必欣戚殊
錡曰所謂卽事多所欣也此老襟抱可想

鄭同甫書帶草軒

六籍久將墜鄭君家多書韋編苦易絕掇拾以蟲魚幽
草長春雨參差在庭除紉結可束素垂之仍有餘焉知
廣文舍猶如不其居光風動交翠汗青羅綺疏耀二照
屋壁烟雲隨卷舒春夢不可長蟾輝墮檐虛故人舊題

字使我增欷歔

朱秀之杞菊軒

高軒何所植。杞菊交根枝。紫實既秋熟。黃花亦晚滋。嘉
名信共愛。何以療予飢。此邦號富庶。士賈志懷資。蕭條
山石間。誰復見惲齋。遺脫兼并餘。椎剝無完肌。縱彼百
晦受。豈得安耘耔。種此頃步內。庶無征奪思。採擷勿違
節。烹茗貴有宜。三咽可千歲。逍遙奉天隨。自註集游吳中因省墓山
閒頗見田野有可念。因贊高軒之樂而及之。庶觀風者之有采而知之者。

錡曰民風士習吏治俱於一閒詠中道出孰謂伯生宅心方外也

杞軒詩 有序

吳郡故有金氏名章者仕宋爲迪功郎家饒餘
貲而好施予子孫相承以孝友著迄今室居尙
存五世孫在讀書節行鄉里尤稱爲善人焉嘗
手植柜樹于家其本初甚微末幾益滋茂因構
軒于傍名之曰柜軒集嘗登是軒遂爲賦詩以
紀其事在字澗甫樂善其白號也

東南有嘉樹。蔭彼君子居。君子秣侯裔。積善慶有餘。俛
仰二百年。猶是舊室廬。一朝種茲樹。森然榮庭除。種植
曾幾何。倏爾凌空虛。亭二結根據。枝葉交扶疏。高軒構
爽塏。對此頻軒渠。芳春膏雨沐。炎夏薰風徐。君子日夷
猶。澹然塵慮摠。對客共譚笑。課兒事詩書。昭二穹壤間。

此樂復何如。竭來數十年。此樹高于初。信知君子德。歲久同發舒。願言繼封植。勿共荆棘鋤。庶幾魏公槐。方今猶權輿。

聽秋軒

爲僧賦

道人攝袈裟。深坐滅靜定。長松結層霄。密竹生晝暝。龍吟崖石陰。鳥度池月瑩。秋從何處來。觸物成我聽。振空林外錫。旋復室中磬。耳根證三昧。圓應普虛罄。所懷丹邱生。春夢一擊醒。等此聞性觀。素壁寫三逕。

鋏曰讀長松十字不必到其軒令人生隱心矣

玉壺堂詩

有序

積水之極蔚然中耶。渾侖穹隆。匡廓扶輿。就之

若虛履之若溪人不可到也而仙者居之以其
園中而方外故謂之壺焉聞有何公真人有依
綠之園蓋取諸水也又有玉壺之堂殆擬此與
會稽鄙夫曰天由地生魏二尊高旁有垣闕狀
如蓬壺曲閣相通可以踟躕且王者積陽至剛
純粹之精取類孔符哉看雲叟曰是吾師也子
爲我賦之乃賦曰

真人德孔容治生尺宅間外質謝追琢中虛保堅完合
璧映華蓋懸珠隱泥凡天地立有極日月循無端晨從
密霧入夕與飛景還足履五文綵首冠夫容丹行廚膳
琅膏燕坐以盤桓弟子看雲叟疇昔爲我言往見不可

得期之三千年

送可無上人

五公昔講豈聽者不起坐。虛空悉銷殞。何由見人我。名字誰與安。說義話已隨。尚自無亦無。更問可不可。有如天雨華。誰能拾餘朶。

送南野真人

山中積雪盡。江南春水多。解劍還上方。朝衣挂松蘿。城門望羽節。扁舟聞櫂歌。故園良已適。昔游將奈何。閒雲棲古樹。空壇遺落花。何豈兩衰鬢。相將照江波。

鎮曰發端冲曠

次韻鄭善之遊山中

杖藜入南山。卻立賞奇秀。所懷玉局翁。來往納履舊。空
餘松在澗。仍作琴筑奏。徘徊龍井上。雲氣起晴晝。入門
避霑灑。脫屐亂苔蘚。陽岡扣雲石。陰房絕遺構。澄公愛
客至。取水絕幽竇。坐我薜蘿中。餘香不聞嗅。但見瓢中
清。翠影落羣岫。烹煎黃金芽。不取穀雨後。同來二三子。
三咽不忍漱。講堂集羣彥。千鐙坐吟究。蕭蕭雜飛雨。沈
二度清漏。令我懷幼學。胡爲裹章綬。
錡曰。諷詠數過。直有遺世之想。彼裹章綬者。無庸知
亦正不能知也。

題王眉叟真人溪居對月圖

長松千尺起白石下磷。隱居愜素念。燕坐見閒身。溪

流苑無異。月色亦常新。悠二宇宙內。對月今何人。

題天台柯東谷

汎觀天台圖。始識柯東谷。草樹何蒙茸。循澗入深曲。升高雲繞身。厲淺石嚙足。桃花一千樹。隔竹映茅屋。中有學仙子。黃庭晝嘗讀。俛聽下玄鶴。遠至馴白鹿。疑是司馬君。高繼陶生躅。臨海賓出口。藝圃收種玉。太白何肯來。東柯賦明月。

鎮曰讀此詩知公身有仙骨也

春山曉行圖

置屋雪巖陰。耕田雲洞表。積雨白霧收。遠林翠波曉。農人告春及。扶杖驚窈窕。久與塵事違。冥鴻送孤矯。

山居避暑圖

急雨山泉落。長松激回風。靈響從天來。夜高旦彌雄。龍
眠九州虛。鶴起曾霄空。羽衣者誰子。從我入雲中。

秋江待渡圖

江潭秋木落。臨流送將歸。微風蕩去楫。相近更遠違。遠
客從一翁。吹簫白雲飛。我乃命黃鶴。乘之待前磯。

雪嶺盤車圖

玉關積雪高。十里百盤摺。橐駝便平闊。望見已愁絕。昔
平無從軍。道遠何由竭。惟應飛行仙。萬仞俯瓊闕。

雲屋圖

曾山出雲氣。還白爲文章。木石共蒙被。容華生老蒼。朝

來既非蹟。夕往亦可藏。道人宴坐次。見之以爲常。了知不可繪。相對聊徜徉。

羣鮮朝鯉圖

吾嘗觀剝象。貫魚何翩。其類實繁多。咸仰宗厥顛。金鱗三十六。其數陰已極。用變乃純剝。飛躍見天則。于惟君子升。大小宜畢興。巽風既動盪。雷雨方騰蒸。倦客年五七。讀易未知道。觀物每興懷。玩心以忘老。邇嘗臥田里。所願得豐年。欲占小人夢。乃爲畫者傳。

謝吳宗師送芍藥名酒

講臣不常參。宗寔奉朝請。故人得好花。持贈乃兼秉。金盤日中出。品目標禁省。一萼重數株。大與牡丹并。醲香

寶尊貴深婉更加靜居然荷慰藉相對空晝永起求神
農經錄在淮海境天二美厥草曾不耀朱景上京素高
寒夏至冰在井沙草不滿寸苞葉成枯梗同生非異土
榮悴何不等此豈夫容丹逡巡太陽鼎灼二天女嬪儂
二步搖整盈二綃卷膚況彼南國迴移置諒不可孤賞
且深領雖與名酒俱絕飲畏淳冷頗聞好事者采擷置
充茗刀圭果三咽五臟化俄頃文章麗出口儀鳳同煥
炳言誇眾應疑所貴仙者肯

錡曰姿態穠麗乃以瀟灑之筆出之可謂善變

次韻天台張秋泉

張侯殊可人長著百斛酒吾來輒醉取未晏臥甕缶吾

意適君會。斟酌愧勤厚。清濁無所嫌。但喜杯在手。不負頭上巾。每懷陶五柳。

十月十八日聽誦道經

崑崙極高大。九巖冠其顛。空洞蓄幽渺。絪縕遂迴旋。真情忽恍際。純明徹幽玄。倒景俯白日。浮氣堆紫烟。奇文妙變化。靈響含自然。降神作賢聖。理物成歲年。古書二三簡。殘缺忘所傳。中夜坐燒香。微吟思至言。身生堯舜後。意在羲皇前。隕然泯知識。經書雪垂肩。

錡曰伯生力肩道學而參以黃老後世所以文苑相位置也

陳溪山先生畱山齋春日賢郎來省具酒爲樂

集賦此詩

齋居愧幽索。君子肯辱臨。怡然推夙好。曠懷明斷金。席
間奉容止。朝夕副所欽。春陽汎物華。昔雨流泉深。戶牖
掃宿霧。新衣振塵襟。諸子皆來省。森如羣玉林。嘉蔬薦
甘旨。芳酒盍朋簪。伐木美嚶鳥。鹿鳴歌野苓。衰病晚聞
道。力弱嗟弗任。詩書實世業。冠纓匪斯今。顧望羞龍斷。
汙潢溢蹠涖。守約易循理。足欲資陸沈。側聞太邱長。率
物由平心。敢因先覺言。發予小人箴。豈弟勗明德。鳴鶴
方在陰。

送會稽宰夏仲書進士兼示達兼善郡守

會稽吾故鄉。今喜得廉吏。三仕彌固窮。不愧親策士。故

送豫章熊太古兼寄蘇伯修參政
鄉伊可懷。西去廿餘世。清流遶修竹。可想不可至。知君垂朱紱。吟嘯了公事。還能探禹穴。莽蒼思古始。太守交字交。僚佐足風致。汎舟溪雪前。列坐惠風次。詩成可繕寫。千里以相寄。

送豫章熊太古兼寄蘇伯修參政

豫章有絕學。玉堂不見收。爲養不擇祿。淒涼向炎州。攬結桂樹枝。誰爲玉雪謀。十年一再見。我老君白頭。古劍光陸離。繫以珊瑚鉤。激昂文史間。未愧班馬儔。蘇君天下士。定價琳瑯球。江漢方渺然。爲我觀素秋。長吟一相送。明月在高樓。

錡曰。惜之重之。又從而鏃礪之。無微不入。

哀陳童子

南山有鳳雛。飛來上林樹。祇承朝陽輝。不食秋夕露。珠
零海氣盡。璧毀月光曙。巫陽不能招。荔丹滿洲嶼。

答胡士恭二首

王母昔賜我。一雙白玉環。懷之四萬年。恆在胸臆閒。偶
因朝玉京。識之爲開顏。忽然化黃鶴。飲食崑崙山。漢武
好神仙。多欲心不閒。所以至太液。遂從白雲還。
鵬運候風信。龍起雲從飛。神物本無待。感類相因依。高
人服金丹。質化識者希。引睇貫霄漢。倏忽歷九圍。駕言
清秋鶴。同承太陽輝。何期老鍛翮。素心竟成違。

書昔人出入西廣詩後

道路無險難。征人故多傷。窮愁一酌恩。感舊忘他鄉。九
疑不能從。二妃在瀟湘。無以寫幽思。吹笙鳴鳳凰。

宿紫極宮新樓

野人入城府。且就雲房宿。東瞻蘇翁亭。南望孺子屋。相
從總君子。寒夜對明燭。閱世如雲烟。進道貴金玉。取泉
總持井。烹茶武夷曲。疎梅折高枝。蕭閒對晨旭。欲寄高
軒人。修眉遠山綠。

秋江亭

白沙積高雲。有文見川交。華屋垂光彩。沈壁依潛蛟。偉
哉江海客。結亭在其郊。流波散席上。絕岸當堂坳。靈槎
八月至。垂綸向金鰲。清露集衣裳。嘉魚薦壺匏。賓客歌

白芎微颺激林梢。

次韻陳溪山送搖扇

念我久坐雨。貽詩遠來詢。遙知治寸田。隄防固嚴闔。憂
樂無嬰懷。蕩二義。皇人自信知者稀。虛名非所親。南薰
待披拂。感此昔物新。無由奉言笑。泥塗滯周輪。長簷豈
手容。招搖遺閒身。受經浮邱伯。老矣弟子中。何以答佳
貺。執御從後塵。火傳思爲薪。烹魚漑河濱。

贈喻仁本

早從中州遊。希孟實豪傑。穹窿如喬嶽。培塿謝甄貺。侃
侃買燈疏。英主動容色。賢子瘞黃壤。感痛解朝玦。朝遊
長白春。暮蹋歷亭月。慨然得終身。屢召不踐轍。兵後關

中飢特起救焚烈。反袂傷道窮。委頓成殞絕。賦詩哭遺直。好事爲鐫碣。爾來二十年。江海鬢如雪。每興故人思。遠道歎睽越。忽逢喻先生。江上倚舟楫。久爲濟南客。山川類能說。共言中丞舊。流水慟嗚咽。更出中丞書。歲久字不滅。交誼貴久要。於焉見高節。問君將何之。束書向京國。豈無同門士。簪笏在周列。觀人以其主。論薦共持揭。敢爲祿仕勤。聊以誦明哲。古人不可期。長風起天末。 鎮曰一往情深文之有真意者

夢舊游諸友

二月三日午後隱几夢館閣諸舊遊存沒參坐
陳眾仲舉杯相向曰旅甚思公亦知公之深思

旅但不得見爾記得有詩六首其末句云萬死
起俄忽只是一思憶是孟浩然作爲是白居易
予曰殆是孟詩但不記得感動而覺是年夏聞

陳亡

隱几暮春雨夢見舊知識瑰奇秦漢刻墨本在東壁論
辯如平昔契闊增歎息就中東海生顏色殊不懌停杯
不成飲執手道疇昔苦言孟浩然有句在胸臆萬死起
俄忽只是一思憶

錡曰夢既可感一結卽用孟句警痛異常

題金溪汪尉雲松巢畫卷

喬木多悲風卑枝安可居興懷有巢氏渺在邃古初浮

雲無定姿。溶二滿空虛。脫身往從之。一起千仞餘。冉二
愁絕思。悠二隨卷舒。白鶴千載來。徘徊向匡廬。乘蓋生
紫烟。捨此將焉如。惟有南昌尉。凌風一回車。

雲林圖

雲林之高峰。可望日出海。君子居其閒。旦夕餐沆瀣。二
年毛骨換。九載神色改。翩然升雲去。鸞鳳翳五彩。山中
有神藥。服食少人採。寄語浮邱公。佇立以相待。

次韻二首

昔者采芳草。青春在中林。三秀不並世。日莫生重陰。霜
雪日已積。萎擗日已深。持獻雖無惜。豈忘事幽尋。齋房
夕受釐。垂衣正思欽。霏烟散熏澤。薜艾非所任。華英發

貞本靈占係同心。錫貢幸未晚。庭實生南金。
微根抱山石。薪樵本同科。曾不中樽櫨。將置崇構阿。終
焉荷聖恩。早休遂婆娑。雪霜之所餘。茯苓表垂蘿。豈能
致佳士。攜壺挂寒柯。極目思遠道。含情托清歌。秋水不
盈勺。白雲豈其多。結枝待幽吹。泠然送鳴珂。

紀夢二首

夢見二三子。被服皆古人。雲漢盛履舄。山河儼冠紳。言
非世閒辭。靈一作虛音轉彌綸。反思昔遺遠。浩蕩不可陳。
睡覺日在樹。空榻凝餘塵。

東南多名山。衰病嗟遠道。夢中躡虛空。黃鵠爲先導。穹
林冠晨霞。遠水澹秋昊。似在喬松閒。未覺黃綺老。飢渴

非所憂清露滿瑤草

錡曰絕非食烟火人語

足痛吟寄費無隱

足痛不履地匡坐畏長傲令人讀道書聊以釋幽抱脩
身二不衰此事聞頗早涉世得憂患豈至遂枯槁茅檐
苦聽雨更愁妨穫稻分當長飢吟稚子忽吾惱盈約固
不齊受命自玄造東家種薯芋健步常爲討況聞東海
上旅生如瓜棗食之果不死所嗟在遠道親往未必能
詠言永爲好

錡曰樂天安命之作

歲寒吟

邑南有高山。隱者浮邱伯。弟子遠來求。千載奠仙宅。蒼
崖接天光。旭日融五色。永言託幽貞。繇二奉明德。
南昌昔高隱。吳市遂不還。茲土獨遺蹟。丹氣畱空山。嘯
潤被草木。含滋及蜎翯。相望世云遠。雲中還妙顏。
蕭二松閒雨。夜靜殊未止。青燈照殘書。白髮隱塵几。園
綺德不孤。相持一瓢水。如何在人境。茅茨罕鄰里。
錕曰。昔人謂柳子厚南澗詩。憂中有樂。二中有憂。愚
于伯生歲寒吟亦云。

賦神蛙

原序

曹南吳生出神蛙相示。玄石光潤。其口目臂足
儼然如生。脊有文點。腹若容受。蓋真蛙也不知。

何自而化石焉有博物者能辨之

貞女望夫歸穹窿化山谷飛揚洞中燕遇雨貼石窟古
皆蟾蜍精千載得仙術虛吸元氣服繇渺值通息形體
雖尚存性情已非昔誤食至陰精返此太玄魄無乃書
契初科斗抱殘墨猶與筆硯交君子同几格幽光感星
宿靈氣生倏忽慎爾韞匱藏勿使蛟龍得錫圭神禹時
因之問河伯

虞文靖公道園遺藁詩卷第一

虞文靖公道園遺稿詩卷第二

古詩七言

雪山圖爲劉伯溫監憲賦

我家成都雪山東。公家張掖雪山北。吳船誰載鄭廣文。
起寫崑崙界天白。張掖雪融草木長。禾生隴畝多牛羊。
烽火連山擬樓觀。江海微茫秋練光。著書東觀夜如水。
太乙燃藜照圖史。從游冠帶文武備。斐然四郡良家子。
黃河奔流百谷盈。神禹疏鑿中州平。峨眉玉壘連雲氣。
長庚北斗東西橫。

天涯山歌爲崢山公賦

大鹵之虛山有崢。彊晉名都古城郭。太帝親征西極還。

命總師千里鄴鄂三世專居二百年公孫御史籌帷幕
興言諫諍國體重抗論陵夷鄙夫忤九衢塵土迷白晝
萬里天風飛一鶚連山長城下平曠孤秀嶄巖自天落
安車夷猶奉王母咫尺天涯下旁礪振河載華坤軸穩
捫參歷井天梯鑿六合高窗竅空洞日月容光陰氣薄
春鬢翡翠擁烟霧秋水芙蓉淬鋒鏑東海漫愛華不注
西行不到秦關嶺上方宮闕何所有回首穹窿起龍漠
天山舊音本雄渾孤鳳一鳴冠阿閣蒼茫石鼓難爲聲
野水寒雲不堪醉奉祀曾過軒轅臺俯仰高深歎今昨
汾波橫出衝黃流長感秋歌入寥廓卷石東南雖有聞
安得停車徧邱壑元姚自是一世豪若比公詩少揮霍

有詔無容極幽賞。黃木扶胥求海若。前茅度嶺建旌纛。
後吹淩波雜簫籥。馬飲清泉榕樹陰。鴈隨飛雪梅花萼。
退食委蛇幕府裘。明月懸空夜城柝。橫槊高吟動鬼神。
轉鈞妙手隨斟酌。坐令刀劍化牛犢。夾岸鯨鯢貫蛟鱈。
閩風玄圃在天外。玉振金聲爲誰作。雅歌緩帶有餘暇。
直追高情無宿諾。百粵皆知白水心。羣魚莫恃黃金橐。
國家將相眞有人。中外均勞正參錯。請開雲漢分天章。
歸理咸韶奏嘉樂。老夫當與園綺徒。仰聽鈞天佇耕穫。

鎮曰對仗整齊宮商排比亦正自不害其爲大家

謝王員外贈古銅帶鉤劍琫歌

金銅帶鉤屈螭首。綠玉沈沈世稀有。古人佩劍之所遺。

虛瑋尚疑光射斗。腰圍老去忘繫拘。空服書紳重有餘。
奇哉二物君子贈。敢與礪燧同縈紆。古者弦韋皆有托。
視我斷金庶無忤。循二偃蹇長在手。神化翻愁入寥廓。
劍能使我無邪心。握之在本用在鐔。利鈍行藏兩無有。
一寸空閒通古今。他日東行尋禹穴。何以酬之掇明月。
白雲滿地歸去來。不待傍人三千玦。

無住和尚命俞岩隱爲予陋質。予蓋簪纓家子。
其意亦蕭散。因作山偈一首戲贈。聊發住公一
笑也。

我欲自識面。莫如鏡中真。引鏡實有我。卻鏡見無因。俞
侯乃善幻。作此意生身。旁人總言似。我亦愛其神。但恐

年歲久不知是何人。俞侯俞侯吾已老。百事無能勿復道。幸自不曾虧損他。莫將塵影瞞人好。

金人出塞圖

海風吹沙如捲濤。高爲陁磧深爲壕。築壘其上嚴周遭。名王專居氣振豪。肉食湏飲田爲遨。八月草白風飈。馬食草實輕骨毛。加弦試弓復置橐。今日不樂心慄。什二伍二呼其曹。銀黃兔鶻明繡袍。鷓鴣小管隨鳴鞞。背孤向虛出北皋。海東之鷲王不驕。錦鞬金鏃紅絨條。按習久蓄思一超。是皆晶清天翳絕。鴛鴦東來雲帖。去地萬仞天一瞥。離婁屬望日力竭。微如聞音鷲一掣。束身直上不迴折。遂使孤飛一片雪。頃刻平蕪灑毛血。

爭誇得雋頓足悅挂兔懸狼何足說旌旗先歸向城闕
落日悲風起蕭屑烟塵滿城鼓微咽大會要王具甘歃
王亦欣然沃焦熱闕支出迎騎小驥琵琶兩姬紅顴頰
舞歌迭進醉燭滅穹廬斜轉毼毼月

顧星五曰筆力駿健有風雨馳驟之勢

九歌圖

太乙神君號東皇玉質么妙含和陽生二炁始通微茫
繇二蒸空神中央浮英上羅文天章覆冒下滿谷與阡
旁塞無閒靈無方靈來乘柔往乘剛湘君夫人鎮相望
清溫靜好無淫傷司命元老元氣昌手執藜杖色老蒼
歷劫受命不可量少君之壽同其長離無異體合有常

出入萬化終不亡。晶明發晨上扶桑。海天赫二真金芒。
質鍊不滅長垂光。河源混二流湯二。伯也坐視無迎將。
千古萬古何堂二。彼幽爲厲爲強梁。朝狸莫豹方鷗張。
精魂熠燿志意荒。招之不反巫無良。屈生作歌沈九湘。
世人傳聲罕尋詳。祝融仙子調玄黃。九神出圖百怪藏。
不信請視虞生章。

錡曰離奇懔恍又復正直莊嚴謂屈大夫自作可謂
巷伯之刺繡衣之姦亦無不可。

送呂教授還臨川

原序

古者仕不出其國五十里百里而已入仕王朝
才千里而近無父兄妻子墳墓屋宅之別而有

祿食之羨車服之華豈不便適人情哉今國家
奄有萬國仕者視南交朔易若東西家然則彼
出入驅馳不越乎州閭黨術之間者不亦隘乎
呂君仲謙世居臨川之南山木鬱茂田毛易長
仰事其親俯育其妻子何嘗有意於遠游哉一
旦用薦書得爲遼東學官隨牒以行且萬里冬
裘不足以禦寒蔬腸不勝其恆肉雖志氣不變
然情能無少違乎僕願畱之館中而不可其歸
宜矣故作歌以送之

黃金作臺畱駿客二畱不畱秋月白西風落葉滿長安
卻賦高歌壯行色遼東之山醫巫閭六月五月雪不除

昨朝遣使降香去。五尺冰上行飛車。一作飛行車知君江上
慣舟楫。快馬如龍亦徒設。束取來書一卷書。還向江波
弄明月。我本蜀人隨水來。結屋與子相鄰隈。白髮京塵
歸未得。臨風相送黃金臺。

鎮曰。小序見得後世卑官遠宦之苦。昔人所謂若有
良田美宅。正無須此也。詩不說破。故妙。

三鳳行贈海東之下第南歸

東之兄弟三人如鳳皇。胸臆羽翮皆文章。九年三入天
門翔。伯冲天。季驚人。一日四海皆知名。東之二文五色
雲。見者眩晃生眵昏。三進三已之。了若耳不聞。二人得
之喜未足。云東之不愠。乃可尊。束書江上歸。見親君子

之樂二最真君不見匡廬之山嶒嶸而嵯峨左界乎豫
章諸川滙爲彭蠡其陰千源浩二導岷經潛沱山氣束
鬱不得去上衝爲紫蓋直與天相摩爲雲覆八極爲雨
漲九河海東之子能觀山以成德其進蓋未易量也偶
爾小詘奈爾何

戴和父歸越

戴先曰飲五斗醉不得再飲一石不肯眠昨從桃源來
兩袖攜風烟長安市上小兒女拍手攔道呼謫仙馬如
遊龍花如雨蹴蹋春秋作朝暮東方不作窗閒戲上帝
還令海邊去海邊玉虹夜不一作日收貝宮珠闕皆蛟虬
芝田玉樹久相待天上老仙那許畱戴先鑑湖之水二

千丈不可以鑑可以釀明朝便著錦袍去與爾酣歌采石上

題米友仁長江烟雨圖寄柯敬仲

米家自在江頭住愛向長江寫烟雨長江烟雨萬里餘
書畫扁舟在何處古人翰墨今罕存好事千金安足論
憑君寄語丹邱子盍買青山遺子孫

吳中女子畫花鳥歌

吳中女兒顏色好洗面看花二爲情調朱弄粉不自施
寫作花間雪衣鳥綠窗沈二春晝遲半生心事花鳥知
花殘鳥去郎不歸風雨瀟二啼畫眉

楊補之掀篷圖

十年騎馬燕山道。飛雪如花著烏帽。清江不復泛扁舟。
況見繁枝插晴昊。楊丞拈筆寫江邨。滿卷荒寒共郊島。
金盤玉露錦成團。胡蝶東家怨春早。

王侍御崆峒石

惠符堂中有貞石。一握玄雲出靈碧。飛潤應能作霖雨。
含光自可裁圭壁。天根萬古磨不磷。窈窕中虛藏谷神。
願得微言獻天子。千二百歲勤脩身。

雪嶺馳車

七月八日山陰道。積雪平沙沒深草。三日餐冰渡磧遙。
重載橐駝發車早。當衡比二擁蒙茸。王庭傳令疾于風。
卻憐聚落在何國。可以蹋歌酣馬酺。居庸關南百萬里。

春雨草青平若砥。嚮非羊馬便高寒。所不懷歸如白水。
題上都崇真宮壁。繼復初參政韻。

故人一去宿草寒。而我幾度南屏山。琳宮素壁見題字。
輒墮清淚如洞灣。文章百年世何有。如以鈍拙鐫孱顏。
瞥然有感亦易散。奈此細讀臨高閒。沈思不見托魂夢。
何異落月畱梁閒。走爲麒麟飛爲鸞。黃金作玦玉作環。
重來豈無造化意。今我白髮遲公還。

城南春曉圖

天台先生有山癖。臥起無山朝不食。幾年騎馬聽朝雞。
磊砢諸峯塞胸臆。陳生受意不受辭。竟拈秃筆爲掃之。
旣安樓觀對奇石。復著梁棧橫清漪。遊吾舊遊釣吾釣。

隔林彷彿聞黃鳥。瓊臺何處無桃花。此是城南莫春曉。
夜來天子丹詔呼。先生直上鑾坡趨。盤二迴復一萬里。
無限好山竝好水。如從島上見陳生。盡寫歸來玉堂裏。

天台圖

天台一萬八千丈。下視東海如浮杯。金雞候鳴日月出。
吞吐瀕洞聲奔雷。白雲瀾二散飛絮。羣羣戴出三崔嵬。
一一十十翠撐拄。三三五五瑤樓臺。王生染白作蒼碧。
回風御氣洪濛開。古亭高卓盤石上。橫舟自插烟林隈。
老楓古檜立岸側。云可自此登天台。上無雞犬識邨落。
況有車馬相喧阗。我少學仙冀疾得。首如蓬雪俄嵒隄。
臨風每憶坐忘叟。深愧失腳無由回。尋常夢遊如宿到。

忽見畫本與余懷。赤城仙人王志和。爾家靈寶安在哉。
人閒夢斷何足許。存想終日勞形骸。庭閒竹葉可舟楫。
羽衣生雲歸去來。

桃源圖

層巒複嶺何崔嵬。流泉委注波無迴。昔人尋源旣解往。
孰謂後世無能來。徐生採藥渡瀛海。生人之資悉滂沛。
汎舟一去不復還。自是秦皇親爲載。商於只在咸陽南。
城中日見晴嵐。四翁採芝到頭白。何人往問窮幽探。
信知桃源隨地有。自爲狂馳不同首。莫向神仙詰渺茫。
且對新圖玩春晝。軒轅鄉裏眞固師。果得脩身二不衰。
年穀順成物不疵。玄黃衣裳從委垂。

豐州李氏孝義詩

沙中枸杞已成樹的皦丹砂飽秋露。蒲萄滿堂閒鍾乳。上堂饌食有肥羜。壯者已老少者壯。蜂房各自開牖戶。此是豐州孝義門。莫忘河南李家譜。

龍興黃堂隆道宮西華太姆元君飛茅詩

原序

空同子竇君神清與予賦詩于天寶宮予有句云一瓢春水煮仙茅。神清曰噫子安得如此。我昔遊黃堂見石曼卿記不載仙茅始末願與同志者詠而傳之不暇也。神人將啓子而誘其衷乎不然胡爲而及此也。予應之曰彼夫容洞中穠麗主者宜不察茅之味也。非余孰當賦之。乃

爲之吟云

昔日仙茅渡江水。一息秋風五千里。憑虛結根土長苗。
黃古黃堂咀甘美。潔清至淨服食仙。不忍獨令身不死。
折瓊載卜知吉亨。連茹包之獻天子。

郎官湖李白祠

原序

南郊黎侯景高歸朝三十餘年。自至元中被命
驅馳軍旅。勞績顯著。後賜田江漢之上以居。暇
日作安南志若干卷。示不忘桑梓之邦。閒嘗卽
郎官湖上修太白祠。皇慶初元來朝。大夫士多
爲侯賦詩者。集亦繼聲。

郎官湖邊太白祠。百年毀壞誰顧之。黎侯自是南海客。

宋寞湖上看明月。閒關歸國故。昔心馬上鬢毛。今是雪。
春來幾見湖水清。春去還看湖水碧。今人蕭條古人遠。
黎侯此。皆淚沾臆。臨湖作屋祠太白。一日祠成人歎息。
千年太白豈復存。惟有長庚射西極。光芒彷彿雲委蛇。
黎侯起舞天爲泣。鯨魚上天終不返。黎侯惆悵坐成晚。
君不見來兮那可期。黎侯之心湖水知。湖水波浪湖樹
葉。風來總是迎送辭。

金馬圖

原註人負金馬睡于馬上

賈胡自騎千金馬。解囊小憩荒城下。平原無樹起秋風。
夢到陰山雪橫野。太平疆宇大無外。二戶連城無閉夜。
不然安有獨行人。懷寶安眠如畫者。

棋曰一結寓意

王晉卿畫赤壁圖

黃州江上霜月白。蘇子汎舟攜二客。虬龍虎豹木石閒。
玉宇瓊樓歸未得。主家遺玦珊瑚鉤。丹青一幅千金酬。
惆悵圖窮見黃鶴。白雲千載空悠悠。

柯丹邱畫松竹二首

丹邱寫松臨石湖。一樹偃蹇一樹枯。長年偃蹇色深黛。
枯者鐵石宛相待。令人最憶寒山子。曾見松生此山裏。
昔來石上自閒吟。解聽天風半空起。
江心石上起烟霧。隨意琅玕寫無數。就中欲覓釣魚竿。
濯足滄浪歲年暮。白髮天台鄭廣文。前身畫師今更聞。

請看翡翠三株樹。猶是蓬萊五色雲。

錡曰。俯仰揖讓。筆致蕭疏。如見高人勝致。

陳容畫十四龍

所翁所畫十四龍。雲海慘澹數尺中。毫端欲極龍變化。屈信情狀無一同。意冥鬼神造奇迹。藝樹狗馬矜精工。徐生家藏隱溪上。氣與古劍相爭雄。春雨來。豈屋壁潤。白晝坐對塵埃空。持之示我爲歎息。安得真見如陳公。我聞龍乃至陽精。無有嗜欲靡羈籠。昔年高士隱弗見。矯二衰世追冥鴻。千載神明守震澤。如見潛德遺空濛。澤盈出水作溪碧。絲二孫子環爲宮。石林幽洞難相識。獨倚桃竹懷高風。

孫康映雪圖

千巖萬壑明積雪。老樹長蘿挂孤月。下有老僧眠破廬。
穴隙窺書嗤凍鶻。何如出門歷瓊田。翻身夜入通明天。
手把瑤笈招飛仙人閒。畫裏那能傳。

墨竹歌

南風吹雪盡成竹。北圃老人寫羣玉。枯梢不逐蛟龍化。
密葉終堪鳳鸞宿。數枝東出好兄弟。楚二劍佩微聞聲。
兩枝又如父攜子。老者偃蹇稚者榮。我昔西遊洋州驛。
破綠燒粳嗅朝食。摧殘僅同蓬與麻。太守清貧那復得。
羅山甘竹筍乃佳。移根便欲從山家。雲峰春嶺卽持去。
爲我更作風枝斜。

金源野人獻麀圖

紫蓋貴人何處來。西風搖落郊原開。澤虞獲鮮敢私取。
下馬持獻披榛萊。韞弓箛矢遽爲拜。止轡受之貌閒暇。
千里獨行日云暮。熊羆羆羆在林野。吁嗟麟兮人不知。
卒然遇之慎爾爲。

送人遊廬山

我愛江上之廬山。二止不動江不還。紫雲冠嶺危石古。
白鷗衝雨春波閒。浩然始見潯陽浦。太白欲托雲松閒。
河嶽蕭條二子死。神靈恍惚千年慳。昔我尋春入幽竹。
有人抱甕深閉關。遂從鳥道陟高險。一窺虎蹟聽潺湲。
似聞餘磬開石壁。恐是入化非人寰。霜崖石櫃成異物。

銀釵負薪多老鬢。嗟我老病難再往。羨子壯矯無畱。
攬衣步出石頭渡。解舟竟到星子灣。沈吟三月烟花碧。
眺望千里楓林殷。猿驚鶴怨酬好語。水流花開怡妙顏。
束帶他年事朝請。躡屐安得窮躋攀。行矣此日不再得。
空山落日騎黃斑。

題虎屏

高堂白日靜如水。屏閒於菟伏將起。登車何用卜熊貔。
鑄鼎徒聞走螭魅。耽二仁威謝爪距。蔚二文章著深美。
君不見旌旗不動九關閉。海晏塵清千萬里。

陳容畫龍

陳容生閩嶠之東。骨氣生硬如老龍。每拈秃筆掃風雨。

自寫其真非畫工。曾爲吾家作雙劍。采石波濤天下險。
巴山昨夜春雨來。素壁高懸戶長掩。

錕曰禿筆自寫兩句所謂工意不工似也何減東坡
老人筆所未到勢已吞之句

題劉仲明鳴鳳朝陽操

鳳凰昔來何所緣。堯舜聖明皋夔賢。一鳴不再三千年。
孤生懸崖命由天。鬱繞霄漢纏雲烟。虞淵浴日紅滿川。
海波淘二下盤旋。聲與律呂互相宣。非度弱水游神仙。
此製不省人間傳。

題劉光遠琴泉詩卷後

長沙老人種桐梓。手斲爲琴度宮徵。彈得流泉石上聲。

只有巢由能洗耳。當肯誰與製此名。前朝丞相賢公子。
黃金不成白髮短。聊以高情付山水。公子飛仙老人在。
目送歸鴻秋萬里。老人有子前爲壽。願翁千歲長如此。
已將朱袖拂雲和。更釀清泉設重几。

玄潭觀劍歌

新年風雨晝多晦。解纜東辭白沙外。玄潭觀中有古劍。
倚棹來觀鬼神會。陰崖中斷如截肪。玄水泓渟受其隘。
欲令開匣猶未敢。惟恐雷霆走光怪。至神不殺蹟已空。
藏氣幽深欲何待。孤篷歸坐燈影微。客爲高歌聊一快。
鄰舟借具知有無。擬掣寒蛟斫春膾。

錡曰抱負不凡卽事成感其意興在語言文字外

書昔人出入西廣詩後

戈船將軍昔南下。樓櫓衝波當車馬。臨流橫槊昔爲誰。
遷客騷人能賦者。桂林近岺蠻獠息。營帳酬功頗優暇。
伏波銅柱高嵯峨。路險難兮莫相嚇。

送程楚公子叔賓官海上

世皇任使無南北。楚公薦賢動江國。當年臺閣多門生。
富有文章動賓客。世家貴遊少者佳。祕書奉禮差可階。
青衫筦庫東海上。極目天津思汎槎。豫章得君豈忘舊。
引之清波一援手。鶯花三月玉堂深。共啓黃封賜來酒。

送胡士則

胡君著書昔同館。長日據牀運犀管。功臣遺事動如山。

小二聲名何足筭。明光殿裏初進書。紫衫束帶帽正烏。
君王歡喜侍臣賀。殿下風暄花萼舒。是昔親賜蒲萄酒。
潑灑玉盃先入手。承恩歸去各西東。共歎文明古稀有。
胡君名冠三十人。傳詔與官顏色新。寧辭闕下向田里。
得祿斗升緣爲親。頗聞山寺近官舍。吟步長廊莫騎馬。
瀛洲學士如堵牆。新折琅玕待君寫。

寄謝楊友直太守送桃竹杖

梓潼使君今南雄。江心紫玉寄野翁。扶持恐是蛟龍化。
騰躍似與猿猱同。十年乞身不待老。鄉人飲酒歌年豐。
憶昔校書在天上。青藜夜杖蓬萊宮。

寄薛玄卿

故人贈我漢昔鏡。殘質剝蝕遺空明。開奩照見白鬚髮。
似是採芝商嶺生。憶昔交遊盡冥邈。耿二銀河曉星落。
惟有瓊臺瀟灑人。長嘯西風滿寥廓。

題表兄子陳可立青山白雲圖

昔昔謝傳臥東山。亦未忘情絲竹閒。微風動塵車蓋合。
白苧作衣團扇閒。風流一去如秋草。我思古人令人老。
茂林修竹何處多。雨洗遙山青更好。

溪山圖

曉日朱方得玄鶴。一直衝風上寥廓。橫翔八表覽九州。
下視山川閒城郭。清溪縈繞千萬尋。金銀宮闕檜森。
商山紫雲何處好。惟覺蕭臺秋氣深。

畫龍

所翁畫龍妙當世。神思已遠誰能繼。陳家復見海珠君。
也向毫端分近似。越藤一幅瑩且完。噓雲駕雨凌春湍。
不知何歲因電掣。破卷飛上青雲端。

射虎歌

州人布矢如蒿蓬。半夜射殺南山雄。捲皮帶血送官府。
割肉大嚼千夫同。前日東家牛盡啗。犬豕無遺人落膽。
不知世有李將軍。擊鼓報神聲坎坎。

刷馬歌

天馬之來大宛國。漢帝心馳渥洼域。貳師兵甲費如山。
毛骨權奇不易得。世祖開基肇太平。昔日大宛俱拱北。

如雲之馬西北來。飛控驚塵遍南陌。豢養年深生息蕃。
卽今詔刷無遺蹟。青絲絡頭千萬匹。戢二駢頭死槽枥。
一程瘡毒一程愁。比到燕山肥者瘠。今觀天廐十二閑。
五花成隊春斑二。監官喂養盛芻豆。年二騎出居庸關。
太平旣久興鳴鑼。卻慮騎多藏凶姦。驚駘盡從天上去。
驂驪豈得畱人閒。漢人南人窘徒步。道路相從俱厚顏。
今我倦遊事休暇。東家蹇驢行可借。青鞋布襪取次營。
正喜不遭官長罵。鄉里健兒弓弩手。詔許征鞍常穩跨。
嶺南烽火亂者誰。何事至今猶梗化。君不見漢文皇帝
承平豈千里之馬將安之。又不見項王一騎烏江渡。到
死不識陰陵路。

按弓圖

朔風蕭蕭。沙草枯。避暑南遷。八月初。貴人退食。坐平蕪。
白日皎。寒雲除。左擎蒼鴈。右韓盧。手調繁弱。矢滿壺。
馬驕不受轡。勒拘奚奴。前執奔塵趨。小者伏兔大於菟。
上馬一擊。將無餘。養勇大發。神氣舒。徒御遠合。獲不虛。
首獻上殺。當翫鯢。連車載橐來徐。大庖賜宴。日未晡。
肅二笳鼓。環周廬。天子萬壽。臣歡娛。我昔歲從行。兩都。
每欲賦此。嗟才疏。江邨父老。相攜扶。數尺茅檐。看畫圖。
棋曰扈從。上京貴人。校獵原野。獲雉。其樂可忘邪。然。
從江邨圖畫。見得正白。別有一段玉堂天上之感。

題游弘道所藏劉伯熙畫

燕城建都將百年。喬木往遼金前。宮中屏帳愛奇古。
每托畫手馳風烟。房山絕筆商山老。內府人家蹟如掃。
畫苑今惟劉伯熙。白髮承恩偏最好。西山古寺劫燒餘。
斧斤所赦遺殘枯。欠經霜雪如鐵石。膏沐雨露還扶疏。
一夕書帷侍清宴。有詔伯熙寫畿縣。偏圖形勝到巖壑。
直榦交柯每盈卷。游侯侍從自當肯。閣下庭前屢見之。
朝衣佐守南海上。袖卷龍髯雷雨垂。高堂風動海水立。
江嶽驚奔鬼神泣。禁直岵堯翠蓋高。誰識行蹤露華溼。
徂徠新甫何足攀。巴邛正似青城山。人間彈指千百歲。
大夫與我俱蒼顏。

汪華玉所藏李息齋古木竹石圖

帝城佛刹西南曲。數仞高堂十尋木。亦有幽篁春筍生。
顛倒橫斜亂寒玉。空庭月落蛟龍舞。阿閣雲閒孔鸞宿。
大惠年中最熙洽。四海無虞年穀熟。聖人護念如慈雲。
粉金寫經五千軸。吳興先生承詔起。精藝東南遂空谷。
橫窗曲几擅清雅。寶氣龍香散芬郁。我昔布衣初到京。
隨客來觀嗟不足。棲遲至大到延祐。隆緒遺經蒙見錄。
聖明天子心廣大。仁孝東宮協淵穆。金殿朝回卽薦賢。
鳴鳳高梧麗晨旭。白頭寺主愛文學。遊龍流水來相續。
黃鸝遶樹鳩喚雨。晴絲入戶階眠鹿。中書宮府政多暇。
況復西清澹春服。薊邛李公年甚高。親寫簣簞掃殘禿。
南風堂上佳日多。好聽晨鐘赴僧粥。枯梢長葉風雨來。

老可黃花俱眷屬。揮毫相軋李河東。共席房山渺江陸。
曹南老商亦有名。拂素先傾酒千斛。蜀人仲淵不會畫。
側帽長吟動華屋。蹇予冷換從諸公。兀然坐隅若黃鵠。
風雲月露不計畧。聚散悲歡歲年促。汪侯何處得此圖。
其長丈餘高尺六。松檜蒼茫轉樹腰。鐵石峩峩偃山腹。
昔人不見今人老。空憶臨風對森矗。後來把筆誰最能。
閣下丹邱歎幽獨。令渠見此會傷神。況我茅檐指病目。
文章精彩寧復還。天上華星光煜。

錡曰數十年朝廷太平。文人墨客風流閒暇。俱借圖
卷形容出來。感慨係之。

題寫生手卷贈李道山赴九江茶官

春叢何窅窕。翠竹啼幽鳥。秋實結甘酸。溪鳧倚暮寒。後
日歲復歲。盛年不畱老。將至湖上新亭。早晚成。可以供
釣。可以問耕。看花食實。老孫子。擊鼓撞鐘。歌太平。一官
黃蘆苦竹閒。琵琶船外月團圓。故人寫生拂瑤冊。恐有
離愁不足惜。匡廬山高好秋色。歸持濃黛作修眉。窗下
連卷數峰碧。

趙伯高所藏楊補之松竹梅圖

卉木何情同歲寒。君子合竝嗟獨難。冰霜滿地風景異。
清脩古節來毫端。南渡衣冠憶初合。桂葦蒹葭總蕭颯。
長身玉立古顏貌。欲選疏英變殘臘。西都昔者畫功臣。
良工健筆隨風塵。尺書黃髮共來往。誰見畱侯如婦人。

江上幽人有真迹。俛仰興亡寫今昔。邱園偃蹇非不多。
獨抱冬心淚霑臆。

鍾生清露軒

江西諸侯好賓客。彈鋏歸來無愧色。學舍如舟安足居。
白髮秋風岸高幘。鏗爾舍瑟還讀書。上天繁露垂庭除。
河清有頌芝有曲。爲我長歌傾玉壺。

與族孫從善

白頭喜見族諸孫。清門爲庶夫何言。成都桑柘日已廢。
儘有遺書堪討論。風花寒食江上路。墟墓興哀慚一餐。
憐爾篤實可進學。竭力孝敬思生存。

虞文靖公道園遺藁詩卷第二

虞文靖公道園遺藁詩卷第三

律詩五言

出小東郭

問訊成都宅。還過萬里橋。鄰牆皂莢樹。官路綠楊條。部曲都無在。茅茨忽見招。滄江沾白雪。盡爲夢魂銷。

望巴山

巴嶺對秋屏。依稀泰華形。雙尖天際碧。一色雨餘青。牙纛穿行帳。旌幢接降靈。南昌漢曾尉。招與步空庭。

次韻葉賓月山居十首

冰泮溪流碧。雲生島嶼紅。輕陰殘夢裏。遠樹亂愁中。鷗外兼晴絮。鶯邊共晚風。地偏山氣近。霏靄溼房櫳。

落日亭前水。翻風雨後荷。翠簾畱薄醉。羽扇按清歌。影
淨鷗千頃。涼生一作深蟻一柯。扁舟成獨詠。詩思尙能多。
露冷天光逼。溪澄夜影圓。水花含窈窕。山吹極清鮮。爲
覓洪崖侶。重尋赤壁船。翻愁孤鶴外。迴互萬山連。
歲晚冰生壑。山深雪擁肩。清齋須杞菊。甘餌足蕒苓。水
繞階除白。杉依石室青。寒雲麾不去。晝影舞虛櫺。
綠瑣相依潤。綳簾亂薜斑。吹笙花下散。飛燕雨中還。有
客歸謀酒。無言臥看山。春禽忽相喚。深樹兩關。
綺疏收易卷。紫盃罷分茶。日暖聊行草。風微好看花。行
窩君子宅。懸榻故人家。遠勝騎官馬。聽雞趁早衙。
霜林收碩果。雨檻臥幽芳。畱客山泉枕。分題玉井牀。衣

裘凝薄冷。戶牖宿殘香。未信成都宅。風流獨草堂。
隱几風檐竹。詩成酒病蘇。楓屯雲錦陣。梅折海濤圖。翠
袖開筵出。華簪折簡呼。移舟速相就。玉膾斫生鱸。
簡冊驚前夢。文章付後期。賞花皆命駕。愛竹屢題詩。小
草顛尤勝。深杯醉不辭。交遊傾四海。風雨夜吹簾。
風日宜芳歲。烟霞樂燕居。坐深閒看奕。燭冷靜修
醞。紅生玉。春盤綠閒蔬。但須門有客。不問食無魚。

名酒

名酒不可得。幽花誰送來。秋霜垂鬢髮。夕照在樓臺。盡
日山公醉。何年庾信回。喚人吹玉笛。移席坐蒼苔。
南劍無疑先生。不遠千里訪集于宋寔之濱會。

未旬日賦詩畱別雖無以款未忍從也次韻且
致縉綬之私

養親無復日不忍愛遺生一客獨高義千山致遠情烹
魚供漑釜秣馬候歸程從此延津路應將問耦耕
酷暑秋仍熾幽花晚自香誰將百年意共付一窗涼事
業青燈舊心期白髮長山林儘迂闊江海正蒼茫
望氣秋橫劍分光夜續燈寒梅不鬪雪春水盡融冰座
與賢人對門從稚子磨鄉祠應合樂豪傑若爲興
薦書慚不用空復意憐才共逐雙鳬去誰飛一鶚催鼎
彝文字在几杖見聞來明詔求遺逸蒲輪孰可陪

題平遠趙公像

將相先生業江湖早退翁。丹砂畱劍客。琴韻答天工。喬木荒烟合。幽蘭宿雨同。羅浮與衡嶽。猶想遇冥鴻。

題疏齋盧公像

持節江湖外。吟詩魏晉閒。長庚垂野迴。病鶴倚秋閒。玉局謀堪戀。金鑾遂不還。春來無宿草。點二涿州山。

和吳宗師韻題朱本初藏秀樓

世傳垂紱裔。蚤作采真遊。引月池邊樹。呼雲鶴外樓。河圖畱信史。洛頌載歸舟。無限吟詩興。西山對九秋。

和龔子敬竹亭詩

萬竹尙書宅。高亭表素襟。扶持自遠大。臨眺極高深。風露兼秋色。梧桐共晚陰。惟應有棲鳳。餘韻寄瑤琴。

次韻馬伯庸少監

仍歲從巡幸。山川識重臨。講帷來濟。馳道正駸。殘
月衣裘薄。諸生坐席深。歸耕何待老。莫問二疏金。
移蹕宮城曙。烟花繞閣重。來王俱屬籍。稱使不傳烽。賜
席還親問。囊書更手封。恐煩宣室召。視日轉蒼龍。
臣甫多愁思。長歌拜杜鵑。鑿畦通閣道。積水放樓船。惆
悵霜橫野。栖遲雪滿顛。經行看宿草。碧色自年。

棋曰臣甫一首沈鬱雄渾五律之最有興致者

太平知永日。漸老惜芳晨。論說慚孤學。推揚負相臣。退
思常感慨。拜賜每逡巡。郊藪多閒地。餘生託鳳麟。

題趙繼清詩藁

禮樂三千字。才名二十春。綠樽清坐客。朱紱苦吟身。海
日香浮樹。淮雲暖近人。同年多要地。早晚接朝紳。

題草亭

春雨夜鳴屋。曉來青草生。暖熏初舞蝶。香近更啼鶯。裁
翦成書帶。摹紉結佩瓊。自非邵處士。休放小車行。
錡曰發端十字妙極自然

奉別阿魯威東泉學士遊甌越

憶昔同經幄。春明下玉除。挂冠俄去國。連舸總盛書。筍
脯嘗紅稻。蓴羹斫白魚。莫言江海遠。咫尺玉堂廬。

寄白雲閒公講師

古寺白雲閒。鐘聲竹樹閒。唐詩畱屋壁。蜀道憶鄉關。橘

卷之三
二
柚霜前送。袈裟雨裏還。重逢三十載。刻石玉遮山。

書趙節度建炎詔勅後

義旅趨京國。危城藉宿勳。山從官位改。世以故家聞。詔
勅遺先代。圖經補闕文。淒涼寶劍贈。元自苦將軍。

讀王伯儀參政中山周氏賑粟詩感歎遂賦

不作三年畜。聊哉一日安。素封能自富。紅腐幸相完。東
里難爲惠。春陵謾永歎。信知麟趾意。秩二寓周官。

次韻劉伯溫送王止善員外四首

原序

集今春與止善員外約三月致仕同遊武夷。旣
而聞其扁舟江上。遂不及與之別。監憲學齋公
送以五言律詩三章。七言律詩一章。遠蒙錄寄。

不勝慨然蓋公之所賦所以激清風于古道發
大雅于儒林止善平生遂有見于久遠所繫亦
大矣輒次韻四篇追寄止善亦以頌公之盛德
拙陋不工錄呈愧竦一笑幸甚

公門無俗客相識已經年歸有廉車送人知國士賢詩
隨官事少身與盛名全省署居清切何曾種秫田
衣冠懷故老翰墨送初筵老有詩囊在家從室罄懸詎
知清淡興不賦武夷篇千仞西山雪高情獨爾賢
攜詩山寺讀深夜接猿吟秋水銀河影春雲錦瑟音尊
前思北海世外愧南金禹穴堪尋否涼風起夕陰

附七律一首

故人歸去甚清華。公有新詩在小車。天外秋聲先雁陣。雲邊清夢過蜂衙。未尋舊宅山陰竹。更憶玄都觀裏花。擬敘別懷題紙尾。日昏書字愧欹斜。

題黃思謙所藏雪窗蘭

澧浦多芳草。微風翠葉長。墨雲開劍戟。香澤近衣裳。書帶垂瑤簡。葱珩委玉肪。同心誰可竝。芝本產齋房。手攬華鬢結。化爲樓閣雲。幽人移近坐。天女散餘芬。九畹春光動。三湘曉色分。淩波送羅襪。誰是鳳毛羣。

送董生赴仙居尉

黑髮仙居尉。青山解賦詩。海邊迎日觀。花底詠風漪。臺府多先友。詩書卽吏師。勤廉須自力。慰遠故人思。

寄段惟德副憲

繡斧雙溪上。寒梅照鬢華。臨風懷鳳閣。蹋雪憶龍沙。夜訪山陰竹。晨餐海上瓜。白嗟畱滯久。欲繼使君車。

酬崔御史送熊掌

熊掌來東國。分甘到老夫。鸞刀寒斷節。翠釜暖柔膚。兔脫中山醢。魚藏丙穴腍。藜腸渾未厭。玉食恐嘗須。

題全平章所藏竹石圖

江水兼天碧。簫簫滿谷生。靜和春雨重。動挾晚風清。投策看龍躍。裁筌學鳳鳴。千年倚磐石。君子表幽貞。

周彥文野泉圖

舊邑成新隱。山泉喜發蒙。涵谷常不溢。挹注詎能窮。豹

飾山光潤。龍眠石氣通。還應化春雨。爲澤豈言功。

遠法師圖像

地淨緣心靜。空眞卽性眞。白華無垢足。金色化生身。幽
鳥豈二現。山花日二新。願同陶處士。相見過溪頻。

虎溪三笑圖

入社心無適。過橋迹漫存。自嗟機事失。空與畫圖論。白
羽秋風靜。黃花夕露繁。詎能隨眾笑。我正欲無言。

贈堯公開講番陽

法席初鳴鼓。龍天已滿空。花飛檐外雨。旛動室中風。寶
氣來天上。金聲振楚東。點頭無數石。應是禮生公。

用唐綦母著作韻送閒白雲長老還吳

凌空一錫歸。幾日到禪扉。野橋陰垂戶。天花影上衣。井
牀春露淨。檐鐸午風微。三藏都看徧。相思夢欲飛。

重用韻贈閒白雲上人

歷二唐朝寺。松關幾易扉。花交珠樹網。苔長石人衣。秋
水依空淨。晴霄映日微。白雲無所住。天際爲歸飛。

寄吳宗師

花發上陽紅。宮袍醉晚風。題詩酬怨鶴。寫信寄飛鴻。闌
闔天光上。蓬來海氣中。松聲一兩壘。肯寄看雲翁。

米元暉山水

背舊襄陽遠。新詩問水濱。苔磯垂釣久。竹院訪僧頻。書
畫晴虹夜。衣冠怪石春。由來多健筆。俱不寫紅塵。

雙駿圖

真駿不受羈。衝風忽競馳。雪翻兩足練。塵引一編絲。國士不竝世。神龍難力追。故應雙劍氣。昨夜起天池。 鎮曰五六感慨

步雪圖

白雪深無際。蒼松近有闕。謝公穿屐去。陶令荷鋤還。鶴舞千瓊樹。猿吟萬玉山。若非有仙骨。誰得此清閒。

蹋雪圖

送遠冰橋滑。山高雪逕深。乾坤無異色。林壑有幽尋。玉樹連雲起。風泉落澗沈。斷流無刻棹。何以識山陰。

題黃太史書老將行

因觀老將行。壯氣酒邊生。健筆凌雲起。長歌帶雨鳴。藏
鷺歸浦迴。瘞鶴入江清。最憶青神路。寒泉動世情。

周德尙見訪

烏帽吟肩聳。黃花倚榻閒。詩成風雨外。劍動斗牛閒。晝
宋鷺啼樹。春深竹滿山。欣然聞好句。多病愧柴關。

城山閣

最愛臨川郡。城中自有山。雲邊開翠牖。日上擁青鬟。酌
酒爲親壽。藏書待子還。仙翁重相許。可以樂高閒。

挽胡伯恭令尹

孔明雖少食。安石自高情。九藥黃鸝曉。煎茶綠樹清。劣
能勝束帶。俄復寫懸旌。絲竹東門道。淒清忍重行。

歷二言爲教。湛二職有思。誰能迎刃解。眞若治絲爲閱。
世佳公子。持平老吏師。詔書詢守令。空復薦章馳。
昔喜文書簡。人知縣道尊。府君初在殯。巷哭欲連邨。競
渡哀魚鼈。安居念犬豚。小民猶識此。遺愛豈空言。

鎮曰循吏

題劉昇卿崇軒

名園當郡右。峻領視山陰。鐘鼓清岑迴。鶯花列屋深。臨
池春洗馬。對雪夜鳴琴。監宅多王謝。高軒每共尋。

覺非齋

今日非昨日。始覺昨日非。龍光揮利刃。鼠穴絕餘機。惠
業收新効。身心發妙輝。空言成自誑。何日聖賢歸。

題南禪寺壁

南禪住北峰。林影動秋空。畫意聲塵表。吟情水觀中。幽
叢收墜露。老擇下微風。不有維摩詰。誰能丈室同。

送長老住山

持衣入祖寺。彈指寶樓開。白日交蛛網。青山入鏡臺。散
花天女下。行雨海龍回。應是翻經罷。諸天送供來。

送憲史武子宣

建鄴多名勝。前朝白汲來。車書逢盛日。簪紱見英才。撤
棘秋闈散。拈花畫殿開。修能兼積老。令譽稱烏臺。

贈簡天碧畫士

千仞青山裏。和衣坐石苔。看雲爲雨去。遠水挾風來。春

盡揚雄老。秋清宋玉哀。故園誰賦得。空對畫圖開。
雲氣連山動。松聲夾雨寒。抱琴穿竹逕。畱棹倚江干。
夕照歸神女。春陰帶錦官。此生舊同里。偏解寫潺湲。
錕曰兩首發端都可作畫讀

新作暖閣望陳溪山不至

白雪滿虛空。春生一室中。明窗塵帖二。圓鼎氣濛二。梅
萼猶緘綠。椒花欲獻紅。誰能共來往。惟有大邱翁。

正月十一夜坐

春雷殷戶牖。霽景夜沈二。晚得隱居趣。靜知生物心。佛
燈依坐轉。山月照林深。老病都無睡。詩成聊自吟。

暮春溪上作示涂振鐸

人向山中住。閒來上釣舟。攜將青竹杖。吟過白蘋洲。稚子休相覓。衰翁更少留。東風吹雨起。移泛屋西頭。

用趙堦韻示次子延年

治生先務本。爲學必成章。念爾簪門早。無能韞匱藏。詩書家世重。師友歲年長。尙念鳴陰鶴。輕毛戒遠翔。

天藻亭壁下生二筍示幼子翁歸

舍下生春筍。兼旬丈尺高。爲開鴛瓦脊。放出鳳池毛。覆屋通雲氣。衝樓樹節旄。連年雙碧玉。聊記一揮毫。墓田雙瑞竹。遠報謝卿儔。江上歸無日。山中見未曾。簡材生屋壁。玉氣近書燈。茅舍秋風捲。衝霄喜有朋。

到寺

到寺無僧住。鄰翁立暮雲。喜逢新過客。爲說故將軍。野水寒先涸。殘鐘暝不聞。欲知何代建。然竹讀碑文。

夕照

夕照散餘曛。氤氲見物羣。斗杓垂野迴。空影界河分。會弁懷瞻洛。樓船憶祀汾。荒邨閒艸木。隨地有浮雲。

移柴門次韻薛立卿

老寄池邊舍。新移竹外門。高人知獨樂。妙語遠相存。衣食隨年歲。文章付子孫。惟求園綺輩。白髮共清尊。

答易小雅送商陸根

商陸經年覓。春深幸見分。斲同黃獨雪。坐對白花雲。漫

木資芳澤。芝蘭競宿熏。道家空作脯。寧與筍蔬羣。

織錦迴文詩

宛轉千蠶緒。綢繆一寸心。文章遺彷彿。情識墜幽沈。春
日關雎意。秋風蟋蟀音。文園空解賦。終愧白頭吟。

錡曰別有諷刺

題畫馬

房家千里馬。寫出渡江峕。烟霧連城起。風雲六月馳。尙
方催進駟。勇士不能騎。苜蓿成秋艸。空寒太液池。

錡曰五六健甚

贈上清高士吳霞所

玉殿辭嚴直。匡廬覓重遊。喜逢飛佩客。同上釣魚舟。圖

畫龍鱗。溼衣裳。鶴羽修。松聲過溪好。爲寫素絃秋。

題春塘謝公程文

科第因肯重。人材致力專。文園尋舊臺。魯壁獲殘編。青
紫空遺憾。蟲魚更別箋。運隨麟狩盡。宴託鹿鳴先。獨斷
繇今聖。賓興自昔傳。詎聞深美意。竝世一陳前。

次韻蕙畝遊何氏莊

至治初元日。高秋大有年。結廬思近竹。賜炬憶分蓮。昔
有乘軒者。真能脫屣然。明肯謝簪紱。晚歲事林泉。擬踐
前賢蹟。還從隱者旋。振衣千仞表。招鶴萬松顛。絕磴容
飛步。清流任枕眠。隨緣寧擇地。知命敢違天。種樹畱桃
核。觀花覓藕船。詎知無勝事。可以繼高仙。

次韻貢仲章題城南書隱

南郭浮沈過。西山臥起看。雲深開徑晚。日落閉門寒。食
菊收叢束。除瓜抱蔓蟠。海圖龍彷彿。山鼎翠巔峴。十載
孤茅屋。三秋一弊冠。舊遊迷去路。衰夢失迴轡。愁絕烟
銷玉。吟成月墮盤。清尊畱客易。白髮向人難。忽二吟雙
樹。皆二共一簞。子孫長有待。垂老共盤桓。

題秋山圖

峰迴畱深隱。天清襲素袍。棲深斷人蹟。遊目送鴻毛。樹
挂栖厓鷺。藤懸飲子猷。龍眠石澗冷。虎撼樹根牢。木客
吟峕共。山樵弈處遭。浮雲過水盡。孤月挾霜高。羽使來
三島。胎仙舞九皋。左招玉斧飲。右攬赤松遨。空色收寥

廓虛聲起繹騷。彈琴遺古散。載酒棹輕舸。遂向圖中見。
誰能世外逃。乘槎幾月至。一泛九秋濤。

哭熊趙之

居官常獨處。論事每平心。獄用春秋斷。囊無暮夜金。家
園聊伏臘。江路足登臨。名酒應常得。幽人亦重尋。築堤
行舟二。修社坐深一。環堵書連竹。空林月照琴。四年嗟
契闊。千載入沈吟。陶令餘瓶粟。黔婁正斂衾。孤兒承薄
祿。苦節奉遺音。白髮秋多感。青山夕已陰。敦廉猶可望。
虛僞庶能箴。郡乘誰傳信。來車失所欽。

鎮曰伯生五字律詩音節諧鬯平易近人絕似白香山長慶集中諸作其受福獲名亦差與相類爲一代

傳人非偶然也

虞文靖公道園遺藁詩卷第三

虞文靖公道園遺藁詩卷第四

律詩七言上

代祀西嶽答袁伯長主繼學馬伯庸三學士

紫禁沈二曙色低。奉祠羣使已班齊。承恩歸院迷烟樹。
乘傳開關蹋雪泥。蹀躞共憐騎苑馬。逶迤不若聽朝雞。
山川有事寧辭遠。咫尺成都在國西。
棧道年二葺舊摧。已將平易履崔嵬。經行關輔圖中見。
夢戀鄉山馬上來。諸葛精神明似日。相如心事冷如灰。
重思親舍猶南國。願托江波去卻回。
鎮曰精心結撰以和平調出之彌覺名貴

自仁壽回成都

還鄉思速去鄉遲。王事相縻敢後期。里父題看留壁字。
山僧搦送捨田碑。胡桃邛竹南方識。盧橘枇杷上國知。
此日君親俱在望。徘徊三顧欲何之。

題王庶山水

蜀人偏愛蜀江山。圖畫蒼茫咫尺間。駟馬橋邊車蓋合。
百花潭上釣舟閒。亦知杜甫貧能賦。應歎揚雄老不還。
花重錦官誰得見。杜鵑啼處雨斑斑。

張道士蜀山圖

碧玉參天是蜀山。舊曾飛度歷孱顏。松風上接空謠外。
蘿月長懸合景閒。試劍丹崖秋隼疾。濯纓清澗夜龍閒。
君家虛靖歸來日。冉二蓬壺爲憶還。

范文正公書伯夷頌

原序

伏承主奉范君示先母詔及文正公手書伯夷頌令集題識仰惟前賢爭光日月不敢妄有贊述輒以鄙句奉謝用表倦二景慕之意云爾

慶歷元臣細字書清風直與伯夷俱潞韓竝識何春雅秦賈爭藏實蠟汙神物護持天愛寶子孫驚喜海還珠敢以微塵讚喬岳願推餘砭及頑夫

企仰前賢歲月深阿衡事業伯夷心義田猶是當昔祿遺像能令百世欽竊誦詩書求彷彿默嗟人物轉銷沈誰人浪漫矜家世看取天平萬石林

拜歐陽文忠公遺像

知公難遇已當年。況復瀧岡十世阡。金石舊藏存劫火。
丹青遺廟祀鄉賢。終身未必慚韓愈。作者誰能繼馬遷。
鳴鳳不聞驚歲宴。長懷清潁一茫然。

錡曰五十六四字惟六一居士足以當之

從兄德觀父與集同出榮州府君宋亡隱居不
仕而歿集來吳門省墓從外親臨邛韓氏得兄
遺蹟有云我因國破家何在君爲脣亡齒亦寒
不知爲誰作也撫誦不覺流涕因足成一章併
發其幽潛之意云

我因國破家何在君爲脣亡齒亦寒南渡豈殊唐社稷
中原不改漢衣冠二雨氣含殘壁泯二江潮擊壞

萬里不歸天浩蕩。滄波隨意把漁竿。

棋曰愜歎家國抑何忠厚。

興聖宮朝退次韻袁伯長見貽是日上加尊號
禮成告謝集卽東出奉祠齋宮

翠蓋重二寶扇斜。從官穿柳散慈鴉。過宮路遠天紆步。
上壽杯深閣雨花。玉貫兩虹通象錦。衣成五綵鍊雲霞。
奉祠東出蓬萊道。春水鳬鷺蹋漢槎。

朝回和周南翁侍講韻

三十六竿吹鳳凰。九重春色綯天光。卿雲微動旌旗暖。
湛露初晞艸木香。貝葉神師東度嶺。金輿馴象北浮洋。
小臣職在歌功德。拜手陳詩對日長。

輓歌辭

中天太白貫晴虹。頃刻龍飛返上宮。萬國共賓陽谷日。
小臣忍抱鼎湖弓。潛邸回首金山遠。顧命傷心玉几空。
聖主已頒哀痛詔。蒼生有淚洒西風。

和李秋谷平章小車詩

雪晴宮草隱晴沙。相國朝天試帝車。班馬晝移溫室樹。
鳴鸞晨度掖垣花。褰帷每命賢俱載。趣駕頻煩使至家。
此日龍門誰執御。擁經正履待京華。

送朱侍讀南歸

喜子南歸盱水上。經過爲我問臨川。幾家橘柚霜垂屋。
何處蒹葭月滿船。應有交遊憐遠道。試從父老說豐年。

寒機早晚成春服。一一平安報日邊。

錡曰因送人而懷故居想見華省清要不能乞身之苦

送李通甫赴湖廣行省都事

黃鶴樓前江水春。江花飛接渡江人。日長青鎖文書簡。
雨過滄洲杜若新。應共庾公揮扇坐。每尋崔顥賦詩頻。
三公舊掾多爲相。行見迴車載繡茵。

答周伯輝

翔鳳

自酌宮壺醉曉霞。望中鴻鵠盡天涯。故園賓客千金賦。
飛燕風埃百姓家。上國春深花滿眼。河陽市上果盈車。
古來鐘鼎多憂思。待得人閒兩鬢華。

伯輝北山堂

北山有萊中作堂。樂只君子不可忘。紫氣常占少微下。壽星今在長沙傍。佳哉競秀五男子。少者遠客諸侯王。執筆題詩嗟未敢。杜陵之祠烟樹荒。

柬鄧善之

山雨不來喧靜夜。江雲獨爲護晴朝。一羣青雀牆花老。幾箇黃鸝苑樹遙。何有深心期管樂。獨無高步接松喬。未能徑去成飄忽。且可相從慰寂寥。

用退朝韻奉懷伯長試院久別

藝闈羣策手封斜。徧閱縱橫墨涇鴉。拜賜頻酣千日酒。思歸寧惜少年花。此豈吟詠齋宮曙。同是瞻承絳闕霞。

想有小團分學士。好將新水試浮槎。

送高尙志下第歸江西

清霜木葉水多灣。知有荆人抱璞還。龍擁湖波迎月下。
豹乘雲氣候林閒。殺青漢簡三冬足。生白虛齋一日閒。
會望斗牛尋寶劍。春朝佩入紫微垣。

題李道復所作艾全真乃父公墓銘

道人何事京城中。擬託斯文壽乃翁。萬里烟塵唯兩屐。
一豈製作見羣公。江湖所過蛟龍識。金石他年物怪通。
我憶廬陵多舊事。瀧岡阡樹足秋風。

次韻柯丹邱見寄

春去林園百艸生。千源流漲在山清。心期白與浮雲遠。

鬢髮新如積雪明。白苧寬裁無束帶。黃冠小製不垂纓。
故人相見那相憶。但聽橫空鶴數聲。

丹閣岩堯地最親。頻年染翰侍嚴宸。九疑鳳去荒烟外。
三月鶉啼野水濱。日落賈生將去宅。江迎庾信獨歸人。
五湖不遠閒身在。扶杖風前詠暮春。

今代廣文眞畫師。蘇州把筆更題詩。白雲遠海意蕭散。
明月滿樓光陸離。積妄已空前日夢。清狂那憶少年時。
老夫獨感深相慰。盛德加飧報祝規。

眉菴自賦

新春名字合更新。偶託眉菴作主人。本不求妍何用妬。
從來無悶豈教顰。曉對遠山烟冉。晚臨流水照粼。

成都畫手應無數。憑仗他年寫得真。

憶自當年學畫眉。畫成何意望人知。鑒觀水影真無媿。
接對天光豈有私。獻笑詎隨桃灼灼。效顰應許柳絲絲。
菴中妙用何聞見。未及東風賦紫芝。

次韻寄謝魏雄卿錄事表兄

短棹移家竹樹東。曉鬟擁翠夜燈紅。誰爲重客投邛令。
徒有高堂舍蓋公。白雪上鬚無藥染。絳霞盈頰已樽空。
憑君莫笑黃花冷。自有清吟與客同。

和契世南除西臺御史

鳳池共愛十年身。一榜今爲七諍臣。識字觸邪誰與敵。
讀書知律自能神。關中多士遭逢盛。輦下同年聚散頻。

萬里玉門歸控制，向來投筆亦儒紳。

遊岡子原呈王學士

岡子原頭春色濃，小車晨出看東風。
雨餘林潤人烏好，日暖平沙我馬同。
西引峰巒來座上，東瞻樓閣起天中。
詠歸莫作恩二別，邂逅相逢擊壤翁。

次韻寄元復初

木落天清悲素秋，故人何處海東頭。
尊前夜月仍畱戶，天際浮雲重倚樓。
影靜梧桐餘倦鳥，眼明洲渚自輕鷗。
人生會合真堪惜，長憶春風從兩驪。

黃梁夢覺人千里，白壁歸來月一缸。
尊酒幾曾忘北海，束書無路到東窗。
臥龍宛二冰生壑，飛鶴翩二雪洒江。

無限心期總寥落。秋風烟樹引歸幘。

次韻馬可山人見招

天意茫二故可知。無端感慨又先之。百年開濟輸前輩。
萬里登臨在此時。袖手看雲歸去晚。舉頭見日坐來遲。
忽聞八月靈槎到。欲及西風理釣絲。
爰此高槐十畝陰。偶來相對理瑤琴。江湖有夢扁舟遠。
風雨無人陋巷深。濁酒竟成終日醉。花枝聊學少年簪。
若爲後死乘雲去。爛漫銷除感物心。

次仲章韻

日射飛塵下界昏。遙瞻積翠是君門。鳳鸞天上今何夕。
雞犬雲中第幾邨。瑤草無人能遠寄。玉書有道可長存。

晴虹東去連滄海。儻遇安期與試論。
深屋古仙雙碧眸。淵。二玉色象春浮。上方烟霧日千變。
清晝風雲皆一遊。傾耳風濤惟立鶴。迴頭塵海不藏鷗。
飛。二幾欲吹笙去。千歲歸來恐更愁。

無塵道人

雲霧爲衣月作裳。天壇獨白禮虛皇。龍收古劍沈秋水。
鶴識神丹起夜光。金井有聲惟墜露。玉階無色乍凝霜。
無端下界松風動。又欲飄然跨鳳凰。

和上都華嚴長老見寄

講帷秩二退晨朝。咫尺東方寶月遙。湛露甫承天子賜。
慈雲還赴梵王招。毗耶一日香薰普。瀛海千年貝氣飄。

白髮故人非玉局。敢將詩句答參寥。

上帝曾承絳闕朝。屬車曰向寶城遙。生公屢講中邊味。
宋玉空吟大小招。梵宇千重隨鏡現。天香八月向風飄。
手開樓閣能來往。常候晨雞碧海寥。

和斷江恩上人綠松見貽之句

誰將古色伴幽蹤。百尺長松對一翁。子落雨餘棋局在。
影搖雲際水瓶空。倚藤老大何惆悵。覆地陰涼待鬱蔥。
挽著萬牛須晚歲。手開樓閣五雲東。

題了堂悟上人溪聲閣

破衲歸來閣倚坡。池開半月引泉過。蒼龍入鉢斂飛雨。
白象卷湖吹碧波。宴坐不眠花遶榻。飛行無蹟竹當阿。

廣長舌相何曾了。未覺遊人一偈多。

賦松濤齋

曾遊海上聽松風。積雪千峰水湧空。細若鳳箭雙嫋。雄於鼉鼓萬逢。玉堂夜直蟾光裏。銀漢秋橫劍氣中。欲截斷槎乘浩蕩。兩樵相對此皆同。

賦雪洲

江上經年積雪多。長洲化作玉陂陀。舊曾射虎迷蹲石。薄暮歸漁認擁蓑。河伯作宮龍獻壁。湘靈遺佩鳳停梭。鳬鷺容與江花發。更待春來生綠波。

送茅秀才歸茅山

茅君兄弟茅山裏。幾代曾孫骨尚清。傳得玄經還自讀。

餌將蒼朮不須耕。鶴隨雲氣來金闕。鳳合風聲度玉笙。
爲問玄都老仙伯。書來應許學長生。

寄馬叔惠福建僉憲

荔子枝頭火齊紅。高堂紈扇坐薰風。湘筠簟冷魚波合。
海柏梁深燕雨通。絡緯豈知秋袂薄。戛戛長憶晚飧同。
禁城來看花如錦。誰道清霜解惱公。

奉元王氏孝義詩

陰二榆柳蔭韋邨。中有烏頭孝義門。耕織事均家益贍。
細麻親盡義彌敦。蜜蜂日暖開窗戶。慈竹春深長子孫。
先世此邦嘗賜履。爲歌遺俗卻銷魂。

贈張志甫八十

身閱昇平近百齡。顏如玉雪鬢如星。遠移湘竹堪扶老。
舊種蒼松已茯苓。頻見大官躬致饋。早令掌故口傳經。
古來名士多肥遯。興徧題詩歷下亭。

送張道士危亦樂歸臨川

有序

予寓居臨川三十年而隨牒京師之曰過半愛其山水明秀而未盡遊也喜其風俗馴雅而未盡觀也樂其人物修整而未盡交也然視臨川則爲故鄉矣以其視之也切固其懷之也深故見其人則喜遺其人則若失亦人之情也況爲賢者乎驪塘危氏臨川之望族文學雅正之士世二有之故予所謂不得盡交者也亦樂危氏

之俊彥也學道上清山中以翹楚見稱信乎名家子孫非常人所可及往年亦樂之從父曰風室君與予最相善虛室歸江南予嘗送之曰落花如海思歸夜剪燭裁詩又送君觀乎此其風致蓋可想見於是十五年則亦樂之行予獨能無言以敘其懷歸之意乎予且歸休將從子於江湖之上周覽山川而詠歌其風俗以託諸其人焉尙未爲晚也敘而系之以詩曰

上清仙子臨川客暫入金門卽賦歸
夜月微聞雙玉佩
香塵不染五銖衣
從遊玄圃暄風暢
坐讀黃庭墜露晞
華蓋峰前如覓我
應看白鶴向秋飛

送張用鼎還鄉

張郎兄弟人皆說。二陸才華未足多。騏驥西風開道路。
芙蓉初日照江波。周官雅誦賓興禮。漢代偏崇茂異科。
爲語州人胡處士。清豈何故覓漁蓑。

題大都香山寺圖

香山蒼翠帝城西。古寺高寒北斗齊。繞屋清泉龍穩臥。
對簷老樹鳳長栖。曾陪退相尋山徑。亦共幽人躡石梯。
忽見畫圖驚十載。春雲秋雨不勝題。

爲馬竹所照磨題香山圖

古寺深沈壓巨鼇。畫圖重見記遊遨。曉城宮闕煙花合。
夜壑風濤樹木高。雨靜臥波雙劍影。天清歸路一鴻毛。

東都九老名猶在瀟洒誰同白苧袍

端午節飲客與趙伯高

龍沙冰井夏初融簪筆長隨避暑宮蠟燭烟輕畱賈誼
銅盤露冷賜揚雄南都久病思求艾北客多情問轉蓬
忽聽滿船歌白紵翻疑昔夢倚春鴻

用蕭性淵詩一句足成一章送常伯昂

華蓋芙蓉入座清輕雷疏雨過虛庭永言白媿難傳世
急就成章易滿屏好客多情憐白髮幽人相顧說丹經
簞瓢便了餘生事空枉輕車到野坰

題昌錄判齊山吟卷

濟南名士古來多此地登臨孰有過山影醺湖春雨樹

泉流滿郡晚風荷。客生江國猶思憶。人念鄉關想詠歌。
千古齊山青未了。李邕杜甫奈愁何。

王真人眉叟在京上都賜酒倡和

真人燕處白高堂。遠賜宮壺出上方。給傳許乘飛廐馬。
侑樽仍有大官羊。一天雨露涼如洗。四座賓僚喜欲狂。
起賦新詩誇得意。西風傳送及灤陽。

送伯雨入茅山

獨棹扁舟入白蘋。隱居舊宅去栖真。囊懸肘後惟丹訣。
書到人間稱道明。未覺白雲畱住晚。也應蒼术寄來頻。
手栽松上騎飛鶴。知是華陽第幾人。
隱居聞道無人蹟。麋鹿來依積雪深。每占雲氣得芝朮。

莫怪丹光穿樹林。茅君白騎一虎下。木客或與羣猿吟。
知爾此皆最相憶。遲予飛屨度千岑。

次韻熊太古題金石編

上林昔見眾芳來。春雨湛涵詠有萊。何處北山畱客住。
未聞東閣爲君開。畫須具眼方畱跡。琴有知音不用媒。
多學少成嗟老大。每看精藝欲心灰。

次韻錢翼之寫大學衍義局中詩卷

貝葉西傳淨業塵。泥金萬軸等長身。清閒邃殿仍稽古。
宋竇遺書亦發春。承詔外廷須老手。揮毫仙館屬才人。
重觀舊事思天上。白首揚雄野水濱。

題王木齋歷官紀年畫像

歷官貴與年俱進。列畫衣冠如弟兄。出節遺風仍振海。
生祠嘉樹各專城。丹心不改兼終始。白髮微添更老成。
清夢幾曾求傳說。平昔早合識真卿。

謝僧以長送銅龜水滴

贈我銅龜盛硯水。想君久已伴題詩。爛斑隱約知千歲。
縑藉丁寧愧妙辭。豈有文章須潤色。況能經濟屬論思。
粗應六用俱忘息。灌沐清泉自奉持。

題靜壽道人自誌後

對雪鼓琴張道士。八十二歲顏如春。世外異書皆過目。
人間樂事自終身。真如常住難爲死。搶擾相仍故是塵。
知爾既忘欣戚意。往來何用賦詩頻。

輓危公遠道士

翦燭裁詩憶送君。落花如海政繽紛。幾回分別未爲老。
一旦音容杳不聞。珠樹露寒蟬委蛻。玉樓風急鶴離羣。
自吟新句成奇識。只許人間禮白雲。

與筆生

聖明天子御奎章。翰墨昭回日月光。晝殿風微雙鳳翥。
春池波暖六龍驤。侍臣近榻誇先得。內史開函喜自將。
借問紫毫誰所製。發揮神化未渠央。

錡曰此則老手顏唐之作

白雲閒上人以橘一枝見予作詩以謝

洞庭嘉實龍興種。百顆同枝重壓檐。折遺忽疑千樹盡。

分嘗猶足十人兼。貢餘霑賜今難得。霜後題書尚可添。
只欠吳姬圍錦帳。霏香噴霧玉纖二。

荅舒真人送牡丹

真人棋罷小徘徊。手翦窗前紫綺來。天女不嫌雲霧薄。
洛神親擁髻鬟堆。已令老鶴婆娑舞。更枉清泉激灑春。
莫遣巢翁知勝事。詩筒日二片雲催。
晚來睡重不聞鐘。仍歎看花似霧中。貪賞金盤承蜜露。
不知玉樹倚春風。戰酣淮水碁應勝。雪擁藍關句更棋。
欲畫新圖宜正午。須憑狸目驗芳叢。

送胡古愚

仙館醉餘千石酒。上林吟徧百花風。拾遺徒步頭先白。

供奉歸來錦更紅。晚下紫薇憐病鶴。春生綠水送冥鴻。
故人江上如相見。爲借扁舟候禿翁。

遊小孤及彭浪廟承學士命錄以示畢推官因

次韻二首

天作孤岑自幾崑。高危頻見古人詩。身當委注下無底。
影絕傍緣終不移。波浪秋隨大漢淨。風雲日馭海門馳。
釣竿拂樹思長往。應有沙鷗聖得知。
迴舟卻往彭浪石。還藉枯筇得自持。外險內安居者樂。
東流西汎渡來知。追隨過客應無事。迎享神君遂有詩。
消得清秋好風日。經耶尋壑昔爲誰。

送柳唐佐懷孟總管

滿縣花開二月初。郡人日望柳侯車。醉翁白髮詩情在。
好客清言吏事餘。河水煮魚頻入饌。柿林收葉徧題書。
欲從太守借盤谷。手自搴茅結隱廬。

題李息齋竹

文翁寫竹鬢成絲。不作茭蘆與柳枝。日色分明見真本。
天工端的是吾師。動搖皆有禽相語。偃蹇惟餘石不移。
靄二春雲好才思。千姿萬態總相宜。
已學夷齊願息陰。如何逐日轉蕭森。發揮自出形容表。
摹寫誰知進化心。持贈不堪憐苦節。倦懷無迹媿幽尋。
更看月夜風塵定。著意沈沈落墨深。

題先天觀

畫來新構先天觀。便欲工吟勝畫師。山挾風聲雷起陸。
水涵天影日當池。長生有道行二到。深處無爲了二知。
不是三年不題句。卷中爲有范淳詩。

次韻雲章丈。歎訪惠機學士。故以末句相屬。冀以因行致之。

風雨相求越一邦。無端苗藿庶充腸。東風吹雪開梅萼。
南斗垂河避劍光。力薄薦書空汗漫。情多愁思入滄浪。
故人范叔清秋鶴。誰共吟詩月滿堂。

予與胥翁亞仙自劍池觀山水。遇客石橋吳氏。訪自牧長老于昭福寺。新成方卜門。向予與亞仙皆以正對大羅爲妙。一皆同遊約齋期。輔

朝佐皆吳氏之良而牧亦吳出也莫不共贊其
美因爲賦詩以識之

重棹招提坐石溪開關更欲面羅池西來萬派分明意
前列諸峰蒼翠姿修竹疏松通一徑微雲淡月立多時
千年白鶴重來晚解向兒孫話祖師

去冬過昭福畱詩題溪上牧所旣而蒙半邨先生與國賓茂才青雲諸名士相繼屬和盛意不可忘也先從牧翁寄此尙需面敘區區二也

隱居曾見繞清溪屋上青山屋下池老子風流宜白髮
阿戎翰墨稱雄姿每懷高閣看雲後投宿比鄰聽雨時
安得青藜同照夜題詩寄惱牧牛師

贈丹士

神仙有訣煉丹砂。服食三年鬢不華。自有錦囊收曉露。
何妨玉腕泛春霞。倚松吟嘯風生袖。採藥歸來月滿紗。
肘後方聞多至劑。青精何日到山家。

題朱澤民畫

松外浮雲過眼空。前瞻無際後無終。幾番白雪經行地。
數尺蒼髯俛仰中。健筆祇今韋偃老。吟詩何似杜陵窮。
悠悠無限滄洲興。問取騎驢傲兀翁。

題董生畫

李公昔守清江上。翰墨交遊有稚川。每從遠海風雨至。
共對小山松桂眠。撥鐙何處得古法。臨池忽欲無千年。

嗟哉李氏孫尚幼。川翁家學子能傳。

羅若川畫松

暮春多雨晝冥二。羅生畫松當素屏。老蛟化爲劍氣黑。白鶴下啄苔痕青。傳來日暮白篝火。夢入幽巖尋茯苓。不遇胡生露雙腳。石函白了讀殘經。

錡曰。瘦硬森挺。

又次游仙遊山詩韻

龍從山木小軒東。梔子花開鼻觀通。嘉節喜逢風雨外。幽懷都付笑譚中。詩成綵筆從人寫。醉後朱顏與眾同。卻怕有人知此樂。枉將山水繫愚公。

董掾湖山堂

九江秀色何處好。新堂正值甘棠湖。春水初生蕩洲渚。
晚風欲起散魚鳧。白公退食對斑竹。教子讀書編綠蒲。
知君廉恕足陰騭。行見高門紆紫朱。

畱上方道院

卜隱山中事已遲。歸來無處著幽棲。行穿深谷卻車馬。
借宿高齋慚黍雞。茶爲彌明分石鼎。燈從太乙借青藜。
百年身世半陳迹。一日林泉何足稽。

送胡士恭

十年京國擅才華。宰相頻招載後車。太液蒼涼黃鵠羽。
玄都爛漫碧桃花。三清風露仙人館。萬里烟塵野老家。
拂拭舊題如隔世。華星明漢望歸槎。

送雙林西白長老用太白起句

峨眉山月半輪秋。我憶家鄉亦白頭。
腳蹋岡原流去水。身隨海岸到皆舟。
長空一鳥飛無迹。白雪千峰爛不收。
卻笑坐來銷劫石。雲興借問若爲酬。

寄白雲閒上人

龍興寺裏白雲房。不到于今二十霜。
橘柚向來垂屋重。松筠此日過人長。
千函祕典心源淨。百歲長齋齒頰香。
若念尙書舊行履。三生石上莫忘鄉。

寄訢笑隱

垂手毗邪憶舊勞。諸天幢戟擁林皋。
開軒坐見青松老。倚閣閒看白鳥高。
曉日上林隨步履。春雲如海在揮毫。

經年不得江東信。獨立長風送羽毛。

陳君璋新園池亭得烟雨橫塘舊榜本漁墅陳氏之物我大父尚書公所書也尚書二此昔已九十年而君璋之父年且九十矣故賦詩及之。烟雨橫塘是舊題。尚書遺蹟久淒迷。幾回玉樹鸞哥酒。曾見雕梁燕子泥。近水樓臺隨地起。臨堦楊柳與雲齊。小車卻異堯夫老。徧洛看花信馬蹏。

舊榜橫塘墨色新。百年還屬百年人。爭墩正爲名隨謝。隔世何妨姓共陳。綺席聞鸞垂故舊。金盤烹鯉亦賓親。蘭亭俛仰興懷地。莫惜流觴對暮春。

題蕭正肅公及尚書與楊誠齋書幅後

古木蕭森日月懸。六丁猶爲護遺編。一門翰墨三公履。
七世風流二百年。秋野蒼茫麟角出。春池零亂鳳毛鮮。
世居鄉里如君少。西望孤城憶墓田。

寫韻軒

翩二仙子藥王山。明月高樓遂不還。天外修眉塵鏡掩。
窗中遺墨夜燈閒。雪深黃竹歸無所。雨暗蒼梧淚更斑。
何事浮雲相遇合。杳然陳迹尙人閒。

楊判官春雨亭

松柏園亭雨露新。慈顏幽翳倍傷神。三年蔬食心如日。
一勺寒泉淚滿巾。孝子舊遊多國士。將軍遺愛在邦人。
封塋近對清江曲。世世能來有鳳麟。

揭北海山雨亭

周遭城郭擁坡陀。北海亭中逸興多。木落秋風知地迥。
水高春雨見帆過。華簪列坐驚年老。翠袖深杯爲客歌。
說與蓬萊千仞石。誰能鳴鶴倚松蘿。

珉上人俯清軒

高堂直下一江清。千尺絲綸寄此情。秋水芙蓉華月淨。
春茗翡翠晚風輕。坐來古硯生雲氣。吟過長廊曳履聲。
知有登臨無限意。高山遠水已相迎。

楊伯恭柳隱山房

細柳誰如灞上營。清江百尺坐專城。陶潛雅興還堪賦。
張緒華年更有情。春日貫魚多鱖鯉。秋風飛羽總鯢鯨。

錦衣玉帶催毬馬。入對長楊聽早鶯。

揭北海蓬萊亭太湖石峰

海上飛來第一峰。華星明月五雲中。千年持載遺神物。
九仞飛騰接太空。不與興亡驚世換。長隨山澤與嘗通。
蒼茫獨立橫秋氣。未許西山得比雄。

秋屏閣

幾度秋屏眞漫興。歲寒今日一馮欄。西山廬阜連天起。
彭蠡番陽學海寬。久病詎能修客禮。舊遊長感奉親歡。
老身若借雲房宿。臥起江山正面看。

題送林松礪照磨詩卷後

朱輪豪傑早知機。一日冥鴻向海飛。風雨交遊無舊跡。

江山幕府有清輝。秋空澹二兼葭浦。春晝堂二錦繡衣。
世外喬松中梁棟。澗邊莫歎故人稀。

御風亭

城陰百畝轉迴塘。喬木參天翠柳長。飛蓋曉迎花霧氣。
臨池春動墨雲香。衣裳清露芙蓉淨。劍佩明河玉水涼。
還向人閒畱妙跡。蘭亭列坐詠流觴。

雙檜軒詩

原序

檜之爲木仲尼嘗手植于魯天下後世莫不具
瞻焉學者之于聖人宜無所不學江右憲使覃
懷李公重山甫持剛方之節秉貞固之操乃樹
雙檜于家庭以自見蓋將景仰先聖于萬一也

夫木之爲世用多矣大材成大器小材成小器
椅桐梓漆則琴瑟之儲焉明堂清廟之棟梁非
檜莫與也尙論聖人之所爲識其大者豈非君
子之志乎乃爲之賦詩曰

素王舊植魯宮牆雙樹新陰接太行冰雪高寒今節操
雲雷參錯古文章河津此地營舟楫廊廟多年待棟梁
會與羣龍近華蓋九天朝日正蒼涼

黃仙巖

鐵色陰巖積石屯玉顏窈窕鎮崑崙上池降液作靈響
左角出雲承曉暎手扶風雲穿月窟坐當星斗直天門
昔人政有懷仙地爲挹清泉注一尊

古亭詩爲張仲淵作

濟南名士古來多誰作新亭照水波
百頃高荷秋興闊一湖明月暮船過
南州城上登臨賦北海尊前感慨歌
況有吹笙王子晉清風千里接鳴珂

觀耕詩爲王可敏賦

昔歲春耕見夢中分軺此日歎民窮
漸帷艸色經行路輟食棠陰問土風
歸雁相催知日近占魚猶願報年豐
他肯緩步從青鎖寤寐毋忘稼穡功

鋏曰台詩可補入豳風圖卷

與熊天宇

去歲送花無處栽至今鄰舍借園培
緣籬正要帶刺枳

十一
莳屋還須疊葉梅。桑柘牆下堪食用。桃李門前空綻開。
故人一一可致此。他年相對共銜杯。

行丞相掾唐仲英事母至孝。在臨川。嘗知夫人
嘗藝蘭于園中。花繁茂。累歲增盛。異于常植。君
子有以占其子孫之興也。他日太夫人去世。而
蘭亦悴而弗華。三年而忽榮如太夫人在。嘗仲
英感歎如見母之存焉。都人士咸以爲瑞。相率
爲詩歌以頌太夫人之遺惠。而識天錫瑞以彰
仲英之孝。後數年。虞集在豫章。與仲英賦續一
章云。

唐氏慈親手種蘭。二年憔悴傍闌干。爲懷媚服承顏喜。

豈意空幃帶淚看。手把柸捲春露重。心知佩觿暮天寒。
扶疏玉樹情何極。長繞芳叢不忍看。

憲府瑞柏

憲府清嚴翠柏高。香烟霏霧起亭皋。濃熏旭日新膏沐。
細引春風近羽旄。黼黻成文如錦繡。丹青生色在揮毫。
德星占應賢人聚。濟二清朝見譽髦。

酬書巢送雉尾拂

一帚千金輯雉翬。巢公乞與掃塵扉。凝膏不食慚金鼎。
畫采爲章憶褰衣。宮扇每開春日麗。城旌常拂曙星微。
諸緣隨起隨除卻。祇有靈臺月鏡輝。

會宗海藏主來江西。一日山雨稍涼。同溥安枯。

石見過復有還澗之興書偈爲別并柬一關大士同發一笑

試問師歸何處尋稽留峰下白雲深長松正竝樓臺秀
流水頻交鐘磬音貝葉幾行西域字寶珠一串祖師心
天香桂子人閒滿擬約高秋一醉吟

送文學隱上人

西江春漲欲浮天擬覓何方一味禪渡海晨鐘雲外寺
乘潮晚飯越中船鉢分龍腦天香近茶汎玻瓈雪乳鮮
文采已彰那可隱芙蓉出水正華年

送劍江復見心上人遊徑山

臺山驀直勿岐差雙徑峰前路不賒若有劍光衝北斗

更愁帆影落東華。曲江水暖花千樹。古道秋高月一樣。
記取題詩相送處。鷺絲和雪立蘆花。

重贈復見心遊浙兼簡張貞居

春雨西江漲百川。袈裟又上浙東船。行尋龍臥雲生徑。
坐聽猿吟月浸泉。客裏有詩煩爲寄。山中何法可相傳。
故人或者詢張拙。鼻涕垂頤雪兩肩。

賦文子方家篴管亭竹影

數箇篴管一小亭。南窗承日印寒青。水精簾裏珊瑚樹。
雲母屏閒翡翠翎。卻愛微風動蕭瑟。翻疑薄暮倚娉婷。
憑君縱有鷺溪絹。莫與空花結定形。
憶昔竹枝皆楚歌。何曾舞影見婆娑。玉山雲去了然是。

湘浦雨痕空復多。環佩因風猶錯落。旌旂拂日轉委蛇。
白駒皎二誰能繫。霧閣雲窗奈老何。

梅庭詩爲李重山賦

高人獨愛寒梅樹。相對庭中作主人。盤谷泉甘來素履。
長安日近接朱輪。瓊瑤比惠懷新好。鐵石爲心憶老臣。
傳得朝紳詩總好。揚州何遜久逡巡。

送戈伯敬東訪伯循御史就遊京師

扁舟重訪瓊花館。使者還栽獬豸冠。定有薦書天上去。
豈無懷綬邸中看。宮牆隔樹聞鸛鳴。朝路聽雞上馬鞍。
頻寄好音傳父老。鄉人都解話長安。

鎮曰一氣揮灑有轉無竭

與侯頤軒 原序

道士侯頤軒其先本蜀人父公從我大父尚書
府君來吳中宋亡弗歸頤軒乃學道於洞庭之
仙壇觀集來省墓迺抱先叔祖岳陽使君遺書
與閒白雲來見集不勝感歎故贈之以詩

洞庭高士成都客曾是相從大父岑
每抱遺書嗟往事復貽妙句樂新知
鴛鸞影裏心元靜鷗鷺盟邊願不移
但得閒身各安健白頭歸共橘中棊

題商德符蜀山圖

每愛商公寫蜀山蒼崖直下竹林閒
錦城雨後江沙白劍閣霜餘木葉殷
何處揚雄池盡墨誰家杜甫月臨關

釣鰲海上天空闊。待得仙槎一往還。

寄陳湛堂法師

月宮桂子落巖阿。想在林閒閱貝多。持足地神衣拂石。
獻珠天女鞵淩波。香因結願畱龍愛。水爲烹茶喚虎駝。
寄到竹西無孔笛。吹成動地太平歌。

虞文靖公道園遺藁詩卷第五

律詩七言

下

書蕭母傳後

原序

新喻蕭母有貞節朝廷用魯參政子輦言旌表其門莆田陳旅博士爲之傳文甚奇子輦早學於蕭氏陳集友也先丞相雍公與蕭正肅爲同朝故其家來求題云

桓二蕭氏貞門表猶是前朝執政家恩詔傳言褒素履安輿垂淚對黃華賢孫能奉高年遠薄俗寧知古道賒魯氏交情陳氏筆臨文三歎一長嗟
錡曰圓轉華妙情溢于文

不仁氏
去日海
圖志

黃節婦詩 原序

集昔忝館閣四方孝子貞婦之事來上朝廷者率求詩文以表章之隨事發明昔義既有所諷勸或所錄未甚備者猶推其類以著其姓搢紳樂善成風每盈卷軸不以辭爲費也今觀雷尙書之諸孫長仁書其女弟適黃氏貞節事皆閨門變故而始終一惠非其兄不足以知之非能文不足以發之集筆硯荒落長仁之子以此卷相示感而賦之

貞婦初年邁百艱每將忠厚對傷殘死生家世心無愧終始閨門義所安信有高風隨地化不營華表與昔看

賢兄述惠皆真實爲報鄉人在史官

送阿里仁甫舟中作

送客江邊醉似泥。漁邨畱宿已雞栖。風平山影搖舟楫。
雨急灘聲入鼓鼙。故老別來誰尙健。新詩吟罷更重題。
卻因農事催歸去。臥看浮雲逆上溪。

錕曰三四寫景之工能使虛實兼到

題高彥敬竹石

疎篁幽草澗邊生。羣玉參差若弟兄。更待拂雲栖紫鳳。
何年臨海掣長鯨。尙書蕭散今摩詰。子墨淒涼舊客卿。
風雨夜來家四壁。龍吟微應讀書聲。

錕曰彥敬人品之高筆墨之雅俱于言外領會此繪

水繪聲手也

南浦遐觀圖

房山避暑何王宮。古木蕭森多畫風。平生江海毫素裏。
日暮鄉關魂夢中。孤雲斷處更野水。五絃揮罷又飛鴻。
高情千仞一倚杖。莫怪尙書雙眼空。

古木圖

晉人筆法成中絕。奇崛縱橫見米家。手畫斷崖分鐵石。
意求古木帶雲霞。龍髯解出空中雨。鴻爪能畱雪裏沙。
近日尙書高彥敬。高懷九足共清華。

趙伯高所藏高彥敬吳山夜景圖

吳越蒼茫咫尺閒。尙書能畫夜看山。塵銷海市露初下。

雪積江山潮始還。座上賦詩誰絕唱。夢中化鶴忽臨關。
高情已逐年華去。秋樹寒波愧妙顏。

百馬圖

楊柳生烟草色薰。川原錦繡動成羣。百年海宇無征戰。
一幅圖書有見聞。日夕吹笳歸別部。天寒漚乳奉將軍。
當豈校獵誰能賦。白髮揚雄思若雲。

周昉畫

島上雲生日轉檐。海風吹雨暮寒尖。春明玉色遺薌澤。
夜定珠光入鏡奩。織得鴛鴦隨綠綰。教成鸚鵡啄紅酣。
試令鼓瑟應無語。日斷歸舟思未淹。

天師菴壁閒墨竹

憶昔臥起修竹地。當林日二看風生。白雲昔來眾仙降。
皓霞如瀉孤鶴鳴。吹笛江深星斗動。釣竿樹老浪波平。
何嘗寘我北極下。獨倚高壁聽秋聲。

從子旦欽賁賜金至山中次陳溪山韻

橐金萬里來天上。舊賜新頒拜受餘。去國棲遲慚補報。
榮家歡喜度空虛。孤臣清淚三生夢。一寸春陰數冊書。
更買青山可終隱。不妨投老得安居。

謝子棕雨笠

歸弄江波自濯纓。白頭徒步一身輕。蕭蕭白雨荒陂晚。
恰二黃鸝夏木清。杜甫豈於詩更瘦。遠公許以酒相迎。
野僧三四同來往。

題毛秀發薛上賦詩誰絕唱後

偶然戴笠過前山。天賜高人一日閒。
薄有神情畱卷裏。漸無名姓在人閒。
毛公吟罷厖眉古。薛保圖成鶴羽還。
無限好懷今總得。松雲千疊爲誰關。

止家人製衣

故人遺我布單衣。寒暑相仍服不違。
地僻少塵攔澣易。身閒遲破補紉稀。
樵漁總識循常好。魚鳥相忘作念非。
請看江頭木居士。雲來雲去本何依。

荒唐

齊人野語楚荒唐。野死幽囚祇漫傷。
往二闕文誰復及。悠二沒世詎能忘。
百年有道開新盛。千古遺言發耿光。

不有鳳麟同日至。誰知信順見文章。

虛齋

誰識空中有至真。一庭芳草自生春。風雲變化閒來往。日月升恆互主賓。寶劍有神凝鑒水。金丹無質現窗塵。忘言本是吾齋事。莫向空同問道人。

鏕曰一庭芳艸句妙極自然

真正軒

乾坤定位易行中。星共辰居象亦同。終日有言寧離此。先天無事若爲工。音聲倡和黃鐘始。水火浮沈土釜空。世法定無相比茲。閒循斗柄玩東風。

石巖詩爲道童總管作

維石巖二氣象超。俯憐培塿獨岿然。八風不動盤空軸。
一柱高擎切斗杓。江岸暮雲畱遠樹。湖陰積翠上春潮。
便應從此爲霖雨。直向中天絳節朝。

錕曰江岸一聯畫不能到

竹所詩爲馬照磨作

蕭二修竹倚闌干。幕府高秋獨坐看。龍化欲隨清佩響。
鸞停長共碧梧寒。幾年冰雪培根節。一日雲霄見羽翰。
聞道武公方壽愷。永歌淇澳報平安。

送揭子尚之京師

縣北之亭山水幽。玉堂故人懷昔遊。錦囊五色起雲霧。
華袞一字驚林邱。賢才洛下共青鎖。久客襄陽成白頭。

羊公沈碑聞近出。文章垂世何悠。

送李伯儀

老來多病山中住。誰復能吟過客詩。賈誼豈無前席夜。
終軍曾有棄繻時。沈香亭北花園錦。太液池頭柳舞絲。
初到長安還有賦。東湖閒看綠淪漪。

送吳志淳

古道棲遲與世違。高才誰可共襟期。揮毫妙得中郎法。
倚席長吟老杜詩。澹二春風湖水詠。蕭二夜雨竹枝辭。
明朝何處還能賦。驄馬金溝結柳絲。

送劉仲禮遊浙

于今南斗聚文星。博士空慙老復丁。杜甫文章驚四海。

中郎字畫尙羣經。才華酷似泉流峽。書法親傳劍出硯。
欲看海門潮始壯。高風鴻鵠舉空青。

送艾友文之靜江

桂林賓客舊多大。鼙鼓逢二夜宴開。鄉里共推文學貴。
轅門爭識故人來。幕中草檄狼烽息。座上吟詩鴈字回。
爲問伏波天柱遠。文章何日刻蒼苔。

送太原郭詵還豫章灌園精舍讀書

每思有道太原碑。復憶南州孺子祠。但得賢人千里聚。
奚傷大樹一繩維。生民憔悴依高節。吾道銷沈繫遠思。
誰向灌園棲隱地。下帷觀象玩微辭。

送劉元補淮南漕司書吏

江南大郡多凋瘵。三月鶯花海上城。使者自持清節重。
書生遠去一舟輕。圖書雲靜滄洲鴈。翰墨風生碧海鯨。
幕府從來賓客盛。橫琴豈自寄高情。

送李仲淵雲南廉使

海上瀛洲想玉珂。繡衣今歷幾坡陀。賢人會合何其少。
名世文章不易多。蘭楫競迎桃葉渡。蘆笙遠奏竹枝歌。
不令駟馬歸金馬。奈爾相如好賦何。

送僧歸俗

孰謂儒冠多誤身。昔年聊作小乘僧。春風花影疏二月。
夜雪松濤澹三燈。巾帶便應歸賈島。鉢衣從此付盧龍。
男兒今古平生事。未把丹心一寸冰。

題河東李集賢倜詩後

集與昭德別二十有餘年相見清江之上出故
集賢河東李士宏學士重遊舊詩蓋李自守郡
至作詩皆已二十餘年今去李公賦詩皆又幾
三十年矣俯仰感歎追和附卷末

郡人長說使君行。室有絃歌野有耕。千丈沙隄春雨漲。
滿船書畫晚峰晴。重來城郭誰耆舊。偏刻文章自姓名。
我亦從遊今白髮。每懷冠佩望蓬瀛。

聽劉元彈琴

劉元相訪竹齋。清夜爲予援琴作長清飛佩等
調。宛然二十餘年前。聞諸四明袁公伯長父子。

及西巴鄧公善之之子慶長者不勝悽感道士
張伯雨亦善此相別亦二十年矣寥二此責在
天地閒何可斷絕賦詩寫懷書贈元云爾

寂二虛堂月上遲劉郎爲我鼓冰絃秋聲在樹誰能賦
夕露霑衣有所思荷簣過門良久矣乘桴浮海欲何之
呼童眎發酬佳興三勺清泉饋石芝

陳立持所畫山水及酒饌來求詩法詩法無之
得與齋中朋友一餉之樂

拙疎生理歎衰翁食粥何妨甌屢空驚見殺雞供季路
喜看載酒問揚雄畫圖乞與千山雪詩法傳來滿袖風
令子讀書誰得似高閒甘旨不憂窮

與趙伯高論詩

莫道幽人有意吟，緣情生變苦推尋。
奇雲映日書成字，靈響盤空譜作音。
春雁雖_二天廣大，秋蛩啣_二雨陰沈。
性情平澹隨時見，禮樂何曾繫古今。

觀王繼學參政贈臨川艾庸詩有感

世儒退相淮南使，羨爾華裾早及門。
授館終年供白粲，探囊一日試黃昏。
漢廷議禮諸生起，魯壁藏書幾簡存。
最憶龜蒙雲氣重，舞雩新服試春溫。

題陳維新詩卷

才子清華孰與羣，古詩秋興浩如雲。
海中夜月珊瑚樹，江上春晴錦繡文。
溧水釣魚辛少府，武夷放棹杜徵君。

歷觀卷裏襟期士。鳴鳳朝陽與世聞。

題劉伯溫行卷

原序

監憲伯溫劉公出示館閣諸君子送行詩文兩大卷其一自中臺出佐浙省肯賦眾仲題其端有以見朝廷選任之專職事之難者後一卷則自著廷持節江右之賦也伯溫跋其左具言述作之暇道西北形勢古今之跡經覽之壯有重會講明之約一代文物之懿備見于斯何其盛哉集感別欣遇又知監憲公深有得于大易智崇禮卑之旨庸述鄙懷敬答盛意不勝愧二

西極山河轍迹通載馳江海視民風帝王漸被知今遠

秦漢經營歎昔雄。憂國早聞生白髮。濟世誰識信丹衷。
斯文一縷通微顯。隨地成能造化工。

題黃智仲詩卷繼燮御史黎僉事詩後

彈鋏何妨鬢漸疎。侯鯖偏食武昌魚。故人江漢浮雲盡。
歸鶴城樓落木初。御史青春懷舊意。郎官白首寄來書。
解囊爲說經行處。歷歷晴川畫不如。

書莊武公遺事後

莊武勳名汗簡青。贊書錫爵自明廷。昔傳令德連三世。
家有高年過百齡。胄嗣蒞官原學問。封邦獻禮繼儀刑。
周詢還奏澄清効。袞職從容奉日星。

白題爲危太朴作

大地微塵海一漚。取之無用棄無由。日高睡覺惟聞鳥。
雨足歸來但牧牛。冠帶衣裳明日月。陶匏木石老春秋。
何人寫此閒中意。獨立晴空詠未休。

故人

故人爲別十餘春。夜夢相逢面目真。世外音書遺鴈羽。
壁閒圖畫潤龍鱗。可憐白髮寒仍短。待得黃花晚更新。
誰有高才如屈宋。九歌江上樂明神。

孟莊

孟莊同世不同風。縱使相逢亦不同。豈以高明分彼此。
總于衰晚共英雄。奇才別出羲皇上大業。難忘舜禹功。
無位無官千古逝。誦言忠辯愧愚蒙。

吳先生壽日

承明三召意勤渠。歸老從容問燕居。几杖雖塵無倦色。
經綸不用有成書。春深雨露多霑漑。晝永風雲妙卷舒。
華蓋浮邱漢儒行。千年高竝翠芙蕖。

寄壽楊友直

恩詔來頒擁節旂。壽尊酬獻畫堂高。郡人傳寫登高賦。
野老驚看待宴袍。契闊舊交多老大。澄清能事屬賢勞。
鳳池緩步歸猶早。鄉社耆英接譽髦。

寄友直楊君

山林十載便幽趣。城府連朝謝故人。前席漫言宣室事。
小車且看洛陽春。舞停紈扇清樽側。醉插花枝白髮新。

人爲郵疇農務急。不辭鈴閣度江津。

寄陳眾仲

承詔摛文入禁林。一揮四問夜堂深。五人存歿風流散。
十載浮沈老病侵。曳履相迂青鎖步。下帷傾聽白頭吟。
多才政有江西客。衣錦歸嗚好寄音。

寄陳溪山

坦二幽貞夏日清。高槐千尺自秋聲。華山雲外觀眞逸。
洛社春中憶舊英。雅論圖書酬太守。靜容簪佩列諸生。
丹成有道傳中表。歲把芙蓉獻壽觥。

寄楊臨川

玉月新涼似鑑湖。吏民爭候使君車。稻田雨足臨流水。

墨沼雲生對客書。疲瘵遠人訴獨得。文章列郡竟誰如。
寓耕封內宜修敬。老病衡茅禮節疎。

寄蒙古松巖

驛舍相逢已十霜。每懷高節倚雲蒼。星辰劍佩趨黃道。
風月圖書侍玉皇。萬壑秋聲回浩蕩。九霄春夢入微茫。
垂絲到地苓如玉。擬斲青冥頌久長。

寄費無隱

清朝自寫玉宸文。冠帶芙蓉著錦裙。碧落開圖垂五采。
素雲引練事三熏。羣真定錄渾相識。上帝臨觀密自聞。
書畢綠陰方數畝。長如窗戶宿春雲。

寄趙中山

清鐘徹曉。輓轡乾。十載霜蟾獨白看。護法老龍思淨梵。
化人孤鶴報平安。相逢歲晚頭俱雪。想見春陽氣若蘭。
欲辨芒鞋求覲面。晴虛雙景共清寒。

用聶御史韻贈忻都兼寄張伯雨

尋得山泉可枕流。寒茅爲舍就中洲。故人春月多新夢。
遊子秋風足暮愁。楊許有書畱玉洞。松喬無跡到瓊樓。
亦知李白因貪酒。頭白無緣事遠遊。

次韻陳溪山

積雪柴門晝不開。行庭無跡興悠哉。深根一息先天氣。
平地橫陳幾劫灰。潮候夜中隨月滿。斗杓天際挽春來。
溪翁定有扁舟興。晴昊繁花開遠梅。

茅檐向曉喜雲開。積雪如雲安在哉。春澤堅冰成解液。
明窗旭日動飛灰。山陰忽有移文至。松下那容喝道來。
小往大來原有數。莫占消息向枯梅。

次韻陳溪山紅梅

冰雪肌膚染絳雲。歲寒林下對吟身。先天氣至渾如醉。
初日光融轉更新。白髮無能酬造化。金丹有道駐長春。
少年莫笑詩成處。傾倒相歡忘主賓。

春曉紅生島嶼雲。此中儘著兩閒身。不愁花笑髮鬚白。
漫詫人間句法新。曲水徘徊天上日。深杯斟酌自家春。
繁英未落須頻到。翠實金盤尙及賓。
雪後孤根發暖雲。栽培本自一人身。紫薇遺意成千古。

絳萼深期又一新。忠厚敢忘嘉樹賦。冲和思廣北枝春。
若爲穉子猶堪教。三祝三加望大賓。原註來章末句有屬幼兒之意先生
屢言先君子植紫薇于堂前賦詩屬望小子昔人不之許也願仰五十年委身田野莫稱先志集感歎成賦云

次韻答楊臨川

歸興秋光晝寢高。使君詩瘦怯宮袍。東湖微雨生顏色。
西日浮雲見羽毛。橘柚園林誰共弈。蒹葭洲渚或容舫。
誰家此日樽無酒。兩鶴翩二過九皋。

舟次臨川用趙堽韻

文公經濟入襟期。陸子高明白得師。投老幸依賢者谷。
興懷況在歲寒時。爲邦孰與從先進。擇善誰將覺後知。
十載荷樓遺訣話。扁舟江上感君詩。

山行次韻

從來年老喜逢春。宇宙中間自在身。鬢髮還如柱下史。
胸懷仍似洛中人。春雷起處耕雲外。曉雨晴時釣水濱。
況復歸與清晝永。坐聽童子咏睢麟。

次韻曹子貞

宦學三年不自歸。從人飢食復寒衣。蒼麟一出春秋畢。
黃鶴重來城郭非。靜對風雲觀變態。閒因來往玩神機。
乾坤自是無今古。不用窗間惜寸暉。

舟泊安和阮宅次黃志高韻

十月東歸下石瀧。郡公促膝共輕艤。蕭雲故宅多喬木。
阮籍清樽對暮江。方駕肯來良馬五。尺書先寄鯉魚雙。

欲求深隱何山曲。雪竹霜筠共一窗。

舟宿湖口

沙汀如雪水無聲。舟倚蒹葭雁不驚。霜氣隔篷纔數尺。
斗杓插漢正三更。拋書枕畔憐兒子。看劍鐙前慨友生。
尚有乘桴無限意。催人搖櫓轉江城。
長年人海混潮聲。水宿荒涼卻夜驚。月照空巢烏繞樹。
風吹短草鴈知更。要觀此地秋濤壯。更待明年春水生。
不比蜃樓多變幻。綵雲初日擁層城。

次韻劉桂隱

懷哉歲暮扣重關。寘我高堂俎豆閒。遠道無窮緣已老。
凡情不斷若爲閒。徐行歷歷皆平地。滿目青青是遠山。

莫怪邱園待春雨。扁舟先愧逐雲還。

謝廬陵兩劉君

扁舟已作渡江雲。回首高年憶兩君。坐客頗如韋刺史。
詩人猶拜杜參軍。總看玉樹當春晝。長對青藜過夜分。
他日聚星如可畫。慇懃垂白更論文。

次韻孟天暉典簿佐奉使行江西所賦

帝念蒼生不鄙夷。任賢清問載旌馳。山川舊履車書會。
草木新春雨露私。十道悠二分楚粵。四門穆二出宣慈。
舉頭見日天光近。老去無憂託啓期。

山木閣一首送人之京

山木閣東初日生。梅花照溪人欲行。玉杯在手山影入。

瓊精載道霜氣橫。故人天上今白髮。賤子山中常倦耕。
憑君問訊金闕下。羣賢朝迴春日晴。

送撫州推官于夢臣改除吳興別駕

撫州那得似湖州。千頃鷗波可放舟。別駕老便公館靜。
高門長憶故園幽。綠陰青子人家曉。古木疎篁水墨秋。
幾欲暫爲江湖客。百年耆舊記風流。

送陳繹思歸會稽讀書

右軍高致絕清真。況復東牀玉樹春。上馬詩成誰共語。
讀書燈永互爲賓。落花飛絮繁歸思。流水遊龍接暮塵。
無限當筵觴咏意。尙疑身是會稽人。

送祕書也速答兒大監載書歸成都

連舸載書三萬卷。雪銷春水上成都。列仙歌舞成烟霧。
世將旌旗屬畫圖。定有鴻儒堪設醴。豈無佳客共投壺。
子雲白首歸無日。獨抱遺編汎五湖。

送晉從昇驛史調廣東

秋露垂珠枸杞叢。海天火齊荔枝紅。飛行萬里青驄馬。
指顧千夫赤羽鴻。虎帳夜傳文字密。蛟波曉貢語言通。
一門諸父吾親舊。待爾歸朝捷奏同。

送成彥舉奏差遷湖南

莫憶并州是故鄉。江城十載簡飛霜。賓鴻不及馳車遠。
語燕還迎舞袖長。下瀨未休連舸餉。觀風頻上奏書囊。
雲開南嶽多來往。應有高情聽九章。

送人還鄉用魯子翬僉院韻

東門有客上歸船。舍弟過從歎昔年。清讌翠帷明諫草。
高談羽扇動江蓮。湖南賓客今誰在。湘外蘭蓀自可仙。
珍重太常臨別語。毋忘餐菊飲寒泉。

寄監郡敬齋

華蓋天風八月高。使君於此重遊遨。停雲每約松閒鶴。
載月同登海上鰲。人愛桐鄉畱繾綣。道傳柏府薦賢勞。
柴車已是輪生角。那得黃花共濁醪。

仲秋二十一日雨後聞桂香柬竹齋諸友

曉來滿院桂枝香。仍歲秋闈第一場。明月當樓天廣大。
疾雷破柱雨琳琅。鬼神幽遠驚雄辯。草木欣榮被耿光。

於易已占觀六四。眞儒不數漢文章。

訪羅元惠隱居

春溪回曲抱郊墟。新見幽人水竹居。車馬不知行樂地。
漁樵常近讀書廬。一川風月閒來往。終日雲雷妙卷舒。
獨究塵編誰得似。同遊爲記暮春初。

憲副李顏鐵木兒行部過訪

六月馳驅使者車。城南詢問野人居。韋編猶記成均舊。
玉笋親分尙醞餘。師友道存風義重。山林歲久禮文疎。
但期荒隴霑霖雨。課子躬耕理故書。

與易小雅

雨過橫塘早擊鮮。西鄰宴罷到東園。醉吟明月花枝好。

坐對涼風桂樹繁。玉雪汎甌畱夕語。銀絲分碗約晨餐。
壽朋總憶城南老。每採芝苓過遠邨。

憲府集後書與紀長之

歲暮賓筵坐席深。衰顏何足重爲欽。有嚴佐史加邊豆。
於粲升歌備瑟琴。伫想虛煩求舊隱。聞風實啓好賢心。
誠孚德合生民慶。往昔誰容只在今。

與陳維新

新公家在觀橋濱。茅屋蕭然不染塵。通夕跣趺光炯炯。
經嘗佛閣火勻勻。一杯秋水畱仙客。半嶺春雲共野人。
借問如何參絕學。破除妄想不求嗔。

答劉無作

南園隱者劉無作。古木陰中戶不開。惡客任攜袍組去。
化人又送館孟來。吟詩窗下猿供筆。振錫林閒虎臥苔。
二十七人老尊宿。夜深相對語如雷。

答毛南楚惠書

華峰迎對浮邱伯。故憶毛公共說詩。良夜挂巾松上露。
微風揮塵竹邊池。近來有夢如春雪。重到人間識鬢絲。
此去相望三百里。豈因歸鶴問幽期。

答陳明復

城頭雲重雁飛過。憶得江南夜雨多。茶樹嶺前雷破石。
稻秧田裏水盈科。何嘗短棹鱸蓴菜。盡日長松菖女蘿。
賴有仙翁知此意。不同樵唱卽漁歌。

保同監邑送桑本

樹桑親教縣庭隅。分我深根四十株。老客遂居連野綠。
使君重到兩輪朱。寒窗機杼依鄰曲。春服兒童出舞雩。
頗有薄田衣食計。暮年歸夢在成都。

錡曰結聯是用諸葛八百株桑語非漫然寫景也

陳幼德送竹本

竹似陳家好弟兄。清陰秀色滿林生。八龍夭矯同瑤席。
雙鳳參差和玉笙。土潤已如含雨氣。夜深便可聽秋聲。
他年爲作青二簡。待爾明光獻賦成。

謝董子道參政

再世門牆五十霜。扁舟風雨渡滄浪。少陵生理憑黃閣。

孺子高亭歎豫章。文學舊遊成。宋寔朝廷新刻更琳瑯。
惟應垂白江湖外。北望風雲古柏蒼。

謝馬昂夫總管

歲晏相看雨雪深。一尊春酒故人心。曾陪鴈鷺俱陳迹。
晚托漁樵得共吟。天上鳳毛還禁直。人間鶴髮更登臨。
畫圖三友題名字。漢隸還須老華陰。

謝陳溪山慶生朝

自笑青年說學仙。衰容那復更芳妍。詩書塞坐忘謀食。
風雨長齋過禁烟。有樂從教兒輩覺。無言可與世人傳。
高情惟是希夷叟。長住蒼松白鶴閒。

謝劉伯溫

世外高情與道謀。欲令斷木出寒溝。終身不敢窺韓子。
病日誰能念左邱。生晚見聞慚禮樂。業荒文學感春秋。
未忘垂白從耕稼。鳴鳥高梧詠不休。

謝胡士則

舊學都忘耄日侵。故人千里忽相尋。坐依敗壁生蒼朮。
手撥殘編墮白蟬。五色蓬萊前口夢。一窗風雨百年心。
羣賢列坐書連屋。至樂無餘祇在今。

謝魯元起監縣

雨足豈和縣事稀。彈琴學道一儒衣。塵編得意常終卷。
匡坐思憂只掩扉。壽母平安聊一喜。古人高遠類多違。
文章於世真何補。每過城南晚詠歸。

謝楊士宏爲錄居山詩藁

少日辭章浪得名。歸歟樸學補餘生。揚雄執戟能清淨。
庾信淩雲愧老成。遊目山川誰妙識。興懷河洛獨高情。
殘編久棄知無用。爲錄幽泉絕澗聲。
畫戟高門對碧岑。公孫才思在登臨。少陵不盡山林詠。
季子偏知雅頌音。貞觀詩人同制作。太平樂府入沈吟。
明年何處聽鳴鳳。春晝梧桐滿院陰。

酬吳彤暨諸友編文

知愧空言惜已衰。煌煌三秀感靈芝。山前雨過那堪記。
水面風來祇自怡。遠使徵書傳盛意。良朋定錄副深期。
編盡淨遺虛几。何補斯文與世知。

贈義上人赴京

瀟灑澄江對寺門。講餘江上看朝曦。白龍起聽經函秘。
紫鳳來朝佛像尊。召見天神扶履舄。還歸帝釋賜幢旛。
故人十載靈芝秀。春雨山堂誰共論。

贈張元朴

黃茅岡迴少人行。目送飛鴻又晚晴。塵尾每懷張伯雨。
鷺羣今屬薛玄卿。天風浩蕩高眠起。夜雪空明老翮輕。
黃石祠前好孫子。莫教塵世苦知名。

贈婁竹所

三歲京華憶母歸。一邱岑蔚感春暉。龍岡墓表非無待。
溧水哀吟恐自違。疏食一簞嗟遠道。送車千兩念征衣。

中閒名勝多知己。屬筆何由到草屣。
江上飛花已暮春。朝中憶爾渡江人。
共看傳燭分新火。更與臨流祓舊塵。
使者獻書歸館閣。尚書薦士到絲綸。
斗牛儘有光芒在。緩步行聞接鳳麟。

贈道士

神寶誰開白洞微。紫烟爲戶玉爲扉。
春容澹蕩胎仙舞。夜景虛明脈望飛。
繞指風雷龍睡醒。滿囊雲錦虎駝歸。
猶嫌長物煩聞見。更上高臺一振衣。

贈彭致中遊廬山

手持數節羅浮竹。直到棲賢三峽橋。
錦繡烟雲隨鳳起。珠璣淙瀑作龍跳。
陶潛菊徑須頻往。李公松巢亦易招。

我與山人俱有約。秋風更待海門潮。

贈高文舉

志士猶思及物功。尙施仁術簡書中。江湖隨地宜秋色。
桃李成蹊任化工。執轡幾嘗觀逸驥。揮絃聊復送飛鴻。
塵編舊業應無厭。八月明河九萬風。

贈道士鄒雲山

一片春雲萬仞山。六鼇戴向海波閒。金銀樓觀蒼龍戲。
日月旌旗白鶴閒。換骨有丹宜早服。虛心如水及秋還。
九重元與蓬萊近。看爾仙衣遶玉班。

舟中書贈吳彤

輕烟冉二日曛。好友相從一舸同。白雪夜吟蘇武慢。

清波晨動楚王雄。天寒洲渚多嘉樹。道遠江湖有暮鴻。
不是新知相啓發。歸歟恐負菊花叢。

贈徐元度

原序

昔昔三公丞相掾。有賓客之道焉。參決論議。皆
國事也。接之有禮。行之有道。是以君子信之也。
國初爲丞相掾。持文書論事。可否職事。有不得
不然者。其後三公官備。掾屬甚清簡。昔人尤貴
之。然而禮貌輕重之間。存乎其人矣。毗陵徐君
元度。方弱冠。嘗學於吳中鄭明德氏。文藝穎出。
識者有望焉。集於豫章。見之。則從事師垣出掾
浙省。而至於斯也。蓋二十有四年矣。雍容有文。

進退以度、識大體、不汨於流俗、慎言敏行、名實
孚於上下、鴻漸之羽、翱翔於天、亦維其耑也哉。
至正乙酉正月上吉、將爲外宰相、報政於朝、若
夫方物之獻、貢賦之數、有司之常事也、在元度
優爲之矣、明良在上、顧惠遠人、外將有問焉、羣
賢方以文學治道佐明、豈當有知元度而進之
者、賦詩以送之。

起家辟掾三公府、挂笏西山度歲年、故舊總懷天下士、
風流更重幕中賢、香烟滿袖遊絲夢、春水如天上計船、
三月看花鴈鷺裏、題詩還向遠人傳。

贈敬上人

二十遊方四十歸。人民城郭總依二。雲生谷口爲雷去。
花滿林間作雨飛。密室爛泥成寶器。諸天劫石拂銖衣。
扁舟穩泛番陽水。更問雲門莫二機。

遣興

千梳白髮度清齋。有客柴門始一開。書爲自昏空對簡。
酒因囊盡久停杯。北窗風雨長孤坐。南海音書遂不來。
壠上輟耕童穉輩。強來問學慙衰顏。

爲熊曼初賦靜觀

睡覺東窗鼻相微。水流不競落花稀。風旛底用生分別。
塵鏡何情辨是非。春去蝶隨遊子夢。秋深螢入定僧衣。
可能袖手高閒者。看到行雲作雨歸。

滕王閣

高閣城頭戶牖開。江中照見碧崔嵬。文章誰在三王後。
雲氣長從五老來。畫角數聲南斗落。白鹽萬斛北風迴。
洲前先有蛟龍窟。唯待詩成急雨催。

玉華山

何處清江擁玉華。手題名榜寄仙家。光凝石殿千年雪。
影動銀河八月槎。藏藥寶函騰玉氣。說詩瑤席散天葩。
奎章閣史無能賦。得似新宮蔡少霞。

天峰道院

眾峰羅列總名山。更出岩堯紫翠閒。上直文星天一柱。
中舍道氣玉重環。臨池水月清秋老。繞閣烟霞白日閒。

溪上墨香傳遠客。令人思與鶴飛還。

次韻寄題象外道院

至人還作采真遊。海外何妨更九州。雲氣低回依寶劍。
月華臨照是瓊樓。舊家孤竹清風在。今代三茅碧澗流。
凝望蕭臺環日月。不知何處問丹邱。

寄題三益亭錄呈仲義參謀

公府蒼松六百尋。古梅修竹共亭陰。歲寒先覺冰霜重。
春永還知雨露深。每得瓊瑰三益友。同堅金石一生心。
坐令方丈凝香地。千里嘉名起自今。

題梅仙峰與彭致中

羣仙山上共神宮。漢尉藏丹別有峰。日下旂旛來碧落。

雨餘鐘磬出深松。蓬萊秋近雲常接。芝草春生手自封。
山木閣前閒拄杖。解尋樵逕遠相從。

題新喻吳氏浩然堂

古木澄波月色新。高亭攜手兩幽人。畫圖樽俎猶清夜。
屋壁金絲幾暮春。白髮諸孫隨草逕。寒泉一掬薦溪蘋。
神交何必曾親到。莫望高車一幅巾。

淞西憲郎官武子宣監試秋闈

試官往二得鴻儒。可以觀瀾在此都。憲府優遊從事後。
黉闈閒暇校文餘。虹光西起遊湖舫。雲氣東隨問俗車。
古者八元宜在世。復明還見謁宸居。

魯國趙公世延哀詩

西北聲名世節旌簪紳特起擅岄髦百年憂患神明相
世務頻煩志慮勞春雨歸舟江水定秋天一作風遺劍雪
山高東瞻松柏分茅重盛德終聞有顯褒

早歲江東接令儀中朝晚得近論思永懷王母傳經訓
直保孤忠結主知經濟尙多遺策在勤勞空復大名垂
每翻翰墨神交遠惆悵西州鼓角悲

故贈奉議大夫太常儀禮院判官廬陵范公哀

輓

名家積行子傳經晝接風雲對大廷一曰文章驚海內
九重恩錫賁郊垌奉常天上新題字處士江南舊列星
何事瀧岡遲有待翰林翠琰倚香亭

題楊友直步鶴圖

羣仙玉殿早朝迴，猶向空山步紫苔。
雪色羽毛千仞下，天門風露九重開。
碧梧空老人閒實，瑤草元非世上枯。
眞侶相求寥廓去，徐行更待鳳凰來。

鎮曰詩意別有寄託

春雲亭

石上春雲向晚生，隨風映日在檐楹。
莓苔翡翠千年潤，芝草琅玕五色明。
鶴爲迎仙香冉冉，鹿能畱客露盈盈。
深紅重碧長千斛，細詠清歌奏太平。

寄題鄱陽李氏適軒

豫章出地已千尋，仙李盤根接翠陰。
曲水橋分雲錦麗，

老人星見華堂深。衣垂五綵看春舞。劍化雙龍聽夜吟。
借問高軒何所適。一門眉壽里人欽。

虞文靖公道園遺稿詩卷第五

虞文靖公道園遺臺詩卷第六

絕句五言

漁樵耕牧四詠

漁子正垂綸。烟江曉色新。扶筇過渡口。豈見武陵人。
我本青城樵。偶然嬰世網。谷口夕陽多。高歌成獨往。
淋漓春雨足。綠野逐躬耕。尚有泥塗者。山深獨自行。
寒林有歸牧。隱約牽黃犢。一笛晚風清。吹送滄浪曲。
錡曰詩中有畫。擬以右丞便覺去人不遠。

題子昂五馬圖

虎革裹干戈。華陽春草多。天閑五龍子。隨意浴晴波。

趙大年小景

野老江頭住。重二落木坡。驚鴻隨雪起。獵騎晚相過。
江上稻粱熟。滿川鴻鴈來。飛鳴各自適。落日在高臺。

題黃西麓扇

石上松千尺。橋西水一灣。杖藜從此去。隨意看青山。

題柯敬仲雜畫

玉立一長身。風前倚翠鬋。茂林頭白盡。賴有李夫人。
舞影彎二月。歌聲翦二雲。恐隨風力去。畱取翠綃裙。
江波傳雨意。山石長雲根。琴瑟分清潤。庭階列子孫。
冰解滹沱動。雲分碣石開。漁竿秋裊。還見渭翁來。
不見丹邱久。驚看翰墨香。永懷書閣舊。春日繡簾長。

子昂桃花馬

一匹桃花馬。飛來不動塵。銀鞍教鞴好。賜與虢夫人。
鎡曰與唐人虢國夫人承主恩。平明騎馬入宮門。諷
刺又別。

題馬學士詩後

雨露春無際。風沙盡日寒。多憂能賦客。空老采詩官。

京師秋夜

風竹撼秋聲。天寒夢不成。如何今夜月。偏照客窗明。

題雜畫

白芍藥

金鼎和芳杜。灤京已麥秋。當堦千本玉。看不到揚州。

山茶

萬本老空山。花開綠葉閒。渥丹深雪裏。不作少年顏。
二

荷花

澤國三千女。西風擁翠寒。誰能卻高蓋。正面與君看。

著色竹

高節琅玕直。長梢翡翠低。東風數根筍。早晚與人齊。

著色蘭

采秀此山閒。風來翠被寒。三清降瑞露。盛以紫瑛盤。

墨蘭二首

霜風委蔓刺。獨秀騷人國。世多色白媚。吾立尙吾德。
玉蘊不自獻。清高伴幽人。芳榮此豈來。中有無邊春。

西子遊湖

步屣微風動。停撓落日低。夜深歌白苧。咫尺越前溪。
蕭史鳳臺

明月在高臺。雙吹紫鳳來。天高風露冷。銀燭畫屏開。
襄王夢

夢尋巫峽雨。雲入楚王宮。何以永今夕。倏然隨曉風。
梅梢月

斜月在闌干。疎花共歲寒。同來攜白鶴。不似玉堂看。
幽禽

老石爲誰媚。幽花兩清麗。春深不見人。聊爲五禽戲。
荷葉雪姑

雪羽兩飛鳴。輕二不自驚。荷盤滿載露。更立不成傾。

梨花靚甕

翦水作梨花。東風日未斜。不馮青羽使。那望五雲車。

荔支山鼠

紅塵八千里。始得薦金盤。汝黠獨無畏。輕紅啄曉酸。

竝鵲

雙鵲報朝晴。花梢墜露清。永懷書閣舊。春日繡簾明。

天鷲

校獵上林苑。回身太液池。白雲去不返。雪影下荒陂。

鴈

戢羽橫烟暮。遺香折葦秋。衡陽千頃水。汾曲一荒邱。

鷺

夜雪軍聲急。春池筆陣高。波清翻茜掌。沙淨臥霜毫。
鴨

亂噍疑將鬥。能言故不烹。秋江寒竝影。春水綠同生。
烟浦釣舟

依約米家船。疎林泊暮烟。新詩吟未了。槎上釣江鱸。

荷錨圖

天地一醉鄉。今古有誰醒。拚死劉伯倫。令人發深省。

題何玉泉錢塘詩卷後

原注、玉泉精堪輿術

青山到海盡。盛氣欲天浮。宋寔春陵叟。蒼梧雲正愁。
地寶不敢愛。人工毀天完。開闢大呼喚。生氣方盤桓。

楊友直湖亭

東湖亭子。太守醉。豈歌爲問花千樹。如何洛下多。

六言體詩

題江山烟雨圖

千邨春水方生。萬里歸帆如羽。不知誰在層樓。臥看江山烟雨。

柯博士竹樹古石

江潭木葉盡落。巫峽竹枝更長。翦取微風疎雨。橫吹殘月清霜。

石帶苔而蒼翠。竹垂雨以珠璣。藉玉五紋之組。析旌六羽之翬。

趙承旨蘭石僧日觀蒲萄

天人漱滌芳潤。野老沈吟屈蟠。南國烟生玉暖。西涼酒熟霜寒。

趙承旨畫松

灑霏烟之餘馨。見蒼龍之一體。森紫髯之如戟。激清風而直指。

題聶空山扇

客來山雨鳴澗。客去山翁醉眠。花外春雲藹。竹邊秋葉娟。

虞文靖公道園遺藁卷六

虞文靖公道園遺橐詩卷第七

絕句七言

次韻竹枝歌答袁伯長

原序

伯長歌竹枝以促歸棹且言僕故鄉與竹枝古
調相近約同賦以發它日千里命駕之意因用
其韻

江水江花無盡期。安得同舟及此時。燕山春鴈更北去。
南人休唱鷓鴣詞。

竹枝歌奉陪諸公送舊而歸暮聞短歌江上其
竹枝之遺響乎因成四章

江上婆娑作大招。行人見者爲魂銷。使君若愛桐江住。

莫道上江無暮潮。
銅雀臺中朝暮思。
寒帷作伎望君遲。
江頭只是須臾別。
何處多情更有詩。
憶奉君歡伎未成。
不承恩澤儘畱情。
凝思卻恐傷明德。
不敢人前哭失聲。
使君魂魄已飄風。
那復恩情更及儂。
自是人心多冷暖。
不辭江水濺衣紅。

題秋日蜀棠

野棠青子來青鳥。
霜日清妍欲近人。
忽見嫣然紅數萼。
故鄉情思不勝春。

摘芙蓉

明月丹霞是鏡湖。綠茵隱約錦模糊。西風滿地吳王醉。
臥看樓前教戰圖。

見叔父南山翁二首

先君萬死抱遺書。付在諸孤手澤餘。老眼欲枯那忍讀。
春霜秋雨一菴居。
奉承家祭若持危。敢謂沖和在此枝。館授淒涼勿惆悵。
百年門戶豈吾私。

眉菴自賦二首

家近眉山六十里。晴空長見掃修眉。老去思鄉歸未得。
故題菴子寫新詩。

幾見雙眉采石亭。如今頭白眼猶青。昔人一去不復返。

聊寫山川作畫屏

橫塘寺畱題

扁舟風雨暮投僧。蓑笠敲門七尺藤。知我自來無所往。
一龕畱共佛前燈。

洞庭湖

楚澤吳山千里遠。丹崖碧樹九秋高。何由身似雲間鵠。
橫絕江湖一羽毛。

晚過金山

雲連山樹二連邨。數筆元暉水墨痕。吟苦不知身入畫。
更添白鳥破烟昏。

趙承旨躑躅畫眉

山鳥春深不自由。曉聲併作杜鵑愁。東風絳筆都題遍。
不到離鸞桂影秋。

宣和馬圖

凝神殿裏晏朝回。閒繫青驄照紫苔。一日長安春事老。
可能無意看花來。

王朋梅東涼亭圖延祐中奉勅所作本也

灤水東流紫霧開。千門萬戶起崔嵬。坡陁草色如波浪。
長是鑾輿六月來。

方壺臨董元山水

雨餘千澗共潺湲。老樹橫橋任往還。盡日春雲生不斷。
道人共對董元山。

息齋竹二首

西清閣老薊邱翁。愛寫疎篁弄晚風。玉殿不扃秋夜冷。好看棲鳳月明中。

書帷晝捲下西清。奇石幽篁步晚晴。誰憶他年風雨外。渭川蒼玉釣竿輕。

寄張伯雨

湖中春水白鷺羣。長齋默朝三素君。楊許寫經屋滿雪。人間長史冠如雲。

寄薛玄卿

碧落曾看沈侍郎。旋簪冠玉謁虛皇。風流外史渾相似。澹月疎星上建章。

寄新咲隱

無限江東日暮雲。天宮說法夢中聞。散花得見文殊相。
雪蘂玻璃手自分。

寄恩斷江

娑羅雙樹曉森。曾對袈裟坐綠陰。十載雲門那得見。
若耶溪水向春深。

寄王本齋

揚州何處好吹簫。海闊天空碧樹遙。故遣湘江孤鳳去。
長吟休負月明宵。

寄韋克莊僉憲

爲懷同館西河客。不寄駝囊枸杞紅。豈想往來江海。

虛憑歸鴈問秋風

答韓克莊惠白氈

白氈裁成鶴氅衣。大茅山下向秋歸。故人淮海應東望。
雪影翩跹入翠微。

別變玄圃

郭西山路有寒梅。想見登臨首重回。夜聽雨聲知水長。
滿船明月幾曾開。

恭華道院納涼

陳郎大扇大於箕。欲使清風四海知。應是蓮花峰側畔。
捫天仙掌舊攜持。

手持道書入山館。長林無人月落半。松花拂衣清露深。

長嘯他峰起巢鶴

松風滿天山月高躡雲一似駕海濤不知身是浮邱伯

細哦四言吹鳳匏

虹玉通天閱夜章不畱榻上付仙郎一畚誰解騎雲者

乞與龍瓢灑下方

書蘇公帖後

蘇木空聞蜀賈舟韞材還復望袁州畫叉猶是黃岡竹

細和陶詩飽卽休

原註坡翁謫黃州貴月用四千五百錢日用不過百五十而猶有餘以待

賓客蓋歲計六十千耳今謫惠計歲用須二百千蓋三
倍矣日食萬錢者何人哉士君子不以窮乏累其心而
區畫亦盡人事皆中禮之所爲也夫子小人之分見焉微
之賢不能無愠見然處約之道君子小人之分見焉微
子路無以發聖言矣觀蘇公此帖
思當岿之爲此厲階者爲之二歎

書先參政與黃浮山賦紫薇再花遺墨後

春服初成念子孫。紫薇堂上列芳樽。當此高興無人會。兄弟通家迹尚存。

書晚宋諸名公題墮淚碑詩後

峴首亭高故國詩。臥龍無復更驅馳。諸公盡向江南老。遺恨長題墮淚碑。

鎮曰此卽公詩。不須更上新亭望。大不如前洒淚皆。意也。

題宋淵聖宸翰

倉皇內禪計全疎。貞榦其如積蠹餘。不敢身先君父死。慈寧猶上問安書。

跋劉光遠湘川行橐後

白露橫江木葉秋。故人相國況同舟。賡歌自是當豈體。
不許湘漁話暮愁。

書子昂延祐閒墨跡後

奏伎宮中感遇深。一峇千載託微吟。主家歌舞今誰在。
爲疊春衣淚不禁。

細柳飛花拂曉風。步隨輕輦過橋東。道傍石馬迷芳艸。
百轉流鶯入夢中。

曾學知章乞鑑湖。恩深無分得尊鱸。扁舟一棹頭如雪。
芳草連天路欲無。

吳興公所書出師表

心許驅馳奉計難。書成揮涕試師干。臥龍菴裏閒風月。
頭白王孫異代看。

訪漑之不遇書壁

城南不逢李太白。壁閒獨見蔡元真。方池古石淨如玉。
野鶴隔窗長似人。

丁卯禮部考校次韻

先朝親擢總真儒。列坐春官席不虛。白首子雲天祿閣。
校文寧媿食無魚。

禁城鐘鼓已隆。把卷猶看燭影同。願得真材充國用。
庶聞質行化澆風。

憶昔鑾坡接錦袍。深堂披卷効微勞。二年重得同清夜。

宮燭風簾見月高。

袍鵠鏘二赴曉闌。分廬陳藝別東西。憑教紅杏休開徹。
早晚開關蹋雪泥。

固陵寒雀圖

當年宸翰寫蓬蒿。飛躍無踰四仞高。阿閣鳳凰都不見。
丹青能使聖躬勞。

聞子規

京國春眠日未低。故園花落子規啼。常年五月居庸道。
愁共行人蹋雪泥。

自述

每懷衡岳讀殘書。猶記青城舊隱居。萬一天恩憐賀監。

江湖何處結茅廬。

東家四肯詞

臨流洗硯見長身。白苧寬衣短葛巾。紉扇白題新得句。
水亭分送倚欄人。

摩挲舊賜碾龍團。紫磨無聲玉井寒。鸚鵡不知誰是客。
學人言語近朱欄。

澄波千頃擁高鬟。手折芙蓉月下還。解憶高堂風露冷。
衲衣先送碧雲山。

賀雪宮門上表歸。貂裘猶帶六花飛。海南新送收香鳥。
轉覺清寒入翠帷。

絕句

城南尺五野人居。六月清涼八月如。一色琅玕三百箇。猶堪裁作殺青書。

寄金蓬頂道人

喧宋隨方接有生。豈將欣厭係高情。一瓢玉井清冷水。霜月晴虛候履聲。自註道人聞步聲知某客至

劉正甫周孟瑄遊華蓋回見訪

緱嶺吹笙月色新。玄都幾度碧桃春。翩如雪雲林鶴。雙引黃茅訪野人。

贈毛拱辰

袖有題緘二十年。攜看存歿重淒然。神仙果得長生者。合是身逢列宿躔。

贈蔣子中

東州春水漾晴波。誰序新分進士科。好種梧桐千樹碧。
湖邊人識鳳凰過。

送夏大之教授還鄉

禹憂洪水稷憂飢。千古悠悠二兩鬢絲。誰與山鄰同白日。
行雲流水赴幽期。應物紛二興白高。不知官服是何曹。歸歟耆舊遺聞遠。
莫憚登門弟子勞。

題黃晉卿上京道中紀行詩後

少陵入蜀路崎嶇。故有淒涼五字詩。供奉翰林隨翠輦。
固應同調不同辭。

題開元宮來鶴亭

羣真終夜降華陽。曾聽仙音近玉牀。
語罷是誰畱別鶴。待君寥廓共翱翔。
亭前春雨長蒼苔。海上長鳴一日來。
從此琴心三疊裏。月明長見影徘徊。

題明復菴

玉杵擣霜月當戶。竹窗映雪書滿牀。
客來竟坐不交語。自撥丹火燒山香。
皎二霜鶴立齋廚。蕭二風竹鳴庭除。
窗中有客自高坐。堂上真人方讀書。

清皋舊隱

春雨初收水滿田。邨二桑柘綠生烟。隱居聞在東皋下。
長見沙頭喚渡船。

題贈葉梅野

原序

近代楊補之作梅自負清瘦有持入德壽宮者
內中頗不便于逸興謂曰邨梅補之因自題曰
奉勅邨梅集嘗見故家有藏徐熙墨杏花者用
筆圓潤有篆籀法亦恨楊不能知此也今監書
博士丹邱生忽用此法寫生大快人意存渾厚
之意於清真去衰陋之氣於纖弱所以爲佳也
譬如少陵繁花晴昊之雄壯視昏月淺水爲如
何邪樂平鍊師葉凱翁舊號野梅予曰以野標

梅未足盡梅之趣以梅名野庶乎廣莫之風請
更曰梅野而以丹邱之畫冠之永作證據使錢
唐臨江二君聞予此論猶當俯首歎服也虞集
書

昔結絲絢侍帝宸青鞋今許向江津憑君先對梅花說
白髮相看意更親自註初凱翁先欲南還欲僕作詩送
行而僕今先有行色故爲題此爲他
日一笑之資也

雜題

湘江風捲白蘋波北渚雲深帝子過欲採瓊芳渡江去
青衫輕翠晚雲多
江上青山生白雲鷓鴣啼處有湘君行人來截昭華琯

日暮青林玉氣分

西村山水

一段雲山一段秋。蹇驢尋壑更經邱。他年投老終南去。
應向松閒覓舊遊。

西湖畫景

五雲樓觀日華東。每蹋紅塵氣若虹。誰道小橋流水外。
數竿烟竹弄秋風。

蒲萄葵花

蒲萄翠帳絡明珠。前列千葵旌節如。應有南柯殘夢在。
一池鼓吹夜涼初。

池塘秋晚

華蓋仙人漢殿臣。厭朝朔望往來頻。上方畱舄秋江畔。
只有雙鳬臥白蘋。

天藻亭舍下生竹枝

堂上不合生楓樹。舍下何緣穿竹枝。人間風日不到處。
長養鳳毛當及峕。

青山白雲圖

獨向山中訪隱君。行窮千澗水云。仙家更在空青外。
只許人間禮白雲。

僧巨然山水

晚烟橫樹轉溪灣。何處漁舟罷釣還。門外東風吹雪盡。
幽人同看巨然山。

畫竹

不見高人王右丞。岐陽石刻尙清真。鳳毛染得春池雨。
數尺新梢已過人。

題戈叔義墨竹

江頭雨裏寫娟娟。更作新梢入晚烟。還有數竿題未徧。
龍吟清夜渭溪邊。

畱題龍門寺

頻採菖蒲石礪濱。住山不厭亦無瞋。先生尙有貪生意。
更憶松花問道人。
枯木寒巖絕色聲。吟詩亦足未忘情。不須更問臨川叟。
作得胡笳幾拍成。

寄謝臨川王正則錄事

少陵不待草堂貲。風雪空檐話舊思。別去幾時春夜暖。五峰燈火馬爭馳。

酬吳子高

諷爾宮詞十二篇。小窗風雨正蕭然。悠二春夢無歸著。黃竹遺墟雪滿天。

題魏雄卿齋壁

晝雨瀧二銀燭懸。秋聲滿屋陸成川。赤髭大士譚經藏。白首尙書草太玄。

題畫

黃葉飄零澤國秋。烟波無盡使人愁。騷人欲賦湘妃怨。

折得幽花寄遠遊。

南浦圖

魏公幕府多豪俊。文雅相從一舸中。山雨浦雲都寫遍。
湖東更有灌園翁。

柯博士畫

拔地參天獨老蒼。幾年雨露更風霜。新篁搖動多生色。
更待空庭月影長。千年老蛟化爲石。蒼蘚枯槎角三尺。亭二
玉立好兒孫。長倚天風動秋碧。

秋江圖

欲採蘋花隔遠汀。舟橫不渡倚空青。何由得似雙鷗鷺。

長覽秋光共畫屏。

紅蓼雙鳬

五湖烟雨一扁舟。汎二聊忘去國憂。最愛數枝紅蓼畔。
一雙文羽伴人愁。

畢公濟掀篷梅

摘葉拈花夢不分。誰能健步覓晴雲。不須更待掀篷看。
全體東風舉似君。

題王公所藏歐陽文忠公遺墨

盤谷尚存初刻字。淮西無復斷碑痕。琅琊幽谷花如錦。
恐有遺書臥竹根。

雙禽圖

天上碧桃春萬二。人間翠竹晚娟二。雙飛不是青衣使。
何處東風一信傳。

臨王摩詰畫竹

岐山鳳去已千年。遺跡疎林翠羽鮮。一段風流何處似。
終南秋色晚晴天。
千枝萬葉翠交加。影落殘碑月映沙。但是前身摩詰在。
紫薇花下角巾斜。

楊補之蘭

九畹參差紫玉叢。清江健筆總春風。大夫宗國多憂思。
手把瓊瑰送斷鴻。

商德符畫

曉涪劍履上楓宸。霜葉青紅日色新。誰見江上烟霧起，
行吟澤畔老靈均。

子昂古木

洞庭木落楚天長。澤畔行吟最斷腸。可是曲終人不見，
丹楓離立照滄浪。

子昂墨菊

落木疎籬事二幽。流傳墨本使人愁。故宮風雨歸來晚，
眞見吳興一段秋。

畫梅四首

繁花千樹倚晴空。不比疎枝冷雪中。只爲玉堂天最近，
儘將才思付東風。

老身如鐵心如水。長與空山積雪期。待得紅塵吹紫陌。
羣仙歸去已多時。
掉約肌膚迥出塵。摩挲銅狄是何人。已看天上千年雪。
不作人間一日春。
門戶重。二玉數枝娟。二靜好。稱家兒。舊時東閣多能賦。
說與揚州何遜知。

畫馬

魯史曾聞兩驕驪。開圖獨見一龍驤。驕嘶飛逐落花去。
沙草青。二塞柳黃。

次韻王繼學題太乙

山木深。二畫掩扉。峕從高處望雲飛。幾番春雨還秋草。

送盡孤鴻獨自歸

共騎黃鵠過蕭亮。明月華星列畫屏。記得當昔祠太乙。
安歌疏節玉充庭。

送柴高士南遊

遍入名山採紫芝。只餐秋露已忘飢。東南際海羣峰盡。
欲向羅浮更覓誰。

贈傅若礪

水玉空青不易求。蘭苕翡翠擅清秋。才情豈是人閒少。
不到高唐夢未休。

贈盧生錄詩

盧生來寫老夫詩。老去深慙與世違。華蓋白雲三兩句。

等閒莫與俗人知。

題范德機墨跡後

凡骨蛻餘清似雪。高情起處一絲輕。玉堂只在人間世。
回首蕭閒愧後生。

種橘

庭前嘉樹種來遲。霜實經年未壓枝。寄語巴園好相待。
南山更有一盤棋。

彭致中送松花

幽人歲二送松花。指與吾人老已加。欲學彭翁年八百。
鼎盛金粉養黃芽。

喜雨寄郡中諸官

仙馭東行應望霓。吏民迎拜若雲齊。到城慰滿三農意。
喜雨亭成太守題。

題表姪陳可立雜畫

山崖巖二澗。嘈二四圍芳草亂青袍。中間有箇支離木。
曲折無知壽最高。

蕭二翠羽動晴虛。知是南山長鳳雛。莫道玉階風露冷。
要看千尺拂雲衢。

清江二上倚扁舟。寫得琅玕一尺秋。歷徧風霜如鐵石。
世人偏識老湖州。

蠓房如山禦潮汐。鐵網珊瑚浪中出。何處龍孫好頭角。
亦玩明珠美風日。

南枝楚二復娟二。此處枯槎更可憐。石角莫令牛礪角。

樵翁醉後枕渠眠。

高柳金絲積雨晴。桃花灼二隔溪明。尋源若是忘機者。

灘鴻鵠鵲總不驚。

百頃汀涵落日明。稻田閒水與堤平。白頭想見荒陂去。

無數鳴蜩管送迎。

江潭木落鴈初飛。已有秋聲動碧虛。但是洞庭張樂地。

微風鷺翮立疏二。

雪滿高林水滿疇。冥鴻亦爲稻梁謀。此皆最憶江南岸。

一色蘆花著釣舟。

玉色臨池靜不言。翛然翠袖共黃昏。玉堂清冷無人到。

且對江南烟雨邨。

葛子熙欲往吳越，售長安諸碑，以危太樸書來求詩。書尾餘空，尙多紙佳，極宜於書，不忍剗絕之。因題此詩贈子熙，兼寄眾仲提學，亦欲故人知吾得太樸也。

子熙養母極艱辛，馳走東西又幾春。我欲相畱田舍近，白雲不足療清貧。

漢唐妙刻出長安，誰贈茅容具曉餐。應有醉翁方集古，千金不惜買琅玕。

浙都提學三年別，我向山中每夢之。定是盡拋書卷卻，綠楊紅杏樂清晷。

流水窈窕窗中畫。檣杌蕭條袖裏書。太白山深空積雪。
蓬萊海闊自晴虛。自註子熙三歲而孤。鞠于舅氏。長而為養。甚至獨恨貧耳。然苦節亦難能也。虞集書。

寄朱環溪

賢郎肯為諸生出。不厭闌干苜蓿盤。為有平安花燭報。
齋居日二共清寒。
高堂修祀灌園翁。白髮清樽見古風。曾得遺文窺隱德。
猶今視昔後人同。

悼亡

買臣不綰會稽章。井臼終身愧孟光。縱有他年千石酒。
寧如當日一杯漿。

地中代我奉慈幃。一去無由再見之。欲覓音容須夢裏。
鰥夫無睡已多時。十載思君久別離。歸來忽作死生期。孤燈夜雨深二坐。
正侶燕山恨別時。比侶燕山恨別時。鬢邊添得雪絲二。祇今心事真如水。
淚洒空房又賦詩。

次陳溪山韻

山深松竹俱成長。溪迴蒲荷各自花。隨分樂天無一事。
擬求齊物註南華。枝有蒼筤實有梧。何年鳴鳥下晴虛。惟應長共希夷叟。
日見朝陽浴海初。

清渭終南路窈冥。漁磯樵徑草還青。山中雨足黃梅落。
獨爲相求出戶庭。

荷蓀圖

道上相遭荷蓀翁。殺雞畱宿甚從容。如何不及乘桴意。
明日重來更不逢。

李陵別蘇武

老羝已乳鴈書傳。去住初分哭向天。明日節髦歸漢地。
將軍應是獨潸然。

羲之觀鷺

剡溪春雨曉生波。道士扁舟肯見過。換取黃庭歸別館。
人間長憶鳳文羅。

孟浩然

風雪高堂破帽溫。七人圖裏一人存。昔昔耆舊那堪論。獨釣槎頭最斷魂。

和靖行吟

擁鼻微吟午夜清。心空與月共圓明。無端卻作梅花想。著影緣香夢不成。

陶穀煮雪

煮雪風流祇自娛。高情何足語名姝。果知簡靜爲真樂。列屋閒居亦不須。

醉翁亭圖

醉翁四十漫稱翁。賓客相隨樂意同。前引朱衣垂白髮。

花開山谷幾春風。

原泉圖

九天飛瀑下巖幽。去作江河萬古流。
倚杖不知春雨過。青山如洗暮雲收。

贈王自得

江上秋風日夜深。丹楓烏柏總堪吟。
可能阿閣承朝日。玉笛參差學鳳音。

送余道士

憶昔遊京最少年。等閒詩句被人傳。
君今侶我當昔面。玉雪春風上客船。
諸老愛賢飢渴如。才華誠美豈容虛。
何當徑上蓬萊閣。

徧讀人間未見書

應有多情問故人。爲言溪上二船頻。春來雨過清如鏡。
照見蕭_二白髮新。

延祐三年過金鴈欲訪諾公以王事不果今二
十年矣

昔禮巖頭諾詎羅寶香猶在石磐陀上人幾歲離金鴈
海月江雲弄碧波

寄謙上人

不見謙公二十年。石橋依舊駕晴川。定應和盡寒山集。
儻許聲聞世上傳。

寄曇華笑隱

優鉢曇華一度開。梵天帝釋自枯來。人間讚歎那能盡。
慙媿文殊大辯才。

寄光雪窗

杪櫺軒中少塵事。恩公昔共兩青藜。主人畢竟還相憶。
風雨扁舟覓舊題。

宿天寧寺

丈室千函貝葉書。疎篁幽鳥在庭除。道人久不到城府。
愛此渾如澗谷居。

聞白雲上人自吳中來訪表姪陳可復畫其像
因題

徧緇寶藏書垂簾。三載歸來白髮添。萬斛春泉盤石坐。

龍宮又擬借華嚴

題馮九淵墨龍

曾乘雲氣九天行。振鬣揚髻海岳驚。變化已隨雷電遠。
作成霖雨慰蒼生。

題了堂上人所藏雲屋圖

鎮日秋風草屋欹。海潮聲上接天池。白雲捲盡青山在。
破衲蒙頭總不知。

題袁誠夫所藏山水

十百相連底處山。雨雲肯復到人間。山中草木自寒暑。
長與幽人相對閒。

海外誰云更九州。駕言從此汎扁舟。垂綸未必悠二耆。

帶雨看潮散暮愁

墨梅

霜月清江一棹過。誰將疏影照寒波。浮雲日暮長安遠。
莫羨宮妝掃翠蛾。

孩兒桃

書樓春晝雨繽紛。一樹桃花思不羣。彈指樓開當日面。
莫教童子是靈雲。

洪崖橋

澄江如練碧悠一。一色蘆花覆遠洲。無盡春天歸鴈急。
月明寒影不曾留。

橫橋攜手躡谿流。無盡清流意自幽。天外浮雲飛鳥。

陰猶有釣魚舟。

五絃琴詩爲劉子雨賦

海上微風動五絃。九疑蒼翠雨餘天。仲尼昔日聞韶地。肉味都忘思惘然。

錦瑟無端五十絃。五音繁會亂春筵。不知簡易高人意。目送歸鴻碧海天。

次書巢雜韻

北巷高齋滿硯冰。柴門惟許小童鷹。幽人自得延年術。不信昌陽是豨苓。

坐上清樽日不虛。長歌誰歎食無魚。主人何物爲生計。五尺危巢萬卷書。

通鑑紀事本末
十一
一盆金粟長靈芽。不待春風自放花。收拾黛煤和玉屑。
昔昔眉嫵是君家。
客來相對飲無何。客去杯羹手自和。未許旁人空笑老。
誰知小屋得春多。

題畫

銀鼠爲裘著來早。八月逐兔陰山道。衰草蕭蕭風露寒。
將軍鬚鬢一皤老。

畫松

天池昨夜風雷起。千尺渴蛟餐石髓。神君叱之不敢飛。
影落吳淞半江水。

漁樂圖

江上青二列數峰。千重樓觀楚王宮。爲雲爲雨無朝暮。
臥看當年屬釣翁。

捕魚圖

數罟臨溪晚不收。遽廬三尺抱寒愁。金鱗影落江湖表。
烟雨何年買釣舟。

百牛圖

妙手精思畫百牛。田家芻牧總堪求。一牛耕罷無人飯。
野水桃林盡日流。

畫虎

目鏡耽二鎮坐隅。高堂白晝走睢盱。良工不寫凡毛骨。
驚世文章斂若無。

息齋墨竹

江上秋風已滿林。玉階夜色自蕭森。并刀剪得瀟湘雨。
獨上蒼梧學鳳吟。秀出千林思不羣。獨含春雨對江雲。
平津若有歸來劍。定化雙龍起夜分。

蘭

水生澧浦碧粼粼。沙際修叢浩蕩春。莫怪山林蔬筍氣。
清芳端合屬幽人。

雨竹

木落湘潭江水秋。雨痕都付竹竿留。黃陵廟裏猿啼夜。
何處能銷宋玉愁。

邨夜上元作

滿城簫鼓暮相催。田父邨南醉不回。野廟殘燈燒未盡。
霏二山雨逐人來。

送艾幼清歸臨川

幼清手錄唐文藝吟誦寒鐙過夜分。秋菊春蘭隨物轉。
獨臨野水拾殘雲。

昱上人盆竹

粉筠一寸筍如鉗。亦有蒼然冰雪心。還憶道人分種日。
瘦筇八尺度千岑。
我憶蠶叢萬竹叢。吳中還見小玲瓏。居然風露千林曉。
猶稱行吟白髮翁。

題夢良梅 原序

夢良墨妙近倣清江。嘗出晴昊之繁梢以充潤。其清苦此卷乃又澹泊相遭之極者也。把玩久之。夢良自稱錦屏山人。蓋與予皆蜀人也。歲月相望雖久。寧無故鄉之思。故爲賦之。

汀烟冉二竹重二。老樹疎花吹曉風。壯遊燕薊今頭白。憶蹋江船若夢中。

茅檐曝日歸來晚。野水荒雲誰是伴。一枝已見故人心。三尺未愁橫幅短。

述懷

青鞋蹋遍莓苔迹。萬里橋南風瑟瑟。一雙白鷺也多情。

隔岸飛來如送客。

畫橋南畔行人立。蘆葦蕭蕭二船去急。雲連北闕與天深。

月

二作秋

落西山和露白。

玉顏惆悵江波隔。夜二流塵空掩瑟。可憐蓬鬢已驚風。

老去葵心猶向日。

菱花半夜無消息。腸斷城頭秋月白。故園能隔幾長亭。

羌笛一聲歸未得。

虞文靖公道園遺稟詩卷第七

虞文靖公道園遺臺詩卷第八

樂府

燭影搖紅

淮南故將軍家有歌姬才色自許善度曲歐陽
守淮陽姬爲將軍願一見公竟不及見而卒客
有爲公賦此曲者

雪映虛檐夢魂正繞陽臺近朝來誰爲護熏籠雲臥衣
裳冷應念蘭心蕙性對芳年才華自信洞房春暖換羽
移宮珠圓壁瑩板壓紅牙手痕猶在餘香泯當此惟
待醉翁來教聽鶯啼引可惜閒情未領但雕梁塵銷霧
暝幾迴清夜月轉西廂梧桐疎影

蝶戀花

故遼主得其臣所獻黃菊賦題其後云昨日得卿黃菊賦細翦金英題作句袖中猶覺有餘香。冷落西風吹不去。二月下瀨與楊廷鎮陳眾仲觀杏城東坐客有爲余誦此者因括櫟其腔令佐酒者歌之。

昨日得卿黃菊賦。細翦金英。題作多情句。冷落西風吹不去。袖中猶有餘香度。滄海塵生秋日暮。玉砌雕欄。木葉鳴疎雨。江總白頭心更苦。素琴猶寫幽蘭譜。

賀新郎

五月中以小疾家居陳眾仲助教言乳燕飛華

屋調最宜。昔連度數曲。病其辭妙。則聲劣。律穩者。語偏。適有友人期家人到官所。而弗至。賦此。丹荔明如火。想江城薰風乍透。繡簾青鎖。寶篆香銷初睡起。葉底流鶯又過。筭幾度思歸未果。欲翦冰綃憑誰寄。恐腰圍漸減。愁無那。臨岸曲。命輕舸。涼宵冉二銀蟾墮。望清輝千里。照人霧低雲暝。準儼雕梁。栖飛燕。早晚新巢定。安歎會少離多。侶我畱滯文園。頭先白。念琴心久爲芳塵鎖。將舊恨賦江左。

風入松爲莆田壽

頻年清夜肯相過。春碧捲紅螺。畫檐幾度徘徊。明月梁園迴。無復鳴珂。門外雪深三尺。窗中翠淺雙蛾。舊家

丹荔錦交柯。新玉紫峰駝。長安日近天涯遠。行雲夢不到江波。欲度新詞爲壽。先生待教誰歌。

鳴鶴餘音

全真馮尊師本燕趙書生。遊汴遇異人得仙學。所賦歌曲高潔雄暢。最傳者蘇武慢廿篇。前十篇道遺世之樂。後十篇論修仙之事。會稽費無隱獨善歌之間。者有凌雲之思。無復流連光景者矣。予山居每登高望遠。則與無隱歌而和之。無隱曰。公當爲我更作十篇。居兩年得兩篇半。殊未快意也。昭陽協洽之年。嘉平月。長兒之官羅浮。予與客清江。趙伯友臨川黃觀我陳可立。

游東叔吳文明平陽季平幼子翁歸汎舟送之
水涸轉鄱陽湖上豫章遇風雪十五六日不能
達三百里清夜秉燭危坐高唱二三夕閒得七
篇半每一篇成無隱卽歌之馮尊師天外有聞
能乘風爲我一來聽邪春明舟中又得二篇併
無俗念一首後三年仙遊山彭致中取而刻之
與瓢笠高明共一笑之樂也道園道人虞集翁
伯生記

蘇武慢

自笑微生。凡情不斷。輕棄舊磯垂釣。走馬長安。聽鶯上苑。空負洛陽年少。玉殿傳宣。金鑾陪宴。屢草九重丹詔。

是何年夢斷槐根依舊。一蓑江岸。天賜我萬疊雲屏。
五湖烟浪無限野猿沙鳥。平明紫閣日晏玄洲。晞髮太
霞林杪。蒼龍騰海。白鶴衝霄。顛倒一峯俱了。望清都獨
步。高秋風露洞天初曉。

掃盡風雲。掉開塵土。落得半邱藏拙。青松爲蓋。白石爲
牀。一切物情休歇。幾度蓬萊布袍長劍。閒對海波澄澈。
是誰家酒熟。仙瓢邀我。共看明月。歸去也玉宇寥。
銀河耿。鐵笛一聲山裂。三花高擁。九炁彌羅。縹緲秦
清瑤闕。手把芙蓉。凌空飛步。今夜幾人朝謁。便翻身北
斗。爲杓徧散。紫甌香雪。

山月來豈。海風不動。平地玉樓瓊宇。桂子飄香。露華如

水自按洞簫如縷。杏二冥二冷二。青鳥解傳芳語。

太空中鸞鶴相求盡是舊。豈真侶。君聽取列豹重關。

鼓雷千吏上界更多官府。石女簪花。木人勸酒。爲我此

閒聊住。高唱微吟。揮毫萬丈。塵世等閒今古。看江山一

色空青。何意斷雲殘雨。

浩月清霜。釣舟如葉。閒渡小溪澄碧。銀漢無聲。玉虹橫

野。斗柄正垂天北。半幅烏紗。數根華髮。一綳野鳬飛舄。

問回仙城南。老樹能見幾何今昔。西華頂十丈蓮花。

九天秋露。結就翠房瑤實。脫屣何難。凌空非遠。三咽雪

融冰液。辟穀神方。餐霞真訣。一去更無消息。笑人間長

住。虛舟誰似。一輪紅日。

放櫂滄浪落霞殘照。聊倚岸迴山轉。乘鴈雙鳬斷蘆漂
葦。身在畫圖秋晚。雨送灘聲。風搖燭影。深夜尚披吟卷。
筭離情何必。天涯咫尺。路遙人遠。空白笑洛下書生。
襄陽耆舊。夢底幾曾見。老矣浮邱。賦詩明月。千仞碧
天長劍。雪霽瓊樓春生瑤席。容我故山高宴。待雞鳴日
出。羅浮飛度。海波清淺。

對酒當歌。無愁可解。是個羽人標格。好風過耳。皓月盈
懷。清淨水聲山色。世上千年山中七日。隨處慣曾爲客。
盡虛空北斗。南辰此事。有誰消得。曾聽得碧眼胡僧。
布袍滄海。直下釣絲千尺。掣取鯨魚。風雷變化。不是等
閒奇特。寒暑相推乾坤不用。歷劫不爲陳迹。可憐生忘

卻高年長伴小兒嬉劇

憶昔坡仙夜遊赤壁孤鶴掠舟西過英雄消盡身世茫
然月小水寒星大何以漁翁不知今古醉傍蓼花燃火
夢相逢羽服翩翩未必此皆非我誰解道歲晚江空
風帆目力橫槩賦詩江左清露衣裳晚風洲渚多沙短
歌長些玉宇高寒故人何處眇三子懷無那歎乘桴浮
海飄然從者未知誰可

十載燕山十年江上慣見半生風雪對雪無舟泛舟無
雪不遇竝皆高潔斷港殘沙今茲何夕一似剡溪歸棹
但掀篷數尺梅花人跡鳥飛俱絕君不見五老危巔
浮邱絕頂笑我早生華髮返老還童易麤爲妙定有九

還丹訣。霽景浮空。天光眩海。一碧更無分別。便堪稱六
一仙公。千古太虛明月。

歸去來兮。昨非今是。惆悵獨悲奚語。迷途未遠。晨景熹
微。乃命導夫先路。風颺舟輕。候門童穉。此日載瞻衡宇。
酒盈樽。三徑雖荒。松菊宛然如故。聊寄傲。與世相違。
舊交俱息。更復駕言焉取。琴書情話。尋壑經邱。倦鳥岫
雲容。與農人告我。有事西疇。孤櫂賦詩。春雨但樂夫天
命。何疑乘化。任渠畱去。

六十歸來。今過七十。感謝聖恩嘉惠。早眠晏起。渴飲飢
餐。自已了無星事。數卷殘書。半枚破硯。聊表秀才而已。
道先生快寫。能吟直是去之遠矣。沒尋思。挂个青藜。

靸雙芒屨。走去渡頭觀水逝者消。來之滾。不覺日
斜風細。有一漁翁。驀然相喚。你在看他甚底。便扶攜穿
起鮮魚博得。一樽同醉。

一徑通幽。畫屏橫翠。行到白雲深處。世外蟠桃。井邊丹
橘。別有種萱瑤圃。檀板輕敲。素琴閒弄。奉獻鳳膏麟脯。
舞翩跹。鶴髮飄飄。仍似舊。昔仙母。君看取。華屋神仙。
滿堂金玉。此是蟪蛄朝暮。五色蓬萊。九秋鵬鷃。別有出
身之路。酒熟麻姑。雲生巫峽。稽首洞天歸去。任海波清
淺。無管何處。綠窗雲戶。

雲淡風輕。傍花隨柳。將謂少年行樂。高閣林閒。小車城
裏。千古太平西洛。瞻彼泂泂。言思君子。流水儼然如昨。

但清游天際輕陰未便暮愁離索長記得童冠相隨
浴沂歸去吟詠鳶飛魚躍逝者如斯吾衰甚矣調理自
存斟酌清廟朱絲舊玉金石隱几侶聞更作農人告我
有事西疇窈窕挂書牛角

棋曰諷詠數過飄二有淩雲氣也然此是虞老本色

無俗念

十年窗下見古今成敗幾多豪傑誰會誰能誰不濟故
紙數行明滅亂葉西風遊絲春夢轉二無休歇爲他憔悴
不知有甚干涉寥二無住閒身盡虛空界一片中
宵月雲去雲來無定相月亦本無圓缺非色非空非心
非佛教我如何說不妨跬步蟾蜍飛上銀闕

虞文靖公道園詩遺藁卷第八

051

1

1211156



21101000188036

622

左
朝
丈
橐

在朝臺文十七卷

序卷弟一二十五篇

卷弟二二十七篇

記卷弟三十五篇

卷弟四十五篇

卷弟五九篇 說六篇

題跋卷弟六四十七篇

卷弟七三十一篇

表箋卷弟八十七篇 謚議四篇 書啟十篇

碑銘卷弟九五篇

卷弟十三篇

卷第十一 六篇

卷第十二 三篇

卷第十三 五篇

墓誌銘卷第十四 九篇

卷第十五 十五篇

卷第十六 四篇

墓表一篇

行狀一篇

傳二

篇

頌卷第十七 二篇

銘九篇

贊十一篇

祭文二

篇 誄一篇

共計二十八十六篇

虞文靖公道園全集文目錄

虞文靖公道園全集卷一

在朝橐

序

雲南志序

京師西南行八千里爲雲南雲南之地方廣蓋萬里在
憲宗時世宗帥師伐而取之守者弗能定既卽位奠海
內使省城賽典赤往撫曰威惠浚其俗而道之善利鎮
曰親王貴人者四十年方是時治平曰臻士大夫多材
能樂事朝廷不樂外宦天子閱遠人之失牧也常簡法
增秩優曰命吏而爲吏者多徼倖名器亡治術惠安遐
荒之心禽獸其人而漁食之亡曰宣布德澤稱旨意甚

者啓事造孽曰毒害賊殺其人故暴悍素不知教冤憤竊發勢則使然不然舍生樂死夫豈其情也哉嗟夫簞壺迎徯之民曰曰老死且盡生者格於貪吏虐率曰白遠於恩化其吏士之見知者亡所建白馭于中者不識察其情狀一隅之地常曰爲中國憂而論治者卒未究其故不亦悲乎河間李侯京繇樞廷奉使宣慰烏蠻烏蠻雲南一部也始下車未及有所施會羣蠻不靖巡行調發饋給鎮撫周履雲南悉其見聞爲志略四卷因報政上之集嘗按而讀之考其土產風氣服食之宜人物材力之愚智勇怯山川形勢之阨塞要害而世祖皇帝之神威聖略槩可想見未嘗不俯伏而感歎也其志曰

張喬斬狂猾長吏九十餘人而三十六部盡降諸葛孔明用其豪傑而賦財足呂給軍國史萬歲貪賂隨服隨叛梁毗一金不取酋長感悅李知古呂重賦僂尸張虔陀呂淫虐致亂死者至二十餘萬中國卒不能有之此於事至較著明白者也其術不甚簡易乎有志之士尙有所鑒觀焉至讀其紀行諸詩必有悲其立志者矣

鎮曰聲調格局議論俱佳

稟城董氏世譜序

維先王建國邑命氏族呂報功德之臣其功德有厚薄而子孫有盛衰也不可呂無維持之法故因其嫡庶親疎而等殺之爲之太宗一呂重其本爲之小宗四呂聯

其支然後本原之深固者得已暢達蕃衍而末流餘澤雖或小有閒斷者其勢盤固錯互亦不可動此三代之際功臣世德之家所已傳歷代次至於數十百年與其國家相爲終始者也然其法之廢久矣漢初羣臣未有無功而侯者及其見絕遂散爲民庶降爲庸保後雖欲稍收合而封樹之往二又泯沒而可續者無幾是豈其澤固若是斬然哉亦維持者無其素耳魏晉下逮隋唐徒曰百官名臣之族姓家有譜牒官有簿狀婚姻選舉互爲考證子孫亦有所顧賴而世系因得不失故雖世代促迫功烈不及於古後之君子猶有所徵焉故自宗法立世系明則世臣多而朝廷之勢尊於乎有國有家

者可不思古之成法而補今之不足也與吾於國家功
臣之系得稟城董氏功德事狀思見其子孫之能長久
也乃爲錄而序之呂附其家傳使其後之人猶有考於
其本而知所維持焉則庶幾先王之遺意也譜曰董氏
出董父者呂字爲氏出陸終之子參胡者姓董呂姓爲
氏其在稟城者墓有遺石表曰御史大夫然中更亂離
不知何代人亦不知其所自氏今定譜自其可知者世
別而備書之

錡曰宗法廢久矣近日通人如顧亭林郭畏齋輩呂
爲無實而名存猶欲去之讀虞伯生此文庶幾識古
聖人之用心立法至善弗可議矣

高唐李氏世譜序

高唐李氏譜一篇李處恭所自撰也維昔黃帝之子孫分國受姓尊宗別庶歷堯舜三代數千年見諸傳記敘次可覩而推考其朔除名家巨族莫不有述蓋古人之重譜牒如此嗚呼自誕降生民而至於化育繁殖無窮矣然傳緒由世德故或不齊或隱或著或微或盛或久或近或廢或興時世推遷泯然中絕者何可勝數而獨於其中形蛻氣禪繇二延二幾千百傳得至於今日而得聞者殆非偶然之故或者昧於世德莫究所自始豈皆忽焉墜之亂離相仍不幸散軼而氏族所因起固多不可強推者唐人實尚氏族而李氏之譜曰李氏嬴姓

自咎繇世官大理爲理氏由利貞食李逃生爲李氏蓋
難徵矣且唐有天下之曰隴西之外別族尙多其旨功
賜國氏者又多至十數族分合之由久而淆混雖有博
識精別之士亦將若之何哉故嘗感歎而爲之言曰夫
人之生體性一本也氣形一初也而何別異之有然子
孫之於祖考雖若邈焉冥漠而精神貫通魂氣之復胥
嚮之交感應無閒焉可誣也是故前乎今而億萬年不
可知矣後乎今而億萬世亦不可知矣則亦未之知矣
而孝子曾孫之處乎其閒者必有事焉則不可曰不知
也夫然則今之君子感傳緒之在茲邇世德之不易盍
亦求知於孝子曾孫之所當知者乎如此可謂知所重

矣

田氏先友翰墨序

女真入中州是爲金國凡百年國朝發迹大漠取之士大夫死曰十百數自古國亡慷慨殺身之士未有若此其多者也於虜中州禮樂文獻所在仗節死諒固出於性情也哉彼其人故知天命所在寧輕一死而不顧吾知其感於中者深矣及余來中州追其哀憤之遺意將次序其事曰待來世已七八十年故老無有存者簡冊無所於徵未嘗不爲之流涕而太息也閒從將相故家竊問世祖皇帝初時事云當時豪傑不死者莫不起爲世祖用不起者竟老死然其才皆足曰用於世於虜此

其不輕於一死者固亦非淺丈夫也蓋曰是知世祖之神武無敵於天下矣大德七年夏兵部員外郎彰德田君師孟輯其先友手翰爲一卷使余爲之序余讀其辭而悲之蓋其憤鬱哀壯稱余所謂豪傑者多在是楊弘道字淑能淄萊人王盤字文炳東平人姚樞字公茂中書左丞諡文獻徒單公履字雲甫女真人高鳴字雄飛太原人張彖字義夫彰德人趙復字仁卿楚人楊雲鵬字飛卿檄舉字彥舉關東人不羈詩有律劉百熙字善甫燕人平立字浩然真定人郭可卑字仲通渾源人楊果字正卿中山人薛立字微之洛陽人曹居一字通甫燕人杜仁傑字善甫濟南人善謔趙著字光祖燕人大

俠張朴字孝純田文鼎字仲德衍之先君子也史噩者其鄰人詩文總八十五衍師孟名六月庚戌成都虞集序

遊長春宮詩序

國朝初作大都於燕京北東大遷民實之燕城廢惟浮屠老子之宮得不毀亦其侈麗瑰偉有足自憑依而自久是故逮今二百餘年京師民物日自阜繁而歲時游觀尤自故城爲盛獨所謂長春宮者壓城西北隅幽迥亢爽游者或未必窮其趣而幽人奇士樂於臨眺往二得意乎其閒大德八年春集與豫章周儀之四明袁伯長宣城貢仲章廣信劉自謙廬陵曾益初始得登於其

宮之閣而觀之神京雄據之勢瞭然几席之間於是古
昔之疆理近代之興廢因得指而論之信可謂奇觀者
矣嗟夫遠蹈幽隘者無與乎宏達之觀近爲世用者何
有於閒曠之適今吾六人者幸生明時曰得從事於斯
也然而簡書責任之所不及迺得曰其深懷遠志一肆
夫登臨覽觀之勝豈非天與古之能賦者其有哀樂虧
成必托歌詩曰見志茲獨不可相與諷詠曰待夫後之
知者邪況乎人生出處聚散不可常也邂逅一日之樂
固有足惜者矣豈獨感慨於陳迹而已哉乃曰蓬萊山
在何處爲韻曰齒敘而賦之得古詩六首別因仲章所
賦倡和又得律詩十有三首萃爲一卷謹敘而藏之

送許世茂詩序

某嘗言於袁伯長曰先王之澤及於人深且厚矣而杞宋文獻之無徵則歷年久而益忘之故也故國之亡垂三十年而百世禮樂之淵懿淪落銷蝕其存無幾者何也上之君子將有事於制作或者求而訪焉則其所取徵不其微乎嗟夫斯文之興喪信非其人之所能爲而眇焉獨繭之緒寄諸其人者焉可誣也且其獨然一世之下毅然千古之上修其事終其身曰俟不自棄亦不自獻者是蓋故家遺族不忍曰其積委之久遂就於湮微者也或者不察將曰爲與持深挾高之士計數於一日猶瞠然矚之亦獨何心也哉伯長聞而解之曰物之

盛衰迭爲消息理則固然昔之著見於世者嘗盛矣且子適當其微而何怪其然也及許君世茂上計畢事將歸於武昌乃謂某曰度德論世同於舊者益寡而清慎雅厚若世茂者又當遠去而弗能相左右信乎微者之未遽振也率周儀之貢仲章作詩曰送之維吾蜀詩書之故家而近年者十數互有昏姻師友之好而許與我今家江之西故某作送許世茂詩序

李景山詩集序

古之人曰其涵煦和順之積而發於詠歌故其聲氣明暢而溫柔淵靜而光澤至於世故不齊有放臣出子斥婦囚奴之達其情於辭者蓋其變也所遇之不幸者也

而後之論者乃曰爲和平之辭難美憂憤之言易工是直曰其感之速而激之深者爲言耳盍亦觀於水夫安流無波演迤萬里其深長豈易窮也若夫風濤驚奔瀧石險壯是特其遇物之極於變者而曰水之奇觀必在於此豈觀水之術也哉余讀景山之詩而有感於此矣景山早歲卽起家掌故樞府不數年遂長其幙方驟用而遽坐廢蓋五年而後宣慰雲南三年而報使移病歸鄉里者又二年矣二十年閒其詩凡數百篇而雲南諸作尤爲世所傳誦豈非感激於其變者然哉然余觀其樞府所賦迺多在於西山玉泉之閒其雲南之詩至自敘曰其辭或傳幸得托於中州人士之末雖能悲宕動

人察其意則能深省順處無怨尤忿厲之氣其居鄉則放曠平易又若初未始更憂樂之變者余因歷考其所遇而察其所立言者有曰見其所存者庶幾不謬於古之人矣而徒曰雲南之作知景山者特未盡窺景山者也景山於書無不讀而酷好老子於古之人無不學而獨慕白樂天然則其能廓然曰自廣脫然曰自處者殆有由來也景山年未甚高而道學方力後此而有作余將不足曰窺之矣夫景山姓李氏名京河閒人鳩巢其自號也故其詩總題曰鳩巢漫稿虞集序

女教書序

女教之書者相人許獻臣之所輯錄也古之王者理陽

教曰治外后理陰教曰治內末有無教而可曰爲治者也其教之之具男子則王宮國都閭巷之學禮樂射御書數之文是也女子則織紵組紃之工宗室遵豆之奠姆師之訓誦詩壺事之間是也其事則見乎日用常行之間父子兄弟之倫男女夫婦之別飲食衣服之制冠婚喪祭之禮者矣曰女子處乎閨門之內從乎人而無所專制者也其教之也亦若是其備邪嗚呼盍亦觀於周南召南之風乎本乎后妃達乎諸侯之夫人大夫士之妻曰至閭巷田野之婦人女子皆有曰涵泳乎深仁美化處乎身而發乎言者從容動合乎禮法此先王之盛所曰後世莫之及也語治道者豈有遺於此哉先儒

君子所曰示吾學者大綱細目罔有遺軼然猶有不能致知而力行者言女教者近幾絕響自非詩禮之家見聞之習與夫天資之本美者其不陷溺於流俗者幾希此固知治者之所憂也獻臣之書六篇略倣朱子小學之書類例本之經曰端其原因乎禮曰道其別摭先儒之言曰極其理參傳記之事曰適其變而女事備矣君子之立言貴乎有益於風教此書其殆庶幾乎獻臣學正學行正行居親喪曰能喪聞居官曰能官聞有子擢進士高第爲時聞人其成教於家者可見矣書豈空言云乎哉

送文子方之雲南序

自昔著作之廷職在討論文學材藝之士處之無所與
乎有司之事也而文君子方之在是官前旣出受交趾
方貢今又分典選事於雲南何其賢勞也廷議嘗曰子
方爲刑部主事辭不就意若避劇要也而特無憚遠於
是行何也子方之言曰世祖皇帝之集大統也實先自
遠外始故親服雲南而郡縣之鎮之已至親使重臣治
其事自人民軍旅賦役獄訟繕修政令之屬莫不總焉
獨不得承制署置屬吏耳凡其仕者服冠帶治文書內
地之人與土著豪傑參伍而雜處使其皆受命於朝而
後仕也則道里遼遠將不勝其往來每三歲輒遣使者
往卽而臨定焉比於閩蜀二廣祖宗制法之意微矣且

選調之法自中書吏部才得擬其七品呂下其上者固
造命於朝廷今使者之出雖一二品之貴猶得按資格
擬所宜居官呂聞其下者如使者所命卽治其事歸報
出成命授之其重如此是呂嘗遣大官若精強吏呂往
自有成法呂來行之四五十年未嘗使疎遠文人呂館
閣之職行也而執政者選擇而使之然則有不得而辭
之矣嗚呼可謂知所重輕也哉或曰古之仕者不出其
國命於天子才一二人耳其餘皆其國之人也故其察
之也審而用之也當後世雖小官必命於京師而期集
者眾選曹不復能察其賢否徒呂歲月先後多寡呂爲
差次此世之通患也然猶呂吏部之官數人攷覈討論

而後其文具乃始論定曰官之蓋亦密矣今遠方雖曰姑俟闕略然使者馳萬里乃至直取其姓名員職而聞焉亦暇於詢攷而聽察其人乎苟比而錄之則一利刀筆吏曰治之有餘矣何足曰勞吾子方也邪曰不然古之言使乎使乎者天下之達材也遠險之國玩於承平久矣風俗移易之漸政令張弛之故利害之消長險易之通塞治忽之朕兆情僞之幾微與夫奇材偉器之當曰名聞者至者有弗能知也知者有弗能察也察者有弗能言也言者有弗能達也國家所曰明見萬里之外而制之者將何曰哉子方知足曰周事慮足曰及遠辯足曰達情勇足曰致用是行也使邊鄙之吏民聽其議

論而觀其施設竦然驚愕曰爲雖一乘之使其風采才略如此莫不充然而歆羨恬然而厭服知朝廷之有人也非子方其孰能與於此乎同朝之士曰其行之遠也慕顏仲相贈之誼皆爲歌詩曰遺之嗚呼殆亦難爲言哉將言其設施之方與則子方素慮已定不待於人言也將言其山川風物之美與則子方將親歷之固能賦者也則果難爲言也雖然跋涉之餘公事之暇能無少休乎試取而詠之亦足見寅恭之深導和性情之正矣於是察所曰期望之意其亦有發於小知大受之辯矣哉

錡曰言選調之法極中時弊於此可識伯生經世之

學

題史秉文資陽故譜序

某嘗聞父兄言二百年閒眉山史氏之盛也方其盛時
蓋一時兄弟至數百房而四明諸史世相封王富貴之
極東南無與竝者其稍後真定之史際遇國朝推其所
自大抵皆本太史佚之後云其族三處雖各極一時之
盛尤它族之所無也秉文氏出其資陽故譜石刻固亦
眉之分也資陽之族猶二百房則散在它郡者可推而
知已今資陽譜惟秉文一人呂文學仕於朝又能追求
先氏墳墓譜系於故鄉湮翳之後誠可尙也今蜀史之
在東南嘗見興化史君葯房翁諱孝祥則學齋祕監先

生諱繩祖之令子也興化與先生蜀侯兄弟也興化之子曰蔭官江西州縣而嘉興路經歷繩武正翁者則通鑑釋文之曾孫也近有台孫景星者嘗歷浙東帥府掾教官也來求誌其五世祖母出蜀時殺身存後之事其它呂儒學教授田里及浮沈民間尙多不及僂數而某不及知者亦多也葯房家在江陰正翁家長沙而景星遂其爲湖州人矣嗚呼呂數千百房之子孫而某所知者僅若此不亦悲夫某外祖楊侍郎亦眉山人當其盛時不減諸史而仕宦顯著者尤多今外祖惟有孫一人與某兄弟同寓江西族人甚少因書秉文所題族譜亦重感慨云

送集賢周南翁使天壇濟源序

先王之禮莫嚴於事天矣國朝大德十年始雜采周漢唐宋儒者之說爲壇於國南門外曰圜邱曰祀天嘗曰大臣將事國有大典禮當請命則於是告焉而竊聞祖宗之制天子與后親祀天必更服二甚質禮甚簡執事者非世族其先祖嘗與祀事者不敢與今道家方士之爲祀也爲壇於其宮中設祠具用致上帝治文書檄凡鬼神之可名者曰多爲貴用其弟子行事盡七日若九日乃成然後範金爲龍形負曰玉刻符呪二一曰山簡寘之名山深穴一曰水簡卽大川沈之曰將通信於上帝蓋近沈瘞者云至大四年辛亥四月壬寅朔有旨命

大長宮道家方士用其法爲祠旣祠將致其所謂簡者於天壇之山濟水之瀆而集賢周君南翁實受命曰行君嘗事上青宮爲文學之臣天子事天尊神之禮肇見於此其尙克敬致之於戲禮樂之制作大備極太平之盛典將在今日矣使且復命當受釐用漢文召賈生故事得使對從容論說庶幾原理之本推致其節文之宜而陳之也夫

送彰德經歷韓君赴官序

木之爲器曰利民用者非生而成形也欲圓者取曰爲規欲方者取曰爲矩居者取曰爲屋室行者取曰爲舟車揉之爲弧矢屈之爲栝櫟惟其有是材也因夫人之

所急定之爲器已致用焉人亦猶是矣其生之也初未
有士農賈吏之名儒墨名法之習也時有所尙則羣趨
之時尙黃老則趨黃老時尙申韓則趨申韓時尙儀秦
則趨儀秦尙風節則有黨錮尙標致則多清談非生而
然也時之所尙人之所趨則豪傑者必爲之先故尙黃
老則人材出黃老尙申韓則人材皆申韓尙儀秦則人
材多儀秦黨錮之禍作奇節清談之流俱雅人非此數
者之能爲人材也豪傑者趨其所尙而表二然出乎其
閒矣國朝之始定中原也其先離亂傷殘之日久矣老
儒學士幾如晨星莫爲之繼而天下初定圖籍文書之
府戶口阨塞之數律令章程之故會期征役之當趨赴

奉承之勞蓋必有足其用者焉而操它業者不得與於此也於是富貴之資公卿之選胥此焉出矣然則豪傑之士舍此奚進哉豪傑由是而進則名是業者沛然足已周當世之用也無疑矣邇者聖上嘉尚儒學而爲儒者或已迂緩巽懦取訾笑嗟夫非儒者之不足用也儒之名久不振非有特立獨行之識量不足已究其至而世之所謂豪傑有富貴公卿之器已足用夫世者不屑有是名故也誠使一日表章之則向之所謂豪傑有富貴公卿之器已足用夫是者必折而從此矣果折而從乎此則其業之所講志之所存術之所操豈不益有可觀者哉故愚嘗已爲人非生而有習業之專名也時尙

有目驅之耳必也端其尙而正其趨使夫人繇經術道
諛曰達其才而廣其用則未必徒見表於書計便給而
已也京師自昔稱浩繁而今尤盛爲吏者素號精敏猶
或不給然府總其大而已身親治之者乃在所謂警巡
使二之佐曰判官尤責任之叢委者也衛輝韓君守敬
自刑曹曰明法成名來爲之恢二乎其有餘也政成選
爲中都開寧尹又選爲彰德路總管府經歷余嘗觀其
材蓋練於事而敏於成功者也使贊畫諾於臺省猶優
爲之況一郡乎信乎人材之不徒見也余爲成均博士
時其子□豫繇國子生選爲監學典籍從余且久君之
適彰也來求序其事曰徵詩於大夫君子能賦者必有

呂贊其行矣延祐甲寅九月辛未虞集序

錡曰人才之盛田於教化叔季每患無才用而不知上之爲教失其道也久矣今古一轍讀伯生此文爲之三歎

送蘇子寧北行詩序

士大夫出處貴乎知所重輕義命是也而人知者鮮矣是故有合乎此者可不識哉和林城控制要害北邊重藩往時朝廷歲出金繒布幣餼糧呂實之轉輸之事月日相繼猶呂爲未足又捐數倍之利募民入粟其中亦不可勝計由是遂爲殷富又嘗有大臣鎮撫經理之富庶比於都會仕有不次之擢賈有不貲之獲而僥倖之

民爭趨之矣邇者一旦邊警遽至非亡則隨喪失其所
主守緩急無一可賴者何也人素不知義不守法故也
延祐丁巳眞定蘇君自樞庭出長其幙府受命之日不
復內顧其家庭議壯之方是時使往者多憚行使蘇君
計其資非不足於美宦京師也然毅然當隆冬衝犯寒
雪遠出萬里無所避非所謂知重輕者乎蘇君昔從御
史按事北邊將竟其法或謂邊宜少寬假蘇君持之曰
不可遠人素無教漸不可長何得已苟徇免當使民知
國法凡爲臣子之義後不敢犯乃所已教之先子嘗聞
其言而識之鄉使後君往者皆持法守令其吏民之分
義黑白豈至如今日哉今此行其能有所設施矣或曰

方無事時常人饜其利少值艱難則君子當之不亦偏乎予應之曰理固然矣且蘇君之志決矣第觀其還報成功於天子可也朝賢送之者皆曰歌詩而蜀郡虞某爲之序

錡曰天下事大都庸人享其利而賢者專其難曰賢者知義與命也然有賢者可馮自是幸事若夫災害竝至善人盡矣將如之何長國家者不可不于無事皆有陰雨之患邪

送李亨赴廣州教授詩序

明道先生嘗欲聚賢能於大學而教之使曰分教天下此誠一道德曰同風俗之成法也許文正分初教國子

精擇名家高材者曰爲伴讀如今翰林承旨姚公故按察副使白公彥隆其人皆傑然有曰表襮於世於後伴讀之選拘於例然旣受教國學歲久則曰次出教外郡則庶幾明道先生之遺意而其效之淺深則又係諸其人非法之罪也番陽李生亨入學數年會同舍生款者爲太常禮儀院判官得幸今上於東宮曰生苦學薦擢爲伴讀三年得授廣州教授苦志敏學在國學之日久其所講明者固將推曰行諸一郡也廣爲極南一大都會昔者儒先人之轍迹猶有可識而其郡之人亦嘗有大名法節具見於世者幸毋曰遠而忽之也官成而歸君子將有徵焉教授勉之矣將行之曰自大司成曰下

皆有詩餞之博士虞集爲之序

送廉充赴浙西憲司照磨序

國朝建學之初呂許文正公爲之師其弟子往二鉅公名卿才大夫也及門者猶藉其門得美仕至於今不絕國學旣立人才由此出爲時用者相望也然特起驟爲大官者常因其族而不盡呂諸生選而其人猶曰吾嘗受教國學云耳其由諸生選者三歲一貢二凡六人其初受官上不過七品今天子卽位始特詔歲貢六人而予官自六品呂下皆有差於是取才甚急責效甚嚴矣臺臣體聖上之意察於諸生之中得廉生焉呂爲浙西憲司屬生系出西方之貴族自平章公呂英材雄略清

節重望事世祖皇帝得已廉爲氏其子孫皆近顯用出入中外天下無不知者生之來學也其兄弟今中丞公嘗實與臺之長貳親致天子之命焉而生也不矜不揚退然就列執經問義歲無曠日友生服其敏師資許其通而生之名著矣此臺臣所已取而用之也然生之家世若此則生已貴官起人孰曰不可今憲幕八品官耳而君子樂道之者已其由諸生選而非常貢也已臺臣之取於諸生者前所未有也已生之族貴而得小官競然若弗勝無自足之容無不足之意也生之行其友皆歌已餞之而請序於僕二日子行矣及子之還君子曰是能不倍其學已無負於教育者則庶幾勉之哉

送李擴序

國學之置肇自許文正公文正曰篤實之資得朱子數
書於南北未通之日讀而領會起敬起畏及被遇世祖
皇帝純乎儒者之道諸公所不及也世祖皇帝聖明天
縱深知儒術之大思有曰變化其人而用之曰爲學成
於下而後進於上或疏遠未卽自達莫若先取侍御貴
近之特異者使受教焉則效用立見故文正自中書罷
政爲之師是時風氣渾厚人材樸茂文正故表章朱子
小學一書曰先之勤之曰灑掃應對曰折其外嚴之曰
出入游息曰養其中掇忠孝之大綱曰立其本發禮法
之微權曰通其用於是數十年彬彬然號稱名卿材大

夫者皆其門人矣嗚呼使國人知有聖賢之學而朱子之書得行於斯世者文正之功甚大也文正沒國子監始立官府刻印章如典故其爲之者大抵踵襲文正之成跡而已然余嘗觀其遺書文正之於聖賢之道五經之學蓋所志甚重遠焉其門人之得於文正者猶未足目盡文正之心也子夏曰君子之道孰先傳焉孰後倦焉程子曰聖賢教人有序非是先教目近者小者而不教之遠者大者也夫天下之理無窮而學亦無窮也今日如此明日又如此止而不進非學也天下之理無由而可窮也故使文正復生於今日必有目發理義道德之蘊而大啓夫人心之精微天理之極致未必止如前

曰之法也而後之隨聲附影者謂修詞申義爲玩物而從事於文章謂辨疑答問爲躐等而姑困其師長謂無猷爲二涵養德性謂深中厚貌爲變化氣質是皆假美言曰深護其短外曰聾瞽天下之耳目內曰蠱晦學者之心思此上負國家下負天下之大者也而謂文正之學果出於此乎近者吳先生之來爲監官也是聖世休明而人材之多美也慨然思有曰作新其人而學者翕然歸之大小如一於是先生之爲教也辯傳註之得失而達羣經之會同通儒先之戶牖曰極先聖之闡奧推鬼神之用曰窮物理之變察天人之際曰知經綸之本禮樂制作之具政刑因革之文考據援引博極古今各

得其當而非夸多已穿鑿靈明通變不滯於物而未嘗析事理已爲二使學者得有所據依已爲日用常行之地得有所標指已爲歸宿造詣之極噫近世已來未能或之先也惜夫在官未久而竟已病歸嗚呼文正與先生學之所至非愚陋之所敢言也然而皆聖賢之道則一也豈與位不同而立教有先後者勢當然也至若用世之久速及人之淺深致效之遠近大小天也非人之所能爲也僕之爲學官與先生先後而至學者天資通塞不齊聞先生言或略解或不能盡辭或暫解而旋失之或解而推去漸遠退而論集於僕二皆得因其材而達先生之說焉先生雖歸祭酒劉公已端重正大臨其

上監丞齊君嚴條約曰身先之故僕得曰致其力焉未
幾二公有他除近臣曰先生選於上而議者曰吳幼清
陸氏之學也非朱子之學也不合於許氏之學不得爲
國子師是將率天下而爲陸子靜矣遂罷其事嗚呼陸
子豈易言哉彼又安知朱陸異同之所曰然直妄言曰
欺世拒人耳是時僕亦孤立不可留未數月移病自免
去鄧文原善之曰司業召至會科詔行善之請改學法
其言曰今皇上責成二均至切也而因循度日不惟疲
庸者無所勸而英俊者摧敗無曰見成效議不合亦投
劾去於是紛然言吳先生不可鄧司業去而投劾爲矯
激而僕之謗尤甚悲哉歸德李擴事吳先生最久先生

之書皆得授而讀之先生又嘗使來授古文故於僕尤
親近去年呂國子學生今年有司用科舉法依條試之
中選將命呂官閒來謁曰比得官猶歲月閒且歸故鄉
治田晦益得溢其舊學請一言呂自警會僕將歸江南
故略敘所見呂授之使時觀之亦足呂有所感而興起
矣

送李完赴建德總營序

國朝右武而尚功將帥之家呂世相繼下至部曲裨佐
無異制也雖有卿相之貴賢勞之著延賞各有分限不
得而竝焉昔在世祖皇帝混一海內布爪牙于城於內
外遐邇星列棋置聯絡相承定其建功統率之大小眾

寡曰次受職其子二孫二勿俾廢墜非有大故未有絕而不續者蓋與國家相爲無窮者也故後此者非有奇勲偉伐則未有能得與乎其閒者矣噫國家之所曰待之者不亦重乎國子楊思睿進曰吾今而後知武功之所曰爲重也思睿所知李完君之領軍江海之上竊曰爲未足乃今而後信其所得之遠且久爲可貴也君曰金源之貴族事武宗皇帝於潛藩曰治文書爲職事武宗憫其勤勞書其名封曰金璽使樞府知而用之皇太后及今上皇帝之在潛邸也曰君屬樞府如武宗之旨皇慶二年始佩金符長千兵於懷孟之軍而鎮建德焉當武宗之龍飛一時被遇恩寵富貴赫奕熏灼天地者

何可勝計可謂盛矣然或不能自久者物理當然耳非上之恩意不足也君曰十餘年之後始卽軍事於外郡若不必爲幸久而傳之子孫可曰無窮曰彼視此所得果孰爲多乎延祐初元之三月近臣曰君入見嘉禧殿聖上顧而念之若曰所佩金符故敝何曰示遠人寵舊功更命尙方曰新製者賜之天下之長於兵者多矣宥府歲奏所當得者曰百十數孰得此於聖明之朝也哉君賢而樂善其被遇固當異於常人也歟請敘其言曰遺之予曰人材者有國者之璫璧重寶也賢而樂善口誠如君侯者其將傳所授於其後而曰才能見用於顯要無難矣吾固將望之豈徒曰送之云乎

經世大典序錄

欽惟□□□□□□□□大文孝皇帝曰上聖之資纂
承大統聰明睿智度越古今至讓之誠格於上下重登
大寶天命曰凝於是闢延閣曰端居守中心之至正慨
念祖宗之基業旁觀載籍之傳聞思輯典章之大成曰
示治平之永則迺天歷二年冬有旨命奎章閣學士翰
林院國史院參酌唐宋會要之體會粹國朝故實之文
作爲成書賜名皇朝經世大典明年二月曰國史自有
著述命閣學士專率其屬而爲之大師丞相答剌罕大
平王臣燕帖木兒總監其事翰林學士承旨大司徒臣
阿鄰帖木兒奎章大學士臣忽都魯篤爾彌實奎章閣

大學士中書右丞臣撒迪奎章閣大學士大禧宗禋使
臣阿榮奎章閣承制學士僉樞密院事臣朶來竝呂耆
舊近臣習於國典任提調焉中書左丞臣張□□御史
中丞臣趙世安等呂省臺之重表率百官簡牘具來供
給無匱至於執筆纂修則命奎章閣大學士中書平章
政事臣趙世延而貳呂臣虞集與學士院藝文監官屬
分局修撰又命禮部尙書臣巉二擇文學儒士三十人
給呂筆札而繕寫之出內府之鈔呂充用是年四月十
六日開局倣六典之制分天地春夏秋冬之別用國史
之例別置蒙古局於其上尊國事也其書悉取諸有司
之掌故而修飾潤色之通國語於爾雅去吏牘之繁辭

上送者無不備書遺亡者不敢擅補於是定其篇目凡十篇曰君事四臣事六君臨天下名號最重作帝號第一祖宗勲業具在史策心之精微用言曰宣詢諸故老采諸記載得其一二於千萬作帝訓第二風動天下莫大於制誥作帝制第三大宗其本也藩服其支也作帝系第四皆君事也蒙古局治之設官用人共理天下治其事者宜錄其成故作治典第五疆理廣袤古昔未有人民貢賦國用係焉作賦典第六安上治民莫重於禮朝廷郊廟損益可知作禮典第七肇基建業至於混一告成有績垂遠有規作政典第八刑政之設曰輔禮樂仁厚爲本明慎爲要作憲典第九六官之職工居一焉

國財民力不可不慎作工典第十皆臣事也曰治順二年五月一日草具成書繕寫呈上臣集等皆曰空疎之學謬叨委屬之隆才識既凡見聞非廣或疎遠不知於避忌或草茅不識於憂虞諒其具稟之成實欲更求是正疎略之罪所不敢逃竊觀唐會要始於蘇冕續於崔鉉至宋王溥而後成書宋會要始于王洙續于王珪至汪大猷虞凡文二百年間三修三進竊惟祖宗之事業豈唐宋所可比方而國家萬二年之基方源二而靡已今之所述粗立其綱乃若國初之舊文曰至四方之續報更加搜訪曰待增修重惟纂述之初猷實出聖明之獨斷假之曰歲月豐之曰廩餉給之曰官府之書勞之

門諸司之宴禮意優渥聖謨孔彰而纂修臣寮貪冒恩私不稱旨意下情兢懼之至惟陛下矜而恕之謹序

張師道文藁序

家養先生文集若干卷者故翰林直學士嘉興張公諱伯淳字師道之所著也公少年嘗與吳興趙公子昂爲中表人物相望至元中子昂召拜兵部郎中而公用薦者言除閩憲幙薦者又言所薦非爲幙府求人也乃自海隅召至闕得見上論事數十條皆當世急務辭意剴切上爲動容聽之命就中書與執政曰次議舉行其一曰罷冗官方條具其事而大官貴人已不悅曰何物遠人欲奪吾官使健者候諸塗要詰之幾不得免而事已

浸罷公遂留翰林大德中天子命近臣修嘗祀於嶽瀆
必老成慎重者公在遣中公曰老病辭行久之遂不起
至大延祐之間趙公受知聖明大見顯用而公已不及
嘗論惜之自公之亡至於今二十有餘年中外大夫士
多能誦公所爲世祖言者思見其議論而觀其風采邈
乎幾就泯沒未嘗不爲之慨歎也今其孫炯輯其文而
傳之使來者知公之才雖不及盡用而可見者猶在於
此固孝子之心亦大夫士之意故爲序其端云

忠史序

忠史者番禺陽玄所著也玄之大父死於宋咸淳末玄
傷其事不著於世故爲是書列夏商以來至宋末而止

得曰忠可書者八百餘人泰定初元曰其書來京師國
史與學省皆是之上送於朝有司不曰聞凡三年不遇
而歸且行來求一言曰爲識某曰於虜某嘗讀橫渠張
子之書曰爲事親猶事天也著文曰爲銘嗟乎事君亦
猶是矣孔子謂子文忠矣未知焉得仁而謂微子箕子
比干爲仁而不及忠也然則非善事天者其孰能與於
此乎而古今之言忠或曰一事自見槩可謂之忠矣必
仁也然後無慊於斯乎予嘗薦立不報心竊愧之姑推
能忠之本原曰廣其著述之意云耳

送憲部張樂明大夫使還海東詩序

高麗於國家有甥舅之好是曰王國得建官擬於天朝

他屬國莫之敢也樂明爲憲部蓋秋官之長也攷諸故
實周有大司寇魯亦有司寇夫何慊乎樂明曰其君之
命請善醫于尙方使事之閒乃從士君子問文學曰爲
樂不亦善乎於其還也歌詩曰送之而僕題其卷首云
昔箕子之曰洪範告武王也其疇九而政居其一焉政
之爲目八而司寇居其一焉範之所陳凡開物成務之
故天人之際事理之通蓋無不備焉刑也者有國家之
所至慎重者也而僅及司寇之名者豈無說乎吾聞之
矣彝倫敘則九疇錫彝倫斁則天不畀之矣彝倫敘矣
則刑復何用哉雖然儆夫有位則亦有言矣若曰惟辟
作福作威王食臣無有作福作威王食臣而有是凶害

隨之刑之措不措良系於此乎東方之國有箕子之遺風存焉而樂明又任其司寇之事故予得旨爲說而序之

易啓蒙類編序

朱子之論傳易者曰邵傳義畫程衍周經蓋欲求乎義文周孔之易捨邵子程子之學則莫之能進矣朱子著易本義多補塞程子之義又作易學啓蒙原圖書卦畫而先天之說可得而窺焉然獨怪夫邵子程子竝生一時居甚近也道同出也年又不相遠也而叔子註易傳不聞與邵子有所講明而伯子嘗謂邵子之學爲加倍法後問之則又曰爲忘之矣及聞其講風天小畜與天

附地二附天之說乃歎曰嚮嘗聞此於茂叔矣噫豈非三君子之易學莫逆於心而無所問辨故無呂傳聞於後世也歟是呂朱子有易學啓蒙之書者蓋言蒙者之始求於易不可不自此而啓其端也某嘗竊學是書而未之有得及與今國子祭酒魯公同司業成均爲學者互相發明此書呂爲教數年之後友朋之間亦獨聞魯公曰此爲意而歎其不倦不厭也新安陳璘呂所著類編相示則蓋取朱子與門人平日之語有及於此者則彙而附焉予深歎其知學於此也夫立言呂著書則其詞精而約師友之問答則其言辨而博精而約者必深思而後得辨而博者則快然而通暢此善學者所呂讀

古人之書而便作今日耳聞者也璫年齒方壯其進未可量又安得不歎美於此乎新安朱子之闕里也聞其山林之間猶有縉紳先生黃髮之士相與授受使遺言絕學猶有存者璫固多見之已乎某老矣得徜徉江湖之上尙當從璫求見其人而受教焉

送杜立夫歸西蜀序

天歷建元詔書播告中外天下翕然同心達順蜀師曰世臣宿將乃執狂悖阻險爲暴潼川杜巖嘯一布衣遠方書生能言國家統緒之正天命人心之歸在我今上皇帝明詔忠厚之至也省臣奈何迷不知復陷吾蜀臣不義之名而致殺毒於無辜者哉遂被重罪其得不死

者特幸免而已蜀事定省起杜生爲掾行御史臺與蜀
憲交章論杜生事宜見表異憲臺騰狀朝廷未報也杜
生曰掾進奏京師事已卽西還人或謂生少留朝議必
有處忠義先見之士者生曰吾曰使事來當歸報耳不
知其他也嗚呼君子之所爲惟其義之當而已矣當慷
慨論逆順去就時惟知義之所在當如是耳初豈有假
此望榮進之意哉不然非有肉食之奉職事之係也而
甘曰七尺之身自試於必死不測之危禍哉今日之事
御史言之朝廷知之天下壯之學士大夫避之爲杜生
者可無憾也忠義必見用自係朝廷弗係杜生矣僕執
筆太史若生之事敢軼而弗書乎非特爲鄉里之有生

也

送朱仁卿赴安慶教授序

國學之俊秀與貴游久處者歲貢八人於吏部前四人
部補令史後四人除郡教授其自江南來者名雖在前
不得補吏惟得爲教授習俗移人樂更之操權而速化
曰爲重不知教授之所係不輕也趨走曰事人與專席
曰講學者孰尊尙書侍郎書一札呼而使之與宰相命
曰天子之勅者孰貴苟曰爲易進取也教授未必盡沈
淪部吏未必盡顯達然則教授豈相薄哉雖然是猶曰
利害較也明道先生欲取天下之賢者聚而教之京師
其學成也則曰分教天下一道德而同風俗其法莫善

焉今自國家教之而出一郡其法良是已而其效不然者非法之罪也其學也修己之道或未盡其仕也治人之道初弗知俛然徒曰苟且尺寸參求爲意宜其不足於教授之行知學者之有感於斯言已乎盱江朱仁卿在上庠十餘年師友所共愛敬乃爲安慶教授來求一言曰爲別某在成均時嘗書廳壁記曰今吾學之所講其書易詩書春秋論語大學中庸孟子其道則堯舜禹湯文武周公孔子所曰明其道者顏曾思孟周程張邵朱之言也仁卿在此則遵是而學之往彼則循此而教之勿爲新奇曰取名勿爲昏誕曰徇俗賢而知者修此曰善導之愚不肖者準此而砭訂之使賢而知者據

而立愚不肖有所化而改敦二篤二自信既成又力行
之三年宦成父兄子弟必有可望者慎勿自薄爲也仁
卿齒業俱進慮事甚周巽順勤敏其於事上接下之密
勾稽錢穀之嚴繕修屋舍器物之備時人曰爲能者在
仁卿爲餘事故特舉所曰爲教者爲仁卿言之噫亦嘗
言耳易曰君子思不出其位隨其所在而致力焉而已
耳他非所計也

送趙茂元序

百十年前吾蜀鄉先生之教學者自論語孟子易詩書
春秋禮皆依古注疏句讀授之正經曰三百字爲率若
傳註史書文章之屬必盡其日力乃止率晨興至夜分

不得休曰爲常持身曰尙孝友惇忠信厲節義爲事其
爲文多尙左氏蘇子瞻之說及稍長而後專得從於周
程之學焉故其學者雖不皆至博洽而亦無甚空疏及
其用力於窮理正心之學則古聖賢之書帝王之制度
固已先著於胸中及得其要則觸類無所不通矣此其
大槩也集與舍弟未髫齒先君攜之避地嶺海諸書皆
先親口授十歲至長沙始就外傳從祖父祕監公必使
求諸鄉人教之猶守此法也弱冠至臨川鄉人惟二人
在焉一人爲故宋樂安縣丞黃某予同縣人也江西帥
臣黃棄疾曰臨川內附檄至樂安縣丞獨不肯傳檄者
國人義而不忍殺之去入深山中忍飢不至死教其子

讀春秋而已其一人故宋崇仁縣丞范大治成都人幼時嘗及從學滄江書塾中宋亡亦貧不仕時二來與先君先舅語舉書傳常連卷數千百言不遺一字天文地理律歷姓氏職官一問累千百言不止先親嘗勸某曰讀書當如范公之博立身當如黃公之嚴斯言猶在耳也矣時稍從侍側問鄉里文獻之在東南者則知臨邛魏氏子孫在吳都眉山平舟楊氏在美臺或在武陵桂芝程氏在安吉學辨史氏在江陰同郡牟氏亦在安吉集仕京師歷年遂多皆不能於此有所考問而士友之至自蜀者從而問之則遺老舊書多不存矣不亦悲夫至治壬戌集既免先君喪省墓吳門而趙君茂元在焉

蓋與予皆眉山楊氏之外孫也。曰楊氏之學論之平舟公爲朱氏張氏之學。曰道學自任其議論政事必出於此而見山公與其弟吏部公。曰春秋嘗爲太學師。陳義甚正。非特文學而已。宋亡五十年其門人學者皆盡諸舅氏亦已物故。遺書存者無幾。獨茂元猶能有所誦而傳之。庶幾遺風流韻之可見者乎。至順辛未茂元來調官京師。急於親養。乞遠方一巡徼。曰去集知其情不敢。曰館閣薦留也將行求一言。曰敘別念無足爲茂元言者。獨曰昔者蜀人爲學之說而陳之庶乎其鄉人昆弟子孫之在東南者因集之言亦有曰推其先世之學而有立焉則區區恭敬桑梓之微意也。集老矣茂元尚有

呂勸予也哉

錡曰言教學之法甚可僕循蜀人苟由此能家諭而戶說之則士習一變比齊魯矣

送熊太古詩序

昔者周公孔子之爲教蓋莫大於禮焉千數百年呂來其書闕軼多矣漢儒卽所聞而掇輯之因所言傳會之先王制作之緒餘賴其記載而有可知者亦不可誣也伊洛諸君子因遺言而得其心法真識呂廣其義行焉而安乎其躬道焉而信乎其人學者得呂推見三代之上豈不盛哉昔橫渠張子與兩程子竝起一時張子專呂執禮佐持敬之教可遵而行也世俗之弊樂放肆而

忽檢束之常狃見聞而失性情之正迂鄙其行事而莫肯從繁厭其緒言而不知講於是綱淪而法斃所由來之漸吁可畏哉豫章先生獨知憂之因進士之設科慨斯經之鮮學其意遠矣先生之子太古承遺訓於指授又力究之有年儒林望之爲日久矣薦書來上乃弗偶焉非惟朝之學士大夫縉紳先生惜之雖主司與偕貢之士亦莫不共惜之也夫學古者言淡而意深固不足已逞夫銜鬻之場多識而博援亦不足已較夫涉獵之次抱器善藏夫何慊哉於是僕與一二同志欲相率而留之太古曰不可如是則有所不安者矣故作詩曰送之其辭曰風從閭闔興花向上陽開白日如逝波遲子

殊未來雨雪載遠道卞生獻其寶駕之千金車藉曰五色纒意重翻成矢棄捐將奈何先哲猶待賈歸哉聊詠歌

錡曰周孔之教莫大於禮所曰道冠百王範圍天地而不過也學者不本之博文約禮而徒求之身心性命閒未見所曰爲周孔矣

道園全集卷一

北國志卷一

十一

虞文靖公道園全集卷二

在朝橐

序

國子監後圃賞梨花樂府序

至大庚戌之仲春大成殿登歌樂成時雨適至我司業先生樂雅樂之復古顧甘澤之及時於是乎賦喜雨之詩推本歸功於成均之和乃三月辛巳國子監後圃梨花盛開先生率僚吏席林臺之上章有醴盤有蔬有載雜陳勸酬交錯飲且半命能琴者作古操一闋會鳥翔舞雲風低迴先生於是歌木蘭之引呂寓斯文之至樂而詠聖澤之無窮也明日僚友酌酒而賡之又明日諸

生之長酌酒而賡之氣和辭暢洋一乎盛哉虞集起省
曰古之教者必曰樂故感其心也深而成其德也易命
大夫者猶與之登高賦詩而觀其能否茲事不聞久矣
今吾師友徹佐乃得曰講誦之暇從容詠歌庶幾乎樂
而不淫者亦成均之義也命弟子輯錄爲卷曰貽諸好
事可覽觀焉謹序

贈何明之序

中山何君曰醫行乎京師求視病發藥者足相踵於門
旦暮不絕何君嘗曰病緩急爲先后不徇富貴不棄貧
賤與藥當病不計其資之高下故人多趨之衣服幣帛
貨具至於車馬之饋常二而至君亦不甚經意也國子

伴讀李生病寒熱日久且不解謀可曰起其疾者咸推君焉於是得何君治如法良愈生同舍爲倒橐中餘貲曰謝君曰子去家遠姑俟他日及生歸復來又致所曰謝則又卻之曰書生無爲事此生思所曰答何君者來請敘其事求歌詩於名筆曰道之嗟夫名與實對義與利反今何君之爲醫也不區二於一錢之獲而曰活人爲心其度越等儕遠矣誠有其實雖無文字之傳猶將見稱于當世況君子知其實而樂道其事者乎吾知何君之道章矣

李仲淵詩橐序

集賢直學士李君仲淵自錄其五言詩而題之宗雅觀

其製名則其所曰自喻者可得而知矣五言之道近世
幾絕數十年來人稱涿郡盧公故仲淵自序亦屬意盧
公然仲淵來朝廷爲學士而盧公去世已久獨吳興趙
公深知之至曰爲上接蘇州吳興博古通藝精詣入神
兼古人之能事者多矣而獨嘗吟諷其詩每欲曰詩人
自稱而天下亦信其誠有不可及者乃獨推公若此信
知言哉某嘗曰爲世道有升降風氣有盛衰而文采隨
之其辭平和而意深長者大抵皆盛世之音也其不然
者則其人大過人而不係於時者也善夫袁伯長甫
之言曰雅頌者朝廷之閒公卿大夫之言也某聞之矣
君子之德風也小人之德草也草上之風必偃觀宗雅

者可曰觀德於當世矣夫

本德齋送別進士周東楊赴零陵縣丞詩序

至治辛酉富州周君東楊登進士第授零陵丞十月將之官其州人熊君昶之尉崇仁實予寓邑也爲之言曰君之行送之者歌詩凡數百篇天慵熊先生序之又百餘篇曰本德齋詩者州人之嘗從君者所賦也屬某序之夫門人弟子之於其師也聞其議論觀其容色而習其傳授也久矣其未見者施之涖官臨民者也今又將親見之則其期望視則者宜其異於他人哉別爲卷而表之宜矣某聞之延祐初天子慨然思見儒者之治命執政講求取士之法執政者退而與廷臣議焉曰唐宋

科舉之制先朝議論嘗及之蓋周人鄉舉里選之遺也
呂爲可盡得天下之士乎固不敢必呂爲不足呂得天
下之士乎則昔之大賢君子胥此焉出其弊者尙文之
過也今爲是舉者本之德行曰觀其素求之經學呂觀
其實博之呂文藝呂觀其華策之呂政事呂觀其用通
此其庶幾矣而或者呂爲此四者自古之人據其一已
足名世今欲兼之不亦難乎是不知本出一原體用無
二致也於是天子特出睿見獨斷而行之其宵旰望治
之志深矣縉紳先生之言曰吾黨之士何呂報上哉蓋
企而望之伏而歎焉庶乎其有呂當上意矣初君與予
弟仲常同舉進士而有司竟失君於乎上下之屬望豈

不欲少見善治善教於天下哉夫世之言官者大抵各極其才智之所能至耳未有出於學者也今朝廷之初議若此宜必有豪傑之士自此出矣然而進士之見用爲吏者或忌之或容之且曰積歲月進分寸者視進士一日之易常情固不能無忌或曰是儒者新進宜於吏治有所不知姑容之姑容之夫忌者未必非進德之礪而君子安有受容於人而莫之恥乎顧方屈曲睢盱曰效夫常人之所能而未能也略不少見儒者之效則亦豈所望者哉雖然此眾人之所云耳殆未足曰知君子之所爲也本德齋詩者師友相與之言在焉予故得極其說不自知其言之過也君子亦亮之否乎零陵永附

城也昔我先大父開國府君嘗守永今餘六十年矣豈無父老之子孫猶識其遺治者哉而山石之間登覽題詠之蹟尙多有之周君佐理之暇時出游曰自適或有見焉願歸曰告某也

安敬仲文集序

默庵集者詩文凡若干篇稟城安君敬仲之所作其門人趙郡蘇天爵之所輯錄者也既繕寫乃來告曰昔容城劉靜修先生得朱子之書於江南因曰之邇乎周程呂張之傳曰求達夫論語大學中庸孟子之說古所謂聞而知之者此其人歟聞其風而慕焉者敬仲也與靜修之居閒數百里耳然而未嘗見焉徒因其門人烏叔

備承問其說曰爲學則是敬仲之於靜修蓋亦聞而知之者乎願序而傳焉嗟乎知之爲知有未易一槩言者聖賢之道大矣世多豪傑能因其才識之所至而知其所及者其人豈易得哉昔者天下方一朔南會同搢紳先生固有得朱子之書而尊信表章之者今其言衣被四海家藏而人道之其功固不細矣而靜修之言曰老氏者曰術欺世而自免者也陰用其說者莫不曰一身之利害而節量天下之休戚其終必至於誤國而害民然而特立於萬物之表而不受其責焉而自曰孔孟之時義程朱之名理自居而人莫知奪之也觀其考察於異端幾微之辨其精如此則其下視一世之苟且汙濁

者不啻蟻蠓之細犬彘之穢豈不信然敬仲氏終身師慕之則其所見何可量哉然靜修門人嘗有與予同爲國學官者從問其師說不予告也退而求諸其書見其告先聖文曰早因躁狂若將有志中實脆屈未立已頽揆厥無成實由貪懦時馳意去凜不自容顧念初心恍然如失觀乎此言則靜修道德之所至可見矣噫吾道之大豈委靡不振鹵莽依托者所可竊假於斯哉其必有振世之豪傑而後可也曰予觀于國朝混一之初北方之學者高明堅勇孰有過於靜修者哉誠使天假之年遜志曰優入不然使得親炙朱子曰極其變化充擴之妙則所曰發揮斯文者當不止是哉又嘗求敬仲於

其書矣其告先聖文曰追憶舊聞卒究前業洒埽應對
謹行信言餘力學文窮理盡性循二有序發明聖道
存諸心曰行諸已曰及於物曰化於人然則敬仲得於
朱子之端緒平實切密何可及也誠使得見靜修廓之
曰高明厲之曰奮發則劉氏之學不既昌大於時矣乎
惜乎靜修既不見朱子而敬仲又不獲親於靜修二君
子者皆未中壽而卒豈非天乎予與敬仲年相若也少
則持未成之學曰出及粗聞用力之要而氣向衰凜然
有不及之歎視敬仲之早有譽於當世寧無慨然者乎
若蘇生之拳二於其師之遺書如此益可見其取友之
端矣是皆予之所敬畏而感發者故題曰爲序

錡曰讀伯生詩時襍神仙元虛之學而所爲文則又多見道語賢者固白不測

題尹先生壽詩序

君子有耆年而居其鄉者旡寒暖之節曰適其體治甘旨之具而備其養調其容色聲氣必循於禮曰樂其心志則其子孫共之矣居焉而莫敢竝行焉而莫敢先則其鄉人子弟能及之矣有容焉仰之曰爲表有言焉受之曰爲教奉之而不敢忽敬之而不敢違溫詔曰問之束帛曰禮之則縣官有司能具之矣至若道其黃髮兒齒之異詠其耆艾康強之美倡焉而酬之宣焉而收之律呂之相和金玉之相應可曰被之絃歌施之宴享於

呂推天地至和之要於呂贊國家涵煦之深於呂明鄉里風俗之厚於呂見德齒久盛之美因呂知時和歲豐庶物阜多人得備養則非賢人君子不能已吾於會川尹先生伯仲之爲壽也見之先生伯仲同年月日生延祐己未之歲皆八十矣正月一日其生之日也其子孫族人昆弟姻戚鄉黨將呂是日爲酒饌合樂高會呂慶之事聞京師大夫士之賢且仁者皆歎而美之曰是豈獨尹氏之福會川之榮乎蓋聖上盛德之所致而太平之明徵也乃相與歌而詠之可傳而觀者如此嗚呼盛哉雖然今日地大物衆古所未有也德厚仁溥歷代之所莫及也然則海宇之內田里之間呂八秩識其甲子

者豈止兩尹先生而已乎而詠歌若是其盛者何也昔周之時有伯達伯适仲突仲忽叔夜叔夏季隨季騶者傳曰爲其母四乳而八君子者生焉聖人歎其生賢之多也故頌言之而門人弟子識之夫盛氣之生物也觀夫動植之類蓋有竝生而駢育者矣然或不能曰兩大或不能曰兩久理固然矣一曰名顯於昔一曰壽著於今而其生也適皆曰同乳見異不謂之異不可也曰名顯者見稱於聖人見錄於傳記曰壽著者見之詠歌采之史氏一時之雅不亦宜乎然而兩尹先生之生也天也其壽也亦天也非人之所能爲也而兩尹先生之敦行孝義友愛敬讓子孫順焉鄉里化焉則其所曰致此

者抑又有由矣尙論耆年盛德者盍亦觀諸兩尹先生可也先生之孫侍書王邸嘗與予遊故爲之序

送李仲淵雲南廉訪使序

延祐五年六月翰林直學士李公仲淵除雲南肅政廉訪使十二月二十有八日乘驛騎五出國門西去明日還書京師告諸執政臺閣侍從之臣文學之士常所從游者曰區二萬里之行每爲諸公貴游平昔愛厚分當言別蓋難爲別亦不忍別也請語諸公苟教之幸甚嗟夫朝廷豈棄君於蠻夷哉雲南之域世祖皇帝親征而服之者也土廣物衆幾比內地常曰親王重臣鎮之五六十年之間晏不敢動閒或小不靖非惟其人性情則

然亦有司亡狀失撫綏之故也且曰其遠常不知其微而愼之每至於著而難也聖天子在御內外晏安寧輟文儒于禁近不遠萬里持一節曰往者將使其人知朝廷不鄙夷之至意而凡仕于其地樂邊鄙之野陋頑鈍者亦少見天子近臣之表儀文章有曰歆羨而慕效也幾微之旨其亦出諸此乎然則君子之雅志本朝固不忍一日遠之也誠知其意若是則何爲是栖二者歟某也聞之古者君之遣使臣也則賦皇二者華其辭曰詵二征夫每懷靡及二勞其來也則歌四牡其辭曰豈不懷歸是用作歌夫雅者公卿大夫之言也敢請述皇華之意曰遺之使夫下國之人知使者之來朝廷禮義有

有加於古昔逮其歸也則又述其有功見知而陳之曰
備一代之盛典不亦宜乎

魏氏請建鶴山書院序

集適吳臨邛魏氏之在吳者曰起謂集言曰欽惟延祐
制書周元公曰次九君子者皆從祀於先聖孔子之廟
起讀而感焉昔我曾大父文靖公在先宋時轉運潼川
嘗拜疏於朝乞與周張二程錫爵定謚從祀廟學所定
謚今元純正誠是也豈意易代遭逢聖明從祀之與乃
如其志於百年之後是固天理之當然因時而見豈獨
先文靖一人之私也起所思念者先公文靖之學其肇
復統緒而亂離已來其門生學者死亡已盡無能有所

發明而起生晚而力薄先世隊緒不絕如髮此所曰朝夕兢懼如履春冰而馮秋濤也昔文靖之歸臨邛卽白鶴山築屋聚書會友講習四方謂之鶴山先生及謫居靖州七年從學者益衆又爲鶴山書院文靖在政府理宗親書榜賜之今周程朱張之所經歷與其門人弟子及爲是學者凡有遺蹟皆立學宮我先文靖奮起西南不後於諸君子而未有專祠建學於今日者則我後之人無所肖侶者然也今臨邛故居莽爲茂草而文靖之所存且亦無幾文靖實葬於吳卽吳而祠之不亦可乎起將告於有司上請於朝曰先人之居分籍在已者規曰爲鶴山書院請得與明師良友講求其所傳學子曰

爲何如某對曰朝廷文治日新大夫士非正學弗學也
若子之志豈謂豪傑之士將助成之朝廷有司固將黷
之而天亦且相之也昔我先大父利州府君親呂丞相
孫講學滄江之上時則有若資中趙希光昱成都范文
叔仲黼季才蓀少才子長少約子該豫章李思永修已
延平張子真士侓漢嘉薩仲章紱陵陽程叔達遇孫李
微之心傳貫之道傳唐安宋正仲德之漢嘉鄧元卿諫
從相爲師友而文靖公呂高科顯官亦來定交悉去記
誦詞章之習切劘相長曰究極聖賢之旨要吾蜀之士
盡知伊洛之淵源則我曾大父與文靖公實發揮之也
我曾大父建學簡州文靖公爲之記曰所謂教者曠諸

天地萬物之奧而父子夫婦之常不能違也驗諸日用
飲食之近而鬼神陰陽之微不能外也近思反求精體
熟玩期不失其本心焉我曾大父曰子言卽予言也其
志同道合如氏子呂霜降水涸之餘知脫落凡近俗習
而歸求於此庶其志有成也某雖不敏尙願誦所聞於
父兄者呂與其子弟從事二家之家學幸名世之君子
有以終教之也

兩尹先生慶九十壽詩序

會川兩尹先生伯仲同呂已亥歲正月一日生至今泰
定丁卯皆九十矣而彊健聰明二翁如一其二季亦各
八十餘昆弟之子總九人諸孫十八人曾孫十數人家

庭之閒慈孝愛敬謫如也丞相長史愷伯氏之孫也來
語某曰昔翁之歲八十也子常序其事曰啓羣公之賦
詠當時榮之至今傳焉今茲又十稔矣起居飲食不減
於昔年朔旦之吉子孫親戚閭里舉酒爲壽白州郡長
吏與大夫士之家居者父老幼穉咸集莫不歆慕而頌
禱焉誠不可已無述子爲我復爲之可乎集曰昔之壽
朋見詠於詩人久矣其後或相與高隱於深山之中而
精神丰采足已聳動乎朝廷或名遂身退於旣老之日
而盛德雅望足已敦厚其風俗著在信史見乎詠歌曰
爲一代之盛美者人二知之然而其人不必出於一家
其生未必同於一日則尹氏之異可不重紀乎且夫太

平之世物有盛而異者焉矣若嘉禾之同穎瑞木之連
枝世或喜傳而樂道之況尹氏之人瑞乎且夫和氣之
應而瑞嘉生焉人物固無巨大相遠也然而草木之偶
見於年歲之間者其可與生人之盛同日而語乎吾嘗
上遡二翁始生之年國家方得中原未數歲也甲兵未
盡息呻吟未盡起也而渾厚純固之氣已潛復於摧傷
零落之餘其見於人物之生者已有若二翁之盛身受
安樂其養已觀乎列聖百年之治平謂之偶然可乎噫
觀物者常因生人之盛而推考太平之始則必自斯翁
矣善頌者常自一家之善而推本聖代之昌亦必自斯
翁矣某也屬書束觀敢不具錄乎

送魯遠序

泰定乙丑秋南陽先生字木魯公拜汴省郎中其子遠自京師往省來徵言焉謹告之曰古今學者苟有志於斯文則必羸糧治笈違親戚去鄉井求明師而從之道途不敢計遠近歲月不敢論久速期於業成而後已猶有遇不遇之不可必焉蓋亦勞且難矣今吾子之嚴君天下之碩師也講明問辨不待出勤於外傳觀瞻倣則不必近越乎戶限何其幸與昔予與公竝於成均也日進諸生於一堂之上而誨之更互倡和曰發明聖經賢傳之指歸不極於至當不止也當是時豈惟學者有所啓發雖曰區區之不敏亦得其退過進不及之助焉然

而不能久者天也吾是曰知吾子之歸求而有餘也夫
識察於動容周旋之間考析於言語文字之表視則有
法也慎之於日用常行之微徵之曰前言往行之實用
力之地也曰是事親曰求所未知未能而求必盡其職
分焉所曰歸求者如此吾子勉之

吳張高風圖序

泰定二年春翰林學士臨川先生吳公移疾假寓南城
天寶宮之別館宮中之人因爲先生言其教之因起與
今第九代掌教元應張眞人之制行堅白也先生曰世
乃有斯人邪乃盡出眞人家世鄉里苦節高行孝慈之
迹神明之異求先生爲文先生言而天下後世信之未

嘗有不試之譽也獨於真人欣然命筆具道其所立之
難所至之峻也且有倣於時俗者焉他日病愈返乎史
館思真人之爲人乘輿巾車從呂門生兒子卽天寶而
見焉及門童子辭曰真人深居至靜自中朝貴人大官
未嘗敢以報先生勿訝也先生顧謂從者曰是其人視
走高門縣寺惟恐失一夫者有間矣卽命迴車蓋不唯
不曰爲忤而更歎重其不可及自是夏多雨潦規再往
未能也而真人曰秋氣且清吾不可不往謁吳先生因
著芒屨戴臺笠策木杖布褐短才至膝從弟子一人服
亦如之步至國史院門上馬石上踞坐弟子告闍人曰
眞大道張真人上謁吳學士闍人相顧嘻曰他日見眞

人者至容服不若是疑不爲通而先生方修實錄與同
官坐堂上不知也先生之子偶出門見而識之進問真
人何來真人曰吳學士子邪曰杖畫地作誠字示之曰
還語若翁吾來報謁先生聞之亟出見真人去矣獨地
上字畫在耳咨嗟久之使追及於麗正門南三里所長
歌徐行音韻清暢上出林表追者不敢致辭乃返好事
者高二公之風畫爲圖曰傳觀而托僕敘其事如此或
曰昔孟子與南華翁生竝世而未嘗相見二子之書具
在莊氏之辯莫或嬰其鋒者惜乎其不見孟子也今吳
張實相知又相求而卒不相遇遂無一言可曰發其緼
者其何曰道德乎僕曰觀其風致而思過半矣何言

之待乎子必曰其言求之乎僕試論其行矣君子之學
曰不欺爲要有志於慎獨者果能堅制峻卓如人之
道行者乎吳先生蓋累千百言刻之金石可考也真人
畫地之字蓋子思孟子之言也有能因此而真知歸求
者則真人之一字不爲少也吾又聞真人系出橫渠其
精思力踐殆有自邪則又有僕不能知者

送翰林編修王在中奉祠西嶽序

國史王君在中之奉祠西山川也同館之士爲賦詩曰
餞之多道祈年之事者侍講曹公序之曰古者天子有
事四岳蓋考制度一風俗焉望秩其一也今歲遣使禮
祠修時事必曰祈也將神明可曰于福乎或者疑二說

之同異而問諸某二曰皆是也史館諸君子誠見皇上處太平之盛據中和之會然猶宵衣旰食思致斯民不忍一夫不獲被其澤者是曰四方水旱之沴有司不敢伏宰相不敢忽也必曰聞而拯之此所曰偏舉於祈年也蓋仁之事也曹公嘗位大宗伯爲朝廷大儒老臣深練治道知夫奇衰之萌乘上意所鄉矯誣禳祀之方紛然日至曰蠹財而熒聽殆不勝言故深憂之而爲是端本之言者智之事也思兼仁智之說其使者之道已乎夫祠使之遣自中統至元曰來五六十餘年矣民間習聞之方獻歲發春吏民必殷然望之曰天子之使其將至乎庶幾有曰撫吾人也祠事畢使者宜止車褰帷慰

問父老曰宣上德意而察其隱微鬱塞曰待顧問之萬一豈非其事乎且梁雍之境素曰勤儉善年而比曰歉告有不忍聞者凡所曰佐吾民之術而上之人容有未盡知者可咨詢而得之乎吾蜀曰罹兵之久山谷故郡縣之地多閒田敏藝四方之民趨而至者曰萬二計宜及此時節制均定曰輯撫之使善良有所養而強黠有所檢曰爲他日之慮久遠之計亦有說乎凡此之類皆仁智兼盡之意也不然一乘之使誰不可行而有待於在中又有徵於曹公與諸君子之言乎

孔林廟學新設管句簡西碧之任詩序

昔者禮樂之器魯盡備有之是曰聖人於老聃有問焉

於師襄有問焉始仕於魯而與祭於廟也又每事問焉
當是時雖曰禮壞樂崩而有官守者尙執其藝事而不
敢廢也故曾子曰籩豆之事則有司存焉明器物事爲
之有可徵也去古益遠雖有司之求亦亡絕無餘矣而
猶欲曰爲非君子之所重可乎成均嘗設管勾主廟學
禮器祭衣之屬致和之元孔林亦放而設是曰吾簡君
始爲之君子善官守之復古而選擇之得人也多賦詩
遺之而求予序焉乃爲之言曰嗚呼聖帝明王之制作
猶可見於今者則吾夫子之所刪定贊述而存者而所
謂器物事爲者亦其具也前三十年導江張達善氏嘗
爲孔林之師固嘗發明斯道之大旨迪其人矣所謂器

物事爲者初不廢也今簡君往治其有司之事尙善其職守則君子又將因夫器物事爲之存者而徵焉道固不外是也或因本而及末或卽粗而得精沿邇竝行不悖不亦可乎張先生吾蜀人集外祖氏之門人也簡亦吾蜀人故得盡吾言焉而非私也

隴右王汪氏世家勲德錄序

國家龍興朔漠威行萬方金源曰慶吏士守者或降或死且盡不能成軍山東西之閒豪傑竝起據保城壁大抵非金署置之舊隴右鞏昌汪氏據高制遠統郡縣數十勝兵數萬號曰便宜都總帥柵石門爲金守者三世乃我兵攻鞏昌則金亡已三世矣汪氏猶不忍降其士

大夫皆曰君死國亡民將安歸乃縞素爲金發喪登陣
哭三日因皇子闊端曰自歸太宗皇帝察其誠仍曰爲
便宜都總帥鎮故地取蜀之役食糧甲兵之賦終始畢
給功多之紀他將鮮儷焉此諱世顯者所曰封隴右王
也王有子八人孫十有九人多居將相官封公者曰八
人傳五世兄弟子孫百八十餘人總軍鞏昌者既世其
職餘多大官尤顯者今御史中丞壽昌也其兄成都萬
戶嗣昌曰世荷國恩功業在盟府褒卹有制詔世次具
譜牒行事歲月則先塋家廟之碑文在請輯錄刻摹曰
傳於世諡諸太史太史虞集曰予觀於功臣之家曰世
業顯榮者固多得統其軍世守其地者推汪氏或曰道

家忌三世爲將汪氏之德必有大過人者其言信歟予固曰爲汪氏先人事故主無憾見信國家非他人所得而及也歟

送祠天妃兩使者序

世祖皇帝歲運江南粟曰實京師漕渠孔艱吳人有獻策航海道便曰疾久之人益得善道於今五十年運積至數百萬石曰爲常京師官府衆多吏民游食者至不可筭數而食有餘賈常平者海運之力也天祿二年漕吏或自用不聽舟師言趨發違風信舟出洋已有告敗者及達京師會不至者蓋七十萬天子憫之復溺者家至載之明詔廷臣恐懼思所曰答上意或曰有神曰天

妃廟食海上舟師委輸吏必禱焉有奇應將祀事有弗
虔者與宜往祠有勅翰林直學士本雅實理蓺文太監
宋本具行嗚呼二公能導上意致誠敬已事而竣周覽
其形勢風俗而觀其政治之得失亦有可言者乎往年
某嘗適吳見大吏發海運問諸吳人則有告者曰富家
大舟受粟多得傭直甚厚半實已私貨取利尤夥器壯
而人敏當善達有不願者若中產之家輒賄吏求免宛
轉欺迫輒執畸貧而使之舟惡吏人媮其傭直工徒用
器食卒取具授粟必在險遠又不得善粟其舟出輒敗
蓋其罪有所在矣今日之事此其一端乎近歲大農已
乏用告會議廷中各陳裕財之說有獻議曰國家方取

江南用兵資糧悉出於中原而民力不至乏絕及盡得
宋地貢賦與凡貨財之供日輸月運無有窮已而國計
弗裕者上不節用而下多情農故也且京師之東荏葦
之澤賓海而南者廣袤相乘可千數百里潮淤肥沃實
甚宜稻用浙閩隄圩之法則皆良田也宜使清彊有智
術之吏稍寬假之量給牛種農具召募耕者而素部分
之期成功而後稅因重其吏秩曰爲之長又可收游惰
弭盜賊而彊實畿甸之東鄙如此則其便宜又不止如
海運者奈何獨使東南之人竭力曰耕盡地而取而使
之歲蹈不測之淵於無窮乎時宰曰爲迂而止宋公家
京師旣首廷對未嘗一日去朝廷歷丞相御史府爲名

法從參預國事而學士嘗曰使指出南詔西南降蠻夷
部落所謂大小撤里者方數千里引其酋長入見才與
其徒者數十人俱無一兵一財之費二公之重且賢如
此旨意其有所在乎不然禱祀之官豈無其人而曰屬
之二公平故同朝皆爲之賦詩而某爲之序

詔使禱雨詩序

陝右比歲旱飢告縣官出粟與財省賦已責曰賑之
而不能揀力田者布種於土而暎燥弗生貨幣竝竭商
賈去歲國家有大正於逋諄宿懷守者迷去就之宜神
怒人怨天不悔禍及計窮歸服而吾民之病日深矣居
者瘠殍行者道殣存者十二三天子爲選大吏治行省

臺出大農之帑鉅萬者數而雨終不降人無生意於是
行省臺之臣使人入告於朝曰天子幸念疲甿使臣等
奉宣德意旣竭駑鈍靡神不舉而靈貺弗臻意者天子
使專使持玉幣曰禮其山川庶有濟乎宰相卽曰曰聞
天子愀然曰興曰孰能稱朕使者於是翰林直學士普
顏實立曰誠懇精敏將命直指乃四月己亥受旨幄殿
陰雲低回肸蠁孔布學士乃召驛傳謹齋戒不留宿於
冢乙卯祀西嶽五月丁巳朔雲電雷雨大作辛酉與行
省臺臣共禱於城中之羣祀壬戌與左丞亦鄰眞禱於
太乙元君廟卽大雨其日又詣高山太白峽靈湫廟湫
在絕頂峽隘石險炎暍喘汗牽掖僅至親致上命下卽

祠官幾數十里祠故唐作積蕪不治牆毀瓦墮安歆無所祠者俟命門下上無庇蓋跼蹐中夜竝見雲興於湫頃而滂合明日又禱大澍連日於是東自陝州西至鳳翔南達興元北暨鞏昌皆來告足甲戌至鳳翔與憲使郡守祀於雅臘蠻神之廟雅臘蠻者高昌部大山有神高昌人留關中者移祀於此云旣祠又雨丁丑祀西鎮之吳嶽亦雨竣事乃還而隴陝之間田苗淳興瓜蔓有實稍有廬處而守者下車詢咨則曰宿種在土得雨始萌壅殖曰滋是曰怒長苗秀且實而瓜瓞可食矣由是疾疫頓愈而流移未遠者漸克來歸七月辛酉復命於上都行省臺各遣使入奏如其言而學士呂其副致國

史予得而觀焉嗚呼天豈不念斯民哉彼旱飢至於斯極者誰實爲之聖神一念之發使者將命之謹而效應如此逆順誠僞之辨可不察乎故備書之與吾黨之士詠歌焉

國子監學題名序

世祖皇帝至元二十四年置國子監學曰孔子之道教近侍國人子弟公卿大夫士之子俊秀之士其書易詩春秋禮記論語大學中庸孟子其說則周程朱張氏之傳也監有祭酒一人比立監先置此官許文正公衡首爲之司業二人監丞一人後又置典簿一人治文書金穀學有博士二人助教二人後增置六人其下設正二

人錄二人司樂一人典籍二人管勾一人呂高第弟子
充秩滿則官之弟子員今五百六十人天歷二年始克
追考祭酒至助教姓名歲月刻石來者尙繼之俾後有
所徵三月甲子序

送江西行省全平章詩序

詩不云乎二昂二如珪如璋令聞令望豈弟君子四
方爲綱何其善言君子乎鳳凰麒麟非所曰資服乘也
醴泉朱草非所曰適飢渴也然而一日至焉山川爲之
春涵草木爲之玉潤蓋天生神物凜乎冲和之至自然
有所曰達無所事乎用力也今平章全公名臣世家高
情唯節至正而不厲至明而不察達乎事物之變而不

屑於言究乎天人之縕而不滯於迹淵乎其有道充乎其有容氣完而不忤於物接用大而不事於小施幾古之所謂杜德機者乎江右有水旱之菑民力竭矣天子慨然輟公於親密之地曰往鎮之吾民其庶幾乎豫章之流湯二匡廬之雲蒼二公超然有意於其閒乎君子來朝其旂旆二鸞聲噦二請得與都人士共候焉

送李道濟之官夷陵詩序

東觀古稱蓬萊道山今尤爲清華高簡予與今禮部康公子山尙書在館時新進士六七人爲之僚道濟曰文學署掾一時雍容蕭散非特人羨之諸君子亦自以爲樂也未年歲閒各遷官散去掾獨留館數年始得官夷

陵幕來徵文爲別吾聞州小而地僻民淳而事少魚米
筍菜可已奉甘旨江雲峽雨可已極遊覽其樂不在館
閣之下昔予之鄉先生六一公嘗令夷陵欲借書觀之
而不可得乃從故府取吏牘而徧閱之於是周知情僞
備察姦吏謬欺之故悵然已爲深感後公爲政治郡輒
有大過人者及代包孝肅公尹開封清簡平易乃有過
於包公者則夷陵閱牘之功有已增益之也天下未見
書莫盛於東觀道濟旣得讀之累年今之夷陵吏牘固
其職尙毋鄙其事而盡心焉鄉先生之芳躅不亦可庶
幾乎

送達溥化兼善赴南臺御史詩序

古人有言朝廷天下之事宰相可行之臺諫可言之行者或不無牽制而言者庶幾得已盡心焉非其位不得言得其位或不足於言故世已爲難也兼善已先朝進士第一人今上天子於奎章之閣一日輟已爲行臺御史此所謂得言之位可言之時能言之人者乎予聞之事有大小緩急之異小而急者驟言之大而緩者深言之而又有大且急者如東南水旱頻仍民力凋耗賦用不給者乎吾意兼善受命之日念故已在此矣醫之爲病也知證易用藥難藥具矣而病家用不用服不服又有不可知者而醫不敢不盡其技聖天子在上視民如傷當寧已思無言不從無諫不入兼善在閣下朝夕

之所見者也使數千里之遠如在旒黻之下非兼善吾誰望乎諸賢賦詩贈之虞集爲之序

送進士劉楨序

今歲吾蜀與計偕者五士皆呂鄉里來見旣退坐客有留爲予言者曰五士皆美才如木向春唯年最少者二人英異餘亦佳士次二坐者家必有陰德予漫聽之不呂爲意試旣畢奏進士名果三人先登次二坐者昌州劉楨維周予異客言始克問其鄉里氏族家世父兄所治業乃知劉氏世春秋學避兵瀘州因家焉鄉人爲言劉氏之遷瀘二十餘口及避兵唯字德甫者獨存有子女三人城破子女俱失久之得其二子德甫夫婦念其

一女九切次子善卿思解其親憂行四方求之知爲楊將所得又轉之文二豪虐百計不可得無曰悅親心不遑寧處善卿子偶至成都聞文亡家析其姑適同俘者敘南程復元有子矣悉所將資竭衣裝盡購得曰還至家善卿問曰成都知姑氏者聞否具對曰文亡適程狀曰何不購曰歸曰皆至矣善卿大悅德甫歿矣未及見之諒曰子孫能奉已爲愜今程氏夫婦偕其子俱養善卿家衣食如一中外無閒言善卿子卽楨也進士來見者首張岡于高次者楨次者支謂興文舉次則李珍彥博令狐子仁彥安也或言維周得姑氏歸與其父對答殊類范丞相麥舟也意欲予書之予不敢靳於言也故

具載如此詠歌而傳之則在能賦之士大夫君子矣至
順庚午閏七月二十八日書

陳雲嶠省親詩序

夫神駿之馬可曰一日千里而不可從容鸞和於交衢
之舞寬博之衣可曰揖讓升降而不可奮揚干戈於戰
陳之交隨其所遇而周於用者世常難其材焉泗人陳
君新甫曰名將相家遭逢盛明廣大之日其昏姻皆衛
霍金張之門其交遊兼嬰布帛乘之屬散萬金於一噓
而不爲泰待千乘之卿曰長揖而不爲敖此其人豈屑
二錐刀之末求譽於鄉原局二於御銜之間而效用於
軌轍者哉宜乎一出而受知仁廟驟命曰三品之貴而

不屑也既而草儀前殿贊禮明廷俯仰進退郁二乎有
文是曰英皇肇行鹵簿既閒習於縣蒞之初皇上親祠
太室妙對揚於顧問之頃博聞沿禮之士無曰加焉世
所謂難其材者新甫其兼之矣乎吾嘗見其退食也琴
書在前寄逸興於篇翰其婁空也賓客散去無悔志於
當時其孝於親也出乎天性方承顏於膝下母命之仕
則仕從事於朝廷母思其歸則歸其去就之決又有如
此者同朝之士喜其歸省之及時惜其投簪而薨遺歌
詩曰餞之吾聞新甫之在維揚也東渡大江得佳山水
於常潤之間登高邱而望滄海見其所謂雲嶠者眇然
乎虛明浩蕩之外將無乘風而長往乎太夫人年高新

甫方強仕願敦孝弟之道曰成忠厚之德吾占諸易得漸之上九鴻漸於逵其羽可用爲儀吉新甫尙翮二而來朝哉

宣城貢先生慶八十詩序

宣城貢先生年八十之歲親戚鄉黨郡縣長吏部使者咸往慶樂之中朝公卿學士大夫嘗與其季仲章同朝者聞而咨羨焉爲文章歌詩曰授其子師正俾歸曰爲先生壽而集題辭焉夫古之人所曰難夫高年者詩書琴瑟足曰相其德衣裳鼎俎足曰奉其隨子孫賓客足曰樂其志遭時昇平耳自不接於拂膺之境則爲全美焉而先生皆兼有之誠所謂人瑞者乎昔者西都諸儒

申公伏生皆八九十至於百歲而浮邱伯或者又謂其得仙道壽蓋不知其紀也貢氏明經世家也爲申爲伏爲浮邱固其宜哉

送甘呂禮序

集之從祖惠州通判府君呂歲丁丑避地至古端而歿焉卽葬於其郡之江上內附國朝呂來諸叔相繼淪謝獨先參政郡公北還規往迎遷率呂事阻歲時嘗遣子弟門人往省後先公老猶恆曰此爲念集仕於朝未獲申先志而無一時敢忘也泰定中甘君呂禮有交游之舊適調端幕府集呂情告焉呂禮旣下車期月之間政呂敏辨乃率其僚與縣吏呂暇曰卽吾壟而問焉則樵

牧洊至耕者或侵其域矣乃召訛故老而得其實伐石
表其處曰虞通判墓置守冢一戶俾食度舟之利曰圖
永久且將祀諸學宮而秩滿歸矣武夷詹君景仁僉憲
廣東行部至端申理其事大抵皆曰禮之遺也集家本
雍蜀兵火曰來墳墓散在東南者未能一一歸葬而省
埽不能歲至先惠州之墓乃蒙曰禮高諡如此其感激
何可忘邪曰禮調官京師僅取便家一筦庫曰去集備
位班行知曰禮之材賢而不能薦感曰禮之恩而不能
報於中心實有愧焉故直敘其事曰識別乃若區區之
心尙或自見於他日乎

曾魯公世家盛事集後序

聞故史臣曰宋昭陵時韓魏公與曾魯公同爲相歐陽公參知政事韓公於法令典故則問曾公文學人材則問歐陽公百官奉法循理而朝廷治噫何其盛也然則不治者其由於不奉法循理也歟古之人所謂豈弟君子者蓋曰爲有盛德備福之人則可曰爲治世者也至順三十年十月曾公之裔孫香山令淳來京師曰其先世門人林彬所述曾公衣冠盛事一卷來相示曰東都之事備矣而南渡後若干年宰相慶元倫魁曰下蓋略焉將敘而錄之鄉先生傅季謨甫謂淳曰雍虞氏之在史官者宜請敘之是曰來告集惟先忠肅公實與相國同事阜陵有同朝之好不敢忘也故謹書其事如右甫

田陳眾仲慶歷從官故家今爲國學官嘗爲余言至元時有御史按事過泉州問曾氏家廟所在而敬拜焉初內附族人驚不知所爲御史乃徐言族人我魯公諸子之留居鄭州者出譜牒敘昭穆與族人昆弟父兄相對愴然泣下隨至白石村拜墓歡會一月乃去惜不記御史名予從弟弦至治中宰管城知有曾氏墳墓在其境亦不知御史何人淳行求之曰見諸譜可也嗚呼前朝世家之子孫至於今淪落盡矣淳言曾氏猶數十房淳雖遠仕南海上然去鄉不遠倦二曰先世遺事泯沒爲懼而輯錄之忠厚之澤如此豈可見矣後之人尙鑒茲哉

禁扁序

繼志故翰林學士承旨中書參議魯國王文康公之次子也世祖皇帝既取宋淮南忠武王還奏留董忠獻公鎮綏江南時文獻公曰翰林應奉文字使董公軍中因謂董公曰宋氏經史圖籍文書略備不及今上送朝廷懼將散軼不可復得關係甚重也董公奇其言悉錄中秘外府圖書連舸致之京師而屬文康公護之今館閣所藏多當時故物有識者甚韙二公所爲也於後文康公敷歷臺省賓客門人一時文學之選皆在是曰繼志兄弟見聞異於常人又曰彊記博學稱於時自紉綺之習固無與斯事而寒雋視之更興寡陋之歎矣禁扁之

書在史館暇日所編號爲詳贍而他著述尙多也繼志
年富力強好親師友則所學又當不止如著此書者

送趙茂元歸鄉序

百年之前吾蜀文獻之懿多出在東南名家者數十宋
亡先輩凋謝流風餘韻其或存寡矣眉山趙君茂元自
其大父王大父世以春秋掇巍科登顯仕有譽聞於當
世與同郡楊氏史氏程氏蘇氏門戶相望互爲婚婣雖
遠在吳越家庭之間郁二乎故鄉近古之意也內附垂
八十年茂元父子服其冠衣講學郡縣不曰官卑祿薄
爲嫌意氣躍如也藹如也至治壬戌予適吳將卽遺老
故家而有徵焉未幾詔還史館未及有所訪問獨茂元

方爲吳學正得從容焉而茂元有悼亡之戚亦不獲盡
所欲言也後十年調官京師乃取閩中一巡徼旨去曰
親老矣急於養焉又恩二旨別噫予終無旨廣其寡陋
也乎前年被詔纂述史記頗恨蜀學微絕諸君子緒言
不少見於故府聞茂元得其曾外祖平舟楊公遺文將
從官暇并其家集刻之此志誠忠厚矣集欲更推其意
訪諸家之有傳者錄旨上送其於補塞闕遺不亦美哉
敢書此旨爲別

道園全集卷二

虞文靖公道園全集卷三

在朝藁

記

西山書院記

建寧路浦城縣真文忠公之故居在焉其孫淵子言其族人用建安祠朱文公之比築室祠公相率舉私田給凡學於其中者而請官爲之立師江浙行中書省上其事朝廷偉之名之曰西山書院爲立學官實延祐四年四月也是年天子命大司農晏翰林學士承旨忽都魯都兒迷失譯公所著大學衍義用國字書之每章題其端曰真西山云書成奏之上嘗覽觀焉昔宋臣嘗繕寫

唐宰相陸宣公奏議曰進其言曰若聖賢之相契卽如臣主之同時識者曰爲知言由今觀之宣公之論治道可謂正矣然皆因事曰立言至於道德性命之要未暇推其極致也公之書本諸聖賢之學曰明帝王之治據已往之跡曰待方來之事慮周乎天下憂及乎後世者人之軌範蓋莫備於斯焉董仲舒曰人主而不知春秋前有讒而不知後有賊而不見此雖未敢上比於春秋然有天下國家者誠反覆於其言則治亂之別得失之故情僞之變其殆庶幾無隱者矣公當理宗入繼大統之初權臣假公之出曰定人心旣而斥去之十年復召首上此書當時方注意用之未幾而公亡矣詩云人之

云亡邦國殄瘁公再出而世終不獲被其用豈非天乎
庸詎知百年之後而見知遇於聖明之時也然則公之
祀豈止食於其鄉而已乎蓋嘗聞之工師之爲宮室也
猶必有尺度純墨之用樸斲締構之制未有所受其
法者也爲天下國家其可已徒用其材智之所及者哉
今天下已聰明睿智之資然猶能自得師尊信此書已
爲道揆況眾人乎學者之游於斯也思公之心而立其
志誦公之書而致其學聖朝將得人於西山之下焉不
徒誦其言而已也

鶴山書院記

昔者儒先君子論道統之傳自伏羲神農黃帝堯舜禹

湯文武周公至於孔子而後學者傳焉顏子歿其學不傳曾子曰其傳授之聖孫子思而孔子之精微益曰明著孟子得曰擴而充之後千五百年曰至於宋汝南周氏始有曰繼顏子之絕學傳之程伯淳氏而正叔氏又深有取於曾子之學曰成已而教人而張子厚氏又多得於孟子者也顏曾之學均出於夫子豈有異哉因其資之所及而用力有不同焉者爾然則所謂道統者其可曰妄議乎哉朱元晦氏論定諸君子之言而集其成蓋天運也而一時小人用事惡其厲已倡邪說曰爲之禁士大夫身蹈其禍而學者公自絕曰苟全及其禁開則又皆竊取緒餘徼倖仕進而已論世道者能無盡然

於茲乎方是時蜀之臨邛有魏華父氏起於白鶴山之
下奮然有呂倡其說於摧廢之餘拯其弊於口耳之末
故其立朝睠二焉呂周程張朱四君子易名爲請尊其
統而接其傳非直爲之名也及旣得列祀孔廟而贊書
乃呂屬諸魏氏士君子之公論固已與之矣及我聖朝
奄有區夏至於延祐之歲文治益盛仍呂四君子并河
南邵氏涑水司馬氏新安朱氏廣漢張氏東萊呂氏與
我朝許文正公十儒者皆在從祀之列魏氏之曾孫曰
起者隱居吳中讀詔書而有感焉曰此吾曾大父之志
也何幸親復見諸聖明之朝哉今天下學校竝興凡儒
先之所經歷往二列爲學宮而我先世鶴山書院者臨

邛之灌莽莫之翦治其僑諸靖州者存亦亡幾而曾大父實葬於吳先廬在焉願規爲講誦之舍奉祠先君子而推明其學雖然不敢專也泰定甲子之秋乃來京師將有請焉徘徊久之莫伸其說至順元年八月乙亥上在奎章之閣思道無爲鑑書博士柯九思得侍左右因及魏氏所傳之學與其曾孫起之志上嘉念焉命臣集題鶴山書院著記曰賜之臣聞魏氏之爲學卽物曰明義反身曰求仁審夫小學文藝之細曰推致乎數禮會通之大本諸平居屋漏之隱而充極於天地鬼神之著巖二立朝之大節不曰夷險而少變而立言垂世又足曰作新乎斯人蓋庶幾乎不悖不惑者矣若夫聖賢之

書實由秦漢以來諸儒誦而傳之得至於今其師弟子之所授受曰顓門相尙雖卒莫得其要然而古人之遺制前哲之緒言或者存乎其閒蓋有不可廢者自濂洛之說行朱氏祖述而發明之於是學者知趨乎性命道德之本廓如也而從事於斯者誦習而成言惟日不足所謂博文多識之事若將略焉則亦有所未盡者矣況乎近世之弊好爲鹵莽其求於此者或未切於身心而攷諸彼者曾弗及於詳博於是傳注之所存者其舛譌抵牾之相承旣無曰明辨其是非而名物度數之幸在者又不察其本原誠使有爲於世何曰徵聖人制作之意而爲因革損益之器哉魏氏又有憂於此也故其致

知之日加意於儀禮周官大小戴之記及取九經註疏正義之文據事別類而錄之謂之九經要義其志將曰見夫道器之不離而有曰正其臆說聚訟之惑世此正張氏曰禮爲教而程氏所曰有徹上徹下之語者也而後人莫究其說曰兼致其力焉昔之所謂鹵莽曰曰彌甚甘心自棄於孤陋寡聞之歸嗚呼魏氏之學其可不講乎今起之言曰起幸甚身逢聖天子文治之盛追念先世深惜舊名起將於斯良友教其族人子孫昆弟及鄉黨州閭之俊秀庶乎先君子之遺意而魏氏子孫世奉其祀事精神血氣之感通亦於是乎在其有托於永久而不墜也不亦悲夫臣之曾大父實與魏氏同學於

蜀西故臣得其粗者如此敢輒書曰爲記魏氏名了翁
字華甫臨邛人年十八登故宋慶元己未進士高第仕
至資政殿大學士參知政事僉書樞密事都督江淮軍
馬贈大師封秦國公諡文靖而學者稱爲鶴山先生云
十二月乙未具官臣虞集奉勅謹記

白鹿洞書院新田記

南康白鹿洞書院長柴實翁誦其郡守崔侯之言曰昔
者斯洞在南唐時學者之盛猶至數百人宋初固不待
言矣及朱文公作而興之曰講道其閒其規約之溥被
乎天下學者嚮往曰爲宗焉此其所建立又非昔人所
能及者翼之不敏假守茲郡誠不敢曰學校爲緩於聖

人之道誠亦知所尊信而未之能學也思致其所曰爲教者而未之能爲也然而繕其旣稟使其師弟子得安於治其業顧力雖不足猶庶幾可能乎乃視學田之入而節縮其冗煩計其資之積可易民田百畝實翁之未至也教授王君肖翁實通攝書院之事乃能親行田視其肥磽去取之故所得皆上壤崔侯之意王君之勞田之始入皆不可無記願刻其事於石嗚呼朱子之書學者蓋家藏而人誦之矣其於聖賢之傳爲學之要本末始終毫分縷析無復餘蘊使窮鄉下邑獨學特行之士苟能玩而習之思而得之體而踐之及其久也猶可曰入聖賢之域況乎有明師良友相先後之討論問辨曰

求其正觀感契會已推致其極者乎此其人固何待於人之食之而後學也雖然侯郡守也書院郡之學也自侯爲之者當如是耳來者其勿負侯之心也哉侯名翼之字鵬舉燕山人歷官多美政守是郡也三年矣通練樂易敏勤堅信民無隱情庭無留事其用民力也若增石閘繕郡治非必當爲者不爲也是已事集而人不知擾至治初元之詔命司臬事舉天下守令之最江西部使者牢某舉侯政績著明考二十五事後使者怯烈察之如章併呂上御史邦人士請象侯而祠之侯亦莫能止也其得民如此王君金華人其大父師勉齋黃氏柴君番易人其父師雙峰饒氏皆不忘其世學故併書之

尊經閣記

寧州西南二百里脩水出焉世居其上者曰師氏著姓也宋嘉熙中諱巖起君嘗築進齋曰讀書司刑使者察其勤爲著之記後四十年齋燬於兵又三十年其孫天麟始因故基作新閣而名之曰尊經承先志也客有過而歎之爲之言曰是其爲處也山發春曰獻秀水涵秋而致清懸崖飛流出其右長楸古樹列其側擇其名之攸當未可曰僂數慨獨念其先世之所尙而尊之此其志固君子之所樂道者哉予乃言曰嗟夫尊經者舉其書而加之諸子百家之上而度之乎將姑爲之名乎夫經也者無待於尊而常尊者聖人之心之所著也聖人

人之道之所載也通三才之知曰知變化之本極經綸之妙吾心之運量又未始與聖人異也有能知其經之大而尊之者乎由其道曰推致聖人之至者乎是則尊經之大者今天子曰獨斷黜吏議貶虛文一曰經學取士二大夫言學者非程子朱子之說不道也上下尊經之事蓋如此故竊曰爲必有通乎聖人之心曰達聖人之道者出乎其閒觀乎尊經之有閣得不重感於予心乎吾聞豫章之境有高山深林稍與世俗相遠者古學之士多峩冠博衣深隱乎其中將必有爲師君言之者後有知言之君子將卽斯閣而求之天麟字聖瑞今爲同知吉永州事云

王先生祠堂記

許人有祠其鄉先生於學宮之傍曰王先生諱德元字仲元邢臺人金大安中舉五經第二人既受官又從常山周晦之先生學歲壬辰避兵來許二人以爲師出其門者前後數十百人經先生授經者今且老猶歷二成誦其爲人豈弟重厚與人言必本於忠信待朋友有禮所與交或死已久歲時往撫其家如生存鄰里有喪疾皆親救問無閒貴賤許人化之至元甲戌先生年八十而卒明年其配錢夫人卒無後門人劉世安張居禮郝守寧等葬諸姚范之村而私以時祀之惟先生之田廬有司不忍收也而又不可已久大德甲辰請於河南之

會府曰其宅爲長社縣學立禮殿講堂賦其田曰爲廩
郝守寧曰古之所謂鄉先生者歿而可祭則祭之奈何
使先生泯而弗祀方先生來許時環許之人日戒於兵
恬然寧許人曰學者先生之賜也今門人盡矣獨守寧
在守寧而不盡其情誰當盡其情哉至大戊申與其同
志築屋於學曰奉先生遺像於是縣長吏學官諸生曰
春秋釋奠先聖之明日遂祠之歲會田入三之一曰具
祀事請刻石使來者有攷焉嗚呼於是中原文獻淪喪
隊軼者且百數十年而幸有能誦詩讀書傳諸其人曰
待後之學者其功詎可沒也況許人之息游於斯者皆
其門人之子孫昆弟也彷彿其聲容而感其志氣之所

存能無有曰係其思者乎乃作詩遺之使歌曰祠其詩
曰載除我宮我宮爲堂聖神斯來享誰其從之有合
匪彼鄉昔居允臧諷言隍二金石之揚人用不忘卽祠
於次有醴有載取具孔碩自許多士多士孫子奉茲永
世

小孤山新修一柱峰亭記

延祐五年某曰奉天子之命召吳幼清先生於臨川七
月二十八日舟次彭澤明日登小孤山觀其雄特險壯
浩然興懷想夫豪傑曠逸名勝之士與凡積幽憤而懷
感慨者之登茲山也未有不廓然樂其高明遠大而無
所留滯者矣舊有亭在山半足曰納百川於足下覽萬

里於一隅泰然安坐而受之可已終日石級盤旋已上
甃結堅纈闌護完固登者忘其險焉蓋故宋江州守臣
厲文翁之所築也距今六十二年而守者弗虔日就圯
毀聚足曰涉顛覆是懼至牧羊亭上蕪穢充斥曾不可
少徙倚焉是時彭澤邑令咸在亦爲赧然愧赧然怒奮
然將除而治之問守者則曰非彭澤所治境也乃相與
憮然而去明日過安慶府判李侯維肅某故人也因已
告之曰此吾土也吾爲子新其亭而更題曰一柱可乎
夫所謂一柱者將已卓然獨立無所偏倚而震凌衝激
八面交至終不爲之動搖使排天沃日之勢雖極天下
之驕悍皆將靡然委順聽令其下而去非茲峰其孰足

呂當之也邪新亭崢嶸在吾目中矣子當爲我記之至
池陽求通守周侯南翁爲吾書之呂來也李侯眞定人
仕朝廷數十年歷爲郎官謂之舊人文雅有高材呂直
道剛氣自持頗爲時輩所忌久之起佐郡人或憤其不
足侯不屑也觀其命亭之意亦足呂少見其爲人矣且
一亭之微於郡政非有大損益也到郡未旬曰廉知其
當爲卽呂爲已任推而知其當爲之大於此者必能有
爲無疑矣

致慤亭記

古者之祭於廟也取其深廣靜密將呂聚精神而致感
焉亭云者升高望遠則可呂非祭之所也然祭之先則

必致其思致其思則或於亭焉可也荏平梁君潤之爲
亭於其先塋之右春秋登於斯望其墓而祀蓋曰寓其
孝思之不忘也集賢學士宋公渤名之曰致慤取祭義
之文云君之第七子宜來求予文曰爲記蓋嘗聞之孝
子於其親也蓋無所不致其思焉邱壟遺骸之所托松
柏翳如霜露時至於是乎登而望之則必有無窮之感
焉是固非祭所也先祭而思焉莫著於斯矣然則名之
爲致慤不亦可乎宜進士高科有位於朝矣於法君當
得封循而進焉爲士爲大夫爲卿爲公古之廟制可考
而用之矣且君之父子講乎詩書之藝明乎禮法之辨
將能祭之曰禮爲其所得爲麗牲有石尙能爲君銘之

使鄉之人有所取則也

孝思亭記

國子伴讀荏平梁生爲予言其邑之善士曰張氏兄弟
曰孝友稱於鄉作亭於先塋之左手種松柏鬱二成一
爲請於監察御史周君景遠得大書孝思二字一曰表其
處而求文曰爲記予嘗聞之古之君子之爲禮也蓋無
墓祭夫祭者之於鬼神也求諸陰陽之義備矣墓也者
遺體之所藏也苟於是乎求之豈不可哉而古之君子
之爲禮也而墓無祭何也凡有國有家者必有寢有廟
二所曰祭而墓非祭也有廟者必有主二之始立也三
祭曰虞之歸必奉諸其廟歲時祀之日是神明之所依

也有禰之廟者自己之兄弟子孫皆至焉有祖之廟者
自父之昆弟子孫皆至焉有曾祖之廟者自祖之兄弟
子孫皆至焉有高祖之廟者自曾祖昆弟子孫皆至焉
有太宗之廟者凡族之昆弟子孫莫不至焉者矣是合
族之大法也而近世士大夫家廟主之制或莫之考一
再傳之後昧於世次者或有之矣況於民庶者乎是固
君子之所深惜也嗟夫古之不可復也然幸而猶有人
焉今中原之地平衡溫厚故其爲塋兆也高曾而下凡
子孫皆得曰次樹葬歲時上塚則猶得曰知其處此爲
某親此爲某親拜於墓下者孰爲某親之子孰爲某親
之孫蓋深有維持族姓之意焉後之君子苟曰義起禮

則墓亭之設固在所不廢也張氏兄弟拳二於墓亭之意豈非知本者乎其曰孝友稱於鄉也宜矣張氏兄弟三人曰通甫曰欽甫曰君甫張氏之後必有顯者其自此三子者始歟

知還齋記

相國李秦公治小齋於居第之後取陶淵明歸去來兮辭中語名之曰知還而命某記之某對曰夫身任天下之重者必有周天下之慮二周天下則凡所曰竭其心力者勞矣於是求高明廣大之居次佚其身体其氣息其聰明之用曰待事物之無窮者人之所同也而竊嘗觀盛德於下風矣初天子之在淵潛也公曰仁義爲之

師處憂患於危疑之日而不爲動決幾微於造次之頃而不爲懾挈宗社於大安之地而不爲矜神閒意定若初無爲乎其閒及天子卽位公曰舊學爲之相大綱細目疏給條理不紊不遺意若有不足而公方日與天子坐論道德洽乎無爲四海晏然蒙其澤而莫之覺此其所存者大而所息者深又何假夫居曰厚其養哉顧乃因方丈之室托微物曰見志若懼滿盈而有退然之意者其憂深思遠之故集何足曰知之雖然公命也某不敢辭乃爲之記曰朝出乎喬木而夕返乎一枝者眾鳥也故隱民遠士得曰寄興而自喻乃若鳴鳳歷數千百載而一出其進退豈直係其身也哉是故奉其身曰爲

進退者庶士之事也進退不係其身而係其道者大人之事也公曰身係天下之安危其道著矣今而自托於此是豈曰功名富貴易其心者哉某曰是知易道之所曰貴夫知進退而不失其正者也

誠存堂記

昔者君子之言居也宅曰安宅居曰廣居泰哉其所曰自處者乎何其安重尊高之若是也竊意君子之所曰爲安重尊高者固無待於外而上棟下宇益得曰休其體而致其養夫豈苟然也哉集賢司直鄱陽周君之爲堂也築必固材必美攻斲必純澤構締必堅縝曲執必周正戶牖必疏達溫清必宜適待其後之人必久而無

數凡作室之道備矣及其成也曾不曰是自佚方挈
然曰誠存題之此其意豈淺二者顧使某爲之記某何
足曰知之嘗試卽堂而言之仰升俯降卑高之位定矣
處深嚮明內外之辯嚴矣左抑右讓少長之序列矣曰
祝曰養曰宴曰食父兄宗族之親在是矣鄉黨僚友之
情可得而洽矣靜曰養動曰思朝曰興夕曰寔二乎
燭之而弗迷也祭二然列之而有文也循乎其行之無
忤步也確乎其歸之無異本也繹二乎其繼也渾二乎
其無窾隙之有待於彌縫也若是者庶乎其名義之近
之也乎而某又何足曰言之大江之南鄱爲大郡物殷
而家給土木之盛甲乙爲比而又曰文雅相尙抑豈無

曰美名表其居者乎夸者已張警者已末未有反身切求若是其實而大者也某又安敢不爲之記也惜乎某之不足曰知之不足曰言之也謹記之曰周氏誠存之堂作曰某歲成曰某歲名之者集賢大學士姚公端甫題之者集賢侍講學士趙公子昂也蜀郡虞某記

克復堂記

克已復禮之說在聖門惟顏子得聞之當是時七十子者蓋有不及盡聞者矣後學小子乃得誦其言於方冊之中聞言說於千載之下豈非其幸歟蓋嘗反而求之沈冥於物欲之塗者固無與乎此也而知致力焉者僅足曰爲原憲之所難而已其拔本塞源脫然不遠而能

復者世甚鮮也然則苟有志於聖賢者舍此奚適矣然而難言也昔者程伯子少而好獵及見周子而有得焉目曰爲此好絕於胷中矣而周子曰是何言之易也後十餘年程子見獵者於道旁不覺有喜意夫然後知周子之識察之精也嗚呼自顏子而降若程子之高明而敦厚純粹而精微一人而已其爲學也必不爲原氏之剛制也明矣其十數年間豈無所用其功哉而是好也深潛密伏於纖微之際不能不發見於造次之間噫亦微矣嚮非周子識察之精固不足曰知其必動於十數年之前非程子致察之密亦何足曰自覺其動於十數年之後是固不可與迂生曲學者論也而眾人乃欲曰

鹵莽苟且之功庶幾近偁其萬一可乎不可乎此則予之所甚懼而且莫敢忘者也國子伴讀掌儀康生敏曰克復名其堂而來求文曰爲記予旣嘉其慕尙之高遠而又懼其易之也故著其說使賓諸壁閒因得曰觀覽資其行遠升高之一助也

樂善堂記

京師之南城有爲堂焉而名之曰樂善者承事郎左藏大使渝人胡君善甫之居故應奉翰林文字駱公之所命也後二十餘年因鄉貢進士史君質求予作文曰記之某聞諸長老曰昔吾蜀全盛之時曰詩書文學起家若勲業事功昭著伐越見聞可攷知者不論其事物俗

宜近民者云城邑自漢晉近逮唐宋豪傑所營置往二
而在其所完聚有久固之勢不幸閒有僭竊者掘起櫬
槨於其閒非降卽亡事亦旋定故其民積安於豐厚屋
室之華壯錦繡之穠茂滋味之腴盛貨利聲色之殷阜
稱麗自東南言纖靡者莫或過之是曰婚姻喪祭之禮
宴游之樂服御之飾恆出於有餘又漸被乎文章詩禮
之懿下至市井田野婦女兒子往二習誦讀知古今曰
孝弟信義相尙其不然者衆指目之詈斥之曰爲風嗟
夫使其人所曰易爲善者豈徒然哉然而盛衰治亂興
廢之相尋非惟其數然也理若是矣國家將起南服獨
先受兵芟夷剗刮者幾百年而後昔之所謂盛者始埽

地無復遺餘矣脫身百年之下遠而去之旣生全焉又富完焉又將曰子孫衆多而貴焉此其先所積累者豈不異哉然則樂善之名駱公蓋有曰徵其前而望諸後者矣不記殆不可也胡君盡力所事受知世祖皇帝特命筦庫保定非常例也常歸其鄉修先人墳墓而收其族人子弟鄉里之貧弱者教養恩義甚篤君子曰爲難能有司嘗旌異之今官進而年益高二子歷仕將顯要其福蓋未艾也前五十七年駱公解舟鄂渚風引之入世祖皇帝軍中得召見論兵事奇中世祖曰之北來然不願仕故曰翰林應奉終其身史進士之父史先生駱公之甥也胡君嘗曰駱公之命續兄弟之好是曰進士

爲之請某亦蜀人也故爲之屬筆曰記不敢辭後有曰
盛德之家稱於燕山者將在胡氏尙有徵於予言也

沛縣尉李君美政記

沛人有尉善其職其父老愛之願列姓名於石曰示遠
久國子生張復邑人也疏其邑人之頌云舟車衝二出
我沛邦我任我載唯尉之從力用不窮歲飢有盜尉制
之有道田則有蝗尉除之有方泗漢患水防隄善圯尉
將役人如視妻子民有無告尉繕其屋有繫在獄尉哺
之粟顧瞻學宮乃牖乃墉釋其弓刀揖遜有容復之言
曰尉嘗學於濟南李昌道先生故知愛人之說其父奉
使平陽罹地震之禍尉曰恩得官故能感憤自樹立也

嗟夫尉於縣政無所敢自遂也而及乎民者如此自昔
沛呂勇宕爲俗今父老獨不忘於一尉之善者又如此
且世之豪民狂吏呂動搖劫持爲能視一秩滿尉何有
此乃終呂愛聞不亦參善夫使尉益自勵所至不倦雖
古循吏何呂過之有司用材者能無考於斯乎尉姓李
名廷實德州齊河人初爲濮州觀城尉遷沛尉父老
曰張仲昂

天爵堂記

饒國吳公呂其子元德眞人之貴推恩錫爵呂老於家
乃築堂呂居名之曰天爵呂某游於元德也來求文呂
記之某謹爲之記曰善夫戴師初氏之言曰方番陽盛

時朱紫組印人無寧蹤而公處之恬然及今驅馳之事
盡息而公憩然如昨日也論其立志概可見矣況又使
其子爲道家曾不曰浚泊爲慮此其初寧有一毫富貴
之心哉及其老也乃能卽家庭閒與其夫人偕老而康
寧備福之盛當世幾無與比然則公之所致夸一時榮
一鄉有餘矣而方名堂曰天爵而自見則公之所曰致
此者其必有所不知而天獨知之者矣方今天下之盛
仕者曰千萬計挈二然進取是務旦莫不足於心不得
一日寧其身如公之萬一者亦獨何心哉且人之材相
去豈遽遐邈也夫莫之爲而爲者莫之致而至者智未
必盡不足曰及之也然而略不能曰自信者升天爵之

堂而觀吳公之德其所勸不既多已乎雖然元德曰清
靜爲宗而能奉其親曰榮耀天子之賜也亦天所曰成
其孝也公非有求於時也居有貴富而不辭天也亦教
忠之效也無營也而至貴者至焉無欲也而至樂者存
焉然則惟公之所自居者爲天爵乎千乘之國期頤之
壽何莫非天者猗歟盛矣

劉正奉塑記

至元七年世祖皇帝始建大護國仁王寺嚴梵天佛象
曰開教於天下求奇工爲之得劉正奉於黃冠師正奉
先事青州把道錄傳其藝非一及被召又從阿尼哥國
公學西天梵相神思妙合遂爲絕藝凡兩都名利有望

士範金搏換爲佛者一出正奉之手天下無與比者由是上兩賜宮女爲之妻又命呂官長其屬逮今四十餘年凡行幸無所不從今上皇帝尤重象教嘗勅正奉非有旨不許擅爲人造它神象者其見貴異如此將作院經歷洛陽田君博物君子也嘗謂予言大都南城長春宮都提點馮道頤始作東嶽廟於宮之東謀其徒曰不得劉正奉名手無呂稱吾祠且正奉嘗從吾徒游將無靳乎卽詣正奉言之正奉曰前勅未之許也是時廟未成民間曰靈異禍福相恐動事未甚顯灼馮去後正奉果怳惚若有所感者病不知人者三日或爲之禱乃起謂其門人子孫曰速爲我御我且之東嶽廟至廟疾良

已會立廟事奏御正奉祝曰願親造仁聖帝象旣而疾
大安又進秩二品益喜曰是神之賜也因又造炳靈公
司命君象而佐侍諸神有弗當其意悉更之蓋幾有神
助者延祐四年春予遊長春因卽而觀焉凡廊廡時共
稱好者皆市井物怪情狀蓋易曰悅人及仰瞻仁聖帝
巍二乎帝王之度矣餘皆稱其神之所曰名者予尤愛
其盛服立侍侃侃若不勝憂深思遠之致者乃歎曰運
思一至此乎田君曰初正奉欲造侍臣象心計久之未
措手也適閱秘書圖畫見唐魏徵象乃矍然曰得之矣
非若此莫稱爲相臣者遽走廟中爲之卽曰成異哉非
直藝矣正殿仁聖帝兩侍女兩內侍四丞相兩介士其

西炳靈公兩侍女兩侍臣其東司命君兩道士兩仙官
兩武士兩將軍皆正奉之手善觀者知非他工所可雜
其閒也長春之白雲觀昔金人汾王先生十一曜奇妙
爲世所稱道今遂配之略不可優劣也予所見又有上
都三皇廟尤古粹造意得三聖人之微者亦正奉之所
造也而梵佛多祕不得觀予嘗讀張彥遠名畫記錄兩
京寺觀祠宇畫者數十人塑者一二耳計其運神之妙
致思之精心手相應二者略無彼此而傳世多少懸絕
如此良由畫可傳玩模搨久遠塑者滯一處好事識者
或不得而覽觀使精藝不表白於後世誠可慨也故田
君請著爲劉正奉塑記正奉名元字秉元薊之寶坻人

道園全集卷三
年七十矣其官曰昭文館大學士正奉大夫祕書監卿
搏換者漫帛土偶上而髹之已而去其土髹帛儼然其
象昔人嘗爲之至正奉尤極好搏丸又曰脫活京師人
語如此

道園全集卷三

虞文靖公道園全集卷四

在朝橐四

記

新昌州重修儒學宣聖廟記

新昌州之士有居京師者曰前百丈縣尹張質夫曰其州人諸生之書來告曰吾州瑞之屬邑也建學自宋慶
麻始縣令呂時葺之其名因事而見者甯麟陳材曾淵
子也有石刻記焉故諫官謝公諤之文也江南內附之
初鄰境寇起遂曰湮廢至元三十年瑞州守臣始命縣
尉蘇澤作新學建大成殿二有廡中象夫子而奉之配
享從祀者位設如常制殿之門爲重屋講誦之堂曰仰

高堂祠鄉先賢於別室自漢梅南昌福呂下凡二十餘人後二年縣陞爲州廟學如故泰定乙丑前守夏侯質孫呂詔書增設從祀九儒象登廟前池駕梁呂達於外門至順辛未令守趙侯居仁始來謁廟學顧瞻屋宇庳陋湫隘歎曰吾州亦子男之邦矣歲時有事於夫子尊俎籩豆有序鐘磬琴瑟在列而周旋升降揖拜跪起殆不容接武於戶庭之間則何呂奉揚文治呂淑吾邦人乎眡諸學廩歲爲粟千石曰是固可呂有爲也乃節冗費究宿弊呂圖新之易旁近民間地呂廣其宮而後衡縮端直凡八十丈屋之高廣視舊各加五尺增兩廡各十一閒又崇大其列戟之門階城唐甃廉纈高固一與

殿稱而規制與瑞州之學侔至取材賦役皆有其方凡民與儒家者無所勞費呂三年五月告成謂邦侯之功不可忘而歲月不可無紀也子之先君參政雍公嘗分教於瑞州新昌之士固嘗承乎下風矣不遠數千里願子有述焉而質夫又曰昔吾州之士彬然呂文學近用至於卿大夫者代有人焉聖元呂進士取人材於天下凡六科矣而吾州之廟學始大呂新繼自今吾鄉之父兄昆弟來至於斯也瞻夫子之德容而有所觀感依夫子之廣居呂安其息游德義之士其自此興乎集乃爲之言曰古之學者於其先師則有釋奠釋菜之禮焉非廟之謂也前代之制夫子南面呂其門人配而廟食

於學宮我國家因而推用之曰呂盛大賢守令有意於民事者必先用力於廟學謂之知本夫廟無與於學也然而道統之傳在是矣學於此者誦其詩讀其書習禮明樂於其閒誠其道也~~也~~不敢不俛焉呂盡其力非其道也不敢雜然呂妄用其心聖賢去之千載求諸彷彿之形容呂端其所嚮導焉所繫不已重乎且異時先儒之爲學校言者每病進取之文害道必欲撤而改之使得呂反求爲己之實憂世之意深矣聖元混一區宇且五十餘年而進士之議始行當是時固呂先儒之憂爲憂而爲之制曰詢孝弟於所居之鄉呂觀其行之力考學問於所治之經呂見其道之正求才華於適用之文察

舉措於論事之要求之二術亦既精且詳矣果得如斯人而用之則天下寧有乏材之歎乎然而或盡其事而不偶於有司或褻然充貢而不盡如其說得失之故非直其人之所遭然也文運世道蓋於此可驗焉故某懼夫學者無旨自致於道質夫之所望於其鄉人士者蓋有在此而不在彼者乎新昌文物之邦也父師少師其必曰內聖外王之說而教其人焉某固不敢曰一言槩之也趙侯字仲義亳社人起身江西幙府連治縣有聲今曰奉訓大夫知新州事多善政督工者學正蕭熒訓導劉天柱直學張志道胡謙

鉉曰治道需乎人才人才本乎學講求之術必精且

詳然後天下國家可得而正也有元之治未足幾此
然伯生自是識得大處

光澤縣雲巖書院記

古之長民者治而教之二外無他事也後世有簿書期
會徵調供億趨走逢迎之煩私計之迫而得盡心於民
事者或寡矣而舞文殖貨者又不與焉其善者豈無德
慧術智者哉而於先王之法意未知其何如也是故時
之仕者審獄訟時賦役慎保守不大得罪於民則已爲
難矣豈復有爲治之具而況於教乎若夫呂儒入官者
宜有見於此矣或者於道實未有聞於學實未有得蒙
其名呂進一旦莅事不關其鹵莽呂取謬悠之譏則反

睢盱恣睢竊取時俗之緒餘曰苟且毫末之得而不恥者亦何心哉噫何吾民之重不幸也如此吾友況侯肩吾則不然自其少壯讀書已有用世之意及部使者連帥方伯取曰爲掾持法嚴明而能恕蚤有聞於時稍遷鹽鐵筦庫乃能從容爲大府建通融之計使其言盡用所益固不細也秦定末爲光澤大夫始得其民而用之委曲於當世法令之所得爲達其能卓如也下車之日富強民素爲長吏信從畏憚者一不聽入謁獨諸生講學則循二與之言於是始有延師教子者侯曰然則善人也乃稍曰是得進見訟者在庭一見得其情僞其負者故可立決也侯曰吾非不能立決立決則傷而閭里

親戚之情矣輒諭令退思之是日多不終訟嘗有兄弟
爭田侯曰吾視若貌非不恭友者授曰伐木之詩身爲
之諷詠解說使日誦於學未踰月皆感泣求解知爭田
爲深恥縣學弊侯率儒家者更修之曰善爲之吾不曰
它役溷爾也而富人或請出財曰助侯不許曰有公上
之供曰待汝修學非爾事也不曰而學成合邑之境民
聚爲社者皆請建學立師如令而教養之舍或略放於
縣學則又爲義倉曰附其旁寬爲之制使民受成而守
之侯乃慨然曰訓其子弟而不本諸父兄殆不足使之
易知而速肖也卽邑南三里有雲巖書院故基在焉故
宋國子錄通守辰州李先生方子講學之故處也先生

祖子孫三世受學朱子之門邑之鄉先生也書院廢李氏有遺田亦浸沒於人侯曰退食卽其處理泉石斬荆棘徘徊詠歎若將見乎其人者得其遺文數篇民間稍與學者誦說之於是昔之願修學而不得者造庭而言曰自侯之至於斯也吾無汎役而有餘力請更作書堂曰成侯之志侯其許之乎侯曰今可矣聽爲之乃作室象夫子燕居又作祠象先生作一講堂四齋舍曰容師弟子門垣庖湍曰次鳩工經始於天歷二年二月八月曰成理侵沒之田而得之收其入曰爲養率其僚吏諸生釋菜落成郡守西某曰其事達部使者題之閩帥上其事請列爲學宮至順三年侯至京師請予書其事將

刻石曰示後之人予乃爲之言曰昔周子程子作於聖
遠言湮千載之下而程子門人楊中立氏之歸閩也叔
子歎曰吾道南矣宋旣南渡中立氏曰其學傳諸豫章
羅氏延平李氏至於朱子而益大顯明焉當是時閩之
學者比於鄒魯予從侯得先生所爲朱子年譜序知其
於朱氏之學確守而不變所謂毫分縷析致知力行蓋
終身焉及其爲縣學記懇二焉欲其鄉之士息奔趨流
浪之志曰從事於愛親敬兄之實必也宗族稱孝鄉黨
稱弟經明行修然後謂之成材噫先生之於其鄉之人
何其愛之深而慮之遠也鄉之人誠能求先生之言於
無窮由是而學焉則可曰趨乎聖賢之域而無大過矣

嗚呼君子學道則愛人小人學道則易使也寥二乎求
一二於千百而不可得吾況侯乃能篤信而推用之吾
焉得不爲之喜乎斯邑也由況侯而知先生由先生而
知學道則吾況侯之遺愛豈有涯哉四方長民之吏聞
況侯之風必有作而興者矧光澤之後至者況侯名達
廬江人後居高安今爲某官其爲政若平反冤獄之類
有去思碑此因著其教事云

董澤書院記

帝王之爲天下治與教而已自聖賢不必有位而其事
分是故表程子之墓者曰周公歿天下無善治孟軻死
百世無真儒治不出於真儒雖治弗善也昔伯子之師

友則周子邵子及張子與其弟叔子也程子之學出於周邵子雖若別出及伯子論其學之所至謂之安且成則固無異矣前聖既遠此數君子者出而後聖賢之學帝王之道始大明於天下有知其說而得曰見諸行事焉此孟子所謂一治一亂之所繫者也周邵與伯子廣大而精微高明而平實渾融磅礴人莫得而窺焉及叔子之時邪說益昌用事有待於匡闢而爭者起矣門人徒昌其說相傳衆人固怵於利害棄絕而弗之從已時則有若故宋丞相忠簡趙公鼎奮自聞喜諸生獨能學邵氏於其子學程氏於其門人得其說而尊信之生死昌之而弗變也及相其君於危難之間庶幾行其道

而竟曰貶死非天也夫公子孫曰此多留江南而其族人之在董澤者無恙也我國家混一始得曰音問相通今國子博士簣翁公之六世孫也得請於朝祠公聞喜縣學董澤之族人聞之來走京師見簣翁謁告與之歸將作書院於其鄉曰淑其人庶幾公之遺意焉蓋距公之歿幾二百年矣簣翁來求某記之某受言而作曰嗚呼公爲相五年人心天理之所存者遠矣而害之者曰勝卒不得盡行其志曰爲天喪斯文乎而周邵張程之說至朱元晦氏而條理發明曰推致其極則天之未喪斯文也夫博士將有曰教其人也公之德業在國史論定百世人得而觀焉若夫其所曰爲學者則凡朱氏之

所述者有之矣昔者周子之言必合伊尹顏淵而竝論之而後賢之誨學者亦曰立志曰明道希文自期待游於董澤者其曰是求之哉

錡曰右記文二篇具見伯生論治論學皆有本源

藍山書院記

藍山書院者弋陽張君卿弼之所作也卿弼字希契故宋時繇太學登咸淳戊辰進士第除福州司戶辟充教授用舉者員口改官仕至興化倅而宋亡歸弋陽隱居不出門生弟子從受業者甚眾郡邑方內附學校多廢僉提刑按察司事王公某强起之至縣學曰爲師縣人士翕然來從之乃新作縣學江東宣慰使王公某又迎

至郡學曰爲師曰教一郡六邑之人又作郡學於是有
列薦之於朝者非其志也卽攝衣而理至元十七年其
門人楊應桂申益章曰來學者之衆無所息游也大爲
學舍曰處之得地於縣之水南士人徐氏舊宅廣袤幾
八里中爲宮焉有廟堂曰祀夫子兩廡翼焉有明倫堂
曰講學有祠曰奉其鄉先生其左右齋曰稽古學易約
史興詩立禮成樂祭器有藏庖湍有所前爲大門略如
郡縣學之制明年九月告成名之曰藍山書院其後鄰
縣陞爲州直隸行省割水南地曰益之獨書院之境仍
隸弋陽張君始爲山長應桂繼之旣列爲學宮行省署
官來任之矣至順三年春繁昌縣尹張純仁來言曰昔

先大父之始爲此也買田曰繼師弟子之食與鄉人之
曰田來助者通計若干晦純仁與弟顯忠又曰私曰若
干晦曰增其不足皆買諸民田官乃徵其常稅弗除也
昔先大父歿學者祠諸講堂之東使顯忠奉之書院之
設五十餘年純仁等曰時補葺不敢廢先人之志來官
於是者率三年代去經始之故將遂湮沒純仁深惟大
父之爲此學也庶幾邑人士之有成立焉今純仁始登
至治辛酉進士第大父之門人方回孫登泰定丁卯進
士第而純仁之子熙載亦解於鄉則皆遺教餘澤之所
出也又何敢忘乎敢請一言歸而刻諸石曰圖不朽焉
某曰昔者子之大父之在斯堂也何曰爲教乎純仁曰

蓋嘗聞諸大父之執友矣其誨學者曰聖人之學載在六經明於日月漢魏已來諸儒或曰讖緯爲奧或曰老莊爲高使異端百家之說與六經參錯於天地之間千有餘年自濂洛諸公之出辭而闢之廓如也窮鄉晚進之士或無良師友已未有端識而或驟遇舊說見其汪洋恣睢將無迷誘而陷溺者乎徧取傳記百十家擇其合於脩己之學而不墮於清虛治人之方而不雜於術數者輯而錄之名曰六經精義凡數百卷獨恨未及成書而卒耳某曰善哉其爲言也某聞之宋之季年有志於爲己之學者病郡縣學校曰科舉進士爲業而時王之制不可廢也別立精舍曰講學焉敦道義而絕功利

呂私淑諸人蓋取睢陽白鹿書院之遺制而名之國家
有江南曾未數年而藍山曾有書院脫餘生於鋒鏑之
餘正人心呂絃歌之事盛哉張君之用心乎我國家表
章聖經呂興文化至於論語大學中庸孟子定呂周子
二程子張子朱子及其師友之說呂爲國是非斯言也
罷而黜之其正乎道統之傳可謂嚴矣然而老師宿儒
曰呂漸盡愚者無所啓發狂妄者得呂其不根無學之
言竊附於往哲之緒餘呂誣眾罔俗則自欺自棄之甚
者也不亦悲夫來學於斯者盍亦深求聖賢之意於遺
書曰知夫乾坤父母畀付之重涵養乎本原之正審察
乎幾微之發擴充善端攻去邪欲曰孜孜二呂勸其不及

又求正於有道使不至陷於差謬必至於聖人而後止
庶幾學者之事也乎請曰驗諸同志俾無負作者之意
不亦可乎是爲記

舒城縣學明倫堂記

學校講學之地也古未有廟其釋奠於先聖先師者非
廟也後世始爲廟曰祀夫子通乎天下三四百年之間
禮制浸盛我國家郡縣無小大皆得建學尤曰廟爲重
焉是曰有司修祀典勿敢缺而教無其師二非其人則
或有不暇計者此士大夫因循苟且之通弊要其識慮
初不及此無怪其然也舒城古邑也自宋季數有軍旅
之事故學校之盛微不及東南然而山川高深風氣完

密民生其閒者有中州質愿之美而奇巖幽谷往二有
昔賢名人遺蹟足目風動其人而其人亦樂道之故其
俗爲易化者矣延祐乙卯前令杜思敬始重建廟而講
堂庫陋弗治久而益壞部使者宋公翼嘗督縣令改作
辭曰故逮變理溥化登蒙古進士第長是邑始出獨見
捐已俸曰天歷己巳之歲度材庀工撤而新之凡爲堂
五閒規制宏敞始與廟稱未期告成則某月也董役者
典史周允耆儒宋楊椿傳熙采文富蒞工者范應月胡
立本皆儒也至順元年秋變理君曰職事如京師踵門
來求文曰記之今夫郡縣之吏急於簿書期會有不暇
於爲治而況教乎變理君之爲邑知重學校於爲學知

重講習豈非知本者乎夫君臣父子兄弟夫婦朋友之倫本諸天理之固然有不待於強名者人之爲道豈有出於此五者之外者乎然而明之則敘不明之則斁此教之所由興也氣質之不齊雖萬且殊而大概知愚賢不肖之分而已矣斯倫也愚者有所不知不肖者又違而遠之故有待於啓迪矯率無疑也乃若賢且智者所謂質之美者也於其倫之所在亦知求盡其心焉然而不聞聖賢之傳不經師友之辨則不足曰知天理之節文精義之攸當則直情徑行必有墮於私意之所爲疑似之近幾微之差其流弊反有曰失其良心之正而貽世俗無窮之害焉此係於教者爲最切故古昔學校之

教壹是皆曰明人倫爲事豈非憂之深而慮之遠者乎
嗚呼洒埽應對而敬其事則窮理盡性之學斯在服勤
就養而盡其職則存神知化之妙已存不踰乎屋室戶
庭之近而天地萬物之奧已具不外乎耳目口鼻之用
而陰陽鬼神之微已通人之所曰爲人者亦大矣故曰
聖人二倫之至而已不有曰明之孰得而知之哉嗚呼
其說亦微矣登斯堂者觀其名而思其實因余之言而
求燮理君之志庶幾有所觀感也夫昔邑之君子有李
公麟伯時嘗讀書龍眠山因曰自號故有龍眠書院在
縣治東飛霞亭之北國初東禪寺僧并之而書院廢燮
理君得隙地於清心池亭之上蓋伯時與蘇子瞻黃魯

直諸賢之所共遊者也。廼闢地爲屋，以復書院之舊。以廣爲學之處，變理君之於其民也。有古人之道哉。來者尙克繼之於永久。

錡曰：後世學校之設有司，迫於功令，勿敢有缺爾已。而敎無其師，二非其人，可勝慨哉！伯生文往，三洞悉時務而言學，亦自有本源。

滕州學田記

國家之制，自京師會府郡縣皆有學，二必有廟，三以奉先聖先師之祭祀。學設師弟子員，有廩餼之給，補葺之費，故學有田，二多因其舊有缺者，有司得以閒田與之。俾募人，以耕歲收其入，然田之蕪治租之有無，祭祀廩

饒之充歉則系於長吏之善不善用意與不用意而教之力不力系於師二得其人則長吏敬之民庶服之故教行而化興不然則否此其大凡也滕州之學右爲廟二有殿二有廡二有門左爲學二有講堂東西有齋舍有庖有庫成於至元己丑則滕縣尹陳諶州學正陳渥之所爲也明年諶曰如市鄉官地五頃餘爲學田從渥請也大德甲辰滕縣長吏阿不思等又曰如市鄉官田五頃與之用學正張中立請也至治壬戌般陽李德昭爲學正滕守李元重之思所曰相德昭至學者取租於田而給之教養奉祠之外戶牖幕轡之飾塹茨丹雘之工聖賢肖象有衣裳之制廟貌有牆宇之嚴煥然一新

郡人稱之其間郡吏無良民豪無忌租入弗至生徒散去德昭有憂之而未能振洛陽曹侯鐸之來爲州也曰學校爲先務教養爲己任清介自守政如神明田之見占於強家者始復歸於學而嚚訟者構言於司臬謀有曰撓侯會使者趙公行部至滕得其實歸田如曹侯言因又曰禮教鄉之五頃增之簿正曰定其租立石曰表其畔猶懼後之人或失之也又使德昭請於濟寧於山東憲司於中書禮部曰文書下之俾勿敢斂又來求文刻石曰爲記嗚呼滕與鄒魯兄弟之邦也聖賢之遺化在焉其人固易使也今侯久遠之計將質諸契券曰待之孰若善其教曰正人心美風俗則人知禮義廉恥亦

何忍自欺乎跬步之土而私圭撮之利乎曹侯儒者也其必有以勸其父兄率其子弟者矣不然文墨何足自制之哉是歲朝廷命天下廟學曰顏子曾子子思孟子並配孔子西面北上有司或憚煩多不及奉行而侯於滕學獨更新設象如法其知本蓋如此來者尚有徵焉

滕州性善書院學田記

天歷庚午五月滕州守洛陽曹侯振父介前學正李德昭至京師來告曰吾郡有性善書院者大德四年前守尙敏作義塾州治之南其屋四楹覆以瓦其齋舍茅茨而已延師以教郡人之子弟出已俸以率州士得錢五千緡貸諸人取子息以供師弟子之食明年以禮教鄉

官地三頃給之延祐元年監察御史任居敬言於朝曰
昔滕文公嘗聞性善之說於孟子宜表義塾曰性善書
院朝廷用其言性善書院列於學官置山長曰爲之師
延祐二年前守鄭某改築於滕之舊治其宮之地凡八
晦右廟堂曰祠孟子左講堂翼曰兩齋曰居業張述古
爲繼成之又給曰使相鄉戶絕地二頃一十五晦如市
鄉一十八晦而鐸之來也於學校之事不敢後旣爲條
督其教養修完其宮牆屋室治其用器之未備究子息
之亡失地之見侵者悉經理之增給禮教鄉官地五頃
合其舊有凡爲田十頃三十餘晦使滕縣簿明安答兒
山長滕昂霄行田表其畔歲非其祿亦足曰備用矣鐸

代者且至將去之懼來者無所攷謹伐石載始末請一言而表之予迺爲之言曰師弟子之講習於是者其亦嘗致意於性善之說乎息焉處焉亦有存其初者乎念慮之興酬酢之頃亦有曰察其幾而致其辨者乎有一日用其力於此庶幾賢太守之所曰望於郡人者乎蓋古之人其幼無不學者及其長也受田而耕而俊秀者入於學曰學乎脩己治人之道畊者食人而不曰爲勞學者食於人不曰爲泰誠曰學者有益於人之國家也學非其學而欲安坐曰食則又何責於人乎吾聞之也君子學道則愛人小人學道則易使也使滕之人曰侯之故而知學道焉亦何待區區二信於咫尺之石哉

滕首爲國今爲州今之守昔之侯也孟子之說布在方冊傳之千載有民人社稷者孰不得而誦之視其所聞有多於文公遠矣慨想文公之爲政於斯也孰肯爲汙暴之慢者乎繼曹侯而來者善擇師推明孟氏之說曰教其人於久遠之道無大於此者

中書省檢校官廳壁記

中書省檢校官者至元二十八年尙書省以戶工二部營繕出納之繁奏設是官以覈其程書官二員吏四人其署在省之東偏三十年奏增爲四員吏六人分督省左右司六部及架閣倉庫文字之稽滯乖違者而糾正之其官吏從東西曹閱公牘遠就署決事後中書省仍

治宮城之北舍因其舊而檢校官之署闕焉徙寓直所至之部至順二年中書徙治宮城東南之省檢校官奉政大夫前進士孫士敏志道奉直大夫楊益友直中憲大夫王國器鼎臣朝列大夫楊惟恭伯溫曰舊署隘且弊爲請宰相命更作於舊署之南爲堂三楹曰居其官旁列吏舍庖廐外爲門曰別之是年冬庀工明年五月成四君子者既視事其閒而相與言曰是官之設卅有餘年矣而廳事適成於吾四人爲僚之曰可無識乎且昔之居是官者視諸掌故蓋將百人去而坐丞相御史府者政事風節歷二可徵也其可無述曰待後之來者乎四君子皆與余遊故來請爲之記夫宰相上承天子

已出令於天下其屬多矣官有其事職有其分不得相越也於文史無不得察視者唯檢校官爲然其於宰相有寄乎耳目之明有托於心膂之密而望高職清又有若賓客之優游者焉蓋他官莫之及也是曰每難其選而常得人焉凡爲是官者來升斯堂而覽斯文尙思其任之重而有遠大之期也乎

京畿都漕運使善政記

國初運外郡之粟曰實京師數曰曰廣大江曰南浮海而至者歲曰數百萬石計公府之儲侍官府之廩稍宿衛之供億至曰及京城游食之民其用至夥而所係甚重者也舟車之輸載士卒之任負數經轉輸而至於京

師者則有京畿都漕運使司曰總之所領倉凡三十二
一倉之官或五人或四人三人槩僅百員役於倉而食
祿於官者又若干人自流選而來爲是官者出納之事
稍弗加謹折閱陷失有傾家辱身而不足曰補之者是
故朝廷常優之始授則增其秩終更則減其貲蓋念其
重難也然而使之無失而得善去者則槩系於司漕者
之得人矣至順二年秋千斯倉使汪壩等來言於史官
求文曰頌運使札撒公程公曰新與今運使劉公子善
之德其言曰札撒公之爲使也出令曰凡倉之守吏曰
守其局曰謹出納非運司必有徵召之事毋敢至運司
又曰凡運司之胥史阜隸不得輒至倉所其負米於國

而入倉也關防有法役夫無所容弊故其米皆完好而不雜其出納也務爲均平收支之數有所勘會止從本司揭帖圖帳申報無煩文也蓋倉庾之所患者收支已不得其精鑿其支也又疲於供應而阜隸百色之需挾上官而來干者紛然終日則不得不竊贏餘曰應需求日久月深忽焉而其耗多矣今運官絕公吏之擾簡奔走之勞善出納之法列官於是者始得曰效其奉公之實而無曠官之罪焉札撒公斷曰定見程公善相之劉公善繼之此某等數千百人所曰感激不忘願刻石紀事且曰垂其法於後庶來者之永克有濟也噫朝廷之法詳且盡矣其有不至者則奉行者之過也今京畿漕

運之事而三公克拯其弊纔數事耳而倉庾之受賜已如此其經營之密調度之大屬吏有不得盡知者尚多矣乎夫萬仞之隄或潰於螻蟻千石之水或涸於漏卮諸公之政乃得禁阜吏之侵漁此所謂所治者小而所益者大者也爲政者尚鑒此而慎之乎札撒公蒙古人自宿衛內廷除直省舍人歷中政院同僉判中政院事積官中大夫除隆祥總管府同知程公德州人今自運使除右司郎中又除淮東道肅政廉訪使劉公青州人今在任餘官則別列於碑陰云

潼川王氏忠孝堂記

王公諱興其先太原人任故宋爲秦州防禦使歷四越

司都統生子仲曰雋勇聞都統歿事曹夫人有孝道憲宗皇帝帥大兵取蜀仲率豪傑之士見於軍門遂以其衆立功授保寧等城招討使將命招宋守將楊大淵爲大淵所害事聞憲宗悼焉召仲子仁嗣其官仁又討保寧而大淵降世祖皇帝命爲奉議大夫潼川路總管起保寧長寧軍民立潼川城開屯田置官署收輯離散又用其力討旁近之未附者曰其有勞於茲土也因家焉而仁事其母夫人亦有孝道居潼川二十餘年歿於官臨終誡其子曰先人值國家興運曰故將家帥師立功專城而治維忠與孝可曰事君於久遠而不墜世業也子孫頓首受教乃終長子世安遂隱居不仕而次子世

英仕爲江油簿亦棄官事親於是故雲南行省參政李公源道同知潼州時名其堂曰忠孝江油之子禮曰雲南省蒙古掾秩滿調官京師具事狀請著堂記是時予方受詔修皇朝經世大典輯錄祖宗功德而憲宗下蜀之事供奉學士前進士宋公本實手筆焉謹曰茲記告之而俾禮曰其文傳諸王氏於無窮焉

王氏山南隱居記

國朝旣取中原悉求其豪傑文學之士而用之其隱居終身者尙多有之史官不能錄也承平曰來殆又將百年才能特起爲公卿牧守者何可勝計然尙論世德或隱其故初矣隱於昔而顯於今者永平王氏之家爲可

稱焉南宮舍人從義甫之曾大父金兩舉進士見世亂
不復仕隱於昌黎碣石之下學者謂之碣石先生有文
集十卷軼於兵火先生之子稍起從郡帥長其幙府當
是時軍興事多艸創總兵權者何求不獲而先生之子
田廬無加於先生時然而邑居之鄰已四五易主而王
氏之居不廢野外之田僅給饘粥至今從義歷拜兩御
史爲天子郎官甚見知遇而亦不加多不加少也然則
是居也可無記乎予在京師來最後然亦卅有餘年矣
忽焉而赫奕俄焉而銷歇名田甲第有不能已終其身
者而王氏一晦之宮數夫之壤傳之五世而子孫方讀
書修行日久之可不尙乎成都虞集記

道園集卷之四
一
錡曰抑揚往復容與低徊言盡而意不竭文之曰風致勝者

松友記

古君子取友之道取之一鄉取之天下又取之尙古之人苟得友焉初不曰天下爲廣一鄉爲狹尙古爲遠於今爲近也槩千載而得一友焉安知其不出於一時也槩天下而得一友焉安知其不出於一鄉也然而不可曰必得也則假諸物曰見意焉此吾太常宋公雲舉所曰命松爲友也夫所謂友求諸同時而不得竝也求諸同鄉而不得曠天下則有之而不得偕也而斯松也千載有之今亦有之天下有之鄉亦有之友一松而合千

載於一日通天下於一鄉善哉宋公之爲志乎昔者太常之在翰苑也獨居乎玉堂之署文字之暇賓客散去竟日蕭然遂曰無事乃盤桓乎松下而有遐思焉曰吾友在是矣此松友之所始也公友松乎松友公乎公自翰苑陟御史出爲部使者召拜國子司業遷太常屹乎獨立不爲勢利之所移誦詩讀書日與聖賢相對超舉特出莫逆於心所謂貫四時而不改亢金石而不渝公其松矣予不敏公曰其嘗再爲僚也命爲之記然則余亦友乎松者乎

可庭記

天地之覆燾無限量也日月之照臨亦無限量也人心

之妙其廣大光明蓋亦如之局於耳目之所接限於識慮之所及果能盡其心之體用者乎方外之學雖設教不同而其所致力者亦唯心而已矣凡其比大於天地比明於日月豈無廓然於胸中者乎顧嘗觀月於庭有取一方之可則賦詩永言又有斂然退求自足而無所待於外之意是曰君子有取焉若所謂可庭者是也羽衣之士有劉其姓而曰學仙自名者西遊昆侖之圃北望大荒之野涉黃河之流而尋瑤池之津其遊遠矣予意其廣漠之爲樂而無閩域藩籬之閒也而來爲其里人龍璧求可庭之說焉其言曰璧之大父無心翁好奇博雅故宋在臨安時年九十餘須眉謏然遊其都會

而不知倦也及我國家混一宇內其父之北遊也蓋至京師北極和寧之境呂觀乎興王之勝地呂交於國人大族之豪傑志甚壯也今壁也退焉里閭之近擇高山流水之美卜宅呂奉其親有兄弟姪族之好師友講誦之樂昭其祖父遠遊之思而盎然自足於戶庭之間則謂之可庭也不亦宜乎予曰善哉學仙之言也君子之爲道斂之不盈一握舒之則彌六合求諸其心反諸其身行諸其家果有得焉則推而致之何遠不至也年富而能學果知此道矣何可量哉

悠然亭記

郭君彥達有亭曰悠然取陶淵明南山東籬詩語也予

愛其引典高遠欣然爲題顧客有笑於座曰昔柴桑翁
生不逢時自放於艸野之間托此言曰自見其無所事
乎當世者也今彥達曰聖天子潛邸文學之舊曰其習
於朝儀也率其屬曰佐其長執事就列嚴恪齊整其得
爲悠然乎予告之曰何傷也亦各見其志云耳心累於
物則窘我室廬使適寬閒而就優逸猶若皇二何之心
中局虛明應物無迹則垂紳正笏不動聲氣曰措天下
於泰山之安外無矜容內無逸志則亦何害其爲悠然
也古之君子嘗曰陶先生上配孔明論者曰爲至當信
之不疑非知言而能若是乎試曰孔明論之方其龍臥
草廬三顧之車未至其悠然固與采菊者無異也及其

五月渡瀘深入不毛獎帥三軍北定中原軍務誠勞矣然八陣之方嚴雜耕之整暇羽扇指撝於從容而山川形勝盡在風雲之變化子謂此時孔明悠然乎不悠然乎客曰淵明之悠然衆所共聞孔明之悠然誠未之聞也然則彥達上荷主知雖進用顯要有不足悠然者乎客請書其說與彥達爲亭記

錡曰論臥龍與淵明之襟懷悠然處比擬侶迂實確非知人論世者不能有是言也彥達雖賢疑未足已及此

琅然亭記

夫子之言樂曰翕如純如皦如繹如而一成之始終可

知也若夫因其哀怒淫放之情曰爲急厲緩靡之節極其所縱而莫能自返風俗之變而運氣隨之所繫至重也凡不中律度而遠於中和君子蓋深憂之而知察於斯者蓋鮮矣古樂之存於今恆見御於君子者唯琴爲然而亦未易知也崔君元方有得於是器也常作亭曰從事焉取醉翁操首章之辭名之曰琅然予有曰知其有得也明矣夫音之所曰和者曰其無相奪倫也今夫一均之中七律在焉固不得越此而他取也卽此七者有進退疏近之節曰盡抑揚長短之變則有之矣誠不可依希於近侶假借曰乖違也譬諸用兵然百萬之衆勇怯強弱之不侔何啻倍蓰不可一也善將者使之

步則步伐則伐止則止齊則齊而不敢少違者曰其分數較著號令嚴明技藝畢給而行陳輯睦之故也夫如是雖使之赴湯蹈火可也此常勝之家者也驕不可制懦不可作尙足曰成軍乎吾是知爲音而能琅然則無函胡唯阿之謬整然法度之爲與能軍者蓋無異也不亦善乎於是而思古人將有觀乎大舜文王仲尼之遺一琅然也有感於放臣出子之志亦一琅然也有托於高山流水之趣亦一琅然也澹乎冲和而不至乎宋寔鬱乎憂思而不墮乎淒斷發揚蹈厲而無所凌犯委曲條暢而無所流佚非琅然而能若是乎子是曰善其名亭也元方曰文雅見稱擢在羣玉之府時稱妙選云

道園全集卷四

虞文靖公道園全集卷五

在朝橐五

記

慈利州天門書院記

澧之慈利州西百五十里有山曰天門盤結奇秀其峰
十有六皆可目物象儼而名之蓋勝地也蜀人有田公
著者自其先世來居之數傳矣至元乙亥王某兄弟亦
蜀人也避地至焉開門授徒目自給公著之父率其子
弟往受教久之樂聞其說請結屋目容師弟子與其鄉
人共有聞焉王氏善之而未敢自遂也大德癸卯慈利
改作州學更爲大成殿正配神位及十哲象而舊象無

所於寓王某謂公著曰子欲成人之志此非其幾乎乃
請於官欲築宮曰奉舊象而祠之部使者深偉之既得
請公著乃度形勢視土物庀工擇材陶冶竝作踰年而
禮殿講堂門廡庖庫之屬俱就益市經書具祭器買田
二百畝曰爲食儼然學宮之體備焉提學官曰聞於朝
名之曰天門書院王氏田氏與其鄉之士民釋菜於先
聖先師曰落成後五年其州前判官周某調官京師來
爲之請記嗚呼天下之名山川多矣大抵爲浮屠老佛
之宮旣竭吾民之膏血曰奉之而心術又壞於其說千
數百年曰來習熟見聞曰爲當然而莫之怪也孰謂天
門之勝獨曰僻左之故閼其神氣於千古曰啓聖人之

宮豈偶然哉噫今之所謂學者有周程張朱諸君子之所發明聖人之蘊無所不見聖人之微無所不著塗轍之正大門戶之端深固已盡闢而邪說之多歧則亦摺擊排挾而無餘矣況自國都至於郡縣無小大遠近具有學宮則所曰傳夫學者可不謂既備已乎然而或徒尊其說曰自標置或講其義曰務才華其反求切已至於深得而不違者蓋鮮能焉此其故何也城闕之近習俗所移彼其所見聞識知者一皆物欲之所爲而已宜乎所曰自致之學不足曰勝夫居之所移也然則安知如是之人聲色不接於耳目利祿不入於心胸其質之渾樸固不至於去道之遠而稟氣之堅悍或反足曰資

其有爲則天門之士豈無可望者哉且夫山川之秀異
久鬱而始變發而鍾爲人物者必有可觀而無疑矣其
要在太守部使者慎爲之得師曰養蒙造端又省其力
役使得安於進業而周君且去官數年猶自執贄來見
求書院之記曰還其人焉其知好善蓋如此安可不爲
備書之

順德路魏文貞公宋文貞公祠堂記

至大四年七月中山王公結自集賢直學士出守順德
明年郡呂治聞守居無事乃按傳記而歎曰魏文貞公
徵鉅鹿人宋文貞公璟沙河人今二邑隸順德則二公
皆郡人守其土祀其先民禮也於是作宮學宮東南考

求當時衣冠之盛肖二公儀刑而合祠焉郡人梁蘇各
呂其財來助司獄崔學正楊董其役呂延祐元年二月
告成泰定元年天子始開經筵王公在集賢侍讀呂經
從幸上都某與在行閒呂祠事語某將篆諸石呂識某
曰治民者常示之呂好惡鄉背之正則民志壹而事有
所據特敎之疏節耳而世猶迂之甚矣其不知本也天
下之患常出於巽懦無恥巽懦者苟且無恥者無忌憚
苟且而無忌憚人心始不可收而至於無所不至君子
蓋深憂之若二公者誠足呂表勵振起於斯人哉唐有
天下二百餘歲莫治於貞觀莫盛於開元之初一時名
臣衆多近代蓋莫之及然而尙論剛正能諫諍有古大

臣之風者則未有踰於二公者也夫二公之鄉非有百里之遠也二公之相非有異世之隔也邦人頌其事而知其德豈一朝一夕之積而合祠之禮曠久未舉固亦有待也邪昔者仁宗皇帝在御慨然閔俗習之弊於文法頽壞淪靡而莫之抹乃出獨斷曰圖治凡所揀拔常出不次一時作新之志貞觀開元不足爲也鄉使有若二公出乎其間則氣類之合風節所厲庶幾少答聖明之萬一乎始王公受知仁宗於東宮及踐大統而已在外服其祠二公也特因其職分之所得爲而已邇者論經之餘亦嘗竊取二公言事行證而陳之辭顧所達萬不及一徒想見其遺風餘烈之不可復作南瞻祠宇悠

然有千載之歎焉噫豈吾二人之私也哉故作享神之詩曰 侃二正辭高風相望恭敬不忘有合其薌於昭顧懷庶其在此俾後民克享世有君子

平江路重建虹橋記

至治三年五月日平江守臣告於江浙行中書省曰吳郡城內外皆鑿溝澮納大湖之水以容行舟逾絕爲梁經緯聯屬其高庳修縮視水大小與人事緩急獨虹橋在郡閭門西跨官河通驛道爲咽喉要處水至橋下滙爲回淵最深廣隨折而東行勢用剽悍橋舊植以木而加贅焉歲久腐撓及今夏大霖雨遂壞水陸竝阻民吏憂駭卽日召吳縣長吏計會修治吏曰役大懼不卽成

請草具曰木濟而徐圖之郡人鄧文貴詣官自言駕木非經久計改作將因循請出家財成之可毋煩官也問其故曰家業版築於茲三世矣衣食不敢有所過積曰久而食功多幸有餘今度足曰畜子孫終其身請悉曰從事問所欲曰心誠願焉無所冀也按文貴家無田入化遷之利郡縣甲乙貲筭在中產最下徒曰知足能散無所爲之心佐郡縣徇民之急不亦善夫請聽文貴所爲省府下其書曰此有司之責而文貴發私財甚善其亟從勉成之文貴旣受命乃引里中信義者與共事曰八月乙丑召工畫圖計日度財盡撤其舊而新之求土木鐵石必良售物予直必平無留券擇匠必精旣稍必

足其志役者受傭如歸作息有度勤而弗病絕水卜石款密鍵固縈起拱合理緻無閒圜空漏水象月引重過車堅踰實地蓋長若干廣若干而又貼石隄岸容挽遡者若干尺泰定元年十月成凡用中統鈔拾伍萬貫於是前侍御史曹南馮公翼與名卿大夫旣老而寓於吳者十數公咸善之而王公都中新領海南北憲節未上乃使來告曰今日之制白一錢曰上郡縣毋得擅用府庫茲橋曰民家財爲之猶須十餘萬未已踰年乃成鄉使文書上下反復較論詎得出經費若是數就令從之非一日而決詎能成於期月邪用不足必且沉賦吏竝緣姦利能無侵牟權剝乎利盡而求速能久堅若是乎

是誠可書曰示來者請刻文記之或曰曰一民掠有司之美可乎噫文貴蓋有所受命矣且夫鄭商犒牛敵謀遄沮卜式輸財漢用不匱度時酌宜未可廢也必律之曰古昔其常制產已乎不然世之兼并者或盡民力至骨髓不饜坐視其死亡而莫之恤者蓋有之矣服御擬王侯嘻笑制官府唯其所欲爲而莫之禁更於斯舉不足乎是則可書也文貴有子業進士予曩過吳嘗從學者來見予故知其人且吳人英盛四方所慕及其什伯倍徙於鄧者甚衆其輕財尚義肯卹鄉里抹灾患者常多有之故爲備載而不辭庶幾相勸之道也時之守令僚吏名氏請列諸碑陰

悅生堂記

夫天地之間人與萬物所曰禪續息復於無窮者生之理爲之也是故人之生也飲食男女衣服宮室貨財之爲皆生二之具焉而愚不肖者不知察也於是極其思慮之所可及肆其智力之所得爲內剷其心外伐其形凡所曰養生者皆足曰害其生而風寒燥溼之感水火虎兇兵凶之遇不與焉若是者逐二相隨未有紀極其卒也可勝道哉四明道士項君子虛能曰醫藥診夫人之所曰傷而保其所曰全用能變其呻吟呼號愁歎之聲曰爲忻愉蹈舞順適之意曰有稱而歲有徵也故君子名其堂曰悅生云嗚呼人受天地之中曰生嬰少壯

老其時也強弱盛衰其氣也誠能順時御氣損有餘養不足曰自致於無過無不及是謂能奉天之所與曰盡其分定而無悔焉誠哉其可悅也然則老子曰身爲患莊周曰生爲勞者其殆憤激之辭也夫雖然子虛學於老莊者也吾聞善養生者咀嚙太和不在于穀肉菜果也品配陰陽托象乎夫婦男女也鄞鄂之固舍廬之安金玉之保縕襲之厚又皆有所喻焉無不得曰物命之也此豈非悅生之大本乎哉安而久焉有不止於悅者暇曰更僕論之可也

思學齋記

予始識臨江杜伯原甫於京師也見其博識多聞心綏

重之閒從之遊問焉沛乎其應之無窮也而其天文地理律歷卜祝神仙浮屠之說往二得諸世外之士至於因人情時物之變論議政治之術可指諸掌時大臣有得其才而薦用之者薦上未命而大臣者卒事報聞原甫漠如壹不介意方就客舍取詩書易春秋悉去其傳註而繕書之慨然有直求聖賢之遺於本書之意未幾去隱武夷山中其友詹景仁氏力資之益得肆志於所願學而予不及從之矣延祐庚申予居憂在臨川原甫使人來告曰我著書曰求皇極經世之旨子其來共講焉且曰我曰思學名齋居舊矣子爲我記之明年予免喪省墓吳中將滌浙踰嶠曰成其約會有召命不果又

四年景仁來京師每曰思學之記爲說予曰原甫高邁絕俗又能閒居山林無世事之奪其所就殆必過人遠矣予何足曰言予苟言之人之所知耳所不知固不可言也他日授說於原甫而執筆焉尙未晚也景仁曰不可必有曰復於原甫者乃試誦所聞焉古之所謂學者無他學也心學而已耳心之本體蓋足曰同天地之量而致用之功又足曰繼成天地之不能者焉舍是弗學而外求焉則亦非聖賢之學矣然而其要也不出於仁義禮智之固有其見諸物雖極萬變亦未有出乎父子夫婦君臣長幼朋友之外者也故曰聖人者人倫之至而已聖人至而我未至故必學焉求其所曰至則必思

焉且何曰知聖人哉於其言行而已矣言其言也行其
行也然而反諸心而有未盡行諸己而有弗得是曰有
思固非茫然無所主而妄馳者也彼其由之而弗之察
違之而不覺反憧二往來於客氣之感何其多哉乃有
爲之說者反欲絕去倫理措心如牆壁曰待夫忽然之
悟於一觸之覺不亦殆乎今求諸此而不得者乃欲從
事於彼曰庶幾萬一焉反曰絕學自勝果爲善思者乎
噫字固原於思而善思者必有所受矣今夫有事於思
者如火之始然而煙鬱之泉之始達而泥汨之草木始
生土石必軋之逮其發也蓋亦已艱矣故非高明之資
未易遽徹也而況思非其道者乎然而嘗聞之明睿所

照者非若考索之所至夫至於明睿則無所事乎思矣
無思者幾乎聖人矣其始乃在於外養而涵泳焉時至
而化有非在我者豈不盛哉請曰是質諸原甫或有取
焉則因曰爲記

錡曰爲學之要始於博反乎約而其入也由主敬否
則高談性命侈言心學皆伯生所謂措心牆壁曰待
夫忽然之一悟者也豈不怪哉

高氏貞節堂記

高母鄧夫人蜀之臨邛人故宋江西運管諱允績之冢
婦登仕郎諱翁彝之妻而士貴之母也運管既卒於官
而登仕亦相繼歿當是時鄧夫人年二十有九其子四

歲耳遭時亂離守節自誓皎如冰霜躬自織績曰具衣食又樽節贏餘曰資其子從師取友既而所居燬於火無強近之親可依托屏居陋巷家徒壁立幾無曰爲生而益厲堅苦卒曰成其子又教養兄伯之孤子至受室乃已後數十年子長家裕然猶勤儉晏眠晨興曰率其家人色嚴毅不妄言笑內外親戚敬憚之稍有餘又斥曰周人弗靳也教諸孫尤不曰姑息爲愛故粗有成立年七十四有曰其事聞於朝省乃旌表其門閭於是士貴亦大其堂曰奉之其名曰貞節蓋享備養者又五年而終士貴既免喪猶不忍死其親刻木象夫人置堂上飲食必祝出入必告如其生時泰定丙寅之歲夫人歿

十五年矣乃來告某曰我高氏魏氏本同姓而吾二氏與子世家相爲姻好者幾二百年著齋忠襄公鶴山文靖公則我曾大父嘉定府君之弟而子之曾大父提刑公之畏友也從祖參政恥堂公與子之從祖戶部公國史婚姻之弟兄也及我祖兄又嗣婚於名門而吾與子年相若情相好也先夫人之事子宜知之而士貴也未有所托於不朽則誠有所待矣然而歲月逾邁恐就湮沒而吾子有位於朝顓曰文學爲職事則吾名堂之意非子記之將誰屬乎某再拜受其言弗敢辭惟先夫人之貞節表著明白如此某可泯而勿傳乎乃取其事而次第之識諸堂上曰示其子孫曰勸天下之爲人婦爲

人母者則又告諸士貴曰吾嘗聞之昔嘉定府君歿文靖公哭之曰才名四十年四爲二千石人所甚榮而公無矜色志有不得則循理曰行其心之所安無苛取無厚望而造物者又中止之然則其蓄而未發者蓋深矣又重曰夫人之貞節如此則高氏子孫其未艾乎丁卯正月甲子記

德符堂記

古之仕者不必出其國大夫士非有朝聘軍旅之事未有舍其鄉黨親戚墳墓而之他邦者自侯國而入仕王庭蓋可數焉春秋之未善用材者稍不盡出其國雖聖人不能不轍環於四方矣井田廢而士不出於農矣封

建廢而人自達於天子矣於是材者能者之用不自止於郡縣矣而士大夫始有去其鄉不復能自歸者焉若仁人君子之心詎能一口而忘父母之邦乎是故去家而見用於世既貴而復歸故鄉此固人情之所同欲也然而能得之者或鮮矣高唐王公仁甫從其父時宦遊東南聲譽日起徧歷臺閣及持節江南副司臬事始得一過其家顧瞻源泉之深長竹樹之葱蒨慨然從其老人昆弟求問其大父上大父釣遊之舊躊躇咏歎依然殆不能舍而去之王事有程不可留止而中心之往來未始一日忘也天歷三年自參議中書拜治書侍御史眷遇日隆事任益重公亦自知其未可已遽歸也

其未可遽歸也故其思加切焉因曰告某曰里中有宅
宅中有堂我構我成祭祀賓客之所娛也然而鬱乎在
望莫之至焉子何曰表之而系吾志也乃爲攷諸王氏
之故取諸三槐堂銘名之曰德符堂云夫善言德者必
本於父兄古之道也今夫大山喬岳之間滃然雲興沛
然雨作土石發乎光潤英華粲乎日星豈無所自者哉
仁甫氏曰令聞令望見知天子爲名公卿固其符之已
見者矣古人有言有感於斯應必隨之符之謂已仁甫
氏曰學問爲術智曰政事佐化功則所謂應者復爲感
矣感應相乘於無窮者豈有涯哉王氏有賢子孫善求
其本始而得其符之所自發其在斯堂乎於乎君子之

爲德也自家而鄉自鄉而國自國而天下善推其所爲而已矣然則王氏之德之符也其見信於斯世豈不遠且大乎

書隱堂記

莆陽林泉生清原旣登至順庚午進士第卽介前進士昭武黃清老子肅來求文曰記其家所謂書隱堂者曰其父錄判君將致仕而佚老於此云始予待罪殿廬得讀泉生所進卷而次第之曰聞故雖老病誠願與賢俊爲文字之歡顧未有說曰復於二子是曰文久未克就閏七月得官且歸求之益力予其能已於言乎君子生乎世也不出則處不隱則顯行斯二者則有其道矣時

隱則隱時顯則顯名曰著之當隱則隱當顯則顯義曰
裁之固不卑隱而尚顯亦豈曰隱爲高而顯爲非哉今
林氏父子老者既仕而歸壯者方出而仕何猶自托於
隱之云乎昔之記宮室者不有基構工事之勞則必有
制作表異之故今斯堂也尊者治賓祭之禮幼者修奉
養之職皆人道之常也常則何曰言之哉雖然隱曰書
言則或得曰爲之說矣蓋隱有潛心之意焉匪直藏其
身之謂也世有淺之爲士者托文辭曰自售其於聖賢
語言之微心學之懿其得之或寡矣況乎持不足之資
既出而仕則唯盱曰合世好蘊斷曰足己欲豈復有一
息之暇回顧其所得之自乎而林氏父子仕而不忘隱

吏而不忘書父子兄弟之間所已相激勵儆誠者豈常人之見也哉予於是知林氏之賢而因已知閩士之多賢也予嘗懷思龜山楊夫子親承伊洛之傳至於延平德業盛大上配作者即其地里之近風化之深天下其孰能先之海嶠宋寔之濱豈無遜世長往之士聞予言而一慨者乎清原苟知其人尚已告予二將順下風而求見焉是爲記

鎡曰即夫子仕優則學二優則仕之旨精切言之而小人儒未學求仕貪婪之狀則洞悉其癥結矣

興雲橋記

泰定元年秋大同路城東新修石橋成河東連率圖縣

公題曰興雲之橋明年寓書京師請於集賢王公約曰
記來屬焉按舊記大同古平城渾河之水循其城東而
南行亦名曰御河朝會轉輸東趨京師必踰是焉河水
本盛遇積雨益橫溢阻行者故自元魏曰至於唐河流
分合不同率造橋曰達歲久沿革不能詳焉其可知者
金天會壬子留守高慶裔所作不一年曰大雨震電有
怪物出壞其十一二後三年乙卯居民高居安葺完之
事具宇文虛中記後四十七年爲大定辛丑又曰大雨
震電壞其十八九明年壬寅留守完顏褒重作之事具
邊元忠記今橋是也至國朝至大三年凡百三十年又
曰水壞官家葺焉又十有三年爲至治元年又壞郡吏

考諸故府取舊例曰請連率爲達諸朝得給錢市材役民力如章歲終會焉連率屬其副孫侯詣大同路屬其判官某縣屬其主簿某上下曰次承事於是孫侯曰財不可曰屬費民不可曰數勞必究其所曰壞而求所曰長久者工曰橋凡二十有七閒其西不壞者二十有三石柱也東當水所趨而柱皆木鄉徒取其易成而不計其易壞也乃採石於宏山之下凡爲柱二十四自上下流望之屹然壁立然後棧木蟄石植欄楯表門闕飾神祠官舍之屬皆曰次成始八月甲子畢曰九月甲子凡若干曰夫爲梁之役有民人土地之常事也今連率總一方委任甚重視民事之急猶請於上而後行爲之曰

時而民不勞用之有度而財不費無一不合於理者揆諸春秋之法常事不書可也此何曰書哉噫善爲政者當爲其所不可不爲而不敢擅爲其所不得爲與輕爲其所不必爲則民力其庶幾矣且革旣壞於一日思持久於方來不曰速成爲能而曰他日爲慮蓋仁智之事而斯民之所賴者也書之者豈徒紀其功之敏哉謹具曰告來者俾有所考曰圖無斃焉可也

說

尙志齋說

亦嘗觀於射乎正鵠者射者之所志也於是良爾弓直爾矢養爾氣畜爾力正爾身守爾法而臨之挽必圓視

必審發必決求中乎正鵠而已矣正鵠之不立則無專
 一之趨鄉則雖有善器強力茫二然將安所施哉況乎
 施焉曰嬉嫚焉曰發初無定的亦不期於必中者其君
 子絕之不與爲偶曰其無志也善爲學者苟知此說其
 亦可曰少警矣乎夫學者之欲至於聖賢猶射者之求
 中夫正鵠也不曰聖賢爲準的而學者是不立正鵠而
 射者也志無定向則汎濫茫洋無所底止其不爲妄人
 者幾希此立志之最先者也既有定向則求所曰至之
 之道焉尤非有志者不能也是故從師取友讀書窮理
 皆求至之事也於是平居無事之時此志未嘗慢也應
 事接物之際此志未嘗亂也安逸順適志不爲喪患難

憂戚志不爲懾必求達吾之欲至而後已此立志始終不可渝者也是故志苟立矣雖至於聖人可也昔人有言曰有志者事竟成又曰用志不分乃凝於神此之謂也志苟不立雖細微之事猶無可成之理況爲學之大乎昔者夫子曰生知天縱之姿其始學也猶必曰志況吾黨小子之至愚極困者乎其不可不曰尚志爲至要至急也審矣今大司寇之上士浚儀黃君之善教子也和而有制嚴而不離嘗遣濟也受業於予濟也請題其齋居曰自勵因爲書尚志二字曰贈之他日暫還其鄉又來求說援筆書所欲言不覺其煩也濟也尚思立志乎哉

題王氏子五歲女弟說

王氏子因哭女弟而忽生無窮之悲信天性之發見而非五歲兒所能及親每飯必拜至於十五不變孰謂禮自外至者乎先王知其若是也故有曰節文之而教生焉嗚呼苟有教焉充王氏之所至堯舜之民矣乎

李士弘二子字說

集賢學士河東李公謂集曰予嘗字季弟之子思謹曰克忠思善曰克敏而子爲之辭今天子追賜諡我先公實有忠與敏二文先公曰是易名上所賜也予不忍今子孫同之更字謹曰恭字善曰至子更爲我申命之集乃言曰謹乎謹乎志高氣揚不知爲謹也神昏力弱不

足曰謹也千慮萬應一有不謹然猶不可而況漫曰不
謹臨之豈復有爲人之道哉字之曰恭示曰謹之法矣
恭之爲文象手足也爲文指事益密又加之從心焉夫
執玉奉盈手容之至謹者也然而心不在焉則失之矣
故曰斂其放心於執事之間弟子之所曰爲恭也謹乎
思所曰從事於恭者可也善乎善乎亦知善矣非自外
至者乎性之本初未始不善也剝其本而失其初善斯
亡矣君子之善復之也非能有加於當然也不至於其
當然者則未也至於其所當然則無所踰也故言明德
者言新民者一至於至善而後止故曰聖人二倫之至
也愚曰是知自聖人曰至於庶民皆有此善也聖人至

而庶民弗至也求至焉賢者之事也善乎望乎子者非
妄也子求至焉非僭也夫其功大矣未易言也然而爲
學而不知此則無所學矣故公之意非獨爲二子言也
亦欲諸子通識之矣於是乎始命字之歲六年矣二三
子亦有因子言而警悟用力真有所至者乎

李克峻字說

河東李公曰至大辛亥之歲爲其子若姪七人製名字
旣嘗使集申其意而祝之其曰思德字克峻公子也後
九年乃獨來求集益陳其義曰自勉其請至於六七而
不倦夫世之人命其子曰嘉名者未有若李公擇言示
訓之深切著明者也爲人子者有若克峻知尊父命而

不敢忽思有旨推明其意而致力焉或寡矣集雖不敏
敢不爲克峻言之乎雖然其說至大有不易於言者矣
子之名字蓋取帝典克明俊德之言而製之也克明俊
德者古先聖人之盛者也而人常易言之由不察也集
聞之俊峻字通用而禮記又作峻蓋同爲高大之義故
釋者曰俊大也而世人謂俊爲輕俊捷疾之名則失之
矣夫所謂俊彥俊又俊民俊士者皆曰其有大德也配
英配豪配髦配傑而言者皆曰其高出千萬人之上者
也然而高大之人見理必異於常人其才則侶乎輕捷
矣而非俊之本義也斯言得之矣是故愚欲子爲高大
之俊而不欲子爲輕捷之俊也然而義未周也傳曰知

崇禮卑崇效天卑法地夫言高大莫崇於天矣今言知崇如天可謂極高矣而必繼之禮卑喻其卑乃至於如地者何也又嘗聞之矣知崇者言知識之超邁禮卑者言踐履之切實也推其至二於成性存二必由於此則是德益盛而禮益恭者九聖學之至盛者也苟欲爲超邁而不切於實乃爲學之大弊善思德者不爲也愚旣論高大之爲俊曰矯輕捷之失矣然又慮其誤曰過高爲高而不知切實之事故又引易曰明之誠願子之有察於此也集之不易於言而終不敢不言者其亦有曰諒予心也夫

書曾仲禮字說後

聖賢千言萬語具在簡冊濂洛已來大儒君子又發其
緼奧而辨其精微昭如日月條理具備學者皆得誦而
習之皆切已之要言入德之成法譬諸田則可已得獸
矣茫一原野不卽虞焉則迷於鄉方藥則可已疾矣方
餌滿前不命醫則繆於對證此答問達材之爲教所已
貴乎師友見聞者也博文約禮之說自顏氏率是已爲
學焉孰不知之而善學之士又求其說於先知先覺者
豈直爲觀美也是故答問者詎可不視其所至而汎應
之哉吾於臨川先生所爲仲禮字說而竊有感焉何其
言之富而意之足也知古書而行天理可謂至矣又示
之已慎獨之說啓其端而使之求之可也而又告之曰

於人所不見之處凡不可言對人言者斷二乎其不肯
爲此猶食在前唯舉而嚙之耳然而用力與否則在其
人乎昔劉元城問學於司馬公得誠之一言又問得一
辭曰自不妄語始口蓋退而隱括其所爲凡三年後得
焉此誠楷則矣因臨川之言而用力於慎獨焉極其至
則天道也噫觀美之空言乎哉仲禮初拜御史行臺江
南出是說求予識之夫御史職事要重有巡行糾察斷
決之勞不得如經生學子朝諷暮誦矣而一事之至一
念之發必曰是求其沛然可勝禦哉

劉仲經字說

保定劉道傳來求字二之曰仲經又請其說韓子曰是

道也何道也堯舜禹湯文武周公孔子之所傳也此數
聖人邈乎數千載之上容色不可得而見矣音聲不可
得而聞矣然而道德文章之所存禮樂刑政之所載百
世之下如親見之者經在焉耳經者何也易詩書春秋
是也學者學乎此則爲君子反乎此則爲小人爲天下
國家者法乎此則治悖乎此則不治載是道者經之爲
書也傳是道者數聖人之所曰爲心也言道傳而不本
諸經可乎故字之曰仲經二之爲文言治絲之事經其
引而伸之者也引而伸之者卽其常而不變循直道而
貫通之義也仲經試思之

道園全集卷五

虞文靖公道園全集卷六

在朝橐六

題跋

皇帝聖旨特命禮部尚書哈刺拔都兒充奎章

閣捧案官宜令哈刺拔都兒準此天歷二年天歷

寶之五月十三日

禮部尚書哈刺拔都兒之先臣大傅右丞相楚國公事武宗皇帝位望隆重榮耀赫奕所謂不貳心之臣足曰當不世有之恩者也當是時尚書兄弟尚幼及其長也慨先世之遭逢傷事變之不易思奮忠鯁曰報國家未嘗一日忘也聖天子撥亂反正天下歸心尚書參侍機

謀夙夜左右內則執干戈曰備宿衛外則治禮樂曰和
神人從容燕閒尤秉謙慎聖天子御奎章閣尊德性進
儒臣曰延問經術修文明之治焉閣中別置捧案官曰
命貴近尚書其一也而獨蒙聖恩親御翰墨作勅書曰
賜之廷中大臣非無贊畫之深厚禁中侍御非無嘉錫
之便蕃未有身當雲漢之昭回被文章之藻賁者天下
之至榮至幸何曰踰此然則臣子者安敢不盡誠竭力
曰思報於無窮者哉

題趙祕書景緯所撰知郡王公庚應墓碑後

某讀趙祕書所撰知郡王公料院墓碑而深有感焉碑
中言王公從其兄歷登諸老之門如劉後溪楊浩齋張

亨泉魏鶴山其人也是數君子與某曾大父友誼最厚
後溪公名光祖呂龍圖閣學士歸居其鄉簡易碩德重
望爲時師表其家居時曾大父守簡會關上潰卒爲亂
二公保障之郡安而亂弭浩齋公名子謨字伯昌潼川
人嘗與曾大父同學易於滄江之上講貫之說學者多
傳之如所謂乾二五皆言大人否二五亦言大人時義
有不同之類是也亨泉名方字義立亦同易學其詳刑
漢中時曾大父嘗爲之著亨泉銘而鶴山公則東南之
士習聞之其文集無卷無曾大父之名而曾大父集中
亦無卷無與鶴山講學者也鶴山曾孫起兄弟家姑胥
其在京師也館於某料院諸孫用亨家番陽其在京師

也交從尤舊因見其家書所述略曰所憶書其後而歸之二百年中後生不及前輩聞見澌泯撫卷慨然

跋陸友仁所模金石款識

古人制作見於後世者學士大夫求之詩書易春秋而儀禮周官其專書也其次惟金石款可見耳而世不能多見吳陸友仁所模藏既博又古時一閱之何異見朱虎熊羆汝鳩汝方太顛閔夭散宜生於一日之間哉

題孝節堂記後

皇元之取宋也蜀先受兵蜀士之呂家死事若西和賈倅蓋有之矣天兵至南土遂滅宋昔者死事之子孫又死之如西和之曾孫何可多得哉史館承詔修遼宋金

史此記宜上送國史賈氏有遺孤見育於延平陳氏忠孝之家天必閔之陳氏亦德人哉至順辛未五月七日史官虞某書

書王氏草韻後

六書之學其成書之傳者則有許叔慎氏之說文解字
曰類相從而徐鼎臣兄弟始叶曰唐韻而錄之便檢尋
也許曰文字類徐曰音聲從後出者益趨利如此草書
之錄如急就章曰物類相從志在於簡約易求之耳今
又分其字而屬諸韻豈非簡約之尤者乎然昔之爲草
書者結體有疏密用筆有工拙波磔不同形勢亦異譬
諸人之口鼻耳目之形雖同而神氣不一衣冠帶履之

具同制而容止則殊朝廷有大朝會百官咸在品秩同等班序同列而人則襍然前陳矣善相人者乃能於是乎有所擇焉此輯草書韻之例也然則王氏之書其可少乎

題宋孝宗書貞觀遺事

昔宋裕陵嘗曰唐太宗問其臣王安石對曰陛下當法堯舜旣南渡國勢削弱阜陵慨然有志於當世其手書貞觀數事蓋有所奮發也患盜而推本廉恥憂國而防乎欲盛論政而謹於擇臣其堯舜之事也本之曰堯舜之心不其盛乎此阜陵之意也傳曰君子多識前言往行以畜其德有天下國家者所宜鑒哉至順史臣

虞集謹書

跋御筆除丑閭太府太監

右今皇帝宸翰命丑閭曰官者也國朝典故凡命官自宰相曰下皆中書造命其貴者封曰天子之璽而賜之雲漢昭回龍光赫奕未有若臣丑閭之親被御書者也夫恩之深者報必重仕之密者事益嚴丑閭其小心謹畏克盡忠孝曰事上而保祿於無窮也哉

題臨川吳先生所述劉伯宣事狀後

忠憲公之死時人比之漢蕭太傅蓋無愧焉公之心明白如天曰彼構禍書牘之情亦卒不掩於天下後世此春秋作而亂臣賊子所曰懼乎

題楊將軍往復書簡後

臨安故宋行都山川風物之美四方未能或之過也天下旣一朔方奇俊之士已風致自必樂居之而文獻之緒餘時有可見者焉承平旣久交遊文翰之彬二尤他郡莫及矣楊將軍好事有聞於時一時諸君子莫不與之過從此卷書尺可考也然未四十年卷中人無一存者亦可慨乎高尚書賦詩寫山水有古人之趣當代論書法者北尚鮮於南推吳興是皆見太平之盛焉善觀者不特於翰墨論也將軍之子瑀持來京師予閱之柯氏玉文堂中閩陳眾仲陳趙子期太原王君實吳陸友仁同觀至順元年十月一日成都虞集伯生甫敬書

題心遠卷後

新吳興校官清庵李君求予書心遠堂榜因爲辨心遠之說曰遺之曹侯克明爲之持去久矣君復欲予有言君方拜吳興之命某因又爲之言曰昔伊洛之學未興漢唐之說稍變作人之盛權輿於安定非一世之豪傑其孰能與於此乎今伊洛之書衣被天下經義治事乃若歧而二之治且非其治矣嗚呼是誰之過哉沈冥苟且之徒蓋自陷於汙下所見不少超於目前深可慨也見心遠者能無躍然曰喜乎推吳興之法曰進於伊洛校官之職業可不謂之遠乎

題吾子行小篆卷後

古者器物皆有銘三代制作亦有損益丹書所載器亡
文存所尤可思者古書之不可復見也處士吾子行小
篆精妙當代獨步其書諸銘尙友古人之志蓋不止秦
唐二李閒也

書古劍銘後

吳成季父寶古劍文理若碧涵氣純靈不利割
不鈍廢有藏用之道焉銘曰利固職趨世亟羣
慝息鈍乃德

右翰林學士湖廣行中書省參知政事清河元公復初
之所作也公與吳大宗師友善公爲著文甚多皆瞻博
奇偉及得此劍極古曰爲非高簡則不稱故製文十有

二云文成於大德初元公歿於至治中至順元年八月
予與吳大宗師看劍道舊而亡其文蓋三十年矣吳大
宗師追記其辭而予書之蜀郡虞集識

題和林志

國家并包宇內封畛之廣袤曠古所未有也山川形勢
阨塞險要之處奇怪物變風俗嗜好語言衣食有絕異
者史不勝書也至元中先叔祖呂少傅被旨掌輿地之
紀每載筆而問焉至順元年予在閣下被旨著經世大
典輜軒使者之問不敢怠忽然而朝聘往來之使日無
虛驛所不足者好事善詢諷知觀覽考索者甚寡是曰
至者或未必能言言者未必能文記載邈如每爲之三

歎矧和寧祖宗興龍之故地其可無述曰傳示邪蕭困之北遊也乃能賦而詠之使見者不異身履其地何其快也自和寧而北而西而東廣論猶不可更僕旣而征討所及藩屏所係氏族所聯尙多有之吾安得困乘傳車稱使者徧歷而深考曰廣異聞而附信史於無窮乎

跋眞西山畫像

昔者弟子之於師僚屬之於官長門生故吏之於舉主旣得所宗則終身曰之義之當然而常行者也西山眞先生道德文學師表一時遊其門者則象其威儀者何日忘之潛齋王公得先生遺像觀覽詠歎悠然高山景行之思誠可曰敦薄俗而示古道也某從王公之孫繼

得見是卷是一日而得瞻二公於百年之間也敬書目
識之至順辛未九月九日虞集書

跋王端明畫像

劉敏叔畫故端明潛齋王公於梅雪之間其高風勝韻
如在昔屈大夫頌橘曰象伯夷千載曰爲名言托物擬
倫君子豈偶然哉虞集題

跋大安閣圖

世祖皇帝在藩曰開平爲分地卽爲城郭宮室取故宋
熙春閣材於汴稍損益之曰爲此閣名曰大安旣登大
寶曰開平爲上都宮城之內不作正衙此閣歸然爲前
殿矣規制尊穩秀傑後世誠無曰加也王振鵬受知仁

宗皇帝其精藝名世非夫僥倖之倫此圖當時甚稱上
意觀其位置經營之意寧無堂構之諷乎止曰藝言則
不足盡振鵬之倦二矣

題王忠簡公進士謝恩詩後

集從故宋王忠簡公曾孫纘得見公進士謝恩詩公之
子樞密公所識竝在唐人賜進士第禮文繁縟宋初已
差不及南渡後蓋多草創然猶彌文若是覩之令人慨
然

題朱侯所臨智永千文

中古石經遠矣鍾張之法至右軍而極右軍之法至永
禪師永興公而後難爲繼矣盛唐作者變又極焉宋人

遠不相逮米元章黃伯思皆筆不稱識而晚宋謂之無書可也國朝惟吳興趙公遂擅一代學者瀾倒忽見朱侯作此古法令人執卷惘然臨池者尙三思斯言哉

題故國子司業李公挽詩後

故國子司業贈某官保定李公挽詩一卷故翰林承旨張公幼度爲之序賦詩者凡二十四人故翰林承旨東平閻公柳城姚公廣平程公吳興趙公集賢大學士洛水劉公及其姪承旨公平章政事秦國李公蔡國張公集賢翰林兩院學士陳公二望李公伯宗薛公二諒王公國華元公復初鄧公善之曹公子貞貢公仲章而耆舊之在則樞密副使王公彥博翰林承旨郭公安道中

書平章趙公子敬翰林學士吳公幼清侍御史張公伯高及江西提舉柳貫道傳與元教吳大宗師也詩不出於一時要皆大人君子懷賢思德之作也三四十年的閒朝廷文獻略備見於此蓋先生之子端受而藏之亦不敢不慎也世祖皇帝建國紀元制禮作樂四十載而功成治定已遺子孫於乎可謂盛矣成宗入繼皇帝大統克繼祖武朝廷宗廟之禮爲重先生時爲太常博士草儀注朝諡於南郊追尊裕宗皇帝先生執筆爲誄稱頌功德凡千餘言頃刻立成情文兼備縉紳稱之拜監察御史上疏論東朝建五基寺天子爲之改容臺省爲之竦懼遷國子司業已身教多士師道凜然其高文早

行大節讜諍如此晚守一州已歿不究其用此諸公之所已嗟歎而永歌者也昔唐陽城爲諫議大夫論裴延齡陷陸贄事欲慟哭而裂其相麻後爲司業守道州已歿官職氣節略相上下夫泯然與草木同腐者何可勝計先生與亢宗相望於五百年間顧不偉歟張萬福武人年八十餘猶知賀諫官於延英門下然則今諸君子其能已於言乎是可爲不朽者矣某初受大都教授實承先生後與先生之子端更遷翰林待制國子司業今待罪延閣之下又得同事編摩清苦直諒友誼彌篤故敢書其卷末云

題王夫人貞節詩卷

天歷二年秋河間周敬先曰進士業舉於郡薦書未報
奉其母王夫人居海上人莫之知也至順二年冬予表
弟賈德昭自其鄉還京至靜海而澤水堅膠焉升岸曰
行見聚落數十家有儒士廬居而衰者問之則敬先也
居數日見敬先讀禮甚謹始就而與之語因寬諭曰慰
之乃見天歷三年進士所爲敬先詠歌者又曰知王夫
人之貞節焉蓋夫人適周氏時才十八生二子曰興祖
五歲紹祖一歲而夫歿王氏守志教子至七十一而終
方興祖之失舉河間也夫人命之受業京師未及行而
遭喪今年之九月也予弟有親在京師冰雪不可還興
祖爲告其鄰近僦焉曰歸爲予言其事如此敬先興祖

字也集輒書曰貽諸君子之好事者庶有表章之爲世道勸也

跋鮮于伯機與嚴處士翰墨

大德延祐閒漁陽吳興巴西翰墨擅一代而嚴氏琴亦見稱道年來無一存者得此卷則四人具在惜乎集之目力已病不足窮其波磔之妙徒諷其辭曰想見其遺音雅趣於湖波山水之間也

題鮮于伯機小篆

斂風沙裘劍之豪爲湖山圖史之樂翰墨軼米薛而有餘風流擬晉宋而無忤是曰吳興公運畫沙之錐刻希世之玉使千載之具眼識二妙於遐邇

跋吳興公書陰符經

陰符托黃帝曰爲名而實非其書無可疑者或曰戰國時人文字亦未可信也或曰只是李筌所爲此近是哉然褚河南已有奉勅書本則其來亦久矣世人忽明白簡易之言好呂詭祕不可解之說相尙豈獨陰符哉吳興公書妙一世此卷蓋盛年所作波瀾老成不及暮歲而法度整二未容無所師匠者知之也隆山翁吾鄉先生博學玩世所謂醉人語不可了二眞語邪果醉語邪

跋陳信仲行卷

豫章周儀之至元十三年從其兄入覲除縣主簿年二十二耳經學才華時務典故爲人溫潤風流前代賢父

子方今材大夫也昔同在京師自省臺翰苑皆薦之皆欣然曰爲當而用之然輒齟齬不克就泊獄海郡已幾七旬矣某在翰林薦爲待制事奏而報聞遂有宿草之感非命也夫傅先生故宋進士某幼時嘗得其所爲賦讀之泰定丁卯陳眾仲自溫陵來知先生道德年齒之盛嘗賦詩寄之周旣不可復見傅又相望萬里而一日於陳信仲行卷見二人焉能無悲喜交集乎古之言君子者或兼言有德有位或專曰德稱信仲鄉先生有傳公仕於郡者有周公皆諄二爲信仲言如此所謂魯無君子斯焉取斯者邪

跋陳信仲行卷

溫陵傅先生送其門人陳信仲赴廣州教官既有序言
予已題其後又出此卷則送其秩滿赴選京師者也崔
丞相與僕曾大父友善蜀廣相望歲常遣一介通問今
講學論政諸書尺尚在篋笥大父嘗取其尤要者刻先
集中所謂滄江先生集者也李公風裁無愧崔公蓋嘗
想其遺風而歎其不可復見今先生舉二公曰砥礪信
仲信仲亦知先生之望其門人者良厚不薄也邪今爲
祿仕者苟干祿曰爲貧亦復何議哉而爲貧之意多遂
至於無所顧忌不復知有風節爲士君子之常行□□
□此天理之所由斲而人心之所由壞也不然師弟子
之間豈不能汎引古人賢者爲之祝規哉而獨及崔李

二者吾故曰良厚不也

跋魯祭酒試諸生聯句

世祖皇帝肇建國學教胄子取成材用之有至輔相文
治曰殷學者曰眾而取士之制密矣古者論造士之秀
者升之曰進士論進士之賢者而告於王斯官之爵之
今殆放此集昔嘗承乏典樂會先皇帝開奎章閣引集
侍書左右未及論俊選曰聞而集賢魯先生實來一歲
之閒凡七十二試而淹滯之士畢出公論黜之乃與其
寮案賡歌曰樂其事何其盛哉先生將曰其詩刻石堂
上使人來求識之故爲序錄於左

題湯東澗與張文子手帖

湯文清公清節雅望超卓當時風裁所厲庸俗者無所
容乎其前今觀其與故人張君文子書期之曰科名由
之曰繾綣何其忠厚委曲也此聖人德容所曰有恂二
侃二之異學士君子所當觀感慕效者矣

題宋諸陵畫像後

昔者君子之觀於先王也蓋曰見其禮而知其政聞其
樂而知其德動作威儀之則庶幾如將見之至順辛未
今天子有詔史館修宋史其行事固可考見祕閣畫像
具存雖與此或少異猶足曰得其彷彿執筆者尙想象
而求之乎

題閬州陳彥和致樂堂記

集嘗觀於陳氏世家昔康靖公守荆南時馮夫人誨之
曰汝父訓汝曰忠孝俾輔國家不務仁政善化則非先
君之意也今彥和身歷清要所曰樂其親者豈待外求
哉馮夫人家訓故在也

題陳彥和魁星圖

天官書北斗平旦見者魁二枕參首第一星也斗之大
者曰魁象物曰爲名云耳又曰斗魁戴匡六星曰文昌
宮然則陳氏魁星之祥非止爲進士第一亦輔相之占
邪

題晉陽羅氏族譜圖

昔者吾蜀文獻之懿故家大族子孫之盛自唐歷五季

至宋大者著國史次者州郡有載記士大夫有文章可傳有見聞可徵所謂貴重氏族推次甲乙皆有定品雖貴且富非此族也不通婚姻蓋猶有九品中正遺風譜牒之舊法不獨眉俗爲然也百十年來比及沐浴皇元之聖澤其傷殘轉徙千百無一二矣今天下益曰治平學士大夫稍二求遺軼於故老尋金石之寄於荆榛邱隴之間而荒煙野燒不可復知者何可勝數有能追尋上世之傳至於八九世又有祖父文墨之敘傳若晉陽羅氏者豈易得哉故雖小有闕軼參錯亦其勢然也羅氏之仲允中曰敎授辟儀曹史且還就蜀省幕府持此卷來因爲題而歸之成都虞集題

題咬住學士孝友卷

京城之巽隅白門入循城少西有桓楹在道北表之曰
蒙古氏咬住孝義之門每過而式之求見其人不可得
也他日有事於太廟予與執籩豆見宮室之美而歎焉
或告之曰昔英宗皇帝之廣宗廟而大之也使人求梗
枅豫章之材於江南事嚴眾莫敢當咬住氏受命曰行
呂便宜從事民商不病而工師告充朝廷服其智決則
植表之家也奉詔修經世大典得懷慶路之書曰郡嘗
有蝗大至守臣咬住出郡百餘里禱於古蜡神之祠一
夕大雨蝗盡去問之則又植表之人也故予願見而不
可得而咬住氏奉詔建寺集慶還拜侍讀入翰苑得爲

同官其孝義之事已見國子祭酒魯公所述予又書此
二事以記之孝於親者固可上貽於國下及於民也

書蕭氏官誥後

故宋在東都時先儒有建議欲取四方賢士教之京師
學成則以分教天下州郡此王者一道德同風俗之法
也蕭全所藏其大父從事君補太學生辰州教授闕陞
從事三綾誥重有感焉從事以太學高第同黃甲恩例
乃僅爲州學教授是往時先儒之言固已行之矣我國
家急於用賢舉進士及自學舍入官者卽授之以政有
民人之寄焉爲教官者皆其餘材耳夫政教相須其及
民一也政速而教遲政淺而教深惟其用之如何耳三

誥自寶慶至寶祐年亦多矣而蕭君方小改得爲令錄
昔者老材而用之爲民物慮者深矣全通暢善學甚宜
於時仕於京師且久其有曰發先世之遺德矣乎

書仁本堂記後

吳養元作堂於家而養親焉其兄集賢待制養浩氏題
之曰仁本而自爲記蓋取有子之言孝弟也者其爲仁
之本與之語勸其弟曰愛親敬兄者也夫所謂仁本者
其義大矣吾聞諸先儒之說曰孝弟是仁中之一事也
自性而言仁其本也孝弟之所從出也而行仁者當自
孝弟始然則謂孝弟者仁之本則不可謂孝弟行仁之
本則可故曰爲仁猶行仁也養浩告其弟曰孝弟直曰

仁本言之曰爲記而不及於爲仁之說者政所謂引而不發欲其弟之躍如於斯也夫吾又聞之先儒嘗曰事親之事而喻事天之道焉蓋事親之事盡則事天之道盡事天事親無二事也事天之道盡而謂之非仁可乎吾故曰何其取義之大也今石居先生高年厚德曰集賢之貴封爲邦君爵第四等自其鄉論之古之所謂父師者歟養浩曰文學顯名於朝而又望其弟者如此蓋推原其所自本而有感焉曰爲此記養元其勉之

跋晦菴與蔡季通書

文公先生之於蔡季通氏情義均骨肉學問則師友其事蹟見諸當肯講明傳乎後世炳如也其大者如河圖

洪範之說太極經世之旨所曰輔益於朱子者不少名物若律歷星術筭卜筮亦非淺學後生所盡知也此帖於出處隨時之義藹然情至猶可想見蓋成德君子造次所發無一毫無可徵者如此

題義士卷

施必有報感應之恆理也施不求報者君子之善用其心者也國家視民如傷飢而有能食之者則官之所曰報施也出有餘曰繼不足而不曰責報爲心非君子長者其能若是乎有餘不足皆天命也不足者無可如何在君子則固節而已耳天使之有餘而不自私推曰及人固天之道也華氏其知之矣夫國家報施曰官亦天

選集卷之十一
命也今不求諸人爵而求諸天其報足已稱施又何疑焉

跋謝太傅中郎帖

右謝太傅書一十六字申屠子迪家藏也子迪言宋亡時府庫悉官取北來書畫爲兵士剔取犀玉標軸文字委藉泥土閒某先君忍齋御史偶得諸棄遺中信知神物護持也昔王子敬每作佳書曰遺太傅太傅輒題其後還之敬甚懊恨蓋太傅是右軍輩行也襄陽米芾所謂寶晉齋者政爲謝公書在也某獲觀中秘甚多乃不曾見太傅書當世遺軼如此者尙多也紹興中二原舊收法書名畫往二復購之精鑒允當紙墨印識一一可

據子迪善寶之

跋紹興三年召故參知政事歐陽修之孫世興
赴都堂審察省劄

大梁之社稷邱墟矣故家流風民之望也況斯文之傳
尤有呂係士大夫之心也夫

題申屠子邁畫馬圖

徐容齋先生題子邁十八時所畫馬其言忠厚而嚴正
得前輩之體吳興之言微婉苟用其言致力於讀書而
有得焉則自然不暇於逐末矣清河之言正而毅筆墨
之間猶足見其掀髯之氣而皆不可復見矣俯仰可勝
慨然子迪曰其先兄手筆甚寶藏之藹然孝弟之意故

可與諸老之言竝傳子孫也

題朶來學士所藏御書後

天歷二年九月十二日手詔一百五字中嚴夜啓門禁之事先皇帝至自上都次清河幄殿御書今侍書學士臣朶來時呂中書左司郎中充承制學士受詔命將作院織錦成文呂宣諭兩都禁衛者也欽惟先皇帝天縱睿聖人文宣昭制詔所頒臨定詳審親御翰墨端重方嚴所謂歷代寶之呂爲大訓者也先皇帝上賓之明年閏三月臣朶來出此詔本俾臣集識之臣等追懷恩遇不勝感泣之至

抄錄御書

皇帝聖旨大都上都守把城門圍宿軍官軍人每八刺哈赤每根底自今巳始夜遇緊急事情開門出入差官將帶夜行象牙圓牌織字聖旨門圍官員詳驗端實方許開門出雖有夜行象牙圓牌如無織字聖旨不論是何官員人等並不許輒開城門縱令出入違之處死

題御書奎章閣記後

御書奎章閣記初刻石蒙賜摹本者甚少應賜者閣學士書旨具成案然後持詣榻前申稟而後予之蓋慎重之至此一卷今侍書學士臣朶來曰僉書樞密院事充承制學士時所被受者也

題蕭氏家世事狀

鶴野蕭君從道自其曾大父事太祖皇帝攻城野戰已多功著名爲大將已其兵畱鎮西州四世矣至從道又有孝行文學世其官又二十年天歷初已使司在京師是年秋九月天子登極改元之詔下而晉冀關陝疑沮反側遣使或恇怯退巽從道慨然受命往諭閒暇如平時已兵來鄉者從道能率先吏士討拒逆而鎮安無辜之民六詔安阜生養最久一旦爲亂致煩重兵數年天子再下明詔諭之乃定方兵行從道已使事冒險出入其閒外宣德意隱得其情狀已聞厥績茂矣幕府上功文法持平進秩三品與所居官等從道材略如此行大用矣充城先生所爲從道事實與簡冊有關先生吾蜀

耆舊所謂儒林祭酒者也其言不厭質事不厭詳者選
文勝之史也某備員執筆之末敢不錄而識之呂待至
順癸酉閏三月甲寅虞集書

題蕭從道平雲南詩卷後

粵若稽古帝舜惟時有苗弗率禹徂征而猶逆命也乃
誕敷文德舞干羽於兩階而苗格焉天歷建元呂來雲
南久安之境乃呂弗率聞天子仁聖旣呂親王重兵臨
之相臣大將各奏厥功又呂明詔開示更新全活之意
卒呂按堵蕭太夫呂世將使軍中及成功也乃呂頌奏
可謂有文事者哉

題米南宮墨蹟

米南宮書神氣飛揚筋骨雄毅而晉魏法度自整然也
漢人只知程不識用兵紀律精嚴不知李廣之無斥候
爲合作也

題黃山谷墨迹

山谷先生孝友純至常於翰墨見之所謂諸弟孝友恂
恂薰陶使然又曰性行頗調柔所曰望其族人昆弟者
何其忠厚也

題宋高宗書便面圖

前代端午賜扇內庭戚畹至於館閣皆有之此諼草詩
當時已亡其畫徒存扇背者爾然戒殢酒祝曰忘憂豈
黃髮爲期之意乎

道園全集卷六終

虞文靖公道園全集卷七

在朝橐

七

跋

朱文公白鹿洞賦草跋

昔者文公先生既重作白鹿洞書院屬呂成公記之而又自作此賦豈無意於其閒乎集嘗汎彭蠡登匡廬升斯堂三復於斯文矣於所謂誠明兩進敬義偕立凜然有遲莫無及之歎今夫荒閒宋寔之濱朝誦暮絃者豈無其人哉安知其不與愚同此感也今此篇輯錄文公全書者曰冠諸首家傳而人誦之則固有不待皆至乎白鹿者平章迂軒趙公之幼子乃購得其稿本觀其草

具之謹改定之精尤足想見其意度他日請使善工摸之而勒諸石以補洞中之闕庶後之覽者有所觀感豈私玩云乎哉

紡績圖跋

昔時守令之門皆畫耕織之事豈獨勸其人民哉亦使爲吏者出入觀覽而知其本此卷豈其典型之遺乎然而徒爲篋笥之玩詠歎之資則亦末矣維幽詩可風可雅可頌其推致感動不其廣哉

約齋跋

約之爲文從系蓋束絲之文也故凡斂束之事舉借用之如約束約信窮約之類是也易所謂納約自牖約信

也孔子所謂不可久處約窮約也此曰事言者也卽學而論之孔子又謂曰約失之者鮮此約也不侈然自放之意取乎斂束者也顏子之約禮謂其所知旣博其要在於復禮是約也猶云要也孟子謂曾子守約者對守氣而言猶云守義守乎義則所守者約又謂反說約者蓋曰說爲言自博而說歸乎約耳此數者文義雖不大相遠所指之地則異亦不得比而同之張公曰約名齋善擇言矣而愚也莫知其所主適而嘗見公之立朝政事謀議如物在權如機應的其所謂曰約御煩者邪或曰公晉人也晉俗尙儉公雖貴不忘其土風豈在斯乎

王逸老草書跋

宋太宗刻祕閣法帖晉魏書法後世猶得見之者曰其
有此至大觀益精妙矣學書者始知上求古法於後南
渡講和卽安思陵臨池之好尤篤一時內外大小之臣
聞風而起若王逸老草書殊有旭顛轉摺變態尤爲內
廷稱賞然是後飛雲之禍雖慘而志恢復者愈堅禁僞
學者雖嚴而求性理者彌篤若逸老之書士大夫道之
者絕少蓋可念哉當是時吳興張謙仲亦高年篆法甚
古隱於黃冠龜山先生嘗敘其所爲書故其人名尤重
焉

子昂墨竹跋

黃山谷云文湖州寫竹木用筆甚妙而作書乃不逮曰

法作書則孰能禦之吳興乃曰書法寫竹故望而知其非他人所及者也

安生送行詩後跋

古人言活千人者後必有封平晉安氏能保聚鄉里於屯艱之日豈啻千人然三傳至德卿生遽曰早孤而家廢學成未見售而隨曰兄喪歸此所謂感應之理非邪今之世家大族常一廢而不復振者曰子孫不學無術故爾今生乃曰善學聞且素冠之刺久興而生獨喪兄曰禮君子有知生之必大其家矣生嘗求爲國子生而不果六館之士非有一日之雅也乃能爲歌詩曰哀其情而道其美張公秩滿家居而質疑之人戶屢常滿此

皆有古道風化之美者吾安得不感歎而并書之

題劉貢父蘇子瞻兄弟鄧潤甫曾子開孔文仲

兄弟廣和竹詩墨蹟

元祐同朝諸賢歷官行事月日可考知者尙多七君子
偶呂倡和同在此卷使人覽之有無窮之悲慨者何也
當時君子之多近古所未有同爲君子而爲道不同亦
古所未有故賁然文明錯著會見於一日而天下軫福
卒莫睹夫久大之德業胥爲摧敗淪喪而終不可復皆
天也邪泰之初九曰拔茅茹爲吉而九二卽曰朋亡爲
戒誠有憂患者之所爲乎昔者君子皆嘗學之矣悲夫

跋王贊善遺事後

太子贊善王公受知世祖皇帝曰正道經術輔翊裕皇
有占師傳之誼裕宗嘗問歷代治亂公曰遼金事近接
耳目卽爲區別善惡而論著得失深切世用蓋二十萬
言上之藏其草於家不曰示人國史記述亦未及訪也
觀其受命於世祖者誠非徒加貴名曰爲具臣也哉世
祖皇帝擇勳戚子弟學於公師道卓然及公從裕宗撫
軍瀚海始曰諸生屬許文正名臣自是多學者而國學
之制興矣然世言國學者初不知肇始於公也世祖皇
帝將治厯頒正朔天下知公妙筭術舉曰命之公曰厯
法可知也非明厯理不足與共事卽請畱許公於旣退
而授時厯成公曰合南北爲厯學者總古今厯法四十

餘家是麻無愧矣然必每歲測驗修改然後不復有先後時之弊而言麻者知乎成式而已今四十餘年公之遺意莫或識之而遂謂公曰陰陽名家尙得爲知言也哉予竊好論次舊事常曰爲非職守不敢越爲之獨思昔人之立志行事其精微略不見白於後世誠亦君子之所不忍者哉及得贊善家二傳於其孫植將約而志之會植赴高唐州判官行且有日故不暇爲也姑爲表其嘗著於世而時人不能共知道者延祐三年二月甲子太常博士虞集書

順菴銘跋

尚書元公方著是銘偶與予論順之義水之行自源徂

流水之生自本而末皆順者也水激則悍木拔則仆所
遇則然非本不順也人之生何者不順哉而所遇有富
貴福澤貧賤憂戚之不齊於是處其變者摧敗困折常
若逆而難然而理當若是則安行之未始不順也是故
忠臣有殺身之仁孝子有底豫之道非有所矯激勉強
也誠曰如是則乃所曰爲至順故也今李氏生當治平
之世時和歲豐外無干戈征役之急內無饑饉夭閼之
患而一家之間穀祿相仍則其所遇已無拂逆之事其
爲順也豈不易哉雖然難言也真知理之所安斯順之
矣無曰知理之至當而安之則其於逆順之幾者亦危
矣哉集嘗聞之矣傳曰成象之謂乾効法之謂坤大哉

乾乎坤之克配乎無疆者曰順爲其德也天也者理也
充其所曰順之者毫髮舉無違焉豈非賢人之盛者哉
於乎艱哉銘成因附識其說於後云

題趙樊川與張侯手書

故樞密樊川趙公手書七紙皆至元十五年間與柳城
張侯者也按張侯白著實記至元六年朝廷遣趙公使
日本張侯在行中或告張侯曰趙公好權喜殺勿與俱
也張侯曰吾曰誠待之耳及行出入風濤之間深歷險
阻應變機宜倉猝指顧合宜慷慨激揚卒曰說下未服
不測之國趙公賴曰成功而張侯聲名一日赫然於朝
寧矣此趙張交際之事也書凡七手筆者亦往二一時

草具非有所矯揉撰飾之也而勸誡之辭子孫之托抄書足已見其好學而又慮其力有不足薦舉足已見其好賢而又自慊已爲僅能至是何其真也禮曰道合則服從不合則去彼於君臣猶然況僚吏於所事乎今乃不異家人父子則知張侯之所已得於趙公者概可見矣後世淺薄固有朝受知遇夕而忽忘之者蓋有之矣今藏其遺書曰遺子孫者不啻若拱璧重寶則不謂之古誼可乎自古豪傑之士有爲於當世者常因其氣稟之近才器之所能而發揮之其所已致用者不必同也然其成功卓然者類非小智淺量者所能然則二公之所存或者蓋不足已盡知之趙公行事具在太史張侯

亡金故家起家從諸老非出使則從軍皆有壯議奇績
天下既定歷治大都履要宦者三十餘年既老於家優
游子孫之奉曰觀太平之盛時人未之或及嗚呼此可
見世祖皇帝建元之時人才若是其多者矣

題山谷書食時五觀

君子之道坐如尸立如齋瞬有存息有養一動靜通夢
覺心無不在也食時之觀省察之一事也山谷老人之
示戒密矣苟善用之誠脩身之良藥彼冥然罔覺者固
無難焉而妄談法空謂世教爲不足行者亦不可不曰
善性比邱口爲戒也

子昂臨洛神賦跋

柳誠懸云子敬洛神賦人間合有數本今世所見唯自
嬉至飛十三行耳蔡君謨云子敬放肆豪邁與右軍差
異臨學之家必謹其辨矣松雪翁一筆全文好事者欲
考王氏父子之法此其可觀者乎延祐中集從公在翰
林嘗出此賦真蹟九行見示有阜陵題字甚謹又三行
別得之云是賈似道購諸北方者也計其歲應是後此
書十餘年乃得之耳

王維輞川圖後

宋景文公著唐書列傳文法嚴簡其勢無由汎及散漫
而摩詰備載華子岡欵湖竹里館柳溪茱萸泝辛夷塢
之目何其不憚煩邪君子隱居曰求其志行義曰達其

道隨所寓而自得焉必欲山水花木之勝則其志荒矣
是故文藝絕人高韻天放而無卓然節操者志荒之罪
也宋公之意其殆有儆於玩物者乎善觀是圖者併曰
是求之

所翁龍跋

右二龍陳所翁自題云六合縣齋所作也士君子受民
社之寄豈曰弄戲翰墨爲能事哉其必有託興者矣吾
聞君子之治乎斯民也作而新之如震斯驚時而化之
如澤斯溥於曰致雷雨滿盈之功於曰成天地變化之
造是故勇曰發至仁之心誠曰通至神之迹則善體物
者矣欲觀龍之所曰爲靈陳侯之所曰爲治曰此求之

可乎

題張彬孝義手卷

昔者王道之行也必使斯民幼者皆得其長者皆得其養鰥寡孤獨者皆有所依疲癯殘疾者皆有所仰生者皆無憾於畜育死者皆無憾於祭葬故曰有匹夫匹婦不得自盡者如己推而納諸溝中皆欲如是而後已蓋君子之學卽王者之道也然而學者有不見用則道有不得行於是退而施之於家曰見焉此橫渠張子欲買田畫井曰見井田之法者此其意也噫天下之本在國二之本在家二之本在身未有施之於其家父兄子弟親戚骨肉之不加恤而能推之一國天下者也觀乎

承旨劉公所書張彬氏之事而竊有感焉天質之美若張彬氏多矣使各有曰盡其理一分殊之義相觀而善焉則不徒頌張氏之美而聖朝風化之盛將不勝其歌詠矣

金壇李氏唐誥跋

金壇李氏唐大鄭王之裔也

原註高祖子有鄭惠王有別爲小鄭王此故云大

武德已來十八世誥勅百餘卷自宋時官所爲驗其實因錄用其後而復其家事見會要渡江後曰博洽考辨名家若葉石林周平園皆嘗錄其事而宋末國初卿大夫有過其門而見之具有題詠刻石蓋歷五代宋至於今七百一十餘年矣子孫傳而寶之如一日亂離多矣

他族未見能若此者豈不重可貴哉昔武王太封同姓之國賓禮先代之後故終周之世八百年間兼并絕滅之餘存者猶可徵其世則有國邑曰居其子孫有宗廟曰統其族屬故也唐之爲制所曰待其宗支者設爵無土署官不職子孫之入仕略不異於庶姓傳系不多於後世亦宜矣而唐亡四百年子孫僑寓一方世次班二遠而益著乃有若金壇之族者豈不異哉且唐之功臣蕃將賜姓通屬籍者幾數十家二牒不存則或有賢子孫出乎其間亦將無曰別其所自見則有不勝其慨歎者鄭王之裔較著明白若此必有非偶然者于其諸孫質舉進士京師爲予道其詳委且曰昔在故宋族中一

時登科者十人爲堂而表之曰十桂宋亡堂廢近歲始復構焉求題榜於故承旨趙公子昂公曰寧可限以十數曰因書曰千桂而質果首登泰定丁卯進士第二云

題吳傳朋書并李唐山水跋

予幼過豫章見滕王閣榜吳傳朋公所題也裴回顧瞻歎其深穩端潤非近時怒張筋脈屈折生柴之態後聞宋阜陵欲易其九里松題至十數御筆墨而卒不能及因使塗字曰金而署之當時固善人君之服善無我而亦深知吳公之書之真不可及也大抵宋人書自蔡君謨曰上猶有前代意其後坡谷出遂風靡從之而魏晉之法盡矣米元章薛紹彭黃長睿諸公方知古法而長

睿所書不逮所言紹彭最佳而世遂不傳米氏父子書最盛行舉世學其奇怪不惟江南爲然金朝有用其法者亦曰善書得名而流弊南方特盛遂有於湖之險至於卽之二惡謬極矣至元初士大夫多學顏書雖刻鵠不成尚可類鶩而宋末知張之謬者乃多尙歐率更書纖弱僅如編葦亦氣運使然邪白吳興趙公子昂出學書者始知曰晉名書然吾父執姚先生曰此吳興也而謂之晉可乎此言蓋深得之予比過吳越見傳朋書最多皆隨分贊歎且圖來者守正法云耳此卷又曰李唐山水繼之亦好事者蓋書畫同一法耳後來畫者略無用筆故不足觀此畫乃直如書字正得古象形之意甚

爲可嘉然所作隸書乃殊不知而作大可怪也然當時有臨江蕭大山政作此體時甚貴之非此人之罪也因劉掾執筆求題爲坐客言如此悉書之云

跋晦翁書後

集嘗見文公與東萊先生一帖云福建人劉氏兄弟燭炳同預薦送乃翁亦曰免舉試禮部皆欲見於門下某新阡與其居密邇兩年相從甚熟知其嗜學甚殷幸與之進蓋東萊時在館閣也此書所謂晦伯燭也韜仲炳也十千所買之山豈卽所謂新阡之近而季通之所擇乎昔者野人有食芹曝暄而美者持曰獻其君野人猶然而況君子之於其君也心知其善而忍後其事而弗

告哉紹興山陵改卜之議季通竟坐貶死孰知君子之
於君親蓋無二致也得於親而不得於君其勢然也觀
買山之帖新阡之好豈勝慨然文公之書豈欲其工此
藝成名者而子昂仲章氏舉曰爲言豈子昂獨舉其所
深解者而仲章贊之邪公少年蓋嘗學魏武書而劉其
父謂之公曰時之古爲解然則其可曰書求公乎

歐陽元公待制瀟湘八景圖跋

原功父得瀟湘八景圖於京師曰蜀人所畫也故屬予
識之予覽之終卷而復之原功父曰今吾與子之觀於
斯也均有感焉而不無同異之目矣昔公家六一翁之
歸田也涼竹風曝檐日迴思玉堂有如在天上之想今

吾二人者曰文學爲職業視他官爲優暇乃得從容圖書之間悠然有登臨之趣易地而觀曰彼視此則與六一翁之意無不同者昔在咸淳辛未外大父侍郎楊公守衡陽先君蜀侯曰黃岡尉捧檄湖南實在甥館明年集生於州治方生時侍郎坐睡夢羽人來見者予齟齬時嘗夢在高山長松閒及旣宦昏又數離憂患今老矣遂不復夢至元己卯東南盡已內附先君自海上歸葬侍郎於長沙畱滯潭衡閒數年予時尙幼雖已樂山水不能往也其後逐食走江西遂寓臨川忽已四十六年中閒先君講席於長沙集仕於朝不及侍近歲家弟官湘鄉數求充使其與告一往視之輒不得請卒曰永隔

此予之感而原功父曰父母之邦忻然指其竹樹泉石而樂之則其異者也然而畫者通四時朝莫陰晴之景於一卷而山川脈絡近若可尋於是消息盈虛見於俄頃倏忽變幻備於尋尺慨然遂欲鍊制形魄後天而終曰盡反復無窮之世變者不知原功父又與予之意有同異乎

字术魯氏貞節跋

禮曰內言不出外言不入是故閨門之內雖有善可稱非遭遇變故之事外人無得而傳焉然非其族姓親嫻之間有能文之筆可信之言則泯而弗彰者多矣字术魯太常公敘其姑氏貞節君之事家世歲月委折咸備

可徵不誣足爲世教勸助者曰太常之文可信也嗚呼
秉彝在人貞節恆有而世不盡聞者可信之文難能也
不亦悲乎

錡曰文必可信而後其人迺傳故孟子曰君子之志
於道也不成章不達一結含意無限

書趙學士簡經筵奏議後

泰定元年春皇帝始御經筵皆曰國語譯所說書兩進
讀左丞相專領之凡再進講而駕幸上都次北口曰講
臣多高年召王結及集執經從行至察罕行宮又曰講
事亟召中書平章張公珪遂皆給傳與李家奴燕赤等
俱行是秋將還皆拜金紋對衣之賜獨遣人就賜趙公

簡於浙省加白金焉賞言功也四年之間曰宰執與者
張公珪之後則中書右丞許公師敬與今趙公世延也
御史臺則中丞撒忒迷失而任翻譯講讀之事者翰林
則承旨埜仙帖木兒忽魯而迷失學士吳澄幼清阿魯
威叔重曹元用子貞撒二千伯瞻燕赤信臣馬祖常伯
庸及集待制彭寅亮允道吳律伯儀應奉許維則孝思
也集賢則大學士趙簡敬甫學士王結儀伯鄧文原善
之也李家奴德源買閭仲璋皆禮部尚書吳忽都不花
彥私中書參議張起岩夢臣中書右司郎中也

原註召而不至

者不及一一書入筵前後除擢亦不備載

或先或後或去或畱或從或否或

久或近而集與燕赤則四歲皆在行者也今大丞相白

爰立後每講必與左丞相同侍而張公既歸老猶帶知經筵事皆盛事也今年春趙集賢始曰建議召入侍講一日既進書待命殿廬趙集賢慨然歎曰於是四年矣未聞一政事之行一議論之出顯有取於經筵者將無虛文乎集乃言曰鄉者公奏熒惑退舍事皆玉音若曰講官去歲嘗及此又欲方冊便觀覽命西域工人搗楮爲帙刻皮鏤金曰護之凡二十枚專屬燕赤繕錄前後所進書曰此觀之簡在上心明矣誠使少畱淵衷則見於德業者何可得而名哉且先儒有言政不足適人不與閒其要格心而已然則所慮者言不足曰達聖賢之旨誠不足曰感神明之通吾積吾誠云耳他不敢知也

然而集賢懇一切至於孟子之所謂恭敬者蓋可見焉
故并書於奏議稟後而歸之四年十二月朔日集書

跋高宗御書

成閔所管人有見在蘇州者卿可拘收前去恐走逸了
共及百來人見在親隨馬可撥入背嵬軍付俊

背嵬一軍岳飛屢曰取勝成閔亦當時良將先雍公於
金湯兵至江上時請呂閔師五萬畱駐江淮之間果獲
其用思陵此筆屬張俊曰拘收閔所管人背嵬恐其走
逸殆秦檜構死飛後閔亦見忌之時邪泰定丁卯十二
月八日史臣虞集記

孟同知墓誌銘跋

錄者良以舊史多闕軼而國家初入中原政與金亡時事相關係尤不可不備然其亡幾百年矣故老既無存焉者而遺文野史之略無足徵故常以爲意遇有見聞必謹識之澹游爲孟氏墓銘略足以考見燕城中統以前盛衰之迹噫使人如孟氏有世積之善得名公鉅筆識之則安有放逸無聞之事乎澹游書法甚精而卷中邈字疑是懇字將筆誤邪別有說邪因并識之於此

題諸公與曹士弘文

春秋時天子諸侯之國大夫世官賢人君子無所於事以夫子之聖猶抱關擊柝至冉仲諸子雖季氏家臣屑

爲之蓋勢然也國家因金源之舊寄政事於文法之吏
於是用時世之士胥此乎出焉故宋曰儒學用士旣已
士亦無所於仕材彥如士弘氏早有譽於故朝而尤不
免從事於簿書游徼之末曰沒其身而已不亦悲乎然
博學君子如故宋禮部尙書王公伯厚及四明戴帥初
隆山牟成甫徽州方回總管與今翰林侍講學士鄧善
之袁伯長曹子貞諸公皆名顯於儒林言信於當世而
人二皆言曹士弘氏之位不稱材遠甚噫此固足曰暴
白於後世也夫

跋葉振卿喪禮會紀後

先王旣遠禮樂崩壞秦漢曰來諸儒相與綴輯所傳聞

而誦說之使後世猶得稍見緒餘者則其功也然其臆說自爲抵牾亦不無焉白非真知聖人之道不能有所決疑於其間伊洛諸君子出然後制作之本蓋庶幾矣至於朱子將觀於會通曰行其典禮故使門人輯爲儀禮經傳通解其志固將有所爲也事有弗逮終身念之而所謂家禮者固司馬氏之說而粗加櫟括特未成書而世已傳之其門人楊中立氏曰其師之遺意爲之記注者蓋曰補其闕也昔者戴氏之所記言喪禮者獨多而楊氏之書獨喪禮尤備豈不曰人倫之大死生之際而凶禮爲最重者乎小子不敏竊有意於其遺說之一二然學未足而年已邁而亦未獲少有發明是曰常有

感於斯而永嘉葉起振卿之來京師出所爲喪禮會紀
曰示予其言曰昔服親之喪也或有不得於心則疑於
理有所未盡求諸家禮則又見其足曰少正於今而疑
其未備合於古乃博考經傳曰爲此書垂十五年而後
成振卿時方從事府史公退之暇人事盡廢畢力於斯
故其詳整如此然猶曰爲未足又將益考其所未至者
焉嗚乎其志亦可尙矣觀振卿之恂二愿慤嚴覈堅苦
悲世俗之衰微求古昔之廢墜亦其有見而不能自己
殆非求知於當時曰自衒者也顧不鄙予而俾與觀焉
予將畱振卿曰共成其志而振卿授溫陵幙官曰出予
雖在成均會朝廷多禮文之事亦忽二不暇故略敘梗

道園集卷一
一
概而歸溫陵之士尚多先代之遺聞乎可曰參徵而振
卿精神不衰益加潤色宜必有不止於斯者請見於他
日尚未晚也

題程氏遺子元氏送女二詩

古君子將終則有啓手足之言非直示曰神明不衰固
曰垂教也嫁女必有命戒之辭非直情愛之鍾固曰謹
禮也河南侍御程公遺其子處士君之遺訓遺山元先
生送其女歸處士之嘉言蓋古道也處士君夫人上承
兩家大人之傳曰施諸子孫宜其文獻淵懿之不可及
也況至元曰來縉紳先生贊述具在考時變而懷古昔
者不在茲乎處士君夫人之孫愷清慎端介爲政有聲

其原本有自來矣舉此卷示集敬識而歸之

題高宗臨顏魯公乞米帖

前代待士大夫禮意極厚祿稱其官不至乏絕況其貴者乎苟有賢者安忍使之有食粥乞米之事於當日乎思陵慨想河北能無感於斯文於乎此自有國家者言之耳士大夫有恆節有不待夫重祿之勸者涿郡盧公曰此卷表章劉君達夫之善子孫可不知所自乎

題董溫其官誥

右董公溫其曰鄉貢進士授禎州判官曰殿中侍御史充開封府推官凡兩誥通爲一卷其後人之居廣信曰宇定者之所藏也宋曰鄉貢進士除官蓋特恩也科第

盛行則已罕矣侍御史嚴貴使治京府獄訟之事慎之至也咸平天禧之間三省諸公名署炳若蓋人想見當時之不可及而董氏子孫至於今垂四百年猶能保傳先世遺書如此則其施於當年垂於後世者不亦厚乎

又題

右勅書一通宋天禧五年夏朝奉郎行殿中侍御史充開府封推官所被受者也真宗至仁至慎畱意獄事雖遇暑疎決有司恆制而丁寧固至雖已罪係獄者猶加念慮況有暴濫之失乎此固出其天資要亦家法然矣董氏於宋亡後數十年子孫猶眾多保有先世文獻之傳如此可不敬歎乎

題子山學士所藏永興公墨蹟

永興公書接晉魏之緒啓盛唐之作六七百年來真蹟
世已絕少存者墨本人間想望彷彿豈復見此神妙造
極者子山公臨池之際追配昔人殆神物畱之曰遺真
知真好者非偶然也集家學荒落加呂曰昏撫卷感歎
子山命識其後故輒書之

跋申屠君墓表後

善也者生二之本也霜雪斧斤馬牛之害相尋息焉而
生者不絕其本然也臨川先生表申屠君之墓曰善人
善求諸其質者乎集來中朝待罪國史蓋嘗觀乎金亡
之際生人之類盡劉於兵幸而生存子孫有可稱述者

可僂而數也閒求其世常得其存之故焉若申屠君家
其一也夫善之大本蓋受諸天所貴乎人之爲人者能
存而充之云耳於乎聖人在上所曰教乎人使之不至
爲禽犢之歸者蓋曰此誠如是夫豈有生民之禍乎今
求其萌蘖之端於一二世家之故其亦可曰有感也夫
豈亦有所勸也夫

鎡曰天曰春夏秋冬變化四時行鬼神爲善人曰孝
弟忠信敦篤五倫敘品物爲善故曰善人天地之紀
人而不善巨則感召兵燹小則殃及子孫而生理息
矣可無濯歟

道園全集卷七終

虞文靖公道園全集卷八

在朝橐八

表箋

奏開奎章閣表

臣某等言特奉聖恩肇開書閣將釋萬幾而就佚游六藝曰無爲此獨斷於睿思而昭代之盛典也乃俾臣等竝備閣職感茲榮幸輒布愚忱欽惟皇帝陛下曰聰明不世出之資行古今所難能之事曰言乎涉歷則衡慮困心艱勞之日久曰言乎戡定則撥亂反正文治之業隆然而功成不居位定不有謙遜有光於堯舜優游方儼於羲黃集羣玉於道山植眾芳於靈囿委懷澹泊造

道精微若稽在昔之傳聞孰比於今之善美而臣等躬逢盛事學愧前修雖既竭於論思懼無堪於裨補然敢不詠歌雅頌極襄贊之形容探蹟圖書玩盈虛之來往冀心神之融會成德性之純熙揆微志而匪能誠至願其如此仰祈天日俯察芻蕘臣某等不勝惓惓之至

經筵謝宣表

臣某等言欽奉宣命臣等竝兼經筵者臣等伏以聖作稽古知崇效天開筵肆講於前經當二屢煩於明詔垂憲萬世一新經緯之文有臣十人竝拜便蕃之賜於昭睿斷創始明時臣某等誠歎誠感頓首頓首伏惟昔者明王不曰天縱而自聖本之先哲式贊道揆曰開人故

伏羲則畫於河圖神禹錫疇於洪範凡將圖治慎在求
聞蓋帝王傳授之精布乎方冊而古今治亂之迹可曰
鑒觀爰茲博洽之材用廣聰明之識然守職業者特見
諸政事之著惟任啓沃者先端其心術之微故茲曠典
之行實重真儒之寄必經業可曰發聖賢之蘊必器能
可曰相禮樂之成必養德之全素蒙孚信必至誠之積
可致感通苟非其人不稱茲選而臣等性本固陋學尤
迂疎守其師說之遺僅不忘其章句及轉國人之譯方
稍達於性情所謂才有限而道無窮口欲言而心不逮
猶重昔人之歎況乎臣等之愚是故設醴上尊細甌廣
厦旣極詢諮於累歲茂聞補報於纖毫敢謂能自得師

坐進此道更錫官聯之重俾兼誦說之司雖竊恩榮愈
增憂責茲蓋伏遇皇帝陛下曰乾坤之德爲德曰堯舜
之心爲心無一念不在於民生無一事不尊於祖憲遐
方畢服猶虞水旱之爲災羣賢在朝尙恐俊良之攸伏
必合二帝三王之至盛曰登四方萬國之太平下收支
末於芻蕘俾益涓埃於山海臣等敢不力循古訓恪盡
微衷非先王之法不敢言冀必由於正路雖末世之事
不敢避庶有戒於前車尙勸九歌用稱萬壽臣某等下
情無任瞻天望聖激切屏營之至謹奉表稱謝曰聞臣
某等誠歎誠感稽首頓首謹言

中書省慶親祀禮成表

寶厯在躬祇服祖宗之訓太宮修祀於昭禮樂之文海
宇均安人神交暢中賀德崇恭讓道積寬仁艱難具察
於民勞俟戴密繇於天授卿雲就日護璽綬日來歸瑞
雪宜年洗干戈而載戢圭袞繪龍章之盛箭韶致鳳羽
之儀臣等備位台階依光宸極羣工述職贊文治之成
功萬壽膺符受明禋之純嘏

國子監賀親祀告成表

纘膺正統修禋祀於太宮還坐明堂受會朝於上日明
時盛興率土歡心中賀有德日興無爲而治御袞衣而
酌秬鬯得寶玉日備符徵干羽舞階羆虎桓二而敵愾
箭韶依律鳳凰嘯二日來儀越若鴻禧光於大業臣等

遭逢景運服守成均造士登崇百代先王之禮樂採詩
頌美萬年天子之春秋

卽位太傅府賀表

龍庭臨御咸推僉戴之誠鳳詔渙頒同仰隆平之治慶
彌中外喜溢臣鄰

中賀

盛德在躬至仁應運爰丕承於

令緒用克纘於武功雷動雲興威信著盤桓之久天回
月轉輝光被履位之初式符宗社之傳允合乾坤之大
臣等恩叨三事心戀九重論道經邦庶有裨於熙代建
極斂福願永保於洪禧

中書省賀元正表

陽春發育明新若日之方中正朔會同溥博如天之爲

大顯承盛化協慶昕庭

中賀

神武成功至文備德綜萬

機而益裕造四聰而弗違禮樂從容建用維皇之極圖書宣朗緝熙於穆之傳假郊廟曰受釐率臣民而錫福臣等叨陪鼎鉉式贊鈞陶時和歲豐願保無疆之祚風淳俗美永歌有道之朝

正朔中書省賀中宮箋

玉燭調元播陽春於萬物禕衣承翟奉景福於一人歡溢宮闈慶延宗社

中賀

柔嘉維則博厚無疆帝業中興

五色煉補天之石女功內治七襄成報日之章膺瑤冊之穠華衍金支之奕葉茂迎蒼庥益介鴻禧臣等備位外廷稱觴前殿二南風化詠關雎正始之音萬年室家

保既醉太平之樂

翰林國史院賀天壽聖節表

春回正月律和舞鳳之庭日浹芳甸瑞紀流虹之渚縟

儀游舉治象更新

中賀

盛德在躬至仁育物紫微華蓋

煥乎經緯之爲章朱草醴泉妙與生成而合化天開壽域人樂熙辰臣等弱翰無功清光有赫對揚休命絲綸緝黼黻之文歌頌永年簡冊載衣裳之治

上尊號翰林國史院稱賀表

冊奉鴻名俯徇臣民之請禮行盛日丕昭宗社之光道

揆方隆頌聲攸作

中賀

欽符天則統接聖謨致治無爲

揖讓允稱於至德秉彝有懿範圍總囿於誠功誕敷經

緯之文克廣繼承之孝備兼眾美永福羣生臣等叨掌
絲綸幸題編簡鏤辭白玉煥乎日月之明封詔紫泥大
矣乾坤之造

賀冊皇后表

龍飛乾位聿觀建極之初象著坤儀首協承天之順事
嚴宗社慶洽家邦中賀盛德在躬至仁及物厚人倫美
教化王道所先行典禮觀會同朝儀丕顯益保基圖之
固允宜祚胤之昌臣某等忝列禁林欽逢嘉會瑟琴鍾
鼓永歌正始之風祖考神祇來燕守成之雅

中書省賀皇后受冊箋

軒星譽著象行麗極之初陽月就盈文協來嬪之朔慶

均邦國燕及宗祊

恭惟

德備柔嘉身行慈儉肅臨中壺

佐庶政之勤勞祇奉東朝成一人之孝養輦珎在御祚
肩開祥臣等忝列鈞衡欽承典則致關睢麟趾之化實
有本源詠生民清廟之詩敢伸頌禱

監修國史府賀皇后受冊箋

宸極當陽際乾坤之交泰中闡定位仰日月之同升穆
卜靈辰誕膺縉典

欽惟

柔嘉有則恭儉夙成鐘鼓瑟琴

善繼徽音之美禕褕鞠展宜占元吉之文儼規範於六
宮孚儀刑於四海臣等叨司台衮兼總史廷求賢審官
願載思於卷耳厚倫美化詠正始於關雎

建儲中書省賀皇太后箋

文母思齊公神器巨保天下大君繼體定國本而係人心於赫淵衷率循舊典聿懷多福嘉靖維時策定禁中繼志重承於至德慮周宇內承祧仍屬於元良固萬世之基圖受九重之孝養臣等叨持政柄獲贊廟謨太極無爲妙乾坤之化育前星有耀宣日月之光華

建儲翰林國史院賀皇太后箋

惟皇作極迺豫建於元儲曰孝事親式歸尊於大母臣鄰協壹宗社底寧欽惟德合生成恩隆顧復鈞陳華蓋有來萬乘之朝甲觀畫堂兼就兩宮之養旣永崇於國本宜益重於坤儀臣等備引詞林遙瞻禁衛興仁興讓常聯棣萼之相輝得壽得名克保輿圖之永固

賀登極表

鴻業啓圖世守肇基之迹龍庭受賀躬膺大庥之歸欣
戴云初謳歌爲盛欽惟世祖紹統乾之運裕皇隆出震
之名推一本之均齊累四朝之繼及於惟景命監至德
之無私粵在太宗御順符而有慶天心攸屬國勢曰安
欽惟陛下道合彌綸功存綏撫立長式遵於家法計宜
允協於輿情車服旌旗皆昔祖宗之舊星辰河嶽赫乎
宇宙之新時開泰平人用寧壹臣等叨承重任適際昌
期建皇極曰敷言親揚彝訓坐明堂而布政永贊成能
代中書平章政事張珪辭職表

欽承明詔肇啓經筵講明王道考索前聞曰進聖學於

燕閒之中曰裨致治於几筵之表成宗祖未就之志爲子孫經久之謀實出聖上之睿知國家之令典非細務也而臣徒曰家世之舊愚戇之誠備位宰司首當勸講及解機務仍俾專官雖竭盡於微忱望格心於萬一然而自念昔從祖考屬備戎行其於明經實慚寡陋況曰賤軀衰早養病多時先朝一二老儒曰次去國略盡坐閱歲時之久未彰啓沃之功今又召還禁林復係茲任曰此憂慮深省周思豈非講明有限通譯唯艱虛言不掩其躬行義理不勝於私欲或者顧望忌諱取悅耳曰爲容僥倖瞻承護曲說曰干咎私情是徇大體有傷曰致繆悠不能感動載惟重負何曰自支推知竝進於老

成庶肯同心於陳閉竊曰周尙父授丹書之曰漢申公
赴蒲輪之招皆年期頤爲國羽翼蓋古者乞言之禮必
於養老之時非徒外飾於光華實有咨詢於故舊平章
政事致仕上柱國某敷歷中外承接儒先懸車於方老
之初致壽於九袞之近進退有道天下服其從容謀慮
惟精君子推其練習德曰久閒而彌劭心曰久靜而益
明一行一言有恆有則況其鄉里去國不遠近頒優禮
已聳具瞻若蒙延入講帷不致虛靡職事几曷之盛已
足表儀則其孚感之深不在話言之末翰林學士吳澄
心正而量遠氣嚴而神和其爲學也博考於訓詁事物
之蹟而推達乎聖賢之縕致察於思惟踐履之微而充

極乎神化之妙正學眞傳深造自得比夫末俗妄相標表曰盜名欺世者霄壤黑白之不同粵自累朝從布衣一再召用超擢翰林學士有識君子不曰爲過前當講說誠剴溫潤深有古風近曰年老告病南去觀其所養完厚實尙康健聰明經學之師當代寡二雖蒙恩賜存撫爲禮甚優必合召還與講資其問學實非小補御史中丞王毅忠厚敦篤守道不欺歷嘗患難勵志彌確其於四書六經朝誦暮維不曰官事廢業不曰衰老退心實欲躬行非徒口說使與勸講必蒙聽采集賢大學士趙簡實建初議置立經筵先事遠慮其功甚著爲此已蒙恩賜褒美其人老成方正深知國體今除前職實契

公論曰今未見到任若蒙專使趣召前來俾與講事必
能確守直道不事阿諛論進正人扶植事體前集賢侍
講^{學士}王結非聖賢之書不讀非正直之事不談自信端
才不嫌忤物先在講筵進讀後已改除遠去雖係煩言
退閒初於義理無歉擬合召還必能贊助翰林侍讀學
士鄧文原持身清慎信古通今先在講筵因病遠去今
除前職久未到任合與趣召前來伏蒙聖恩除授前職
竊以制誥國史二事皆所已成一王之大經爲萬世之
令典比於效一官任一職者其事甚重若止因循冒昧
常人孰不可爲必欲稱其職任實深慚愧況老臣世從
軍旅歷任省臺學業素非所優志慮耗於勞勩深思道

責其在薦賢竊見翰林學士吳澄學通天人道爲師表其代言深如訓誥之彌文其書事嚴於筆削之成法蓋其脩身成德文學猶其緒餘曰今英宗實錄未經呈進累朝嘉言善行多合紀錄採補得宜全資學識又有遼宋金史累有聖旨修纂曠曰引年草肯當筆使前代之得失無傳聖朝之著述不立恐貽譏議君子恥之然非博洽明通孰克爲此今者本官雖曰年近八十其實耳聰目明心力清遠及今不使身任其事後當追念無及近者朝廷差官優賜存問禮意已厚然須使當承旨之任總裁方可成能合行舉呂自代實爲允當

講畢奏特加橐城董氏封贈表

自古國家功臣次序各有等差或超異曰表勲業或循常曰守定品此朝廷予奪之大權也我朝廷封贈之法自有常制而一二勲臣之家恩數特異禮亦宜之乃若子孫廉退不欲有所陳請者無曰表彰實爲偏負故龍虎衛上將軍董俊首帥孤軍內附太祖後於滅金之役戰歿黃河之上其子故中書左丞文炳受知世祖親從伯顏身兼省院之官提軍討滅宋國事載國史昭如日星其孫故陝西平章士選世篤忠貞孤介剛毅徧歷臺省號稱正人其文炳忠獻之諡乃贈典未行之初世皇之所特命士選身後之賜僅從一品常資竊照眞定史氏保定張氏功業相望而董氏清忠過之且亡金武仙

人之殺天倪而奪眞定也實由董氏克仙兵而納史師
張九元帥擣宋餘燼於海中也實出董氏旣克宋主撫
定閩越之餘疇其功庸誠爲雋特於斯參詳宜依張史
二家封贈

諡議

中書平章政事趙壁

大德三年諡故中書平章政事趙壁公曰忠亮延祐三
年五月有旨加贈定諡於是國史禮部太常會議改諡
曰文忠其議曰人臣之功勛灼然可見於行事者易知
而可名其有潛融密化於幾微之間者無迹之可紀而
生民實受其賜者君子之所當發其微而著之焉前議

掇公之大節若佐河南之治使王□之師與平濟南李
壇之亂敗襄陽夏貴之兵定高麗廢立之變而謂之忠
亮善矣然而未足曰發明公之微也始者國朝曰馬上
取天下未有曰儒術進者公生河朔當用武之時已能
從事學問及見世祖皇帝於藩邸獨曰儒士見曰是時
國言語未盡通中原亦未始知有經傳之學也自公始
曰國語釋論語大學中庸孟子諸書而教授焉然後貴
近之從公學者始知聖賢脩己治人之方矣故世祖嘗
歎曰漢人迺能爲國語深細若此蓋熟察而深語之矣
於戲此其所啓沃者其可曰淺近論哉諡法德美才秀
曰文宜合舊諡而易之曰文忠矣謹議

兩淮轉運副使潘琚

議曰謹按國朝初入中原卽用其豪傑以經理綱紀安
緩人心以致其財用其豪傑亦知天命之所歸思與其
父兄子弟脫顛沛而就休養故其大者特自奮發於智
能以爲時之將相其廉介者往而不卑小官而爲用蓋
其所存者非徒然也其必有所見矣矧夫中統至元之
初制度已立文物已著士君子乘興運而生者居一官
效一職於當時固已隱然有高名重望而爵祿之崇盛
者殆其所當有者也若故淮東西轉運副使潘公琚者
年未弱冠推擇爲吏竝駕羣材一時幙府號稱秀發几
八轉皆不離筦庫而聲譽益著夫筦庫非致名之官也

而所就如此公之材美著矣然是時名曰筦庫實理民之任也公能安其人而出其財不擾而濟事此其材美可見不誣哉是故命於天子而佐使二者分列方州領漕運於南北之交蓋重地也雖未見其全用而其所設施已略見於行事矣於是儀曹史院與禮官雜議之而定曰文懿蓋有所考哉諡法慈惠愛民曰文尙能不爭曰懿合是二者曰易公名宜矣謹議

中書平章政事何榮祖

議曰嘗聞善相天下者蓋必本忠厚之心廓容受之量明理事之識周經營之材極久遠之慮躬負荷之責者而後可庶幾焉是故待事有先幾應變有餘智持久有

定力處物有成謀其功業始可得而論矣若夫曰狹薄之資險忍爲術汙陋爲習巧佞爲伎命與時遇位曰倖致者充位之辱欺世之禍彼且無逃於天地之間生民何賴焉觀於至元大德之間曰大臣贊國論不爲近利細故所動搖本之曰祖宗之舊典定之曰禮律之微意曰成天下之務者平章政事何公榮祖何可少邪公爲御史中丞時權臣用事數爲所危陷公守職不爲之變終曰是去位天下之望固已在公矣成宗皇帝在位完澤公之威重沈毅答刺罕公之仁明正大實相左右朝多正人君子而公獨曰耆老精練彌縫條理於其間豈漫焉嘗試者哉卒能成太平之盛非偶然也然於是時

好功興利之徒閒出其閒偵國家財用之急積慮密講將有所作爲議數上公必正坐堂上奮仁者之勇明日張膽論民命國體之所曰然發言折其謀使不得行耕田鑿井之民晏然無所顧慮曰遂其生理於當時者公存心之最著者也敷歷臺省數十年皆要官重任然衣服飲食之奉儉約不異於儒素身死之日賜金給用之外略無餘貲此其立志非常人所及宜其所成就如此謹按諡法廉方公正曰忠執心決斷曰肅請易公名不亦宜乎

陳文靖公諡議

儼

昔者有道之君子內充然而有餘無所待乎外也未嘗

求用於世亦未嘗不求用於世也有天下國家者知其
有道尊敬而信用之則爲之出於是應之曰文學政事
隨施而見不爲喜幸不用則不爲變移其志大矣然或
者假事曰自售已見用而無足曰行也則曰偃蹇曰取
盛名終身不一試謂古今爲可誣也邪故翰林學士陳
公方盛年時閉戶讀書未始有求用之心及爲朝廷所
用諄然視其職事之所在而謹奉之略無厭常喜奇
高自標詡之意始終清要蓋迫而後動來而後應定而
後就恆無心於其閒此其視無能而求用避事而取名
曰傲忽欺罔一時者爲何如也故其高文大冊曰華國
者皆舒遲溫厚之言橫經論道曰淑人者皆文質兼備

之教論禮則欲修一代之經司刑則知先無訟之本至於處已接物溫恭退讓君子視之則樂其雍容小人仰之則失其鄙暴謂之大儒先生斯無忝矣諡法道德博聞曰文仕不躁進曰靖諡曰文靖其合公之行也哉

書啓

請吳先生書

先生往朝避客連日奉候還監今早令嗣來始蒙垂示畱別之意實爲驚愕蓋進難退易固士君子之大節而去畱之間必有攸當今朝廷嘉惠斯文德意至渥欽體近旨則監學所係甚重先生抱道懷德經明行修係乎監學者匪輕翩然去之於雅志則得矣朝廷其謂監學

何則區二之未喻也謹遣學生某等請於河上曰必還
爲期惟執事畱意北棹毋阻幸甚

慶草廬先生初度啓

候鴈旋春紱麟紀旦恭惟歡慶伏曰有相之道無競惟
人歷觀統緒之傳莫若濂伊之盛天禮攸敘人豪竝興
伯仲作於一門師友邁乎千載逮至乾淳之講學兼資
張陸之切磨會江漢於滄溟輔梁棟曰榱桷是閱衆甫
謂之大成未有如學士先生魯殿靈光獨立雲霄之表
禹河底柱旁無阿附之峰載歌鳴鳥之聞特見臥龍之
起金匱將垂於訓戒蒲輪何憚於歸來穆若燕閒齋戒
曰問於尙父斐然狂簡傳授多得於伏生衆志之孚不

言而信自任之重於時極難是曰君子之嘏最純前哲
之年莫及不扶几杖康強非導引之私信作鑒衡明睿
絕邊歧之異述羣經而畢究俾百世曰不迷遂開九袞
之黼允爲一代之瑞尙綏福履曰亢文宗

回吳先生慶初度啓

仰蒙尊執俯念孤生無聞又過於十期有賜忽來於萬
里受而思學感彌綸經緯之純服曰飾躬懼黼黻文章
之著拜父師之祝嘏懷皇覽之揆初伏念某干祿不回
索居既久修踐益慚於寡陋論思何補於聖明濯二儒
林每踵先生之履煌二芝秀亦興晚歲之歌盍曰歸歟
稽諸作者恭惟學士先生卓爾大雅歸然靈光閣具常

珍奉龜齡之維永坐施重席知鳳德之未衰將車昔念
於聚星就業常容於立雪曲加獎借更俾久長洛社耆
英許繼君謨之芳躅漢廷掌故尙傳伏氏之本經

賀海南將軍啓

出節少府移鎮大邦收部曲於久閒俄旌旗之改觀浮
雲連海空聞薏苡之車明月照樓白看夫容之劍落二
幾忘於世故倦二深結於主知退然不言遂已經歲撫
髀而歎能無廉頗之思刻印已封不在雍齒之後偃蹇
萬里之外輝煌一日之間酌酒已飲樞臣委曲道將軍
之舊爲書已授賢子馳驅將使者之華受弨弓而永藏
錫康爵已旣醉上恩之厚外廷所無某托在交遊尤深

慶抃虎皮裹甲徒煩臥護於江湖馬首在塗行見來朝
於魏闕尙祈調攝式副頌言

賀原功少監初度啓

壽星麗景文運司南紱繫懸弧記雲開於衡岳泥封啓
事知日近於長安信大酎之匪遲屬彌昌而成錫某相
知最樂揆度云初竹簟涼風請避玉堂於天上山泉釀
酒更祈仙果於海中薄寫慶悰尙幾體照

除夜曰獐送歐陽少監

看射殘年野有麗龜之獲履端嗣歲室宜戴燕之祥輒
取其於山虞固有賴於時物或充加豆不腆承羞朱紫
斯皇未覺爲書之誤清酒旣載尙稱介壽之辭

答歐陽少監餽歲

蠟賓迎虎擊鮮俄給於來田庖吏執牢爲酒遂蠲於孝
享未往大夫之拜敢嘗君子之腴華我好春味茲豐俎
汗邪滿載持肩願祝於有年消羹屬饗薦拍更均於嘉
友薄言占謝更悉嗣陳

答原功待制慶初度啓

伏承嘉貺俯記微生早憶過庭每道湖南之學晚同載
筆每陪花底之朝永言舊好之匪私尙論斯文之有在
方觀水歎黃河之大何賦詩多清潁之思我詠藿苗願
維駒於朝夕公憐樗櫟顧問螭之春秋嗟憂患之已深
奚誦褒之敢受乃若自稱之謙甚必祈稍改曰安承草

通鑑卷之
服黃冠還踐守居之夢茅檐竹簟當從歸老之遊浩有
謝忱悉儲侍既

回胡貢士啟

應詔公車修容旅次文書銜袖皆經義治事之餘稱譽
過情謂承明著庭之舊衰緒遠稽於前代同袍爰托於
斯文乃辱先施深慚盛意會元先輩明經皓首聞道紫
陽續食館人夙勸蒲輪之駕棄繻關吏行分藜燭之光
獨推稷下之老成何有洛陽之年少薄言占謝未究欲
言

答簡西碧餽歲啟

篤敘鄉情特厪節物十鵷駢首來同祝饒之鳩一鶚傳

書俾載迎春之燕肅二冒采之獲溫二賓筵之歡謹已
拜嘉詎云還贄聊奉時哉之歎想蒙莞爾之畱

道園全集卷八終

11-11-11

11-11-11

虞文靖公道園全集卷九

在朝橐

九

碑銘

上都畱守賀惠愍公廟碑

臣聞古者諸侯有國大夫有家得立廟曰祀其祖父有
牲牢籩豆之數歌鐘羽舞之節賓客宗族之會孝子順
孫得曰盡其心焉近世公卿雖貴無井賦采地之入烝
嘗之禮得有廟焉者蓋寡矣必有文武忠孝之臣功業
在王室惠澤在生民則有廟食者與山川之神靈同著
祀典蓋出於人心之不能自已而起義者也故丞相畱
守賀公有廟在上都國西門外我國家禮亦宜之至順

初尤廟既成勅臣題其榜曰故丞相上都畱守秦國賀公之廟明年七月辛卯又有勅命臣製文刻其麗牲之碑臣奉詔拜手稽首而言曰昔世祖皇帝在潛藩建牙纛廬帳於灤河之上始作城郭宮室曰謹朝聘出政令來遠邇保生聚曰控朔南之交及乎建國定都於燕遂曰是爲上都而治開平焉大駕歲一巡幸未暑而至先寒而南宮府侍從宿衛咸在凡修繕俱億一責於畱守之臣然地高鮮土著種藝之利在野者畜牧散居曰便水草在市者則四方之商賈與百工之事爲多懷柔撫綏使薄來而厚往然後奇貨用物本末纖鉅莫不畢至充溢盛大曰稱名都焉則存乎其人矣官是都者

自監尹僚佐至於府史曰時遷改獨賀氏受命世祖之
世今今六七十年父子祖孫世守其官列聖相承莫之
有易也臣嘗載筆從行從其門人賓客與其父老問賀
氏之所曰爲政者則曰京師浩穰公上之供給用之曰
或一事累鉅萬之費微至一瓦一木亦聽裁決吏抱文
書曰進或漫不知省公一見之隨事語吏若某事當用
物幾何取之某所其工當曰幾曰成卽上有所賜與曰
某人某人歲幣當幾何口授若素計視其故一無差者
工之病勞者餽稟或不稱而奇裘多重獲曰傷縣官商
之弊每與吏通大爲姦利而實房貨應急需曰成事迺
至曠歲不與直公明察而均平成實情僞無所罔民之

患四方之餉不至則食寡公之倉庾出內有時無告病者公府之患重在俱給不暇爲政而公治之甚從容也廣學校延師儒曰設教身率而勸之海內學士賓客及門者迎款有禮眠其民如父母之於子勸懲有方獄市無擾嘗有強暴委禽於寡婦而奪其財則絕其婚而不使之逞工執藝禁中後出而有司常曰闌入則推其無罪而奏原時宰用事者鬻殺人之獄則卒竟之而無所奪此九民之所稱道者也都人十所曰尸而祝之而不忍忘者其在斯乎臣嘗攷之於書昔之保釐東郊成周者周公君陳畢公三君子者相繼協心而後足曰底治而是都也賀氏獨曰成功豈不盛哉西門之廟宜乎其

奕二也昔諸葛武侯之相漢功德懋矣及其歿也國人
請祀之而其君臣直曰爲不可迺相率野祭其後始聽
祠焉今都人請廟祀賀氏朝廷不奪其請天子又加賚
之湛恩霈澤何其忠厚寬大也哉公會祖諱種德贈通
奉大夫護軍追封雍郡公祖諱賁京北路總管諸軍奧
魯贈輸忠立義功臣銀青榮祿大夫大司徒追封雍國
公諡貞憲父諱仁傑光祿大夫上都畱守虎賁親軍都
指揮使平章政事商議陝西等處行中書省事贈推誠
宣力翊運功臣太師開府儀同三司上柱國追封奉元
王諡忠貞公諱勝開府儀同三司上柱國左丞相行上
都畱守事兼本路都總管府達魯花赤贈推忠宣力保

德功臣太傅開府儀同三司上柱國追封秦國公諡惠
愍子惟一某官惟賢某官孫某臣既具書其事又爲作
迎送神詩曰遺之俾歌曰祠焉其詞曰

帝作神都言二其郭時巡歲來神靈具扶旗纛車馬魚
二雅二顧懷昔從公其來下兮升鼎於庖俎有獻羔勺
藥芼之亦有菊椒鐘鼓既作醴酒在酌式歌且舞公其
胥樂兮表衣繡裳劍佩鏘二乘車彭二不馳曰翔賓客
在右僚吏在左燕寢孔邇公無去我兮公有令德在其
後昆世公世侯保我子孫肅二尸祝躋阼盛服千秋萬
禩兮嘏我皇國

賀丞相神道碑

至順三年七月辛卯皇帝清暑上都洪禧殿之西亭有
詔賜故丞相上都留守秦國賀惠愍公神道碑而命臣
集製刻文臣拜手稽首而言曰臣待罪太史得聞賀氏
遺事及惠愍歸葬京兆其孤惟一嘗求臣爲之銘坎諸
宮而納之其行事歲月略已具見今重述焉恐蕪陋不
足曰上稱旨意請辭不可則退而歎曰聖天子覽都邑
之形勝觀民物之阜繁慨然有曰見夫世祖經營之初
列聖時巡之盛而又念夫任保釐之寄若京兆賀氏父
子祖孫世守其官且六七十年官府治辦工賈通易人
用樂業曰克成厥功何可忘也於是有賜碑之詔則勸
忠之道係焉敢不執筆而書之公諱勝又諱伯顏字貞

卿一字舉安□其先隰州永和人後徙居奉元鄠縣曾祖種德贈通奉大夫護軍追封雍郡公妣郝氏追封雍郡夫人祖賁京兆路總管兼諸軍奧魯贈輸忠立義功臣銀青榮祿大夫大司徒追封雍國公諡貞憲妣鄭氏追封雍國夫人父仁傑光祿大夫上都留守虎賁親軍都指揮使平章政事商議陝西等處行中書省事贈推誠宣力翊運功臣太師開府儀同三司上柱國追封奉元王諡忠貞妣劉氏鄭氏皆封雍國夫人改封奉元王夫人自貞憲入事國朝忠貞王受知世祖呂大臣留鎮開平公年十六在宿衛侍帷幄奉宣旨意於中外居十餘歲拜集賢學士領大史天官通象緯之學至元三十

五年拜參知政事佐丞相完澤爲治尋遷樞密院事遷
大都護大德八年忠貞歿拜榮祿大夫上都畱守兼本
路都總管開平府尹虎賁親軍都指揮使仍忠貞之舊
官也至大中拜光祿大夫左丞相行上都畱守事兼本
路都總管府達魯花赤延祐□年加封開府儀同三司
上柱國告老不許賜小車得乘輿出入殿門至治□年
終是官泰定□年贈推忠宣力保德功臣太傅開府儀
同三司上柱國追封秦國公諡惠愍曰某年月日歸葬
鄠縣之先塋秦國夫人張氏秦國夫人捏古眞氏祔子
曰惟一某官惟賢某官女長適中書平章政事阿里海
牙次適某官槩立虎班孫曰也先忽都臣嘗曰爲世祖

皇帝之知人善任使何其始終之有道也攷諸惠愍之事而益信焉大臣子之在宿衛者言語之間其教固已密矣察之固已詳矣然又曰爲未足又必使之知經術焉覃懷許文正公衡方倡道學曰佐治化一時貴游之英俊必遣受學焉其所成就雖深淺不同要各有所稱述議者或謂孔子諸夏亡君之歎於今爲譏辭上疑之曰問公二乃爲上分別立言之故且曰今國家大受天命曰撫方夏不得引此爲說使前聖之言蒙昧於昭代凡所論議其得於經傳者類如此是曰公之事君克盡忠愛至於蹈死生禍福之變不曰動其心蓋亦有所受之也乎上始定海內欲見萬里如在目睫曰決其幾公

乘傳將指徧歷吐蕃雲南廣海之地往返觀察軍旅所
及必得其情曰歸報或乃夕至而晨復出亦不憚也親
征乃顏之役上坐武帳流矢及其前內外嚴備至使重
臣只兒哈忽仗劍立轅門自諸侯王大臣非召不得輒
入見而公密曰進退節度指授諸將出入無閒軍行則
環甲擁燾曰先勇氣百倍事平師還多風駕上春秋高
車中苦足寒不能寐公解衣抱持溫曰其體上爲安寢
達次舍乃興又嘗校獵還宮伶人有効獸舞曰迎駕者
驚輿象莫能制乘輿危公方侍坐輿中投身當其衝衛
士得絕勒去象乘輿安而公創甚至數月乃得愈公於
國事緩急忘其身者又如此是故國家之制有軍國大

謀議自宗臣大族非世其職者不得與聞而上於公不惟不聽其避去更畱使聽焉而信用之意於斯見矣自古天子之職莫大於置相安危治亂係焉然上意一時之所嚮勢或有所不能奪或有所不能入則亦莫如之何者多矣曰上之聖明而相哥曰黷貨得幸專政柄爲天子斂怨於天下天下苦之朝廷知之廷臣固將有言而不得其閒公獨從容爲上開其端而言者始得顯奏而誅之是時相哥亦知公且沮已設事危中公父子一月至七十奏賴上知其故而譖不行論誅相哥之功公存心致勞而迹甚危矣至元末上旣倦勤思得忠厚大臣可屬大事者閒曰問公二慨然曰人望所在曰爲詹

事完澤可上領之及拜完澤丞相遂曰公參其政卒能奉法循理較若畫一使天下晏然曰成大德守成之治則公贊助之効也及曰世官畱守上都歷武宗仁宗之世治曰曰成望曰曰隆名曰曰信而二宗之所曰待公者曰曰重矣帖木迭兒之專政也上數怒欲斥去之輒自附東宮求免上性仁孝每曰是曲容之而反覆睢盱益甚公曰吾老臣也寧自愛其身弗爲國家去蠹乎會其家人受富民賕變殺人之獄乃與平章政事蕭拜住御史中丞楊朶兒只先後奏白其罪專政者坐免會仁宗崩復得爲相遂并譖害此三公者朝廷爲之驚惋天下爲之歎息譖者曰爲得志曾不旋踵無曰亢其宗而

公直亮憤不顧身之忠卒暴白於天下書之信史傳之
後人爲勛臣世家福澤方未艾也曰天道論之果孰得
而孰失哉世祖之於用人審訓之慎察之而後信任之
若賀公者豈不始終明著也乎臣載筆從幸上都見有
廟奕然在國西門之外者其署曰勅賜故丞相畱守惠
愍賀公之廟蓋都人之所作也父老幼穉歲時具牲牢
醴酒考擊鐘鼓而祭享之依二如將見之者蓋不可強
而致之也嗚呼公之上得於君下得於民至於沒世而
不忘何其盛哉故系之曰詩其辭曰

賀氏之先度隰曰居聿來百年遷於雍都南山之下風
氣孔固篤生偉人克曰疏附完其鄂鄞保其民人索賦

臣朝爲之守臣守臣有子入見王所皇建大都俾奠土
宇臣撫臣存臣經臣營啓是世官實繇忠貞衮衣赤舄
車馬有赫相臣來歸卽雍開國白公而王進而彌尊令
德不匱實有子孫其子伊何丞相畱守自其弱冠在帝
左右入陪殿帷出侍乘輿不有其躬臣嬰不虞惟帝省
躬觀天之道太史有占王臣入告惟帝審幾謹是樞機
出內之閒周密不違帝念在茲旣信旣篤一日出令俾
贊大錄惟是登庸固將受遺不競不絀布政咸宜欽若
時憲而度有秩乃睠朔都歸爾是職於廬於旅肅二千
城勸其佚勞曰閒弗驚工師執藝賈售盈市本敦末紓
胥樂女士冒禁非罪原之曰情於貨委禽勿遂其成令

行曰盈民樂法守興學曰教躬率善首歷事四朝既尊
既安賜車出游眾庶聚觀曰公老矣如我父母庶其壽
考錫我多祐惟公之心國爾忘身昔有斂臣我挾其器
多藏靡悔迷國之宰余今弗懲天子奚賴君子用恕去
而弗誅欒曰閒興亶其天乎衣裳之綈榮曰加等人心
大公追及未遠侃二令子蔚爲名臣奉孝思忠公志其
伸公妥其阡有松有柏公食其廟鼎俎有食國家萬年
公名不隳史有信書石有貞詩

趙文惠公神道碑

故中奉大夫湖南道宣慰使趙公旣贈通奉大夫湖廣
等處行中書省參知政事護軍追封天水郡公諡文惠

其子彌寬詣太史請述神道碑銘按趙氏世爲臨淄人
唐末撫州刺史霍避地衡州至宋族益盛奉議郎士庠
始居衡山之崇嶽鄉奉議生楚國公世勣楚公生魯國
公棠魯國弟常生端明殿大學士太師衛國忠肅公方
爲魯公後忠肅生武安軍節度使太師冀國忠靖公葵
公諱淇字元德忠靖公次子也七歲召郊恩補承奉郎
舉童子科召試中書呂大臣子免銓試四川宣撫大使
司辟主管機宜文字除籍田令出通判信州轉宣教郎
除監進奏院遷將作監丞□□元年呂登極恩轉奉議
郎乞補外知興國軍時年二十有九明年丁忠肅憂除
直秘閣利路轉運司判官不赴服闋改知秦州轉朝散

郎又明年除大理寺正轉朝散郎直顯文閣知衢州轉
朝請郎又明年除尚書度支員外復呂軍器監出爲浙
東路提點刑獄兼知衢州節制嚴信二州軍馬以爲大
理卿轉朝奉大夫改直龍圖閣廣南東路發運使加右
文殿修撰尚書刑部侍郎又明年自廣州餉兵海上我
國家旣取宋呂宋太后手書罷諸軍之爲宋守者師至
廣州公得書再拜慟哭而還是爲至元十四年也江淮
宿將旣內附數呂公爲言十五年行省承制署公廣東
宣撫使趣入覲秋見世祖皇帝於開平拜中奉大夫湖
南道宣慰使佩金虎符賜衣冠鞍馬而遣之比還凡五
錫晏官其從者四十三人千戶五人百戶三十人把總

十人居七年天子思其材命奉御察罕集賢學士詹玉
召公足疾不能造朝明年遂致其事居二十三年大德
十一年十一月辛未卒於長沙里第年六十九至大元
年十二月庚午葬寧鄉縣之原塘翰林學士涿郡盧摯
爲之誌又二十三年爲至順元年彌寬調官京師請易
公名於朝於是有司曰故事追贈官封而賜諡焉初胡
文定公父子倡明伊洛之學於湖南廣漢張子實受而
傳之與新安朱子共承絕學於百世之下遊張氏之門
者唯長沙吳獵德大氏得其傳而衛國事張子最久又
從朱子學所聞不下於德夫氏而克巳學問任大事赫
然樹勛業於當時則過之矣至於冀國與其兄忠敏公

范竝曰才略世其家而冀國卽軍中拜丞相雖終不秉國政而歷受方面之寄隱然爲國之長城一時文武吏士往二出其父子所獎拔百年之間亦可謂功臣世家者矣公在齟齬與其兄制置使潛皆親見祖父用兵治民收攬豪傑之方自擊刺攻守之法風雲孤虛之占與營繕戎器之事胷中具有成策潛旣曰忠義著而公遇事亦有足表見者矣應童子舉時五經各問數十條應對如響故參政吳公淵許妻公曰女旣而與其弟故相潛俱得罪遠竄或勸之絕婚公曰怵利害而渝成言市人不爲也冀國善之爲請於朝而親迎焉人曰爲知禮宋末列郡多驕兵守吏率懦謾誕弛不能制徒增賞曰

悅之賞不時至輒奮挺爲亂曰嚇守吏守吏逃去朝廷
亡奈何則爲之罪故吏易新守而已矣公倅信州時才
弱冠守少之而財賦文書治辦發吏贓而按曰法守大
駭服信兵有威果武雄兩指揮凡二千餘人初自諸鎮
選勇藝曰充久之物故不復選郡中無賴子弟求主將
曰充數郡守秋閱賞不素具軍亂守匿求救於公二出
語衆曰淮上健兒百戰有功尤不敢恃一日違節度則
立治曰軍法汝等敢爾邪叱吏摔首亂者榜之百衆遂
定信路鈴轄詹沔者曰故羣盜降得官位迫守倅好侮儒
吏或擁卒射城中矢及官舍莫敢與之較他日見公挽
彊命中竊取其弓引之不能寸始畏服豪猾吏數十陰

藉其聲勢侵苦民人資力富彊部使者不能治呂屬公
公執之無敢遁期理掾三日獄具盡杖脊而黥之錮諸
園土明日中朝貴人救之者盡至則皆死無及矣治興
國兵亦橫不聽守將命或相率白晝入民家取其資呂
去公至郡曰此素我家部曲裨校耳何敢然旦日坐府
統制官呂下拜謁庭中受命不敢違衢州寇起連結處
婺信之間勢甚張浙東提刑牟嶸行部盜逐之守郭淵
入郡盜又逐之朝命呂殿司兵二千與公往定衢公曰
殿司名天子爪牙而兵實不足用反損威撫之呂道當
無他不然淮卒足辦之至境捕得數人問之言詹祝兩
家爭田郡不能直相奮怒起鬪擊不能自已喜亂者聞

風相挺爾公釋其縛曰爾還告爾黨自新吾亦不問期
二日來納款不至吾所統卒皆素善戰必盡殺乃已未
幾皆自歸寇寧公言於朝曰悍卒暫服終不可恃募爲
兵呂配江上諸軍庶少安公去官而衢復亂又還公治
之復散去宋之將亡也郡縣之閒盜賊軍旅之事如此
曰公之世將才敏而見用僅如此惡乎而不危亡也哉
朝廷撫有四方之初民心猶有未盡定向因其素所信
服者而用之故曰公鎮湖南者七年旣致事來蒞於湖
南者曰民事爲問公懇爲言利害便不便亦不靳也公
嘗飄然有神仙之思作太初道院居善藥曰抹人疾苦
賓客之及其門者與之燕樂贐遺貧乏孤嫠者賑恤之

雖重費不復計其家之有無使方士燒水銀琉璃黃朱砂黃金等物爲神丹曰資服食斲琴度曲爲文辭圖畫曰自樂遂終身焉文集二十卷名之曰太初紀夢藏於家有玉溪李簡易先生者得道爲神仙數訪公授曰其術久之隱去人或曰爲不死公思之一日見其至喜而固畱之李先生曰吾遠來甚熱請具浴公命具浴先生就浴室久之不聞聲曰且莫公親候之見有光昱二在水上圓如初日出不復見先生所在李氏書藏公家今稍二傳人閒云天水郡夫人吳氏先公十五年卒子四人彌寧彌宗彌審皆前卒彌寬用公廕今爲奉訓大夫韶州路曲江縣尹女二孫男六人巖嵩崑崙皆集先世

勲業與公家相先後冀國曰丞相鎮長沙而我先大父
守永州至元中先公歸自嶺海道出湖湘嘗與公往還
道故舊集曰童子侍猶識之今故老盡矣而不敏待罪
國史得曰契家執筆紀公遺事能無感慨乎銘曰

維昔世皇既定南土迺輯迺安不震不怒迺睠赤子安
其母父任曰弗疑何閒疏附顧瞻湘流頌二其城民人
衆多有財有兵翼軫之墟其岳維衡有赫炎靈祝融所
營士有膚敏世將世相世武世文君子之望命服錫馬
勞曰大饗歸撫其民皇威孔鬯優游鄉邦亦既有年既
老而休溫二德言嗟世溷濁言思翩翩密室凝虛鑄金
爲丹我懷公家問學有自曰孝曰忠著作信史國亡史

存澤及孫子遭時休明亦旣膺仕故物不遺古學亦微
援琴鼓之繼以涕洟松桂在山澤有蘭靡不亡而存庶
其在茲

兩浙運使智公神道碑

公諱受益字仲謙姓智氏鄧州南陽人幼孤母夫人躬
自教養是時國家規取江南重兵在襄鄧閒公始呂善
書記從軍稍遷行省掾隱然已負時望至元二十一年
擢荆湖行省都事征交趾轉湖廣行中書左右司郎中
行中書省改行尙書仍爲其郎中治行軍幕府數涉危
險計度餽餉益精備尙功適都漕運選材進呂爲判官
尋遷海南北道肅政廉訪副使病不赴元貞初除江西

行中書省理問官滿秩又遷湖廣行中書省郎中用御史臺薦進官遷湖南宣慰副使□□年遷江西行中書省郎中丁母夫人憂皇慶元年服闋除潭州路總管未滿罷又五年除岳州路總管甫踰歲賜黃金虎符拜海道運糧萬戶滿三歲就除兩浙鹽運使至治三年正月巳年七十請致仕三月卒祖某二官父某二官母某氏某封曰貞節表門娶某氏子幾人某二泰定元年□月葬公南陽先塋之次太史氏虞集曰故人子當篆其墓之石曰銘敘曰世祖皇帝之初進二三大儒於左右與之論議曰混一宇內豪傑之士曰軍事立功天下且定立官府別郡縣治租賦有調度繕作禁令之事士始曰

文法趣具善承迎辦治爲務而公卿大夫之選悉自此
矣末流之弊更爲之名曰自別於士識者閔焉夫孰知
有用之材常趨所急曰致用故其所樹立有足表見於
時若智公者固何可誣也哉公練習事物如燭照策數
一見卽要其歸雖他經反覆卒如其說而後定吏具牘
或至數千百言不了二於情致公涉筆立更定不數語
粲然有文微密周緻皆傳經說吏民誦焉數被旨問大
獄累年不決者至公皆情見無隱時朝廷病有司慢弛
遣使四出號曰奉使宣撫得專決不憚大吏湖廣人或
詣使者言行省不如法者數十事且言故沮持憲臬者
尤不韙同幕頗爲動公曰果自吾手出當不至是使者

曰此爲首事卽日集省憲主者閉府門列坐條問曰
舉一事公輒對曰因起及施行與憲司論議相關者云
二無一不中律令前後月日名數錯綜細微傾倒詳盡
隨閱文書不少差盡一日凡十數事皆如一使者驚異
不惟不得有所可問更贊公而立罪言者一時會府人
人倚公爲重矣宣慰湖南者數年潭人素服其威信守
潭之命下民甚悅而豪縱者望風避去潭大郡也爲守
者常壓於兩使者惴沮不得有所爲公上之曰宣慰廉
訪兩使者率其屬親與爲禮持文書者往二門人故吏
拜起不敢仰視文書畫時刻下州縣曰遠近艱易爲期
庭無畱事千里之內洞燭如神明蓋其爲政實有舉措

收縱而非冥行偶中依稀近侶曰爲名是已未數月郡中遂已無事有富人子爲不法事至府公召問獄具萬端求解卒無已變公意是時憲府空無他官有獨專憲事者大爲姦利實畏忌公富人子夜急投之爲請緩公不可多方爲牽制因求已罔羅公者踰月無纖髮近侶可指會屬邑尉公事後期當笞已老故未卽論立請尉當有賕免罪者尉死不肯服乃云公喜送過客食蒸鷺是某庫吏所致蓋官錢云已此劾治困苦之數月不解事聞朝廷卽驛召使者會赦乃敢夜遁去而公亦去位及治岳益有餘才海道運輸係國計甚重而上江不時至請築倉建康已冬受淮而出之損益已法民不駭而

事速辨兩浙鹽法積弊吏民苦之公理事決囚盈廷嘗
先日出盡日入乃已每愀然曰庶及期月當少清乎時
朝議用公爲戶部尚書未命而報卒嗚乎世之曰吏才
自信而人亦信之而果有異於人乎哉若夫曾無明日
之慮徒曰取給自詭者固公之所素恥者也然則公曰
計時數月積官三品視其同人幾不及其最下者而憂
患勞苦死而後已不亦悲乎嗟乎有之而不見用二已
而不獲盡君子之常也公亦何憾於斯故爲之銘曰
才急於需樸櫟畢輸優游無虞梗枻薪樗朝服於二名
駟大車爾皋爾夔善駝利趨人其曰賢已則信然弗顧
弗疑充顏曰前不愧旁視有閑無恚旣勞旣試終不自

致安平在時則亦弗思後或當思既遠曷追思則考行
此有成躅刻石載文曰慰曰勛

福州總管劉侯墓碑

泰定丙寅三月甲子福州總管劉侯因其子江浙行省
鎮撫輿之上事京師也使曰其閒來告曰元亨曰祖父
之緒屬當戎行遭時承平四方無大征戰不得備效用
然至將旨歷至西南諸邊幸不辱命粵自荒服俾守茲
郡粗息肩於奔走曰洒濯其瘡痍始克自思曰先君之
葬二十年矣而神道之碑未立蓋未遑也其敢曰將有
待也誠懼先世之德久鬱而弗彰將無辭於子孫後世
請篆其事於石庶不朽焉敢再拜使子輿請集禮辭不

獲已則退而思曰昔在皇慶二年湖廣行省驟告於朝
曰交趾遣三將帥兵二萬七千寇邊請出師討之朝廷
重用兵而又不肯忽其事議遣使卽閱其實而究其便
宜廷中未有稱其選者元亨自浙省曰軍事人見廷臣
曰此其人矣卽曰聞乃授之弓矢馳驛至廣西兩江
先使兩帥府出文書慰安邊人而申飭州縣毋敢曰使
者爲名擅有徵發乃親至大臨少臨昆侖諸關來賓柳
邕諸郡凡所言見殘於交兵處緣高絕深觸熱茹毒犯
虎豹踐蛇虺無不至焉當是時非止出蠻獠不意而吾
大小道吏亦悚愕踰絕望外矣於是得其情實卽負固
者傳譯申諭之旣俯首聽命乃手自爲書反覆數百言

喻交人曰逆順禍福且示曰審實致討不輕用兵之意
交人束書辭謝有加賄焉元亨斥其賄切責使者曰其
情之所匿未幾交人奉表請罪使還南郡不施一鏃遂
曰無事又上其事宜皆險阨之要控守之宜任擇邊吏
之說由是天子知其名廷議言材可用者常在元亨矣
雲南在要荒萬里外皇帝嘗親征而理之諸蠻大牙相
錯負恃而強忍爨棘尤甚數叛曰煩官兵議者請據其
腹心而制之乃卽烏蒙立一宣撫開屯田而蠻知顧忌
矣前後二三十年易置官府至於再三凡爲費鉅萬二
吏士或亡或斃物故者幾數千百人終莫能定曰爲朝
廷憂延祐五年冬更擇行省官領其事而佩元亨曰虎

符銀章專制屯府之事果能明賞罰別利害據衝要立營壘部伍相乘首尾應合近而不雜遠而有制繕生養曰固其志嚴訊訶曰絕其奸盡其水土之利公有餘而足曰用衆私均贍而不敢自私又通其醫藥市易禱祠觀之用幾不異於中州未及三年而隱然不可動之勢成矣其報政也竊美其事而問焉則曰昔者先祖命我先人曰予曰生長兵間不獲事學問世且平定子孫其無廢學乎是曰先君之教我嚴甚今日之事粗識義理通古今幸不致曠敗者蓋有自也時聞而異之已欲聞其父祖時事曰觀其爲人而未暇也今屬書於集其可曰不敏辭乃按其事狀而書之曰侯諱濟字濟川姓

劉氏世爲大名人在金時常顯宦而事軼不傳所可已
名知者義軍千戶暉而已義軍生權府公於兵閒沈鷺
善騎射金亡挺身歸朝從速不臺太赤阿朮魯三大人
於軍歲丁酉領其郡兵八百號千戶從其師攻宋隋州
破一寨獲將一人歲辛丑破二寨獲將四人歲壬寅馳
解宋圍於葉追敗其餘衆獲將一人殺將二人自是往
來江淮閒歲丙子敗宋舟師於泗之五河口歲戊申守
招信龜山之險治戰具大敗宋舟師殺其將大小八人
歲甲寅呂功將入見皇帝於六盤山授管軍千戶中統
二年始受璽書鑄印佩之從破光州至元四年從守潁
州從軍三十餘年大小數十戰年六十二矣而侯年亦

已二十八日通書數計策善戰聞於軍中請任之襲其
軍事方是時行省益善其父子二人不肯偏舍故兩用
之曰侯鎮其父兵益曰懷孟彰德之卒五百會攻襄陽
而潁州萬戶方赴息州聚議卽曰其父權萬戶府事畱
鎮潁州宋將夏貴知潁帥已出乘虛攻其北門權府設
伏敗之遂完城曰待侯於是時從江上諸軍攻取城邑
無虛日矣至元十二年伯顏忠武王管兵守無爲規取
淮西侯分地守城北宋師水陸並至攻北門侯先犯矢
石獲其將二人北門旣捷宋師遂潰論功侯爲最又曰
其軍敗鎮巢叛將而獲宋將一人明年仍戍巢決水圍
之盪舟踰濠蹴宋兵入水死奪其輜重遂降鎮巢十三

年權府謝事而侯始曰修武校尉爲千戶十四年擒獲
焦湖僞鈔者歸之有司讓其賞弗受從攻安慶府野人
原馬齒山龍山隘天堂寨等或諭降或進討殺獲甚衆
遂盡得司空山黃山寨水口衝之險案功狀旣上還軍
過廬州其帥畱曰自助適黃州叛曰侯并領安慶軍夜
赴之未至三十里叛者聞侯先聲遂降十六年曰功加
武略將軍佩金符十八年移戍海上所過無所犯民甚
安之是歲其父卒請服喪如禮行省執軍法不許二十
年選鎮饒州饒大郡鄰壤多岩險新附自侯至無敢竊
發者明年建寧賊起旁郡苦於過軍獨饒曰侯故不擾
二十二年盜起其屬縣監郡幾陷賊手侯破賊出之二

十三年移戍他郡饒民爭詣行省乞畱之二十四年侯
呂二千人與十將之士屯田芍陂收穀二十餘萬築隄
三百二十里建水門水閘二十餘所呂備蓄泄鑿大渠
自南塘抵正陽凡四十餘里呂通轉輸二十八年加授
中千戶六月卒屯所呂某月葬年五十二侯娶同郡李
氏生三子元亨其長也今亞中大夫福州路總管次元
英次元眞十女其壻曰傅鑑陳忠魯讓張晦皆士族也
陶某張某武某晏某姓某姓某孫幾人與其長也襲世
職今超拜奉直大夫江浙行中書省都鎮撫治軍有善
政聲聞略如其父云其墓在某縣之畱犢鄉長卿村或
曰長卿者唐隋州刺史也因呂長卿字其鄉劉氏蓋其

子孫然無可考證者國家旣一海內自將帥諸校功簿
在樞府職事傳子孫承平旣久世其祿者往二無自自
見於當世況其安逸而罷軟不勝者乎是故功多之跡
富貴之所因起邈然無聞者蓋多矣今劉氏專對授政
卓二有可紀述而其言必曰祖父祖父是其祖父之遺
子孫者功多職事云乎哉故可銘二曰

於皇世祖撫運曰興惟其智能大小畢升虎賁鷹揚大
帥十百列校眾正咸傑俱特伐簡爲青武功是書大且
弗勝細固遺餘偉哉劉氏曰德爲勇世領千夫曷究於
用雖未究用其儲則深建材發能後克有任煌二治朝
四極無際去兵垂橐川淨雲委芽蘗弗齊孰芟孰治使

將恩言頓首自歸大廷之間濟濟多士授言遠外必爾
孫子邦君之榮上及重親贊書啓封既聞既陳桓二武
績濯二文藝表其盛者曰詔來裔

道園全集卷九終

虞文靖公道園全集卷十

在朝臺十

碑銘

淮陽獻武王廟堂之碑

昔者汝南忠武王起義兵燕南統率豪傑略定郡縣聲震河朔及歸國朝遂曰其師攻河南旣滅金將移師取宋乃總諸軍曰鎮亳疏積水立城戍開田護畊宋人不敢北犯其後淮陽獻武王復統亳州軍曰成大功故亳有張氏之廟焉其中廟祠汝南忠武王西廟祀王第八子蔡國忠毅公東廟祠王第九子淮陽獻武王忠武始封蔡國公而薨也賜諡武康又贈推忠宣力翊運功臣

太尉儀同三司上柱國獻武之薨也贈銀青榮祿大夫
平章政事諡武烈又贈推忠効節翊運功臣太師開府
儀同三司上柱國齊國公改諡忠武皇慶元年獻武之
子珪呂中書平章政事相仁宗皇帝於是忠武進封汝
南王改賜今諡獻武進封淮陽王加賜保大二字呂益
其功臣號又改賜今諡禮部呂其事下郡縣之有王廟
者至治二年珪復入中書歷相英宗皇帝今上皇帝於
是泰定元年加賜忠武呂開國二字益其功臣號是年
天子肇開經筵珪首當勸講明年解機務封蔡國公仍
知經筵呂疾告歸未幾三遣使趣召見上聞其病重煩
呂政事拜翰林學士承旨仍呂蔡國侍經筵朝有大政

則就焉有閒使來告某曰先王之廟在亳州者庭皆有
麗牲之石我忠武及忠毅之勲德則既具刻而銘之矣
惟獻武之廟我曰忝預國事不暇私顧其家故未有刻
焉因曰王之墓誌神道碑家傳授某曰刻文敢曰屬子
某辭不獲則對曰昔嘗忝爲太史屬固嘗知公家世勲
德及進講內殿又執經曰從公後者三年矣雖不敏敢
次第而書之謹按王諱弘範字仲疇年二十餘其兄順
天府總管弘略上計行朝畱攝其府事吏民服其明決
時內附甫定蒙古軍所過輒爲暴王曰國朝自有法制
我奉行之執暴者決曰杖入其境無敢犯者順天者故
保州曰忠武故陞府名後有所避又改今名曰保定云

世祖皇帝保定初置御用局曰王爲總管三年李壇叛
濟南親王哈必赤丞相史天澤帥諸軍討之曰王爲行
軍總管且行請氈帳於忠武忠武曰汝欲卽安耶不與
乃命之曰壇違天必敗汝勉之雖然壇劇賊也圍城勿
避險地險則己無懈心兵必致死主者慮其險苟有來
犯必赴救可曰立功汝則勉之及圍城王軍城西壇突
諸將獨不向王軍王曰吾固受教矣我易受攻而彼不
至謂我弗悟也乃築長壘內伏甲而外爲壕開東門曰
待之夜浚其壕加廣壇不知也明日果擁飛騎來攻橋
不足踰壕軍陷其得踰壕者突入壘門遇伏皆死降兩
賊將壇警遂敗死論功王最多忠武聞之曰真吾子也

或言於朝曰璫所已得爲亂者盡專兵民之權故也已此聞諸侯諸侯果不自安遂罷其子弟之在官者王亦例解總管至元元年引略入宿衛上召見其兄弟可代守順天者因念王濟南之功遂佩之金虎符代爲守二年移守大名未上微服行民間察其所患苦見倉吏收民稅視所當輸倍蓰怨言載道明日視事首取而治之民大悅是歲大水沒廬舍且盡租稅無從出王輒免之計相曰專擅罪王二請入見上前曰臣已爲二朝廷儲小倉不若儲大倉非擅免也上曰何說也王曰歲已水不收而必責之民府倉雖實而民死亡盡明年租將安出活其民使均足於家歲取之有恆非陛下府庫乎此

所謂大倉也上曰知體其勿問其監郡有愛魯者先在
郡任計吏不當至使自經死僚吏不悅於愛魯發其事
王不與之則愛魯無援必敗王曰同官也力爲之解不
得而愛魯抵罪王亦爲之免官歸鄉里退然閒居不曰
介意六年大括諸道兵益圍宋襄陽益都淄萊等路行
軍萬戶丞相伯顏命王軍鹿門斷糧道絕郢鄂之援主
者曰鹿門有張九漢水曰東無慮矣於是王言於丞相
曰今規取襄陽周於圍而緩於攻者計待其自斃乎然
而夏貴乘江漲送衣糧入城我無禦之者而江陵歸峽
行旅休卒道出襄陽南者相繼也寧有自斃之時乎若
築城萬山曰斷其西立柵灌子灘曰絕其東則庶幾斃

之二道也奏用其言移王軍萬山令嚴守無懈意一日
出東門與諸將較射敵兵大出猝薄城諸將曰彼眾我
寡請嬰城自守王曰嘻我與諸軍在此何事敵至將不
戰邪敢言退者死卽被甲上馬橫戈立遣偏將李應當
其前他將二六百人攻其後親率二百騎爲長陣敵之
步陣開陳而待王下令曰聞鼓皆進擊未鼓勿動敵麾
眾入陣我不爲動至再且卻王曰彼再進再卻氣衰矣
鼓之前後奮擊宋師大敗得奔還者無幾八年築一字
城進逼襄陽破樊城外郢九年命攻樊城流矢中王肘
王束創見主帥曰襄在江南樊在江北我陸攻樊則襄
出舟師來救終不可取若截江道斷救兵水陸夾攻之

則樊必破而襄亦下矣從之明日復出率銳卒先登遂拔樊襄陽降呂宋將呂文煥入覲上嘉之有錦衣白金寶鞍之賜將校行賞有差十一年丞相伯顏帥師伐宋命王率左部諸軍循漢江東略郢而南十二月攻武磯堡取之大兵渡江王爲先驅宋相賈似道曰兵軍蕪湖其帥孫虎臣軍丁家洲王轉戰而南大兵繼之宋師潰王前行布宣威德所過降下師次建康上遣使諭丞相毋輕敵貪進其少駐以待王進說曰聖恩待士卒誠厚甚今敵已奪氣亡在旦夕過自迂緩資敵得爲計非策也將軍治閫外急緩之宜難制臣臆度乘破竹之勢取之無遺策矣丞相然之卽曰白馳驛至上前面論形勢

得旨進師十二年師次瓜州分兵立柵奪其要害守之
楊州都統姜才者宋之名將也所統士有部落種人白
爲一軍勁悍善戰至是呂二萬人出揚子橋都元帥阿
朮與王當之兩軍夾水而陳王呂十三騎絕渡衝之陣
堅不動王引卻呂誘之其驍將本回紇人鎧仗甚異躍
馬怒曰奮大刀出前趨王二還轡返迎刺之應手頓殪
馬下立陣者同口驢叫震動天地而敵人亦不覺失聲
遂潰走追殺轉至城南門斬首萬餘級其白相蹂踐與
陷壕水溺死幾盡比得入城十無一矣王素善槊此戰
衆尤服其奇雋焉於是宋將張世傑孫虎臣悉其國力
率水陸軍陳於焦山南北將致死於我二師合擊之兵

交王之一軍橫衝其旁宋師大敗宋自是不復能軍矣
追奔於圖山之東王奪其戰艦八十俘馘已千數上功
改亳州萬戶亳軍忠武王舊所統也王曰爲請遂還之
忠武王之事憲宗皇帝嘗賜名曰拔突拔突者國語勇
敢無敵之名也於是上又曰賜王爲名云是年冬丞相
伯顏次臨安之長安鎮中書左丞董公文炳左出京口
由海道會之王亦將兵而左師次宋郊丞相遣使約降
宋主宋主幼其大臣難於削號稱臣請曰伯姪爲禮往
返未決王將命入城數其柄臣之罪而詰之遂屈服竟
取降表來上宋亡其主遂歸朝而十二年浙東又叛王
力疾討之師次台州遣人持書往諭守將殺使焚書我

師怒拔之眾請屠城王不許誅其首禍者而已台民至
於今感之明年師還迎拜鎮國上將軍江東宣慰使其
民新脫鋒鏑王撫安之期月境內稱治十五年王入覲
請於上曰宋主旣降其將張世傑奉其庶兄益王顯與
弟廣王昺南奔旣立顯於閩而卒又立昺於海上宜致
討焉乃拜蒙古漢軍都元帥曰行陛辭奏曰國朝之制
無漢人典蒙古軍者恐乖節度猝難成功願得親信蒙
古大臣與俱上曰爾憶而父與察罕之事乎其破安豐
也汝父欲畱兵守之察罕不肯師旣南而城復爲宋有
進退幾失據汝父至不勝其悔恨也由委任不專今豈
可使汝復有汝父之悔乎尙能曰汝父宣力國家之心

爲心則予汝嘉今付汝大事勛之哉面賜錦衣玉帶又
辭曰遺燭未息延命海渚奉詞遠征無所事於衣帶也
苟曰劍甲爲賜則臣也得曰仗國威靈率不聽命者則
臣得其職矣上壯之上方寶劍名甲聽自擇其善者旣
拜賜又諭之曰劍汝副也有不用命者曰此處之且行
薦李恆爲貳從之至楊州選將校發水陸之師二萬分
道南征曰弟宏正爲先鋒戒之曰汝曰驍勇見選非私
汝也軍法重我不敢曰私撓公汝慎之宏正所向克捷
王進攻三江寨二據隘乘高不可近乃連兵環之寨中
懼持滿曰待王下令下馬治朝食若將持久者持滿者
疑不敢動而他寨不虞也忽揮軍連拔數寨迴擣三江

盡拔之至漳州親攻其東門命將佐攻南門西門敵應之乃乘虛入其北門破之鮑浦寨南瀕海王曰陸攻之必走海令宏正圍曰騎他將攻之南門又拔之海瀕之郡若潮若惠皆團結盤互王威聲所至恩信濟之無不內附十六年正月庚戌由潮陽港乘舟入海道至甲子門獲宋斥候將都統劉青顧凱乃知廣王所在辛酉至崖山而他將自外省調至者雖隸所部然儕視不相下有驕蹇意或敢違其號令王曰軍法斬其最甚者一人衆乃懾服聽命時宋人僑居海中環列千餘艘碇之建樓櫓其上隱然堅壁也王引舟師當之然其地兩山東西對立其北淺舟膠不可進我師由山之東轉而南入

大洋始得與之搏又出騎兵斷其汲路燒其宮室而宋益困蹙無所容矣世傑有韓甥在王軍中三使招世傑世傑不從甲戌李恆自廣州至小舟更授曰海陵戰船守北面二月癸未我師將戰或請曰砲攻之王曰火起則舟散不如戰也明日四分其軍分處其東西南三面王自將一軍相去里許下令曰宋舟西檣崖山潮至必東遁急攻之勿令得去聞吾樂作乃戰違令者斬先麾北軍一軍乘潮而戰不克李恆等順潮退樂作宋人曰爲且宴少懈王舟犯其前南眾繼之王命高構戰樓於舟尾曰布障之命軍士負盾而伏令之曰聞金聲起戰先金而外動者死敵矢傳我舟如蝟伏盾者不動舟將接

鳴金撤障弧弩火石交作頃刻連破七舟宋師大潰宋
臣曰其主廣王赴水死獲其符璽印章張世傑北突吾
軍而遁令李恆追至大洋不及世傑走未至交趾風壞
舟與將士盡溺死於是嶺海悉平宋無遺孽矣磨崖山
陽紀功而還十月入朝錫宴內殿慰勞良厚王曰瘡癘
疾作矣上命尙醫護視曰曰狀聞遣近侍臨議用藥曰
吾有國士待其謀畫必盡伎速愈之敕衛士坐其門曰
九拔都病甚矣非必不可不見者宣詔止之可也疾革
沐浴易衣冠俾左右扶至中庭面闕再拜返居酌酒作
樂與親戚賓客爲別遺言毋厚葬甲一襲刀一事足矣
明器曰陶爲之出南征時賜劍與甲曰俾嗣子珪曰汝

父曰是立功其佩服毋忘語竟遂端坐而薨十七年正月十日也得年四十三上聞之震悼詔京尹給喪事所過郡縣曰禮迎送歸葬其鄉之定興縣河內里祔葬祖墓而嗣子佩金虎符襲其軍萬戶二十九年珪入覲上謂太師月兒魯那延曰此家父子相繼自太祖皇帝曰來定中原取江南漢人有勞於國者是爲最張氏史氏俱稱拔都史徒曰籌議不如張氏之百戰皆立功也所曰爵其子孫者豈可與常人同哉遂拜樞密副使行院江淮自是敷歷臺省三十餘年爲國大臣矣王素敏悟喜讀書過目輒識大義歌詩尤慷慨身長七尺修髯如畫機明氣銳言辯捷出勇略絕人輕財下士拔於衆材

己不曰爲惠尙氣節敦信義與人交久而益敬剛直自將不爲勢位所屈雖臨之曰威而辭氣洒落理辯愈切初伯顏至建康大會諸將出庫金行賞而王後至丞相曰祖宗之法凡曰軍事會集罪加後雖貴近材勇無所貸爾何敢後眾錯愕王徐進曰臨戰未嘗後受賞恥居先何爲不可丞相爲之俛首其能片言解疑誤類如此簿錄宋內府金帛行省都事夾谷士常與焉旣而多所遺失或因曰誣士常將就考驗王曰士常名士行義有素何可曰此議之請曰本身官爵及家帑保其必不然者其後誣果明南征時宋文丞相天祥之軍在潮之五坡嶺宏正掩擊獲之縛文丞相曰至椿曰戈使拜不屈

王釋之待曰客禮吏士或諫王曰敵人之相巨測不可近王曰忠義人也保無他求其族屬被俘者悉還之及囚京師聞王薨至爲之垂涕在海上得宋禮部侍郎鄧光薦禮之於家塾曰爲子師嘗戒其子曰居官律己廉慎則公明自生御衆賞罰信用則人自致力不懷報怨之心怨亦自釋此三言者皆王所躬行者也凡行軍非對敵未嘗妄殺吏卒有病者必親視醫藥不幸死必轉送其家凡上賜與必分班士卒麾下有功賞或不時得則慨然曰人宣力如彼而受抑如彼後或解體將誰與共功乎甚者爲之涕泣陳說不得請不止故人樂爲之用及爲元帥雖有所刑戮亦必爲之懇測申諭仁聞旣

著薨之曰天下莫不傷悼痛惜焉今蔡國公又嘗謂集
曰先王棄世予尙幼不足盡知其奇謀偉績當時之交
遊與老校退卒於今略曰漸盡雖欲廣聞不可及矣至
其昭如日星不可泯滅者則有信史與王李二公之碑
在可曰參攷者故几可知者備書之而不敢略予一人
今蔡國公也孫六人某官某曾孫十一人某官某集嘗
觀於蜀漢矣諸葛武侯旣沒所在求爲立廟後主不聽
百姓私祭之道上或曰宜聽立廟成都又不從步兵校
尉習隆中書侍郎向充等共言曰周懷召伯甘棠不伐
越思范蠡鑄金存像漢興呂來圖形立廟者多矣亮之
烝嘗止於私門廟像莫立非所曰存德念功述追在昔

者也宜聽立廟沔陽親屬曰時致祭其故吏欲奉祠者皆限至廟君子曰爲禮亦宜之然則亳州張氏之廟豈徒曰著勲臣之世業哉亦足曰表朝廷之盛德凡於腹心股肱爪牙之臣無所不用其至者矣故作詩曰備樂歌云其辭曰

維昔世皇受命自天四征旣庭遂開中原越是南國歷禋三百德在炎燧運往行息百萬在師不亟不遲不殺而神赫其神威江流湯二談笑畢渡木顛草偃有仆無拒天子曰嘻士亦勞止時且徂暑其休曰俟丞相文武受言敬共息銳養完牛酒旨豐王乃叩閤請具爲奏若峻阪馳竄扼其後面上方略報不踰辰往臨厥都雷風

疾神丞相傳言天子聖明曰順來歸請吏民命主幼臣
迷勞我行人王曰弗庸罪在柄臣身涉其庭氣直辭決
稱臣上表再拜門闕有保其遺奔於海涯延喘須臾白
靖其私王曰不可入告天子不極其征臣不敢止乃錫
神劍名甲副之抉瘴排炎廓爲清夷膠舟於壑存其餘
幾王言三進永訖炎紀橫梁賦詩波濤不驚磨崖勒銘
表於鯢鯨功則多有壽位弗逮榮隨哀興業曰久大三
錫彌尊曰啓王封冕舄佩圭盛服在躬維茲毫人服德
曰世享嘗於廟從王孫子於赫世皇濯二靈聖萬神景
從翼之風霆我思淮陽陟降在側孰是下國顧懷來格
言二新宮高明深宏中有王考右有王兄王之格思庶

其在此焄蒿浮游孰感而致維亳士女具曰不然我有
井里王爲陌阡我有溝洫王浚王畫王于作邑其城額
二我藝黍稷亦有稻秔羊豕在牢曰庖則盈笳簫鐃鐸
享士乃作我迎我享是用不忤昔我父祖荷戈執殳從
王南征百戰是俱春雨旣濡秋降霜露王其享茲從我
父祖維時君子顧瞻咏嗟咨亳庶士孰知其他王有嗣
子相我仁廟正言於庭必抉其要邃深蔽虧羣讒切膚
帝尙仁孝寧之厥家英宗赫二如日斯烈搜姦率庸不
假毫髮臨軒視之命遄其驅託之股肱恩信渠二天難
諶斯難起倉猝慮深謀達罪人斯得聖明繼統車塵徐
二亦惟世臣謹度不渝旣寧旣好思極厥保陳經啓心

非法不道申二其居侃二其容孚於帝衷曰世師工王
廟奕二視此無斃匪毫是私國有恆秩

知昭州秦公神道碑

公諱仲字山甫姓秦氏世爲洛陽大族大父和仕金爲
江南安撫使旣歸國朝父安爲河南三路提舉公嘗從
紫陽楊奐然先生學知名得給事裕宗皇帝潛邸郝文
忠公經之使宋也宋人畱之眞揚閒宋亡天子嘉郝公
之節擇士得公迓之還京師久之除承直郎建康路總
管府判官季父長卿偶儻有大節世祖皇帝潛邸在京
兆已知其名及卽位召在宿衛與故御史中丞劉公宣
爲友曰氣岸相高時宰阿合馬秉政聚斂罔上怙權寵

常伺察言已者中已危禍廷中相語曰曰無敢論列長卿乃上書世祖曰阿合馬擅生殺人莫敢言爲國蓄積怨毒已甚其鉗制左右使不得徹上聽情叵測侶秦趙高私家之蓄過於公家覬覦資藉情測侶漢董卓春秋無將請及時論法按誅之上已其書下中書阿合馬固善伺人主意力足使侍中貴人抹解事得寢他日曰爲宣德鐵冶弗治須藉能者奏用長卿爲同知卽曰折閱課額數萬緡爲長卿罪下吏卽獄中用溼紙掩口鼻斃之盡沒入其洛陽家產人莫不冤而哀之然終無一人敢爲長卿言者公乃去官不復干仕阿合馬死朝廷更新政事姚文公燧手爲書爲執政言秦仲曰諸父之仇

當國恥之閒廢至今臺憲力言其人貧不能起此風節
所係宜不待於有言者公得所爲書藏之不曰發今固
在其家也善乎史官歐陽元作長卿傳而論曰或曰使
長卿如山甫勇去庶不及難曰山甫求無負其諸父長
卿求無負其君一道也曰怨乎曰自古君子死小人手
者多矣後之君子終不曰爲悔又慕効之夫後者之無
悔則前者其有悔乎是曰知其無怨也可謂得秦氏父
子之心矣至元二十五年用事者急聚斂遣使天下大
括金玉珠貨器物贏餘苛酷吏請盡辟知名清彊吏曰
任事公雖居閒猶被迫遣治徽廣德之會是時公府之
出納無容復有餘羨此直曰無義而取之耳而操竊郡

縣危甚公曰吾意誠知其不可然吾受罪去固不辭吾去而他至則其害將不可言爲物色異稍可追理者曰應之視他處固不能十一二也吏曰數少責之亦不爲變後五年行臺治書侍御史裴公道源監銓廣西外選舉公知昭州有善政郡治無事每遊歌竹山賦詩爲樂自號歌竹山人卒於官三十年三月也年五十有一初殯建康城南某年月日歸葬洛陽某處永康胡長孺志其墓夫人喬氏繼許氏孫氏男子四從龍中憲大夫僉秦禧宗禮院事從德榮祿大夫中書左司郎中從某從禮女子六壻馬成段時中邢師雍其三天孫男幾人惟秦氏先世行事卓然可稱國家修皇朝經世大典訪問

遺佚而從龍嘗夢其先人問從王父事已報史館否得
歐陽氏所著傳始末甚具曰上送官昭州曰子贈某官
夫人封某於法得立碑神道故來請銘二曰

明主在上則有直臣憂國奮義蹈禍亡身公曰從子泣
血愼德豈曰避仇實瘳蝨賊陰消陽明君子於征名公
具言猶保幽貞愛民之仁極物之智天不與年百未一
試信道不同古人所難父子相望風節厲完乃睠後人
竝立朝著爲國材賢綽有令譽維洛泱二潤覃柏松過
者式之遺直之宮

眞定蘇氏先塋碑

奉訓大夫刑部主事蘇志道命其子天爵奉狀來請曰

維蘇氏趙郡著姓其後有自行唐徙真定者數世矣志道不令無敢違祖父之訓執事無敢不謹曰獲祿於朝先世之餘澤也然而遺事隱德之可知者曾大父嘗言志道猶志之高祖而上家牒軼於兵難無可考故行唐之先塋相傳在縣西南黨家原既莫知其處葬真定府北新市鄉新城原者曾大父嘗言東北一邱是始遷之墓族人同塋異兆而藏者猶識其爲某親某親今隱然高可隱者相屬亦莫得而名之悲夫今天下治平久矣非若曩時之逃難解散也志道又幸得立石表之不爲踰禮奈何忍使邈焉湮沒曰遺子孫無窮之悲乎謹述世次年月行事願爲文刻之石表諸墓道云曾大父

諱元老資純厚儀狀偉然嘗慷慨有大志貞祐二年
其家從金主徙汴二且危同徙者猶乘便取人美田宅
乃歎曰已矣無可與爲者吾歸守吾邱隴死耳崎嶇兵
閒數瀕於死期月而始達居久之遂曰貴雄其鄉樂周
人之急歲數飢常存活其鄉里施及行旅至今人能言
之始汴亂時倉卒失其弟物色之終身不能得言之輒
垂涕其天性可見已至元十三年七月卒得年八十六
娶孫氏生子一人曰誠二少長戎馬尚氣節喜施與尤
謹孝養時郡邑新定無知爲學者獨能教其子爲鄉人
先諸豪觀望時勢所爲多不軌所至民盡室逃之獨能
畱養其親使諸豪無敢犯或更從其化導焉敏治生而

不喜殖產業善飲酒不亂然既老得酒意氣猶見於言
 笑閒大德二年十二月卒得年七十八娶畢氏子五人
 曰榮祖曰立曰實曰信曰德順榮祖幼穎悟善學嘗從
 同學自鄉校夜歸甚寒同學者將叩門亟止之曰聲遽
 將驚吾親徐待門啓而後入祖父嘗泄痢被寢席手掬
 去之而浣滌曰水兼備敬愛鄉之達士常舉曰風爲人
 子者焉與諸弟均衣服飲食雖一瓜不共食不食也教
 子嚴甚或勸之曰君才一子盍少寬必正色對曰豈曰
 一子故不教之也耶事親尤謹有疾親奉之與朋友期
 風雨寒暑未嘗後至嘗持白金入城府售之道過其友
 家偶隊地其友故藏之曰觀其所爲竟起去顏色不爲

動其友語之曰吾嘗服子有量今益信家藏書數百卷
手錄讐校不倦因金大明厯積算爲書數篇頗易其舊
法旣而歎曰爲成書久亦必差夫厯數者民事之所當
先而儒者莫之習何哉凡鄉里有婚姻喪葬必從問期
曰禮節所宜有疾苦必賴其飲食醫藥之餽有鬪者聞
一言明是非可否之決各解去不復詣吏名旣著稍起
從都轉運使辟監眞定稅務贏餘不入私家曰廉平稱
未幾曰親老辭去不復仕終身年八十七而卒至元十
二年五月也娶吳氏子志道也女三適劉從道賈玖馮
慶孫天爵也女孫三適勸農司大使宮天禎眞定醫學
錄張蒙章佩監知事何安道志道從弟七人嗣道達道

立子也安道實子也師道昌道信子也允道進道德順子也嗣道之子五可名者天澤安道之子二可名者天章允道之子未名也真定蘇氏先塋者凡十族之卒者皆曰其次爲兆葬焉而其配從之備書其子孫之名者著其族也獨詳志道之世者志道長且貴又爲志道志也大德中志道爲憲府史從御史按事遠邊御史或將曲撫之志道正色曰小人猶有所不爲君奈何若是御史義而從之而他官輔行者竟曰賄敗某由是義志道與之遊至大二年尙書省立志道爲中書掾中書掾兄躡藉甚死灰志道泊然守職不變不退後察其行事多方直守義心敬愛之其自中書省檢校官爲刑部主事

皆與集爲同朝集爲國子師時天爵爲生曰鄉學尤見親故爲之表而銘之銘曰

蘇氏始封出司寇秦從武節遠莫究趙郡相望接遙胄去之百代世職後司刑郎吏儼冠綬歸視高塋廣曰表斧形馬鬣莽回伏子後父食孫祖侑繼宗聯支有疏茂體魄下寧氣來就有別蜀洵譜維舊祖尊親著族用收法之著銘表神道世二子孫可長守

道園全集卷十終

虞文靖公道園全集卷十一

在朝橐十一

碑銘

嶺北等處行中書省左右司郎中蘇公墓碑

延祐七年二月壬戌中憲大夫嶺北等處行中書省左
右司郎中蘇公志道子寧父卒於京師七日戊辰子天
爵曰其喪歸真定三月乙酉葬諸縣北新市鄉新城原
先塋之次而刻石曰文曰嶺北行省治和林國家創業
實始居之於今京師爲萬里北邊親王帥重兵曰鎮中
書省丞相出爲其省丞相吏有優秩兵有厚餉重利誘
商賈致穀帛用物輕法曰懷其人數十年來婚嫁耕植

比於土著羊牛馬駝之屬射獵貿易之利白金山瀚海
沿邊諸塞蒙被涵煦咸安樂富庶忘戰鬪轉徙之苦久
矣丙辰之冬關中猝有變未兩月遂及和林守者不知
計所從出人大震恐竝塞奔散會天大雪深丈餘車廬
人畜壓沒存者無已自活走和林無食或相食或枕藉
已死日未戾道無行人方是時除吏率恇怯顧慮辭不
往獨公受命卽行曰豈臣子避事卽安時邪旣至曰事
孰急於賑飢者明日告其長曰幕府謹治文書數實邊
穀知前遇事變無甚費失上下因爲姦利取且盡徒有
粟五萬耳民間粟石直中統鈔八百貫安從得食請急
賑之壯者人三斗幼小六之一卽亟請於朝曰倉儲無

幾民與軍俱天子赤子賑民飢將乏軍興謹儲之則坐
視飢者之死不得已飢者急在旦莫已擅發願急募富
商大家先致開平沙靜附近之粟別設重購實邊勿惜
一日之費爲經久慮幸甚中書省曰聞天子爲遣使護
視賑飢且下令曰有能致粟和林呂三月至石與直五
百千四月至石與四百五十千五月至又減五十千至
皆卽給直賈運踵至不三年充實如故乃爲成法使勾
稽考覈參伍鉗制呂相承吏守之勿敢易於是沿邊諸
王多汎索公持法一不予王怒使人謂公錢豈爾家物
公獨曰有司知給軍事誠不敢擅與且謹惜搏節非爲
己私王幸察亦無呂爲罪皇子安王是之褒呂衣一襲

吳王亦知公徒行予名馬公受而傾橐償其價和林禁酒法輕不能止中書更奏重法罪至死令下三日索得民家酒一缶趙仲良等五人當坐省府論如後奏公持不可曰酒非三日成者犯在格前發在格後當用後法論當坐猶當用詔書察復詳讞乃奏決無敢擅殺眾不可公獨上其事中書省刑部如公言其人皆得不死人知公有明決爭者悉詣公二曰我不得治有司事叱遣不去卒得一言則皆服而退和林旣治事日簡乃卽孔子廟廷寓士之知經者講說率僚吏往聽至夜分休孔子廟故丞相順德忠獻王所築未成而王薨至公始卒其工朝廷知公功使者往來必撫問慰勉監察御史按

事至邊民數百人狀公行事卓二者數十上之御史已聞而公與同列多異議代歸百姓不忍其去行至京師卒公初已吏事爲真定守山西姚公天福所推擇旣知名轉補山西河東道按察司書吏用使者程公思廉薦爲監察御史書吏轉戶部令史歷樞密院中書省掾出官承直郎中書省檢校官刑部主事樞密院斷事府經歷嶺北省郎中終始不離吏事然皆有可稱者在真定從其尹決獄竟大旱俄雨在河東所按問無自言冤者在察院從御史按事遠方能正色感愧所事令無敢失職在戶部從禮部侍郎高公昉治白雲宗獄浙西白雲宗強梁富人相率出厚貨要權貴稍依傍釋教立官府

部署其人煽誘劫持合其徒數萬凌轢州縣爲姦利不法者能爲明其誣誤者出之田廬資賄當沒入者鉅萬沒入之良家子女數百當還民間者還之閱二歲五往返京師曰具獄上在樞密院軍吏子孫當襲官其貧乏者至十餘年不得調悉舉行之天子使大臣行邊北方獨曰公從有弓矢衣鞍之賜在中書值尙書省立威勢赫然中書掾多從尙書辟公獨不赴泊然守局如常尙書省罷分鞠其銓選不法者黜奪必曰理爲檢校官得工戶二曹濫出財物數千收之得吏曹官資高下失當者數十事正之在刑部能不用上官意出故犯者能卻時宰欲殺盜內府金而獄未具者能出主盜吏之使盜

引良民者能刪治其條例曰便引用者在樞密斷事府
能辨庶弟之誣其兄奪其官者總計之蓋未嘗一事苟
廢其職者也然和林之政偉矣我國家初曰干戈平定
海內所尚武力有功之臣然錢穀轉輸期會工作計最
刑賞伐閱道里名物非刀筆簡牘無曰記載施行而吏
始見用固未遑曰他道進仕公卿將相畢出此二者而
已事定軍將有定秩而爲政者吏始專之於是天下明
敏有材智操略志在用世之士不繇是無曰入官非欲
曰是名家趨急用也而世或專曰善持長短深巧出入
文法用術數便利爲訾病者殆未盡也不然若蘇公者
其可曰從吏起家少之哉公幼不好弄寡言笑不妄交

爲吏視文書可否奉行不待請言者坐曹歸卽闔門不通問謁對妻子如嚴師友內外肅然好讀書尤尊信大學及陸宣公奏議未嘗去左右篤於教子餘俸輒買書遺之子亦善學卒曰儒成名如公志公之先趙之樂城人再徙眞定曾祖元老祖誠考榮祖曰公貴贈奉直大夫同知中山府事飛騎尉眞定縣男妣吳氏贈眞定縣君遺事具先塋碑石劉氏封眞定縣君黑軍萬戶義之孫征行百戶誠之女子男一人天爵也曰國子高弟授從仕郎大都路薊州判官治公喪曰禮能不用浮屠者女三人適勸農司大使宮天禎次適張蒙次適承務郎河南行省都事何安道封恭人孫男曰淵於時公之年

才六十耳雖久服官政皆佐人無所自遂方鄉用遽沒
君子惜之銘曰

有肅蘇公執德不回淵嘿自持弗耀其材始時羣公好
善己出孰學孰耕匪求乃得二不曰求氣直而昌譽二
舒二何行弗臧直道若倨不利涉世我篤自信守曰終
始五掾大府位卑志行四命於朝彌光曰亨頌二和城
興王攸理控制朔易何千萬里國人居之谷馬雲生尙
莫往來矧周其情御史有簡徒執曰書孰害其人據義
抉除天子德音元戎往布曰爾從我弓馬錫予再歷其
方有法有恩其人識知掾語孔文狙安易撓我際其會
曰哺曰繒幙府維最邊人方懷公不少畱見用駿二而

疾不瘳炎二弗趨宋二弗變當爲而爲當辨斯辨退而
能思閉戶深居制行甚嚴動本於儒二行吏師庶其在
此有書滿堂曰遺其子二能習之亦允蹈之豈惟宦成
勛公之私匪源無深匪流無長曰承曰傳在此幽宮

牟伯成墓碑

隆山先生姓牟氏諱應龍字伯成甫故宋朝奉郎知彭
州贈朝奉大夫桂之曾孫資政殿學士正奉大夫累贈
光祿大夫諡清忠子才之孫朝奉大夫大理少卿巘之
子也淳祐丁未清忠公曰國學博士言事忤時宰鄭清
之去國抵吳興寓第而先生二清忠公喜字先生曰翁
歸稍長警敏過人日記數千言作爲文章志趣高邁清

忠公曰直道事理宗爲時名臣登其門者一時人望

生皆得而親之丞相江公萬里參政楊公棟高公斯得
端明湯公漢尙書劉公克莊至折行輩下之而高公薦
之尤力此先生之始年也先生當曰世賞奏京官輒讓
其族父諸弟而咸淳辛未擢進士第時賈伯道持國柄
欺上罔下妄曰伊周白儼衆口和附因欲致先生乃好
謂馬相廷鸞曰君故與清忠遊今其孫踐世科誠難能
幸見之當處曰高第先生拒之不往見及對具言上下
內外之情不通國勢危急之狀考官異之而不敢置上
第調光州定城尉人或惜之先生曰昔吾祖對策曰直
言忤史彌遠得洪雅尉今固當爾無愧也沿海置司辟

爲屬未幾呂心疾乞告歸養而宋亡矣故相畱公夢炎事世祖皇帝爲吏部尙書呂書招先生曰苟至翰林可得也先生不答畱尙書愧之旣而家益貧稍起教授溧陽州遂呂上元縣主簿致仕此先生之歷官也先生之母鄧夫人故太史李公心傳外孫也先生猶及見太史每接語終日而先生史學端緒自此始大理公前國亡時已退不任事至是益不出父子之間討論經學呂忠孝道諛相切劘若師友然自大官顯人過吳興者必求大理公拜牀下得一言而退終身呂爲榮而先生呂元予侍左右見者感服一呂爲師表焉其諸經皆有成說門人不能盡傳行於世者五經音攷若干卷而已先朝

文獻淵源之懿曰曰曠遠時人無能言者或妄言曰白
詭輒牽合無據先生道其官簿族系月曰鄉里如指諸
掌蓋非直其強記如此亦故家習熟見聞而然也其爲
文沛然若江河之決不極所至不止時人曰爲侶眉山
蘇氏此先生之爲學也先生簞瓢屢空不曰介意門生
故人或有所餽苟非義不受與人交樂易真實不曰矜厲
爲容談笑傾倒援引根據不見涯涘居吳興三世矣而
風致猶故鄉自號曰隆山先生示不忘其故云此先生
之爲人也先生娶楊氏奉直大夫知邵武軍恪之女先
先生五十二年卒再娶程氏朝奉大夫將作監繩翁之
女楊程皆眉山詩書故家也男子五人必遠必大必達

必勝必昌其三人早世今必達必勝必勝程出也女三人長適蘄州路教授陳琛次適建寧路知事雲謙次適殷天錫先生卒於泰定甲子三月享年七十有八歲曰是年五月乙酉葬於湖州烏程縣三碑鄉兌山之原此先生之終也前先生之卒一年某始免先太史喪省墓吳門先生手爲書命其弟曰其門人鄉貢進士陳潤祖所述平生來告曰子之言可信於世盍及先時爲我著小傳某承命不敢當將詣吳興拜先生會有國史之召不果泰定二年冬程夫人之弟江山縣尹晉輔曰先生之子必勝書來請其爲碑銘曰先生之志云集惟家世仁壽與先生同鄉里門戶略相望先生少先太史一歲

耳先生幸不鄙棄托之曰言是有曰處集矣其敢曰固
陋辭雖然僅能書所得而知先生者庶其可信也其不
知者固不敢言二固不信矣後之君子信其所可知則
其未盡知者可推見矣故爲銘曰

學孰爲博寶藏有作運化參錯掇拾偏駁欺世之作文
孰爲雄江漢之東浩二不窮補苴彌縫嘻二粗工有餘
而藏不足而張我懷先生豈私其鄉斯文有傳百世不
誣銘曰信之不其遠乎

桐鄉阡碑

故贈某官封馬公某曰大德五年守光州有惠政後官
閩中曰皇慶二年卒囑家人曰光吾桐鄉也我死必葬

諸其子祖常奉喪北歸至於光葬焉表之曰桐鄉阡云
集與祖常嘗在太史故屬集識之按公家世歷官行事
月日已具神道碑此獨著其係光者曰示光之人焉初
金人侵宋江南宋踰淮設關塞列保障而金之窺光者
自陳州出宛邱新息坦途千里無天險可恃故光之不
得寧居者垂二百年每兵至郡豪輒率其衆走保金剛
山須事定然後敢出是曰國家旣盡有宋地且七八年
始知出降而光得曰成州然畊者不足周其土來占田
籍者皆四方之人也仁人君子固亦盡然重有感於斯
已夫方是時公已有爲之才撫新集之衆甫及三年而
自信夫千古之託豈偶然哉惜乎舉措之微有不獲盡

知者矣獨聞在郡時有請歲稅光畝出粟十萬者公力
持之卒不征光人掇茶山中曰爲飲運司行茶法江南
歲有吏索光人脅重賄山谷之民尤病公卒懲之使不
敢復至乃立學宮而躬教之謂司馬公實生是邦象而
奉祠示之德行○曰革其頑鄙若此者光人之所曰思
公而公亦曰自信者與昔人之所謂桐鄉者良由是噫
計公之去光而歸葬至於今久矣昔爲公民者少者壯
而壯者老矣父兄長者亦有曰詔其昆弟子孫已於今
天下日已治平光爲內地取賦有恆制民生無與乎外
事地力完而生物敏資用給足然道非賓旅所通出無
車馬貨財之交無所耗乎華靡民之易治益愈於昔國

家法令修明擇吏謹審代公而治者其蹟可數也鬱乎
茲阡豈直係光人之思哉理吾光者可曰有所覽觀矣
馬氏本西北貴族由兵馬死事號曰馬氏而光之有馬
氏自公始祖常進士高第爲代聞人諸弟若子相繼曰
文學入官來者未可量也故特著之曰俟夫考世徵德
者是亦光人之志也

戶部尙書馬公墓碑

世祖皇帝之初拔用豪傑恆出其望外天下旣平思與
民休息乃定制立則俾守其成非積歲時習故事者不
尙也成宗皇帝數十年閒遵呂勿失故吏治無大變易
民庶宴然可謂極盛者矣方是時公卿大夫往二深沈

敦厚有大山喬林之意若尚書馬公溫恭在躬樂善不
倦政本於學退然若不能者今其可得見乎公諱煦字
得昌姓馬氏大父信贈大中大夫輕車都尉扶風郡伯
夫人兩薛氏竝贈扶風郡太君公父和磁州提領勸農
官贈正議大夫輕車都尉扶風郡侯妣劉氏贈扶風郡
夫人初馬氏居磁之釜陽不知世次至勸農公呂能官
見推於時而弟天驥方治書御史府一門之盛已著州
里外家劉氏齒齒有異花或曰爲瑞徵而占之曰是當
在其女子之子其後公與其兄河南提學曙國子助教
昉從鄉先生大鹵楊震亨學竝爲聞人而世遂呂爲傳
信矣公呂至元初補大司農史轉辟御史臺掾十五年

拜行臺監察御史秩滿僉江西提刑按察事二十二年除荆湖行省員外郎改瀘州同知二十六年除江淮行省理問官二十八年除江西行省郎中元貞元年改山南廉訪副使二年行泉府卿大德三年拜戶部侍郎四年遷中書左司郎中六年出守濟寧至大元年移守湖州三年召拜刑部尚書延祐三年呂戶部尚書致仕入官四十年凡十四遷自奉議大夫至正議大夫八進秩治績之著不可勝紀其尤關民事者可書曰傳焉在行臺時湖廣省臣托俘虜之籍私孥其人萬家無所詣愬官亦莫敢正公按還之爲民時軍事未盡息江上運輸方急督運者怙恣輒匿粟五萬斛自入而呂風水爲解

公挾而奪之還付吏江西之民吉州九號富庶爲吏者
縱欲曰求獲民不堪命俗尙氣嘗百計求直因得善訟
之曰實由貪殘迫之非素然也公行部劾治其暴橫者
監州一人而親至學校禮其耆舊與爲賓主進子弟而
教之風化丕革朝廷曰內附旣畢大料民新版籍自淮
至於海隅不知奉行民多驚擾公在廬州令其民家曰
紙疏丁口產業之實揭門外爲之期遣吏行取之卽曰
成書廬民獨不知害佐江西幕時值行省復爲中書盡
去尙書舊吏獨畱公一人其所部郡擇民甲戶主倉庫
民新附不識法又恇怯不任事率爲吏卒攘竊及歲滿
必破家殺身至其子孫不能償每受更有司擅爲上下

與奪而尚書省治財急害尤甚公曰富人狃安豢寧知官府不敗何待此爲患無已時當用精強吏代之遂爲定式倉庫無闕事吏更曰勞賞進用至於今便之時民旣又曰叛告大家者長吏爲震動而告者賄官幸亟捕治之公持不可曰叛當有物色蹤蹟遽曰一言大索比得實已破家非一人矣白遣所信吏往察果妄坐告者如法此二者江西人言及之猶感公不忘也守濟寧時有重車過濟州橋二危馬逸車下注有婦人行不及避死輪下有司論御者辟公曰此無殺人意釋之徒責金曰給葬其在湖富商有傭舟師至他郡者溺死或嗾舟師妻訟商殺其夫冀得賄商不與又不賄吏二誣商成

獄又有二人同市飲者後三日其一人死旣葬或嗾死者子訟同飲者同飲者不賄吏二亦誣之成獄公一見皆釋遣而豪家毆人至死納井中已溺聞吏成其獄公曰無溺狀訊之得實遂竟之其精敏平允類如此富家私田跨縣邑貲無筭援結大官貴人如平交氣勢出守令上遠甚析其戶役爲數十其等在最下賦役常不及己而中下戶反代之供輸莫敢何問公因買絲之役會而均之遂無所逃鄰郡多法焉胡安定先生墓見奪於何山浮屠公遷之高原而祠之置守冢二家撤淫祀二百區興學校築塘灤嚴保伍懲豪縱蠲煩擾皆有成法二郡之民思之不減於江西矣是故答刺罕公之爲相

也病選法之滯公適左司攷歷代典故白之深爲丞相
所敬重至遣其子今平章脫完公禮之曰爲吏師在戶
部時天子遣使分道問民疾苦公持節河東舉措廢置
緩急先後號爲得體於是朝廷屬意大用公而公益自
信久矣一總大司寇不得行其志而去遂終厥身豈不
惜哉然公於讀書尤深於易老子常自號觀復道人大
行之麓有神麀山者泉石幽勝公旣歸遂日與門生羽
人息游其閒不曰富貴往事介意其所存固非人所盡
知者矣不然公之所能至豈不足如他人哉而時之人
卒傲於世故視神麀之樂不能曰彼易此者多矣公又
何憾焉公曰延祐三年卒年七十三娶楊氏先卒又娶

夾谷氏皆扶風郡夫人四子皆早世用從孫某爲後曰
公蔭爲某官女一適侍儀舍人賈某馬氏之塋始在郡
西南陽城里今葬屯川者自公始也後某年爲秦定二
年立碑神道賈某始來求爲銘二曰

神磨之陽溢流洋二有燁馬宗世爲之望二之儼二有
梓有杞桓二勸農侃二御史爰暨中書中外踐更公秉
國鈞曰究其成善止弗蹶亦未期耄有綏瓊纓臨滏曰
潔軒二乘車沒齒走趨孰不懷鄉存其幾餘思表令德
勒辭比事匪孫子是遺用憲國士

洛陽楊氏先塋碑

承務郎中書刑部主事洛陽楊益謂國史虞集曰北邙

之北有重岡蜿蜒墮爲表平曰杜村之原者古溝四周漲潦溢流注合於漣南溝之漣渟涵深碧有龍居之歲旱不竭鄉人崇焉我先塋實臨之溝外有道車徒所經東隴南阜隱若城郭西獨虛敞風氣宣通宅是奧區二百餘年曾大父什金爲中原酒使金亡酒使歿兵中兄弟五人逃難莫知所之獨大父自平陽所歸奉先塋大父之喪先人曰爲兆域雖存世次不可考懼昭穆失序則無曰妥先靈也旣卜地塋西曰葬大父而別立石曰表故塋末果先人歿祔葬大父之次自有誌太史其爲著故塋之銘曰成益先人之志子孫雖散處他郡歸而猶有攷焉則益之願也按中原君諱德全平陽君諱儀

字子儀諱庭實字獻卿者故南陽府判官益之父也益
方正有才器歷仕風憲在朝爲名士方見進用蓋其所
積者遠且厚於此可見故爲之銘曰

北邙之纍二兮何千百年披榛尋邱兮孰無故先徙死
不還兮言遭變遷旣歲復治兮楊氏之阡往者莫紀兮
知者三傳有子立朝兮孫曾曰延時平世遠兮文存石
堅

國子助教李先生墓碑

東明李先生爲國子助教時集後至與先生爲同官先
生所居齋諸生多年長豪傑之士先生朝夕授之經懇
款有程方重純篤授業者知呂質行爲貴集少先生十

餘歲嘗觀其不可及曰自勵方是時故平章政事高公
昉故翰林學士元公明善皆先生鄉里雅敬先生而高
氏又與先生家連姻二公赫然用事於朝先生歲時往
來之外未嘗有所私謁處士張子素好立奇行白表樹
瓠冠布衣刺口言天下事常傲視一坐人亦少先生數
歲先生曰鄉里待之甚勤至子素益加敬愛嘗從駕上
都分教諸生之在宿衛者比還中道驛吏告乏馬曰牛
車進先生食已攝衣升車無一言驛吏更相謂曰爲不
當靳長者而從者亦愧服先生居成均五六年有傳其
子好文所著古文數十篇至京師故御史中丞張公養
浩與元公皆曰文學自任一見驚異卽列見之於朝先

生慨然曰斯文之事屬諸吾兒可也至治末集自江南
召還則先生已去世而好文登進士第歷史館成均奉
常復得爲同朝集見其深靖有學未嘗不歎先生之有
子焉好文來言於集曰昔先君子之在朝也招撫府君
之墓得姚文公爲之銘鄆城府君之墓得閻文康公爲
之銘先君子沒而諸老盡矣同居成均者惟子在焉敢
請銘集誠不敢附二公之後而與先生父子厚善其敢
辭按李氏世居單州諱訪金義軍提控生子聚金亡徙
大名之東明大帥阿木魯版授軍民招撫使生庭玉鄆
城令先生第三子也諱鳳字翔卿一字舜儀幼嗜學休
沐不廢從鄉先生孫曼慶學詩久之曼慶謂先生曰詩

吾無已加子矣其爲義理之學乎先生乃屏絕金末律
賦舊習而究伊洛之遺書寒暑不懈嘗煮粥未熟而臨
卷有得不知釜之焦也初從太史氏測景陽城畱居嵩
潁閒讀書三年而後歸爲郡學鄆城病還東明遠近學
者從之常已百數稍遷廣平學正大德丙午始除國子
助教在官兩考餘有司已常格除臨朐主簿到官未久
卽去之延祐丁巳八月己酉終於家年六十有四已好
文貴贈從仕郎郊祀署丞加贈奉議大夫太常禮儀院
判官驍騎尉追封東明縣子夫人王氏故太醫院使康
懿公安禮之從子也通經史善相其夫教其子已有成
初封宜人加封東明縣太君就養京師安貧而篤於禮

至順二年十月甲子卒年七十有七子一好文女一女
適王思柔孫三人沐浚潞女孫二人皆幼好文奉母喪
還東明將已三年三月丁酉合葬先生夫人於黃頭里
之先塋先生雅好巖壑而所居遠於山得奇石積諸齋
前曰爲山曰對之吟諷先生著書甚多而不甚存橐所
存者有詩數百篇曰西林集西林先生所居也銘曰
先生之容鬱乎山嶽之蒼二先生之懷浩乎河海之泱
泱用世不多斂而歸藏子曰文興於先有光我表西林
永思不忘

道園全集卷十一終

虞文靖公道園全集卷十二

在朝橐

碑

御史中丞楊襄愍公神道碑

泰定改元詔書曰朶兒只中丞爲帖木迭兒所構害命
昭雪之三年月日特贈思順佐理功臣金紫光祿大夫
司徒上柱國夏國公諡曰襄愍明年秋御史臺奏用其
子武備庫提點不華僉河東山西道肅政廉訪司事不
華旣拜命乃泣而言曰惟先臣之死於是七年矣陛下
幸昭雪而贈卹之固已釋冤憤感德於地下臣雖萬死
懼無以報稱顧於法得立碑神道願載其事於貞石曰

昭陛下之明聖敢昧死請明日臺臣已聞制曰可且命臣曰汝集其具書曰文臣再拜稽首而言曰朶兒只事具見明詔天下咸其聞之臣敢具終始可徵者武宗皇帝方賓天皇太后在興聖宮曰帖木迭兒爲丞相踰月仁宗皇帝卽位遂相之居兩歲得罪斥罷更自結與聖左右至爲折辱宰輔撓制中書諷曰再相旣而居位怙勢貪虐兇穢滋甚中外切齒羣臣不知所爲於是蕭拜住自御史中丞拜中書右丞又拜平章政事稍牽制之而朶兒只自侍御史拜中丞慨然曰糾正其罪爲己任上都民張弼殺人繫獄時宰使大奴脅畱守出之及強曰他姦利事不能得丞相坐都堂盛怒曰它事召畱守

將罪之畱守昌言大奴所干非法不敢從它實無罪丞相語絀得解去而中丞已廉得時宰所受張弼賕鉅萬而大奴猶數千使御史徐元素按得實人奏而御史亦輦真又發其私罪二十餘事天子震怒有詔逮問時宰匿興聖近侍家有司不得捕天子爲不御酒飲者數日已待獄竟盡誅其大奴同惡數人時宰終不得中丞持之急興聖左右曰中旨召中丞至宮門責曰違旨意者對曰待罪御史奉行祖宗法必得罪人非敢違太后旨天子仁孝恐誠出太后意不忍重傷涕之徒罷其相而中丞亦遷集賢天子猶數曰臺事問之對曰非職事臣不敢與聞所念者迭木帖兒雖去君側反得爲東宮師

傳在太子左右恐售其姦則禍有不勝言者其後仁宗棄羣臣英宗皇帝猶在東宮迭木帖兒復爲丞相乃宣太后旨召蕭拜住朶兒只至徽政院與徽政使失里門御史大夫禿忒哈雜問之責曰前違太后旨之罪對曰中丞之職恨不卽斬汝曰謝天下果違太后旨汝豈有今日邪又引同時爲御史證成其獄顧二人唾之曰汝等嘗得備風憲故爲是犬彘事邪坐客皆慙俯首卽起入奏未幾遽稱旨執而載諸國門之內俱見殺是時風沙晦冥都人恟懼道路相視曰及天子卽位詔書遂曰誣罔大臣爲之罪名焉其勢旣成睚眦之怨無不報太后爲之驚悔而天子久亦覺其所譖毀皆先帝舊臣

滋不悅未及有所論治而病死會有天灾直言會議廷
中集賢大學士張珪中書參議眾口皆曰漢殺一孝婦
三年不雨蕭楊等死豈直一孝婦乎是時迭木帖兒諸
子列在禁近威散猶熾聞者失色言終不得達及珪拜
平章政事始入堂署事卽告丞相拜住曰賞罰不當枉
抑不伸不可曰爲治若蕭楊等冤何可不亟昭雪也丞
相憚之迭木帖兒之子相繼曰賊敗遂籍其家然昭雪
之事終至治之歲不遑暇及今上皇帝入繼大統詔書
首曰爲言褒贈哀榮相踵而至幽明兩致其感動焉於
乎粵若我仁宗之仁孝文物大備英宗果銳法度修飭
自古帝王之有德有爲者未能與竝倫而一迭木帖兒

常因國有大故乘閒用事曰傷平明之治天人共憤久矣然卒保其首領曰沒而忠臣直士爲所誣構者乃有待於久而後明焉此其人深忤奇數亦非常之材也乎方其盛時宦寺固結於內術智爲用於外幾莫如之何者其計亦略得矣而能嬰其鋒者一二正人而已卒皆蹈死而不悔天下後世聞其風者固欲考見其人之行事曰表忠直之終不可泯者焉然則若朶兒只者臣敢不敘次曰塞明詔之萬一謹按公名朶兒只姓楊氏世家河西寧夏祖失刺贈推忠佐運功臣太保金紫光祿大夫柱國追封夏國公諡忠定父失刺唐兀臺贈推忠翊戴功臣太傅開府儀同三司上柱國追封夏國公諡

康靖公少孤與其兄始齟齬知自植立語言儀觀已如
成人兄弟相勵曰勲業當時固曰大器期之事仁宗於
藩邸甚見倚重大德丁未從在懷孟聞朝廷有變將北
還命公與李孟先之京師與右丞相答剌罕定議迎武
宗於北藩仁宗還京師議察禁衛密致警戒仁宗感焉
至親解所服帶曰賜旣佐定內難仁宗居東宮論功曰
公爲大中大夫家令丞曰夕侍側雖休沐不至家官事
亦決於宿次眾敬憚之會兄卒涕泣不勝哀仁宗憐之
存問優渥待寡嫂有禮待兄子不異己子家人化之循
然毋敢失辭氣進正奉大夫延慶使武宗聞其賢召
見之仁宗曰此人誠可任大事然剛直寡合上顧視之

曰然二終不及用也仁宗始統大政執誤國者將盡按而誅之公曰爲政而尙殺非帝王治也上感其言特誅其尤無良者民大悅服上與中書平章李孟論元從人材孟曰公爲第一上是之拜禮部尙書初尙書省改作至大銀鈔視中統一當其二十五又鑄錢爲至大錢至是議罷之公曰法有便否不當視立法人爲廢置銀鈔固當廢銅錢與楮幣相權而用之昔之道也國無棄寶民無失利錢未可遽廢也言雖不盡用而時論是之遷宣徽副使御史請遷公臺司上曰宣徽膳用不聞囑公領之未之許也有言近臣受賄者上怒其非所當言將誅之張公珪爲御史中丞叩頭諫不聽公言於上曰誅

吉者失刑違諫者失說世無諍臣久矣張珪真中丞也
上喜竟用張公言公拜侍御史上宴閒時羣臣侍坐者
或言笑過則上見公正色爲之改容有犯法雖貴幸無
所貸而譖言興矣賴上知公深譖不得行未盡八閱月
拜資德大夫御史中丞中書平章政事張閭曰妻病謁
告歸江南據河度地奪民力公曰失大臣體劾之張閭
罷江東西奉使榦來不稱職權臣匿其姦冀不問公劾
而杖之榦來愧死御史納璘言事忤旨上怒叵測公赦
之一日至八九奏曰臣非愛納璘臣不願陛下有殺御
史名上曰然則其左遷爲昌平令昌平京邑地近而境
隘民勞而事煩凡期會供億令稍非材恆不免捶楚曰

是苦之公又言曰呂御史宰京邑無不可者然呂言事得左遷恐後之來者懲創無肯爲陛下言者不得請數曰上讀貞觀政要公侍側上顧謂曰魏徵古之遺直也朕安得用之公對曰直由太宗太宗不聽徵雖直焉用之上笑曰卿意在納璘邪赦出之成爾直名有上書論朝廷闕失面觸宰相宰相怒取旨囚之司寇將殺之公曰詔書云言雖不當無罪今若此何呂示信於天下果誅之臣亦負其職矣上悟釋之於是特加昭文館大學士榮祿大夫呂獎之且呂重耳曰之寄時位一品者多乘閒取旨邀王爵贈先世或謂公脊倚方重苟言之可得也公曰家世寒微幸際遇至此已懼弗稱況敢求多

乎且我爲之何巨諷勵僥倖者遷中政院使未幾復爲
中丞遷集賢大學士而死時年四十二娶李氏同知諸
路人匠總管府事某之女有婦道先公卒追封夏國夫
人子一人不華也後夫人劉氏同知徽州路總管府事
某之女公死時權臣將奪曰俾人夫人翦髮毀容曰白
誓乃免封夏國夫人子一人文殊奴亦克稱其家者公
魁偉人也寡言笑無鷹犬聲色之好獎善如不及嫉惡
如仇讐用人必當其材能故一時風紀號爲得士論政
事必合於義理正言無所徇麗臨患顏色不變凜一乎
古大臣之風焉其墓某處凡公之行尚多可述者不悉
具特書其關於國事者如此故繫之曰銘詩曰

河源西垂厥風勁強豪傑時興爲國駿良駿良伊何忠
亮正直柔不爲隨剛不爲絀昔在仁宗治功安成文和
武寧詠歌太平躬爲孝恭曰事神母教言時來有順無
否或闖其幾不驩曰呻投巖膠箱竊秉大鈞天子曰嘻
誠有號猗彼爲無忌我則有制維時襄愍執法在中侃
二犯危曰折其衝太母尙慈天子尙孝桺不防兇稽我
天討國有大故結憂慈闈彼獨何心假時逞威朝衣載
市家憤巷哭曰莫風起百身莫贖人亦有言害生於恩
忍爲凶殘遑卹有君二子可殺名不可滅天定人復幽
枉卒雪明二天子別於姦忠敷言萬方大道爲公至榮
極褒豈止哀死勸忠方來祿施孫子春秋之義誅意愼

徵咨示來者尙徵臣詩

大宗正府也可札魯火赤高昌王神道碑

古者大臣有勲勞於其國則範金爲鼎彝而著之冊銘
近古曰來凡頌德紀功者於廟則有麗牲之石於葬則
有下窆之碑因而刻文焉於是推而樹表神道則有趺
首丈尺之異曰別等殺之禮者未之有改也我國家六
合混一人文具興王公大人之家率是而行之其盛大
有加於昔者矣泰定五年春榮祿大夫買闍來告曰昔
我先世冑繇高昌末內附曰前者事逸不可攷自歸國
朝曾大父大父至於我先人歷事祖宗至於今且百餘
年而我先人在延祐中遂啓王封於故國朝廷之恩德

重矣先人之歿已二十五年今葬諸城西三十里之田
村者法得樹碑神道凡十有四年而未及刻者非敢緩
也誠願少有所建立曰報稱萬一歲月逾邁大懼湮沒
今願有請於太史氏賜之文而刻諸石集聞之故事正
六品曰下官中書奉勅署牒曰命之牒具中書官位最
尊者令也署牒者自丞相曰下而不敢曰煩令惟皇太
子立必兼中書令樞密使皇太子既受冊卽中書上曰
獨署一牒明日省臣曰其名聞天子卽曰宣命超拜五
品官其人自非素親近有譽望最於羣臣者不得也仁
宗皇帝旣平內難武宗皇帝卽位立仁宗爲皇太子令
中書如故事所署勅則買閭也內外大小之臣咨嗟感

歎曰爲不可及焉國家之制受分地而建王爵者自非
宗藩大戚莫能得元臣之有功曰建國者則或有之不
常見也惟羣臣得推恩先世者五等之爵視秩爲差卽
受姓之望或所居之鄉曰命之至於昔有名號嘗曰君
長來服之國有司不得擬授焉而買閭之父月魯哥仁
宗皇帝特詔追王其故國且詔曰此異數他人弗得援
曰爲請嗚呼不亦盛乎攷諸其客傳溥所爲行狀蓋達
卽孖生脫因脫因生月魯哥月魯哥生買閭也延祐二
年達卽孖贈金紫光祿大夫司徒上柱國追封涼國公
諡康武夫人追封涼國夫人脫因自贈資德大夫中書
右丞追封薊國公諡安定夫人茶哥追封薊國夫人加

贈太保儀同三司上柱國改封涼國公諡安僖夫人改封涼國夫人月魯哥太宗正府也可扎魯花赤自贈榮祿大夫平章政事柱國追封薊國公諡忠靖夫人女二哥追封薊國夫人加贈推誠宣義保德功臣太傅開府儀同三司上柱國追封高昌王改諡曰莊肅夫人改封高昌王夫人皆學士具詔草付主者行之贊書具在然則請列敘其世而刻之曰文禮也昔在太祖皇帝時睿宗皇帝曰皇子在藩邸剛明英偉赫如天人左右僕從侍御之臣苟非其人不在茲選而康武公曰幼穉之年出入幃幄宮庭之內一服御一食飲事體甚重必曰屬之治稻田者爲戶三萬所曰供湯沐俾治焉撫其人曰

盡其力敏其生曰給諸用不營一毫之私由是邸中人甚敬畏之是時草創無闌入之禁或造至帳下自康武掌門衛然後曰事出入者進止不敢踰分凡宴飲貴屬咸在酒行或醉失顏色曰康武執法爲監毋敢譁安僖公當憲宗皇帝用兵於蜀時曰侍衛子孫善騎射得從戰伐有功世祖皇帝在藩邸定難於朔方又曰謀勇見任使奉公忘私家用不給上聞而賜白金曰兩計者三千五百帛曰車計者五拜受至家曰恩惠豈可私輒曰頒諸族人故舊之貧者裕宗皇帝爲皇太子慎擇輔翼主金帛者於職爲要曰其廉也特曰命之而莊肅王之生實中統建元之歲也宗藩乃顏起兵內嚮世祖皇帝

親征是年王廿有六曰扈從在行宣力奮擊爲上所知從官多其父輩行皆歎其能自立如此成宗皇帝之撫軍北方也命之行在嘗出所御服賜之世祖賓天成宗進紹大位曰京師之浩穰也四民雜處遠邇畢集擿伏姦慝必資隼擊命爲大都兵馬都指揮使賜錢六千五百緡又曰泉南之地外接海島颿舶互市蠻夷交關非慎密者不足曰當其任命曰爲泉州市舶使且僉閩海省事曰重之不拜大宗正者國族之事隸焉或得罪蒞其刑罰蓋祖宗建國之初官制之舊惟此而已遂命曰爲大宗正府也可扎魯大赤又有鷹坊數百人蓋裕皇潛邸元從之親臣也兼命領之而指揮之任如故於是

內而宗親之家外而豪傑之民素知其威重毋敢犯法
焉美髯長身風度高凜都人望之固曰畏愛之矣或過
市小民有毆罵之訟立馬詰得是非雖戴雨立泥必斷
訖乃去請託無所及京師肅然謂之神明夫人尤曰剛
正嚴肅助其內治然每有恩賞必均及微賤故能成其
家云年四十五而卒夫人後三年而終子一人買閭也
自事仁廟於東宮歷家令率更令府正典牧凡東宮營
繕虞衡之事無不掌焉朝廷之士莫肅於憲臺自監察
御史治書侍御史無不居焉及仁廟登極凡畱守太醫
利用宗正功德之事無不統焉無曰不在上左右或曰
休沐出必亟召常命之爲平章政事力辭不拜人尤曰

是稱之云大承華普慶寺者仁廟所建佛祠也出金穀之產曰資之豐贍無筭特命曰爲都總管仁廟賓天奉神御於寺中至今令領焉仁廟嘗奇其才命爲學讀書由是折節下士積書萬卷朝誦莫維未嘗去手幾若儒生焉孫曰定住達里麻吃刺失思朶兒只忽都帖木兒也先帖木兒皆就外傳無綺紈之態時人曰爲難能嗚呼王家先世之積至買閭而始發自買閭之際遇至先王之封益隆豈不顯哉我國家啓自龍漠誕受天命鋒旗指嚮如風偃草國邑之大部分落之細強者無所用其力知者無所施其謀靡然內屬而臣服於是拔其豪傑而用之執干戈曰爲爪牙侍帷幄曰爲心腹推至誠曰待

之無新舊遠邇之間故能得其歡心而盡其死力曰成
天地涵育之大焉然今高昌之人內侍禁近外布行列
語言文字之用尤榮於他族而其人亦多貴且賢若王
之家又方曰文學承之蓋高昌之所鮮有者也嗚呼休
哉故爲銘曰

於皇仁宗如日行天下被萬物昭蘇惠鮮匡直輔翼亦
曰振德孰非吾臣而不賁飭何功無報何德無褒常加
薄酬不究臣勞咨若宗正執戈輦轂無賤無貴不暴曰
肅慨思其先旣忠旣勤歷時孔多是曰世臣爾有令子
在我左右粲其有文曰効職守乃眷高昌悠二故鄉雖
不及生往追曰王邈乎冥升歆此異數在爾孫子實受

其祚於維仁皇風馬雲車顧瞻下土梵宇渠二牢羞膳
薌旣甘旣旨率循敬共思致先時先皇之遺托茲別祠
天子弗忘永言孝思歲遷月移夙夜無替惟皇累朝臣
亦四世保功實難在爾後昆赫二王封永思其存

孫都思氏世勲之碑

至順二年四月丙辰中書省臣言聖上幸念侍御史健
都班贈其祖父曰官而封之賜之金幣俾得曰勒碑先
塋其碑之文請曰命奎章閣大學士臣阿榮侍書學士
臣集等其凡役請曰命甘肅行省屬諸郡縣有司而攻
石之工請取諸荆王之府上可其奏明日健都班曰其
僚治書侍御史臣馬祖常所述家世歲月官簿行事之

實來告臣等謹奉詔次第而書之維國人之貴胄有孫
都思氏昔在太祖皇帝龍飛朔方肇基帝業時則有大
勳勞之臣實佐興運最貴重者四人時稱四傑其次四
則鎖兒罕世刺子赤老溫八都兒也初父子俱事太祖
曰忠勇見知主曰衣物相易與締交相謂曰安答蓋永
曰爲好也上嘗與召赤溫戰不利其父子率族黨夜攻
之召赤溫遁脫太祖於難自是凡征討之事孫都思氏
曰功多著上賜之名而世宥之曰答刺罕國家凡宴饗
自天子至親王舉酒將醕則相禮者贊之爲之喝蓋非
近臣不得執其政故曰命之宿衛之士必有其長爲之
怯薛官亦非貴近臣不得居其職則曰命之而赤老溫

八都兒之子阿剌罕亦曰恭謹事上二嘗被創甚阿剌罕百方療之七日而愈事俱信史太宗皇帝時命太子濶端鎮河西阿剌罕之子鎖兀都從太子生子曰只必帖木兒王鎖兀都夫人罕忽黎爲保母太子薨只必帖木兒嗣填河西曰鎖兀都之子唐台觴領怯薛官及所屬軍匠保馬諸民五十餘年內贊府事外著邊職積年七十六而歿葬於西涼州其夫人忽都觴伯要與氏能修婦職曰相其夫年六十而歿其墓在永昌府子男凡幾人健都班其長子也領王府怯連口奴都赤八兒赤昔保赤哈赤軍民諸色人匠至治二年授朝列大夫永昌路總管泰定二年遷中順大夫授本路達魯花赤二

年進亞中大夫王傳府尉天子元年皇帝入正大統明年也速也不干隨王入覲薦其從行者五十人備天子宿衛健都班實居第一人奏對稱旨拜奉議大夫同僉太常禮儀院尋參議詹事院事俄拜監察御史中書省左司員外郎御史臺經歷治書侍御史陞侍御史於是制贈其曾祖父母祖父母父母某官封今立碑於西涼州之先塋國家深仁厚澤其加於臣下者可謂敦篤而不忘者矣重念孫都思氏之先曰瑰偉傑特之材佐帝業於方輿之日又曰健都班之忠慎才美踐歷臺省推恩先世而寵榮之何其盛也然則凡臣子思上之德意安有不鞠躬盡力曰報稱於萬一者哉乃作銘詩曰系

之銘曰

天啓聖元篤生聖神誰其相之有傑其臣贊其猷謀佐
其征討曰成大業萬世是保名臣子孫固多賢才聖皇
在御乃進乃來乃贊省議乃正臺紀從容入朝侃侃濟
二天子曰嘻維臣之良自其祖考積德曰昌水求其源
木循其本課忠責孝式彰令聞太河汭二有阡在焉勒
文貞珉示千百年

道園全集卷十二終

虞文靖公道園全集卷十三

在朝棠十三

碑

徽政院使張忠獻公神道碑

世祖皇帝既受天命迺定國都建號紀元立朝廷宗廟社稷官府曰君臨萬方若稽古制定國本曰係天下之心卽其都邑立元子爲燕王兼中書樞府之長未幾冊拜皇太子是爲裕宗皇帝初世祖盡得天下之豪傑而用之曰成大勲建大業而執事於東宮者文武才能之士彬二可見矣迺若身受信任委寄之重終始宮府之事其忠愛之心信於朝廷著於簡冊則未有過於魯國

忠獻張公者也公自至元二年見裕皇於東宮卽受知
遇常侍左右七年自父蘇州節度任官當外補裕皇愛
其才畱不遣後數年伐宋取之盡收其府藏貢賦輸至
於內府而析入於東宮者儲侍充斥司會不能舉其數
十六年置都總管自治其貨用命公爲嘉議大夫工部
尙書兼領之創法嚴整至於今守之十九年丞相阿合
馬方用事祇僧高菩薩千戶王著乘人心之不與構變
圖殺之皆裕皇方從上北巡賊迺結黨數百人僞爲儀
服器仗矯稱皇太子夜扣建德門啓鑰而入直抵太子
宮西門傳令開宮門公方畱宿禁中遽起叱戶者毋得
擅啓關使語傳令者曰他皆殿下還宮必自完澤賽羊

先請見二人則啓關矣賊乃計窮往返數四氣益索知不可給循牆而南行且語曰前門可入也公偵聞之曰其詐明矣亟遣人走告守前門者而賊已至急呼阿合馬出與左丞郝偵俱爲賊擊死變起倉卒中外不知所爲公遣宿衛士馳射擊討賊敗得詐狀賊誅死而宮闈晏然則公精審持重決斷之力也樞密副使張易素稱有權略爲上信倚故曰宥密畱京賊之入也傳太子令索兵甚遽易不能辨其僞不敢抗曰兵與之坐棄市而論者曰爲易知謀請傳首郡邑公入告裕皇曰張易不察賊詐而與之兵罪至死宜矣而謂其預賊謀則無也大臣被罪而死傳首則過矣裕皇悟言諸上而從之公

道士討賊嘗右衛指揮使顏進在行中矢死而怨家指
呂爲賊黨法當籍其帑公曰吾實使之討賊而死焉可
誣也賊起變京城中至爲僞太子故上與太子甚惡之
獄起連坐者禍不測莫敢爲言公挺身明此二人議獄
者得致其平允云於是上更化相和禮霍孫革宿弊而
新之公首薦易州何公瑋東平徐公琰馬公紹獻州范
公芳裕皇次第用之何參議中書徐爲左司郎中范爲
右司郎中馬爲刑部尙書侍從呂下因公言而見用者
徧布朝宇一皆號爲得人公爲賢才是達不呂疏遠親
密爲取舍是呂能若是其沛然也是年冬十月立詹事
院拜公詹事丞公內謹侍衛外肅僚屬出納緩急思遠

而慮周得宮臣之體也則又曰輔導德性則在於老成
重厚有經術學問之士其關係甚重也於是立賓客諭
德贊善等官召用上黨宋公道保定處士劉公因曹南
夾谷公之奇東平李公謙諸君子公每候宮中閒暇皆
身先後其出入使得致其開導之說二十二年裕皇卽
世詹事院無所受事皆議將請廢之雖宮府舊僚不能
無惑志公抗言曰有皇孫在固宗社之所屬人心之所
繫也奈何爲此言乎廷臣曰爲當三十年丞相完澤薦
公曰昔祇僧之亂能審詐曰禦變者也遂拜中書左丞
仍兼詹事丞是年世祖崩成宗卽位追尊裕宗冊母后
爲皇后後卽東宮爲隆福宮曰奉之改詹事院爲徽政

院公爲徽政副使餘如故十一月進資德大夫中書右
丞國史院修世祖裕皇實錄公曰舊臣在中書習知典
故預其比事之司馬大德二年拜平章政事力辭機務
遂曰平章之名預中書事徽政副使如故元貞大德中
皇太后母儀東朝保佑匡正之功天下頌稱焉故徽政
之任重儼朝省而公小心謹慎通練識大體事無鉅細
裁決可否待公一言而後定聞望所在莫或比隆五年
改授大司徒徽政副使領將作院事凡宮室服御之事
土木金石絲縷采色之工經公指授製作精異非眾思
所及受事者若怠且不中程懲之無少貸及曰成功獻
必極道其善而賞賚之故人得盡其技而樂於趨事蓋

善用人之道也上曰公老且病賜小車得乘曰出入殿
門諭之曰朕知卿必曰禮辭誠念卿宮府之舊不忍卿
步履之艱也其勿固辭既而又詔曰昔在東朝卿於事
無所違缺朕素念之今佐朕理天下如詹事時朕所望
也且具計於外庭昔人榮之六年加光祿大夫公之事
上涖官也夙夜無懈曰家政盡屬其弟九儀而故嘗治
園於南門之外作堂曰遂初花竹水石之勝甲於京師
常曰休沐與公卿賢大夫觴詠而樂之治具潔豐水陸
之珍畢具車蓋相望衣冠偉然從容論說古今曰達於
政理藹然太平人物之盛於斯見之非直爲一日之樂
也然公之心未嘗侈然自逸故東朝嘗又賜之別墅或

勸公可呂少休乎公曰不然人臣有汗馬之勞伐越之積既老而衰得謝而樂其餘年禮固有之我受裕皇上太后知遇致身若此報稱之私惟日不足鞠躬盡瘁死而後已老臣之心也故呂勤勤而終其身云公幼有英質入鄉校讀書識古人之意呂大器自許既歸不忘其初裕皇幼冲眚世祖命儒臣勸之學是呂於儒術常畱意焉公嘗進言曰京師首善宜建國學呂風示天下裕皇聽之學之有宮公實開之於先也大都之學在南城公曰昔嘗遊焉吾不敢忘也春秋釋奠於先聖先師公必具牢醴呂相執事者二十餘年不廢又爲學舍於四邑鄉曰吾先人之所居也願與其子孫昆弟講習於斯

焉好賢樂善出於天性寒畯之士四方來歸因材而用
之宗族鄉里疾病死喪惻孤無已爲依貧困無已爲生
者隨周之皆有其道公德業之盛豈偶然哉大德六年
十二月有大星隕於其第二十四日公薨年六十一追
贈推誠翊亮功臣開府儀同三司太傅上柱國魯國公
諡忠獻後二十九年爲天祿三年其子金界奴世其官
爲大都畱守天子建奎章閣呂觀圖書而敦德性特任
之爲都主管工事日見親近上愛其能而思其父之忠
也賜之神道之碑而命臣集著文呂刻之謹按公諱九
思字子有姓張氏其先大都宛平昌平鄉人曾祖贈資
善大夫中書右丞清河郡公諡安恭曾祖妣贈清河郡

夫人祖贈榮祿大夫平章政事魯國公諡康懿祖妣贈魯國夫人父滋薊州節度使贈銀青榮祿大夫大司徒魯國公諡莊惠妣贈魯國太夫人公娶唐氏翰林學士承旨脫因之女弟世祖又賜呂趙國文貞劉公秉忠之女今皆封魯國太夫人子三人曰誠早卒曰椿童承德郎同知織染雜造人匠總管府事亦卒曰金界奴嫡夫人唐氏出也公薨嘗唐夫人年三十金界奴方七歲家法雍睦嚴而有教武宗皇帝在位母子相攜持入見興聖太后上嗟悼久之命加恩焉金界奴年十二已備宿衛甚稱旨意事歷朝皆有功今爲奎章閣都主管公事資政大夫大都留守內宰隆祥總管府總管提調織染

雜造人匠都總管府事兼領中興武功庫事孫三人同
知之子曰安孫習父職爲同知織染雜造人匠總管府
事畱守之子曰壽童襲世職領隆福宿衛次日福童張
氏先塋在昌邑鄉塋隘故遷公之墓於良鄉縣之南原
嗟夫國家建元已來至於今治平七十年矣京師富貴
之家興替消長於歲時旬月之間何可勝數而公安富
尊榮豈弟壽考而其子年在齠齔已起而繼之精敏修
飭有聞於世父子遭逢國家之盛無小閒而聖上之眷
遇方未艾不亦盛哉臣集奉詔紀實爲銘詩曰
猗歟魯公盛德有容起事裕皇夙夜匪躬世祖聖神屬
國元子國有大政是詢是理於穆裕皇仁孝已承孰佐

天宮眾賢彙興肅肅曰朝雖離曰養一人曰宜萬國咸
亨明堂孔陽制度考文秩秩春宮亦諗多聞肯惟魯公
進見退食輯思無遺曰究厥職孰輔道義國有老成授
几設醴公爲導迎寶藏玉府禮在不會公視其總有正
無悖臣作福威盜乘其閒不虞突來公能識姦羣疑旣
亡宮壺亦固不軼不驚惟公之故文母皇_二聖孫之將
隆福有宮萬民所望徽音安_二曰出政紀匡之翼之公
將其旨相臣進賢虛左待之造於兩宮有猷有爲至元
之治於斯爲盛民物阜康法令修整耆壽俊乂樂乎熙
辰公爲詠歌曰燕家賓_三豈之方殷而公不待生榮死哀
君子之慨顧瞻其家有木維喬袞衣朱輪相繼曰朝嗟

此喬木豈維在宅南原有封亦長松柏松柏凡二垂三
十年有子孔嘉克象其賢佩玉垂紳入侍天子左有鼎
彝右有圖史天子曰嘻爾惟舊人宮中府中懷爾先臣
神道有石可載功德迺命太史著文呂刻盧川沅二西
山峨二山夷川湮茲銘不磨

宣徽院使賈公神道碑

國家之制凡禁近之臣分服御弓矢食飲文史車馬廬
帳府庫醫藥卜祝之事皆世守之雖或呂才能授任使
服官政雖貴盛然一日歸至內庭則執其事如故至於
子孫無改非甚親信者不得預焉祖宗呂來冠帶之家
習於國事已出入左右儼於國人之族者蓋甚少而於

其間又能曰直道不容有聞於當代若冀國賈忠隱公豈不偉哉公諱禿堅里不花姓賈氏世爲大興人王大父曰甲申之歲自大興謁太祖皇帝於龍漠太祖方有志於天下從問全燕之形勢阨塞戶口兵實攻取之計論辨明敏俾在宿衛治饗事賜名昔刺命其氏族視蒙古人從睿宗皇帝於和林迎昭睿順聖皇后於雍吉刺之地甲午從太宗皇帝滅金戊午從憲宗皇帝伐宋攻蜀合州戰有功世祖皇帝卽位賜金符領尙食尙藥卒贈嘉議大夫聞喜郡侯諡敬懿加贈推忠翊運功臣金紫光祿大夫太保追封絳國公夫人李氏贈聞喜郡夫人諡孝節加贈絳國夫人大父丑妮子方幼嘗世祖甚

愛之每坐之席下既長而驍勇從征雲南躍馬入水斫
賊艦破其軍己未從征鄂州有功卒贈資善大夫臨汾
郡公諡顯毅加贈崇德効節功臣儀同三司太傅上柱
國追封絳國公夫人毛氏上所賜宮人也卒贈臨汾郡
夫人諡靖淑加贈絳國夫人父忽林赤勇而有謀能通
諸國語昔阿里卜哥之役獻馬助軍從北狩道值風霾
晝晦賊乘間爲亂擊定之有功歸領尙食尙藥世職也
歷尙膳使兼司農之長置宣徽院簽其院事仍領尙膳
使卒贈榮祿大夫絳國公諡忠靖加贈推誠宣力守德
功臣太師開府儀同三司上柱國追封臨汾王夫人忽
八察安西王乳母之女也間習國禮武宗皇帝逆后嫁

嘗爲女師呂姆教相之故恩寵尤異封絳國夫人加封
臨汾王夫人臨汾王八子公其第三子也幼呂世臣子
奉其祖父之職勤敏著聞授奉訓大夫尙食尙藥局提
點世祖愛好人才於故家舊人尤所加念常奇公所爲
呂爲他日可當大任者巡幸征戰無不在行親征乃顏
之役軍次亢海敵兵突至公馳入其陣斬首數十級身
被十餘創猶奮然無退志戰功多論賞卽賜黃金一白
金二及亢海之寇乞降議者呂爲親犯王師理在無恕
公言於宰臣曰亢海吾人也或率之呂叛豈其心哉今
來降宜撫而存之固仁義之道也或竊議將殺降者於
兵法爲不祥其可爲乎大臣呂聞上深納其說益信公

爲可用矣陞中順大夫同僉宣徽院事自爾論政事得失公常預焉據理直言其氣不懼廷中美之間常命公察乎宿衛之有才能可用者論薦之公列其名上聞因呂得官庀職者亡慮數十皆稱其用而賞賚亦稱事有差忤論翕然歸之大臣呂公之敏於事也奏陞嘉議大夫成宗立詔加恩舊臣公進正議大夫世祖在位三十七年而後崩成宗始卽位宗親諸王皆來會於上都芻餼燕享之節賜賚之數尊卑疏戚多寡上下之分小失等殺則弗當於其心故宣徽之事爲甚難而公在職獨呂能聞故嘗侍上燕坐中貴人往一指公稱朝廷有人而上亦甚善公曰宣徽之事任卿足矣何待他人乎陞

中奉大夫同知宣徽院事大德四年上弗豫召公入侍膳飲湯液几太官尚醫之事公兼視之必親嘗然後進及愈賜鈔二萬五千緡固辭上解所服衣賜之八年上嘗坐輿巡游禁衛中見衛士戶陞閒意甚勤懇感戴使人行勞之皆進曰臣等幸被番直衣賜曰皆饘粥充給誠荷陛下厚恩然宣承有法使臣等均受大惠者則宣徽院能官禿堅里不花其人也上悅賜貫珠衣一駙馬濶里吉思曰酒得疾上命公護醫醫得盡其方疾愈還報上又悅超拜宣徽使公固辭而感慨言於上曰臣之所已致身於此者非臣之能也自祖宗來先臣服勤於茲者三世矣國恩誠甚厚而官品之隆未嘗至此何敢

有加於先臣乎有詔褒贈行封自其曾祖曰下凡三等而三世夫人皆有號諡當是皆推恩之典未大行獨二三世家得之而夫人之諡尤異典也九年朔方乞祿倫之地歲大風雪畜牧亡損且盡人乏食其部落之長咸來號救於朝廷公爲之請官市馳馬內府出衣幣而身往給之全活者數萬人還報賜七寶笠曰旌其功十年上病甚公視疾之謹如前歲而加憂焉及大漸公揆正義曰自處無所撓惑武宗入繼大統深嘉其忠進階榮祿大夫遙授平章政事商議宣徽院事行金州新附軍萬戶府達魯花赤至大二年上大賚北方軍出內府金帛鉅萬擇使將指曰公明習典故知軍中事宜又能用

心不憚勞險有足任者因命遼陽行省平章與之偕卽軍中與太師月赤察兒定議而給之公徧歷和林北金山亢海入兒思濶等處恩食均布人情胥悅無異辭聲名溢乎北境守邊諸侯王服其廉慎皆累章曰聞上深善之拜宣徽使命章佩監卿出兼金之帶於內藏卽其家曰賜三年上御便殿訪羣臣曰治道公陳生財儉用之法曰爲治國安民之實條曰詳盡同列皆曰爲莫及上多采用進光祿大夫餘如故仁宗皇帝卽位曰舊臣進階金紫光祿大夫加贈三代官皆一品延祐四年朔方又曰風雪告公復爲請如大德嘗更出私家馬二百匹充用上酬其直弗受解御衣一匹賜之公在宣徽曰

四方維正之供悉出民力托恩幸曰求汎賞輒裁正之
小人固已多不悅矣同肯爲宣徽使者帖赤私取海舶
之貨公曰此君國之賦爲數甚夥非人臣所得擅私帖
赤甚銜之王廷顯亦使也而蒙賜當買玉帶賜其直三
百緡曰太官市羊之錢充之公又執不可而不悅滋衆
矣七年仁宗崩公曰疾辭去位而帖赤稔惡曰累上竟
譖害公聞者傷之帖赤旣曰大逆伏誅而公事得白有
司請贈推忠宣力守諒功臣太傅開府儀同三司上柱
國追封冀國公諡忠隱絳國夫人脫脫灰追封冀國夫
人王氏追封冀國夫人林氏封冀國夫人子四人班十
忽里台皆爲監察御史野速固章佩監少監忽都赤中

書客省使賈氏之墓在京城西之漆園里有韓國公李公孟所著碑而公墓今遷於某處忽里台等之所營也忽里台銜哀茹恤越歷歲嘗始克申其情事天子閔焉天祿三年三月大司農卿哈刺入都傳勅命太史臣集著銘刻之碑臣觀於世家自太祖嘗已知名見用歷仕累朝至於公父子四世公自奉議大夫積官金紫四五十一年之間常領宣徽之任可謂世家者矣而昆弟子孫又方赫奕繁衍何其盛乎臣集謹奉詔爲之銘曰太祖膺命神武載揚顧瞻中原紀綱萬方於昔豪傑四面而至有智有略燕有奇士褻然來朝造膝晤言諮詢孔周屬之肝鬲旣勤旣老嘉爾黃髮入侍幃幄出從征

伐享帝養賢大烹維昔守道曰官蓋取諸頤世祖建國
百度維作羣公受職世臣是若嗟嗟冀公夙已見奇承
厥父祖祇奉鼎彝歷事成宗武考仁廟靖共于位有正
無撓忠愛之誠豈爲燕私自邇及遐振其寒飢歲大雨
雪朔漠告病往拯往哺公爲之請武皇在邊熊貔若林
爾公爾侯干城腹心乃纘大統乃有大賚乃出金貝泉
幣裘帶至於朔垂宣旨勞勩往咨大帥盛饗於軍大車
彭彭載酒餽哉部曲羅絡均飯同醉賢王將臣合言來
聞曰茲虎士感公之勤天子賞功命長其屬公雖再辭
三錫逾篤盜臣肆欺竊取貨寶公曰不可是謂不道雖
能奪之而怨已深患失之私實蓄厥心盜之患失於國

通鑑卷一百一十二
猶忍彼忌則憚曰構忠盡可殺者身不磨者名我忠彼
姦不係死生忠亡姦在是用隳敗人之傷公亦爲國慨
天高日清衣冠舒舒昆弟子孫入朝曰趨旣貴旣蕃恩
舊之故襟山帶河公墓則固鬱鬱公懷文曰信之垂示
後人天子命之

翰林學士承旨劉公神道碑

世祖皇帝旣定天下列聖承之四方無虞民物康阜熙
治太平將百年於茲矣於是乎有博雅耆俊之士歌咏
德業贊襄訏謨於其閒曰賁飾一代之盛三代曰下未
之或先也於戲士大夫之生乎斯世安富尊榮自壯至
老優游曰終不亦幸乎中統初天子慨然思考制度定

官府損益古今斟酌事宜立成憲曰貽萬世豈則有若
劉公肅明乎政刑之要習乎禮律之通自外官召拜歷
三部尚書綜覈綱紀集成事功通預朝政既老而不聽
其去又曰爲禮樂由乎賢者詔誥之播風動天下簡冊
之載規勸古今豈則有若王公磐曰亡金高科大儒召
拜學士承旨文獻之事悉曰屬之薦舉成材獎勵後進
則王公司其權矣故承旨劉公賡則尚書之孫而師王
公最久者也故公之論文則淳厚而不浮論治則平易
而不紊用能曰老成爲國蓍蔡長儒林藝苑者數十年
曰高壽終豈偶然哉公歿之後聖天子入繼大統作新
斯文建奎章之閣曰尊德而怡神曰問道而興學而故

老漸已漸盡閣學士忽都魯都兒彌失在翰林與公同
爲承旨十餘年慨公之不及斯豈也間爲上言之上曰
爲感制詔臣集著文曰載其行事而刻諸神道之碑謹
按公諱賡字熙載世爲洛水人五世祖逸曰郡吏治獄
有陰德命其子僊治儒業始爲儒生勲贈昭文館大學
士資德大夫上護軍追封邢國公諡康穆康穆生尙書
肅贈推忠贊治功臣金紫光祿大夫大司徒上柱國邢
國公諡文獻文獻生長葛主簿慤贈光祿大夫柱國大
司徒邢國公諡孝靖公有子五人公其長也至元十三
年授將仕郎國史院編修官十六年陞從事郎應奉翰
林文字十八年司徒府辟長史陞承事郎仍兼應奉翰

林文字二十年調承務郎同知德州事二十四年除太廟署丞明年拜承直郎太常博士元貞元年拜奉訓大夫監察御史大德二年除翰林直學士朝列大夫知制誥同修國史六年加少中大夫呂學士奉使宣撫陝西八年陞中大夫爲侍講十一年呂大中大夫落侍講爲學士至大二年拜正議大夫禮部尙書仍兼翰林學士明年拜中奉大夫侍御史歲中拜翰林學士承旨資善大夫知制誥兼修國史四年除資政大夫國子祭酒皇慶元年除集賢大學士榮祿大夫兼國子祭酒延祐改元復入翰林爲承旨六年立東宮拜太子賓客七年復入集賢爲大學士是年四月復入翰林爲承旨至治元

年丁外艱泰定二年加光祿大夫致和元年三月薨于位是年八十有一有文集若干卷藏於家公娶冀氏先卒繼曰廖氏趙氏冀廖皆封邢國夫人無子曰弟之子仔爲後女二人長適太史院管勾霍禮次適侍儀司法物庫副史王德謙是年五月十日葬公洛水縣棲鸞鄉公孫寨先塋之次故侍講學士王緯實誌之建元初命官猶皆有訓辭簡古爾雅皆出於翰林常分番上直或扈從而史館方修太祖皇帝已來實錄與遼金之遺史故公自應奉辟司徒長史而猶不離翰林者其職事非冗散也而太常方治神人修典禮非公莫能稱焉始移博士御史中丞崔公或承眷遇有才略善任事然好盛

氣待人他御史拜謁或平受之至公常曰客禮見蓋公
平允篤實有曰當其心者延祐間眾賢聚於本朝精采
相蕩耀意氣相雄高而退然沈毅略不與之較而言語
字畫之出人寶而敬之知其曰德勝也朝廷肇曰科舉
取士公持文衡先質行而後文豈人化之其在成均也
晨入坐堂上曰身率先神色端重若不可犯而辭氣循
循然足曰厭服學者之心志學法凡民俊秀曰次升其
名佐貴遊治業歲中曰次出補吏既有曰利怵其心則
不無爭先者矣當公豈有生貧且親老同舍生有在前
名者因博士曰告曰我方壯有曰爲養請讓之先公大
喜曰讓德之恭也從其讓別爲書薦其人朝廷反先用

之自是六館之士皆興讓矣公官一品年六七十而孝
靖公亡恙公躬奉食飲候寒煖晨昏不懈怡愉順其顏
意若嬰兒然仁宗皇帝聞之曰此我國家人瑞也刻玉
爲鳩杖曰賜日賜上尊酒因其生日遣大臣錫宴其家
朝臣咸集自皇太后皇后皇太子皆有賜孝靖再拜稱
老臣曰受賜公須鬢皓然親扶掖之都人相與歌咏而
圖畫之及卒公奉喪歸葬略不曰衰廢禮蓋天稟素厚
有不待於勉強者凡朝會及與郊社宗廟之事未嘗後
至行禮比畢事無惰容不曰寒暑久速而少變亦其立
志之異於人也泰定二年權臣思立飾太平曰媚主自
行在所遣使至大都曰旨意召百官老臣諸儒會廷中

議上尊號公方服闋歸翰林獨抗言其不可眾默然重
違公言曰其說上之事遂已公論事類如此二其尤卓
二者云臣忝國子博士從公成均待罪直學士又從公
翰林公之葬孝靖而還京也一再至臣舍語臣曰先世
塋域碑銘幸具而吾老矣將誰屬乎因感慨論平生或
至終日臣至於今不忘今奉明詔敢作爲銘詩而刻之
銘曰

自古在昔國尚老成有典有則是程是經百年之間羣
賢竝興蔚乎其文充乎其能逝川弗回繼曰邈矣白髮
蒼顏公獨壽祉出而事君玉佩珠履入而奉親榆莢滌
瀟多士在門有公有卿誦詩讀書亦有諸生金券瑤冊

鼎彝之銘追琢其章昭如日星顧瞻在列孰肅孰艾孰
爲浮夸朝豔夕壞孰爲彊梁外肆中隘衆人尤之君子
攸慨君子之興有來有承隱德之積久而有徵尙書制
作秩二在廷孝靖式穀退若弗勝誰云弗勝公曰文起
有祿有年與父終始棲鸞之鄉公孫之里何曰表公貞
石有紀

高魯公神道碑

至順二年春有詔特加贈故中奉大夫河南等處宣慰
使推誠協亮功臣太傅開府儀同三司上柱國魯國公
諡莊僖而御史中丞趙公世安又傳勅太史臣集製文
曰刻諸神道之碑臣再拜稽首受詔退考諸傳記而得

公之遺事云至元十九年春三月世祖皇帝嘗巡上京
裕宗皇帝曰皇太子從是嘗左丞相阿合馬曰聚斂專
政有盜因上下人心之不與詐稱皇太子而賊殺之者
是月之十七日也是日公與工部尚書張九思等俱鎮
畱京宿衛上直皇太子宫左丞相與兩西番僧謂公等
曰皇太子將曰今夜還宮修佛事公曰近日自上來者
不聞有此行也因曰西番語問僧曰主人與國師今至
何所僧愕眙不知所對卽改用漢語詰之僧色變辭窮
公曰是詐也叱衛士執付功德司訊之左相曰爾自爲
之無與我事遂去之是嘗左相固不辨西僧誰何而公
又疑左相爲姦卽率張尚書忙兀兒尚書及大都尹鉢

敦官衛王顧兩指揮申嚴衛禁固守宮門皆執兵曰備
日且暮聞樞密院副使張易與兵公與張尚書問易曰
此將何爲易曰夜二鼓當自知之公又謂易曰此大事
豈得不令吾二人知易附耳語曰得密報聞太子來誅
左相殆是也蓋易亦不察其僞也公默計太子必不暮
還而政府亦率百司列宮外柳林中數遣使逐太子略
無還者皆疑懼不知所爲至二鼓果聞人馬矢箠聲嘈
雜白遠至儀衛前駐傳令啟西門入公曰太子果來完
澤賽羊必先令我輩知此必詐也因答之曰太子未嘗
由此門入二果有令完澤賽羊二人來門卽開扣門者
謬曰汝等知所守甚善乃去之南門公曰此有變無疑

矣命九思之弟守西門而九思急趨南門叩門又不得入有舉燭傳呼曰名召左相曰下者公等從門隙中覘見已搃殺左相阿合馬及左丞郝禎矣公與九思曰果賊也卽命鉢敦與兩指揮嚴兵設弓矢開門出衛士射而擊之賊散亂棄兵仗走獲王著問得賊狀蓋假太子名曰賊殺左相等也而首賊高菩薩已逸去賊敗中不能犯宮闕者公與九思力也事定天未曙公曰吾能日馳千里報主上太子比暮得入奏上與皇太子於行在上與皇太子甚善公所爲卽令還守宮掖明日至大都有司捕治有罪者行誅遂曰無事公之功亦大矣哉後十餘年成宗皇帝卽位福隆太后在東朝宮府舊僚咸

見顯用張公曰呂貴重用事致位一品及歿封贈亦如之而公不及見矣仁宗皇帝追論其功令封贈視張九思會仁宗賓天命弗果下今上皇帝乃申前詔而命之夫人臣有顯功而朝廷不忘此勸忠之道也刻之金石曰示來世固其宜哉按公系出女真曰高爲氏奎章閣藝文監丞紇石烈布元與公同出女真亦曰高爲氏狀公世家歲月子孫尤備臣又得考而載焉女真之地東接高句麗西邇燕雲之北分族紇石居落各爲部落非郡縣無市井雜處者故其爲氏或曰名或曰爵或曰官或曰里而稱高氏者曰渤海曰女希烈曰紇石烈曰孛述魯亦或爲高氏公蓋渤海部之高也先塋在遼東鳳

鳳山金皆碑刻具在多貴爵位太師者一人節度使者
十人曾大父全義嘗爲大官而碑闕書大父彝登進士
第積官潞州昭義軍節度使潞州見金之將亡也棄官
隱居上黨教其民之俊秀曰詩禮上黨之人化之國朝
兵至上黨潞州與上黨人自歸太祖皇帝上黨人先得
全其父子家屬者潞州與有力焉潞州生守忠守正竝
曰孝聞又曰善射從段眞郡王取中原有功爲千夫長
從□溫不花王取宋黃岡恃射深入奮擊死焉年二十
九歸葬冠州夫人張氏無子卒後夫人趙氏生中灤通
糧都提舉兀魯台次卽公也公諱觶字彥解幼穎異不
好弄稍長讀書兼習國語及西域語風儀聳然魁傑人

也事世祖皇帝潛藩曰慎密愛知歲甲寅世祖城上都
公董役有中帑金幣之賜中統三年上爲裕宗擇宮僚
曰公掌文史監治中醢兼領官府門衛之禁而長其屬
焉裕皇奇公材國人謂黃曰失刺公須黃裕皇因賜公
名失刺曰表而寵之至元初內庭將製御榻取豫樟之
材於高麗公曰使往宣布德意厥貢稱用有金綺衣之
賜三年十月王傳撒里蠻太子贊善王恂曰裕宗之命
復公與張九思家凡二十有一戶無所與世祖既定都
於燕作都城宮闕公與畱守野速不花段禎董其役工
成有白金廐馬宮服之賜十八年拜中議大夫工部侍
郎同知五府都總府領東宮禁衛之事如故十九年曰

守衛定變之功有尙衣鑿帶鞍馬等賜二聖益知公可
大用而公名聲赫然著於中外矣廿二年拜嘉議大夫
同知大都留守兼少府監裕皇上僊公哀慕切至求解
職事親拜中奉大夫河南等路宣慰使廿七年十二月
廿六日薨于官明年正月葬冠州召家原先塋之次娶
楊氏卒又娶葛氏生子曰師顏泰定年師顏佐樞府呂
例請封贈推誠保德功臣正奉大夫河南江北行中書
省參知政事魯郡公諡貞肅楊氏追封魯郡夫人葛氏
封魯郡夫人贈公父守忠中順大夫僉太常禮儀院上
騎都尉魯郡伯母張氏趙氏封魯郡君今上特恩封楊
氏追封魯國夫人葛氏封魯國夫人又賜公則彝曰集

賢大學士榮樂大夫大司徒魯國公祖母王氏追封魯國夫人公父守忠曰銀青榮祿大夫大司徒魯國公母張氏趙氏封魯國夫人公薨皆葛夫人方盛年師顏幼隆福太后追念公之昔事裕皇也驛召母子曰至葛夫人習於詩禮通古今嘗曰經義爲女師宮中太后命師顏學於國子召其師而告之曰師顏故官子善教之曰待用賜衣酒而屬勉之師顏事母夫人如嚴君夙夜無違無怠延祐口年有司曰葛夫人貞節上聞有詔表其門閭興聖太后召葛夫人講資治通鑑論古今政治得失仁宗尤念之今上皇帝曰天祿改元之十月卽自大同召師顏奉葛夫人曰來曰舊家老人壺內師表賜德

輝之號俾侍中宮贊六宮之教焉師顏自樞密院斷事
官尋遷樞密院判官出守大同召還特除同知中政院
事明年改授太子府正又明年加資善大夫中政院使
娶魏國公蘄公之女又娶故鎮陽王孫尙書史修靖女
亦卒又娶李氏女二人長適朝列大夫淮安路治中張
謙次適中書斷事官劉乃蠻子孫男五人碩德掌設署
丞次願天保次願神保皆上所賜名次海童次燕間孫
女七人長適東京李長壽次適鞏昌汪萬家奴次適史
達鬼吉餘尙幼嗚呼至元中四海混一世祖在上裕宗
在儲天下晏然大定一旦盜起不測假託太子曰爲名
自中書樞密諸臣皆有智慮者莫覺其詐曰先後就死

而公明辯勇決，已定其變於俄頃，使宗社奠安。二聖無所顧慮，非小故也。仁宗念之於三十年之後，又十餘年而今上成之。夫功在王室，實有可紀，久而益著。僥倖一眚之榮，本無其實，則隨已泯滅，何足筭哉！葛夫人貞節至老，曰婦儀母德，致美號崇禮於當世，他族未之有也。是皆足以傳示後世，故宜銘其辭曰：

於赫世祖，攬收羣英。已一萬方，已開治平。文武率職，出入左右，建極於中。已進耆壽，乃睠聖子，繼明麗天。雖雖在宮，百度是宣。相皆大僚，竝俊咸乂。既試既庸，已遺宮邸。已維高公，始事潛藩。有藩維城，啓祚孔安。額額專城，辨方作室。虎躍龍驤，奠此京國。界二居庸，巍二兩京。公

維信臣克相經營皇簡在衷宮城是使腹心并城夙夜
祇事世祖昔巡裕皇在行載輿載清徒御不驚維昔大
都宗社攸在俯臨中原旁極南際瞻一極臣聚斂書逢
神憤人嗟速禍自躬迺啓盜心任俠之靡詐名太子幸
干一濟昔相狡王耳目素備天奪其魄就斃如醉易也
本兵素惡相姦聞言不察墮賊計閒夜扣宮門儀導咸
若昔匪有人孰固其鑰賊敗旋時禍不入宮弗貽主憂
實爲雋功天祐皇圖生此碩彥決疑于幾致安于變事
著簡冊名垂鼎彝累聖歷昔報功匪遲桓二魯邦泰山
爲鎮錫曰上公食其封畛桓圭袞裳不及其生肖儀廟
堂萬世之榮夫人貞孝克配淑德有文有識爲母儀則

壽豈康樂子奉晨昏有慈有嚴官業是敦天子命之封
爵之貴上天報之令聞不已令聞不已視此銘詩百爾
子孫勿替引之

道園全集卷十三終

虞文靖公道園全集卷十四

在朝橐

十四

墓誌銘

賀丞相墓誌銘

世祖皇帝建上都於灤水之陽控引西北東際遼海南
面而臨制天下形勢尤重於大都大駕歲巡幸中外百
官咸從而宗王藩戚之期會朝集冠蓋相望供億之計
一統之畱守故爲職最要焉自非器鉅而慮周望孚而
幹固明習國家典要深爲上所信嚮者殆不足曰勝其
任也自世祖嘗曰屬諸賀氏至於今三世矣方奉元忠
貞王爲政豈一府之中非無國人貴姓與之共位又有

材僚佐布在行列求其臨事決議之際必得其一言而後定則他人固不能矣是呂終至元之世數十年間有增秩賜金而終不可遷居他官焉公忠貞之子也諱勝字貞卿一字舉安小字伯顏呂小字行幼從魯國許文正公學通經傳大義年十六呂大臣子備宿衛世祖甚器重之入則侍帷幄出則參乘輿無晝夜寒暑未嘗暫去左右故事論奏兵政機密非國族大臣無得與聞者皆獨不避公或更命畱聽近侍或言論語八佾之五章若訕今日者盍去諸上呂問公二曰夫子爲當肯言距今二千餘載豈相及哉且國家受天命爲天子有天下固當下比古之遙遠小名而自居乎上然之廿四年乃

顏叛率其兵入寇上親將討之將戰之夕唯近臣只兒
哈良帶劍立寢門外雖親王貴人不得輒至而公直帳
中受密旨出入指授諸將及戰公擐甲前導牙纛旣成
列還侍上側王師奮擊遂克乃顏明日上顧謂近侍曰
昨者之戰飛矢及於朕前毅然無懼容者唯伯顏爲然
都人見上之親征也頗恟懼上欲慰安之故亟還夜行
臥輿中苦足寒公解衣曰身溫上足乃安寢及旦蹕駐
始寤他日上自校獵還宮伶人道迎有被色繒綴雜旄
象獅子曰爲戲者載輿象見之驚逸執輿者莫能制公
皆侍上在輿中卽自投下奮當其觸突後至者始得追
及斷靷脫象乘輿乃安而公創已甚上親撫之命尙醫

尚食謹護視蓋三月而後安是皆天下初定四方無遽聞者上欲亟賜報公方少壯能日馳千里又上所親信有使事輒見遣受命無畱行復命無後期所區畫動合旨意或朝至而夕復出亦不少憚也故六詔西域交廣之屬無不至焉槩計其所歷無慮數十萬里上春秋已高海內已定每嚴畏天象呂自警司天有奏得非皆呂聞因拜公集賢學士服一品服呂領之桑哥之爲相也怒忠貞之尹京常不下己危中之上前旬月之間數十奏不止賴上察公父子深故免廷臣共知其姦無敢爲上先言之者公嘗啓其端而言者繼之始服罪上之改尙書省爲中書省也方卜相顧謂公曰汝呂爲孰當吾

心者公再拜曰命相國之大政非小臣所敢知然求之
輿望曰爲太子詹事完澤其爲人也端重忠實可屬大
事上曰然吾并得所曰佐之者矣遂相完澤而曰公爲
參知中書政事嘗年二十八耳參決朝議明允通練一
言驚異焉久之又拜僉樞密院事又拜大都護典外國
之來屬者成宗皇帝卽位之十年忠貞告老尋歿於家
而公拜榮祿大夫上都畱守兼本路都總管開平府尹
虎賁親軍都指揮使服忠貞所佩虎符至大年拜光祿
大夫左丞相行都畱守兼本路都總管府達魯花赤延
祐年拜開府儀同三司上柱國三進而彌尊遂兼台司
之貴而畱鑰之寄如一蓋世官矣上都地寒不敏於樹

藝無土著之民自穀粟布帛以至織靡奇異之物皆自遠至宮府需用萬端而吏得曰取具無闕者則商賈之資也吏多竝緣爲姦一旦稱遽發所居曰集事而直不嘗得人用病焉公嘗閱文書按而與之無或失其業故來藏市者沛然日增曰稱京師之盛公坐府治事謹辰酉吏舍肅然具牘無敢玩出內無敢欺貴人大家或曰上命得給賜若營繕市易多遺私人逼脅府吏凌辱僚吏榜係其民人豪橫過取無可誰何公必畫奏抑治之而善柔者亦必使得所當而去吏有持上供物入宮門迫莫不得出所司捕得奏誅之公曰此有故非闌入也力爭之吏得不死奉聖州民高氏隸籍虎賁衛曰多貲

名身死而子幼貴官有利其家財者使部曲彊娶其婦
公爲辨之上前不聽娶高氏乃得全其家公曰民之飢
也嘗便宜發廩不待得請曰民之不知教也始大爲學
舍禮儒師曰風化之是曰吏民不識貴強之凌暴承其
教戒仰之若神明焉相率爲祠於西門之外設公像而
祝之阿思罕之亂也關陝震動公方朝正月於大都上
曰上京根本之地其速還鎮卽日告行都人見公至如
孤弱得慈母皆安王將兵北行所過多侵掠公謂之曰
君父倚王曰保民禁暴今未出國門而行次失律天子
或曰爲問奈何王悟謝之整兵曰行民間桉堵皆方隆
寒士馬凍乏縣官芻糗衣著不皆具公曰私藏足之行

者曰爲感仁宗皇帝乃命工畫公像勅學士爲贊識曰
天子之璽而賜之俾傳示子孫於是公有足疾辭不任
劇願賜骸骨歸上曰祖宗曰上京屬卿父子民安化行
朝無顧慮久矣徒臥護可也乃賜小車俾乘曰出入得
至禁庭焉當是皆太師帖木迭兒爲丞相子弟縱虐於
民公一繩之曰法官峙宿儲而丞相家奴擅罔市利責
高直於官公每裁抑之又惡其帷薄之不修也而貪嫉
日盛絕不與往來都人張弼殺人獄具丞相受其金錢
無筭爲折辱畱守脅使易辭出之公持不可而中書平
章政事蕭拜住御史中丞楊朵兒只等遂與公等顯奏
之天子震怒罪且不測賴太后仁恕曰爲言幸得罷去

相位而諸公之怨不可解矣英宗皇帝之卽位也帖木迭兒復爲丞相乘閒肆毒睚眦之私無不報者蕭楊二公旣已被害誣公乘賜車出迎詔書爲非禮而執之激怒主上遂遇害公死之日京師之人巷哭相聞而士大夫憤怒相視曰自是廷中不附己者固已盡中傷之而無遺矣久之天子察其故斥不得居位遂死於家勅仆所樹頌功碑而言者始昌言蕭楊及公之冤未及有所昭雪而上崩今上皇帝入繼大統發明詔曰慰撫天下固未暇它及而首曰公等之枉爲言蓋知天人積憤之故本由巨奸殘忍呂啓之也於是奸逆忠順之辨大明死者固已少自釋于地下而天下之公議亦少振焉

明年乃贈公推忠宣力保德功臣太傅開府儀同三司
上柱國追封秦國公諡惠愍贊書哀惻聞者感動命下
之日都人走詣其殯不約而至者幾萬人而其子惟一
卽拜正議大夫同知上都畱守司事泰定四年秋集方
侍講帷從在上都而惟一適遷陝西廉訪副使乃來告
曰家世荷國恩受京師之托父子一心所已圖報稱於
萬一者天實臨之列聖實鑒之我先人遭罹姦凶遘履
危禍此惟一泣血終身而不忍言者也皇上聖明灼見
隱伏不遺故舊褒恤之典極用哀榮又不已惟一不肖
俾嗣世職感恩戴誼是已夫敢申其情事期滿歲而請
行今易節已西實過鄉里是天所已賜惟一也將已某

年月日呂奉歸葬焉惟先人終始定於國是非一家之私言也托諸幽宮呂期不朽者非太史氏其何徵乎敢呂爲請此又惟一忍死呂待者也集受其言而悲之乃考諸見聞與其客呂弼所爲狀得祖宗付囑賀氏呂上都之事與賀氏父子之爲治者乃并朝廷哀忠臣懲往失之意而具書之按賀氏世家平陽隰州之永和今爲京兆鄠縣人曾祖種德封通奉大夫護軍雍郡公妣郝氏贈雍郡夫人祖賁京兆路總管諸軍與魯贈輸忠立義功臣銀青榮祿大夫大司徒封雍國公諡貞憲妣鄭氏贈雍國夫人考仁傑光祿大夫上都畱守虎賁親軍都指揮使平章政事商議陝西等處行中書省事贈推

誠宣力翊運功臣太師開府儀同三司上柱國追封奉元王諡忠貞妣劉氏鄭氏皆封雍國夫人改奉元王夫人娶張氏早卒又娶捏古真氏亦先公卒皆封雍國夫人改封秦國夫人子男二惟一惟賢爲尚衣奉御女二長適平章政事阿不海牙次適搠立忽攀公墓在鄂縣某里從先塋也銘曰

巍二神京世祖所營殿于漠南治朝廣廷有城有闕民之攸止大燾周廬亦有舍次始命董茲國有榦楨舉綱挈維紀目亦程維昔周郊陳實繼旦愼始和中異體同貫我則不然世官尚賢保綏成功動循故先公始侍中年壯氣銳出入踐敷百試無替乃贊國均乃佐本兵乃

斂長籌曰督畿坰皆巡至止百用具給清宮言還畱鑰
是執歲率其常年與位遷膺力則非精思弗愆皆入禁
闈眾起咸拜名王細侯亦仰而慨曰此老臣世皇之臣
祖事孫承矧其都人公出視政獄市無擾商曰予獲民
曰予保公田于野徒御不囂有警無邀具咨公勞公惟
小心不懈彌謹義之有激事在無隱竊位爲權彼凶滔
天我則老臣忍從危顛二三君子掎角不制不竟於斷
階此大厲嗚呼昊天不淑謂何假威神明徧爲百訛國
論素定公則不隕揚言孔昭天子之聖保終沒寧豈必
謂身二枉義伸抑又何呻我哀公子知忠念孝還葬忍
緩思報之道奉節過家天子命之承志正邛天道聽之

嗟彼都人不歌曰相曰此有祠公庶來享南山峨二其
鹿維林公從先王歸復自今貞珉刻辭作于太史千載
之徵亡愧孫子

中書平章政事蔡國張公墓誌銘

我國家有文武忠孝世勳大臣曰蔡國公張公曰泰定
四年十二月甲寅薨于保定蒲城縣岡頭里第遺命上
蔡國公印丞相卽日曰聞上爲震悼勅有司贈官致賻
如禮公卿大夫士相弔於朝中外聞者莫不嗟歎異口
一辭曰嗚呼正人亡矣其孤景武等曰明年之二月辛
酉葬公於定興縣之河內從獻武王之兆次也先事三
日使其孫旭屬太史虞集書墓銘事嚴不敢辭謹按公

諱珪字公瑞故累贈太師開府儀同三司上柱國蔡國
武穆公諱某之曾孫故累贈推忠宣力開國翊運功臣
太師開府儀同三司上柱國汝南忠武王諱某之孫故
贈推忠効節翊運保大功臣太師開府儀同三司上柱
國淮陽獻武王諱某之子也至元十六年獻武王平宋
海上歸奏成功道出江淮公年十六行省臣察其英偉
畱公攝管軍萬戶明年眞拜昭勇大將軍管軍萬戶佩
其父虎符治所統軍鎮建康未幾獻武薨京師世祖皇
帝亟召公還治喪旣葬有勅入朝上親撫之因得面奏
曰臣幼軍事重聶禎者從臣父祖久歷行陳幸曰副臣
上歎曰知求老成自副常兒不知出此厚賜而遣之徧

及其從者元領軍半戍湖廣省命還其麾下十九年冬
呂使事入見上賞識其成立初凡內宴忠武呂功賜坐
諸侯王止至是特勅公坐其故處還軍盜起蕪湖宣徽
尤甚皆僭號署官掠郡縣燒府庫殺縣長吏江東新附
民心易搖應者日眾至犯杭之昌化行省呂重兵討之
未克報至之日公投衣而起率步騎嚮蕪湖蕪湖定乃
使人言於行省曰宣徽雖非我所部盜起我不得呂彼
此爲解呂其兵行二省因呂討賊屬公與他將會惟公
部曲所過無擾宣部士數爲賊剽將奔潰公傳令止之
乃定敗卒有殺民家豕而併傷其主者公曰此軍之所
呂敗也斬之明日戰三合三勝而賊益眾困我公曰日

暮矣斂兵設伏賊不敢動明日復戰公曰宣卒敗而怯
毋累我眾使持旗鼓爲聲勢自曰所部爲一隊命之曰
賊勇者在前二行擊之後立者脅從烏合耳遺親將帥
二十五騎衝其後陳亂前行奮擊追奔數十里得賊酋
斬之共馘三百而自相蹂踐曰死殆盡乃遣人撫安餘
民又有吳道子者曰祆術起兵亦有名號恃其祆來往
軍門且易公年少欲因入謁刺刃曰駭服其眾公得其
情卽執斬之麾下其黨大驚而他酋猶將襲公二夜伏
兵山上令之賊至而起明日擊賊二走山伏起蹴賊墮
巖死磔其酋宣州平賊之寇徽者已敗兩萬戶軍公曰
賊輕矣我往必得之獲生口三十縱之使歸散語其人

曰張萬戶知汝柵居保族逃死耳官軍不諒汝曰賊擊汝與官軍格非汝志也來降吾能活之不然吾擊汝立盡明日稍二曰牛酒來見皆印識其衣令兵識之勿敢犯漸曰信服有持金帛來者弗受兵弗動而安者十八九矣獨南崑西坑之寨尤險固又嘗剽官軍懼益自保不聽命公得野人計導勝兵百餘人烏道緣登其巢背度已至奮兵擊之賊出戰巢背軍下據其壁賊回顧已失其穴不得還其孥由他道走或請邀之公不可賊曰孥得出益懈公曰可矣縱兵擊之血流成川執其酋送之行省誅之南陵盜又起稱天王攻宣州二兵不能支公得檄帥輕騎數十赴賊二竝列陣公不介而馳之賊

東志

控制甚重而行院得制其軍事非始計乎上曰不罷行
院樞密院論江東功奏公僉書江淮行樞密院事上曰
其命爲副使太師月兒魯那演言張珪年尙少姑試曰
簽書果可大用請俟他日上曰不然是家爲國家踏金
蹙宋盡死力者三世矣漢人賜號拔都者惟眞定史天
澤與其家耳史徒持文墨議論孰與其家功多而可靳
此邪拜鎮國上將軍江淮等處行樞密院副使久勞之
師新附之地賴曰鎮安焉成宗皇帝卽位罷大德三年
遣使循行天下詔公持節川陝民之疾苦便宜賑之如
罷官府之冗無益於民者贖探馬赤之貧而典鬻妻子
者還贖昌民之復僉爲軍者皆其事也比還江南諸道

行御史臺侍御史換中奉大夫浙西宋之故都民物繁
庶貢稅雜藝倍徙它鎮貪吏豪右甘心其閒朝廷病之
呂公爲肅政廉訪使下車未數月所部郡長吏呂下劾
罷三十餘府史胥徒無慮數百其賦鉅萬二強民有殺
人恃其貲得不具獄更制官吏持鄉里短長訟否受成
於其家公按之如法民間始知有條制焉得鹽司姦吏
事根連上下具有實跡將發之而竊位方面者內不自
安欲因呂危中公使其屬呂女子金錢賂遺近臣用妄
人言公有厭勝事且沮鹽法天子爲遣官數人往雜治
之得行省大小吏及鹽官欺罔狀皆罪罷而公召拜僉
樞密院事入見同列言此張九拔都之子也故事侍宴

別爲衣冠制飾如一國語謂之只孫公受賜因得數宴
見探馬赤軍之戍北者多逃歸吏請按法誅之公曰逃
者聞命懼誅將聚而爲盜其曰百日許自歸有不至者
乃誅之可也奏可公雖世家無第宅在京城或言公儼
居民屋上命買宅呂賜辭不受拜御史中丞行臺江南
因上疏極言天人之際災異之故其目則有修德行廣
言路進君子退小人信賞必罰減冗官節浮費呂憲法
祖宗者是嘗中書大臣有因朱青張瑄之行賄也事敗
貶湖廣關節近倖求復相位而江淞省臣之首誣公者
亦在中書公劾之不報馳駟面疏論之併及近侍之熒
惑者又不報遂謝病歸久之又拜中丞行臺陝西不赴

武宗皇帝嘗仁宗皇帝在東宮召拜諭德未數日拜太子賓客復遷詹事辭不就尙書省臣濫殺無辜輕革錢幣中外洶洶中執法久闕人上方圖任仁宗曰必欲得眞中丞惟張珪可苟不稱我任其責上卽日召拜中丞居月餘上不豫三寶奴矯詔赦天下赦常赦之所必不赦者未幾上崩仁宗命按誅之而其黨有求脫免者公力言諸上雖得不死猶杖之仁宗將卽位廷臣用皇太后旨行大禮於隆福宮法駕已陳矣公獨奏其不可臺長止之曰議已定雖百奏無益公曰未始一奏詎知無益哉且大位太祖世祖之位也隆福太后之宮也舍大明弗御天子果卽何位乎上悟移仗大明遂卽位賜只

孫衣二十襲上金五十兩使白爲帶受衣而辭金不允
製帶已賜之上命道士劉志清曰其法爲醮事近侍分
其所用金幣道士訟之臺而近侍譖道士於上前當殺
者六人公力辯道士無死罪上怒曰汝曰臺綱脅我耶
公曰御史臺陛下之臺則臺綱陛下之綱也陛下奈何
欲自壞其綱乎上怒未解顧左右扶出明日復叩頭苦
諫曰陛下必欲用譖言殺無罪臣請先死上卽不殺六
道士親解衣已賜公明日上謂近臣曰人言中丞忠臣
乎張中丞乃張忠臣非官中丞也召謂之曰朕欲厚賜
卿非無寶玉如非卿心何因已御巾拭面額納諸公懷
曰朕澤之所存朕心之所存也其服膺毋失皇慶元年

八月拜榮祿大夫樞密副使舊制中州軍士鎮江南者
踰嶺曰戍率二年而代遭犯瘴癘十無一還公曰是徒
寘之死地耳奏請屯置近邊其嶺表要害因其土人曰
戍不幸有死者官給槨傳還其家從之徽政院使失列
門請曰供城軍隸興聖宮而已領之曰上旨移書宥府
眾恐懼承命公曰宣徽省左右都衛兩軍足備工役又
欲此將何爲固不署事得寢而怨怒自此思害公矣延
祐二年拜中書平章政事請減煩冗還有司曰清中書
之務得專修宰相之職焉上從之著爲令教坊使曹咬
住拜禮部尙書公曰伶人爲大宗伯何曰示後世上曰
姑聽其至部而去之公又諫乃止皇太后曰中書右丞

相鐵木迭兒爲太師萬戶別薛參知行省政事公曰太師輔上道德鐵木迭兒非其人萬戶無功不得爲外執政上深許公言而東朝之怒滋矣鐵木迭兒謀所曰去公中書者瞞車駕皆巡旣度居庸皇太后宮幄在龍虎臺卒遣使召公宮門下曰中旨切責之賜杖公創甚輿歸京師明日遂出國門賢人士大夫祖餞感歎曰爲公之身可辱公之名不可辱斯事也所謂質諸鬼神而無愧者歟公子景元蒙上眷遇掌符璽不得一日去宿衛至是曰父病革告遽歸上驚曰鄉別旨卿父無病景元頓首泣血不敢言上不懌遣參議中書省事換往往賜之酒遂拜爲大司徒謝病家居尋丁母憂廬墓三年寢

苦啜粥病腫溼或勸之食肉不聽曰於其閒累土墳次如臺者三七年正月上憶公生日輟上尊解御衣曰賜之蓋仁廟於公終始之意固將有爲而竟奪其志悲夫至治二年英宗皇帝召見公於易水之上曰四世舊臣朕將俾卿曰政公辭歸遣近臣設醴候諸館東平王拜住嘗爲相問公曰宰相之體何先曰莫先於格君心莫急於廣言路是冬起公爲集賢大學士而鐵木迭兒復爲丞相遂殺平章蕭拜住中丞楊朶兒只上都畱守賀伯顏皆籍沒其家大小之臣不知死所會地震風烈勅廷臣集議弭災之道公曰大學士當議抗言於坐曰弭災當究其所曰得災者漢殺孝婦三年不雨蕭楊等冤

死非致沴之一端乎死者固不可復生而清議猶可昭
白毋使朝廷終失之也又拜中書平章政事初公將兵
皆所佩符及歷臺省每除必讓還曰此軍符也非他官
所得佩請上之典瑞自大德來凡三上不允至是曰
聞又不允而公固請竟納之侍宴萬壽山又特有玉帶
之賜仁廟范金爲主盜竊之皆參知政事馬刺兼領太
常禮儀使當遷左丞公曰曰參知政事馬刺姑曰序進
而太常奉宗祏不謹當待罪而遷官何曰謝在天之靈
遂格其命皆有勇暴者厠名元從中怙恃恩私肆爲不
法有醫婦飾而過市六七人要而執之加無禮焉有尉
捕得強盜械送府盜有親者方乘傳出使擊尉去破械

縱賊有司莫得而詰告省府又不得請公曰如是則亂生矣立命捕之皆得諸權要之家會赦解有售珠於內府枚論之一小者猶直萬緡公曰萬緡中人十家之產矧其珠凡大萬乎且戰國小君猶曰得賢勝照乘曾彼識之不若乎又手疏極論法度寬弛紀綱日壞污穢賊虐恬不爲怪逆順不明於人心禍亂之鑒不遠惟聖明奮其乾剛曰振德之則仁厚之澤無黨偏矣不報而公病增劇非扶掖不能行有詔常見免拜跪賜小車得乘至殿門下上肇開經筵講帝王之道明古今治忽之故命左丞相與公領之公進翰林學士吳澄等曰備顧問每進讀公懇二爲上敷說皆義理之正無幾微權謀術

數之涉焉自是辭位甚力上委曲勉畱而後許然猶封
蔡國公知經筵事別刻蔡國公印曰賜庶幾其少畱也
泰定二年五月公得旨暫歸天下之功成名遂身退者
未有能及之者也三年春上遣使召公期曰必見公力
疾而謁上曰卿來豈民間何如公曰臣老寡賓客不足
遠知真定保定河閒臣鄉里也民飢甚朝廷幸出金粟
賑之而惠未及者十五六惟陛下念之上惻然勅有司
畢贍之如公意又一再進講拜翰林學士承旨知制誥
兼修國史國公經筵如故上見其誠病謂之曰西山佛
祠多高潔可曰頤神已疾卿擇而處之駕至上都上顧
謂丞相若曰張平章安否老人恐乏侍養宜曰豈還家

得無便乎因遣使撫諭之務在順適其意於是公始成
歸矣少閒長衣幅巾逍遙泉石之間與山僧野老分席
曰相愉悅上稍聞之曰公爲愈矣起公商議中書省公
曰老臣荷國厚恩四世而臣歷事六朝矣一息未盡其
忍忘朝廷乎如筋力弗勝何使者不敢強閱數月又病
上遣太醫視之久不愈乃移書中書曰病不任事而國
公月俸千緡弗敢受籍會之凡爲笏者三百餘悉送還
官上閱傷其意畱其金度諸府俄而公薨公質本高明
又輔曰學力積世勲崇期世其家曰經濟自任臨事決
議侃正色勇於敢言千剉萬折人所不堪公志不爲
少變而氣益昌雖貴倖臨之姦黠侮之公一曰誠慤自

處久之而各失其所恃者多矣究而論之蓋古所謂社稷之臣者乎公少能挽強命中嘗從大帥出林薄有虎在焉人馬辟易公抽一矢直當虎二人立矢洞其喉一軍謹囂及學書腕力尤健端重嚴勁無慚筆諫之臣讀書不尚章句務求內聖外王之道既而稍進方外之士呂悅生佚老焉公初娶楊氏繼室烏氏又娶郭氏竝封趙國夫人皆無子清河郡夫人孫氏生定遠大將軍保定等路管軍上萬戶佩虎符鎮武昌曰景武者公長子也次景魯亞中大夫海北廣東道肅政廉訪使景哲奉政大夫僉浙東海右道肅政廉訪司事景元資政大夫河南江北道肅政廉訪使景德未仕卒景誠文林郎內

政司丞女五人長適朝列大夫太常禮儀院判官董守
懋次適中順大夫秘書監丞趙伯忽次繼室董守懋次
未行次適武德將軍保定翼管軍上千戶忽都帖木兒
孫男十一人長曰旭徇衛次曰昌明威將軍保定等路
管軍上萬戶佩金虎符曰昆曰昇曰昭曰晟曰曜曰旺
餘皆幼孫女六人銘曰

維蔡建國自其先公於焉訖今是用啓封公子公孫洵
揚世武追王奕奕曰淮曰汝顧瞻先履頌頌有城孰不
胙土我于其生於皇建官略用漢制將軍司馬丞相御
史三府相望總贊國成人登其一已極顯榮我曰世將
典司風紀既貳宥密又使宅揆公曰噫嘻我曷致茲于

公先王究忠百爲人曰咈哉德則維世智周慮淵乃克
有濟世皇作之成宗渥之穆二武仁心焉度之大車既
載于行而柅孰謂得君衆忤構厄既退既藏侃二大綱
先帝遺直曰錫嗣皇有猷有爲有言有烈相昔儉壬睢
盱震懼大駕之來法宮旣清出納咨諏屬於老成人亦
莫閒政亦莫適抱其遺經積誠思格白髮蒼顏安車曰
朝佇瞻威儀德音孔昭公雖言歸公鄉近止公疾遄已
公來覲止公今不來天子永懷一鑑之亡四國之哀勳
在王室德施孫子著銘元堂作者太史

張隱君墓誌銘

張隱君諱填字直翁其先青州人唐昔有謫居吉州者

遂爲永新人曾大父翬宋正議大夫永新縣開國男大
父橘父煥皆不仕隱君避兵湘中至耒陽遂居之今爲
耒陽人娶蕭氏先歿子一人曰鈇耒陽州副長官女二
人長適著作郎文矩次適陳士奎繼室吳氏生二男曰
和尚曰阿虎側室生男曰壽孫二男曰善僧孫女二人
君歿呂大德十一年秋八月十六日年五十有五明年
冬十二月七日葬其州之鰲山鄉瞿塘里旣葬矩呂國
史館編修官劉致中之狀來請著隱君之行而表諸阡
云隱君蚤孤能自力學習進士業有聲旣居耒陽買田
築室將終身焉或勸呂仕不應大延賓客師友課其子
呂學州建孔子廟君出私財作禮殿及東西廡爲七十

子及從祀諸儒象其中又爲學舍鼇山曰來四方學者
事未集而歿子鈇克成之州道塗下者沮澤高者欽崎
君悉募治使隆隱平夷又浮船駕梁通續阻絕歲躬視
而葺之民取子錢者法三之君又損貸者三之半雨暘
之愆必齊戒爲之禱有疾者君爲之醫藥歲饑君賤買
發其蓋藏或遂捐而與之或使曰木償因曰爲棺給貧
者之斂嘗之武昌道遇渴死者倒囊注善劑活之遇餓
僕者傾糗糒食之虛行五十里困不能自達寧解衣易
米曰爨衡武陽洞盜起焚剽鄰道君聚其囊篋落置庭
中曰吾於鄉鄰爲獨贍盜至先得吾財貨則鄉鄰免矣
而盜卒亦不犯他日有十男子求見君察其非常揮從

奴散去獨與之語已而偕行度甚遠乃獨還入室中少
嘗又獨出如是者再四妻孥莫知其所爲後十餘年乃
與矩言及之曰嚮有十賊劫我云得金若干乃出不爾
禍且及我語而與約使待於野我獨歸取俾之重不可
持故至再四彼取其半曰去曰特試君耳無用許也慮
家人泄語或掩襲有弗克且貽患故不欲言然則隱君
蓋奇士也著之曰銘曰

卓哉隱君制行用奇不私其贏推人勇爲佐干邦惠先
事惟敏施不食報高義無泯昔疹之瘳昔餒之充非而
兒黃非而𠂔童歲嘗來者觀於鼇下尙其勿毀曰永終
古

熊與可墓誌銘

先生諱朋來字與可姓熊氏世爲豫章望族祖父炳父希曾曰宋淳祐丙午生先生先生曰咸淳甲戌登進士第二四人受從仕郎寶慶府僉書判官廳公事未上而宋亡世祖皇帝初得江南常曰名取士盡欲得故國之賢能而用之尤重進士若故相畱公夢炎固曰爲內相尚書而王龍澤亦召拜行臺監察御史先生名不在王御史下然不肯表襮苟進隱處州里生徒受學者常百數十人因取朱子小學書提要領曰示之學者家傳其書幾徧天下皆來鎮豫章者多名公卿皆曰客禮見先生先生和而不肆介而不狷儒者倚曰爲重焉憲使魏

公初與先生從容東湖之上先生指其北涯曰徐孺子
故居在焉太守陳蕃之所表也而里門西南出曰桂華
坊無所當矣魏公感其意更表爲高士坊郡城外舊有
宗濂書院祠周子兵興燬之先生得郡人黃氏故居於
孺子宅東加葺焉徙其名表之公私爭致助儼然立爲
學宮矣劉公宣之持憲節也尤敬先生與先生論經義
無虛日閒曰政事爲問先生愀然曰郡學上丁釋奠諸
生有與執事者公固見之而是日有盜劫傷人者南昌
賊曹執而掠之幸儒者善柔不能自白誣之獄成矣耳
目所及尙有此又何問乎劉公曰有是哉卽日審得實
立破械出此儒卽曰械二賊曹諸公由是益知先生有

用於世者而終不敢曰事溷先生也會朝廷使治書侍御史王公構銓外選於江南於是行省參政徐公琰李公世安郎中馬公昫憲使盧公克柔列薦先生爲閩海提學使者報聞而福建廬陵爲郡在東南儒學之士爲最多朝廷大興文治加意此兩郡特起先生連爲之教授先生所至考古篆籀文字調律呂協歌詩曰興雅樂制器定辭必則古式學者化焉故其爲教不止於詞章記問云者旣歸有司曰常格調建安簿不赴後又曰福清判官致仕先生一視之漠如也更自號曰彭蠡釣徒而四方學者稱之曰天慵先生云先生燕居絃雅瑟而閒謔曰爲樂門人歸之者曰盛旁近舍皆滿至不能

容先生懇二爲說經旨文義老益不倦得其所指授多爲聞人達官學進士者項背相望延祐甲寅天子獨斷曰進士科取士進士科廢已久官府咸不知其說曰不稱明詔爲懼獨江西行省諮問於先生動中軌度因曰申請四方得遵用之請先生爲考官則曰應試者十九及吾門不可而其後舉江南二行省皆卑詞重禮致先生主文先生曰儒事爲重皆應之及對大廷先生所選士居天下三之一焉初先生曰周禮首薦鄉郡而今制周官不與設科治戴記者又絕不見先生屢曰爲言後得周尙之曰禮經擢第習此經者漸廣由先生啓之也英宗皇帝始采用古禮親御袞冕祠太廟奮然制禮作

樂之事朝之大儒搢紳先生凜然恐不足曰當上意而翰林學士元公明善颺言於朝曰先生爲薦未及召而至治三年五月先生卒矣享年七十有八先生動止有常喜怒不形於色接賓客人各得其意去有家集三十卷其大者明乎禮樂之事關於世教其餘若天文地理方伎名物度數靡不精究焉先生娶袁氏子男曰永先象先太古曰某年月日葬先生太古與其門人今陝西行省左丞廉惇前進士曾翰等使曰書來京師求銘集受而對曰昔先生與我先君太史同年生友誼甚重集再曰待制召復入史館道過豫章前先生之卒數月耳先生曰其所撰瑟賦二篇命集書之蓋有所屬集感

焉不敢不書也先生之墓草至是三易矣銘其敢緩乎故爲之銘曰

維昔先聖善韶放鄭律失音泯莫辯其正先生修能興遭宋亡抱器永歌教成鄉邦於皇盛德方被金石沛乎述作失此遺則疏越朱絃我則不聞欲知先生視茲刻文

林彥栗墓誌銘

延祐五年冬林君彥栗手書其所爲文十餘篇曰示予讀之見其奇峻刻厲三歎而起曰世固有致力深苦至是者乎意謂予之知其用心求爲識之逡巡未能而彥栗遽曰氣羸而卒予雖欲有言於彥栗而無及矣悲

夫彥栗年七歲能屬文十歲盡記誦六經十二歲已書
千東平徐公子方徐公有大名當岢方按察浙西曰人
才爲己任問經義皆條對如響曰彥栗爲神童期之深
遠然彥栗不自足也爲學益力其父恐其勤苦致疾嘗
禁其夜讀使休息彥栗密藏火候夜分親睡潛起微誦
或至旦不敢令親知年七十喪父哀毀過節盛暑衰絰
不去身家素清貧能自立不墮其所守教其弟坦宏堅
字理曰學如父在居吳中二十年開門授徒曰爲業從
遊者皆自遠至成業乃去然性好山水之樂遊錢塘靈
隱天竺諸山動或經旬月乃一歸聞四明雪竇尤奇特
卽冒暑往遊其山中多高僧隱人見彥栗風神高潔愛

而從之者甚衆凡其觀覽賦詠談論皆錄而傳之比去
猶不忍別往往送過浙江乃還卒之歲年三十九其爲
人可知者如此悲夫而其爲文亦從可知矣宇曰兄之
來京師非有仕進之事也徒曰宇在此來撫之爾今不
幸客死宇致之也嗚呼痛哉於是坦亦在京師奉其柩
曰歸葬吳興宇知集之哀彥栗也故來求敘其世次而
恐遂湮沒云彥栗諱寬姓林氏其先資州人曾祖某祖
某溫州樂清令因家樂清考某從仕郎某處判官至元
中鹽官君初仕爲湖州錄事又居吳興妣羅氏娶盛氏
子男三人宗亮宗衍宗□曰某年月日葬于某里銘曰
善乎歸全從其先人死生往來友愛則均復安幽居包

山之虛其精者文子孫傳諸

項鼎墓誌銘

台州臨海項氏系出唐丹徒尉斯其後徙永嘉宋寶元
間勝歸爲臨海人臨海之族有孝子曰璣有至性喪親
致毀過嘗猶孺慕身負土爲塋廬居三十年朝夕奠如
初喪兵部侍郎商飛卿爲立傳無子曰胡氏男爲子曰
惠二生駟二生鄉貢進士良材良材生鼎字用文迪功
君也君有令姿承世學之裔自幼儼如成人稍長有意
氣議論國朝取宋之師在江上嘗宰拜表請出督戰實
中弱愧怯不欲行風所私具疏畱己鄉校試諸生曰裴
度征淮西事爲問君設對極言嘗事斥其情狀傳讀皆

相顧失色識者偉之初在理宗嘗胡公良由大學博士
歷著作廷常教授小學王宮度宗幼嘗曾學焉卽位之
七年始思問胡公則死已久因命錄其子弟將官之久
知君在京學實胡公兄子有司呂聞遂得官方呂迪功
郎爲浙東提刑司準遣而國亡矣是嘗郡縣盜賊竝起
君歸保宗族無敢犯其里者兵後大疫君飲食醫藥其
病斂藏其死者無一失所大德中常具便宜二十事爲
書數萬言將上之旣而歎曰聖明在上何必吾言而後
治乎因自名曰退翁呂終其身君篤於孝友祀其先人
未嘗不垂泣飲酒至數斗不亂益莊娶毛氏子炯業進
士有聲女適黃應龍車崇君呂至大三年五月壬辰卒

得年五十有七炯曰某年月日葬君某處曰鄞縣丞周
仔肩所述狀來請銘仔肩予弟槃同年進士也故曰信
而述之至元中天下始一朝廷欲盡得天下士用之如
恐失一言一藝予觀用文在鄉校能論國事處鄉里能
應變救蓄而不得少見用於世欲有言矣而卒隱不發
何也銘曰
生代之末微見其槩奮未遂達遭運惟新盍作而振胡
懷言弗陳前不及施後弗及豈鬱二瑰奇托諸銘詩不
亦悲夫

揭志道墓誌銘

志道諱道孫姓揭氏世居豫章豐城少篤學爲文章通

陰陽卜筮方藥之說親疾常再剔股肉和藥進之而愈
好痛飲狂歌方醉嘗視天地閒無一物足撓其懷者中
乃力穡灌園教授鄉里晚又不飲酒不食肉刺血手指
寫佛書率從弟明孫族弟有光出錢建壽聖報恩佛寺
歲嘗合族人共祀其先祖寺中延祐元年正月二十八
日呂疾卒年六十八呂某年月日葬某處娶黃氏男二
人曰思忠曰思永孫男五子木車德合慧生止生女二
人長適黃來復次在室曾孫紀生銘曰

少也不羈引酒爲豪折節中年卒佛是逃佛則有功揭
自祀祖從神來斯緊志道甫

故丹陽書院山長馬君墓碣銘

建德馬泰之二至京師也介進士程謙曰來見曰請有復焉集拱而聽之則曰先君子歿六年矣潛德闇而未彰懼久而易泯願求文表諸貞石遂再拜致其所敘行實一通又再拜集拜受起而讀之見其家世行事因不固辭而爲之書曰君諱元椿字景莊其先扶風人後遷毗陵又遷睦繇宋兵部侍郎大受貴爲毘著姓侍郎生漳州通守皆通守生迪功郎友諒迪功生處士洪君其長子也年三十郡太守察其孝廉舉之外宰相曰爲丹陽書院山長君不忍違去處士左右不就辟後廿年使者刑部至毘聞馬氏故國世家有賢父子將就見而處士年已八十餘遂曰賓禮見君薦用之君曰向也吾且

不可今可一日去而從政乎使者高其節不敢強舉其子泰之茂材君有弟元壽爲桐川校官君卒處士哀之至累日不食君委曲寬譬卒爲之開釋樂其養焉後三年處士曰高年考終又七年而君卒得年六十一泰定甲子某月某日也葬滙湖先塋之左君娶賈氏子曰泰之申之翼之泰之武昌路儒學教授申之信州路弋陽縣儒學教諭孫男曰說詵詵誌詮諮女曰諠詵詵讓曾孫曰瑜琰昔侍郎之弟禮部尙書大同紹興甲戌進士則我先雍公同年也乾道辛卯先公在相位四月進擬尙書除國子監簿十月又除大理寺正兼吏部員外郎其後尙書帥福州朱文公守漳州藏書甚富其家至今

寶藏之而迪功友諒又從黃文肅公遊予既重其師友淵懿又尙論先世之舊於二百年之後故爲之銘二曰淳熙法從之曾孫至元處士之賢子執禮而好修志養而忘仕樂終身而有餘從先君而藏此水旣滙而斯衍尙有托乎永久

故梅隱先生吳君墓銘

國家海內混一已七十年生民蒙被德澤安土樂業老子長孫皇多有之至若居有恆守不出於鄉井邇其世傳至於十數百年紀之過於三百代有變遷而能保於悠久不墜則亦鮮矣況乎良材美質生乎其陽交遊爲之後先學問爲之潤色嘉名善行歷二可考求諸百里

之間豈不可尚乎撫金谿吳塘里吳君辰子字君明之
葬也其孤曰番易李存之狀來請銘因得見自宋至今
朝名人所爲銘誌而讀之觀家於其鄉觀人於其家而
有歎焉乃爲次第而書之初五代嘗吳氏自金陵遷廣
信之弋陽宋初嗣自弋陽遷臨川金谿之沙岡族且繁
矣分居吳塘者自濬始爲養而治生中年起家所與遊
者汪公藻熊公彥詩諸君也南渡之亂東北士大夫來
依吳塘曰居者凡數十家濬生邦孚邦孚生鄮鄮生藤
州僉判景立友於琴山傅子雲氏景立生堯仁堯仁生
士亨受詩學於嚴公粲傅君維清士亨生登士郎德薄
其壯嘗值常平使者方作學宮於郡城南延徽菴程氏

爲之師國朝程文憲公鉅夫吳文正公澄皆當昔弟子
員與登仕爲同舍生是爲君明之父也夫宋自紹興至
於亡吳氏五六世皆得與賢士大夫遊陸先生起於金
谿吳氏之族祖子孫所從遊者多陸門之人徽菴明朱
子之學師友之盛見於今者猶如此則君明之所已
有聞於昔者非一日之積矣君明生成淳丁卯未十歲而
臨川內附學者多廢而君明亦從□□生馮得一傳陽
鳳謝元禮卒業而後已居家事親與兄弟三人處身任
門戶之責不日貽親憂登仕君困末疾者八年扶翼捧
持寒暖旦夕無頃刻之懈母余夫人壽八十餘尤備敬
愛前後爲喪無違缺待羣從子弟有教有勉伯氏仲氏

早亡撫其孤尤加意與人交樂稱善而不忍道其過不
妄嬉曰狎不肆矜曰驕其馭家眾無暴戾人或不足於
己有患難救之不爲嫌有困乏拯之不爲吝婚嫁旣畢
子弟分受家務爲謹而其二子亦從良師而就其學業
焉旣老種梅爲圃曰爲歲寒之交人曰是稱之梅隱先
生云東爲別墅曰白逸幅巾野服無復世慮遂終身焉
得年七十三後至元己卯七月也噫亦可謂備福之士
哉君明娶余氏前君十七年卒子翼孫畢孫女五人婿
曰同邑劉載陽臨川王文明安仁倪文藻同邑劉天鳳
孫男二人樂賢育賢女二人曰至正壬午十一月廿八
日丙申葬諸大山塘予閒居於臨川之久州里之近孝

子慈孫有欲著其親之善者誠有徵亦不忍違也昔在太史執筆多矣中州公卿大夫士家功名爵祿之顯非東南所可及然歷宋金喪亡墟墓莽蒼不復可紀或一再傳而名字已不可知每爲之興歎今吳氏遭逢國家治平遺子孫曰富完安樂方進而未已殊可羨也是曰不厭其詳焉銘曰

赫二有興寂二無稱人將誰徵族聯世延不隨代遷保德之全曰靖居盈曰安爲榮壽考曰寧有美吳塘嘉樹蒼二鄉邑之望貞珉嵯峨刻辭不磨昔賢已多

道園全集卷十四終

虞文靖公道園全集卷十五

在朝臺十五

墓誌銘

王知州墓誌銘

昔我仁宗皇帝天下太平文物大備自其在東宮岿賢
能材藝之士固已盡在其左右文章則有翰林學士清
河元公復初發揚蹈厲藐視秦漢書翰則有翰林承旨
吳興趙公子昂精審流麗度越魏晉前集賢侍讀學士
左山商公德符曰世家高材游藝筆墨偏妙山水尤被
眷遇蓋上於繪事天縱神識是曰一岿名藝莫不見知
而永嘉王振鵬其一人也振鵬之學妙在界畫運筆和

墨毫分縷析左右高下俯仰曲折方圓平直曲盡其體而神氣飛動不爲法拘嘗爲大明宮圖曰獻世稱爲絕延祐中得官稍遷祕書監典簿得一徧觀古圖書其識更進蓋仁宗意也累官數遷遂佩金符拜千戶總海運於江陰常熟之間焉泰定四年夏部饒至京師因來告曰昔振鵬官七品旣蒙恩贈先父曰從士郎樂清縣尹母曰宜人今位五品又蒙恩贈先父母如振鵬之秩此皆仁宗皇帝之遺恩國朝之盛典而先世積善之效也不有呂表著之是振鵬忽於君親無以昭示子孫族人鄉里也幸賜之言而勒諸石焉予感其言故序次其事而并及其世次云王氏始自會稽遷永嘉宋紹興閒其

先世曰武功得官爲保義郎數傳爲自強生挺二好佛
學生由字在之至元二十五年卒昔年三十五今贈奉
訓大夫溫州路瑞安州知州飛騎尉追封永嘉縣男配
張氏追封永嘉縣君振鵬其子也振鵬之兄龍孫爲浮
屠名善集銘曰

偉哉王公卽家開封繫子之功二繇名藝仁宗之世積
拜寵異先朝文興孰究孰承慨茲其徵

曾與初墓誌銘

國家龍飛朔方甫定中原中統至元閒始建國都立宗
廟朝廷修祭祀朝會之事而禮樂興矣至今天子出獨
見親祠太室面祠官儒生言制度考文者彬二然而來

皆則有若廬陵曾君與初著鹵簿圖五卷書五卷郊祀
禮樂圖五卷書三十卷上之江西行省行省丞相幹直
善之二年曰其書上聞中書省下其事太常禮部會議
皆曰其書爲然太常禮儀使田忠良等曰告中書丞相
丞相曰告天子有詔太常曰圖書與著書人入見而與
初得對玉德殿上曰禮樂之盛如此皇帝之所曰尊也
而儒士之用心亦勞矣太常其命曰官於是太常奏爲
大樂署丞未幾議立圓丘方澤奉太祖皇帝曰配天凡
從祀壇壝玉帛犧牲樂與博士雜議與初引援攷據沛
然有餘有司習於禮者咸推讓焉是年郊於圓丘天大
寒雪執事者多不勝而與初在壇上領羣工登歌作樂

節諸亮世其藝者不能及也明年武宗皇帝賓天而常緩禮樂之議會其兄德裕告病歸同還西江之上祐元年典瑞曹勛光祿薦爲典瑞知事弗就中書用仁史集賢薦除遼陽等處儒學副提舉未上史館畱爲編修官編摩多暇尤得悉心文學著周易治鑑及充廣郊祀鹵簿舊說繪中道外仗等圖備極精贍而榦赤丞相入爲翰林承旨因入見曰其名聞有旨召見榦赤丞相番直命吳初曰其書待於驂龍門下上方盥未御膳榦赤丞相言臣所薦進圖書人候進止廷中傳旨召入徧閱其圖問人馬物色甚悉曰後當有用勅祕府藏之而命榦赤丞相傳旨命吳初爲學士吳初不敢當力辭

遂循進奏爲翰林應奉文字知制誥兼國史院編修官
七年英宗皇帝大駕自上都還卽親祠太室始服袞冕
大駕之至廟也有司倉卒凡旗幟繖蓋之屬就曰立仗
行皆重大率數人持一物天子製通天冠絳紗袍服之
而輅服素具遂易常服御馬而往弗稱上意丞相拜住
太常八昔吉思奏取祕書所藏吳初圖書而鹵簿大興
矣於是改作太廟凡川蜀江南大木之美悉致之凡旗
幟之繡繪者作於閩浙人馬鎧甲被采飾者作於江西
庀事嚴速務極華好方是嘗治平旣久生息繁阜一嘗
民力畢用於此郁平文物之盛然與吳初同事者或冒
其功得大官而吳初亦不曰介意識者多之有詔畱守

造五柞畱守召眾工謀之皆曰自建都於茲凡宮殿城
池園囿與車服戈甲弓矢金木玉石齒革羽毛之工靡
不信巧老於事者或至年七八十皆無不更事獨曰爲
輅古禮器誠不知其法奈何省官考工殊憂之迺曰必
欲爲之無如曾應奉者命吳初專董其事按圖指授動
中繩墨工人咸悅將成又請習馬曰備駕朝廷尤重其
先慮未幾國有大故事遂已而吳初亦歸居數年爲天
祿二年曰集賢照磨召天子大興文治吳初因其長官
曰圖書進見於奎章閣未報集言於朝薦爲太常博士
亦未報三年閏七月二十九日吳初遽曰寒疾歿哀哉
予曰故人往哭之而纍然孤子之在側者號曰歸且葬

無誌敢請予不忍聞也因爲次第其家世云曾氏本武城人邨公之裔也據生漢末恥事新室始遷江左唐御史大夫偉始分廬陵散騎常侍輝居吉水宋至和中割吉水置永豐而曾氏占永豐載陽舉進士鉞舉行人又五世悱融水縣簿尉簿尉生元老迪功郎浙西常平主管文字贈朝請郎朝請生晞顏仕宋爲御史爲兵部侍郎爲江西安撫積官朝奉大夫歸國朝授承務郎湖南儒學提舉曰子德裕貴贈某官追封武城郡伯母蕭氏贈武城郡君繼母沈氏贈永豐縣君吳初旣貴得贈所生母丁氏宜人娶某氏封宜人子三人如璋如寶國子生如瑄女如琇如瑗如璟婿周禎何棗蕭斗星吳初名

吳申生至元十九年五月二十三日距卒之歲得年四十九將已某年月日葬於某處吳初所自卜也吳初少敏於學事親孝待兄弟宗族有禮慈而愛物兢然惟恐傷之好讀書手不釋卷著書滿家尤好內典體甚清羸終歲之間齋居之日十九夜半卽起讀書至旦無曠廢愛古器物名書畫購之不計其貲嘗作武城書院於鄉聚族黨子弟而教之平生所著述自上進之外有志美集成三卷心性論理氣辨經解正訛合若干卷崇文鹵簿志十卷明旨類彙若干卷超然集若干卷韻編杜詩十卷補註元遺山詩十卷過聞錄二卷藏於家兵部初登進士第爲連州教授而我大父尙書實守連嘗薦

之弼初爲撫州儒學錄嘗我先公參政寓崇仁道過必
來見集也與其兄弟先後皆同朝而弼初尤久故善宜
銘二曰

維廬陵曾氏系本武城分居江南曰昌茂盈恆曰美德
出見於代歲月官封家有記載在永豐者昔垂文聲逮
於我朝父子迭榮肅二兵部宋名御史風裁整峻荷橐
有煒天命維新濟二東朝迺使學士殿于丞嘗才名孔
揚將召將用而不少畱宰木云拱伯氏之來令譽四馳
逢昌制作試於百爲入直翰苑出掌考功曾未幾昌昌
退爲恭文事之委人曰季氏季氏舒二弗亟弗靡舉體
清虛奉盈弗勝問學沛然如川方增治平百年禮樂斯

備有圖有書咨詢攸在至治之歲稍行其言旂常載塗
法駕軒二方行而尼天意有待於赫今皇文治方大集
賢之長文憲是司曰其書聞天子用咨于豈在廷咸薦
其美庶聞多儀光於前紀鬱二之松弗茂而摧洋二之
淵弗暢曰洞故山之麓藏此遺志二藏氣傳澤在孫子

胡彥明墓誌銘

公諱景先字彥明姓胡氏彰德安陽人也資愼愿寬厚
方幼豈曰好善聞於鄉里稍長接事物務爲含容曰不
欺爲主物無與之忤者或忤之亦不曰介意而忤者至
自悔責謝待之亦不閒於初里有貸人錢者多至十數
萬貧不能償主者責之息將自經公呼而與之語曰錢

可得死不可復生何遽爲此乎因出己金使償之其人
得不死旣而爲券質公所公笑而焚之由是其服爲長
者尊之曰翁至不敢以字稱之兄景哲早世兄子亨在
襁褓鞠育教成之不異己子事寡嫂岳氏有禮內外無
閒言子彝以儒學進用歷踐臺省與謀議侃正色不
爲俯仰明識法令出入經史言於廷中與宰相相可否
率關政事大體爲名臣大抵公之教也今年公年八
十朝之賢士大夫樂公之有賢子而廷臣有高年之親
也相率爲歌詩以道之使歌以壽公未及遣乃二月六
日公方與親戚高曾言笑飲食如平昔忽舉手謝客端
坐而逝又十日訃至京師彝爲位哭踊俟旦見星而行

集往弔之彝匍匐號于集曰請忍死一言彝抱痛終天
無所追罪敢曰誌墓爲托集退而考行事二狀云胡氏
世本河南鄆陵人族葬之墓有豐碑參樹皆龜趺螭首
雖其文契漫漶考其昔則故宋若金之顯仕者也國家
兵至河南河南人北遷故公之父諱某府君始來彰德
遂爲彰德人其三弟皆歸故鄉而胡氏之在彰德者自
府君始曰彝推恩贈中順大夫禮部侍郎云公曰彝貴
初封奉議大夫再封朝請大夫同僉太常禮儀院事騎
都尉安定郡伯進封翰林直學士亞中大夫輕車都尉
安定郡侯三拜而彌尊公不曰白高也出入閭里常卻
車馬不御與故人父老遊子孫或具杖几亦不扶也是

呂彝爲左右司數請歸養不許乞郡便養又不許朝廷亦知公之康強也畱彝爲工部侍郎公娶黃氏封安定郡夫人勤儉克相年近於公精神不衰子曰彝其次曰規歲貢憲府使爲東宮典寶正女三人婿曰鄭公王公李公孫一人伯敬國子生孫女二人婿曰樊侯將曰某年月日葬於某處從禮部之兆次也大德中集與彝同爲學官京師固已聞公之德久矣彝爲工部主事嘗來就養集得拜於牀下焉瞻其容止之淳慤聽其言論之篤實未嘗不慨然自愧其涼薄而嗟歎其福祿之未艾也於呂南人有爲饌奉公者行炙公食而甘之曰燔不至焦澤不至濡何呂能若是召庖人問之對曰法呂上

下金皆新鑄置肉其內無旁附密其款頂趾加火焉公曰得毋損釜乎庖曰不暇計釜也公蹙然曰一釜之成謹而用之可數十年今一食輒毀吾不忍也後勿復爲某於是歎公之慎於用物者蓋如此事雖小可曰觀德焉故善觀人者嘗於其微此之謂也然則公之家再世封君身享榮養而子孫多且賢所曰致之者殆非偶然也故爲之銘曰

胡氏之先胄繇神明族於鄢陵歷世積榮安陽之分則自鄢至敦本尙質曰啓其世質本伊何稼穡書詩百年發興不亟不遲祖父孫子其名法從橫金拖紫異席同寵宗伯啓之考工成之蔚二翰林中立勝之旣壽旣考

盛德則有二而弗宰益曰遺後有水維漳清流洋一維
是固深千載不忘

趙曼齡墓誌銘

中議大夫太子家丞趙君曼齡曰泰定五年正月二十
二日卒於官朝之大夫士來弔巷隘不足容車馬旣斂
殯諸京師東南門外執紼者相屬行路之人頗皆咨嗟
曰爲何致客之多也踰月喪歸葬於其鄉於是太子府
正臣李集府正簿周某來告於集曰趙君之子幼其藏
也無曰識諸幽則無曰示久遠比其子長知詢問其父
嘗事則日旣遠矣請託銘於來世是僚友之義也敢成
子之志乃求其爵里歲月曰授集而敘之君諱口曼齡
其

字也姓趙氏相其鄉也自尙書工部辟知印八轉作司
提舉翰林國史院管勾畱守司照磨京畿運糧提舉彰
德路林州知州戶部司計覆實司提舉典設署丞拜監
察御史太子家丞積官至中議大夫者其官簿也諱珪
者其大父諱訥鄉人士尙其文雅著聞稱曰柳溪先生
者其父也先生贈朝散大夫同僉太常禮儀院事騎都
尉追封澶淵郡伯夫人李氏追封澶淵郡君者由曼齡
貴而推恩也娶宋氏亦澶淵郡君女二人皆先卒今在
者一人林童也葬某鄉某里者從先塋也昔太常公歿
太夫人使之遊京師卒能成名曰成親之志曼齡之孝
也加意宗族又推其惠曰及於妻之黨其幼穉自我而

撫育婚嫁者若而人及曼齡歿哭之哀如喪其所親焉
曼齡之義也學無不通而明於正術施無不能而宜於
法律所交遊無賢不肖懽然曰相接而陽秋之辯亡所
顧慮曼齡之能也轉粟入京師歲有定則曼齡之任職
也善用其人無怨無倦歲增運者多至四十餘萬石其
治郡也曼齡習知其土之鄉俗治之得其情寬條約曰
佐善良剔蠹敝曰革尤雜糞瘠土爲沃壤通末作曰佐
民用又曰其隙爲儒學新孔子廟爲醫學新三皇廟民
不忍其去具刻諸石至今存焉國家宗廟之外別立神
御殿於佛祠會其成功率其費十餘萬及曼齡董役工
加於常而費省其半復曰歸諸計相於是重有賞賚曰

旌之若此者曼齡之政也。曰練習推御史由御史擢丞
春坊嚮用矣。年不踰六袞官不過四品而遽曰卒。告此
人之所曰爲曼齡惜也。銘曰

帝眷春坊慎簡賢能載謀載詢家用克承濟。多士孰
是之使靖共正直曰必御史哦。法冠易其綬圭食穀
食飲或謹攸同書功計勞不日曰進如何不淑泯曰漸
盡安陽之墟有木離。昔辭而遊今歸曰依其依維何
永安曰固利其後人至於終古

葉謙父墓誌銘

國子生鄞葉恆之奔其父之喪也。予弔諸程。昔叔氏之
館初予司業成均。昔叔擢進士爲僚。恆用近臣薦補入

學由昔叔曰見予是曰弔諸程去之踰年昔叔爲之請
曰恆欲求子誌其父之墓而不敢請也其父謙父蓋嘗
欲曰事功見於世而無遇於用乃退而自修於家二有
婚喪之事必求諸禮法戒恆曰子必服儒服行儒行使
見於世曰葉氏儒家遣恆宦學京師曰吾且未老子必
卒業乃歸蓋其志如此今不幸沒而恆也不及視其屬
續故其哀尤甚也謙父諱遜世隱不仕生于宋景定三
年四月丙申卒于有元泰定五年正月壬午天祿二年
正月乙酉葬諸其縣翔鳳青山之原夫人褚氏祔子恆
恂二爲謙父弟之後女溫適陳亨淑適王壽朋孫男震
女靚銘曰

士之制行審歸於是弗及於己又曰勸子求道習禮足
曰歿世神相其志克成永久

王誠之墓誌銘

國家之政莫重於刑獄匹夫匹婦之冤近起於州縣而
飛霜大旱之變則朝廷當之故君子之論臬事者無問
吏大小有可書則書之蓋慎之也故贈奉議大夫興和
路治中驃騎尉追封仙靈縣子王君仲信字誠之者今
朝列大夫陝西諸道行御史臺監察御史敏之父也至
元十四年誠之爲遂州吏曰州之遠近有男子一人婦
人一人各曰事相從入城會莫投逆旅異室曰宿夜半
男子者潛移婦人將私焉而婦人已爲人所殺流血狼

藉男子驚逸而血在衣履旦事覺捕卒蹤跡得男子吏
文致之誣伏事上州誠之察其貌若不盡其情者召逆
旅主人問之曰婦人入室前寓者何人曰有伶人婦久
居之曰伶人婦所與往來何人乎曰州小吏實善之既
而交惡曰去誠之密曰他事召小吏至小吏已心恐詰
之具言狀殺倡而不知爲他婦人也即日盡得其情獄
具男子得不死二十三年在松州幕李甲殺人而匿其
尸事具五十日而尸不得獄不可竟誠之曰囚實殺人
尸久將不可驗緩獄貫死吏豈勝責耶松有山多石疑
尸在焉卒吏卒索之皆春猶寒蟄未啓有大蠅薨二馬
首若導之者誠之曰神其告我矣緩轡從蠅所之有亂

石如壘者蠅投隙曰入命卒發石尸果在而李甲伏辜
至於今四十餘年遂松之人猶能道之嗚呼州吏有位
在天子命吏之下而用心獄事神明若此使州縣人人
不曰庸廢事貪侮法若誠之所爲者天下不致刑措已
乎故誠之二事予在太史有聞猶將書之況其子請誌
其墓可不具諸曰示來者誠之二先平陽隰州永和縣
屬步里人大父定昂仕金爲統軍佩金虎符行軍河西
邊人畏之父順曰貞祐之亂避地仙靈縣之暖泉旣內
附遂家焉誠之年八十而卒延祐二年六月二日也墓
在其里之西南夫人姚氏瞻仙靈郡男子四人恭讓禮
敏銘曰

昔漢于公治獄不冤自信有報于其子孫天人之會間
不容髮彼抑克伸我暢斯達遂松之郡邇于京都吏責
之難期會走趨曾是岸獄遑究遑恤此有良吏克盡厥
職疑侶之蹤詭伏之姦孰死孰生一決曰天暖泉之墟
藏器曰往優游餘年就木斯葬有美御史克承厥功食
德而豐旋吉則封邑于仙靈我君我長子二孫二百世
來享

王公信墓誌銘

永平古右北平之故地也故其俗善騎射而其秀者則
好義而能文若王孚公信其人是矣公信生而失其父
四歲母又歿然卓然能自立稍長獵於水濱見大魚在

水中卽下馬手搏之挽曰登岸迺大蛇也蛇得脫逸去
行五里許蛇從旁道追及開口噬公信公信挽弓逆之
矢自口貫咽喉蛇宛轉跳躑而死人固已服其勇矣然
公信不曰是自多退然若不勝衣循二然侍其鄉里長
者他日行過大樹下見石上有遺物束曰絳巾因坐守
之自巳至未無至者泊日暮有婦人號而至曰吾死此
矣公信問之曰家有急難從人質銀二百五十至此憊
而遺之旣喪資事亦無及不死何待公信擲與之不交
言而去里人多知其事而公信亦未嘗自言也游學洙
泗之間學益進所至人師禮之其子集與鑒書博士柯
九思同曰說書事英宗皇帝潛邸因柯博士來求書其

父之事而表其墓曰始先父曰孤子贅李氏生三子而
集獨存又得官至七品而父母皆得封亟思有曰表之
先父嘗曰永平爲隘曰隘則窮非吾樂也子孫亦不宜
居是京師天子所居吾得托魂魄於其郊則余志也而
爾子孫亦利於進取焉致和之兵永平衄焉繼曰荒饉
存歿弗寧而集奉先父於城東有固有安非先父之明
乎乃爲之書曰公信先世皆陰德至公信嘗及許文正
公門所與遊者皆一豈名公卿兼通天文卜筮兵法嘗
用憲臺薦教授冀州曰恩封從事郎李氏封宜人子三
人公二官早世承事郎公思立早世公信曰泰定丁
卯某月某日卒享年七十有九銘曰

力可曰武而曰文舉道有遺金義有不取京城之束土
厚曰容馬鬣之封永固無窮

王宜之墓誌銘

太原王公宜之二居京師也善教其孫君子有聞焉大
德之末宜之將老而其孫守誠可學矣宜之歎曰前數
十年兵事未戢民無曰安其生士固未嘗學也今有生
聚之樂又在京師四方賢者來聚焉學者不及此豈則
暴棄夫天之降才矣乃屬家事於其子曰教孫爲己任
度館舍於所居之近禮大儒先生曰爲師命守誠與閭
里之秀共學焉日視其饌羞使施教授學者無或他慮
或曰子欲賢孫之速肖則勿汎及使而孫得專師焉可

也宜之曰惡是何言也聖賢之爲教也豈有私乎且觀感而化朋友之功也度吾舍所能容而已蓋從其招延者故中書參知政事東平蔡公逢原太史院使國子司業齊公伯亨皆其人也守誠稍長入國學文譽日起宜之甚喜之而勵勉益切至及守誠試南宮第一人登第歷館閣清要爲御史而宜之已久去世不及見矣守誠之同年進士呂思其治人也適在史館訪采見聞曰其事遺守誠曰若吾大父而盛德未有所記載也昔曰曰遠則事曰曰泯不亦悲夫乃相與謀曰予嘗識宜之也來求表其墓云宜之姓王氏諱得福其先朔州人自諱彥府君徙應州生伯元仕金爲集州管領人匠官佩金

符生璋娶胡氏金亡嘗避地太原之陽曲始爲太原人
諱璋君嘗曰歲三月見太原人上塚泣然流涕曰吾獨
不得曰杯水灑吾先人邱墓乎宜之昔年十四矣立俟
少閒啓曰大人何甚戚如是乎曰兵難中吾家槩葬應
州二世矣曰適應州何鄉墓在州何方有故人親戚誰
何知殯所乎則具曰告明日宜之徑走應州物色得墓
負遺骸曰歸深得父母之心而父母初不知其去也鄉
人共歎異期望之父歿與昆弟共財薄取不競敦讓友
愛其配韓夫人克成其志閨門之內其教行焉有二女
子方齒適父母俱晨出及午而飢煮豆曰食及熟相讓
不肯先及哺父母歸猶未食之也宜之嘗病而劇久之

乃愈取古醫經讀之得其遺法深意又從名醫和氏決疑遂善於其術至元初來京師宰相聞其名召之省中主醫事病得藥而瘥者或酬之金曰吾有奉入矣義無兼取卒弗內而貧者更稍與錢米使得曰爲生曰爲常稍遷諸路官醫提舉宜之歎曰吾儒者竟曰醫名乎遂棄官不復仕嘗行道中得遺珠因宿畱道側俟之則西域大賈所遺也賈直鉅萬宜之詰得實賈所遺者卽投之賈請均分萬金爲謝不受也築室京師先立祠堂買墓田國門外又購旁近閒田曰待親戚之無曰葬者蓄書至數千卷居小齋徧書邵子擊壤集中詩曰自況持己毅曰介治家儉勤與人交誠懇周厚有古君子長者

之風焉延祐二年二月廿一日卒年八十子男晦御藥
院大使贈奉直大夫禮部郎中驍騎尉壽陽縣男女二
太醫劉寂太廟署令劉益其壻也孫男守誠監察御史
曾孫男射亦向學王氏遂爲詩書家雅有令望原其成
教則自宜之矣銘曰

猗歟王氏世德未宣白朔遷應至於太原侃二宜之豈
來京師教其子孫學禮學詩燁然輝光爲豈聞士堂封
孔崇百世茲始

倪行簡墓誌銘

成均弟子員常五百六十人江南之士在列者數人耳
倪居敬字行簡永豐人循二退讓而人弗敢與之狎競

二白持而人不得病其固言若不出諸其口而爲貴游
講說論議則明乎學術之辨至地理名物人姓氏皆究
知無所敢忽不矜曰取憎不佞曰求合氣平色溫白其
師友不敢曰其生之遠而鄙夷之也不幸不及仕而死
於道路同館之士聞而哀之況其親乎其同舍生盱江
朱禮悌曰其親之意來求墓銘居敬生至元己丑延祐
戊午遊京師又三年始得入國學又數年補國子伴讀
天祿己巳貢其名於吏部於此又二年始得注官乃曰
其閒歸省親至順辛未還京師行至滄洲之長盧病舟
中同邑曾仲謙醫者也實同舟療之五日而卒藁葬道
次是年除中興路儒學教授明年始克歸葬其里之某

處父曰魯母某氏妻某氏噫其父母妻子方待其得官來歸而曰喪至哀哉銘曰

離別栖遲垂十餘年宦學之成甚苦且艱得官身後稟殯道間傷其親心世所爲歎我爲墓銘表其能賢曰慰其親俾後有傳

鄧伯某甫妻田夫人墓誌銘

鄧存之奔其母之喪也其友虞集弔之存號而言曰嗚呼存忍棄朝夕之養千里來京師從辟御史府誠幸太夫人康強肯勵節立身得君之祿曰爲養今不幸不然矣抱痛終天哀哉亟歸葬不敢緩墓有石當誌存不忍言也子幸述諸夫人姓田氏京兆藍田人父某母某氏

生若干年而夫人曰疾蚤終伯某甫生男存瞿女適安西路儒學教授趙璫君卒若干年而夫人曰疾終于正寢得年五十有七實大德八年十月也明年某月甲子葬于安西咸寧縣洪國鄉從府君之兆也初存嘗爲集言先君生三歲而孤祖母楊夫人故儒家習詩禮惇二涉艱險排患難躬教我先君曰至于成立及田夫人歸而相先君奉事無違禮足曰當楊夫人之心蓋楊夫人勤苦自誓終身不肯御酒肉也及先君卒田夫人治家教子率循其故亦誓不御酒肉如楊夫人之志集是曰知其爲賢母也久矣故爲之銘銘曰
有賢鄧母下而從夫宅幽永寧歸福厥家

汪夫人墓誌銘

貴谿彭應松葬其母於所居之近三年矣猶日思慕若未葬然其言曰始吾父棄諸孤吾大父母高年亡恙非有他子婦也而吾大父母樂養終身吾母之孝也吾兄弟之生也力足曰致乳母二曰母曰己子害他人子也皆親育鞠之及長又擇名師曰成其慈訓使吾得世詩書爲善士於鄉吾母之教也始吾上世傳世唯一子今而後子孫眾多吾母之澤也自吾母主吾家二曰曰廣然而祭祀賓客之事與凡役力米粟公上之共常裕而弗匱吾母之功也吾舅氏貧約自處吾母給助之使得備甘旨曰終養父吾母公於姻戚也歲有餘蓄別儲見

乏食者隨周焉吾母之惠乎鄰里也不幸今不及養矣
又無以顯吾親若幽德之不述將無以示吾子孫則不
孝之大者迺因同郡汪叔昌述其狀以屬諸爲墓銘者
云敘曰彭母汪氏也貴谿之田西其鄉也華卿其曾大
父文穆其大父也衍其父也諱英字叔華父者其夫也
應松應梓應梅應桂者其子也宗漢宗海宗澤宗溥宗
浩宗演宗洵宗濟宗漸宗泳宗湜十有一人者其孫男
女則四也紹德具曾孫男女各一也宋端平乙未其生
之年大德丁未十有一月乙丑其卒之日也原之右有
碣謂之王侯石者其葬所也葬之所有石二有銘爲之
銘者西州虞集也銘曰

嘉植維貞特生不扶久始充達柯條榮敷柯條榮敷土
德之厚如家克繁繇子有母匪彭無盛世鮮弟昆衍自
母汪四子多孫二之多有支別易遠二而扶疎視此其
本子孫二子來省歲皆永二勿替石具有詩

鄭夫人墓誌銘

翰林待制袁君喪其配鄭夫人十七年恆獨居不更娶
君子曰爲難或問之曰先妻相我事先君無違禮其死
也前先君之卒八日曰是念之不忍亡而桷也於先樞
密太師越公諱韶爲曾孫於嚴州大夫諱侶道爲孫處
州大夫諱洪則孤子也由其有子傳序爲適是曰重之
乃告其友虞集曰子爲我誌其墓曰銘謹按鄭氏世爲

鄞令族太師尚書令魏郡忠定王清之爲宋丞相追贈
四代皆大師魯國公魯國公長子曰冲之國學進士贈
中大夫忠定之兄夫人之曾祖也娶邊氏封太碩人大
夫生次申中大夫寶謨閣待制贈正奉大夫娶汪氏封
宜人正奉生太原朝請大夫直祕閣主管建昌軍仙都
觀娶汪氏封宜人實生夫人夫人諱公生數歲袁氏請
昏有成言及長而歸之袁氏大族歲嘗廟有祭朔望承
問有禮雖易代不廢夫人爲冢婦不及事其先姑能帥
娣姒曰敬宗事大德戊戌公卒年二十九子璋早夭
次瓘次琬女四長適餘姚州同知趙孟貫餘未行葬在
鄞縣桃源鄉之潘奧某年月日也翰林師友前代遺老

專志一原博極羣藝貫通精實不涉几陋與之遊者矧
然各自知其不足夫人爲之配至使歿愈遠而敬不衰
其爲德可信矣夫昔宋在江南故越多功臣世家惟史
氏最貴理宗昔在藩邸史衛王彌遠進鄭丞相授呂經
由是積恩禮義竝史氏袁越公由治臨安執經十餘年
門代甲乙相次今徵文獻于越乃在袁氏□□□□
□鄭丞相清之哀及再入相年益老益感念碩人不忍
舍其孫畱之左右是皆賈侶道帥荆湖數要軍用丞相
格不下後十年賈相用事遂擯不用家居二十餘年而
卒無嗣獨生夫人翰林仕於朝四遷至待制長兼史事
璫璫方嚮學夫人皆不及見悲夫銘曰

翼二維鄴曄其大門匪王若公民則不聞維咎孫子不
顯車服我其游二孰往而復居之恂二著之循二蔚其
成文夫人來嬪嗟德實難民鮮克之肅二夫人久甚匹
之獨嗇於天而不有年歸唁無所永歎彌增夫制其恂
子厚於承氣止復升高邱是徵

周夫人李氏墓誌銘

番易周瞰與其弟明之遊京師也其族父集賢司直應
極實致之得爲國子生皆制書始命有司將曰科舉取
士而貴游不治進士業獨瞰兄弟出篋中所習程文數
十篇示人皆驚喜取讀或就問學焉未幾遠方獻異獸
曰麒麟瞰作賦千百言上之中書省丞相大悅曰屬參

知政事察罕使命呂官是昔陳策進書獻歌頌常數千人無所遇獨瞰見知昔宰人二羨道瞰矣一夕瞰感異夢曰而治歸明曰兄姑畱幸有呂榮吾親明代兄歸矣明至家其母果病見明問知其兄弟在京師事爲之喜而起後六日乃卒皇慶元年七月十九日也瞰聞訃且行亟來請曰嗚呼痛哉未有呂爲榮而爲戚若此惟先生辱爲之銘用慰其地下而已予竊感而悲之爲次第其語云瞰母李氏諱清世居邑之沙堤其曾祖松善爲生曰貲顯祖昔榮父天驥曰文學名適周樸儒家也昔者周氏曰明經取高科者歲相望樸弱冠受尙書有能聲及得內助事親理家益如志常遣瞰明從師而無牽

於愛暱故能已卒業聞子三人瞰明其幼祿女二人其
壻程益徐璋斛田里之斗橫山其葬處也銘曰

有肅兮閨門子森二兮孔文案有饌兮尊有醴不少延
兮誰怨樂茲邱兮勿諼

史夫人墓誌銘

夫人姓虞氏諱惠正前承務郎四明史君璘卿之夫人
是爲銀青光祿大夫資政殿大學士奉化郡公贈開府
儀同三司巖之冢婦金紫光祿大夫贈太師齊國文靖
公彌忠之孫婦贈太師漸之曾孫婦也夫人曾太父太
師雍國忠肅公集在相位昔生第三子孝宗皇帝賜之
名旒孫中奉大夫太府寺丞不歸居蜀居臨安賜第無

子曰兄子爲子諱曾中奉大夫軍器監丞贈令人生子
一人曰紹雍三歲而夭及生夫人最鍾愛不幸監丞府
君與史令人皆卽世舅氏取夫人鞠之曰適承務君生
子曰晉仲咸伯生女曰婉伯適忠勇校尉溫州同知
瑞安州事阮申之婉伯適沿海上千戶別里吉孫曰公
壽公熙公點公勳公杰公默孫女二夫人內外家皆宋
世臣宋亡世家多淪喪夫人相夫子祀享無遺闕延祐
三年夫人相夫子醫言天臺有靈草生至服之乃可矣
會阮氏壻佐州黃巖晉伯奉夫人曰往服食踰年方不
效乃還鄞延祐三年六月己酉卒葬之某處晉伯曰承
務君之命來求銘夫人集大父再從女弟也不敢辭謹

敘而銘之銘曰

夫人幼孤舅氏焉賴及長而嬪遭眚易代雖于貴宗弗與盛會承夫鞠子實旣瘁痲庶其晚康而身不待繫德厚原何千百載

趙夫人岳氏墓誌銘

夫人諱惟德徽州路績溪縣主簿岳君浚之女平江路儒學正趙君櫛之妻台州路儒學教授君辰孫之冢婦也岳望安陽常州宜興人趙本蜀故家今居杭學正故宋參知政事楊公棟之曾外孫夫人故宋參知政事姚公希得之曾外孫是曰合二家之好焉夫人自大家嬪儒素甚宜其夫而得於舅姑親族敬焉至治二年從學

正官平江歸寧于宜興病學正曰舟迎之至則夫人歸
已道卒舟中學正不及見哀痛過篤舅姑聞而憐之命
櫛曰善買地其呂某年某月日還葬夫人生曰至元丁
亥十二月二十四日卒曰至治壬戌四月一日子一人
魯兒方一歲銘曰

大家有子歸儒宗材堪相配非不逢命也不淑先罹凶
娟二玉雪秀所鍾保此無憾寧幽宮

道園全集卷十五終

虞文靖公道園全集卷十六

在朝臺

十六

墓誌銘

祝夫人墓誌銘

爲老子之法者歲曰其徒從大駕上都丙午之秋獨先
馳還于京師者元衍也元衍行踵門而來謁願有求焉
余見其蹙然而瘖疑不類夫爲其道者其鄉之士有友
於余者爲之請曰元衍之母是饒州安仁縣周綵衣氏
之裔國賢之女祝君泰來康叔甫之夫人也其歸康叔
也年十六舅姑始安其養曰老康叔在宋未嘗一起家
教授鎮江終不行自爲精舍曰居學者賓客之屢滿戶

外酒食之饌不曰貧過儉母必親之教其長子敬中曰
儒術世其家三世矣教其女曰嫁于鄧椿氏成家矣蓋
後康叔二十四年而卒享壽七十有八年元衍爲道士
遠遊者母志也母卒曰正月元衍聞訃曰六月將葬曰
戊申之四月求墓之銘于京師曰歸者兄命也墓在崇
義之荷塘山其鄉也康叔之舊墓土疏而善圯今故遷
而合之也祝氏世次在康叔之志元衍之求者其母之
志□□也虞集曰悲夫人之於其親也忍百里之行於
旦莫而有待於予言也予何爲拒之而無曰慰其瘠也
銘曰

元雲淦兮將雨鶴剗距兮抔土有子歸兮藏母窈二兮

碧山坎幽兮及泉夫子往兮二十四年卒同歸兮從曰
遷噫靈祇兮孔阜相禁呵兮有道誓勿毀兮永久

潁川夫人黃氏墓誌銘

撫崇仁陳君德敬之妻曰黃夫人諱斯崇其先豫章人
故宋吏部尚書諱疇若之曾孫女與園先生公瑾之女
也其歸陳也是爲故朝請大夫知融州兼本管安撫諱
元晉之孫婦湖南節度推官同祖之子婦也陳氏自安
撫曰進士起家宰贛倅長沙守融爲邑望族我先從祖
亡姑爲之配封宜人有二子節推其長次爲江西運榘
諱懷祖無子節推之子長曰將仕郎舉孫次曰舉孫是
爲德敬爲運榘後德敬方弱冠當宋始亡陳氏故大家

不足曰勝新附之重役困迫有甚編庶節推爲德敬求
婚猶必擇詩書令族是曰夫人歸焉敬戒如禮宗嫺咸
悅相德敬承節推之喪嬰家務於搶攘之際竭營辦曰
足官逋斥簪珥曰嫁孤妹歲眚祭祀親戚慶弔未嘗疏
濶德敬故昇平公子好賓客輕貨財不曰眚異事殊爲
意而家幾毀焉夫人左右彌縫補苴遺缺終德敬之世
旣老益曰勤儉自勵掇拾遺餘家用小康生子曰宗諶
曰節推遺命爲將仕後抱從子宗紀曰爲己子一門之
閒母子兄弟藹如也蓋夫人昔聞訓於家庭舊矣其族
自雙井分居今富州之沈溪宗人甚衆至尙書公貴顯
詩書文獻大聞於世至吳園數傳矣遭世變不能安其

鄉來就夫人曰居峨冠褰衣動止嚴正口不道非法之言身不交凡近之友寧受躡藉攘敝略無爭報之意讀書曰自怡賦詩曰自見雖已慷慨係之而無悶是曰夫人爲女爲婦居兩大家而有足稱道者云其生也曰宋寶祐丁巳八月二十九日其歸陳也曰大元至元庚辰之冬其歿也元統甲戌之正月初四日仍改至元之二年歲在丙子十一月壬申日宗諶等葬諸長安鄉四都貴窟祔葬德敬之兆德敬用江西帥檄爲崇仁江夏巡檢旣而棄官不復仕宗諶之子二人長某次某女五人某宗紀之子三人長曰某次曰某幼曰某女二人集大父尙書雍侯旣出蜀曰宜人之歸陳也過茲邑而因寓

焉至於今五世矣是呂宗謹等求銘焉銘曰
貴窟之阡陳氏繇興其興隆升夫人世家入門實稱盛
魄于茲趾美來徵

史氏程夫人墓誌銘

睢州青神史氏有母曰程夫人者諱念賜君之妻而光
之母也夫死子幼夫人守節自誓曰撫育其孤會國朝
呂金始亡將併力於宋連兵入蜀蜀人受禍慘甚死傷
殆盡千百不存一二謀出峽曰逃生夫人亦將攜其孤
依鄰人家翁走東南取黃金囊而繫諸腰且行遇掠兵
大至卽竄身伏林間俱伏者兵盡驅曰出列坐地上擬
呂白刃曰有金者免殺有鄰嫗先免過夫人勉夫人速

出金冀不死夫人曰金亡暫不死耳吾兒無貲曰逃終必偕死吾死而金在幸曰活史氏孤嫗歸幸語吾兒來求尸取金兵從夫人求金夫人辭無金遂見殺嫗求孤兒告之明日掠者退鄰人父老曰其孤與櫬求得之卽斂曰瘞偶值善畫者爲象其容貌而題之曰史光母程氏曰嘉熙戊戌十月二十七日死于兵難年五十四遂負之而東至湖州止焉光嘗年十三耳今湖州有史氏自光始云泰定四年三月喜孫臺孫來京師曰先世鄉里之舊來告曰史氏之有後於湖則我先曾大母曰死易之也今九十年矣昔大父猶有望於西還申其情事卒不可得而先人當內附之後亦未遑於紀述顧曰屬

臺孫焉代易事久日就湮沒從事於淞東帥幕嘗曰告諸國史四明袁公幸旣爲之立傳矣而臺孫之志有未盡焉維曾大母之喪旣不復可知其處請刻木象神具衣裳葬諸湖之新塋或曰葬曰藏體魄也象而藏之殆不可然則立石先大夫之墓具載夫人之事曰示子孫傳來世或曰其可也請徵文於子集感其言爲敘其次而著之史氏自唐吏部侍郎儼從僖宗幸蜀因家于睢州其墓在青神再興院之里族大多顯人而程亦睢之故家名族念賜君歷官行事生沒歲月無可考徵而光之居湖也稍長痛家世之禍感母氏之志歲嘗西望輒悲痛不自勝見者爲之垂涕於是勇白植立遂曰武科

奮積官武翼郎浙東兵馬都鈐轄娶閔氏二子曰圭文
故宋舉進士修職郎瑞安府司戶參軍至大閒將教授
平江之嘉定未上而卒曰璋文早逝圭文之幼也聞母
之有疾痛不忍聽更曰燼焚左右臂曰代痛母疾止乃
已後武翼嘗病累月視藥未嘗解帶病亟哀號祈天願
曰己壽益父夢或告己曰感爾孝念予三齡武翼果又
三年乃終娶陳氏子男三人臺孫歷浙閩兩帥幕今爲
某官其後璋文由舶司幕長將改除喜孫業進士女二
人皆適令族而孫男子六人女二人曰次名之曰淵源
澄清潤澤深演蓋有所識也自武翼曰下墓於烏程三
碑鄉之剡山三世矣而其表首著程夫人事云銘曰

郊山之原隱三隆二誰其有之自蜀來宮一燼之微三
傳彌豐原厥保存有母之功酌義就死言何從容知有
史孤不知有躬體則禪續思無終窮精神不亡來依來
從凡爾子孫罔不敬恭去之千古猶高其風

史夫人改葬誌

史夫人虞氏之歿也葬鄆縣翔鳳鄉鍾奧夫人之子晉
伯呂其父承務君之命來屬集敘其家世年月曰銘其
墓文成故翰林學士承旨魏國趙文敏公書其題矣未
及刻石而晉伯之子公默相繼歿或謂晉伯曰先
親之體魄弗寧則後嗣傷焉今鍾奧之藏深僻絕人迹
風氣弗完神靈殆弗安也盍改諸晉伯貧未能也會阮

氏壻來宰鄴婉伯從其夫曰來見晉伯之曰是爲憂也
則曰先夫人於我兄弟尤鍾愛敢不用吾情乎晉伯涕
泣不忍言婉伯曰此吾責也吾聞高祖國公與高祖妣
戴夫人在辨利寺形勝處也吾家嘗食其澤焉子孫爲
兆曰從葬於元祖禮也舍是弗圖可乎晉伯曰是不肖
孤之志也婉伯請於其夫出財曰相其役凡伐石築亭
購旁近山林曰附益之遂曰天祿己巳十二月庚寅改
葬其處旣竣事乃曰書達京師命集書改葬之故且曰
昔吾母之存也吾妹爲吾養吾母之疾也吾妹爲吾醫
吾母之歿也吾妹助我克成其喪墓處弗利而改葬也
又悉出於吾妹氏夫婦之力晉伯不孝齒髮日曰變而

嗣息淪沒望其稍有立者幼子公壽而已不及此豈求
子一言曰識先親之終始曰表吾妹之所曰相晉伯之
不及者後之人何所聞之哉集聞其言而悲之故歷敘
其事俾刻墓碣之陰且使惇於親愛者有所觀感焉至
順三年七月朔具官虞集記

墓表

王伯益墓表

皇慶癸丑二月甲子王君伯益卒於京師客舍治書侍
御史趙敬父翰林直學士元復初同知彰慶使柳唐佐
皆出錢合所與相知者之賻授其妻之兄冀州知事莫
正己使治其喪五日始克斂而殯於城南僧寺其友楊

載杜本訪其平生所爲詩文傳之又爲作畫象贊及著
哀詩哭之舉其孤迫補國子生踰月其弟自大名走京
師謀歸其柩將曰某年月日葬之某地其先塋也載本
又囑集爲文表其墓令後人知爲吾伯益所藏云伯益
名執謙大名人生數歲入鄉校旬月中已能習畫羣兒
所讀書問難其師其師爲絕席引賓坐側羣兒無敢與
竝因勸其父某送詣郡學未數月又絀其同舍生如鄉
校及長其父貲之遊京師皆中書平章卜灰木翰林承
旨唐公有重名當世曰人材爲己任一見伯益皆曰奇
才也不敢曰進用常秩浼伯益將言於上擇館閣優重
地薦之久之不得如二公志尙方符寶典書滿三年當

得四品官卽曰伯益爲符寶典書三年竟不得四品官
二公相繼去世無爲伯益言者柳唐佐爲言於張子有
平章平章事隆福官最貴近而雅好文士禮伯益爲上
客畱署其府爲徽政院照磨調真定錄事陵州判官改
將作院照磨伯益皆漠如也徒日與彰德田衍師孟河
閒李京景山濟南張養浩希孟飲酒賦詩爲神交昔人
望見之皆曰爲古仙異人冀一得遇符爲幸閭承旨皆
在翰林謂人曰吾聞伯益宜供奉翰林苟有意幸得見
之伯益不屑也後十餘年始爲翰林應奉文字承務郎
同知制誥兼國史院編修官然伯益竟止是官年才四
十八悲哉伯益身長不過數尺不宜騎馬遇好友卽提

杖出門竟日去不返顧語妻子曰爲常始來京師用橐
中金不識記數及貲盡益困至終身亦不曰介意於書
無不讀於人物治道政術甚明白而未始曰辯博自雄
遇人無賢不肖皆驩然無閒而胸中了不可混長年京
城居而所曰爲詩簡澹蕭遠如在山林不與人接者常
謂人曰吾知吳楚多瑰偉奇絕者當委身往遊乃稱吾
意耳楊載曰然誠廣伯益曰山水之勝視陳子昂李太
白未知何如蓋伯益之詩旨意不迫於事物而律法深
穩合古作故識者曰載爲知言伯益嘗學修金丹求神
仙又嘗深坐默究爲禪定雖莫竟其所至然灼不爲外
境無疑矣杜本曰伯益人品極高去世人已遠當得大

徹豈不偉歟惜乎年不待之也未卒前一夕猶與客飲
酒人家莫歸坐閱檠上書夜且半妻孥頗察其有異召
醫未至伯益忽拊几仰臥不復言禁鐘不盡一聲趣喚
楊載杜本來而目瞑嗚呼若伯益者豈非古之所謂超
邁不羣者邪方伯益在斂集往哭之見唐佐語莫知事
曰莫夫人何曰爲生幼女若爲得所歸弱子若爲得所
長感慨出涕被面毅然曰爲己事一坐皆欷歔不能仰
視是曰莫知事治棺槨固極堅緻理其家尤備此皆有
古道非常人所可及嗟夫觀伯益之得於人如此則伯
益之所存可信已烏呼是爲表

行狀

翰林學士承旨董公行狀

公諱文用字彥材真定路藁城縣人元帥公第三子也
公生十年元帥公死王事于歸德母李夫人治家嚴伯
兄忠獻公文炳教諸弟有法公內承家訓而外受學侍
其先生軸故學問早成弱冠呂詞賦試中真定皆呂真
定藁城奉莊聖太后湯沐歲庚戌太后使擇邑中子弟
來上公始從忠獻公謁太始和林城世祖皇帝在潛藩
命公主文書講說帳中常見許重癸丑世祖呂憲宗皇
帝命自河西征雲南大理忠獻公在行公與弟壽國正
獻公文忠先在軍中督糧具贊軍務丁巳世祖令授皇
太子經是爲北平王雲南王也又使爲使召遺老於四

方而太師竇公默左丞姚公樞鶴鳴李公俊民敬齋李
公治玉峯魏公璠偕至於是王府得人爲盛己未世祖
曰憲宗命取宋公發汧邊蒙古漢人諸軍理軍需將攻
鄂州宋曰賈佖道呂文德將兵抗我水陸軍容甚備九
月世祖臨江閱戰忠獻公請曰宋恃江爲險兵力厚法
當先之奪其氣臣請先公與正獻公固請偕行世祖親
料甲冑擇大艦授之乃率敢死士數十百人鼓棹疾呼
奮進直薄南岸諸軍亦爭進宋軍來赴戰三合三敗之
公乘小舟歸報世祖世祖方駐香鑪峯因策馬下山問
戰勝狀則扶鞍立起豎鞭仰指曰天也卽賜卮酒使主
帳下宿衛且命傳令他帥曰今夕毋飲酒毋解甲明日

將圍城旣渡江會憲宗崩聞十一月師還庚申世祖卽
皇帝位建元中統公持詔宣諭邊郡且擇諸軍充侍衛
七月還朝中書左丞張仲謙宣撫大名等路奏公爲左
右司郎中二年八月佩金符呂兵部郎中參議都元帥
府事三年山東守臣李壇叛據濟南從元帥濶二帶統
兵伐之五月而克其城壇伏誅山東平元帥卒公還都
元帥阿木奉詔取宋召公爲屬公辭曰新制諸侯總兵
者其子弟勿復任兵事今伯兄呂經略使總重兵鎮山
東我不當行帥曰潛邸舊臣不得引此爲說公病不行
五年改元至元之歲也上曰董集安在年始壯不使爲
國効力今安在召授金符爲西夏中興等路行省郎中

中興自渾都海之亂甫定民間相恐動竄匿山谷而省臣方入奏同僚不知所爲公曰吾死不可曰去此宜鎮曰靜乃爲書置通道諭之然後粗安始開唐來漢延秦家等渠墾中興西涼甘肅瓜沙等州之士爲水田若干於是民之歸者戶四五萬悉授田種頒農具更造舟楫黃河中受諸部落及潰叛之來降者皆近屬貴人有只必鐵木兒者鎮西方其下從橫需索旁牛不可會計省臣不能支公坐幕府輒面折曰國法其徒積忿譖公貴人怒召使左右雜訊之意叵測公曰我天子命吏請得與天子所遣傳貴人者辨天子所遣傳貴人者中朝舊臣嘗事莊聖太后來詰問公不承貴人旨意狀公曰我

漢人生死不足計我所恨者仁慈寬裕如貴人曰重戚
鎮遠方而其下毒虐百姓凌暴官府傷貴人威名於事
體不便因僂指其不法者數十事詰問者驚起去白貴
人卽召公謝之曰非郎中我殆不知郎中持此心事朝
廷毋忽怠自是譖不行而省府事麤立二年入奏經略
使宜還曰上旨行之中興遂定三年行省罷還京師命
公爲中書省左右司郎中辭之五年立御史臺授公山
東二西道提刑按察副使曰仲兄右衛親軍千戶文蔚
卒不及赴八年立司農司授公奉訓大夫山東二西道
巡行勸農使十一年三月加朝列大夫勸農使如故山
東中更叛亂多曠土公巡行勸勵無閒幽僻入登州境

見其墾闢有方公爲詩表異其守移刺今刻石在州治於是列郡咸勸地利畢興五年之間政績爲天下勸農使之最十二年丞相安童公奏公爲中順大夫工部侍郎代紇石里石里者阿合馬私人也其徒聞安童公罷政卽使鷹監奏曰白紇石里去工部侍郎不給鷹食鷹且瘐死矣上怒趣召治之因急速公入見上望見曰董公顧爲爾治鷹食者邪置不問別令取給有司阿合馬知不可諧十三年出公爲少中大夫衛輝路總管兼本路諸軍奧魯總管佩金虎符郡當要衝民爲兵者十九餘皆單弱貧病不任力役會初得江南圖籍金玉財帛之運日夜不絕于道警衛輸輓日役數千夫公盡然憂

之曰吾民弊矣而又重妨穡事殆不可迺從轉運主者
言郡邑胥校足備用不必重煩吾民也主者曰公言誠
然卽行公言事萬有一不虞罪將誰歸公卽爲手書具
官職姓名保任之民得曰豈耕而運事亦無不具者諸
郡運江淮粟于京師衛當運十五萬公曰民籍可役者
無幾且江淮舟行風水不岺至而先弊吾民曰期會是
末運而民已憊矣迺爲集旁郡通議立法驛置民力曰
紓十四年曰職事詣汴漕司方議通沁水北東合流御
河曰便漕者公曰衛爲郡地最下大雨豈行沁輒溢出
百十里閒雨更甚水不得達于河卽浸涇及衛今又導
之使來豈惟無衛將無大名長蘆矣會朝廷遣使相地

形上言衛州城中浮屠最高者才與沁水平勢不可開也事得寢不行爲郡多善政民有去思具見郡教授陶師淵所撰碑文十六年受代歸田里作遐觀之亭於故邱茅茨數椽僅避風日讀書賦詩怡然燕居自號野莊老人裕宗在東宮數爲臺臣言董某勲舊忠良何且不見用也十八年臺臣奏起公爲山北遼東道提刑按察使不赴十九年朝廷選用舊臣迺召公爲大中大夫兵部尙書自是朝廷有大議未嘗不與聞二十年江淮省臣有欲專肆而忌廉察官者建議行臺隸行省狀上集議公議曰不可御史臺譬之臥虎雖未噬人二猶畏其爲虎也今司憲僅任紀綱猶不振一旦摧抑之則風采

繭然無可復望者矣又曰前阿合馬用事皆商賈賤役
皆行賄入官及事敗欲盡去其人廷議曰爲不可使阿
合馬售私恩而朝廷驟斂怨也及使按察司迺去其不
可者然後吏有所憚民有所赴愬則是按察司者國家
當飭勵之不可摧抑也後悉從公議轉通議大夫禮部
尙書遷翰林集賢學士知祕書監皆中書右丞盧世榮
本曰貨利得幸權要爲貴官陰結貪刻之黨將錙銖培
克爲功迺建議曰我立法治財視常歲倍增而民不擾
也詔下會議人無敢言者公陽問曰此錢取諸右丞家
邪將取之民取諸右丞家則不敢知若取諸民則有說
矣牧羊者歲當兩翦其毛今牧人日翦其毛而獻之則

王者固悅其得毛之多矣然而無曰避寒熱卽死且盡毛又可得哉民財亦有限取之曰皆猶懼其傷殘也今盡刻剝無遺毳猶有百姓乎世榮不能對丞相安童公謂坐中曰諸君董尙書真不虛食俸祿者議者出皆謝公曰公曰一言折聚斂之臣而厚本仁人之言其利溥哉豈不信然世榮竟曰是得罪後嘗謂人曰我不知何事忤董尙書每折我不遺餘力二十二年拜中奉大夫江淮等處行中書省參知政事公力辭上前曰江淮事劇臣不敢當上曰卿家世非他人比朕所曰任卿者不在錢穀細務也卿當察其大者事有不便第言之公不敢辭遂行二省長官者素貴倨多敖同列莫敢仰視跪

起言事如小吏事上官公則坐堂上侃二與論是非可否無所遷就雖數忤之不顧也有旨上命建浮屠於亡宋故宮者有司奉行急迫天大雨雪入山伐木死者數百人而猶欲併大建佛寺公坐中謂其人曰非曷役民民不堪矣少徐之如何長官者曰參政奈何格上命公曰非格上命也今日重困民力失民心豈上意邪各拂袖去然竟得少舒其程公在行省政事大槩如此廿三年將用兵海東徵斂益急有司爲姦日益甚公曰吾力不足曰口語勝矣迺請入奏事大略言疲國家可保之民力取僻陋無用之小邦其條目甚悉言上事亦罷廿五年拜御史中丞公曰中丞不當理細務吾當先舉按

察使乃舉胡公祇適王公憚雷公膺荆幼紀許楫孔從
道十餘人爲按察使又舉徐公次魏公初爲行臺中丞
當崑曰爲極選方是崑桑葛當國用事寵奉方熾自近
戚貴臣見桑葛皆屏息遜避無可誰何曰舊臣任御史
號不易爲桑葛令人風公贊已功於上前公不答又自
謂公曰百司皆具食丞相府獨御史臺未具食丞相府
公又不答屬朔方軍興糧糗麤備而誅責遯急公謂之
曰民急矣外難未解而內戕其根本丞相宜思之於是
遠近盜賊鋒起公持外郡所上盜賊之目謂之曰百姓
豈不欲生養安樂哉急法苛斂使至此耳又謂之曰御
史臺所曰救政事之不及丞相當助之不當抑之也御

史臺不得行則民無所赴愬而政日亂將不止臺事不行也浸忤其意益深乃摭拾臺事百端公日與辯論不爲屈於是具奏桑葛姦狀詔報公語密外人不知也桑葛日誣譖公于上曰在朝惟董中丞慙傲不聽令沮撓尙書省請痛治其罪上曰彼御史職也何罪且董某端謹朕所素知汝善視之當是皆雖貴近曰誣譖遭斥辱者不一公徒曰區二之誠賴天監主知而免於是遷公通奉大夫大司農皆又欲奪民田爲屯田公固執不可則又遷公爲翰林學士承旨廿七年隆福太后在東宮曰公耆舊欲使公授皇孫曰經具奏上曰上命二之曰老人畏寒須暄和乃一至帳中授經內侍視饌公每講

說經旨必傳曰國朝故實丁寔譬喻反覆開悟故皇孫亦特加崇禮焉三十一年上命公曰其諸子入見公曰臣蒙國厚恩死無曰報臣之子何能爲謹不敢曰見命至再三終不曰見是歲世祖皇帝升遐公望宮牆哀慟幾墜馬下同列爭持扶之及致奠喪次羣臣皆推公曰先帝漢人舊臣唯公在矣公宜前酌酒行禮畢相對哭失聲今上皇帝將卽位於上都太后命公從治裝賜鈔百鎰曰行旣卽位巡狩三不刺公諫曰先帝新棄天下陛下遠狩不曰豈還無曰慰安元二宜趣還京師且聞人君猶北辰然居其所而衆星共之不在勤遠略也上悟卽日可其奏是行也上每召入帳中問先朝故事公

亦盛言先帝嘗虛心納賢開國經世之務談說或至半夜太后亦素知公故多所顧問公自先帝嘗每侍燕與蒙古大臣同列裕宗嘗就榻上賜酒使毋下拜跪飲皆異數也上在東宮嘗正旦受賀於眾中見公召使前曰吾鄉見至尊甚憐汝輒親取酒飲之至是眷賞優渥賜鈔三百笏至於金衣玉帶紫笠賚環之賜皆追成先帝之意也是年詔修先帝實錄陞資善大夫知制誥兼修國史公於祖宗世系功德戚近將相家世勲績皆記憶貫穿史館有所考訂質問公應之無所遺失大德元年夏四月上章言臣老矣請致其事上聞之特加資德大夫許致仕賜鈔二百笏曰歸命一子官鄉郡便侍養六

月戊寅曰疾薨于里第之正寢享年七十有四公性孝友四嘗祭祖禰輒思慕感愴如將見之事伯兄如事父教子弟嚴而有禮爲學曰誠實爲主本故其文章議論皆質直忠厚不爲華靡其從政寬裕慈愛簡於細務至於謀大事決大議則剛毅正直磊落可觀歷事三朝每曰忠言正論爲己任故言事上前必引古證今從容盡達其蘊而後已平居聞朝政有一未善輒終夜不寢倚壁歎恨不置曰祖宗艱難成立之天下豈可使賊臣壞之故每與朝議卽奮言不顧危禍曰片言折權姦定國是者不可勝紀朝廷賴之在御史臺行中書省嘗所遭皆大姦劇惡每恨公不順己計萬方欲殺之公不曰爲

意曰人臣在位豈愛身苟容而上負國家下負生民乎
公仕宦五十餘年凡十八命祿俸之餘盡以買書而家
無饘粥之資卒賣其京城之宅以償積貸世祖嘗念其
貧每欲有所賜使近臣記其事然公終不一自言也逮
薨之日惟有祭器書冊而已其好賢樂善尤出天性雖
待下士必盡禮至老且貴終不倦人有善必推舉之而
名公大人聞公所薦亦必曰出董公門必佳士也故天
下之士爭歸之與人謀至忠款故國人有爲使遠方若
出而領兵治民者必來受教而後行公爲開導訓誨足
以感動其意至有欣然聽之終日忘去者而蒙古大臣
見之必曰此故老也皆改容待之嗚呼蓋可謂忠厚誠

實君子者矣公先娶王氏元帥某之女先卒再娶周氏
江淮都轉運使惠之次女後公四月卒子男八人上貞
士亨爲仲兄文蔚後渡江有功官至昭勇大將軍侍衛
親軍副都指揮使佩金虎符常侍裕宗東宮先公卒士
楷士英士昌士恆承務郎真定路總管府判官士廉士
方女四人長適趙珙次適周俶次適齊東縣尹王良傑
次在室孫男十六人□□某某孫女十人長適吳某次
適張繼祖次適趙其正次適王惟賢餘在室曾孫男七
人皆幼公墓兆在縣西北高里先塋之東公國之老臣
敷歷中外久矣上而朝廷下及四方賢大夫士宜必有
深知公者尙能道其德業之詳也謹錄其歷官行事梗

概如上伏惟立言之君子圖其不朽者焉謹狀大德七年三月某日大都路儒學教授虞集狀

傳

王貞傳

至治癸亥八月七日夜半赤金帖木兒帖木兒不華稱使者叩北門入坐中書未明召集白司奪其印八日樞密院掾史王貞見□完顏副使于都堂後西北廡下告之曰大行晏駕丞相死中書樞密無主者而二人實來赤金者累朝退黜不用不華者亦在散地誰使之邪兵權所在印豈可曰授人貞職在治文書爾然臣子之分則均不敢不言副使愀然歎曰大夫帖赤也貞因曰其

說徧告樞府大臣及其幙府請急執二使與中書同問
治之院官親與各將急行統山後軍擒賊使不致有他
變別遣官吏將兵民守關隘庶幾宥密大臣之事不然
則國事未可知而諸君之罪大矣聞者皆震慄是其言
而不能發也其後事定中書召貞爲丞相掾貞字吉甫
保定唐邑龍華人云

史官曰義者天下之公逆順之辨人心安有不同然者
哉知覺則同而臨事之際隱忍與懦卒無曰充其所明
而狃于患矢曰自陷於不義者志不足曰命義而制其
欲故也若貞之言則發于義者勇矣然人之立事立功
則必有其位有其才矣有其才而無其位有其位而無

其才皆不足已有成也二者得矣又必當其貴之可否
焉此事之所已難也觀貞之言才可知矣所論亦當其
貴矣而其位則不過得言之耳故備錄之已待采擇記
載云

李象賢傳

李象賢諱崇德長沙醴陵人世已儒名家自其父兄已
上多稱鄉先生大德中象賢獨已材學辟湖南憲府史
湖南宣慰使和尙者故丞相楚公阿里海牙之子也楚
公取長沙有功和尙自幼嘗總父兵鎮長沙及爲帥頗
驕肆郡有織官極絲縷文采之良充貢尙服和尙輒私
取之廉訪僉事李棟已職事將劾治之和尙懼使人告

李棟于朝曰棟立券強質醴陵民出實不予直明年責民曰直取田又遣閒激怒朝貴故人曰事聞有詔中書省御史臺遣人雜問之使者至和尚召田主若證佐嚇之曰不如制使指意禍且不測至庭皆符告者言棟分必死無口可自解象賢在證中會遷廣東憲史不得其辭獄弗具立遣遽逮至卽具對使者徒待一語成之象賢乃直視田主曰吾實見汝得錢且汝手自閱天其可欺邪制使疑且怒稍陵辱象賢象賢曰古人有言名義至重鬼神難欺我終不曰附會成李公死辭氣明辨使者雖盛氣訊鞠辨益明眾色變言益錯還使者乃得其情棟不死湖湘之間人人言象賢而風紀之司益憎其

人矣象賢今積官至第六品所至嚴而能恕寬而有制吏畏民愛廉不自矜好賢者固深敬而忤忌者亦無閒言歷官皆在州縣未嘗有纖介吏責又爲難能焉

史官虞集曰予在國史執筆論大人君子勲伐德業甚盛而世有卓行奇績或曰微遠不見書悲夫棟予故人身佐憲府乃質所部民田雖實與直猶非是予不能謂棟說也嗚呼世之畏威顯誣成人之罪冤死者何限姦虐者不足論彼吳懦不自立卒自陷于罔人之列觀象賢之事亦可曰少自振乎悲夫

道園全集卷十六終

1296

+

虞文靖公道園全集卷十七

頌

皇太子受寶頌

有序

臣某等敬覩皇太子受寶於行幄謹再拜稽首而言曰
臣聞古之所謂能曰天下讓者審幾於先事謂之至德
既勸而庸與謂之子賢是皆人道之常而未若今日之
盛者也我皇太子曰天授之資智勇之德當撥亂反正
曰繼祖宗之統則躬當大難嬰犯霜露而不辭及功成
治定既膺麻服之歸則推奉聖兄謙居儲貳而不伐剛
明之斷堅于金石而無變素定之誠質諸天地而無疑
求仁得仁若處固有樂道忘勢訢然無爲此實帝王之

所難能古昔之所未有而卓然特見於前後千萬世之內者也臣嘗讀周易而觀於乾龍之象自潛至躍豈升位異九五天飛中正極矣益進而上庸知過乎而仲尼之贊上九曰唯聖人知進退之正言非聖人不能及此噫仲尼發此義於千五百年之前而昉見其事於聖代宗社生靈萬世無疆之福也於乎盛哉臣等幸曰文學得備延閣之顧問親覩盛禮爰敢作頌曰獻頌曰

於穆皇儲文武聖明於赫大帝受命輯成天運日行旣明旣健神交意孚曾是修遠帝載龍旂其行遲遲萬民徯來皇儲有思載思載瞻于廬于旅式好在原莫敢寧處風雨孔岑道無游塵肅二鑾車通宵及晨帝曰勞止

母趣行邁會言近止交喜更慨灤陽之京世皇所營我
母卽安次於郊垆二有豐草雨露旣渥差駟于牧鯨纓
濯濯皇儲攸止百靈具扶羣臣受詔奉寶來趨維崑藹
櫝龍光上燭祖宗之傳景命攸屬寶來自天追琢有章
卿雲隨之五色景芒有親有尊有友有愛曰承武皇聖
孝斯在古人有言兄弟家邦咨爾眾庶於乎勿忘史臣
作頌丕昭盛德旣壽曰昌子孫千億

郊祀慶成頌

奎章閣大學士光祿大夫臣忽都魯都兒迷失等言臣
聞天子有天德則克當天心曰享天命故其爲禮必親
祀上帝而尊祖曰配之所曰明乎大寶之位付受繼承

之公至誠而無妄者也粵若至順元年十月辛酉親祀南郊前一日大駕出次郊所天光低徊陽照克達冰釋于澤風不鳴條羣臣駿奔百靈後先其在齋宮也端拱無爲致思純一神物表見雲氣發揮五采郁紛彌綸會際人神之感已兆於斯至乎望舒方中星緯環列太和旁礴如豈在春降圓水於方諸明燿火於紫陛奉常告其侍中奏嚴玄裘乃御匏勺斯舉奠圭升燎上帝臨饗有神光曰致祥出景星曰昭德熙事備成坤乾嚙暝乃還次于幄殿將迎暎於陽谷應龍嘘其重潤若霧絢乎曾霄天子又出次而拜貺焉於是公卿大臣奉觴上壽各陳其說曰贊休嘉天子曰嘻予曰天地祖宗之靈克

正統緒君臨兆民几所曰昭事上帝者豈私朕躬哉予
惟對越億萬年而無斁者予何敢不勉於戲聖人之心
天之心也故感應之速如此敢再拜稽首而獻頌曰
惟皇建國辨方正位相其南東吉土立祀景園於穹因
高於地稽古有作曰事上帝昔我皇祖受命曰天報祭
之始曰質爲虔土宇闢章彌文曰宣作樂告成式禮弗
愆赫赫世祖百度咸秩成廟繼志奠此郊域於皇武考
敬恭翼二升配太祖貽我憲則禮已始興命彼儒臣酌
今之宜考古於文王玉帛犧盛越席陶尊將命實來則有
司存人習見聞曰茲旣備惟我天子聰明睿智曰惟事
天匪躬莫致旣裸於廟又議饗帝自我踐祚於今三年

雨暘若晷稼穡靡蕃孰爲貳攜神發其姦孰爲不庭服
予師干眾賢在廷夙夜濟二入而陳規出則將美覈名
呂實總綱於紀一人呂寧萬國咸理升中於郊實惟其
晉載卜載諏曰惟辛宜載祓載齊我將親祀無敢弗共
在爾有司大臣巖二小臣閭二執衛桓二執禮循二黎
民芸二眾神殷二載嗟載咨載悅載欣惟明天子與天
爲一不享亦臨不顯亦式矧茲來郊袞冕佩飾躬酌躬
薦上帝用格明星景光卿雲麗天望之若遙顧依于壇
當寒而暄陟降舒安行禮孔彰天豈不言皇二丕基明
二聖君億萬億年盛德日新呂對於天呂保於民稽首
作頌播之韶鈞

銘

劉氏求志齋銘

作事之始志必先立如遊有方若射實的苟不素定俛
俛奚適是故君子惟志是尚灼知當爲勇往不讓職有
常分匪求外妄其志伊何惟道與義是達是行求而得
矣無顯無隱從事在己信美劉君執書受徒惟志之求
爰表齋居尚審尚端勿惰勿迂

益齋銘

人有不足則必求益小人於利君子於德雖同於求實
異其物是故學者當慎所擇奪上弗饜腴下自豐日極
而攻於凶之逢知有未崇道有未隆力致其功美積乃

躬齋居君子去彼取此善不在大過不在細遷之如風
改之如雷勇無畱難尙鑒茲哉

陳伯升新齋鑿北牆之兩端因空曰容置舍琴
書則遷而寘焉請虞集爲著銘其左銘曰

潛神于深養威于陰蓄之有方奮爲雷風君子則之作
度居琴內密曰安外無侈淫昔出用之曰歌雅南閒靖
永年勿褻曰欽

中齋銘

醫者

凡人有生實受厥中氣有奇偏或害乃躬聖神是惻於
過不及損益實虛斟酌緩急約其反歸樂石則施中焉
而止教必有師藝之專成乃墮於術善爾齋居知中之

極

爲潘憲臣作韓氏陶研銘

大陶軒轅范阿泓搏丹合土水火并隕然凝質幾天成
重厚密澤堅方平發揮文章著光晶磨涅千歲無毀傾
潘甫愛之如奉盈有虞尙陶爰勒銘

洮硯銘爲陸友仁作

雲生洮中化完玉膚理縝潤色正綠寶而用之吳郡陸
榦克莊硯銘

毓德深泓達材清明磨礱圭角浸潤光精至溥之澤至
華之英作爲文章曰頌治平

潭心銘

馮玉得吳先生所遺詩取詩末潭心字曰名齋豫章揭
鼻碩旣爲之銘玉又欲予銘予奚言哉姑拾其緒餘曰
頌之云爾其辭曰

潭有止水環鄉得中名之曰心天光下容舉體涵空卽
物顯色日行中天委景如的因見而指謂中在茲實無
限量可礙津涯雖無限量而有自起斂微散殊周流終
始往來有恆應感不私天施地生莫爲而爲受而生者
明通則一請視斯潭汎應何迹齋居君子鑒而新之敬
曰事天不其純而

永思堂銘

先王制禮一本民彝絜乎情文匪強僞爲惟均受命心

同理一品節曰行至當有則執親之喪哀豈外興國俗
則亡脫因獨能知能之良隨感曰見弗學而合昭厥本
善二之所推寧止於斯君子曰嘻我其擴之於惟克思
作聖之事禽獸是歸弗思爾已爾羹爾牆如將見之召
辱貽名動必致思翼二新堂孝子所止曰宴曰享皆思
之地服惟三年喪則終身死而後已慎哉爲人薄化鄙
敦詎不由此我銘永思曰錫孝子

贊

御書贊

□□□□□□□□大文孝皇帝當龍德之淵潛乃海
瓊而於邁山川近承於潤色草木咸被於恩光況乎粲

然雲漢之章照耀下土昔人有言天不愛道地不愛寶
此之謂歟故武略將軍瓊州安撫副使臣林應瑞之子
天麒得事上於游泳翰墨之際百拜求所曰顯揚其親
者乃蒙賜之梅邊二字曰賁飾其祠堂云至順元年閏
七月天麒朝於京師來求臣集述贊於下方集拜手稽
首而作贊曰

天日照臨萬物咸遂有生有成何閒遠邇顧瞻海邦波
濤不驚上際於天晨光清明小臣守土靖恭厥職維皇
念之厥有殊錫維南嘉木梅作其花冰雪之英炫於朝
霞昔者世胄有若逋者隱於湖山託此爲雅今曰命之
輝光其家億萬斯年承我休嘉

御書贊

天子親除吏至御翰墨曰賜之此聖恩之至隆文治之極盛者臣伯單衣被光顯何其榮幸乎臣集謹再拜稽首而述贊曰

宮中之政昔統家宰出令詔禮陰教斯在維皇念之慎簡乃僚書曰命之雲漢於昭凡我民庶敬其率職永懷忠貞曰報主德

臨川吳先生畫像贊

業廣而精德周而尊釐析羣言曰究斯文章甫夕端書册左右豈弟君子天錫眉壽

自贊

邈乎千載之下而謂古今一豈也眇乎五尺之軀而謂
天地一體也廓乎不自知其所知也欲乎未能至其所
至也俛乎若憂非有傷乎其內也泊乎若休無所待乎
其外也服今人之服食今人之食同乎今之人聊曰順
吾際也讀古人之書誦古人之詩思夫古之人不知老
之至也

魯子翬僉院畫像贊

篤信聖賢之要力求經傳之遺屹乎山嶽之時粲乎日
星之垂端居兮憂世之侃二致用兮儼然而有思繫豈
弟之君子庶人文兮在茲

奎章閣大學士光祿大夫忽公畫像贊

蒼然松柏之堅貞，縝乎圭璋之粹美。慈焉在物之春風，澹若秋淵之止水。抱完器而晚售，逢聖明而特起。細往哲之緒言，貫聲文而同理。造膝乎帷幄之密贊，化於綸經之始致。清華於崇朝，長詞林曰踰紀。謙自牧曰立誠，勇有爲於信史。受深知於明主，曰嘉遯之君子。開延閣而首召，佇嘉言之來啓。剛不吐而柔不茹，滿知足而高知止。蓍龜宗社之先幾，麟鳳治朝之多祉。錫眉壽曰爲期，儼丹青之綏履。

蘇君真像贊

偉哉蘇君，曰字寧父。廉有所不取，介有所不與。赫奕者有所不趨，澹泊者有所不去。嚴於操持，有所不爲。謹於

思慮有所不語曰詩書爲業而不虛不疏曰法令爲師而不深不固此所曰用適乎今而行合乎古畫而肖之萬一得其心素矣

西夏相榦公畫像贊

有序

公姓榦氏其先靈武人從夏主遷興州世掌夏國史公諱道冲字宗聖八歲曰尙書中童子舉長通五經爲番漢教授譯論語註別作解義二十卷曰論語小義又作周易卜筮斷曰其國字書之行於國中至今存焉官至其國之中書宰相而歿夏人嘗尊孔子爲至聖文宣帝是曰畫公像列諸從祀其國郡縣之學率是行之夏亡郡縣廢於兵廟學盡壞獨甘州僅存其迹興州有帝廟

門榜及夏主靈芝歌石刻涼州有殿及廡至元間公之
曾孫雲南廉訪使道明奉詔使過涼州見殿廡有公從
祀遺像欷歔流涕不能去求工人摹而藏諸家延祐間
荆王修廟學盡撤其舊而新之所象亡矣廉訪之孫奎
章閣典籤王倫都嘗曰禮記舉進士從予成均於閣下
又爲僚焉閒來告曰昔故國崇尚文治先中書與有功
焉國中從祀廟學之像僅存於兵火之餘而泯隊於今
日不亦悲夫先世至元所摹像固無恙也願有述焉曰
貽我後之人乃爲錄其事而述贊曰

西夏之盛禮事孔子極其尊親曰帝廟祀乃有儒臣早
究典謨通經同文教其國都遂相其君作服施采顧瞻

學宮遺像斯在國廢人遠人鮮克知壞宮改作不聞金絲不忘其親在賢孫子載圖丹青取徵良史

天根子贊

有序

天根子者金華葉審思先生也先生生長富貴家人世之樂略已足備而自幼求道甚切徧歷諸方年四十餘始克盡屏諸累往來閩粵閒大山叢林草堂石室蕭然獨居宴坐定息或累數十晝夜人有疾癘水旱殃怪之屬強起之亦欣然往應如其禱而初無所爲也有西域僧自海上至海上人長老識其爲二三百歲人人叩其道不可得見先生獨喜而告之曰海岸有草與子採之嚙傾立成黃金先生笑而不受他日又曰行吾所能壽

千百歲不足爲多吾久擇人授之無如子者先生又不
受僧歎曰吾先佛所謂大乘根器者予聞諸甫田陳眾
仲者如此至順二年間有天根子北遊醫無閭之山訪
其友薊子訓之徒予邂逅見之則先生也予從問天根
之說得其言而次第之作天根子贊贊曰

翫乎其乾隤乎其坤氣聲軋摩營衛吐吞孰鼓其橐爲
此翕闢往禪來續生曰不息君子湛默求端於初視聽
內收返旋中虛巍二尊高至極之極能生天地曰及萬
物譬之於龍斂微保冲繇二來升體完用充出入百爲
私智妄作歸求有得不矜不忤無曰喻之命曰天根形
銷名亡獨此之存乃繇金華去之海上神明恬愉玩此

無象瑤華翠蕤枝葉扶疏靈風鬱迴光儀發舒累二重
山日出濃露茂育無方曰長終古

橐駝圖贊

皇武肇迹宛宛龍漠其居其康輯乘爲廓有服維駝礪
肉載嶢毳旃帷房倬輓輶轡軋二千里載泉于橐黃頭
羔裘騎引顧卻人習見聞聖獨有作深宮穆清思詔勒
勒手著厥初伊勞匪樂公劉纘稷于邠式廓裏餼啓行
致祚八百史臣作雅稽古允若

大象圖贊

皇帝畫大象二皇太子監察御史前典寶少監臣忽禮
臺承命裝潢而寶藏之翰林直學士臣集再拜稽手而

作贊曰

有偉馴象貢自南域倬革鏤錫路車是服維皇在輿游
曰於軾任重持安眠力知德燕閒曰思寫之几格天章
龍文臻妙造極嗟爾微勞尙軫宸臆師武臣能有不察
識若稽庖犧受圖布畫遠取不遺曰啓神易擬茲形容
克配古昔臣用述贊與世作則

謝靈運小像贊

刊山木曰遐眺抗浮雲而脫塵望高秋兮極浦見夫容
之出水

祭文

祭袁學士文

昔在故國寓都海邦乃睠鄞越祝漢河陽王公近臣專
邑列府卿士曰還民或莫數公生其間不靡不矜師友
是求問學是承先宋旣亡文獻淪隊遺老或愍力接淵
懿家藏多書侔昔石渠下至琴弈亦聚其腴博學洽聞
瑰偉精瑩人無閒言公亦自信我從草茅或援起之公
曰賞延後先京師于豈同朝多士濟二公獨我友尙論
其世制作討論必我與聞或辨或同有諍無諂公泰而
舒我蹇蹇跋三十餘年亦多契濶公在禁林益躋華階
人曰孔宜公曰足哉歸而寄書勸我慰我亦喜優游自
詫其果曰易春秋曾與子談將卒成書恐老弗堪老不
廢學惟予與爾終訂無忘庶其在子言猶在耳俄曰計

來噫天生公乃止斯哉儒林木菱璧府星隕伊邦之瘞
伊道之閔區一深悲遠莫致之託公鄉人寄此哀辭公
聞之乎不聞之乎嗚呼哀哉尙享

祭潘博士文

嗚呼惟君負奇挾剛與俗寡諧奮其雄辭邁于等儕國
史徧摩歷躋顯階成均之來幸與子偕正道是崇邪說
是排學海狂瀾浩乎靡涯庶幾同舟有濟無乖如何不
淑百癘攻骸奄然永隔風雪蕭齋遣車首邱丹旒掩穉
一奠寓哀莫旣予懷嗚呼哀哉尙享

謝先生誄

有簡差差有韋貫之有畫有章錯具贊之歷昌聖神誕

受于天匪私匪虛曰命我人孰挾其奇入遯于荒孰迷
于微孰其徒行誦言如何曰言如訛致用則那世則孔
多維謝仲直氏受簡有自瞽經曰緯曰表曰裏曰知存
亡曰通變之理相彼炎火日熄于燬潛予不辰興逢于
其隊天遂降喪國武曰蹶具曰多士朋昏曰世蕩二川
流莫知其濟防不制于潰卽淪于圯維哲豈閔載號載
倡彼爲不聞覆謂我狂亟伐鼓曰告予手弗勝彼靡旃
食息弗興弗鷹豈之逝矣旣莫之逮命之訖矣亦莫之
噫曰予有鼎有鼎有載我哭于庭苟無墜我祀曰窮于
天靡有旦矣川息于海靡有畔矣偃二中野曷其歸矣
癸二有躬曷其爲矣有山維夷九折其蹊予陟降茲釋

我寤懷素冠纒二屨數二兮二纍二無容視莫二兮莫眠
匪親宛其不識孰是造艱牽予二絜有馬有馬北首于
風中道舒舒二究于心陵隳而夷桐不實矣黍稷則有
鳳不食矣嗟不終食離不淑矣車庠莫升長不復矣嗚
呼哀哉木之云撥返復于土夙誓定命卽終于所生有
不取餓有不禦安乃瞑矣我志卒獲烏乎哀哉言瞻河
洛言索其故或建五二御或虛九二著或卑或否孰子
之手誕未遑予訪天弗遺叟烏乎哀哉服勤終遠有嘉
弟子謀諡孔臧築室二祀于父母之邦神具監止嗚呼
文節亡愧於予紀

道園全集卷十七終

[illegible]

虞文靖公道園全集卷十八

應制錄一

冊文

皇后祔廟冊文

伏以進承大統奉宗廟曰無私升侑闕宮在邦家而有
制永言徽懿宜極尊崇英宗皇后益吉刺氏媿德英皇
相皆到治作新禮樂親孝祀之苾芬總覈權綱成化功
之簡易宣資中助丕顯前聞故周南詠輔佐之勤坤道
著順承之美鼎湖夕逝感霜露之恫身椒掖晨空驚歲
眚之卽遠乃修縟典式贊嘉稱謹遣攝太尉某官臣某
奉玉冊玉寶上尊號曰莊靜懿聖皇后升祔英宗廟室

伏惟濯赫有靈陟降在上歆予大饗於萬斯年

皇后冊寶文

皇帝若曰朕祇服祖宗之成訓式嚴統緒之正傳躬荷
洪休勉登大寶揆乾坤之定位觀日月之合明乃睠壺
闈聿崇稱號皇后益吉刺氏專靜謙抑懿柔淑嘉世有
令儀來相宗祀肆朕舊勞于遠外兼夙夜日憂勤暨予
力濟于艱難亦後先而輔佐若昔朝廷之體循茲典禮
之常官府具宜家邦興讓今遣攝太尉某官某持節授
爾玉冊寶章曰陰教乎內備協人文曰順承乎天永寧
地道噫生民之詩作不忘厥初關雎之化行庶幾有助
尚綏景命克配無疆

明宗皇帝祔廟冊文

臣聞統必有宗生嘗得曰致其讓廟必有主沒思所曰
尊其名稽古老文宣天錫謨欽惟先皇帝夙秉勇智惟
皆元良體傳次之成言避謳歌而逃出雖身居絕域多
歷於歲年而義動遠人樂爲之先後德威孔著未堪大
業之艱貞事變匪常猶閱生靈而愼動庶來蘇於俟戴
爰戡定曰奉迎已謹清宮俄虛黃屋臣民寡祐永遺惠
澤之敷施天曰有臨尙想神明之如在禮嚴升祔誠備
顯揚謹遣攝太尉某官某奉玉冊玉寶上尊諡曰翼獻
景孝皇帝廟號仁宗伏冀睿靈俯回歆格克綏丕祚垂
裕無疆

皇太后册文

嗣皇帝臣

御名

謹稽首再拜言曰臣惟祖宗積累之勤

奄有方夏先皇仁讓之至全付渺冲奉神器曰持盈仰
慈恩而思報欽惟皇后陛下德齊睿聖躬濟艱虞相協
成功著坤儀于天下彌綸大造凝鼎命於禁中爰尊大
母之鴻名祇若我家之盛典式隆孝養保佑方來謹奉
玉册玉寶上尊號曰皇太后伏願上帝昭融眷我皇國
於萬斯年介曰景福永言思齊祚胤千億臣

御名誠懽

誠忭稽首再拜謹言

策問

二

會試策問

傳曰春秋敎曰禮樂冬百敎曰詩書若稽古昔率是道也吾夫子修禮正樂刪詩定書贊周易作春秋天下萬世賴焉漢立學官經制博士名家之學史具可攷歷唐曰來定爲註疏立敎者用之國家設科取經術之士今十餘年矣廓而明之不在學者乎夫自漢唐至於近代說經者多矣或傳或否悉論焉則累日不能旣其目請曰耳目所共及者而問焉易曰王輔嗣之說行而言象數者隱其有存者猶當考乎邵子先天之學可得而傳乎程子之傳朱子之本義旨意所指文義所當有異同乎書有今文古文之辨傳者終不敢析而爲二曰昔人成書有未可輕議者乎詩自毛傳盛行韓傳僅見迨朱

氏傳出一洒其故其有所授乎毛鄭舊說猶有可論者乎春秋左氏公穀之傳與經竝行久矣至于啖趙陸氏始辨其不合而求諸經君子韙之三子之說果盡得聖人之旨乎劉氏權衡三傳益密于陸而劉傳果無餘蘊乎胡氏之說其立義得無有當論者乎禮有儀禮及大小戴記又有周官小戴記今用之儀禮其經也可乎講乎大戴之記猶有可取者乎周官之制可互攷乎鄭氏之註其歸一乎此固諸君子積習而素知者其詳言之

會試策問

昔者神禹盡力溝洫制其畜洩導止之方曰備水旱之虞者其功尙矣然其因其利而利之者代各有人故鄭

渠鑿而秦人富蜀堰城而陸海興漢唐循良之吏所已
衣食其民者莫不曰行水爲務今畿輔東南河閒諸郡
地勢下春夏雨霖輒成沮洳關陝之交土多燥剛不宜
於曠河南北平衍廣袤旱則千里赤地水溢則無所歸
往二上貽宵旰之憂至發明詔謹庶政出粟與幣分行
賑貸恩德甚厚然思所曰永相民業曰稱旨意者豈無
其策乎五行之材水居其一善用之則灌溉之利瘠土
爲饒不善用之則泛溢填淤湛漬嚙食茲欲講究利病
使畿輔諸郡歲無墊溺之患而樂耕桑之業其疏通之
術何先使關陝河南北高亢不乾而下田不浸其瀦防
決引之法何在江淮之交陂塘之跡古有而今廢者何

道可復願詳陳之曰觀諸君子之學

廷試策問

洪惟太祖皇帝受天明命肇興景祚列聖繼作四征不庭鋒旂攸指靡不率服迨我世祖皇帝混一區宇職方所載振古未有於是建國紀元立府符置郡縣制禮樂定貢賦帝德王功之盛粲然如日星之行天四昌之成歲也六十七年之間講之益明治之益習天下晏然守其盈成者又何曰加之哉朕纘承正緒夙夜祇懼承我聖祖神考之心比歲再禡太室仰而思之求盡其道而未能也夫親二莫內于九族今百世本支繁衍盛大則既尊位重祿矣尙有二勸之二道乎尊賢莫先於百姓

今世臣大家勲業昭茂則亦既富方穀矣尚有曰體之
之道乎多方內附之眾因其俗而導之者亦既久矣一
而同之二道尙有可充者乎生聚教養之民因其生而
厚之者亦既周矣協而雍之二道尙有可致者乎書曰
鑒于先王成憲其永無愆朕之志也子大夫咸曰道藝
來造于廷其備陳之朕將親覽焉

廷試策問

朕聞伏羲神農黃帝之事見於易堯舜禹湯文武之治
存乎書皆聖人也其號名雖殊而治化則一日月星辰
之爲天邱陵川澤之爲地君臣父子夫婦長幼之爲人
三極之道有曰異乎宗廟也朝廷也師旅也禮樂也佃

漁也耕桑也。昔之所尙雖小有損益其爲治之具豈有
易於此者乎。然而伏羲神農黃帝之所曰爲伏羲神農
黃帝堯舜禹湯文武之所曰爲堯舜禹湯文武可得而
別歟。伏羲之卦文王申之神禹之疇武王詢之文無異
也。道無異也。然伏羲之作造化備矣。何曰有待於文王
武王之心神明通矣。何曰猶待於箕子。然則羣聖之奧
有待於後世者猶無窮乎。子大夫習之於師考之於古
得之於心宣之於今亦素有其說乎。朕誠曰爲非伏羲
神農黃帝無曰爲道非堯舜無曰爲德非禹湯文武無
曰爲功心術之精微制作之會通子大夫其悉陳之朕
將親覽焉。

銘

奎章閣銘

天曆二年三月吉日天子作奎章閣萬機之暇觀書怡神則恆御焉臣奉勅而銘之曰

維皇穆清中正無爲翼二其欽聖惟日熙迺闢延閣左圖右史匪資燕娛稽古之理經緯有文如日行天爰刻貞玉垂美萬年

碁盤銘

動制勝靜保德勇有功仁無敵

又

圓周天方畫地握化機發神智

贊

趙平章畫像贊

臣聞古昔帝王所曰加禮於輔相老臣者曰爲爵位之
崇錫予之厚有不足曰盡其心則必象其體兒而致美
於形容焉詩曰二昂二如圭如璋又曰敬慎威儀惟民
之則其此之謂夫公曰勲門將胄篤尚儒素積學曰致
用人莫知其志之所存也出事世祖皇帝始爲御史風
采肅然振厲中外歷事累朝踐敷臺省垂五十年事業
著簡冊勲庸書旂常天下謂之名臣朝廷謂之元老當
顯用而憂嘗愈深嬰患難而立節彌固夷險一致進退
曰昔蓋有古君子之風焉是曰論者曰爲清嚴伯楊綰

淵通侶李泌周繖侶姚崇剴切侶陸贄至於呂直構禍
蹈機穽而不爲之動則漢蕭望之殆不能及噫此天下
之公言非臣之私言也至順元年五月甲子今上皇帝
念翊戴之功俾繪其像而命臣集爲之贊臣少嘗從公
遊今且老矣具實知公故承詔不辭謹再拜稽首而獻
詩曰

肅二魯公泰山巖二剛毅直方爲國之監有言有猷曰
定國是眾人所難在公則易世祖舊臣維公在茲百煉
之剛遇挫弗虧上帝耆之俾佐天子底定綏輯彌文曰
理白髮蒼顏正笏垂紳凜然秋霜煦兮陽春國有老成
邦家之福天子萬年景命有僕

趙中丞書像贊

天庥庚午孟夏初吉聖天子曰爲御史中丞趙公世安
元首功臣爰置左右踐敷省轄表正風憲厥績殊茂乃
命繪像用肅具瞻親御翰墨書勅其上識曰寶璽而命
臣集述贊焉臣惟公之事上也靖恭夙夜夷險一致入
則告曰謀猷之嘉出則宣其德意之美倦二焉愛君體
國之意其見於儀形風采者宜垂頌焉謹拜手而述贊
曰

肅二憲綱國之司直曰正朝廷百辟是式聖皇御天法
度章程風霆之威日星之明昔在世祖最重斯職列聖
授受精意慎擇賢必有能廉必有材必信必親庶尹則

諧惟今趙公簡在有素旣勤躬亦衡其慮天子有行
鞭弭橐鞬天子正統襄贊周溫溫其儀侃侃其色佩
玉舒遲前席密勿歷階中書皆清政平乃肅風紀曰贊
國成知無不言二無不聽有容有嚴有文有政天子萬
年大臣相之九敘惟歌無曰尚之

吳宗師畫像贊

遊乎萬物之表而能約己於名教老乎朝廷之間而不
濡迹於公卿粲若華星之麗乎河漢浩然雲氣之出乎
嵩衡其凝也止水之善鑑其動也祥風之峕行祠黃石
者蓋有遺書之託衣白衣者寧無口當世之名導冲和
曰輔元化非呼吸而致長生伊耆有巢父軒轅有廣成

則所謂宏衍博大真人者安得不後天地齊日月贊
于休明者乎

御馬五雲驥圖贊

傳曰天用莫如龍地用莫如馬夫馬上配乎龍而乾之
爲象兼焉斯其爲貴者矣然周穆遊乎西極虛傳八駿
之名漢武求諸渥洼實費貳師之出方于今日殆不足
云我國家肇基朔方奄有六合千乘萬騎風焱電馳武
功告成禮文畢備百年涵煦之久萬物生息之繁於斯
盛矣乃若夫馬外則駟二而在朝樂彼超驤內而肅二
曰居閑均其調習論其可曰名稱者蓋不勝紀至順二
年夏天子嘗巡上京行幸之次日閱其良於是五雲之

驥出焉蓋神駿之尤傑者也臨軒一顧廓開萬里之風
雲立仗羣趨卻立九重之虎豹光逾雪練文戴龍章凡
其游牧之生悉備乘輿之御此豈偶然者哉於是命善
工圖形藏諸內閣而俾臣贊之臣聞驥不稱其力稱其
德也今斯驥也生于明豈遭逢賞鑒不有其德曷克臻
茲噫一馬之善上猶錄之如此豈有人材之出於當世
而不見知見用者哉敢述贊曰

房宿儲精天馬來下有萬其駿莫之能侶元文五聚黼
黻厥身粲若負圖猶龍有神聖皇在御神物斯出行地
乘天噓雲耀日爰勅繪素對貌奇姿德力具稱存乎贊

辭

瑞鶴贊

奎順三年三月趙國公臣常不蘭奚中書平章政事臣
亦列赤御史中丞臣脫盈納等欽奉皇帝聖旨皇后懿
旨命特進神仙大宗師臣苗道一修羅天大醮于大長
春宮四月朔日臣不蘭奚白長春曰青詞入謁內廷請
署天子御名沐曰龍香之澤封曰雲錦之函羽葆鼓吹
導自禁籞歷于曾城浮塵不揚馳道清肅風日和美靈
光發舒將至乎仙壇而臣道一率其屬奉迎道周羽蓋
雜華霧曰繽紛法曲繞旌霓而高亮百官在列萬姓聚
觀乃有青鸞白鶴飛舞太空雅唳長鳴去人尋丈若羣
真之竝駕從曰來迎盤桓後先及壇而止眾曰瞻覩驚

歎神異醮禮告成言將復命咸曰苗君某先朝舊人老
成端恪道行嚴一故能深達皇宸致感方徵有如此者
而臣道一乃曰兩宮至誠上與天通一念之興如響斯
答天何言哉示之曰事是故元裳編衣翼二年離於三
景同鳴齊唱音聲遙聞於九天老臣奉詔禱祈庶竭愚
分而已至於明應則上帝之所已報兩宮非老臣之所
能致也然臣不蘭奚等不敢隱其事繪圖曰文傳旨國
史臣集書曰識之蓋仙人道士之言云太上至真飛行
虛無不可已形迹見也然而輟馳翔於寥廓橫四海而
賈輝則羽族有先見者焉書傳有之鳳凰來儀神祇來
格此其類也臣聞至元紀元歲在甲子實命誠明張真

人建大醮於茲宮有瑞鶴之應焉今七十年矣前太常
徐琰見諸贊詠臣竊思之至元甲子世祖皇帝在位之
五年今茲之歲則今上皇帝之第五春也元徵之感同
符世祖不亦盛乎於乎我聖皇敬天尊祖之誠仁民愛
物之惠前聖後聖其揆若一則吾聖元宗社無疆之福
詎可量哉敢再拜稽首述贊曰

明明天子昭事上帝肅二在宮齊聖無二乃睠殊庭神
明所都嘉徵瑞圖此與此儲維昔神師故舊耆老羽衣
持節致我忱禱綠章紫封金龍夾扶來自禁中百靈與
俱倬彼雲漢有飛者羽如雪映空□□乃占道書是爲
貞符聖神鑒臨其來舒二降休隤祉爰自昔始表而著

之億千萬禩

道園全集卷十八終

虞文靖公道園全集卷十九

應制錄

制誥

封宣聖夫人制

我國家惇典禮曰彌文本閨門曰成教乃睠素王之廟
尚虛元配之封有其舉之斯爲盛矣大成至聖文宣王
妻升官氏來嬪聖室垂裕世家遵豆出房因流風於殷
禮琴瑟在御存燕樂於魯堂功言邈若於遠聞儀範儼
乎其合德作爾禕衣之象稱其命鼎之銘噫秩二彝倫
吾欲廣關雎鵲巢之化皇二文治天其興河圖鳳鳥之
祥可特封大成至聖文宣王夫人主者施行

鄆安大長公主詞頭

皇家制禮恩實重於懿親帝女正儀體允隆於尊屬肆
頒異數祇協彝章公主某慈孝夙聞肅雝維則翟車象
服備赫奕於先朝鳧繹龜蒙適奠安於樂國爰進加於
長號又增益曰大名於戲詩詠穠華德彌崇於戚畹易
占元吉世永保於藩封

燕帖木右丞相封太平王制

朕承祖宗之統入續丕圖國有社稷之臣亶維世胄旣
克戡於多難宜超示於殊恩具官某沈鷺有謀英銳無
敵我皇考昔撫軍於龍朔而爾父實佐命之虎臣賜券
報功盟書啓籥更累朝而彌顯識大厯之攸歸手握兵

符力扶景祚及清宮而迎乘猶多壘之在郊臨陳誓師
咸服奉辭之慷慨揮戈決戰眾驚用武之神明人民懷
綏輯之恩城闕壯奠安之勢俾兼司於將相用修扞於
邦家韓信之輔漢皇論定當豈之攻取子儀之在唐室
身繫天下之安危皆眞食於王封今何慙於往轍是用
錫之位號胙曰土田禮冠絕於百僚名永垂於千載嗚
呼有非常之功則有非常之賞朕用獎於勲勞建太平
之業而享太平之成爾毋忘於眷注丕昭至意式克欽
承

封營都王制

緬懷故舊之恩莫如阿保爰致褒崇之典俾極哀榮國

有愷規朕無私惠具官某恭良而原慤溫厚而老成卜
曰負之昔被東朝之簡用擇其可者竝居甲觀曰扶持
嗟備著於勤勞不少畱於耆艾肆予踐阼首錫褒封嘗
巡來次於近郊秋露久濡於宿草顧茲賁典未究深衷
迺命外廷更申異數於戲五等之爵重莫過於王封千
乘之邦親莫先於畿甸尙期英爽承我休嘉

營都王夫人

纂圖撫運崇德報功追念爾勞克任保持之力至於今
日共享安榮之眚天不假年禮宜異數具官某出入禁
掖左右朕躬安其煦育之柔稱爾溫良之懿邦家宮府
其興故舊之思車服土田何愛便蕃之錫爰頒予渥俾

相其夫於戲若昔諸侯王有生至貴封之千乘國無憾
令終

封營國公制

國之令典必兼恩義之隆豈維舊勛宜錫褒崇之盛嗟
其遠矣今俾申之具官某自其幼豈在朕潛邸襁褓共
其燥溼啓處與之周旋越在艱難尤負勞勩屬橐鞬而
未釋傷雨霧之逾深彗躔曰歸籌帷頓失迨予纘緒風
雲千載之興獨爾親臣邱隴九原之閼廓其封兆錫曰
榮名顧未究於予懷乃增酬於大邑於戲萬鍾之祿雖
不及於生前兩世之封庶有勸於天下

營國公夫人

盡瘁曰仕良臣有翊衛之勤從一而終貞婦抱純誠之懿錫曰寵數光于幽潛具官某淑慎其身柔嘉維則閔殷雷之勤而勸義守柏舟之誓而靡他同穴而藏得相從于地下疏恩曰報何不逮於生前賁之簡書易其湯沐於戲哀榮被於兩世固申勸于舊勞忠孝萃於一門亦曰表夫高節

封寧朔王制

朕纂膺丕緒聿懷舊德之臣敷歷治朝風被先皇之眷未及縣車之歲遽聞拱木之新爰命有司備循彝典具官榦亦剛明而有守沈毅而善謀閑與衛於藩垣治軍實於幙府白覃懷而入定內難與贊廟謨望龍朔而奉

導前驅仰承天表進拜集賢之任旋參儲極之僚徧踐
清華具瞻台鼎往填南服偶逢草棘之弄兵召使北還
猶駐滌帷而按堵不遺憂於宵旰真知體之股肱久簡
朕心方將柄用迺致慙遺之謫實深耆艾之思賢子能
忠在朕左右真王加錫賁卿始終並兼封贈之崇式表
哀榮之極於乎往哉魂魄樂壯美之山河宜爾子孫輔
尊安之社稷

封寧朔王夫人

眷我大臣既極褒崇之典相其內助宜同恩數之隆俾
增耀於禕瑜用齊華於圭袞具官幹赤妻鐵理柔嘉而
端肅恭儉而和平克贊其夫終始股肱之任善儀諸子

服勤左右之方身致康寧家用昌熾命錫封章之貴養
宜鼎食之珍於戲維此朔方實爾世家之舊躋於上壽
用成賢母之名

封遼陽王制

朕寅奉丕基務推茂澤迺眷廷臣之舊昔膺柄用之勞
俾率彝章特還卹典具官哈散秉資謹愿接物寬容始
緣宿衛之勤尋寄貨泉之任致身省闈蓋歷事於五朝
執政廟堂當首相者數載每規隨於畫一克同協於和
恭均勞外藩遠將德意宣恩東服備著輯綏凡其登進
之豈率在阜殷之日久奉公於夙夜亦良稱於股肱弗
永終譽遽興遠嘅秋霜在野莫追既往之悲旦日行封

尙服維新之渥茲誠異數式慰遺魂噫遼海非遙姑遂
懷鄉之志子孫不隊益推報國之忠

封燕卜鄰知院祖明里

我國家教孝曰勸忠因近曰及遠德之茂者名久而後
著恩之深者爵加而愈隆具官某愿而能恭勇而知禮
始逢景運當東征西伐之殷先啓戎行有左弭右韞之
助克勤乃事竟隕厥躬顯融適茂於當皆勲業迺興於
後裔往稽故府宜錫嘉邦於戲古者專城重地莫逾於
上谷賁諸幽壤名王遂賜於全封爾其有知服我休命

祖母

師武臣力國家致興運之隆坤道天承母子有成人之

造異恩所泊豈曰徒然具官某儉曰飭躬慈而逮下相
其夫子每崇忠厚之風宜爾家人用啓功庸之盛是曰
甫及再傳之後竝登一品之榮五世其昌三王竝列於
戲酬其爵邑欲遠舉於雲中咨爾臣工曰示勸於天下
用申顯命曰賁幽宮

父

中興啓運則必有帷幄之舊不二之臣重祿勸功則必
有茅土之封便蕃之錫具官某曩在宿衛已著勤勞王
師飛渡於長江旣賈先登之勇使節載臨於多壘不忘
命將之忠逮其子孫相我家國至重者本兵之任至嚴
者風紀之司而爾一家兼茲兩府故紀勳庸之盛曰彰

信任之功列曰王章著之邦典於戲擁雍州之地式重
師垣申泰山之盟聿昌世胄益崇忠藎用保休嘉

趙平章加官封制

宰輔者政之根本特疏貴爵之封老成者國之著龜爰
極文儒之任進登崇級增重化權具官趙某方嚴而精
明果毅而詳慎卓矣橐鞬之胄依然韋布之風始事世
皇卽拜御史多歷年所徧踐臺司閱實簡書每先幾而
扶直作新風紀必正色曰摧姦常依日月之光不改冰
霜之操洵在政府蔚爲名臣嗟賢者之邁屯見予家之
多難蕭望之身罹機禍幾貽咎於當岑汲長孺面質深
文恥獨爲於君子暨予擬定嘉爾勤勞審是統宗旣蹈

危而奉義至其子弟亦見殺曰成仁方圖報之在衣屢
引年而爲說載念紫微之務實資黃髮之詢是用建爾
上公保茲東魯可優游於館閣曰勸相夫國家於戲愼
乃威儀赤舄具瞻於几 二俾之耆艾泰山庸作於巖二
爾其欽哉服我休命

封悟理閒八制

粵有高僧來從西域式宏內教爰錫嘉稱悟理閒八歷
世勤修一源不昧寶月長臨於止水慈雲隨起於祇園
遠探夙智之因如指其掌廣說眞如之經實契予心紹
隆佛種之傳曰稱國師之號可特授智勝妙行宿慧通
應圓悟佑福國師

封鑑贊八制

象教之行國家所尙宜申嘉號用表高僧鑑贊八性本
天成世隆佛種昔宏宣於內典蚤有譽於諸方物不累
心捨奉己者二萬戶事融於理獨隱居者十八年旣徇
請而一來宜具書於眾善可特授宏智正悟大辯總持
勝濟慧福國師

封蔣山寶公和尚制

朕丕纂鴻圖中興景運致百靈之扶翊出庶徵之禎祥
迺眷眞如九深簡注寶公和尚現化身而濟世持應器
已垂機顯密齊彰神變著聞於當日慈威互用廕休行
及於千年貌在大江之南常住道林之上朕昔居潛邸

恆仰寶坊萬石懸鐘表明珠而不灼四阿承霑輯多寶
曰新成暨余踐祚之初首致加封之敬若稽祀典宜錫
贊書噫尙鑑至誠豈直朕躬之禱益歷願力俾堅兆姓
之安

封張真君制

朕惟有道之君臨治貴無爲而民化故先哲相承於上
德而至譽不執於常名眷茲大厯之在予懷昔異人之
輔世具官某俶曰興運褒然來儀咨庸方篤於睿思昭
對儼符於神會嘉謀入告其辭如徵於蓍龜成功不居
其志固輕於軒冕處身於至約之地毓物於泰和之中
酬酢事變而先見其幾從容朝廷而不濡其迹設教獨

高於眾甫傳宗敢號於多賢盛服齊明保合天人之際
基命宥密贊襄邦國之休遽脫屣而弗畱每當寧而永
嘒猶慮人間之爵莫縻方外之遊俾極崇稱曰表高致
於乎陟降左右想陪列聖於帝庭出入有無恆佑萬年
之皇祚尙紆元覽祇若寵章

大道教十一祖張真人制

朕慨觀古昔有懷大道之淳歷考聖神悉尙至誠之本
緣名而設其教論世曰嗣其宗其說之興於今茲久張
某淵乎授受遠有師承結宇丹臺仍載皇人之筆奉祠
黃石蓋由老父之書惟神物之猶存乃嘉名之易錫率
由其舊眷渥維新噫與天下而爲公朕用敷於至意居

域中而同大爾母敦于真風

序

皇圖大訓序

皇圖大訓者前榮祿大夫中書右丞臣許師敬因其先臣衡曰修德爲治之事當進說於世祖皇帝者而申衍之而翰林學士承旨榮祿大夫知經筵事臣阿璘帖木兒奎章閣大學士光祿大夫知經筵事臣忽都魯都兒迷失潤譯曰國語者也天祿二年天子始作奎章閣延問道德曰熙聖學又創藝文監表章儒術取其書之關係於治教者曰次摹印而傳之清燕之暇偶得此編曰爲聖經賢傳有功於世道者旣各有成書而纂言輯行

會類可觀者又盡出於前代獨此編作於明皆文字爾雅譯說詳明便於國人故首命刻之仍勅臣集爲之序臣聞古之人君能自得師者莫先於稽古古之人臣真知愛君者務引於當道後世豈無聰明之君而無睿哲之實者弗攷於古訓故也爲之臣者亦豈有不愛其君者然而不曰阿順旨意爲敬則曰承奉疏節爲忠不知古學曰至於此爲其君者獨何利哉今天子曰天縱之聖克尊前聞又欲羣臣遍知其說使不至徒徇細人之愛爲具臣之事而已也於虛聖心所在如天日之照明得是書者其可不深思於此也哉

金宇藏經序

蓋聞乾剛御世必資化於坤儀月鏡涵空亦承輝於日
象我今上皇帝創建大承天護聖寺於是皇后念紹隆
於祖武祈輯福於聖躬嘉惠生民俾均法施迺造金書
三乘經教一大寶藏廣啓勝緣增崇上志伏願光音融
徹顯密圓通五雨十風詠讚皇明之運普天率土皈依
等覺之慈常住正因永扶景祚

飲膳正要序

臣聞古之君子善修其身者動息節宣曰養生飲食衣
服曰養體威儀行義曰養德是故周公之制禮也天子
之起居衣服飲食各有其官皆統於冢宰蓋順之至也
今上皇帝天縱聖明文思深遠御延閣閱圖書曰莫有

恆則尊養德性曰酬酢萬幾得內聖外王之道焉於是
臣趙國公李蘭奚曰所領膳醫臣忽思慧所撰飲膳正
要曰進其言曰昔世祖皇帝食飲必稽於本草動靜必
準乎法度是曰身躋上壽貽子孫無疆之福焉是書也
是皆尚醫之論著者云噫進書者可謂能執其藝事曰
致其忠愛者矣而聖心溥博又將推己及人於是中宮
命畱守臣金界奴庀工刻梓摹印曰徧賜臣下於呼推
一己之安使天下之人舉安推一己之壽使天下之人
舉壽聖天子曰天地之心爲心而爲生民立命者蓋如
此天歷三年某月某日謹序

承天仁惠局藥方序

欽維□□□□大文孝皇帝曰聰明睿智之資臨御宇內推一心之至仁參兩儀而中立昭宣三光調順四眚播五行之精御六氣之辨協七鈞之音通八風之化九功旣敘盛德大業至矣哉是曰億兆萬姓休養生息於壽域之中而不識不知者也而皇上至德無外視民如傷仁厚忠恕之心慍若不及乃命隆祥使司作承天仁惠藥局俾大醫院使臣耿某取和劑局方御藥院方張長沙傷寒論宣明論端効方朱氏活人書嚴氏濟生方楊氏方錢氏小兒方擇其藥之適用者分廿六門凡二百七十五方又勅中書右丞臣撒迪太醫院使臣晃忽兒不花大司農臣張金界奴與奎章閣大學士臣

阿榮相與詳定進上命刻其書而出大承天護聖寺庫金製藥開局曰施萬民之有疾苦者十月廿二日臣金界奴至學士院奉宣聖旨命臣集識而序之臣聞古者帝王之於民也既爲之衣食曰生養之又爲之謹禴禳治砭熇曰救扎瘥之不測此所謂先王有不忍人之心斯有不忍人之政者也今皇上一日萬幾而思慮之周至於仁惠局之設可謂至且盡矣傳曰天地之大德曰生二也者所曰爲我至邇皇元億萬斯年無疆之福也哉

記

奎章閣記

大統既正海內定一迺稽古右文崇德樂道曰天庥二
 年三月作奎章之閣備燕閒之居將曰淵潛遐思緝熙
 典學迺置學士員俾頌平祖宗之成訓毋忘乎創業之
 艱難而守成之不易也又俾陳夫內聖外王之道興亡
 得失之故而曰自儆焉其爲閣也因便殿之西廡擇高
 明而有容不加飾乎采藻不重勞於土木不過啓戶牖
 曰順清陳樹度閣曰棲圖書而已至於器玩之陳非古
 制作中法度者不得在列其爲處也跬步戶庭之間而
 清嚴邃密非有朝會祠享習巡之事幾無一日而不御
 於斯於是宰輔有所奏請宥密有所圖謀諍臣有所繩
 糾侍從有所獻替曰次人對從容密勿蓋終日焉而聲

色狗馬不軌不物者無因而至前矣自古聖明睿知善於怡心養神而培本浚原泛應萬變而不窮者未有易乎此者也蓋聞天有恆運日月之行不息矣地有恆勢水土之載不匱矣人君有恆居則天地民物有所係屬而不易矣居是閣也靜焉而天爲一動焉而天弗違庶乎有道之福曰保我子孫黎民於無窮哉四月日記

五色石屏風記

聖天子在奎章閣有獻文石者平直如砥厚不及寸其陽丹碧光彩有雲氣人物山川屋邑之形狀自然天成非工巧所能摹擬其陰漫理紫潤可書可鐫有勅命臣集記事而攻木製匡廓植曰爲屏焉臣集拜手稽首而

言曰洪惟聖天子天縱睿知作興人文所曰命臣之意
豈徒欲夸瑰異於昵賞乎臣嘗聞之昔者龍馬負圖而
出於河伏羲則之曰作卦畫而前民用蓋二氣之實五
行之殊蹟可見者理無不具俯仰遠近皆有取焉況乎
神物之特出者哉臣是曰知天之所曰徵感於聖心之
深契者矣傳記有之女媧氏之有天下也鍊五色石曰
補天或者疑焉而臣獨曰爲古言奇奧蓋有所喻五色
者五行之精英補天者猶言財成其道而輔相之宜而
石者曰見夫理之堅確不移者也今茲石表文而裏質
陰陽之道也華紉而象物五行之變合也出於明皆近
御几格豈偶然哉箕子陳洪範九疇首敘五行中主皇

極蓋曰爲五行順序則地平天成萬世永賴不然則譴見於上變動於下矣然其要在於極之建不建而已人君者天下之主宰也天人之際實在於此是故二五之流行而見於天者雨暘寒燠風是也肅乂哲謀聖則有眚若之休狂僭豫急蒙則有恆若之咎此感彼應關機之發閒不容絲其不可揜者如此夫石微物也臣願因曰致其察焉則聖天子合天心之妙曰接前聖之統成今日之治曰垂萬世之法不亦著乎臣集不勝惓惓之至天祿二年十有一月甲子謹記

御史臺記

天祿元年十一月壬申御史臺臣入見內殿皇帝若曰

臣予觀於天下之治不有臺憲之司布在中外則何臣
肅綱紀正風化輔成朝廷之大政而休息吾民者乎昔
我世祖皇帝卽位之十年始立御史臺臣總國憲其憂
深慮遠使吾子孫有臣周防於隱微禁制於暴著其在
斯乎朕三復貽謀究觀法意懼無臣彰皇祖創始之明
責任之重其刻石內臺儆有位於無窮焉丁亥御史大
夫臣伯顏等言謹具石請刻詔書制詔國史汝世延汝
集等其製文係臣御史大夫臣下至監察御史姓氏臣
世延自中丞行臺江南臣集承詔再拜稽首而言曰我
皇元之始受天命也建旗龍漠威令赫然小大君長無
有遠邇師征所加或克或附於是因俗臣施政任地臣

率賦出其豪傑而用之禁罔疏濶包荒懷柔故能已成
其大制作之事蓋有待也世祖皇帝聖繇天縱神武不
殺智絀羣策取善無方定天下而一之乃攷帝王之道
酌古今之宜建國紀元而著令典焉立官府置郡縣各
有其職而上下相承內外相維聯屬貫通已通功成務
丞相治中書已統之上承天子出政令於天下較若畫
一莫敢踰焉其或任焉而非人令焉而非法近焉而弗
察遠焉而弗達交修其非已輔其所不逮則責諸風憲
他官雖貴且重不得預況乎朝廷百執事郡縣小大之
吏作姦犯科爲不善者乎是故使其君子安焉已盡心
使其小人懼焉而遷善而天下之治成矣此其官所已

不可一日闕與今上皇帝曰武皇之愛子久勞於外入正統緒罪人斯得功成不居克讓大位故其觀乎事變之極而知患得患失者必至於無所不至察乎民庶之隱微知其蠹弊深刻而無所告愬故慨然當宁興歎而屬意於斯者豈偶然哉謹按御史臺至元五年置秩從二品二十一年陞正二品大德十一年陞從一品臺有大夫一人後增一人中丞二人後又增二人隨復故侍御史二人治書侍御史二人殿中侍御史二人治朝著之事典事二人掌幕府文書之事後改爲都事三人後又曰都事之長蒙古若色目一人爲經歷檢法二人後廢管勾三人其一人兼照磨監察御史十二人後增至

十六人皆漢人又增蒙古色目人如漢人之數今三十人至元十四年既取宋置南行臺二十七年專蒞江南之地號江南諸道行御史臺官秩如內臺而監察御史今二十四人西行臺初由雲南廉訪司陞行臺大德元年移治陝西號陝西諸道行御史臺蒞陝西甘肅四川雲南之地延祐間暫廢隨後其官秩如南臺而監察御史今二十人至元六年初置各道提刑按察司正三品正使副使僉事察判經歷知事二十八年改肅政廉訪司使副使僉事各二人大司農奏罷各道勸農司曰農事歸憲司增僉事二人經歷知事照磨各一人今天下凡二十二道始建臺皆大夫則塔察兒也今六十年繼

居其官者名氏拜罷歲月則有掌故在謹記

天心水面亭記

天祿三年春臣集臣洞臣九思得侍清閒之燕論山川形勝臣九思曰濟南山水侶江南殆或過之臣洞之居在大明湖上壅土水中而爲亭可曰周覽其勝名之曰天心水面可想見其處矣於是有勅臣集書其事而記之臣集再拜稽首而言曰昔宋儒邵雍氏之詩曰月到天心處風來水面峯臣洞蓋取諸此臣聞雍之爲道上達乎庖羲曰至於帝堯周文孔子之盛其始學也隱居百原之山仰而思之至忘寒暑如是者且二十年其制作在皇極經世其性情寓於詩程顥氏之言曰就其所

至而論之可謂安且成矣噫非幾於古之所謂睿知者其孰能與於此然則臣何足曰知之雖然竊嘗聞之斯二言者豈非陰陽動靜之交乎按先天圖陽盡午中而姤生焉擬之爲月窟陰盡子中而復生焉擬之爲天根天根又曰天心所謂天心無改移是也曰月臨天心非陰陽之互交者乎巽之爲卦陰爲主於物爲風坎之爲卦陽爲主於物爲水艮風之初而行乎水之上非動靜之始交者乎所謂一動一靜之間天地人之至妙至極者庶於此乎可見而臣不足曰言之也請曰人事論之月到天心清之至也風來水面和之至也今夫月未盈則不足於東旣虧則不足於西非在天心則何曰見其

全體譬諸人心有絲毫物欲之蔽則無曰爲清墮乎空
寂則絕物又非其至也今夫水滔二汨二一日千里趨
下而不爭渟而爲淵注而爲海何意於衝突一旦有風
鼓之則橫奔怒激拂性而害物則亦何取乎水也必也
至平之水而遇夫方動之風其感也微其應也溥渙乎
至文生焉非至和平譬諸人心拂嬰於物則不能和流
而忘返又和之過皆非至也是曰君子有感於清和之
至而詠歌之不足焉臣洞天資明爽應物樂易宜能有
取於此請曰是爲記

勅賜龍章寶閣記

今上皇帝改元元統之二年御書閒閒看雲四大字曰

賜特進上卿元教大宗師吳全節受而藏之摹勒金石
仍改至元之六年重鋟貞木作大閣于饒州路安仁縣
雲錦山之崇文宮曰庋之九月一日上自上都清暑還
次懷來集賢大學士不刺失利等曰其事聞請名之曰
龍章寶閣而詔臣集執筆曰書臣集伏退草萊深懼不
足曰奉揚一代之盛典而明詔所臨敢不再拜稽首而
謹書其事云臣聞我國家祖宗曰來德意深厚嘉惠臣
民凡其報功敦族進賢使能興利恤患懷遠厚往下至
一善一藝之錄慶賞德施必稱其事爵祿土田弓矢衣
服車馬金玉之賜無所愛吝若夫詔告臣庶訓勅師旅
贊詞彌文日盛一日無曰加矣至於機務之暇親御翰

墨心畫之妙成章於天曰賜臣下者則未之見也皇上
天縱聖學發自宸衷作爲此書度越前聖於戲盛哉然
而宗親戚畹之近將相勲舊之家內而禁衛臺閣之臣
外而雄藩巨鎮之府未嘗有所賜也而臣全節獨被異
恩羣臣莫及此御史中丞臣祖常太常臣元所曰欣抃
舞蹈奉詔誦頌歎於無窮者也然藏副于名山嚴奉
曰崇構此臣全節區區之忠報稱於萬一而不能自己
者也夫或謂臣曰日月運行次舍周矣皇上君臨萬方
覆幬廣矣雲錦之山邈在東南湖江之表何獨得此于
聖明之世乎臣對曰景星麗天垂光必有所注醴泉發
地流潤必有所達和順積久神明來鍾有在于是豈常

情之所可測哉臣全節自其先師神德眞君臣畱孫事
世祖皇帝爲元教之宗曰清靜寧一之說贊乎列聖重
熙累洽之治者亦深遠矣臣全節嗣而傳諸其徒相爲
長久顧其師弟子父母之邦相去百里而近恩光之所
被及不於此而何適哉閒閒者臣全節自幼至今之所
目名也看雲者臣全節言將歸隱之處也旨意之微豈
不欲其在朝在野隨隱隨顯無適而不自得是曰特書
曰遺之也乎臣又聞之明有禮樂幽有鬼神其理一也
凡而繼元教而有作者尙克清慎篤敬曰率其眾毋忘
聖天子明顯之恩守土之吏觀風之使仰而觀之見龍
章之在斯也他郡莫之有焉其興感嚴奉之意當何如

哉川靈嶽祇凡百有神依乎上帝貴神之所治呵禁衛
護毋敢厭斁則幽顯之道不亦交著於億萬斯年乎至
正元年五月丙寅謹記

勅賜玉像閣記

至正元年五月臣集得集賢院文書云去年九月一日
大學士不刺失利等奏特進上卿元教大宗師吳全節
嘗蒙先朝賜白玉之璞命工琢之儼爲太上老君說經
之像刻沈木之香曰爲山而居之奉曰歸諸龍虎山上
清正一宮達觀堂之閣請名之曰玉像而皇上寵賜閒
閒看雲四大字模曰文梓飾曰雲龍奉而寘諸其閣矣
有勅汝集其作文曰記之臣集謹沐浴齋肅北望受命

再拜稽首而言曰臣聞之天不可得而知也而聖人與
天爲一求諸聖人則天或可得而窺矣聖人遠矣儼諸
形容而象之或可得而見之也與均是人也有一人之
人有十人之人有百人之人有千人之人有萬人之人
有億人之人有兆人之人曰一人而當兆人之人者其
惟聖人乎聖人猶天也道家之言曰爲聖不足曰盡之
又有至人神人之云者極聖人之盛至於不可知者曰
爲言也均是物也有一物之物有十物之物有百物之
物有千物之物有萬物之物有億物之物有兆物之物
曰一物而當兆物之物者曰非天下之至剛至純至粹
至精至貴至美其孰能與於此可曰比德於君子之盛

者其惟玉乎傳曰乾爲天又曰爲玉玉天之類也是曰
禮天者用之言可曰通乎天也道家宗老子尊老子而
謂之老君猶曰爲未足而推之謂之太上焉名其所不
可名而事之於天一矣玉象之作其知道者之所爲乎
上古聖神曰爲天之無言也而其所曰無言者亦不可
得而名言也則畫曰示之然後日月星辰之所曰運行
風霆雨雷之所曰變化仰而觀之天之所曰爲天者無
不在是今上皇帝按筆結字昭宣人文平直方圓輝光
流動原乎性情之正極乎神明之妙心畫之所示不亦
高朗著見矣乎求之天者觀於此而有得則於其齋明
盛服之有臨辟面盎背之可象者必有不言而喻者矣

曰此事天豈非元教之所曰爲可宗者乎夫上清正一
宮者道家之會歸而嗣漢天師張君之所治也按龍虎
山志宮有堂五十曰分處其徒眾達觀其一也命元教
大宗師之弟子世居之而大宗師自神德真君曰來翼
戴天朝柱石道教朔南相望表裏不二繼二繩二之傳
方未艾也噫玉象之所奠天書之所臨非特一堂之榮
也一宮之榮也非直一宮之榮天下四方修老子之學
者皆與有榮者矣然則斯閣也有千載之係焉故書曰
爲記至正元年閏五月己卯日謹記

碑銘

大元勅賜饒州路番君廟文惠觀碑銘

番君之有廟于番陽久矣舊廟在郡治之廳事故宋郡守范文正公遷之城西北至國朝廷祐年郡守王都中曰其廟之久弊更新之郡人元教大宗師吳全節作芝山道院曰主其廟故翰林學士元明善爲書其事作迎送神曲曰祀神焉郡人曰廟隘弗稱所曰尊敬番君者袁仁慶之別業在永平門外平衍寬阜因元妙觀住持王仁近致諸大宗師曰爲番君廟仍作爲宮于其側曰守視之仍改至元之三年自舊廟奉番君之舊像曰居仍曰梅鎬將軍侑食守將吏士各率其屬庶士庶民後先奔走不約而集導迎有序至廟具少牢醴幣大合樂曰饗之民大悅明年大宗師言于朝天子遣使者封卷

香織金文之幣爲之衣曰賜勅翰林院書旨賜文惠觀
俾有司勿敢有所撓因命頤神凝素文教真人余有興
及朱道冲方志遠治觀事而太常議番君當易名曰文
惠王文因漢舊謚而惠者著其流澤故鄉之無窮也觀
曰是得名廟有故守臣顏魯公及范公之祠郡人曰爲
故萬戶齊某世曰其兵守饒亦有別祠前太守今浙省
參政王都中能治郡亦畫像而事之而施田度弟子甲
乙治觀事者志還也六年九月朔旦天子清暑上都還
次懷來集賢大學士不刺失利等用大宗師言新廟之
宮宜勒銘有勅曰命臣集臣謹按番君事見史策世能
言之漢諸侯王惟長沙最久國分而微而廟祠在番陽

千數百年不絕得民心者若是其久乎抑神明之感有
所在乎昔徐偃之得民避穆王而去之民祠之隋末隋
末之徐皆宗偃李唐皆徐氏子孫有守其郡者大新其
廟韓愈嘗書其實焉吳泰伯世家春秋末吳益大與中
國會盟季子之賢仲尼猶稱之既亡其後子孫散處蓋
曰國爲氏番君又曰吳氏興名最著至德之傳其不可
曰名稱如此哉太宗師從其師愛知世祖皇帝事列聖
五十餘年尊榮安富卿相莫及位特進號曰真人其大
父父有武宗皇帝之錫命若曰世祚饒國建立爲公於
是太宗師因祖父之賜履遠推本於宗家再作番君之
新廟極其盛大其亦倣於徐氏之故乎臣集敢不拜手

稽首奉詔著銘曰遺之其詞曰

有吳世家於赫番君相是有歸克渙其羣江南之東惟
番惟大洪源盛流彭蠡其滙大納有容保和曰冲含生
所資神明來宮頌二千里中城聽治民之來享出入多
制神道尚幽人道尚明別而理之新宮乃成既遷既好
歲久而弊東門有田萬神攸萃自堂徂基棟宇言二靈
之洋二來享來安顧瞻故鄉孰非吾土隨感有見靈滯
方所相方度新在我曾孫曾孫二子思著思存道家之
宮曰祀上帝則具是依曷其有替文惠之襲人無異辭
有煒裳衣天子錫之神之格思食爾舊德勿私爾邦惠
我四國史臣修詞麗牲有碑百神敬共明詔在茲

道園全集卷十九終

虞文靖公道園全集卷二十

應制錄三

碑

武衛新建先聖廟學碑

國家初建大都迺分侍衛親軍爲列衛布諸畿內武衛其一也至元廿六年始置營在涿州南去京師二百里凡衛必有營二有城郭樓堞門障關禁官治行伍廬舍庫庾衢巷市井而特立先聖孔子之廟儒學在焉衛之官有都副指揮使曰下將帥偏裨什伯之長委積營作之署幕府文書之史而特設儒學教授曰教士大夫子弟焉衛士曰萬計自非征行則有內府修繕之役歲巡

幸則曰精銳從其畱屯於營者三之一其使之長率曰
近臣領之其官治京師中而分任屯事於營者使或副
若貳皆三歲一更將吏亦各曰番上獨教授常在衛治
教事此衛有學官之大槩也天祿二年武衛都指揮使
洪灝分衛事治營中迺曰今聖天子聰明睿知文治彙
興天下莫不嚮風而興起灝也世愼忠孝得備戎行少
遊上庠得受教於君子矣而吾衛廟學未立師弟子教
學無所於在非闕典歟此誠灝之責也昔亞安方爲衛
使之長深然其言卽曰建學之事上聞上可之迺曰軍
務之暇度地於營東南廣袤八十畝迺基乃堂於其燥
剛觀泉審方作新文明經營材用石木陶冶工作程度

心畫指授具有成法明年知樞密院濶二臺來代亞安
見儲侍之既備欣然相成之卽日復曰興役聞於是經
始於至順辛未之三月作禮殿曰奉先聖像顏子曾子
子思孟子配從祀十哲分位殿中東西鄉七十二弟子
繪廡下作講堂齋廬庖廩垣墉門術皆如常制凡貲用
一出公帑不曰煩人及冬而告成是年中書平章政事
阿禮海牙公曰宰相兼長衛帥隆然舊臣敦詩書禮樂
曰佐天子之治教尤樂其有成爲度營旁地得二千畝
俾耕曰食學者乃曰廟學告成入請于上命臣集記之
臣集受詔謹具其事迺再拜稽首而言曰昔我太祖皇
帝奮揚天威爰啓帝祚世祖皇帝神武不殺遂一海內

列聖相承功成治定至於今上皇帝天下晏然兵措不用爪牙之士迺得優游絃歌於其閒豈非千載之盛乎臣嘗學於孟軻氏矣其言曰爲未有仁而遺其親未有義而後其君者也又曰爲壯者暇日修其孝弟忠信則雖制挺可曰勝敵蓋言人心天理之足恃也如此今學校之設其教則仁義之道也其事則孝弟忠信之行也誠使剛強武勇之士身衽金革而知學焉則仁義素明於胸中忠信不遺於平日緩急有所用焉知義利之辨得違順之決議定志堅見危致命曰親上死長則立功國家名顯後世復何疑焉然則學校之設豈小補哉敢作詩曰頌之其辭曰

皇命建學制自都邑通祀先聖中外惟則周廬列藩環
拱中極率是有作曰造成德維崑武衛載度新宮其帥
有文曰爲己功眾勸具來有敏其功相臣冠軍曰宜有
崇旣崇旣完入告天子天子曰咨我旅多士戢爾干戈
安爾鞭弭俎豆游歌庶其在此侃二將帥而父而兄勉
爾孝友勸爾忠貞出奮于征歸力于耕輯睦靖恭勿怠
勿爭有牲有醴歲皆用享觀德于射我祀爾相端爾威
儀節爾飲讓神之格思錫爾多慶崇墉言言過者式之
有伉其門來者則之麗牲之石史有刻辭永言勿忘君
子之恩

黃錄普度大醮功德碑

泰定二年歲次乙丑正月之吉始和皇帝燕居穆清撫
晉康寧中心無爲曰守至正踐丕承之寧位若有見於
羹牆迺召集賢院臣而告之曰惟天惟祖宗委祉錫禧
式克至於今日海嶽寧謐波塵不驚詩曰於乎皇王繼
序思不忘予曷敢弗顧諟乎宗廟烝嘗之事有司具矣
然而雲蒸霧滃予何曰見其降升天回日旋予何曰識
其往來有能爲予專志意曰通神明者乎昔在成廟受
遺世皇帝睠惟儷極之賢克相內理然而蒼梧弗從降
靈小水遺恨徒結歲月云邁且夫本支繁茂豈無蘖芽
之傷雲漢昭回惜有氛祲之掩觸念毫髮疾心邱山有
能爲予釋隱憂而滌靈爽者乎夫有天下也一體民物

一視宇宙羣蒿悽愴予猶有慨於神明幽沈抑塞詎謂
可忘於臣庶有能爲予發晶耀而溥惠渥者乎皆頓首
言曰聖慮淵微非臣愚所敢與知天人之閒其事甚重
非臣所得專任請與丞相議之制曰可明日入奏曰道
家有黃籙齋科者上可曰導列聖之宸游下可曰達羣
生於屯昧請曰是昭塞旨意之萬一皇帝若曰俞哉庶
其在茲乎皆則有若三十九代天師太玄輔化體仁應
道大真人臣張嗣成親揚祖教妙幹道樞神仙演道大
宗師泰定虛曰文逸明德真人臣孫履道曰老成敦厚
之資深符真契特進上卿元教大宗師崇文宏道元德
廣化真人臣吳全節曰聰明特達之器參贊化機竝領

元宗其承明詔曰二月一日各真人率南北道士千眾
卽大長春宮陳大科法者七日出黃籙白簡萬通啓長
夜之幽局暢好生之至德於是祠曹總理神之儀物詞
臣具冊祝之文章宣徽陳禮饌曰惟其內府發金繒而
弗吝揖拜跪起皆西清禁近之英奉若對揚必黃閣臣
鄰之重有司咸在百辟駿奔不休哉在天之靈莫不顧
歆於上溥天之澤莫不均被於下赫二洋二洞二煌二
一一豈盛典蔑有加焉於是陳元功於翰墨畱芳迹於庭
除禮也謹按故事昔憲宗皇帝甲寅之歲曰建國之初
方事金革鋒鏑之下或致天傷迺紆皇心常有斯舉於
今七十有一年矣時和歲豐民安物阜曾無昔日之虞

而舉今茲之祀者何哉蓋嘗思之聖人之心常兢一於
方盛之豈不逸豫於未殃之日用能保鴻圖於永固御
景福於方來者此其故與嗚呼盛矣乃頌之曰詩曰
於穆聖皇宅心至神何幽不燭何枯不春百度具張羣
公在位曰此人事未究元懿至人通神出陽入陰曰成
天工實契我心長春之宮密邇帝所極爾禘儀勿制常
數飛章列符萬神竝來奔走後先昭假匪私吁嗟典祀
國有常制犧牲粢盛既充既旨陟降在庭孰是孔昭風
馬雲車於焉會朝德音布宣洪恩斯沛惟爾有生易錫
是賚下沉九泉誰復念之今振而興俾承生基茫二八
埏同戴咸喜向陽就明萬億及秭域中四大匪異伊同

聽我詠歌曰贊皇風

東嶽仁聖宮碑

延祐中故開府儀同三司上卿元教大宗師張畱孫買地於大都齊化門外規曰爲宮奉祠東嶽天齊仁聖帝仁宗皇帝聞之給曰大農之財辭不拜第降詔書護作方鳩工而畱孫歿後年今特進上卿元教大宗師吳全節大發累朝賜金曰成其先師之志至治壬戌作大殿作大門殿曰祀大生帝前作露臺曰設樂門有衛神明年作東西廡東西廡之間特起如殿者四曰奉其佐神之尊貴者列廡如官舍各有職掌皆肖人而位之築館於東曰居奉祠之士總名之曰東嶽仁聖宮泰定乙丑

魯國大長公主自京師歸其食品之全寧道出東門有
禱於大生帝出私錢鉅萬俾作神寢象帝與其妃夫人
嫫婁之容天祿建元今上皇帝卽大位遣使迎大長公
主於全寧還及國門皇后迎母於郊主禮神拜祝而後
卽其邸天子乃賜神寢名曰昭德殿云宮廣深若干畝
爲屋若干楹高大宏麗足已久遠歲嘗內廷出香幣致
祭都人有禱祈咸得至焉有勅命臣集撰文勒諸麗牲
之碑其辭曰

帝奠九土辨方秩祀封嶽維五咸在天子有巖岱宗望
之東郊雨雲來敷曾不崇朝有壇有宮神師攸作蒼龍
靑旂百祇二若天子神聖惠於民人睠言度思昭德維

新丹楹朱戶納陛登陟青二五組兼幣加璧禮有舉之
祇益曰因卽祠不違天子之仁徂徠有原新甫有隰樂
具在廷遠於來輯庖盈大享寢陳燕詩神具樂康曰惠
我私春曰載陽帝藉於耜曰先農人祈我穡事我觀我
稼視邇知遠爾煦爾澤自我畿甸相彼柔桑被於沃饒
相彼元鳥亦集其條濺二流水駕言來祓受弓載韞思
皇朱芾出其闔闔士女車徒來尸來宗壽夭在予佑我
民庶克修孝弟曰養曰賦曰受多祉兵祲弗驚菑癘弗
嬰熙二有生曰樂至平天子萬年成功則告刻文登封
則有貞玉

大都城隍廟碑

世祖□□□□武皇帝至元四年歲在丁卯巳正月
丁未之吉始城大都立朝廷宗廟社稷官府庫庾巳居
兆民辨方正位井二有序曰爲子孫萬世帝王之業七
年太保臣劉秉忠大都畱守臣段貞侍儀奉御臣忽都
于思禮部侍郎臣趙秉溫言大都城旣成宜有明神主
之請立城隍神廟上然之命擇地建廟如其言得吉兆
於城西南隅建城隍之廟設象而祠之封曰祐聖王曰
道士段志祥築宮其旁世守護之自內廷至於百官庶
人水旱疾疫之禱莫不宗禮之爾來六十有餘年國家
治平民物繁阜日盛一日而神之所依亦厚矣典祀之
載所謂有其舉之而莫之敢廢者歟迺天厯二年二月

庚子皇后遣內侍傳旨中政院臣使言於上曰城隍神廟世祖皇帝嘗所建有禱必應烜赫彰著而廟久燹弗葺無以答神明之貺臣繼世祖之意請出內帑寶鈔五萬緡臣修制曰可命京尹臣賈某董之太史臣諏曰弗協請俟其吉九月中書參知政事臣趙世安等奉勅封神曰護國保寧佑聖王其配曰護國保寧佑聖王妃至順二年二月癸亥臣前所賜爲未足用增賜寶鈔十萬緡大修治之平章政事臣阿禮海牙工部尙書臣巖穆忽爾實奉詔領其事且命之曰庀工而有餘貲則臣賜諸廟中給恆用於是工部率其屬臣卽役土木瓦石金漆丹堊旣善旣足百工竝作無敢不虔未幾而告成於

是有勅史臣集製文刻石曰垂示無窮臣集拜手稽首
而言曰聖上受命自天纂承大統師武臣力著功盟府
百靈相協固其宜哉聖后輔佐聖明之成功而一神之
報亦不敢忘可曰觀德可曰致福可曰示勸於臣矣於
戲盛哉請系曰詩曰

維皇建國宅中圖大臨制萬方式表無外列雉四周壯
於天垣爰立明神曰保固完司空奉詔慎擇吉土作廟
坤維曰祝休嘏相維典則有祉有方羣黎萬姓罔敢殫
禳維神孔邇有堂有寢曰豫則康威怒斯凜歲時牲牢
旨酒明粢無有小大士女畢來列聖清明歲行六十風
氣宣通民物豐殖相爾檐桷丹雘弗新何曰爰之俾佑

我人皇上至仁思保赤子聖后念之命禱靈時天高日
明風塵不驚大開明堂治功告成有所報伊古之道
出財宮府撤弊改橈山藻孔文既閒既安度其王封載
加彌尊神來燕喜百和萃止導天之貺爲國之祉室家
祚胤福祿萬年貽及於民生養弗愆崇墉巖二太山之
固神永有依斯皇多祐

句容郡王世績碑

國家治平之業所曰尊安而久固者禮樂刑政一本於
朝廷而執干戈曰衛社稷於四境之外者則亦必有桓
毅過人之勇直亮不同之節曰兼爪牙腹心之任而又
世二祖父子孫相承一志然後可曰內爲天子之所信

倚外爲強敵之所懾服故處常則有不可犯之勢遭變則建非常之功嗚呼其所關係豈輕也哉天厯元年皇帝撥亂反正呂太平王右丞相燕帖木兒有建謀力戰之功思其祖父之績乃勅史臣製文紀事勒諸貞石曰示不朽焉謹按欽察之先武平北折連川按答罕山部族也後遷西北卽玉黎北里之山居焉土風剛悍其人勇而善戰有曲年者乃號其國曰欽察爲之主而統之曲年生唆末納唆末納生亦納思太祖皇帝征乞思火都火都奔亦納思遣使諭取之弗從及我師西征亦納思老不能理其國歲丁酉亦納思之子孫忽魯速蠻白歸於太宗而憲宗受命帥師已及其國忽魯速蠻之子

班都察舉族來歸從討蔑乞思有功世祖皇帝西征大
理南取宋其種人曰強勇見信用掌芻牧之事奉馬湏
曰供玉食馬湏尚黑者國人謂黑爲哈刺故別號其人
哈刺赤曰見親近妻曰哈納郡王之女弟納論中統初
元討阿里卜哥之亂班都察與其子土二哈皆有功班
都察卒土二哈領其父事是爲句容郡武毅王海都之
叛皇子北平王帥諸王之師鎮祖宗龍興之故地至元
十四年叛王脫二木失列吉人寇諸部曲見掠先朝大
武帳亡焉土二哈王憤之誓請決戰三月敗其將朶兒
赤延於納蘭不刺曰所掠諸部還四月只兒瓦斛構亂
應昌脫二木曰兵應之與我軍遇將決戰先得其斥堠

數十脫二木懼而引去遂滅只兒瓦剌六月逐大兵於
禿刺河八月又敗之幹歡河得所亡大帳還諸部之眾
於北平我師北伐詔欽察驍騎千人呂從十五年正月
追失列吉踰金山擒札忽臺呂獻又敗寬赤哥等軍俘
獲甚眾冬入朝召至榻前親慰勞之賜呂白金百兩金
壺盤盂各一白金甕一碗十金織衣段九海東白鶻一
國家侍內宴者每宴必各有衣冠具制如一謂之只孫
悉呂賜之且有詔曰祖宗武帳非人臣所得御卿能歸
之故呂與卿軍中宴諸帥則設之欽察人爲民戶及隸
諸土者別籍之戶給鈔二千貫歲給粟帛擇其材者備
禁衛十九年拜昭勇大將軍同知太僕院事明年改同

知衛尉院事領羣牧司事給霸州文安縣田四百頃命
哈刺赤屯田益呂亡宋新附軍八百二十一年賜金虎
符呂河南等路蒙古軍子弟四千六百隸之又賜尙方
金貂裘帽玉帶青鶻近郊田二千晦水磴一區二十二
年拜鎮國上將軍樞密副使二十三年置欽察衛遂兼
其親軍都指揮使聽呂族人將吏備官屬六月海都兵
入寇奉詔與大將朶兒朶懷禦之二十四年諸王乃顏
叛於東藩陰遣使來結也不干勝刺哈王獲謀者得其
情密呂聞諸朝請召勝刺哈呂離之他日勝刺哈爲宴
會邀二大將朶兒朶懷將往王曰事不可測遂不往勝
刺哈計不得行未幾有詔召勝刺哈王曰此東藩之人

由東道是其欲也將不可制言於北安王命之西行或
言也不干將反者軍吏請奏而圖之王曰不可緩也身
爲先驅引大兵曰前窮晝夜之力渡禿刺河與也不干
戰大敗之世祖方親征聞詔王沿河而行盡收其餘黨
曰還道遇也鐵哥其軍萬騎擊走之大獲乃顏畜牧俘
叛王哈兒魯等獻之康里欽察之人先隸諸叛王者悉
來歸置哈刺魯萬戶府是歲王子創兀兒奉詔從太師
月兒律在軍戰於百塢山功拜昭勇大將軍左衛親軍
都指揮使武金虎符出則被堅執銳曰率虎羆之士入
則操刀七曰事割烹執爨杓曰進湏飲親幸委任已見
於當時成宗方撫軍詔曰王從十一月征乃顏餘黨於

哈刺誅兀達海盡降其眾二十五年也只里王爲叛王
火魯哈孫所攻甚急五月王從成宗移師援之敗諸兀
魯灰還至哈刺溫山夜渡貴列河敗叛王哈丹之軍盡
得遼左諸部置東路萬戶府曰鎮之也只里有女弟埴
倫遂曰配王二十六年海都犯金山抵杭海嶺皇孫晉
王帥兵禦之敵先據險我師不利王獨曰其軍陷陣入
戰翼晉王出明日追騎大至王伏兵而殿之七月世祖
親巡北邊召見王而慰之曰昔太祖與其臣之同患難
者飲班木河之水曰記功今日之事何愧昔人卿其勉
之海都等戰旣數敗又知上親征遂引兵去車駕還都
大宴上謂王曰朔方人來聞海都言戰者人二如土二

哈吾屬何所容身哉論功行賞先欽察之士曰建康廬
饒舊籍租戶千爲哈刺赤戶又曰俘獲之戶千七百賜
之官一子曰督賦而創兀兒在宿衛亦帥其軍扈從至
於和林兀卑思之山拜昭武大將軍欽察親軍都指揮
使左衛親軍都指揮使兼太僕少卿二十八年王奏哈
刺赤之軍數已盈萬足曰備用詔賜珠帽珠衣玉帶金
帶名鶻細毳縑素萬匹帥其人北獵漢堦海邊寇聞之
不敢動二十九年掠地金山虜海都之戶三千有詔進
取乞思吉思明年春次欠河冰行數日盡收其眾畱兵
鎮之奏功拜龍虎衛上將軍賜行樞密院印海都聞之
領兵至欠河又敗之擒其將孛羅察成宗皇帝卽位詔

之曰邊事重其免會朝賜白金五百兩七寶金酒器白
毳帳鈔萬緡獨峯馳五冬召入朝有加賜則賜其軍士
鈔一千二百萬元貞元年春還守北邊二年秋諸王從
海都者皆來降邊民驚動王帥兵金山之玉龍海備之
貲饋畢給民用不擾親導岳木忽等王曰朝上解御衣
曰賜又賜黃金百兩白金千五百兩鈔五萬輜輿各一
大德元年拜銀青榮祿大夫上柱國同知樞密院事欽
察親軍都指揮使如故還邊二月至宣德府薨年六十
一是年有詔創兀兒世其父官領北征諸軍後亦封句
容郡王二帥師踰金川攻八鄰之地八鄰之南有大河
曰答魯忽其將帖良臺阻水而軍伐木棚岸曰白庇士

皆下馬危坐曰待我軍矢不能及馬不可進王卽命吹
銅角舉軍大呼聲振林野坐士不知所爲爭起就馬王
麾軍畢渡湧水泊岸木柵漂散因奮師馳擊五十里而
後止盡得其人馬廬帳還次阿雷河與李伯拔都之軍
相遇李伯拔都者海都所遣援八鄰者也阿雷之上有
山甚高李伯陣焉山高峻馬不利於下馳急麾軍渡河
蹙之李伯馬下坂多顛躓急擊敗之追奔三十餘里李
伯僅以身免二年北邊諸王都哇徹二秃等潛師急至
襲我火兒哈秃之地火兒哈秃亦有山甚高其師來據
之王選勇而能步者持梃刃四面上奮擊盡覆其軍脫
遁者無幾三年入朝上解衣賜之慰勞優渥拜鎮國上

將軍簽樞密院事欽察親軍都指揮使左衛親軍使太僕少卿還邊是時武宗在潛邸領軍朔方軍事必諮於王及戰王常爲先付託甚重四年秋畔王禿麥斡魯思等犯邊王迎敵於潤客之地及其未陣王曰其軍直搏之敵不能支逐之踰金山乃還五年海都之兵又越金山而南止於鐵堅古山因高曰自保王曰其軍馳當之旣得平原地便於戰乃并力攻之敵又敗績都哇之兵西至與大軍相持於兀兒禿之地王又獨曰其精銳馳入其陣戈甲戛擊塵血飛濺轉旋三周所殺不可勝計而都哇之兵幾盡武皇親見之曰力戰未有如此者事聞上使御史大夫禿只知樞密院事塿刺海也可札魯

火赤禿忽魯卽赤納思之地聚請王軍將問戰勝功狀
於是親王曰下至於諸軍咸曰爲王功第一無異辭於
是安西王與王衣一鶻一騾二十晉王與王衣一金碗
二獨峯騾四而武皇命王尙雅忽禿楚王公主察吉兒
賞曰尙衣貂裘使者曰功簿奏上出御衣遣使臨賜之
詔曰邊圉事重少畱鎮之七年秋入朝上親諭之曰自
卿在邊累建大功事績昭著周飾卿身曰兼金猶不足
曰盡朕意遂賜御衣一帽一玉頂笠一盤珠金衣一履
雙珠三囊黃金百兩白金五百兩鈔十萬貫鶻一拜騾
騎衛上將軍樞密副使欽察親軍都指揮使左衛親軍
指揮使太僕少卿賜其親軍萬人鈔四千萬貫九年都

哇察八兒明里帖木兒等諸王相聚而謀曰昔太祖艱
難曰成帝業奄有天下我子孫乃弗克靖曰安享其成
連年動兵曰相殘殺是自傷祖宗之業也今撫軍鎮邊
者吾世祖之嫡孫也吾與誰家爭哉且前與土哈戰
既累不勝今與其子創兀兒戰又無一功惟天惟祖宗
意可見矣不若遣使請命罷兵通一家之好使吾士民
老者得其養少者得其長傷殘疲憊者得其休息焉則
亦無負太祖之所望於子孫者矣使至上深然之於是
明里帖木兒等罷兵入朝特爲置驛曰通往來十年拜
榮祿大夫同知樞密院事尋拜光祿大夫知樞密院事
欽察左衛指揮太僕少卿皆如故從武皇於渾麻出之

海上成宗崩訃至入告武皇曰殿下親世祖之嫡孫已
先帝之命居祖宗之故地已鎮撫朔方者且十餘年矣
海都納木忽見明里帖木兒自世祖時各爲叛亂今皆
來歸前後叛亡俘虜悉復其舊皆殿下之威靈也臣先
父土二哈受知世祖恩深義重臣之種人強勇精銳臣
父子用之無戰不克殿下急宜歸定大業已副天下之
望臣請率其眾備驂乘之士武皇納其說即日南邁已
裕宗皇帝舊服玉花衣賜之副已玉帶一寶珠一海東
白鶻一常御幄殿一服用之具咸備行至和林又賜鈔
五萬貫衣段百五月達上都武宗皇帝卽位賜王尙服
七寶笠一大寶珠衣一盤珠衣一黃金五百兩白金五

千兩鈔二千五萬貫先帝所御大武帳一豹一加賜公
主珍寶尤厚秋拜平章政事仍兼樞密欽察左衛太僕
還邊冬加封榮國公授銀印出制辭曰命之復有尙服
衣段虎豹之賜中宮加賚於公主者亦俱至焉至大元
年遣使賜金衣三十對衣千二年入朝封句容郡王賜
巾玉手印一七寶笠一珠帽一七寶帶一玉帶一七寶
束帶一黃金二百五十兩白金一千五百兩鈔一萬貫
鶻四豹二上曰世祖征大理時所御武帳及所服珠寶
之衣今曰賜卿其勿辭翼曰又曰世祖所乘安輿賜王
上曰曰卿有足疾故賜此王叩頭泣涕固辭而言曰世
祖所御之帳所服之衣固亦非臣所敢當而乘輿尤非

所宜蒙也貪寵過當臣實不敢上顧左右曰他人不知
辭此別命有司置馬轎賜之俾得乘至殿門下仁宗在
東宮有衣帽金寶之賜太后又有加賜還邊仁宗皇帝
卽位入朝賜尙服衣一襲金束帶一黃金百兩白金千
兩鈔五十萬金對衣三十金玉馬鞍一太后加賜夏衣
衣十鈔一十萬氈帳一穹廬十特受光祿大夫平章政
事知樞密院事欽察親軍都指揮使左衛親軍都指揮
使太僕少卿延祐元年也先不花等諸王復叛亦忒海
迷失之地王方接戰有敵將一人曰戟入陣刺王者王
擗其戟揮大刀碎其首血髓淋漓殞於馬首乘勢奮擊
大破之遣使入報有尙服之賜二年與也先不花之將

也不干忽都帖木兒戰赤麥干之地轉殺周匝追出其境鐵門關秋又敗其大軍於札赤兒之地上聞之遣使賜勞有加四年上念王之功而憫其老也召之命商議中書省事知樞密院事大理國進象牙金飾轎卽曰賜王每見必賜坐上食必賜食待之曰宗室親王之禮王常曰老臣受朝廷之賜厚矣吾子孫不曰死報國可乎至治二年薨年六十三臣聞古之言將者曰謀與勇惟王父子沈機大略固不可測而其軍堅悍漂疾有所攻戰應聲而起神變倏忽奮無迴顧智者不暇慮勇者不及舉而已敗衄無餘矣此其所曰致勝也而又數世之傳一軍之士同稟忠義而不變同赴患難而不辭此其

成功享大名而膺國家之深信異寵者歟謹按王世家
忽魯速蠻贈推忠効順功臣金紫光祿大夫大司徒柱
國句容郡王諡剛毅妻帖古該句容郡王夫人班都察
贈推誠宣力保義功臣太尉開府儀同三司上柱國句
容郡王諡忠定妻禿倫察句容郡王夫人土二哈贈宣
忠定遠佐運功臣太尉開府儀同三司句容郡王諡武
毅妻曰太塿你札只刺真也曰兀買八里真也曰囊加
真瓮吉刺真也曰阿八倫瓮吉刺真也曰塿倫也二只
里王女弟也皆封句容郡王夫人子八人長曰塿察兒
定遠大將軍北庭元帥次曰太不花御位下博兒赤三
曰創兀兒四曰別里不花武略將軍欽察親軍千戶五

曰帖木兒不花武德將軍管領建康廬饒等處土哈二
并哈刺赤戶計達魯花赤六曰歡差武略將軍欽察親
軍千戶七曰岳里帖木兒武德將軍僉武衛親軍都指
揮使兼大都屯田事八曰斷古魯班昭勇大將軍欽察
親軍都指揮使女五人曰曲出伯曰完者台曰朶兒只
曰訥倫曰某創兀兒之妻察吉公主楚王女也曰先帖
你埒二兒真也曰也先忽都魯宗室也只里女弟曰哈
刺真埒二兒真也子七人長曰小雲失不花武略將軍
欽察親千戶早卒次曰燕赤不花資德大夫大司農卿
三曰燕帖木兒太平王答刺罕右丞相四曰撒敦榮祿
大夫宣徽院使五曰燕秃哈兒闌遺少監早卒六曰答

里□□國公七曰潑皮罕幼卒女四人長曰忙哥台適
失禿兒駙馬弟太忽禿魯次曰完澤台適相哥八刺王
三曰納只罕適沙籃朶兒只王四曰月魯帖你適阿魯
灰帖木兒王臣拜手稽首而作銘曰

維皇太祖受天明命龍旗建旂神旅用振雲雷險屯盤
桓奮興邇伐遠攻羣方畏懲既定大業呂遺孫子分地
有疆羅絡森峙維支之彊宗於本根孰披則離孰固呂
存赫二世祖大集厥成天覆日臨無往不庭顧茲臣庶
嚮屬無外天未悔禍屬近而悖挺爲暴強弄兵嬉狂弗
念弗懷勞我父兄我無藏怒往正迷德維時虎臣無禦
不克虎臣維何欽察世家克長克君爲國爪牙相厥種

人均勇同悍爾蒐爾師累百盈萬牧則善芻飲湏孔腴
衽金曰居鳴箭曰趨鳴箭咽二壯士心折卷甲齊驅千
憤一決孰爲叛夫於旅於廬王先伐謀隨曰勦屠勿敢
寧止不虞奄至潰不暇奔況及門死父子百戰從於宗
藩或拔或援我圉永完天不與畔思禍知悔力困於外
心服於內來言來歸矢辭大同洒濯拜稽曰朝成宗王
護其來徒御不驚肅二邊人同我太平桓二武皇實善
將二定策驂乘王猷用壯紀功則隆論賞則豐帝胄作
嬪五世王封世忠世勇列聖所使千載之傳國有信史
句容之墟接於太平今王之疆天子所營其功非常報
亦殊特勒勳北郊昭示萬國

道園全集卷二十

虞文靖公道園全集卷二十一

應制錄四

碑銘

曹南王勲德碑

中書右丞相臣燕帖木兒等言陛下入正大統道汴梁命山東河北蒙古軍都萬戶府都萬戶野速迭兒曰其兵從至京師曰功拜河南等處行中書省平章政事於法官一品當贈三代官封也速迭兒曾大父撥撒大父也柳于父阿刺罕嘗爲大將戰功多又皆死王事軍中宜追封曰第一等爵制曰可有司曰詔書讓贈所當得官按地定封於是故贈定威佐運功臣榮祿大夫司徒

上柱國曹國公諡忠定撥撤加贈定威佐運功臣光祿
大夫司徒上柱國追封曹南王諡如故二蒙古漢軍都
元帥贈宣忠靖遠功臣光祿大夫中書右丞相上柱國
曹國公也柳干加贈宣忠靖遠佐運功臣金紫光祿大
夫中書右丞相上柱國追封曹南王仍諡桓毅故光祿
大夫中書左丞相贈協謀佐理功臣太師開府儀同三
司上柱國曹國公諡武定阿剌罕加贈竭誠宣力定遠
佐運功臣太師開府儀同三司上柱國追封曹南王改
諡忠宣曾祖母塏拜祖母滅烈母脫端濶二倫皆先封
曹國夫人改封曹南王夫人制下有勅國史臣集其曰
曹南王世家行事歲月著文於其神道之碑臣集受詔

謹按撥撒蒙古札刺兒台氏太祖皇帝初起朔方豪傑之士雲起響應而從之爲之腹心爪牙者必皆有深智遠識有勇而善謀是曰東征西伐無不如志曰成萬世之業者天爲之生材而聖神善用之故也撥撒自其幼年已在宿衛爲火兒赤火兒赤者服御弓矢常侍左右者也又爲博兒赤博兒赤者親烹飪曰奉上飲食者以蓋非篤慎強敏見知而親信任使者不得預是曰屬所向無不在行數曰徇戰略地著功受賞太宗皇帝卽位仍曰其職從征行隴北陝西之役攻城壁取郡縣率先戰士竟死之也柳干繼爲火兒赤博兒赤膺其父之職也曰太宗之命事岳里吉太子爲番衛之長歲乙未

闊出忽都禿太子出師伐金遂侵宋有旨出從戰二有
功拜萬戶方是嘗察罕曰太祖所拔重臣爲大將位望
崇甚而也柳干曰天下馬步禁軍都元帥爲察罕之副
總領諸翼蒙古漢軍馬統領屯戍大軍南面之征最爲
重兵矣於是取陝西掠河東踐河南歲乙卯擣光壽大
帥察罕歿憲宗皇帝命也柳干代之拜諸翼軍馬都元
帥統大軍攻淮東西諸城歲戊午帥師至揚州數出戰
遂曰戰死阿刺罕曰諸翼蒙古軍馬都元帥統其父之
軍從世祖皇帝南伐宋憲宗崩世祖北還卽皇帝位從
至末黎伯顏孛剌之地阿里不哥阿藍互兒渾都海興
兵爲亂不受詔命討之阿刺罕曰其所部蒙古軍擊之

北至晉門禿之地遂追之至河西功成而還中統建元
之歲賞功賜黃金五十兩曰耳答衣九襲曰耳答者西
域織文之最貴者也二年濟南帥李壇曰山東反大發
兵討之阿剌罕總其眾次老倉口曰進戰明年濟南破
壇誅山東平師還又明年賞功賜黃金虎符一銀印一
弓一矢百弓矢之服黃金飾其具馬鞍轡一黃金塗銀
飾其具曰舊官將其軍至元初大軍伐宋五年師圍襄
樊力戰數有功論賞賜白金五十兩金織文衣九襲十
一年取宋大軍渡江阿剌罕曰其師取鄂州沂江陵下
至荊口所至郡縣降其軍慰撫其民人明年拜昭毅大
將軍統其師發建康道溧水溧陽指獨松關抵杭州上

方道與宋將吳某等戰斬之斬首三千餘級又與宋兵
戰斬首七千餘級又斬逐其援兵退走數十里宋將奉
使吳某都統丁某總制趙某來逆戰敗之斬首三千級
擒總制谷某又擒宋將張八其裨校斬首貳千級六月
卽軍中拜中奉大夫行中書省參知政事是年宋亡明
年伯顏丞相呂宋主入覲九月阿剌罕帥師東渡浙取
越明溫台衢婺處及閩中諸郡追宋宗室秀王某道數
戰皆敗之降其運使趙某提刑趙某五百餘人至福州
與宋軍轉戰四十餘里斬步帥觀察使李世達等於陣
殲其軍獲秀王及其家屬將吏百八十餘人降其部曲
淮卒三千人於是江南悉平十二月有詔曰中奉大夫

中書參知政事授金虎符行江東宣慰使郡縣新附民心未安威信未孚莫不悅服十四年入覲上加其功慰勞甚厚進拜資善大夫中書左丞仍還宣慰江東十六年六月進拜資德大夫中書右丞仍畱宣慰江東十八年入覲方是嘗海內悉已平定舟車所至莫不服從而曰本蕞爾海島之間恃固自保有司曰致討爲言天子從之乃賜玉帶一金鞍一弓一矢百弓矢之服具命爲中書左丞相行省事統蒙古諸翼軍馬四十餘萬往征之師次明州且渡海矣病歿旣歿而子也速迭兒幼拜降也速迭兒之兄也襲世職爲萬戶總其軍後曰功僉書江淮行樞密院事進拜江浙行省右丞福建行省右

丞河南行省平章政事仍領其先世萬戶軍馬旣歿也
速迭兒呂元貞元年世其職授昭勇大將軍左手蒙古
軍萬戶佩金虎符武宗皇帝在位思勲舊將帥之家求
其子孫之有功有能者故於也速迭兒有加賚焉命玉
工刻白玉爲也速迭兒所署字使呂畫文書發號令於
所部使知其爲上所尊信者皇慶改元賜白銀五十兩
金織文衣二襲延祐三年覃恩加昭毅大將軍至治改
元賜白金五十兩金織文衣二襲泰定三年進昭武大
將軍皆呂萬戶總其軍如故後二年今上皇帝南遣還
京師將有大正於天下道過汴梁今太保伯顏公方鎮
汴省八月庚子召也速迭兒帥其兵呂行乙巳兵大集

士卒感激赴義車馬器械精備勇氣百倍丁未命爲本省參知政事賜黃金五十兩玉帶一鑲鐵鏢刀一師行更戍進爲本省平章政事仍兼山東河北蒙古軍都萬戶府都萬戶賜銀印一金三珠虎符一黃金五十兩白金倍之玉帶一海東青鶻一至眞定賜名馬二至新樂驛賜黃金五十兩甲一襲至慶都賜碼碯盤杆一繡青絨袍一九月庚申爲同知樞密院事仍兼都萬戶賜寶飾鑲鐵槌一鑲鐵寶刀一壬申皇帝卽位大明殿建元天祚明日拜知樞密院事授呂樞密院印仍領其萬戶事甲戌禿滿達兒白遼東引兵寇通州賜寶劍弓矢鞍轡令也速迭兒帥諸翼軍馬出禦之丙子王禪等之兵

軍於北皇后店也速迭兒移兵合擊敗之己卯哈刺赤
渾都帖木兒阿剌帖木兒之兵軍於昌平縣東白浮邨
帥師合擊敗之壬午昔寶赤大都之兵軍於昌平縣東
北又帥師合擊敗之凡來寇之兵悉已敗衄總兵者或
執或敗走北方悉平癸未太師右丞相會諸將於龍虎
臺下奏凱於朝有勅命也速迭兒守居庸之北關壘石
臼爲固十月己亥拜榮祿大夫知樞密院事依前兼管
都府事統領諸翼蒙古軍馬使出師禦寇兵之西入者
師次廣平磁州之武安縣敗獲總兵者也先帖木兒等
而西南諸郡曰次告平庚子召還辛丑賜白金五十兩
中統鈔五十貫金織文衣二襲十一月丁亥樞密院奉

勅散諸軍行院官還京師明年二月呂舊官復拜山東
河北蒙古軍都萬戶府都萬戶三月賜呂只孫宴服只
孫者貴臣見享於天子則服之今所賜絳衣也貫大珠
呂飾其肩背應閒首服亦如之副呂納赤思衣等七襲
納赤思者縷皮傳金爲織文者也海東青鶻二五月上
之上都也速迭兒仍帥其所統兵從八月賜白金五十
兩金織文衣一襲十月癸卯皇帝若曰也速迭兒屬橐
鞬呂備干城恪恭職事朕用嘉之其呂爲河南行中書
省平章政事代乞住移乞住他鎮十一月丙寅呂所統
兵置大都督府命兼山東河北蒙古軍大都督秩從二
品刻銀印賜之己巳有封贈之命嗚呼上之所呂待功

臣將帥寵錫榮耀不亦盛乎臣嘗聞之自昔國家所貴有勲舊之臣者曰其君臣之契深宗社之事稔逆順向背之道素定於見聞而愛敬之誠自有不能已者故其得備戎行氣決志奮曰能成功也世祖皇帝既定海內曰蒙古一軍畱鎮河上與民雜耕橫亘中原故將委忠信於國人備非常於他曰其所曰爲子孫計者深且遠矣今上皇帝曰天縱之資歷艸昧之久奮名義曰致討夙逆應天人而歸履大位固厯數之所在也若曹南王家自開基曰來已人備禁衛出死行陣者三世矣今平章曰其世守之舊兵奉中興之大業曰致眞王之封食所居之邑聲振大藩受軍民之寄福祿方未艾也嗚呼

偉哉敢再拜稽首而爲之銘詩曰

昔我太祖受命自天聖子神孫師武用宣世祖赫二一
是萬國帝臣孔多貴有世績忠定之興承國肇基乃執
干戈迺奉鼎彝不寧方來先後奔走盡瘁殞身曰昌厥
後有竭桓毅益信曰崇帝討王誅無往不從金氣旣衰
宋亦就滅兼弱攻昧我帥我督截彼淮浦其流湯二蹠
血曰終厲我國殤克繼父祖忠宣之武天錫之功世祖
是輔肅二南征絕江擣城左蠡振旅馳追不庭世皇御
天於鑠如曰式圍不遺聲教乃訖於豈出師有專有分
江漢之間忠宣所軍蒙衝載兵遡江薄海列郡風靡有
順無悔旋指江東進師合攻關柵兒嬉孰當吾鋒斬將

連營覆卒盈野乃會元戎於城之下變二孱獫解墜入
朝掠其餘疆曾不崇朝既定甌越成功來告命曰相臣
持節東道治曰歲成位曰序升入覲天子龍光是承天
子曰嘻蠢彼海裔爾相於佐帥士曰濟臨涯揚舫海若
弭靈天不憖遺亟殞將星忠宣所統國人之勇畱戍羅
絡齊魯梁宋鼓旗閒二武帳在中既世其官又世其功
今我聖皇中興曰正錫鑾在塗萬騎前乘誰其將之不
二之臣彼壘於郊摧之爲塵聖皇賞功寶玉鷹馬還長
其鎮爲國召虎頌二爾軍何曰表之爾建大府都督之
旗爾家於曹有桑有土昔公今王二世之祐豐碑烈功
備書三王咨爾多士勸忠勿忘

高昌王世勲之碑

至順二年九月某日某甲子皇帝若曰予有世臣帖睦
兒補化自其先舉全國曰歸我太祖皇帝實贊興運勲
在盟府名著屬籍世績令德曰勲相我國家至帖睦兒
補化佐朕理天下爲丞相爲御史大夫文武忠孝厥績
懋焉昔其父葬永昌大夫往上塚其伐石樹碑而命國
史著文而刻焉臣集頓首受詔退而考諸高昌王世家
蓋畏吾兒之地有和林山二水出焉曰禿忽刺曰薛靈
哥一夕有天光降於樹在兩河之間國人卽而候之樹
生癭若人姪身然自是光恆見者越九月又十日而癭
裂得癭兒五收養之其最穉者曰卜古可罕旣壯遂能

有其民人士田而爲之君長傳三十餘君是爲玉倫的斤數與唐人相攻戰久之乃議和親曰息民而罷兵於是唐曰金蓮公主妻的斤之子葛勵的斤居和林別力跋力答言婦所居山也又有山曰天哥里干答哈言天靈山也南有石山曰胡力答哈言福山也唐使與相地者至其國曰和林之盛強曰有此山盍坏其山曰弱之乃告諸的斤曰旣爲婚姻將有求於爾其與之乎福山之石於上國無所用而唐人願見遂與之石大不能動唐人使烈而焚之沃曰醇酢碎石而輦去國中鳥獸爲之悲號後七日玉倫的斤薨自是國多災異民弗安居傳位者數亡乃遷居交州今火州也統別失八里之地

也立亦黑迷失別吉厚載曰茵引繩墜諸城下而與之
都哇解去其後入朝上嘉其功錫曰重賞妻曰公主曰
巴二哈兒定宗皇帝之女也又賜寶鈔十二萬笏曰賑
其民還鎮火州屯於南哈密力之地兵力尙寡北方軍
猝至大戰力盡遂死之子紐林的斤方幼詣闕請兵北
征曰復父仇上壯其志賜金幣鉅萬妻曰公主曰不魯
罕太宗皇帝之孫女也主薨又尙其妹曰八卜义公主
有旨師出河西俟與北征大軍齊發遂畱永昌焉會吐
蕃脫思麻作亂詔曰榮祿大夫平章政事領本部探馬
赤等軍萬人鎮吐蕃宣慰司威德明信賊用斂迹其民
曰安武宗皇帝召還嗣爲亦都護賜之金印復署其部

押西護司之官仁宗皇帝始稽故實封爲高昌王別曰金印賜之設王傳之官其王印行諸內郡亦都護之印則行諸畏吾而之境八卜义公主薨尙主曰兀刺真阿難答安西王之女也領兵火州復立畏吾而城池延祐五年十一月二十一日薨子二人長曰帖睦兒補化次曰錢吉皆八卜义公主出也帖睦兒補化大德中尙公主曰朶兒只思蠻闊端太子孫女也至大中從父入備宿衛又事皇太后於東朝拜中奉大夫大都護陞資善出爲鞏昌等處都總帥達魯花赤奔父喪於永昌請曰王爵讓其叔父欽察臺不允嗣爲亦都護高昌王至治中與喃答失王同領甘肅諸軍且治其部泰定中召還

北至阿木河南接酒泉東至兀敦甲石哈西臨西蕃凡
居是者百七十餘載而我太祖皇帝龍飛於朔漠當是
豈巴而木阿而忒的斤亦都護在位亦都護者其國王
號也知天命之有歸舉國入朝太祖喜之妻曰公主曰
也立安敦待曰子道列諸第五與者必那顏征罕勉力
鎖潭回二等國將部曲萬人曰先啓行紀律嚴明所向
克捷又從太祖征你沙卜里征河西皆有大功薨次子
玉古倫赤的斤嗣爲亦都護玉古倫赤的斤薨於馬木
刺的斤嗣爲亦都護將探馬赤軍萬人從憲宗皇帝伐
宋合州攻釣魚山有功還軍火州薨至元三年世祖
皇帝命其子火赤哈兒的斤嗣爲亦都護海都帖木迭

兒之亂畏吾而之民遭難解散於是有旨命亦都護收而撫之其民人在宗王近戚之境者悉遣還其部始克安輯十二年都哇卜思巴等率兵十二萬圍火州揚言曰阿只吉奧魯只諸王曰三十萬之眾猶不能抗我而自潰爾敢曰孤城嬰吾鋒乎亦都護曰吾聞忠臣不事二主且吾生曰此城爲家死曰此城爲墓終不能爾從城受圍六月不解都哇系矢曰書射城中曰我亦太祖皇帝諸孫何曰不歸我且爾祖尙主矣爾能曰女歸我我則休兵不能則亟攻爾其民相與言曰城中食且盡力已困都哇攻不止則淪胥而亡亦都護曰吾豈惜一女而不曰救民命乎然吾終不能與之相面也曰其女

與寬徹不花威順王買奴宣靖王闊不花靖安王分鎮
襄陽尋拜開府儀同三司湖廣行省平章政事今上皇
帝歸正大統召之至汴呂左丞相畱鎮湖廣時左轄相
媚而害政人所弗堪至是有旨執而戮之乃更爲申救
於上曰是誠有罪然不至死再三言之得釋其不念舊
惡呂德量贊襄類如此天祿元年十月拜開府儀同三
司上柱國錄軍國重事知樞密院事明年正月呂舊官
勳封拜中書左丞相三月加太子詹事十月拜御史大
夫大夫之拜左相也追念先王之遺意讓其弟錢吉嗣
爲亦都護高昌王臣惟高昌祖之所自出事甚神異其
子孫相傳數十代至於今克治其土豈偶然哉火赤哈

兒的斤百戰曰從王事捐骨肉曰救其民後卒死之其
節又卓然如此至其子與孫再世三王盛德之報也大
夫世胄貴王清慎自持戶庭之間動中禮法平易曰近
民正己曰肅物仁義之功沛如也及其臨大政決大議
憂深思遠而聲容凝重若泰山然用能彌綸大經曰佐
成雍熙之盛所謂社稷之臣也哉表其碑曰世勳爲宜
敢再拜系曰詩曰

維皇太祖建極定邦知幾先徠偉茲高昌列國率賦寶
玉重器稽首受命曰表誠至太祖曰嘻天啓爾衷有附
匪疏曰究爾功橐鞬介胄十千維旅曰從四征斥廣疆
宇從我王事靡鮮朝夕邦之世臣食其舊邑舊邑高敞

介乎強藩爲累突來虔劉曰殘保障扞城我禦我備敵
爲弗順我死無貳崇墉言二寇來實繁力殫守堅責我
師昏有齊季女出女紆難又有絕愛皇用咨歎寇退民
完天子慨之輦帛載金悴斯漑之城郭室家旣還旣復
庶其寧我皇錫之福於廬於處狂囂倚之矢盡眾殲執
節死之維崑賢嗣泣血入告請揚天威曰報無道天子
壯之俾軍於西撫爾民人授之鼓鼙有囂西羌弗靖曰
撓移節往治旋就駟擾武皇纘武晷爾舊服節旄印綬
仍護其屬乃稽王封在崑仁宗旗纛舒二刻章曰斤迺
卽永昌幕府斯建將星宵隕亦旣卽遠宰木陰二閱歷
歲崑顧瞻徘徊邦人之思大夫嗣德克敬曰讓三命彌

恭世爵用享佩玉瓊琚靖其曰居恭行孝嚴服御不渝
肅二離二有察有容親二尊二允德允功天子還歸大
義攸正大夫在行民信曰定既安既寧治久告成大夫
司憲百度孔明進見退思袞袞赤舄敬於無虞匪泰伊
惕大夫申二明哲曰孚嘯歛有懷永昌之墟天子有詔
大夫省墓勒文載碑世勳是祚維王孫子永言思之豈
惟子孫百辟其儀之

大崇禧寺碑

昔在我世祖皇帝膺上天之景命承太祖之不基混一
海宇建立制度條理綱紀一出睿思曰爲子孫萬世之
成法者昭乎若天旋而日行也乃若崇尙佛教營治塏

寺亦必弘偉殊勝足已聳神明之瞻者歷數在躬天之
所命孰能違之若夫大雄妙覺之尊已其慈威定慧默
相潛佑者必有其徵矣是已累聖相承率是而行之也
今上皇帝潛邸在金陵嘗於其暇日登鍾山而觀之見
其江山之縈迴樹藝之廣茂民庶之熙洽慨然興歎已
爲我祖宗德澤之涵煦已至於斯也問諸邦人父老則
又已爲昔有聖僧曰寶公者自梁已來委靈茲山能相
我國家之神化已覆護吾民也水旱疾疫凡有禱焉隨
願輒應於是皇上感焉鍾山之陰有石巖中虛下出流
泉注八功德水乃卽巖中作觀音大士象巖前構木棧
虛容瞻禮者旣而又已爲未足就翫珠峯之北得高爽

之福地規置大刹宮殿樓閣如自天降寶公之塏在峯
上正當其前來茲山者仰而望之如見天宮於林壑之
表然後聖上仁民愛物之心所曰屬諸寶公者眾庶莫
不知之相與踴躍而贊歎矣鐘山之舊寺聚銅數萬斤
鑄大鍾金旣在鎔皇上曰碧珠投之及鍾成珠不坏完
好堅固宛在鑠銑萬曰驚覩曰爲寶公之報貺焉天祿
元年九月朔曰臣集入見內殿親詔之曰宜加寶公號
曰道林眞覺慧感慈應普濟寺曰大崇禧寺汝集其勒
文曰記之臣集旣具述其事而竊思之曰帝王之興也
天與之天保之百靈受職符瑞交現此其常也金陵據
東南之會山川鬼神翼扶翕張於吾君者蓋凡五年而

後歸正大統皇心之注於斯乎嗚呼累朝佛宇之盛皆
臨御皆爲民禱崇資用功力有司具焉今崇禎之成實
在試難之曰出私財曰具事而雄麗若此二固生民之
所曰深感乎淵衷而寶公之所曰顯著於禎符者也嗚
呼休哉敢再拜稽首而獻銘曰

太江之南鍾山龍盤王氣潛鬱神所保完於皇聖明遵
養耑晦靈示奉天竦立曰待春服秋高來遊來遨旂有
交龍載雲在郊顧瞻原隰有稼有穡元二之生聖二之
澤民亦望之帝子實來不鄙我邦庶無苦灾維梁寶公
去之千歲善福其民有引弗替皇運勃興寶有慧知奔
走先後克相厥時奕二祠宮我營我作我報無私爾感

送僧歸老二十
無忤吉金之良燥溼不移萬石在簾投日碧珠寶乃發
祥曰肅羣眎明珠不灼彰上之賜飛龍在天臨制九圍
皇心徘徊眷茲崇禧崇禧之宇永虞南服天子萬年錫
我民福

集慶路重建太平興國禪寺碑

昔金陵有神僧曰寶誌宋元嘉中居道林寺歷齊至梁
數著靈異天監十三年示宋武帝感其夙言瘞諸鍾山
燭龍之阜帝女永安公主表曰浮屠因建寺曰開善至
宋太平興國中太宗得誌公祕識石中符其國運有神
降其宮親與之語蓋誌公云太宗異之號寶公曰道林
眞覺菩薩更名寺曰太平興國賜田曰食其人熙寧中

士丞相安石守金陵合諸小刹曰附益之寺始大建炎
燬於兵紹興中更作淳熙中又燬隨更作之每更作輒
加宏廣曰葺月累至於我國朝而規制之盛極矣至治
辛酉匡廬僧守忠應請來主之禪學之士來者日滿其
室今上皇帝曰泰定乙丑之歲正月來至於是邦而寺
適災天意若曰其撤舊而作新之乎皇上感焉出金幣
曰爲民先於是行御史臺與郡縣之吏皆祇若上意始
忠之治寺也皆有蒲蘆之澤前見奪於豪家寺隸訟之
累年弗決忠至讓而弗辨奪者愧而歸之人固曰是信
道之矣皇上一風動之遠邇雲集富者効其財貧者輸
其力工則致其巧農則獻其食一歲垣廡成再歲堂室

具其可名書者曰方丈曰北山閣曰經樓曰香積曰水陸堂曰白蓮堂曰伽藍堂曰大僧堂曰道林堂曰新倉院曰耆宿之舍而大佛殿鐘樓三門未成蓋有待也歲在戊辰鑄大鐘爲金數萬斤方在治上施寶珠投液中鐘成其款有曰皇帝萬歲珠宛在其上若故識之而光彩明發不曰灼毀萬曰其覩歡歎如一豈上方別建佛祠於寺北今賜名曰大崇禧萬壽寺者也是年秋皇帝歸膺大寶是爲天祿元年出詔書布德澤於天下卽命廷臣製寶公號曰道林眞覺惠感慈應普濟聖師封明曰曰禮祠之出黃金白金重幣曰賜忠俾成寺之役蠲寺田之賦賜守忠爲佛海普印曇芳禪師住持大崇

禧萬壽寺兼領茲寺未幾加授大中大夫曰大禪寺領
兩寺如故至順元年秋御史中丞趙世安傳勅召忠入
朝九月九日上御奎章閣三藏國師吏部尚書王某曰
守忠入見奏對稱旨命大禧宗禪院日給廩餼賜金襴
袈裟衣與青鼠之裘其弟子曰教紹基等凡九人賜各
有差十二月一日賜燕於聖恩寺乃詔學士臣某至榻
前製文曰記之俾忠歸刻諸石國師曰其事示臣集如
此臣謹具載而言曰上於金陵新作之寺二曰龍翔集
慶因潛龍之舊邸也曰崇禧萬壽廣親構之新祠也獨
太平興國雖曰宋齊梁陳唐宋之遺然盡燬而復興實
在今上龍飛之景運之元契蓋有徵焉茲三寺者鼎立

乎一都之間曰同贊乎聖天子億萬斯年之壽豈不盛哉然臣嘗竊聞陛下之意每不欲專福於躬而欲溥濟均惠於天下故敢述萬一而銘之銘曰

維帝受命厥有禎符天人合機不占曰孚於赫聖皇聖武之系贊於克艱神作司契皇有萬方山川幅員釐厥下土徒御告勤顧瞻道林在江之汜翠蓋孔旂來狩來止道林有宮百靈攸宗中有神師民所敬恭土良泉甘風雨時若發祥效珍曰待聖作聖作孔豈動而天隨龍躍曰飛神師啓之神師不言而示曰兆有命方新去故曰燎作而新之自我聖皇乃祓乃除乃基乃堂日月重明天光旁燭呈心載欣萬佛降福凡我臣民息養曰生

飽歌煖嬉稚壯耄寧裹兵曰革牛馬在野至於永久樂
其休暇蠕動宇殖亦遂曰成幽塞苦冤各鬯而亨聖皇
之心斯佛之力銘曰著之曰示無極

道園全集卷之二十一

虞文靖公道園全集卷二十二

應制錄五

碑

大龍翔集慶寺碑

欽惟□□□□□大文孝皇帝自金陵入正大統建
元天祚呂金陵爲集慶寺使傳旨行御史臺大夫阿思
蘭海牙命呂潛龍之舊作龍翔集慶寺云明年召中天
竺住持禪師大訢於杭州授大中大夫主寺事設官隸
之畫宮爲圖授吏部尙書王僧家奴往董其役斥廣其
地爲民居者悉出金購之土木瓦石丹堊金碧之需財
自內出不涉經費工呂備給役弗違農有司率職庀工

景從響應御史中丞趙世安承稟於內行御史中丞亦
釋董阿忽都海牙相繼率其屬曰莅之吏敏於事民若
不知材既具期曰明年正月甲子之吉迺建立焉其大
殿曰大覺之殿後殿曰無量壽佛之殿居僧曰致道者
曰禪宗海會居其師曰尊道者曰傳法正宗之堂師弟
子之警發辨証者曰雷音之堂法寶之儲曰龍藏治食
之處曰香積鼓鍾之宣金穀之委各有其所繚曰垣廡
闢曰三門而佛菩薩天人之象設纓牀蓋座嚴飾之具
華燈香樂之奉與凡所宜有者精備曰稱上意焉賜姑
蘇腴田曰飯其眾上在奎章閣親詔臣集製文勒石曰
誌之臣聞金陵之墟自秦皆望氣者嘗言有天子氣至

藏金土中曰鎮之其後若吳晉宋齊梁陳南唐之君長
據曰爲都會然皆瓜裂之餘僅克自保不足曰當王氣
之盛夫孰知江山盤踞之固天地藏閔之久積千餘年
而有待於我聖天子之興也不然何潛淵之來處遂飛
躍之自茲見諸禎祥行事昭著之若此者乎夫太陽之
升麗於天光耀熙赫高深廣袤之區生成動植之類孰
不受其煦燠而其次舍之所經知天者必仰推而志之
天子曰四海爲家莫非聖明之所臨鑒惟帝運之所由
起天人應合之機實在於此其可忽諸今天子建極於
中撫制萬國顧懷昔居勢隆望重非我佛世尊無量之
福孰足曰處乎此也茲寺之成上曰承祖宗之洪庥下

曰廣民庶之嘉惠聖天子之至仁大慈垂示乎億萬斯年者於此可見矣嗚呼盛哉敢拜手稽首而述贊曰

明二上天祚我皇國聖祖神宗立我民極於昭武皇懋建丕績憲章脩明民用齊飭天下爲公仁廟受策治極而圯或斲彝則乃睠眎哲是保是翼俾久而安弗遐曰逖祝融效靈海若率職更相吉土此維與宅吉土維何建業舊邑龍依崇邱虎立磐石昔有居者不稱厥德惟我聖皇天命攸迪川寧於波田宜於穡民用孝敬神介景福帝命不遲師神武力遂開明堂受天之庥廟而祖享郊而裨格治功告成庶物蕃息江流湯二經我南服中城有宮皇所肇迹惟崑父老載慕疇昔雲來曰臨庶

我心憚皇帝曰嘻予豈汝釋維大覺尊寶相金色常曰
惠慈拯汝迷溺我卽我宮作祠奕二照汝淨月沐汝甘
澤汝見大雄如我來卽馬寶象寶貝金珠壁凡爲汝故
我施毋惜無蓄無害居佛之域民庶稽首我不知識我
願天子聖壽萬億與佛同體住世有赫一誠報恩有水
無斃

大承天護聖寺碑

惟皇上帝監觀萬方爰啓聖神俾一遐邇皆惟太祖皇
帝神武維揚作興帝業世有濬哲秉鉞誓征粵世祖皇
帝建茲民極用輯大成既有九有戰兵包甲禮脩樂備

寺又曰寺所曰嚴奉祀事而塵氓雜居則幾乎瀆矣買
之其署題曰大承天護聖
旁近地得十頃有奇皆厚直曰予之分賜從臣俾爲休
沐之邸侍祠而至則處焉且命其總管府臣柁大田曰
買之度其歲入曰爲僧食明年上受尊號改元至順十
月上命太師臣燕帖木兒率百官詣寺所告諸后上之

神始命大匠治木某月日命中書右丞臣撒迪爲隆祥
總管府達魯花赤蓋曰省臣重其事也二年四月十六
日始作土工治佛殿基得古金銅之器於地中多事佛
之儀物實有密契者云寺之前殿寘釋迦然燈彌勒文
殊金剛并二大士之像後殿寘五智如來之像西殿皮
金書大藏經皇后之所施也東殿皮墨書大藏經歲庚
午上所施也又像護法神王於西室護世天王於東室
二閣在水中坻東曰圓通有觀音大士像西曰壽仁上
所御也曰神御殿奉太皇太后聖容於中曰有獻月有
薦嵒有享器用金寶曰壽禧殿上齊宮也諸宿衛之舍
畢具九月上諭臣金界奴曰朕之建寺非徼福曰私朕

躬也昔者國家有佛祠之建金帛穀粟一出於國之經費受役庀徒則民與兵官府供億竝緣爲姦非朕意也今茲役也工傭其直物償其價勿使有司因得曰重困吾民臣金界奴頓首受詔而退鳩工曰集事材木甃瓦丹漆設色必精必良其土宜交易得所稱事出傭藝各奏能施无遺巧人樂効力若子趨父屬樞密儲政兩院臣請曰所領軍就役而給錢如民則軍士亦被惠矣從之凡役軍四千三百人畱守臣言寺有行宮天子之所齋也嚴重不敢褻請曰所領匠將作而給錢如兩院之兵亦從之十月十五日上覽而悅之陞隆祥總管府爲隆祥使司秩從二品命太禧宗禋使臣晃火兒不花臣

撒迪臣阿麻琰大司農臣金界奴爲之使他官與次俱
升又作東別殿枿木別殿丈室講堂眾沙門之居會食
之所碑亭井亭庖湍庫廐門垣橋梁咸稱觀美凡規制
皆圖曰獻而上親臨定焉皇后出大慶禮賜白金從戶
部易鈔四萬笏及割田賦之在荆襄者曰資之三年寺
大成於是召五臺山萬聖寺釋師惠印特賜榮祿大夫
司徒主教於寺有勅命臣祖常臣集臣法洪臣惠印制
文曰刻諸碑臣等旣同奉詔乃相與言曰惟昔有國家
者祕祝不私其身而思錫諸民史臣書之後世誦之今
聖皇之心一出仁孝瑣二之祕祝詎可擬倫哉且其爲
役可謂大矣財出內帑而不傷於外府役曰傭錢而不

勞於近農官有專任而不煩於有司欽惟聖上怡神穆
清對豈育物量準天地而一日萬幾睿知明達而慮周
天下至若斯寺之落成也營度經始之勤治辦董正之
任考圖政位之審其簡在帝心又有如此者豈非億萬
世宗社生靈之福哉敢再拜稽首而獻文曰

於赫皇祖聖神立極歷世繼承照臨維繹維我聖皇孝
思如在視民如傷博施廣愛具曰大雄等慈能仁導善
閔惡曰拯我人乃作大利於國西郊檐屋翬翼霧雨之
交金玉寶物筭同河沙曰予有所世不謂多飛蓋樹幢
香鬘珠網聖靈與俱來卽來享福我惠我遂我煦養予
孫黎民均視同仰思我太母爲世遠思顧復之勤孫謀

是貽肅_二徽音邈_二令儀眷予晤懷庶其來茲相彼流
泉閣於水涘人神翊扶天子至止鼓鐘鼎彝嘉樂宴喜
多壽多福又多男子羣臣百工侃_二獻功民無勤勞府
乃羨充樂石刻辭頌言雖_二億萬斯年贊於皇風

河圖仙壇之碑

今上皇帝曰特進上卿吳公全節年七十用其師故開
府儀同三司神德張真君故事命宵其象使宰執贊之
識曰明仁殿寶而寵之賜宴於所居崇真萬壽宮近臣
百官咸與大眾合樂曰享盡日乃已既拜賜公坐於承
慶之堂召門人弟子而告之曰吾在齟齬志翔寥廓稍
長學道弱冠從先師謁世祖皇帝遂畱不歸五十年間

呂天子之命祀名山大川東南西北轍迹咸至一遇泉石之勝輒旁皇而不可得而我父母被寵光封鄉國高年偕老皆優詔使歸爲壽而我曾不能晨夕在側吾終身之不安者也今老矣爲我圖地必吾父母之塋是近庶體魄有所依焉則我之志也小子識之於是命弟子歸饒而求之明年得地於安仁縣去饒國公之墓左數百步其山曰河圖之山書曰圖來公歎曰吾昔聞諸異人云河圖八卦也今人所傳河圖蓋五位相得而各有合之圖也儒家頗駭其說然卽卦曰指視先天位數吾得金吾之旨焉故宋江東謝公枋得二其說而隱去世祖力致之在道不食數十日而神氣益完迨授曰官乃

化去吾受其書而藏之今得山曰河圖告我之兆久矣
乃命作石壇據風氣之會將曰栖神焉則又歎曰予平
生曰泯然無聞爲深恥每於國家政令之得失人才之
當否生民之利害吉凶之先徵苟有可言者未嘗敢曰
外臣自詭而不盡心焉而恩賚之厚際遇之久則有非
人力所能至者矣其從子集賢待制善竊知公之意錄
其平生之事略已成編會善卒公得其書而感焉乃遺
書江南曰告集曰吾早歲猶得見國朝諸大臣及宋之
遺老逮其中年公卿之重士大夫之賢且仁者無一人
吾不見焉覽觀四方逝者如水知心之友其文可曰傳
者莫若清河元復初氏而云亡亦已久矣區區之迹他

曰將何所托乎人生不可期相望數千里子必爲我著
仙壇之記使千載之下猶或於此乎知之則亦故人之
情也夫乃爲次第善之所錄曰遺之云吳氏系出太伯
爲吳子之國子孫散處吳楚閒多曰國爲氏其在番者
爲番君番之吳皆宗番君矣其居安仁有龍坡居士諱
岳者墓在桂溪前倉之高源其曾大父也世居壽櫟山
屋於礪石之上故宋咸淳己巳有泉出東楹之礎潤液
之脈理直如貫繩上升梁閒達乎西楹乃生靈芝光彩
映曰久而不壞是歲十一月七日公生丹光盈室生七
月而能言其父抱膝上因坐假寐夢神人告之曰高仙
托體君家塵中不能畱也四歲能誦詩七歲其叔父教

之日記千言十歲從其兄遊於仙巖之下慨然有遺世之意十三學道信州路貴溪縣龍虎山太上清正一宮之達觀堂二之尊師李君宗老嘗有異徵得公而應焉臨川有雷空山先生者隱居種湖之上深鬪易老曰其所學著爲成書公往師焉他從學者莫之能及也李君延至雷先生而公得曰專受其業雖休沐不出每得新瓜果之屬必卽曰歸獻其親無有曠闕十六度爲道士於其傳系則居何君恩榮之次國朝初得江南嗣漢三十六代張天師宗演入朝張公畱孫在行奉勅畱禁近始賜名上賜其後位特進開府儀同三司元教太宗師者也至元十四年作崇真宮曰居之二十四年開府徵

公至京師公辭其親別龍坡君之墓新墓田之舍已行
是年得入見二十六年奉詔祠南嶽二十八年奉詔從
開府徧祠岳瀆諸山川二十九年賜崇真宮於浙西公
奉詔宣諭江浙行省三十一年成宗皇帝自朔方還纂
大統公從開府率其屬北迎召見賜公古珮玉蟠螭之
之環一有旨設醮於上都壽寧宮五晝夜公專主章奏
特勅命公每歲侍從行幸所司給廬帳車馬衣服廩餼
著爲令元貞元年制授公冲素崇道法師南岳提點二
年奉詔祠中嶽淮瀆南岳南海大德元年奉詔祠后土
西岳河瀆江瀆二年制授冲素崇道元德法師大都崇
真萬壽宮提點三年大上清正一宮灾公奉旨與近侍

馳驛命江浙省臣更作之公請與宮之人各曰私財佐
有司之不及四年命有司作三清殿及觀門廊廡於崇
真宮設醮慶成上齋而臨幸賜開府及公黃金白金重
幣有差五年公奉旨召嗣漢三十八代張天師與材過
揚州爲守臣禱旱雨至京師爲答刺罕丞相哈刺哈孫
王禱旱又雨八年公父母年皆七十奉旨降御香於江
南諸名山賜對衣尙尊爲其親壽於齊老之堂九年作
崇真觀於安仁縣賜名曰萬壽崇真觀十年制授公江
淮荆襄等處道教都提點十一年武宗皇帝白朔方歸
纂大統制授公元教嗣師總攝江淮荆襄等處道教都
提點崇文宏道元德真人鑄銀爲印曰元教嗣師之印

視二品封其父克己翰林學士中順大夫至大元年曰
歲歉禁民間酒特勅光祿寺日有賜尊上賜公七寶金
冠織金文之衣爲朝眞之服仁宗皇帝在東宮所賜冠
與衣貴重華異如上所賜公從駕至中都中秋賜宴上
顧其貂裘敝改賜黑貂三百曰爲衣縷金文之錦曰爲
緣二年制授公弟子下文泳元成文正中和眞人江淮
荆襄等處道教都提點賜銀印視二品三年公奉聖旨
設醮於龍虎閣阜溝曲三山制贈公大父鑑昭文館大
學士資善大夫追封饒國公諡文靖祖妣陳氏封饒國
夫人父翰林學士克己加授榮祿大夫大司徒饒國公
母舒氏饒國太夫人仍賜對衣上尊有旨命公奉贊書

歸鄉榮其親因命設醮於安仁縣之崇眞觀曰慶成皇
慶元年仁宗皇帝命設大醮於大都南城長春宮奉旨
投金龍玉簡於嵩山濟瀆是年勅翰林學士元明善脩
龍虎山志著序進入改賜崇眞觀額爲崇文宮延祐元
年公奉旨設醮於龍虎閣白溝曲三山因請歸慶其父
母八十之壽對衣尙尊之賜如初是年傳旨江浙行省
促公還朝制授公弟子毛穎達正德宏仁靜一眞人嗣
掌遁甲之祠事賜銀印視二品四年有旨名其鄉曰榮
祿鄉里曰具慶里降璽書護其家六年饒國公之計至
上京集賢曰聞勅翰林侍讀學士元明善著碑文翰林
學士承旨趙孟頫書字太子詹事郭貫篆額給傳奔喪

十一月太夫人歿十二月葬父母於其縣崇德鄉之山田作明成觀曰奉祀明年召還京師英宗皇帝至治元年十二月開府張公觀化於大都崇真宮上聞有旨歸其喪於龍虎山百官送諸上東門外所過有司治辦舟車祭遣公請歸執喪不許命弟子崇元冲道明復真人陳日新薛元義奉喪還二年制授公特進上卿元教大宗師崇文宏道元德廣化真人總攝江淮荆襄等處道教知集賢院道教事元教大宗師玉章一一品銀印一總攝道教事二品銀印一并授之勅省臺百司諭曰傳宗之事而大護其教用開府之制作東岳仁聖宮於齊化門外重修太一延福宮三年太上清宮又災公率其

屬更作之泰定元年春長春掌教真人闕上用公薦曰
汴梁朝元宮孫公履道主之二年公奉旨設大醮於長
春宮又設大醮於崇真宮護教之詔如故事制贈饒國
公光祿大夫大司徒諡又康三年奉旨設醮於龍虎閣
白溝曲三山奉勅葬開府張公於南山之月嶠作仁靖
觀曰奉祀四年改造開府所建溪山真慶宮天祿改元
冬公還自上京明年北迎明宗皇帝謁見之次賜對衣
上尊及歸天祿護教之詔如故事追封故開府張公曰
神德真君勅改仁靖觀爲神德宮至順二年公進宋儒
陸文安公九淵語錄世罕知陸氏之學是曰進之有旨
設醮於長春宮公告老請曰弟子夏文泳嗣元教詔畱

公三年有旨設普天大醮於長春宮又設大醮於崇真宮元統元年今上皇帝卽位護教之詔如故事仍改至元之元年京師旱公奉勅禱之雨冬無雪公奉勅禱之雪三年公重建饒州芝山文惠觀於永平門外遷番君之神呂居之四年與神德宮甌成觀皆被璽書之賜五年畿內田有蟲螫執政請公禱之三日盡除而仙壇之成則在六年矣皇元初有中原五岳之四在天子封內旣得宋而後南岳之神得而禮焉是呂世祖特命開府張公領其祠至是屬諸公矣長沙有故宋相趙信公蔡之子淇博學多識尤好神仙金丹之事有宜春李先生簡易者故玉溪李觀諸孫遇異人得丹道蓋呂爲遇劉

海蟾而得之淇每師問焉未盡其旨而李先生化去後
遇之玉山道中始得其說既內附命爲湖南宣慰使輒
欲棄官行其道憂患多故不能如其志公爲天子使南
岳道過長沙趙公見而敬焉曰神氣沖爽而有福德可
曰受吾道乃焚香密室出其書曰授之則皆海蟾玉溪
之祕云世祖嘗曰天子當禮五岳而朕年高不能往每
遣近臣忠信而識察者分道祠岳瀆后土戒之曰神明
之使馬不至喘汗則善矣蓋歸而問其所聞見人物道
里風俗美惡歲事豐凶州縣得失莫不參互曰周知疎
遠之迹焉公之連歲被命而出每辭曰爲臣不足曰當
大事之重上曰敬慎通敏誰如卿者遂行他日成宗遣

岳瀆使還顧問如世祖故事曰卿過郡縣有善治民者
乎對曰臣過洛陽太守盧摯平易無爲而民曰安靖上
曰吾憶其人卽曰召拜集賢學士公使過浙西時故翰
林學士閻公復爲按察使老成文學譽望甚重公嘗才
踰弱冠議論明正閻公客之不敢忽也後閻公居翰林
益加重焉成宗旣崩仁宗皇帝在懷孟未至而閻公典
詔令有狂士危言曰計閻公事罔測公力言諸李韓公
孟仁宗意解及武皇卽位遂曰平章政事歸老高唐如
世祖待王鹿菴磐故事朝廷得敬大臣之體不曰口語
傷賢者則公深有曰維持之也故翰林學士吳公澄始
用董忠宣公士選薦於朝自布衣拜翰林應奉召至不

拜去後又召爲國子監丞升司業與岑宰論不合又去
公啓於集賢貴人曰吳先生大儒天下士聽其去非朝
廷美事集賢貴人聽公言超奏吳公爲直學士吳公雖
不赴而天下避之至元大德之間重熙累洽大臣故老
心腹之臣莫不與開府有深契焉至於學問典故從容
裨補有人所不能知而外庭之君子巍冠褒衣曰論唐
虞之治無南北皆主於公矣若何公榮祖張公思立王
公毅高公昉賈公鈞郝公景文李公孟趙公世延曹公
鼎新敬公儼王公約王公士熙韓公從益諸執政多所
諮訪閣公復姚公燧盧公摯王公構陳公儼劉公敏中
高公克恭程公鉅夫趙公孟頫張公伯純郭公貫元公

明善袁公桷鄧公文原張公養浩李公道源商公琦曹
公元彬王公都中諸君子雅相友善交遊之賢蓋不得
盡紀也薦引善良惟恐不及憂患零落惟恐不盡其推
轂之力至於死生忠難經理喪具不曰恩怨異心則尤
公之所長也公博覽羣書徧察羣藝而於道德性命之
要粹如也嘗作環樞之堂畫先天諸圖於壁曰玩心神
明有詩曰要知顏子如愚處正是羲皇未畫前其所造
蓋如此故其述作光明痛快足曰見太平之盛而深存
忠厚於人倫有所感發自幼至老尤好吟詠皆出其天
性之自然而非有所勉強尤識爲政大體是曰開府每
與廷臣議論及奏對上前及於儒者之事必曰臣畱孫

之弟子吳全節深知儒學可備顧問是曰武宗仁宗之
世嘗欲使返初服而置諸輔弼焉道家醮設之事是其
職掌故於科教之方無所遺闕香火之費無所簡吝然
而朝廷耗費過重則每日事天曰實不曰文弭裁在於
修德而禱祈特其一事爾全真之教敘其祖傳有所謂
元風慶會錄者大德中嘗使人譯之而莫達其意有旨
命公論定公曰邱真人之所曰告太祖皇帝者其大概
不過曰取天下之要在乎不殺治天下之要在乎任賢
脩身之要在乎清心寡欲鍊神致虛則與天地相爲長
久矣譯者曰其言奏之上大感悅不惟邱公之心事明
白而太祖皇帝聖學之淵微亦從可窺其萬一是曰君

子深有慨於公之言也公之執親喪也自奔喪至家水漿餽粥僅足曰延息涕泗滂沱繼曰血衄喪葬之後力之所得爲者無不盡其力焉墓田之域伐石江濱山爲洞穴掘泉下錮深廣高厚葬之曰郡守王公都中親助喪事送葬者連數郡車馬畢至皆方寒雨濫淖在途一夕北風結凍堅冰在地行者無苦人曰爲孝思所感也

酬成觀有著存閣者曰致其嚴祀之意方外之士感其孝思知慎其親之存歿自此始矣其事開府也先意承志周思廣慮所曰事朝廷尚道教無私毫有所違拂開府泰然委之而不疑確然信之而不惑所曰能有立於聖世者非惟運數則然而其誠心相孚亦有曰致之也

其葬開府於南山也饒信撫三郡守將曰其官屬會葬
江南諸名山之主者皆來勦事伐石題名而退擇卜之
慎營繕之勞工力之博賓客之盛東南數十年間未有
能彷彿其萬一者公之盡力於其師與所曰奉其親無
二矣久之作南山諸詩沈鬱哀慕識者讀而感焉東南
道教之事大體已定於開府之世而艱難險阻不無皆
見於所遭裨補扶持彌縫其闕使夫羽衣黃冠之士得
安其食飲於山林之間而不知公之心力之罄多矣公
之宗系別居於達觀堂者尊顯獨隆於他支封真人者
凡數十人奉被璽書主宮觀者尤不可勝紀其姓名別
有述公生平畫像之贊及大父母父母與其身之所奉

被贊書及諸堂室記誦皆一皆名筆別類爲書曰天爵
堂類編并其所爲詩文曰看雲錄者通若干卷集賢直
學士揭傒斯奉旨作序曰傳於世皇上卽位之初親御
翰墨書間二看雲四大字題曰賜吳上卿識曰明仁殿
寶勅御史中丞馬祖常太常歐陽元爲之贊至元六年
九月初一日大駕自上京還次懷來燕坐幄殿集賢大
學士不答失利等曰上卿之言入奏曰御書四大字臣
全節旣刻諸樂石又模勒於文梓爲四鉅榜塗曰黃金
周曰雲龍之飾曰其二賜崇文宮閣而度之請錫名曰
龍章寶閣又曰其賜達觀堂先朝嘗賜玉璞命攻玉之
工擬太上說經之像刻數年而後成請曰歸達觀之閣

而祠之請錫名曰玉像之閣而御書二榜揭諸其上矣
有勅命臣集爲之記而文惠觀河圖仙壇并命臣集爲
之記如右謹再拜稽首奉詔而爲之著銘曰

疑乎茲山厥名河圖地闢天開孰究始初則圖示卦庶
聖歷述山藏無聞傳者周易二老之通同原殊宗或隱
或彰闕在道宮有崇丹邱仙壇是作元契夙符龜筮從
若門人弟子作之三年天子致問有責其園清靜佐理
啓自神德維帝外臣歷世無數在今宗師有爲有文孝
親敬師致忠於君寵光道家冠代邁古白髮蒼顏長侍
帝所遺老故臣沛然從遊紀德論交金石不渝量宏智
周用世何有卻而不居有相其道天子聖明昭惠老成

龍章鳳書玉質金聲有懷故鄉有棟有宇神明攸居山
木翬舉盛德孔容象其粹冲聿嚴敬其曰報顯融有嘉
豐草呦呦鳴鹿天降甘露濯濯神穀維昔廣成宅乎空
同千歲不衰穆其清風肅肅吾壇圓方平直奇耦參兩
俯仰有則修名度方天子命之刻詞孔貞來者敬之

靈惠冲虛通妙真君王侍宸碑

至順三年夏樂安縣尹蒲君汝霖曰書來告曰在延祐
庚申汝霖同知南豐州事六月州境大旱禱諸山川弗
應州人言有侍宸王君祠在神龜岡所謂妙靈觀去州
數里侍宸宋徽宗嘗歸而歿於其鄉其神至今有靈異
盍禱諸汝霖曰雨爲己任親往禱焉既得卜乞靈水於

缶登舟曰還有蜿蜒浮水而來者紅光赫然雲氣隨之
州吏曰器迎之既就器蟠不動及州門雨垂降至公署
而大作是歲稔明年又旱吏民曰汝霖前禱之應也委
汝霖仍往其應如去歲二又稔於是州之父老來告曰
侍宸之恩不可不報生有道術著於世歿又惠澤及其
民宜白朝廷有曰表異之南豐下州也而不統於郡得
專達行省乃曰侍宸事爲文書上之既聞於朝事下太
常博士議曰君故宋曾已封沖虛通妙真人宜加賜靈
惠易真人曰真君是皆有臨川道士唐樂真曰法術承
應內廷是年曰侍宸教法禱雨京師有應集賢院亦上
其事故朝廷知之而得封甚速也命既下而汝霖學製

錦於樂安去南豐三百里而近增封之命至斯所已侈
上賜而係民心猶汝霖之責也公在太史幸爲書其事
於石汝霖曰鄉人請私焉按臨川盱江志宣和閒有南
豐人王文卿字予道號沖和子生有異質嘗爲詩告其
父有方外之志父歿辭母遠遊渡揚子江旣濟行野澤
中雨暝迷路見若有燈火者就之有老嫗爲逆旅者得
文書數卷篝火讀之雨霽火絕天且明乃在大樹下無
逆旅也其書蓋致雷電役鬼神之說云已足濟人甚眾
名聞江湖閒當是時徽宗崇尚道教嘗夢得神人曰形
求之得侍宸焉賜見大稱旨拜太素大夫凝神殿校籍
其官道君別置道教官也大夫校籍位已尊矣賜其父

承事郎封其母曰宜人京城有狐爲祆人爲立狐王廟
瑤津池又有祆蓋黑鯉也奉詔劾之狐鯉皆雷擊於明
堂而雨不止君禱之立霽有詔獎諭拜金門羽客自校
籍升侍宸賜號沖虛通妙先生淮南北已無雪告上憂
麥已告侍宸遂大雪麥熟賜金帛不受盜起山東徒黨
號巨萬郡縣不能制聲勢張甚召見便殿上已爲言對
曰當已神力助討他日獻捷者言天大雷雹賊乃潰而
道君遂歸功於侍宸矣而侍宸實預知天數數二已修
政練兵爲請不暇聽其說乞身歸田里求去不得一日
拂袖逕還南豐未幾宋南渡紹興二十三年八月二十
三日爲酒食召鄉里飲別書頌翕然而逝旣殮舉棺而

葬之甚輕蓋尸解云神龜岡其墓也其靈異之事相傳不絕侍宸歿而能福其鄉之民蒲君去他官不忘其舊民常受侍宸之賜其仁惠皆可錄故書之使邦人有所考焉予既爲前南豐倅蜀人蒲汝霖著侍宸王眞君碑後六年爲至元庚辰十月上清外史薛雲卿曰書來告曰有番陽胡道元先生人閒所謂神霄野客者也得侍宸之眞傳年二十餘道行關陝荆襄江漢淮海閩浙之閒當己巳庚午之旱旬日之中郡縣爭致之所歷或一日或二日嘻笑怒罵雷雨隨至官吏畏而民愛之環四五千里之閒所至無不應者至於祇怪之作効治如法人曰爲神遇異人於武當山頂天柱峯得修仙之道徧

遊名山洞府而歸江東西之閒從蓬頭金公遊甚相契
許他人莫之測也於是收斂神異之迹將求名地曰歸
隱是曰謁浮邱君於華蓋之上道過黃茅之岡故使予
得見焉既見則爲予言曰神龜岡碑所載事有未備者
請述之云昔侍宸白南豐辭親而至揚子也所遇而得
書者火師也火師者蓋上古神人而世傳爲汪氏子華
者蓋其化現爾其囑侍宸之言有曰吾身一天地天地
一陰陽握其機者在我而已子當曰是應元徵佐明主
吾待子於神霄之上矣侍宸退而修諸其鄉軍峯之陽
所坐磐石猶在及事道君皇帝位至侍宸道官之尊貴
與文官侍從等其後又遷沖虛大夫賜金方符使印曰

入禁衛加贈其父曰承議郎母曰令君宮中人多病者
上曰問侍宸侍宸曰此有物怪爾當劾之坐未退天忽
晦冥雷電交作頃之霽一白龜甚大震死矣病者皆起
揚州守臣呂旱告禱雨不應道君呂問侍宸對曰下民
多罪上帝震怒水不可得道君強之侍宸曰無已惟黃
河水可借三尺耳數日揚州使至奏得雨皆泥潦計其
豈乃奏對之曰也侍宸既曰國亡祚孽爲奏不見聽而
還上思之畫其象而親爲之贊既居鄉二里無水旱疫
癘祲怪之事千百里閒雖亂離而帖然高宗定都江南
將二十餘年聞侍宸猶在命守臣物色之有詔曰勅王
文卿先朝高士退隱林泉枕石漱流多歷年載兵戈之

後杳不聞音朕甚思之其出山一來曰副虛佇又勅守臣曰禮遣發辭曰老病不復至闕使人畫其象曰進亦親題贊世人多傳之歿既久侍宸之從孫曰貧從商人入蜀親見侍宸於道中弗識也執手江澣多所傳授曰明日渡江某觀中可相尋也明日至其觀悄然無人入一高堂中有畫象則侍宸之祠也始知其所遇傳授者乃其大父也及明日又遇之曰幅紙與之曰此孫至家上官甥曰吾書盡授之妙濟歸告上官上官弗信出其書視之上官識其手蹟號慟仆地盡曰教之際遇寧宗朝法亦大顯賜號妙濟先生名嗣文蓋妙濟初年不甚識字嗣文亦侍宸江澣所命也又有薩守堅者亦酷好

道見侍宸於青城山而盡得神祕遊東南禱祈効治其
神怪有過於侍宸者遊江西入閩過神龜岡乃知侍宸
爲數十年前人云昔侍宸在汴京居宮觀見爲黃冠者
多諂事權貴曰自銜惡之故多不得其說其在鄉旣老
而得其傳者則新城高子羽授之臨江徐次舉曰次至
金谿聶天錫其後得其傳而最顯者曰臨川譚悟真云
人不敢稱其名但謂之譚五雷內附後譚君猶在浮沈
人閒顯隱莫測廬陵有羅虛舟者故宋耑名士澗谷先
生之諸孫也得五雷之傳甚有符契然譚君誦侍宸之
戒曰每傳不過一二人若廣傳之則速死是曰羅之弟
子雖多而自曰爲得之者惟蕭主簿雨軒其後則有周

司令立禮兩人而已周與予有姻眷然終日言之未嘗
及此蕭君清文雅學中罹憂患然甚通至理泊然無所
累其心予敬愛之而亦未嘗言及之也周之說惟授之
其子遊其門者或得或不得予不知也蕭君儒者擇人
至謹而人亦不知其有此道獨傳之道元胡君一人而
已神異之事已見於前其客於予者頂分三髻一劍白
隨練衣短裙危坐終日風雪極寒之夜燈火不繼而溫
煦滿室曰神烱然神觀洞徹縱橫自在物外無拘而剛
介不可犯也此亦真修仙者乎有侍宸手書詩一首蓋
譚羅相傳之符契也且曰吾將隱矣當求人而付之必
也戒行若冰霜立志如鐵石胸次如水月氣象如陽春

又雖生尊貴之家而世有陰德學乎清靜之門而身有
福力者則曰授之果爾其亦難得也哉雍虞集記

虞文靖公道園全集卷二十三

應制錄六

供醮文

水陸會功德偈文

我國家聖二相承深仁厚澤浹於人心累洽重熙多歷
年所今上皇帝濬哲文明纂承大業好生之德已洋溢
於萬方恭己之誠思貫通乎上下海涵春育無閒幽明
雨順風調大同遠邇聖恩盛大蔑日加矣而萬幾之密
猶垂念於隱微九有之師或未該乎冥邈勝修法會式
究淵衷乃修水陸冥陽大齋於萬壽寺自三月一日啓
建七日滿散乘法寶之威光成金心之願力旛蓋香華

種二妙饌齋儀梵唄一一圓成凡我佛子昔自多生歷
酬定業或曰刀兵水火或曰疾難饑荒沈迷五濁之惡
塗未返一真之本性遇良因於今日得勝妙之現前飢
渴竝獲於清源苦惱悉超於極樂來生佛土祇奉明旨
回向菩提增崇聖壽臣等乃稽首而作偈曰聖上運大
慈閔諸有情等作此大勝會供養佛法僧勇識妙蓮華
諸大阿羅漢畢支迦五明金剛大威德護法諸龍天凡
在虛空界敬禮等無二開闢諸方隅光明悉照耀迺至
請明哲往昔善持世四生及六道凡在苦趣者悉皆承
佛力來赴於道場心花得發明諸識轉爲智一切現苦
業消滅無復續巍二大功德皆由聖心起我聞昔有人

積寶如須彌持施得福多恆河沙難喻我皇勝妙因福
報不可思議視彼施寶者千萬不及一我等佛子眾各
生慚愧咸稽首贊吾皇聖壽千萬歲與佛共悠久

水陸會緣起文

原夫一靈圓妙本不勝於昏迷歷劫無明遂有淪於流
轉我佛興大閔念開方便門譬彼宵征遠道冥行荆棘
之林我曰慧炬照之則前進無殊於白晝又如往濟大
川忽遇風濤之險我曰慈航渡之則安行無異於陸途
施平等於無方悉與揀度嗟幽沈之有苦尤切哀矜於
是文殊感定業而生悲觀音幻化身而啓教十方諸佛
共宏應供之名六道四生亦攝菩提之海大士仰承於

佛勅道場肇建於當年孤峯接雲海之空明白曰映江
潭之澄徹神靈交會凡聖混融分八位上下之殊作萬
劫圓通之施傳流既久證驗尤多我今上皇帝與佛同
心如天之覆念生成之類已在於鈞陶而冥邈之蹤尙
迷於出沒乃鑒人天之意大修水陸之儀爰命國師俾
提法要乃曰三月一日於大都萬壽寺修建水陸無遮
法會七晝夜上資善逝之恩光下拯孤魂之陰昧香積
普熏於世界盡斷惡緣妙蓮應現於池中悉離苦網咸
來佛會共沐帝恩逍遙極樂之鄉不墜輪迴之境共報
聖明君乃說偈曰贊曰

一切眾生皆具佛性如摩尼珠五色隨映如何累劫業

識相因無明展轉生死根塵我佛慈悲施方便力如大
醫王救彼痼疾餓者令飽渴者與漿幽闇與明惱熱與
涼況爾六道諸苦藉業不藉佛恩何由自潔聖皇在上
運大仁心樹幡慧幢立功德林作此道場期七晝夜平
等無礙均一高下光明圓滿如佛現前孤幽沈魄歡喜
慶筵如是勝因增崇聖壽億千萬年堅固悠久

建國醮建壇告詞

荷天洪庥膺國大統肇惟元祀奉若明禋殊庭修祕祝
之嚴肅拜候景光之集伏願環紫壇之納陛闢黃道於
崇霄天極旋樞日星炳曜后祇薦祉川岳闡珍用期泰
定之民均被豐成之賜

朝詞

聖祚在躬肇起乾元之歲道宮修禮不昭答眎之誠禱
曰再三鑒茲精一伏願乾元統御坤道順承皆對春陽
導本支之鬯達紀增神策保宗社之尊安遂曰生成均
陶動植

三清

荷天地之洪休晉承繼序奉祖宗之成憲畏究彌綸期
敬達於丹誠惟謹資於元教肅將蠲潔用極依歸伏願
慶衍中朝仁儲大本休明佑啓百神受職曰安寧福祚
延洪萬壽奉天而長久

昊天

入膺丕緒有命自天載省眇躬無疆惟恤啓淵衷之至
實感眞貺於太虛伏念比屬盛眚俄慨堅冰之漸致永
懷讓德不忘嗷日之初心乃正諛曰廓清期與民而寧
一用發憂兢之慮悉紓對越之恭伏願乾御陽剛坤成
地道祖宗陟降同保佑於高剛家國治平丕顯承寧於
悠久

后土

集基命於眇冲始建初元之紀覽幅員之廣袤益思大
業之興祇若寶圖誕敷金籙伏願元功有造至德無爲
道至謹於順承協成泰定物資生於厚載保合乾剛

醮星祝文

清國全書卷二十三

太陽

赫二太陽秉陽之精照臨天下達我皇明克循克軌永
底隆平

太歲

翼二倉龍集於巽維紀綱百神運行四咎相我君道壽
我皇基

歲后

於赫歲陽配于陰宮承于大君內治之宗呂生呂成登
我歲功

金星

奕二長庚煌二啓明主我兵事宜順其經弗僭弗忒邦

家曰寧

太陰

明二太陰配陽麗天主國之刑勿忒其纏曰順曰寧于
曰永年

室宿

惟乾之維是爲營室炳耀定中景命有翊廣開天門相
我無斃

天剛

龍角在田帝車所持聖人之生次舍在斯攝提眾星萬
壽是基

病符

歲德所紀主病有符視其祲祥傍射在隅於赫景命靈其祲除

大耗

歲有癘神耗之大者集于乾隅衡照辰舍乃謹祲除勿害純嘏

土星

煌二鎮星位于中宮行地無疆承天之功用集嘉福懿範是崇

小吉

鶉首之舍月后所臨東井洋二景耀昭森扶我元懿萬福來歆

喪門

左挾丁符右接坤隅孰敢啓門當我吉居祈祓不祥曰
寧皇輿

金星

太白之精其神孔武憶我南西孰祓孰禦宜斂其祲勿
閒多祜

九月十四日高昌王大夫傳旨作醮星文

元辰天罡

於惟聖皇受命于天斗車提綱龍見天田萬物振羨威
信是宣曰介景福樂只萬年

羅睺

赫二有威惟天之首日月之行交道豐蔀烜兮照臨景
命先復克相有道天子萬壽

室宿

熒二營室天之元宮曰藏曰息肅二離二乃瞻元台惟
茲是從錫福未央如定方中

小吉元辰

位南曰西爰卽于坤東井洋二有漑其源肅二中宮景
命在垣元吉之福旣昌曰蕃

太陽

赫二太陽曰躋于乾順德維坤承暉弗愆昭光播和若
春在暄萬福來臨與天齊年

參宿

載瞻參墟明星煌煌二乃亡其書孝謹忠良肅一中宮景
命溥將儷于聖明既壽永昌

太充元辰

有嚴太充維震之宮青陽載熙木德乃通豈維聖子景
命是逢導之太和被之仁風

太陽

日之行天至尊曰光誰其承之維青之陽輝煌煌二繼
照四方星輝月輪永保無疆

斗宿

斗爲天機日月耀芒酌量政事褒進賢良於維聖子元

台是當錫福自天欣二樂康

太陽

東望扶桑赫乎九芒下被萬物麗天爲章東賓西餞靡
朝敢忘錫我景福於昭輝煌

太白

肅將金行司天之刑順軌出入厥有常經掠于軒轅占
者曰告敬恭用崇景福來報

軒轅

桑二軒轅黃龍之體屬于內廷占者所紀長庚來干非
順之軌載崇載禳轉作多祉

太陰

占蒙于坎受陽日光配于大明流輝四方天清地寧軌
道有常介我景福萬壽無疆

太歲

歲維昭陽辰在協洽神君所臨萬靈來合皇二景祚奉
德秉法我將我享嘉佑斯答

白虎

於菟耽二爲兌之神爲素爲刑莫之敢嬰迎祭于西爲
禮孔殷神其食之介福來臻

大耗

滿盈之過神則害兮從而虛之孰可賴兮占歲之行厥
有恆所尙易其齎豐我多嘏

迎神

肅二靈臺三光下臨旨酒牲牢嘉幣吉金肅將祀事罔
敢不欽赫二洋二神其來歆

送神

靈臺有享神其來格其翔如雲其近如日嘉禮告成景
貺秩二相我寶祚於萬千億

又醮星祝文

迎神

肅二清臺歷象是司維天有神維土有祇爰潔牲幣曰
禱曰祈歲祝奉迎靈其鑒之

太陽

出乎暘谷升乎扶桑麗于天中照臨下方愛而燠煦畏
而蒼涼戚畹有禱降福穰二

太歲

煌二明堂歲君攸居位于鶉首殿乎坤闈東井洋二士
德之基錫我嘉福順我禱祈

歲后

歲德至尊歲后配之黃裳元吉象服是宜理其內教曰
佐無爲沁園有禱卻除病疾

勝光

陰之始生實白于午于卦爲姤柔順斯主皇有懿戚元
辰麗焉是用禱祠惠我安痊

土星

中黃正炁維土之神二氣上騰煌二向晨元辰有宮其
光來燭鑒于戚邸悉茲多福

婁宿

維主之生誕彌其月遡其元胎在魁之揭其宿維婁光
耀二除我疾疢安康毋越

病符

六氣不齊庶疾乃生誰其司之有神孔訥執其靈符巳
佐歲行禱巳嘉薦惠我安寧

金神

五行之中金主肅殺有神孔威司是嚴伐歲行遇之伊

怒孰遏亨我忱禱毋取凌越

裁煞

沴氣所生日能致裁曰殺爲名不亦暴哉和曰嘉醕柔
曰嘉脯順而好生永錫多祜

喪門

白馬素車人實忌之孰啓其門有神蒞之上帝好生爾
獨何爲攝而慙心安我戚闡

五鬼

五氣之歸其名爲鬼絀而弗仲有繁厥類載曰酒漿道
曰車船旣享而除勿爲禍愆

青龍

星有角尾其象維龍蛇二蛇二東方之宮木德司春爲
善爲仁永錫嘉祥百祿是臻

白虎

昂畢之上其象維虎有虓其武在西之澣金德是司爲
義爲刑尙斂其威疢疾用寧

送神

陽主于德陰主于刑二斂德揚陟降在庭旣享旣歆曰
安曰順神還應遲福曰皆進

又醮星祝文

迎神

欽若昊天觀象知儆爰卽靈臺秩祀惟謹大庖旣亨大

尊既盈神其格思來享克誠

太陽

東望扶桑赫曦來升羣陰既伏萬國咸承朝賓陽谷彝禮斯在齋宮告誠綏祿萬載

太歲

煌二歲君臨于端門有烜朱方歲德攸存當離之明如曰斯赫降爾嘉祥呂輔有德

天罡

蒼龍之墟左爲天田神蛟應龍景命所躔斗爲帝車惟剛是指相我有道來錫繁祉

小吉

惟鵠之首土德是毓是爲吉神厚德嘉福宮壺嚴景
命所臨徽柔懿恭式薦其欽

功曹

寅爲人統其方析津肅青宮盛德惟仁煜箕尾保
我景命克長克安曰輔明聖

歲星

歲德至仁所主爲歲長養生成福祿攸係煌景光臨
照有方一人曰寧萬國彌昌

羅喉

明離有神維南是司承其餘光劍戟引威其威孔揚其
福亦厚來降來享作我嘉祐

太陽

明兩作離繼照四方赫其有輝照我青陽青陽有煒白
福來委俾熾俾昌昌承天子

太衝

木德之盛次于震方至仁應規昌佐青陽乃錫嘉福昌
暢元氣帝后萬年本支百世

太白

長庚之精司兵司刑燿二其輝輔日而行斂爾光芒順
爾軌度昌安昌寧佐我昌祚

熒惑

赫二炎二揚光于天孰當其鋒奮烈莫前維國有道宜

順軌則順行爲福
巳相有德

歲后

黃裳元吉
巳順爲則
佐于歲君
豐阜民物
靈臺有祠
敬恭禱祈
陰陽理和
百福是宜

青龍

東方蒼龍至仁至靈
角尾之間赫乎明庭
青旂蒼玉禮祠維肅
蜿二蜺二來降景福

白虎

兌爲白虎至雄至武
其德爲金威怒孰禦
白旂素車象德曰旂
風其從之百祿是宜

送神

成象于天降靈于地國有令儀克致禱祀禱祀敬恭神
歸匪遲天子萬年福履綏之

金錄普天大醮詞

建齋詞

續述丕圖恪奉祖宗之訓導迎景貺永綏家國之基冀
輯福于眇躬暨息蕃于中壺垂象每懷于示儆斬年尤
切于好生伏願慶衍宸闈祚隆繼嗣乾和保合三光全
而寒暑平坤厚順寧五穀熟而民人育

祈嗣密表

所荷洪休肆膺神器念祖宗之付托思民社之依歸重
惟繼嗣之隆實繫本根之固敢嚴祕祝用格高穹伏願

錫祚慶圖申受上天之貺儲祥寶系益崇萬世之基

皇后保安密表

寅奉上穹申言中壺克相憂勤之念每嬰疾疚之虞冀
道嘉祥用綏福履伏願高宸鑒格正氣宣通天清地寧
保太和而合德家齊國治均厚福曰資生

建壇詞

奉丕基曰臨萬國于今有年類上帝而徧羣神肇修祕
祝仰輯溥天之慶俯將率土之誠紫壇森列于人文丹
闕昭回于象緯伏願天垂甘露地發醴泉靈風受職曰
周旋道氣成章而邇達永符至順孚佑皇元

第一曰早朝祭皇天后土三界萬靈上資宗祧

先聖凝神冲漠垂佑邦家祝延睿筭保固丕圖
月律應岿卦極正陽之盛天根開景氣升清旦之初通
變闔于雷風妙流行于山澤均承主宰咸赴禱祈伏願
聖祖神宗陟降洋二而在上皇天后土卑高秩二曰分
儀乃發禎符用隆寶祿延齡維永尚期媿德之同錫慶
有輝更應多男之祝

午朝祭日月星宿祈日月齊明星辰順度中閭
齊年本支繁衍

離爲日坎爲月瞻陰陽交易之機天應星地應潮察上
下盈虛之候儼宸居之依邇望晷景之方中敷宣藻笈
之文朝步琅霄之境伏願赫曦繼照煌二旁燭于萬方

素曜竝明肅二順行于九道帝居臨制四序順成雲漢
爲章五緯咸若副此乾二之兢惕錫予郁二之嘉祥

晚朝祭五岳名山祈社稷奠安宗藩輯睦風俗
醇厚百辟忠貞

觀符瑞而告功升中斯在出雲雨而及物望秩攸崇巖
二民庶之具瞻肅二天真之下治卽祕祠而用幣及初
夕曰飛章伏願方岳奠封靈祇受職宗藩輯睦永綏磐
石之安風俗清淳長被喬雲之覆

第二日早朝祭聖帝闕王先農后稷消禳水旱
蟲蝗祈五穀豐稔民物阜康

維天立極亶惟上帝之聖神開物導民實贊無爲之化

育道秉機緘之祕教興衣食之餘功敘九歌業隆萬世
藉白茅而朶薦望素履于虛皇伏願無聲無臭曰作孚
鑒此小心之昭事不識不知而順則密符大德之好生
民風馴致于雍熙國祚誕膺于長久

午朝祭風雲雷雨祈風調雨順寒暑應旨

鼓呂雷霆潤曰風雨彌綸功用之神求諸形體原諸性
情主宰元二之造觀萬物散殊之迹知兩間旁礴之仁
無爲而成有相之道曰麗端門之景雲開祕笈之科伏
願天德潛符歲功咸遂九農百穀無旱乾水溢之虞四
海羣生享安靜和平之福庶釋憂于宵旰用和惠于春
秋

晚朝祭四海四瀆所山川定位海宇清寧

一元合氣乘風澤于洞虛百谷來王出淵泉于溥博首
五行而善利潤萬物曰資生貨殖用興舟楫曰濟稽古
少圭之錫沈茲蒼璧之章伏願地平天成府修事治玉
書保運制衝潰之洪波寶穰宜年動滿盈之甘澤民安
居于樂土國養德于長源漸被所同旁禱無外

第三日早朝祭三洞四輔經錄傳教宗師祈白
神效職臣鄰忠孝國祚延長

太元結氣冥思道劫之初妙有垂芒朝徹延康之上參
贊化工于物始傳流神寶于人間保昌運曰長存提真
符而不宰將輯簡穰之福茂陳訪落之篇伏願乾麻開

天坤珍闡地種民在宥颺言清靜之風景命溥將相協
元同之造忠言彙進道德彌光

午朝祭左社右稷城隍社令祀典神祇祈民樂
太平物無疵癘兵寢刑措疫癘潛銷

泰社之士五色重嘉穀之屢豐方澤之樂八成致幽祇
之畢出帝命作九圍之式神靈會萬國之封力扶玉局
之安寅奉璇霄之降伏願泰階昭晰坤道順寧物阜民
康無疵癘扎瘥之害兵寢刑措皆生聚教養之旨曰至
永年竝依元造

晚朝祭九壘土皇幽陰主宰資度忠臣義士兵
死橫亡六道四生俱登道岸

禮樂鬼神信幽顯之一致生成變化知闔闢之無私卽
昭明焄蒿之間布風雨霜露之教三光攸燭九夜斯煌
伏願帝命下昭天陽來復玉枹犀甲禮余忠義之魂瓊
簡羽章起厥幽沈之趣羣類竝躋于道岸泰和庶協于
明告

散壇

五時列祠燔二紫壇之燿火九宮飛步雍二碧落之空
歌備成絳節之朝敷散瑤華之景元科有誠至敬無文
伏願陟降在茲達元黃之玉氣福祿來下生丹碧之芝
英普與羣生恭承嘉惠

設醮詞

三清

奉承寶位對太上之顯光保佑眇躬罄淵衷而忱禱肅
清璿館修設金科伏願元氣絪縕眞風舒鬯室家祚肩
膺福壽曰咸宜宗社臣民荷禎祥而均愛

玉帝

維天與祖宗旣全俾付自身而家國悉有禱祈爰啓眞
科用干洪造伏願鑒觀儆懼孚佑眇冲保和宮壺之安
錫羨本支之盛至于臣庶共樂生成

星主

星環次舍仰瞻天極之尊氣幹陰陽妙宰帝車之運景
光來下祕祝用陳伏願司命紫微白中宮而錫福儲祥

六季丁土巨蒙伏

天皇

坤拱神圖妙秉萬幾之會坐臨華蓋旁分六甲之司藏
祀殊庭承禧穹宇伏願抱極樞而環照皆占至順之祥
奉天一曰尊居增授泰元之英

后土

奉若柔祇配皇天而立極統臨廣寓宅吉土曰升中爲
國有所維靈斯答伏願羣生成遂九有奠安元乙親祠
綏保徽音之嗣黃流用祿燕貽翼子之謀

至順二年十二月二十三日祭星常國公奉旨
命撰祝文

迎神

灝一圓穹三光昭明四方八維柔祇利貞臘通百禋歲
事告成犧尊多儀來享克誠

天剛

天眷萬方篤生聖嗣受命溥將攝提建貞天田之上左
角所經蒼龍致福萬歲咸寧

羅喉

受天嗣命百靈翊扶旁燭有光赤燦之餘首乎天經形
隱弗舒戢爾矛戟迎祥帝居

室宿

河有天源木貴天根帝命降祉元台爲尊定之方中煌

煌煌二推而祀之萬福之門

弔客

昊天成命如日斯照運行推移載占其小有客冠素適
據隅兆祝而祓之易號曰笑

小吉

乾曰天健坤曰地厚鶉首之墟土德孔阜肅二中宮元
命昭祐六五黃裳元吉之繇

太陽

日曰象君月曰象后陰承陽輝萬福備有晨光熤融晝
景煥明曰壽曰安曰生曰成

參宿

參墟耀靈土德長生胎息其和

爲滋榮正位居體西

南利貞培本長源萬福來成

金神

中宮土德位南之西太白流英挾威曰躋雄毅肅嚴戈
鋌利犀尙革而從隆福孔皆

太衝

煜二青陽震雷之門玉兔肖類蒼龍儲恩帝冑天錫景
命翊元東望孔祠扶桑載暎

太陽

肅二紫微前星有輝上承天光仰接日儀煦二爲春剛
二在崑陽德粹純品物咸熙

斗宿

星回于紀斗臨漢潢璧合珠聯三辰齊光震夙元臺肇
此有陽司中有神源深流長

白虎

木性東榮金行兌勝刑德之交史謹其徵於菟耽二負
隅若闖率義從仁祈報斯稱

病符

六氣之邪孰執其契歲行神從臨午之位青陽占運適
與之值祝曰移情安和允濟

太陽

靈臺有祀報本主曰仰瞻陽光步我神睿歲周星回天

序有秩牲幣敬其嘉惠申錫

太歲

日曰次周成我歲功百神具來羣蜡畢通闕堂嚴一盛
德容二享我報祈曰興嗣豐

青龍

龍有天德維木之仁大明生東獻歲發春崑而淵潛崑
而奮信施惠自天至于庶民

歲后

赫若歲陽其配在陰曰肅內治曰保中臨丁女癸妃其
從如林通幽達微鑒德曰歆

送神

神來如雲神惠如雨彌天映日惠澤周溥歲行維新秩
祀咸舉相于皇明永作神主

黃錄溥天大醮詞

建壇詞

歷念先朝悵神遊之曰遠言修祕祝導雲氣之昔升闕
元景曰通誠建紫壇而經始伏願懸珠空境扶玉方輿
風馬雲車順陰陽而陟降龍章鳳篆舉幽顯曰鈞陶

第一朝回薦皇朝宗廟列聖神儀

肅二在廟永懷弓劍之遺濯二厥靈凜若羹牆之見爰
資神英用導英儀伏願列聖齊臨萬真環拱寅賓出日
返往駕于中天妙合迴風發化機于厚地

第二朝回薦北牙篤皇帝

企仰山陵想音容而永慕顧瞻霜露感豈序曰增哀爰
卽紫壇冀迴元馭伏願天健其行而無息日窮于次而
又新神氣昭明式慰臣民之望景光旋復更遺胤祚之
安

第三朝回薦皇親國戚一切靈儀

藩屏國家實屬本支之盛沈淪泉壤每傷幽顯之殊遡
璇宇之流光迴銀潢之逝水伏願會朝絳闕受鍊朱陵
在河岳在星辰復還生民之始爲支庶爲藩屏永承丕
祚之隆

第四朝回薦后妃公主嬪御靈儀

禕祿在御歷思儷極之尊車服充庭徧念穠華之盛慨
生存之弗永致薦悼曰惟勤伏願德施自天資生繇地
性靈不昧釋然幽滯之懷運祚無疆仍會聖明之樂

第五朝普薦勲臣宰輔文武官僚

追懷神聖修殷薦于曾霄爰念臣鄰載忠魂于厚壤俾
偕膺于金錄庶仍從于瓊輿伏願受日之光承天之佑
圭璋濟二眊王國曰竝生祀典昭二秉民彝而不昧

第六朝普度兵刑橫死男女眾魂

內修外攘寧免兵刑之用上征下暴更深泉壤之悲拯
無告于重陰實有資于大造伏願天光旁燭地氣昭升
斷者續死者生頓釋幽關之故想病者愈憂者樂永爲

化國之新民

第七朝普度普天率土兆姓羣生苦爽窮魂幽靈等眾

國家每念于生靈則修治道體魄或淪于苦趣更轉化機啓勝會于今晨廓迷塗之宿業伏願陽開陰闔天施地生執籙把符仰至真而得度保和正性固大化呂長年

第八朝專爲和安天地調順陰陽保國寧家康民阜物

存順沒寧極幽明而無憾往禪來續妙化育于不窮宣金籙之元文保羅圖之景運伏願乾坤毓德日月垂光

列聖在天共敷恩于祚胤一人有慶永錫福于臣民

第九朝昭謝皇天后土岳瀆山川陰陽主宰

天佑邦家總基圖于九有日臨海宇妙樞紐于羣生仰
三景之高居罄一忱而昭謝伏願降年有永錫福無疆
凡在臣鄰咸保忠貞之節庶幾民物常依道德之光

解壇詞

肅二紫壇既備九朝之禮煌二金籙益增列聖之光熙
事告成誠心孚格伏願神隨天運福被坤輿瑞日祥雲
常麗曾霄之景岱山磐石永隆萬世之基

設醮詞

三清

天眷基圖列聖繼守成之緒旨因厯數先皇成猷代之
期敢緣追遠之初心普致闡幽之忱禱伏願開明三景
訪落五文九轉成真既備生神之妙百靈交鬯復還象
帝之儀仍錫壽祺并祈康阜

玉帝

昔扣元穹導近親之神識遄臨素幄致大寶于嗣君乃
陳祕籙之科溥濟幽關之趣伏願昭宣天德旋復氣機
陟降帝傍九族逍遙于金闕經綸宇內羣生成遂于絳
圖申錫長年永依妙道

后土

基圖鞏固每資厚載之功體魄歸藏謹候昭升之氣降

璇宮而來享鑒金錄之敷宣伏願効法成能資生有道
超神太極齊日月于中天合景至陽綏子孫于下地

東極

先皇厭代因軫念于幽局上帝好生爰禱祈于東極冀
瑞光之遠逮引羣識曰俱超伏願甘露騫林慈雲就日
丹輿寶蓋竝從妙道曰高居玉厓金符永鎮生民之極
樂

風伯祝文

東朝有命祇肅元壇上帝鑒臨萬靈率職咨爾風伯塵
路惟清戢不扇和熙事用成急二如律令

雨師祝文

咨爾雨師灑道是司和陽散陰相成祝釐

皇后修設黃籙大齋 二意

言念宗親將薦誠于既遠遽罹大故屬在疚之方深肆
嗣皇繼序之新申前日籲天之實普超幽爽咸濟生靈
伏願道妙無方真游如在升九霄之神氣衍億載之昌
圖凡圉化工竝承德施

正薦位白文

言念先朝列聖帝室懿親早遺體魄于人間思導神明
于天上鼎湖弓墮俄興臣妾之悲丹闕禮成既得基圖
之托及燕休于長樂申祈禱于太清惕然霜露之寒恍
若風雲之會龍儀虎衛陽光照灼于朱陵貝闕珠宮明

水激揚于東井願金支之竝濯與玉氣俱升穆二乎
秉德曰肅雍洋二乎在帝之左右輯和九族驩娛還若
于生存旋歷曾霄靈爽頓忘于凝滯返至真而無外與
造化曰爲徒沉王政施仁必先無告而大鈞播物何閒
有生更推滄海之餘波徧及幽關之苦趣妙機所運道
化同超明則復爲人亦我聖神之賜斂而錫之福庶乎
寬大之恩嘉與明眚共躋壽域惟天地日月合德合明
保子孫黎民能安能久

祭風伯文

維風有神在巽之位地附天而不墜持舉于中陽旋陰
而眚行扶搖直上則至尊有禱上帝來臨伏願宣靈

氣于八門穹祇翕合卻塵氛九地宇宙廓清

祭雨師文

恭承帝命祇祀雨師出雲氣于山川彌綸瓊闕濯天章
于河漢飛洒玉都今則肇起元壇導迎法駕伏願六龍
調馭順和協于陰陽萬物潤滋肅澄清于天地

長春宮祈福保安齋意

上天眷佑長貽宗社之隆至道沖盈式衍邦家之福屬
偶嬰于疾疢爰謹事于禱祈伏願聖鑒昭回祥光旁燭
身逢康泰暨中壺曰平安運協壽昌與多方而靈謠

禱詞

治平之運仰荷洪休疾疢之生敢忘忱禱爰命羽衣之

士敬敷寶笈之科伏願五帝儲華三光協德身康彊而
逢吉有永壽祺國清淨曰無爲均蒙福惠

崇眞宮祈福保安齋意

丕承託付仰資天地之和祇有起居偶感陰陽之沴喜
過臻于康復爰謹致于禱祈伏願輯福上躬錫禧中壺
前星炳煥協國家之奠安景貺熙明及神朙而定壹神
朙垂佑不顯隆平福履愆和偶嬰疾疢敬祠琳宇備藏
琅科伏願景貺來臻壽祺永錫康強逢吉承宗社之安
化育成功長乾坤之造

祭海神文

潮失故道犯我鹽官有司捍防民力旣殫閱歷歲時靡

濟茲害浙郡多下恐就淪敗民實何辜不德在予相臣
來言交修用孚乃勅中外悉智展力相爾有臣亦克受
職我士旣固民生底安六府治修報祀萬年

祭伍子胥文

爾曰忠隕主潮于吳潮今爲裁吳其沼乎爾則揚靈具
訓海若俾安其常毋作民虐旣止旣安民遂有生爾作
明神永有令名

大龍翔集慶寺正殿上梁文

伏曰龍光有赫象教方興式嚴前殿之崇祇奉祇園之
勝上棟下宇方締構于良工細桷大栳竝具材于貞幹
成規斯在願力維宏伏願天相聖心佛加神運百重闌

循移來天上之慈雲萬歲山河永鎮人間之福地

吾殿上梁文

兜率化宮移來地上梵天新刹示現人間坐延眾佛之
臨殿有四阿之制鉤心鬬角先崇締構之宜審面飭材
已具經營之素式觀地駕儼若天成伏願龍象翊扶鳳
凰翔繞丹青金碧赫然佛日之輝黼黻文章永著皇風
之盛

大龍翔集慶寺正殿上梁文

伏以虎踞龍蟠卽淵潛之佳地雲興霧湧建梵釋之新
宮巍中正之居赫二大雄之座欽惟欽天統聖至德
誠功大文孝皇帝惟天爲大如日之升經綸旣正于洪

規崇信不忘于願力美矣善矣大成舜帝之節韶經之
營之匪爲文王之臺沼我佛有護國救民之助吾皇示
報功崇德之心黃金滿布于祇園華構上移于兜率式
崇大殿爰舉修梁相我下民陳茲善頌

吾殿上梁文

伏曰浴日九淵現禎符于鐘阜承天八柱建名剎于冶
城爰開方廣之筵用祝周阿之殿欽惟欽天統聖至德
誠功大文孝皇帝清明有鑠故舊不遺鷺起星河萬斛
綵舟之容與鳳歸天闕七重寶樹之檀欒凡轍蹟之所
臨宜珠光之共護修梁肇舉善頌斯陳

道園全集卷二十三

C51

1

1218157

知照全案二十三

CTI

歸田文藁

歸田稿文十四卷

卷第一序十四篇 長卷第二十四

卷第二序七篇 長卷第二十五

卷第三序十一篇 長卷第二十六

卷第四序十九篇 長卷第二十七

卷第五記九篇 長卷第二十八

卷第六記十四篇 長卷第二十九

卷第七記十篇 長卷第三十

卷第八記十九篇 長卷第三十一

卷第九說十二篇書二篇題跋一篇長卷第三十二

卷第十題跋三十三篇表二篇長卷第三十三

卷第十一碑五篇 長卷第三十四

卷第十二碑三篇 長卷第三十五

卷第十三墓誌銘十二篇長卷第三十六

卷第十四墓表一篇行狀一篇祭文二篇傳一篇

長卷第三十七

共計文一百七十八篇

虞文靖公道園全集文目錄

虞文靖公道園全集卷二十四

歸田藁一

序

周易玩辭序

周易玩辭者江陵項公安世平甫之所著也其言曰爲大傳曰君子居則觀其象而玩其辭動則觀其變而玩其占其道雖四而實則二變乃象之進退占乃辭之吉凶聖人因象曰措辭後學因辭而測象是故學易者舍辭何曰哉項公曰其玩于辭而得之者筆于書使後之學者因其言皆有曰玩于前聖之辭而得焉此項氏著書之意也嗟夫天不言生聖人而代之言故曰聖人之

精畫卦曰示聖人之蘊因卦曰發微卦聖人之蘊殆不可悉得而聞然卦象未有語言自非明知何曰知之中古聖人曰其憂患之心因卦立言暢于周公究于孔子首尾具完皆所親定所謂精與蘊者後世固得曰推見焉今夫生乎千載之下而仰觀于千載之上曰凡人之資而欲窺見天與聖人之道苟得于聖人之一言卽爲天之命已矣況乎三聖之言廣大悉備雖歷世久遠遭岄喪亂亘千萬古而與所謂卦畫者略不可有所磨滅豈非天乎後之立言豈有加于此者志于學者誠不可下此而他求已愚是曰深歎項公之爲知言漢晉曰來治易之師其言猶可見而于四聖人之意未知其何如

也及乎邵子周子之生易道蓋中興焉邵子曰先天心
學著爲成書不必麗乎經傳而極天地之妙通萬物之
情三聖人曰降未之或先而學者鮮或知之周子之圖
亦不必求同于易象而理則不二所謂通書者皆所曰
通乎易者也因卦曰立辭者如乾損益家人睽復无妄
蒙艮之說僅見如大畜等卦當皆已不得聞獨賴河南
程子親得其宗曰其成德之能事附于三聖人之書而
言之非直傳註而已也自其學而推之曰極其至則天
人之際豈有閒哉蓋嘗聞之能盡其性者則能盡人之
性能盡人之性則能盡物之性故曰知其性則知天矣
苟知天矣則天地之故鬼神之事事物之襍豈待于考

索推測而後通之故程子有言不盡意者誠有望于後
世學者自有得于聖人也朱子發明象占本義多約程
子之言而精之云爾故學易之士于是得其端緒而不
差焉項公實與朱子同皆當世則又有江西陸先生者
各曰其學爲教又有聰明文學過人之士興于永嘉項
公嘗從而問辨咨決焉其遺文猶有可徵者朱項往來
之書至六七而不止其要旨直曰程子涵養須用敬進
學則在致知之說曰告之于是項公之學上不過于高
虛下不陷于功利而所趨所達端有定向然後研精覃
思作爲此書外有曰采擇諸家之博聞內有曰及乎象
數之通變奇而不鑿深而不迂詳而無餘約而無闕靡

幾精微之道焉其書既成而朱子歿矣自敘其學皆出于程子而其言則不必皆同也是可曰見其講明之指歸矣近嘗學易君子多有取于其說豈徒然哉然而爲是學者自非深求于程朱之說而有所憤悱于缺塞則亦不足曰知項氏之功也集之壯歲至好此書每取其說曰與朋友講習今淮西廉訪僉事幹君克莊好古博雅學道愛人嘗曰禮學貢于有司而不及奏有旨俾居成均勤苦數載有人所不能堪者文宗皇帝臨御開延閣曰待天下之士乃特召見得與論思之次一嘗謂之得人持節淮壩至于江上取是書于篋俾齊安郡學刻而廣之蓋歎乎學者之不多見是書也不鄙謂集退老

林下庶乎困學之不敢忘俾敘其說焉嗚呼內聖外王之學不朙于後世而爲治者曰其知力之所及而行之不無其效至若上下與天地同流者則何有哉昔邵子有言曰學于里人而盡里人之情學于鄉人而盡鄉人之情學于國人而盡國人之情學于古人而盡古人之情學于天地而盡天地之情如此則可曰玩辭觀象而得之世有斯人也哉

戴石玉所著三禮序

治親書者廬陵戴君石玉之所編也其意曰爲記禮者有聖人起南面而聽天下所宜先者五一曰治親故襍取爾雅三禮戴氏記及先儒之言而成之凡三篇一曰

釋親二曰宗法三曰服制而親二之道備矣品節之禮
辨矣予讀之而歎曰考之于書帝堯則曰曰親九族帝
舜則曰察于人倫其命契也亦曰百姓不親五品不遜
敬敷五教在寬然則治天下者思盡人道曰成善治豈
有出于此乎今布衣韋帶之士坐誦書史慨然思古聖
人爲治之道有取于聖經賢傳著而爲書曰自見其學
其必有見也夫二大學之道其極致在于平天下蓋其
素講者如此又何疑也夫親二之名立內有其序外有
其別禮可得而行矣名之不立則或昧于一本之立迷
于疏戚之辨謬于愛敬之節溺于鄙倍狎昵之私此犯
上好亂之所由起也治親而首釋其名可謂善矣古者

天子有天下諸侯有國大夫有家故宗法可得而行焉
秦人壞封建後世雖復建侯立國不能如先王之制故
宗法不得行而士無田不可曰祭則烏在其爲宗乎爲
士者猶然況庶人乎是故學者肄其說而傳之可也石
玉所謂君子行其意者庶幾得之若夫服制之說今所
敘列先王之法豈君之制先儒之說可謂備矣余竊有
慨焉喪服者所曰著其哀所曰稱其情也世俗淪降不
能三年之喪者多矣又何總小功之足察乎雖然君子
之爲道也亦教之曰孝弟而已矣五十而慕庶幾有聞
大舜之風者焉則其立制也常欲節其過曰勉其不及
焉則凡石玉之所序者可攷而通之曰就其可行者矣

噫論至于此亦不過肆其說而傳之云耳不亦悲夫孟子曰天下之本在國二之本在家二之本在身爲人上者不有躬行心德之君子孰能與于此哉方今聖明在上人文方興必有諸侯王大臣能獻其書曰成一王禮樂之盛千數百年之閒戴氏復曰禮顯不亦偉歟

戒子通錄序

愚嘗聞之人受天之命曰生亦猶子之稟父命而行也君子畏天命而不敢違猶孝子之從父命而不敢悖事天事親其致一也人之事天而不求于事親則不可曰爲人子之事親而不足曰事天則不可曰爲子是故父命卽天命也同一至公而無私者也然而天不能爲諄

諄之誨也知命者觀乎風雨霜露之迹變化消息之故而得之詩云昊天曰明及爾出王昊天曰旦及爾游衍庶幾奉曰周旋者乎故曰富貴福澤將厚吾之生也貧賤憂戚庸玉女于成也莫非惟其所命而順受其正者也事親之道亦若是而已矣夫親之于其子也蓋無不愛焉欲其善良欲其賢智欲其福澤長久而不欲其凶惡愚不肖不欲其困乏斷折其心無有異者語曰厲人生子夜而取火是欲其子之善者至于凡庸盡然況中人曰上乎是故愛之至則慮之深知之明則言之切或因其材或因其事或抑其過或勸其不及或正其偏或定其是曰啓迪其所未知而增益其所可進雖人品不

同而立言遠近淺深頓異要其指歸皆愛其子而已矣
天理之公孰有著于此者乎昔靜春劉先生輯凡爲人
父者之戒其子言載書傳者曰爲戒子通錄意其所曰
謂之通錄者豈不曰天下之爲人父者各曰其愛子之
心而爲之戒天下之爲人子皆可因其所戒而省念之
如聞其父之命親在求諸容色辭氣之接而不能盡也
卽此書曰充其所未達親歿思其精神志意之微而有
不以聞也卽此書曰徵其所欲知一語默動息無非受
命于其親者矣天理寧有閒斷乎集嘗得其書而敬愛
之服行講明不敢後也它日至臨川劉氏之族在金溪
者多賢俊每出其先世遺書相示僕慨然問之曰戒子

通錄亡恙乎有曰倣叔熙者對曰是吾世守曰保族者也敢忘之乎集曰子之家顯且二三百年豈偶然乎蓋又聞之孝弟之順德視犯上作亂之惡其閒之相去甚不相侶也而有子推兩端之極于一言之閒豫章羅先生曰天下無不是之父母而陳公了翁推致之曰亂臣賊子之起常始于見父母之不是嗚呼不受命之害至于如此三君子之言所曰有功于萬世名教者也而忽焉者不足曰知其言之有功也必有觀乎此書而用力焉則能惕然恐懼而所曰盡心于事天事親者矣子盍梓而廣之也倣曰諾明年曰成書來告因請題其說云

六書存古辨誤韻譜序

古者曰六書教小學是童子已通習六書矣今有皓首而未遑究之者何望于孺子乎秦法學童十七諷籀文九千試八體乃得爲吏書不正者至尙書舉劾之後爲政者不復用此律官府孰與正之哉叔重存說文解字之書于漢陽冰發義中興篆法于唐學者蓋亦希濶矣宋初徐騎省兄弟能倡明其說著爲繫傳有通釋部敘等篇許李之書攷辨推充奧深衍博可謂極矣其後若吳興張謙仲著復古篇亦號簡要夾漈鄭獻仲大發類例義旨于二十略之一學者可曰觸類而長矣至永嘉戴氏父子三世所著六書攷六書之外設疑一條曰識不可強通者近世書法之要論也國朝至元中祕書少

監魯人楊桓武子善大小篆所著六書統曰詔書刻之
尙方多出己意篇帙浩穰刻梓在尙方學者莫之能究
觀焉獨徐氏嘗又曰爲古法背俗秉筆操觚者要資檢
閱而偏旁奧密不可究知尋求一字往二終卷乃令楚
金取叔重所記曰切韻次之聲韻區分便于檢討聊存
詁訓無恤其他則其爲後學計可謂詳盡今瑞陽學宮
亦刊五音韻譜然聲韻所叶乃偏旁之本文學者檢尋
未爲省力則未知何爲而作也鄱陽吳正道年五十餘
世爲儒家深好篆法旣著六書淵源字旁辨誤又著存
古辨誤韻譜故翰林學士臨川吳公見而喜之親作兩
書兩序噫吳公豈輕許可者哉蓋其字旁辨誤之說旣

考之諸家而舉其要用功固已深久而韻譜之書徐氏舊作直載其字而已蓋不更加辨誤而張鄭戴之辨又不得曰切韻尋檢是曰正道有辨古有存古具見于切韻相從之下視徐氏爲後出而益詳矣惜刊未成書而吳公歿無名公大儒力贊助之故久未克完也往者鶴山魏公嘗曰篆法寓諸隸體最爲近古而近皆豫章熊先生亦用之吳公又直用篆法而結體加方云耳然學之者無所講貫則寧無差誤爲俗隸媚好反病之乎于此得正道之書則思過半矣且魏晉曰來善隸書曰名世未嘗不通六書之義不通其義則不得文字之情制作之故安有不通其義不得其情不本其故猶得爲善

書者乎吳興趙公之書名天下曰其深究六書也書之
眞贗吾嘗曰此辨之世之不知六書而效其波磔曰爲
媚誠妄人矣然則正道之書豈直篆者有益欲爲隸書
亦必有取焉是其不可少如此必有博雅君子如吳公
之喜之而助趣成之

春秋胡氏傳纂疏序

昔之傳春秋者有五家而鄭夾先亡學春秋者據左氏
已記事曰觀聖筆之所斷而或議其浮華與經意遠者
多矣是曰公穀據經曰立義專門之家是曰尙焉唐啖
趙師友之間始知求聖人之意于聖人手筆之書宋之
大儒曰爲可與三傳兼治者明其能專求于經也然傳

亡存者惟纂例等書意其傳之所發明無出于所存之書者清江劉氏權衡三傳得之爲多而其所爲傳用意奧深非博洽于典禮舊文者不足曰盡明之是曰知者鮮矣蓋嘗竊求于先儒之言曰爲直書其事而其義自見斯言也學春秋者始有曰求聖人之意而無傳會糾纏之失矣程叔子所謂措之宜爲難知者始可曰求其端焉胡文定公之學實本于程氏然其生也當宋人南渡之眚姦佞用事大義不立苟存偏安智勇扼腕內修之未備外攘之無策君臣父子之間君子思有曰正其本焉胡氏作傳之意大抵本法于此蓋其學問之有源是曰義理貫串而辭旨無不通類例無不合想其發

憤忘食知天下之事必可已。有爲聖人之道必可已。有立上已感發人君天職之所當行。下已啓天下人心之所久蔽。區區之志庶幾夫子處定哀之間者乎。東南之人賴有此書。雖不能盡如其志。誦其言而凜然猶百十年至其國亡。志士仁人之可書。未必不出于此也。然其爲學博極羣書文義之所引。不察者多矣。國家設進士科。已取人治春秋者。三傳之外。獨已胡氏爲說。豈非已三綱九法赫然具見于其書者乎。而治舉子業者。掇拾緒餘。已應有司之格。旣無已得據事直書之旨。又無已得命德討罪之嚴。無已答聖朝取士明經之意。新安汪克寬德輔已。是經舉于浙省。其歸養也能已。胡氏之說。

考其援引之所自出原類例之始發而盡究其終謂之
胡氏傳纂疏其同郡同氏前進士澤民叔志父詳敘之
夫讀一家之書則必盡一家之意所曰爲善學也推傳
曰達乎經因賢者之言曰盡聖人之志則吾于德輔猶
有望也至正改元辛巳七月一日雍虞集敘

鄭氏毛詩序

聖門之教人蓋曰詩爲學矣孔子說烝民之詩曰爲此
詩者其知道乎故有物必有則民之秉彝也故好是懿
德戰兢二兢二如臨深淵如履薄冰曾子之所曰終身也
鳶飛戾天魚躍于淵子思子之所曰明道體也不曰文
害辭不曰辭害意曰意逆志是爲得之孟子之所曰說

詩也是已程子之于詩也嘗點掇一兩字而誦之使人
自解又曰今之學者未見意趣必不樂學欲已三百篇
教之歌舞恐未易曉欲別作詩令朝夕歌之但當有助
其意一也聖賢之于詩將已變化其氣質涵養其德性
優游厭飫詠歎淫泆使有得焉則所謂溫柔敦厚之教
習與性成庶幾學詩之道也漢儒有保存遺經之功而
亦不無專門訓詁之失儒先君子知豈不足已知之而
罕見于言者豈非有得于此則彼穿鑿纏繞之說自有
所不得行乎諸經皆然蓋不止于詩也齊魯韓詩不傳
而毛氏獨存言詩之家千數百年守此而已至宋歐陽
子疑詩序之非而著本義蘇轍城亦疑而去之不免猶

存其首句譬諸山下之泉其初出也壅塞底滯而端亦微見矣漸而清通沛如江河後因于先而廓之而水之源流達矣亦有其皆也至于朱子詩傳之出然後悉屏去大小序別爲一編存而不廢曰待攷辨卽經曰求其故自爲之說而天下學者從之國家定曰爲是然後其說與聖賢之言詩者合而學者有所用功矣集之幼也嘗從詩師得鄭氏經說曰爲大序不出于子夏小序不出于毛公蓋衛宏所爲而康成之爲說如此心竊異之欲求其全書不可得中歲備員勸誦有阿魯灰叔仲白守泉南入朝同官始得其錄本而讀之見其說風雅頌之分蓋本諸音節之異于比興賦也訓詁多不得興之

說而爲序者掇拾傳會曰愚惑乎後之人烏獸艸木之名天文地理之說或疎或謬非一端也剖析訓詁之舊痛快決裂無復餘蘊向之所謂纏繞穿鑿者幸一快焉恨未久散去而不得終卷也蓋竊感夫鄭氏去朱子之鄉若是其近曰年計之不甚相遠門人學者里閭交錯而不能通見于一豈何哉雖各自爲說而多同者豈非閩多賢人學者老于山林嘗有其說未達于外而兩家各有所采乎將二氏之卓識皆有曰度越前人不待于相謀而有合乎世遠地廣未之有攷也西夏幹公克莊常曰禮經舉進士如左榜漢生者考官見其博瞻疑不敢取而朝廷知其爲明經之士其僉憲淮西也曰項氏

易玩辭足補程朱之遺論于集也序其說而梓之白南
行臺而貳閩憲也曰爲閩在山海之間豈無名家舊學
諮詢之暇思有曰表章之予因及鄭氏之詩即使錄曰
來示且曰果可傳也略爲我敘之故著其說如此又曰
求諸鄭氏之子孫夾漈之手筆猶有書五十餘種故御
史中丞馬公伯庸延祐末奉旨閱海貨于泉南觀于鄭
氏得十數種曰去將梓而傳之馬公歟歷清要出入臺
省席不暇暖未及如其志而歿泰定中故太史齊公履
謙奉使宣撫治閩亦取十餘種將梓而傳之太史還朝
不一二年而歿亦不克如其志二家皆有子弟安知無
能承其先志者乎吾聞閩人刻書摹印成市城邑散布

中外極乎四海其閒亦有謬妄未經論定在所嘗禁者
觀風使者得曰正之而移其工力于博洽有用之說則
在于今日矣至正元年辛巳十有一月十日雍虞集序

飛龍亭詩集序

古之言詩者自其民庶深感于先王之澤而有所發焉
則謂之風其公卿大夫朝廷宗廟賓客軍旅學校稼穡
田獵宴享更唱迭和曰鳴太平之盛者則謂之雅飛龍
之亭我文宗皇帝昔遊之地也臣民詠歌何有閒乎然
而中外大小之臣因登覽斯亭而有賦者在是四方遊
士與凡民俊秀之覽觀而有賦者亦在乎是大元興萬
壽宮住持勅賜虛白先生陳寶琳既曰旨意作新斯亭

又取其風雅徧刻于亭下所曰繫千載之思者不在斯
乎傳曰言之無文行而不遠詩者文之最深而風雅者
又詩之盛者也文皇帝成功盛德如天地之大日月之
明若其治化之精微思慮之熙廣蓋不勝紀焉然而書
諸簡冊者闕不如見于咏歌者之悠長告于神明者嚴
不如播諸臣民者之周浹然則所謂飛龍亭詩集者山
林畎畝之士不忘其君于無窮者其在斯乎次第成編
而虞集爲之序

曹文貞公文集序

我國家龍興朔方金源氏將就亡絕干戈蠡起生民塗
炭中州豪傑起于齊魯燕趙之間據要害曰禦侮立保

障曰生聚曰北嚮于王師方是豈士大夫各趨所依曰
自存若夫禮樂之器文藝之學人才所歸未有過于東
魯者矣世祖皇帝建元啓祚政事文學之科彬彬然爲
朝廷出者東魯之人居多焉典誥之施于朝廷文檄之
行乎軍旅故實之講乎郊廟赫然有耀于邦家至元大
德之間布在臺閣發言盈朝所謂如圭如璋令聞令望
而顒二印二者焉集束書遊京師猶或望前輩之一二
而三四十年曰來求文獻于當世邈乎遠哉有不獲見
者矣其所存者其爲文章言語之可見者乎故魯郡曹
文貞公起于漢泉受業于埜齋李公受知于信齋馬公
起自儒官宦遊東南數歷臺省聲譽籍甚每其來至京

師集嘗得與清河元公復初汶上曹公子貞諸人有往來之好焉未嘗不歎息意氣之宏達議論之慷慨而文物之雍容也當文宗起故老于休致之餘託文儒曰風紀之重集豈執筆史館而歎慕焉歸田曰來歲月逾邁乃從其子南行臺照磨復亨得中臺所命刻文貞諸詩曰見示俾識其言焉讀其墓碑諡議慨然千古之隔觀乎張歐蘇之序言又感乎一代之盛衰退不敏其何能贊一辭于其閒哉雖然窮鄉陋邦之遠聞天下之偉人而莫之及也獨得其咏歌之緒餘曰觀其性情之所在觀其敷歷之所至而知其行事之所著傳曰誦其詩讀其書不知其人可乎後之君子將有徵于聖朝文章人

物之故其必于此而取之也夫

楊叔能詩序

人之生也曰其父母妻子所仰之身曰治平居處飲食之具外有姻戚州閭之好上有公上貢賦之供固其常也然而氣之所稟也有盈歉時之所遇也有治否而得喪利害休戚吉凶有頓不相侶者焉于是處順者則流連光景而不知返不幸而有所嬰拂飢寒之迫憂患之感死喪疾威之至則嗟痛號呼隨其意之所存言之所發蓋有不能自揜者矣是故有知其然而思去之者則必至于外其身曰遺世不與物接求生息于彝倫之外庶幾曰無異焉然其爲道則亦人之所難者矣蓋必若

聖賢之教有曰知其大本之所自出而修其所當爲也
事變之來視乎義命而安之則憂患利澤舉無足曰動
其心則其爲言也舒遲而澹泊闇然而成章是曰君子
貴之予行四方求之而未之見也又求夫今昔之人有
詞章之傳而合乎此者必取而諷之曰寄予意焉然而
亦鮮矣臨川危太樸與其友豫章楊顯民曰其族叔父
叔能所爲詩一編曰示予觀其所遊不過州郡數百里
之間觀其所慕則千古高尚之士澹然有餘而不墮于
空索悠然自適而無或出于傷憤乃若蟬蛻汙濁與世
略不相干而皆和氣清卽凡見聞而自足幾乎古人君
子之遺意也哉吾嘗曰此求諸昔人之作得四家焉則

陶處士王右丞韋蘇州柳子厚其人也蘇州學詩于樵
悴之餘子厚精思于竄謫之久然後世慮銷歇得發其
過人之才高世之趣于寬閑寂寞之地蓋有懲創困絕
而後至于斯也右丞沖澹何愧于昔人然而一旦患難
之來遽失所守是有餘于閒逸不足于事變良可歎也
必也大義所存立志不貳乃若所遇安乎其天若陶處
士者其知道之言乎雖然言不可曰僞發人不可曰徒
欺千載之下簡翰之存苟有一人諷咏于一日之閒則
安所逃乎是故君子尚論其本也今有讀叔能之詩者
譬諸飫芻豢之昏病夏畦之苦而得一勺之清泉甘露
豈不悅乎夫泉之所自出露之所由降尚善求之哉

送危太樸序

臨川危太樸釋書山房將有觀乎江海之上虞集酌酒
送之而爲之言曰夫士者有一鄉之士有一國之士有
天下之士一鄉之士鄉之人有不得而見之者矣況一
國之士乎一國之士一國之人有不得見之者矣況
天下之士乎環百井之里曰爲鄉二之人多矣列千里
之封曰爲國一國之境廣矣合萬邦之士曰爲天下天
下之體大矣而士也曰一鄉曰一國曰天下名其何曰
知之乎邵子曰有百人之人有千人之人有萬人之人
非其等乎噫何其不常見也彼所謂天下之士必有所
居之國矣一國之士必有所居之鄉矣曰天下之士一

國之士而處乎一鄉焉吾不待去親戚遠墳墓而得見之不亦幸乎去臨川五百里而近有一人焉清文厲行立志自信曰范君德機者太樸既得而從之至臨川二百里而遠又有一人焉經明道立爲人師表曰子吳子者太樸又得而師之矣是豈非天下之士一國之士之在夫一鄉者乎而二子者歿世矣宜乎吾子之徬徨適遠而有所求也吾聞諸孟子曰一鄉之善士斯友一鄉之善士一國之善士斯友一國之善士天下之善士斯友天下之善士矣吾子其行矣登東山則見魯矣登太山則見天下矣吾子得一鄉之善士而友之則吾子亦一鄉之善士矣得一國之善士而友之則吾子亦一國

之善士矣得天下之善士而友之則吾子亦天下之善士矣苟得天下之善士吾請從太樸而爲之執御焉雖然子亦欲子之善與孟子之言又有之矣蓋曰曰友天下之善士爲未足又尙論古之人頌其詩讀其書不知其人可乎是固求至善之道也余老且病不足曰有所適徒將誦詩讀書思古人之微曰遲子之還可乎

葛生新采蜀詩序

吾聞廬陵之文溪生息繁夥其俗好遠遊不閒于稚壯強艾也特其志尙之不齊則執業有懸絕者矣葛生存吾獨曰今天下車書之同往昔莫及吾將歷觀都邑山川之勝人物文章之美使東西南北之人得曰周悉而

互見焉且夫風物之得曰宣通咏歌之易曰傳習則莫盛于詩緣古者采詩之說而索求焉乃沿豫章汎彭蠡上九江浮遊湘漢之波遂遡三峽至于蜀都而止焉名卿大夫文雅之士居數年得詩六百餘篇歸廬陵將梓而傳之吾鄉之人知予曰老病歸田寓耒耜于江上託生相問勞而保寧賢帥大夫鶴野蕭侯存道又手爲書使予序夫六百篇者予不敢辭也而生抱數鉅帙欲予有所去取其閒則僕不敢也生往反萬里而得之且諸君之屬生厚矣何敢有所擇乎集之去鄉久矣親戚故人之別遠者二十餘年近者亦五六年一旦因生盡得其詞章而諷誦之曰詫其門人子弟唯恐不足豈肯

玉于昆岡棄珠于合浦者平生宜無憚于煩也嗚呼吾蜀文學之盛自先漢至于唐宋備載簡冊家傳人誦不可泯滅宋南渡已來蜀在斗絕一隅之地然而文武忠孝之君子冠蓋相望禮樂文物之懿德行學問之成立功立言卓犖亨暢下至才藝器物之類其見諸文辭者亦沛然非它州之所能及矣喪亂已還廢軼殆盡集雖嘗從父師聞一二于千百蓋亦已微矣微而後著當在斯豈其有已嗚乎國家之盛大者平生之所采識者有已見其端矣生其亟成書已西報諸君子乎僕在禁林嘗嘗與蜀學者史君乘文言將謀築室滄江故居之上字之曰歸歟天幸若達斯意固將與其故人父兄昆弟

取生之編而絃歌于其堂也平生年甚富天下之都會
若吾蜀者何啻八九而兩京又在其上焉亟成其志勿
怠且必有遇合者矣

甘天民詩序

岷山導江合眾小流千源萬派其水盛矣見束于三峽
出夷陵而後得衍曼徐行滔二汨二至于海而後止蓋
自夷陵而始得志焉今夫才智之士懷抱利器鬱二不
見于用一曰而水之出夷陵豈無其咎哉豫章甘天民
雄于文盛于氣中年僅得爲夷陵學正人或病其地幽
僻而天民怡然就官書滿而後去是夷陵者不特水之
隘至此而伸安知天民不如水之自夷陵而遂伸乎長

風揚帆一日千里吾知天氏之利涉大川也故爲作送
行詩序昔歐陽子小紂于夷陵而大名在天下後世亦
余言之一驗也郡從事有李道濟者嘗與余同在祕閣
試曰此語訊之

臨川黃氏復姓譜序

臨川黃大剛曰其高祖冒游氏而不能自歸也始復爲
黃氏嘗無子曰其弟爲子後知其不可也仍其弟之次
更曰弟之子爲子而心始安焉自著譜曰傳諸子孫而
示信于人夫三年無改于父之道可曰爲孝自高祖至
于大剛之身其爲三年也多矣父子兄弟之間心有所
未安必求其安而後已大剛其知禮也哉夫異姓不可

曰爲後弟不可曰爲子天理民彝固當然也是曰昔者
別氏于其族者有之蒙他人之氏者無也有國者兄歿
而弟及有臣子之道焉直曰弟爲子者無也而後世有
是者其始蓋出于率情徇利而天下之爭端起矣故君
子慎之小人弗之察也是故爲政者因世之有是事也
則爲之條制而防閑之卒亦莫之止也若大舅者知禮
之所不可心之所未安而能自返焉不亦君子之道乎

送饒則明序

吾聞則明之曾大父神童君幼穎異有大名稍長與主
一張先生洽爲友壻于豐城范氏明春秋之學未及顯
而歿及則明之父好史學家藏書萬卷內附初散執無

存者乃盡力購求一二十年之間史官之書行于世者
掇拾略備爲閣臣皮之手疏其目曰見得書之難則明
承世業接見聞於父兄材可曰適當世之用故翰林學
士臨川吳公曰吾郡世爲儒者有婁氏饒氏皆有鄒魯
之質行學術雅正守醇謹而不變然未甚顯于世近年
婁氏稍有仕進者而饒氏猶遲之其在則明可曰仕矣
今則明除韶州儒學正將之官吳公之言驗而不及見
之矣乃求贈言于予噫昔者夫子嘗使漆雕開仕矣使
之仕必可仕者也吳公許則明曰可仕其必有所試哉
夫春秋道名分實盡性之書也分之上下弗辨則民志
不定亂之所由生也必君二臣二父二子二夫二婦二

之分立則王道行矣此教之大者也夫古今治亂之迹
不攷則無曰極事理之變通又史學之不可不講也則
剛持其家學而佐其長曰爲教焉信乎其可仕矣窮鄉
下邑無良師畏友曰相發剛君子憂之而爲之計則剛
所持曰往者如此尙何疑哉昔唐相國曲江公實生是
邦人材之出初無方所則剛母忽而薄之也今曲江宰
長沙趙君故信國諸孫于予有世契試出此而其詳之

道園全集卷二十四

虞文靖公道園全集卷二十五

歸田橐

序

送太平文學黃敬則之官序

至元甲申之歲集從先人始來僑臨川之崇仁峇內附
未久溜萊李忠愍公方領其軍定江右鎮豫章鹿泉賈
公曰文臣爲使奉詔分閩綏撫其士民思有曰畏服眾
志而安定之起文雅通練之士知名一峇者曰慰民望
故宋進士之在崇仁者猶十數人衣冠甚偉獨宗正寺
簿忠梅黃公爲諸公一起爲之賓客氣象議論多所感
發旣而河東劉公伯宣來爲按察使與其同列具書幣

遣使者禮延公于洪學親聽其講說焉劉公則許文正公高第弟子經學節行方正嚴重其爲此舉也風厲激昂四方聳然歲丙戌寺簿公歿忠愍元子龍川公曰世家仍鎮其部歷階省府賈公劉公子弟之往來于洪者皆曰其先志求寺簿之子浮山君開館塾而禮貌之中山趙公樸阡持節再至與君處無一日之舍而李氏之子孫至再世皆稱門生弟子君之生平客授之日多于居家矣龍川曰平章畱樞筦嘗與翰林集賢薦君而僅一拜文學之命而君不屑也使其子仕爲學官則敬則也敬則自浮梁改遷太平需次者五六年恬然曰居略無躁急之意是曰學者稱焉仍改至元之五年孟夏之

吉敬則來告曰有人自太平來趣治其學事求一言之
贈焉集爲席與坐而告之曰世祖皇帝曰天兵臨鄂渚
之歲二在己未我先尙書解組永州道過崇仁爲嫺戚
少畱始識寺簿公寺簿公登進士第皆實寓我尙書臨
安之別第而我先參政少寺簿公十歲甲申之來得相
從者三稔焉我先人浮湛田野簞瓢屢空不計聞達浮
山君友道崇篤每爲諸侯大夫稱誦之趙國董忠宣公
之延敬先人則君與清河元文敏公實啓之也及忠宣
入朝先人卽歸田舍浮山君亦倦遊相處東西家講學
修行無食頃不相求始終無間言人曰爲有古君子之
風矣延祐己未先人卽世浮山君年已六十視集少有

十三年待之若稚弟焉及集再召還朝而君歿矣既老而歸君已不可復見賴敬則之家居也豈有過從之樂今出而服官政集得無言乎集嘗聞諸鄉之遺老云敬則曾大父梅庵先生方盛年富文史教授近郊之巨室中夜有求見魯男子者先生絕袖扶闕而走失道墮巨浸中衣絺木而止聞有人聲相呼者云此人有子登科謹護之旦乃得解而歸家人怪問之公不答也而館人或歎其事而泄之綏三年丙申而寺簿公生造物之報卓行君子昭二如此可不懼乎可不敬乎今內附且七十年寺簿公之名德雅望浮山君之清才懿學再世積累漑被其子孫充碩盛大方殷而未央也可不知所自

乎夫善必積而後成非必一事而可責報于天也然而
一念之烈其發之不可遏若是此孟氏之論學所貴乎
擴而充之者也吾敬則橫經于其堂曰其祖父之所教
而教人者余豈足曰盡知之至于善端之發確持而不
變勇行而不紕者尚有曰廣君子之澤哉子行矣余待
子于蓬華之下三年而歸有曰爲告焉采石之上有我
先忠肅公遺廟在故人覃懷薛公超吾守郡皆爲起斷
碑于艸莽而植之諒不可忘也集過祠下又已六七年
子弟之至者亦一二年矣敬則經行幸爲集省其庭柏
階艸焉

國朝風雅序

夫欲觀于國家聲文之盛莫善于詩矣類而求焉是爲得之昔者延陵季子見詩與樂于中國心會意識如身在其峕而親見其人蓋曰此耳梁昭明著文選其詩不必出于一峕之作一人之手徒曰文辭之善惟意所取而已然數百年間篇籍散軼幸有此可觀焉而衰陋之習或取此曰爲學則已微矣河汾君子有意于續經漢魏之詩殆必有取然而其書不傳蓋非偶然也蓋嘗聞之詩三百一言曰蔽之曰思無邪又曰王者之迹熄而詩亡詩亡然後春秋作邵子亦曰自從刪後更無詩蓋知聖人之意爾昔者盛峕學道之君子德業盛大發爲言詩光著深遠其小人蒙被德澤風行艸偃變化融液

莫或閒焉此所曰一言可蔽之曰思無邪也此所曰王者之迹熄而後詩亡也此所曰刪後之無詩也國朝之初故金進士太原元好問著中州集于野史之亭蓋傷夫百十年閒中州板蕩人物彫謝文章不槩見于世始因錄詩傳其人之梗槩君子固有深閔其心矣我國家奄有萬方三光五岳之氣全淳古醇厚之風立異人間出文物粲然雖古昔何已加焉是曰好事君子多所采拾于文章曰爲一代之偉觀者矣然而山林之士或不足曰盡覓之百年曰來詩文之輯錄蓋多有之然雖多不足曰盡其文或約而不足曰盡其意亦其勢然也監察御史前進士燕人宋褰顯夫在史館多暇其所會粹

開國曰來辭章之善多至數十大篇自艸野之所傳誦亦皆載焉庶幾可曰爲博而傳寫之難四方又有不得盡見之病矣建陽蔣易師文著國朝文雅三十卷而曰保定劉靜修先生爲之首許文正公繼之終之曰雜編三卷庶乎其有意焉嗟夫若劉先生之高識卓行誠爲中州諸君子之冠而許公佐世祖成治道儒者之功其可誣哉若師文者其可曰與言詩也夫十卷曰上諸賢皆已去世而全集尙有可攷載如臨川吳先生之經學具有成書其見于詩者太山一毫芒也窮鄉晚進尙繇是而推求之乎十一卷曰下諸君子布在中外夫君子之爲學苟不肯自止則進德何可量哉切曰爲未可詎

止于斯也至于僕也早持不足之資已應世用老而歸
休退而求其在己者尙慊然其未能也片言隻辭何足
已廁于諸賢之間哉亟除而去之則區區之幸也至元
己卯七月三日雍虞集書

送墨莊劉叔熙遠遊序

元統甲戌予自史館歸僑臨川從清江墨莊劉氏賢子
孫之分居金谿者得見其先世遺墨遺事與羣賢交遊
之翰墨蓋三歎其文獻之懿久遠而能使人不忘也其
後叔熙氏歲登華蓋山必及予門予嘗與叔熙論其家
書因及靜春戒子通錄實有助于名教恨其書不大傳
叔熙曰諾有家藏舊本當刊而傳之一年而書成宗族

鄉黨受而讀之遠近學者願得之臺省有知其書不遠千里使人求之信乎錫類之不匱也叔熙又謂予言族人諸父昆弟願合其財力先取公是公非兩先生之交而梓之而公非集頗有遺脫將訪而足成之故緩他日叔熙又及予門曰自清江至金谿族譜及侍讀呂來所與歐陽公王荊公眉山蘇公昆弟南豐曾子固諸家之書與劉氏相關者及井靜春與諸子所往復備錄爲凡三巨編受言誦之慨思古人之不可復見也予早辭親遊京師館授曰爲業每懼夫于道未有聞也至于古今記載名物制度之類又皆空疎不足曰酬應觀于昔者斯文之盛有歐王蘇曾度越前代而侍讀公兄弟父子

博學洽聞森然參著于其閒聲望略等何其盛哉故予
每執筆茫然博雅之士未嘗不歎息劉氏于二百年之
上也往者承乏事文宗皇帝于延閣清燕之暇曲賜延
對訪問故實著述文字幾無虛日于是皆也則前日所
愧于是益深承詔讀進士對策于殿廬得劉性粹衷劉
聞二庭諸君之文而奏之後知其賜官廬陵臨江因告
曰其說而囑之曰劉氏之書惟春秋易林及三傳權衡
粹本在學官而所著傳尙闕其他成書者猶十七八種
惟西漢書注或附見于本書七經小傳學者或傳寫讀
之其餘蓋罕傳焉而靜春氏等諸著述未暇數也宜訪
而廣之二年前聞庭粹小傳于臨江粹衷粹弟子記于

旌德皆摹印曰屬饜予之嗜焉因曰其貳與叔熙叔熙
歸讀而告曰與家藏本無異也故家子孫若叔熙氏之
拳二于先世艸茅俗陋其可曰少愧乎哉世祖皇帝嘗
旣取江南大臣有奏言國可滅其史不可滅上甚善之
命史官修遼宋金史嘗未遑也至仁宗嘗屢嘗曰爲言
是嘗予方在奉常嘗因會議廷中而言諸朝曰三史文
書闕略遼金爲甚故老且盡後之賢者見聞亦且不及
不于今嘗爲之恐無曰稱上意典領大官是其言而亦
有所未事也天祿至順之間屢詔史館趣爲之而予別
領書局未奏故未及承命閒與同列議三史之不得成
蓋互曰分合論正統莫克有定今當三家各爲書各盡

其言而覈實之使其逮不廢可也乃若議論則曰俟來者諸公頗曰爲然二每思史事之重非有歐公之才識而又得劉公之博洽曰資之蓋未易能有成也予聞前輩言渡江後眉山李公仁父就蜀置局著宋通鑑長編而北兵卒至盡亡其書走至東南多追憶曰成書凡數百卷是可曰追及劉氏者歟宋晚禮部尙書王公伯厚最彊記而我從大父祕監公與之齊名予不及見王公祕監公蒙世祖特起之任曰輿地之事今其書在祕省予幼嘗得豫章布衣孫訥吾每得書覽記之不忘又能參錯攷定非是每有問必舉之終其篇蜀人范大治亦善記嘗言幼在蜀從予先世得盡見六經緯皆爲予讀

一篇予嘗尙小不能通其說昔范已七十餘矣其後同
朝友侍講四黜袁公伯長蓋學于王氏得其記言之要
而秦定執政東平王公繼學見書輒記無復再覽領政
事省朝省吏牘過日無所遺皆異材也然今惟王公在
耳此予之所親見者也朝廷必欲成一代之言不有如
此數君子者其克有濟乎戊寅春叔熙來告別云將遊
觀乎燕趙齊魯晉宋之郊予曰善哉子之遊乎慎毋苟
然也觀夫山川之形勝封域之離合考古人之遺迹風
氣之變通習俗之升降文史之遺闕皆子家學之能事
也呂子之清通黜敏因曰肆其問學而資其見聞今聖
明在上必有述作之事如圭如璋令聞令望濟之彥

詎可遺吾叔熙者乎

送李仲永遊孔林序

章甫逢掖之士視魯孔林如支庶流裔觀于父母宗子之家孰不曰爲歸往瞻仰之地乎國家混一曰來有欲觀夫徂徠之松新甫之柏瞻龜山之雲詠沂上之風者川有舟航陸有車馬不待贏糧計日而可至視前代分裂隔亂之世欲往而不可得則其遊豈不快哉然曰布衣陋巷窮居終日坐誦書史安于閭里之近無其志者有之矣桑弧蓬矢有四方之志而力不足曰充之者有之矣有其志有其力或仰事俯育供給公上之類又足曰累之無其貴者有之矣予年垂七十數經濟泗之間

每曰王事有程不獲伸闕里之敬歸老臨川白意無復
是行李遠仲永視予年僅將半之有其志有其材有其
皆欲爲孔林之遊其行矣哉母因循母簡慢母退志爲
它曰有予之悔者也嗚呼昔楊中立先生自程門歸叔
子歎曰吾道南矣旣而宋失中原而南渡然道統之傳
自楊氏爲豫章羅氏延平李氏乃得朱子其傳諸胡氏
者得張宣公是諸君子之學宛有端緒身不心親觀乎
靈光之遺而親聆乎金絲之音也其望聖人于千載之
上若親炙之不可誣也然則學者之求乎聖賢固有在
此而不在彼者乎仲永之先侍郎公實爲朱張二子所
稱道議論名節見諸文章仲永尙論先世其亦有所聞

也乎然則仲永歸而求諸者既如此今往而遊觀之者
又如彼予安得不快其遊乎

易南甫詩序

詩三百篇之後楚辭出焉西都之言賦者盛矣自魏
降作者代出制作之體愈變而愈新因唐之詩賦有聲
律對偶之巧推其前而別之曰古賦古賦詩有樂歌可
呂被之樂府其後也轉爲新聲豪于才者故爲歌行之
肆長于情者變爲傷淫之極則又推其前者而別之曰
古樂府豈非一豈人非一人古近之體不一今欲呂一
人之手成一編之文合備諸體而皆合作各臻其妙不
亦難乎高安易君南甫示予曰賦若詩一編盡具詩賦

諸體不蹈流俗有爲而作辭不苟造蓋聞南甫之居則
康樂之故地謝公之所封而嘗遊者也林泉之日長山
水之興足有得于昔人之流風餘韻是曰能然也哉今
夫江河之行湖海之浸或爲驚濤巨浪之壯或爲平波
漫流之閒一窪之盈一曲之勝其所寓不相侶而各有
可觀者焉曰水之同出一源故也善賦之君子又曰其
非常之才有餘之興隨所遇而有作焉何患乎眾體之
不皆妙也固哉予昔之言詩乎蘇子由言其兄子瞻平
生無嗜好曰圖史爲苑囿文章爲鼓吹老亦奔去顧獨
好爲詩耳嗟夫子豈敢擬于古之人哉會有耳目之疾
有園囿而無所遊觀有鼓吹而不能曰自樂而心思凋

耗亦不復能詩徒使弟子誦昔賢今人之詩曰自娛焉
南甫之所曰惠我者多矣然南甫之意豈徒然哉予之
少也亦嘗執筆而學焉聞諸同志曰性其完也情其通
也學其資也才其能也氣其充也識其決也則將曰造
物者同爲變化不測于無窮焉詩賦云乎哉斯言也南
甫曰爲有可採乎

臨川晏氏家譜序

臨川逍遙峰福勝院主僧師吉曰所修晏元獻公家譜
相示深歎其曰爲委身于釋氏而不忍忘先世之疏闊
因其族兄某得其譜系而敘錄焉按其譜自師吉上距
于元獻八世距尙書公六世蓋元獻公九子尙書則第

八子之子尙書六十三而歿而尙書之子生三歲而孤是呂師吉之系歷三百年而才八世爾宋之南渡秦檜專政誤國胡公邦衡慷慨一疏當岢偉之至今讀者猶憤發有生氣豈知尙書之疏尤深切著明憂思治法無不畢備世臣之言固當然乎而學者鮮得見之然國史有尙書之傳今又幸于私記敘譜而見之也君子之言其不可泯也如此乎余昔待罪國史嘗以職事求于先宋之故家遺記得燕山竇公儼賈公昌朝之後人皆爲貴官于國朝傳系可徵而譜牒遺逸矣最後得閬中陳丞相堯咨兄弟諸孫之畱居鄭州者子孫之分居東平曰某爲御史來求先塋碑而得其譜之略故宋盛皆若

呂申公韓魏公富鄭公曾魯公司馬溫公桐木韓家子
孫南渡後仕宦功業猶可攷見內附曰來貌乎無所聞
于四方聞曾氏有子孫在泉南數十年前北方曾氏有
仕于南臺者至泉南曰世嗣求拜其家廟者慶厯從官
莆田陳氏之裔孫旅爲余云而今亦不可攷之矣及余
僑臨川郡之大族樂侍郎史後人尙多而未嘗見其譜
王荆公子孫四十年前在金陵嘗見一二人今祠下亦
有一二人耳而晏氏之子孫莫盛于尙書八世之後乃
有去爲釋氏若師吉者凜然思其宗家緝累其家世行
事歲月如此賢者之傳固當有見于後世矣又聞王岐
公子孫有官撫州而畱居者其孫卒于外孫李氏家又

得桐木韓氏之譜于其諸生之畱居臨川者南澗公爲之序者也故家之子孫數世之後雖隆替不可知余于晏氏之譜有不勝感歎者矣思古人于旣往望喬木而遐思故書此而歸之前史官虞集書

葉宋英自度曲譜序

詩三百篇皆可被之絃歌或曰雅頌施之宗廟朝廷關雎麟趾爲房中之樂則是矣桑閒濮上之音將何所用之哉噫歌永言聲依永律和聲蓋未有出乎六律五音七均而可曰成聲者古者子生師出皆吹律呂占之蓋其進反之閒疏數之節細微之辨君子審之是故鄭衛之音特其發于情措諸詞有不善爾聲必依律而後和

則無呂異也後世雅樂黃鐘之寸卒無定說今之俗樂
視夫呂夾鐘爲律本者其聲之哀怨淫蕩又當何如哉
近世士大夫號稱能樂府者皆依樂舊譜倣音平仄綴
緝成章徒諧俚耳則可乃若文章之高者又皆率意爲
之不可叶諸律不顧也太常樂工知呂管定譜而撰詞
實腔又皆鄙俚亦無足取求如三百篇之皆可絃歌其
可得乎臨川葉宋英子少年嘗識之觀其所自度曲皆
有傳授音節諧婉而其詞華則有周邦彥姜夔之流風
餘韻心甚愛之蓋未及與之講也及忝在朝列與聞制
作之事思得宋英其人本雅呂訓俗而去世久矣不可
復得老歸臨川之上因其子得見其遺書十數篇皆有

可觀者焉俯仰疇昔爲之增慨序其端而歸之

濟寧李氏校梓九經四書二後

承直郎松江府上海縣尹李君璋曰廣東元帥宣慰王公都中書訪集於臨川山中而相告曰世家濟寧之鉅野去夫子闕里二百里而近先大父謙齋始就外傳時出遊孔林而學焉是皆干戈未寧六經板本中原絕少學者皆自鈔寫已成書其後朱子論語孟子集註大學中庸章句傳至北方學者傳授板本至者尙寡猶不能無事手錄及大元混一東南書頗易致而闕里無專本欲刻梓焉意將省筆札之勞已富涵泳之日未及如志年六十九而卒家君守永嘉之瑞安蓋甚欲爲之而未

克就璋也從事江右憲幕辟澗閩掾得學製錦於海濱
秩滿少閒請於家君願成先大父之志易詩書禮先就
既呂北還而春秋左氏傳及朱子四書重至江右而後
克成四書板加厚字加大命子公謹繕寫不敢忽猶慮
北方風高木善裂取生漆加布其四端歸諸孔廟之下
俾久於模印而無壞願書其事諸經板凡若干四書板
凡若干其大父諱崇道其父名公也昔漢建寧中命諸
儒堪正六經去其穿鑿謬誤刻石東都太學門外一岿
觀視摹寫者車日數千輛甚矣學者之尙經也如此其
偉哉東魯今有李氏所刻書曰應四方之求將何媿於
東都乎嗚呼秦滅經籍內聖外王之道蓋已微矣賴漢

儒掇拾於散亂煨燼之餘師生授受越千有餘年而後
有周子二程子張子邵子以至於朱子出聖賢之學始
大復明於世若夫四子書者實道統之傳入憲之要學
者由是而學焉則諸經可得而治矣昔在世祖皇帝朝
先正許文正公得朱子四書之說於江漢先生趙氏深
潛玩味而得其旨以之治君澤民呂之私淑諸人而朱
氏諸書定爲國是學者尊信無敢疑貳其於天理民彝
誠非小補所曰繼絕學開來世文不在茲乎有得是書
而誦之庶幾盡心焉豈惟李氏之望蓋亦儒先君子之
意云爾

道園全集卷二十五

虞文靖公道周全集卷二十六

歸田橐三

序

廬陵劉桂隱存橐序

昔者廬陵歐陽公秉粹美之質生熙洽之朝涵淳茹和
作爲文章上接孟韓發揮一代之盛英華醲郁前後千
百年人與世相期未有如此者也蘇子瞻曰不世之才
起于西蜀英邁雄偉亦前世之所未有南豐曾子固博
考經傳知道修己伊洛之學未顯于世而道說古今反
覆世變已不失其正亦孰能及之哉然蘇氏之于歐公
也則曰我老歸休付子斯文雖無曰報不辱其門子固

之言曰今未知公之難遇也後千百世思欲見公而不可得然後知公之難遇也然則二君子之所曰心悅誠服于公者返而觀其所存至于歐公則闔然而無迹淵然而有容挹之而無盡者乎三公之迹熄而宋亦南渡矣乾淳之間東南之文相望而起者何啻十數若益公之溫雅近出于廬陵永嘉諸賢若季宣之奇博而有得于經正則之明麗而不失其正彼功利之說馳騁縱橫其閒者其鋒亦未易嬰也文運隨嘗而中興槩可見焉然予竊觀之朱子繼先聖之絕學成諸儒之遺言固不曰一藝而成名而義精理明德盛仁熟出諸其口者無所擇而無不當本治而未修領挈而裔委所謂立德立

言者其此之謂乎學者出乎其後知所從事而有得焉則蘇曾二子望歐公而不可見者豈不安然有措足之地超然有造極之旨乎而宋之末年說理者鄙薄文辭之喪志而經學文藝判爲專門士風頹弊于科舉之業豈無豪傑之出其能不浸淫汨沒于其間而馳騁凌厲曰白表者已爲難得而宋遂亡矣中州隔絕困于戎馬風聲氣習多有得于蘇氏之遺其爲文亦曼衍而浩博矣國朝廣大曠古未有起而乘其雄渾之氣曰爲文者則有姚文公其人其爲言不盡同于古人而伉健雄偉何可及也繼而作者豈不瞠然其後矣乎當是旨南方新附江鄉之間逢掖縉紳之士曰其抱負之非常幽遠

而未見知則折其奇傑之氣曰爲高深危險之語視彼
靡二混二則有間矣然不平之鳴能不感憤於學者乎
而一二十年向之聞風而倣倣亦漸休息延祐科舉之
興表二應皆而出者豈乏其人然亦循習成弊至于驟
廢驟復者則亦有曰致之者然與于是執筆者膚淺則
無所明于理蹇澁則無所昌其辭徇流俗者不可去其
陳腐強自高者惟旁竊于異端斯文斯道所曰可爲長
太息者嘗在于此也往年集承乏禁林陪諸公奉詔讀
進士之策于南士首得劉性粹中而奏之嘗與論及此
事後十年過于集雲峯下又嘗及之而思見乎有曰相
發者又後二年曰書來告曰我鄉先生劉桂翁氏有學

有行文章追古作者而年亦七十有四矣屹然山木上
書滿家而遠方無盡知之者因曰得先生之書焉集辨
書而歎曰予知之舊矣而未獲盡與之遊也先生之言
曰弱冠嘗猶及接故宋之遺老既內附猶用力于已廢
不用之賦論視儕輩無已及者及國家曰進士取人未
能忘情于斯世乃益究乎名物度數之故註箋訓釋之
辭曰從當皆之所爲而志大言高不爲有司識察又十
年乃爲古學而用意于歐陽子焉四方之求文者隨而
應之不知其沛然而無窮也此雖先生之謙辭要其大
槩不我欺也嗟夫曰文應皆者雖有古今所取曰爲文
者古今無有異也曰高才博識專業而肆志求諸昔之

入者五六十其應于今者合否不足論也吾故曰山林之日長得已極其力之所至學問之志專則有已達其智之所及知其背于塗轍之正者卽有所不爲知其可已傳諸方來者則言之而無隱論古今成敗無所蹈襲而出人意表觀乎龍岡之麓青原之波不亦善于達本而溯源者乎集故極道夫歐陽子之所未易知而善乎先生之有已知之而輒及于予之所欲求知于歐陽子者而著之篇也先生之文凡若干卷詩若干卷已梓雜著記序銘說等若干卷方將梓焉而先生耳聰目明心識精敏出其所新得已爲言者猶未有止也僕小于先生四歲相望不遠安敢已齒髮之不足而自棄于先

生乎姑書此附諸篇末使觀先生之文者或有取于區區之言而有所感發也夫

曹士開漢泉漫橐序

某早歲遊京師得見朝廷文學之士大抵皆東魯大儒君子也氣象舒徐而嚴雅文章豐博而蔓衍從而詠之不足曰知其深廣極其所至不足曰究其津涯此豈非龜蒙徂徠之間元氣之充碩曰發揮一代斯文之盛者乎老而退伏于山林想見其風采聽聞其警欬漠然其不可得者久矣曹君復亨曰其先中丞文貞公詩文刊本所謂漢泉漫橐并續橐見示魯無君子斯焉斯取能無百世之感乎近者又使其客危觀手書相示曰是橐

也御史府請諸朝廷而梓諸學宮者也民間未易多得
請約其篇目小爲字而刊諸家塾曰遺子孫而傳諸同
志嗟夫爲人子弟拳拳先世之書自非知爲學之道者
不能也前集之序有之公之平生詩文當不止此門生
故吏尙博採而附益之蓋名言也且夫千江之波其水
同源也千枝之秀其木同本也卽一波一葉可曰求水
木之本源凡水凡葉衍沃敷腴者皆此源此本之所發
揮不可選也豈得有所去取于其閒哉是曰得書曰來
旬日徬徨而不能對然而初得漫橐續橐皆有從遊臨
川李本伯宗者借讀而三歎焉曰爲三百篇中夫子獨
取秉彝好德之章曰爲知道蓋非學問則不足曰得其

性情之正未可曰言詩也其次則如唐杜子美之詩或謂之詩史者蓋可曰觀豈政而論治道也流連光景云乎哉于是輯其學問之所陳政事之所繫別錄之蓋得百數十篇取而觀之非無意于斯文者輒錄其目曰爲記其爲說蓋亦在所取乎姑敘其說如此云耳至正元年辛巳四月十五日虞集敘

陳文肅公秋岡詩集序

大夫君子所曰有譽于天下而垂名于方來者必有及人之政傳世之文是故騷人勝客和墨濡翰曰自悅于花竹之閒欣歎怨適留連光景非不流傳于一豈然于治政無所關繫于名教無所裨補久而去之亦遂湮沒

而已何足筭哉乃若受命天子臨蒞斯民禁姦慝消禍
暴撫善良紓困阨防微杜漸于不言之先救弊塞遺于
將盡之際而懷恩服義者眾卓然有聞宜無不傳者矣
及其遠也幼者漸壯而不及知壯者日老而不復記老
者既往而不復追遂使有志有爲之盛績竟墮于無聞
無知則所謂言之無文行而不遠者夫是曰無長歌之
紆徐短詠之激烈無曰陳說其志意而感動其性情使
夫在人手無可披之編口無可吟之藝于是聲光風彩
不能使人有所欣慕而感發于無窮者良可惜哉所曰
立行立言之不可偏廢也如此昔世祖皇帝方混一東
南之豈遺老哲人建大事出大議功名各已成就故命

省尚書秋岡先生陳文肅公自潛邸之舊侍書省戶書
諾翰屏閱歷之久已專城千里于河山之間矣東南新
歸版圖名都巨邦佳山勝水遺宮壞苑江花庭草皆在
所視履也區區亡國保禦之所經營其形勢未盡剗削
消磨也新附之人救死扶傷于田里閭閻者疾痛呻吟
未盡休息也新政未孚聚斂刻薄之說得行而皇上之
恩德未浹于遐陬也拘曲文史形格勢禁而縉紳大人
雅歌投壺雍容整暇示人曰寬裕忠厚之德意者未足
曰風動四方也山川能說升高能賦苟無其人則何曰
哉天子于此豈寧輟公于論思之親密而使往來于江
海之上其旨亦深矣哉公曰政事之餘歌詠迭作有風

雅之義焉公開朗豈弟衣冠偉如人望之如神明已神
銷而氣化矣窮陋僻遠有不得見者聞其片言隻字之
傳大有所感發所係豈輕也哉然公平生文章之出沛
如泉源之發揮而波瀾之無津譬如風雲之變化而舒
卷之無跡逸興所發無復留槩是曰素無成編今公之
孫廣東廉訪使允文其副憲江東江西則公治郡之所
在而英節之所樹也至若金陵錢塘維揚凡公昔昔惠
澤風化之所及者公孫之觀風問俗亦皆至焉然後公
之詩文得于門生故吏之所誦習學士大夫之所傳寫
官寺民舍之所題識當皆名公鉅卿家倡酬寄贈之所
往來隨所得而輯錄之得古律五七言及古樂府等名

千篇增益家藏之所未備親自校讐授梓而藏之故家
舊人之聞孫博雅有識可謂知所重輕先後者矣公孫
既不曰集之不肖早嘗望公于下風俾執筆書公遺事
於神道此編之成又使集附註其說使得而讀之者庶
有所發焉廉使忠厚而簡易清正而剛介所至爲治不
事苛文有法外意是曰風操之所感發者非庸俗固陋
之所知也然自歷中臺久在江湖之上今又奉宣至意
省察疲氓于炎荒之表而不辭者豈有他哉廉使之爲
治皆文肅之貽則而聖天子之所曰期于廉使者其亦
世祖皇帝之所曰待文肅之意歟至正元年五月甲子
虞集序

李梅亭續類彙序

梅亭續類彙三十卷者故宋中書舍人直學士院寶章閣待制臨川李公諱劉字公甫之文梅亭公自號而穆陵書曰賜之者也先有梅亭類彙三十卷其家既鉅梓而傳之及內附國朝公之孫峻掇拾遺書而彙次之又得三十卷曰續彙既成帙而歿後三十年峻之子積力不及其前人嘗猶欲節約次第勉力以成其志而求予敘其事云若積之所爲猶有前代倦二文獻之餘意蓋亦可念可稱者矣若夫乍起乍滅于尋丈之間俄忽之頃者豈復知此之爲重乎按龍圖趙公汝騰作公墓志公初有語纂閉戶錄理語書成皆燬于火然則續彙者

亦公既貴之所著也夫公之在朝兩爲中書舍人三入翰林直學士院故內外制最多而喬行簡李宗勉史嵩之三和之制尤爲世所稱道公始入蜀佐制司幕府先曾大父滄江府君皆參議制司及行邊興元實與公偕軍事之畫諾文章之往來極相愛重二氏家集互可考見其再入蜀也歷守榮眉進總漕事并總蜀帥成都守本路憲四川都大賣茶買馬等司凡八印軍府僚佐各稟教令條治無不得所公之從容于政又有如此者當是昔公所得圖書輒已八印識之近昔或散失民間予猶見什百於一二追憶吾蜀父老之言而歎其烜赫者矣且公之文光采博瞻文學之士莫不欲盡見曰快其

心目何待於區區末學而贊於一言乎而不敢違積之請者考公之遺書而竊有感焉嘗辨先丞相雍公采石事曰爲史書但言采石之功虞公與焉蓋當昔繆史有所佞也不亦欺天罔人乎又云魏文靖公了翁所著滄江府君墓誌言其學問行業可爲至論而隱德潛美猶多逸遺嘗欲敘次同行軍秦隴昔勝敗大槩而不及爲也先雍公之事著在國史炳如丹青千載不可誣而滄江府君經理蜀事有丞相之風而卒不得志於昔帥多所遺恨其行事雖有可考二百年來山川邈悠陳迹無一可見予嘗使涉其境瞻望悽愴豈復可思邪緬懷故鄉是已不能忘情於公之言也故爲積書之如此仍改

至元之五年歲在己卯五月甲申雍虞集書

送楊生序

豫章隱士楊君顯民至予舍有麗澤之樂焉蓋嘗相與
三歎而言曰君子與天地同其體充達而無外而非固
其形氣之私曰貪生也與聖人同其心悠久而無窮而
非局於意識之鑿曰執一也故嘗觀於旦晝之存而忽
亡失於應酬之眚者多矣又嘗觀於嚮晦之息而汨汨
謬於夢寐之交者又多矣然則此心之神明此體之限
量烏能充達至於純一者乎他日其子原自吳郡還予
問之曰子亦有所遇乎原曰有神醫活人不可勝紀原
從而問焉曰爲可教而謂之曰吾之學嘗於中和之交

靜虛曰待知一身之氣來會而覺其散還也然後教之
曰脈絡之所經井穴之所在識之於己身而無不熟然
後曰之察乎人之病者中於何經起於何所攻刺摩治
而去之蓋非常醫之所能也又將往而受業焉予曰善
哉子行矣君子學聖人之道而行之而有所弗得焉則
學乎其道者必有所差矣法乎天地之運而有所弗合
者則其所曰行之者必有所不同矣學焉而無所得行
焉而無不同然後推吾之所有而曰治乎人達乎天下
所謂執柯伐柯其則不遠者予誦其言略有合於予與
顯民所談者故書曰示之

楊賢可詩序

士大夫學於家業成則國家取而用之古之道也然業成而未用於世有其志而無其行事則曰其性情才思寓諸吟咏見諸議論而已及出而見用則凡行事者卽前日之吟咏議論者也說詩者引古人之語謂可曰爲大夫者九事山川能說登高能賦其二也非其胸次素定一旦起而行之其何巨哉始予在奉常賢可登進士第蓋常見之於瓊林粉署之間英英乎其丰采也濯濯乎其容色也浩浩乎其神氣也秩秩乎其經畫也後二十年予自禁苑歸相見江上嘗宜黃之政告成蒼顏映照有憂深思遠之意焉臥疴山中聞其佐郡臨川曰職事行縣又得見之卓然明斷千里紀綱益又曰見儒者

之效焉旣而乃得見其初歲及登科後諸詩橐歎曰非
能賦能說之大夫乎噫仁皇帝之取士也集嘗聞諸近
臣云上每曰進士中得一范仲淹亦足副吾意明聖之
心於戲遠哉首科最爲得人御史中丞馬伯庸侍御史
張夢臣侍講歐陽源功與諸君子皆莽然有稱於當世
吾賢可所居位雖差若未及然治縣佐郡實有已及人
所至未易及也追蹤數賢豈晚乎哉詩中佳句劉養吾
之讚盡之若曰推其賦詠之磊落而見諸行事之明敏
則引而未發故曰書其後云

礪谷居愧橐序

礪谷居愧橐者崇仁先正粹齋先生李公所著詩也公

諱進字野翁生宋嘉定十四年辛巳淳祐四年甲辰留
夢炎榜登進士第仕至朝奉郎福建運管而宋亡隱居
縣東門之外種瓜植菊曰終其身題其舍曰礪谷居所
謂愧橐者自命其詩集之名也歲在甲申先君自嶺海
北遊至於茲邑嘗攜集拜公牀下峨冠褰衣意度閒雅
故國之遺風儼如也集出仕而歸省公已去世而礪谷
之花木猶有存者及老而歸宿草夕露拱木悲風不勝
其悽然者矣公甥游紹雅集艸角與之遊今亦八十矣
乃出此橐相示公所改定具在集得而諷焉蓋宋人尙
進士業詩道寥落及入官又有不暇及者而南渡曰來
若陳簡齋參政放翁陸公誠齋楊公擅名當世及其季

年若曾蒼山趙東林蓋有追求作者之意而公詩真率
調暢簡散深至兼諸子之長焉至其暮年之作深有樂
天知命安於所遇者可謂感慨係之矣卷中有送虞連
州詩爲我大父尚書公作者也然則尚論事契蓋有徵
焉紹雅欲集識其後謹識而歸諸游氏云

送楊拱辰序

廬陵楊拱辰自金陵歸道過臨川之上而告予曰建炎
初金兵犯建康守臣降我五世祖父曰郡倖死之郡人
收而葬諸南門之外明年朝廷旌其節贈直祕閣又贈
徽猷閣待制諡忠襄立廟墓側官二子賜田廬陵子孫
世守之乃改至元之二年始克往拜墓下蓋自國朝以

來前代忠臣之在祀典者有司嘗曰詔書祠之而廟旁
之父老猶能相傳其遺事稱道之猶感憤有生氣護戒
其墓道樵牧無敢至者知拱辰是其曾孫特相慰撫顧
廟貌樸野宜少加葺規再往而經營焉明年春且東行
故爲詩曰送之曰一襟寒碧忠臣血二百餘年翳草萊
故國邱墟遺廟在荒城霜露遠孫來黃鸝碧艸無皆盡
白日青天後死哀亦有先祠臨采石記曾揮淚擢船回
蓋予先丞相忠肅公亦賜英烈廟於采石廟久不存而
祠堂在廣濟寺子孫往來江上必省拜題壁曰識廟有
兩碑一碑斷爲隣觀女道士所取嘗使族人求之不可
得一碑仆前當塗守覃懷薛公超吾起而樹之其高義

如此故併及之必有聞風而起者拱辰其往哉

新喻州丁士英舉遺逸序

國家舉遺逸之士集得於見聞若保定劉夢吉先生數聘之至爲太子贊善終不起許州趙□自隱士起官至一品京兆蕭顗臨川吳先生皆至二品其學術德業之足已樹立有益於人之國者士大夫知之無所容私言於其閒也近歲汴 吳彥暉起家待制猶未肯一出朝廷之待遺逸遺逸之自重蓋如此今仕者布在班列已千萬數計崇卑於分寸之閒亦獨何心哉聖天子思廣先朝之意幸嘉惠山林特降明詔使有司舉遺逸御史部使者得察而上之其所已敦尙風節抑僥倖義至正

恩至渥也愚也退在田里遊士過客不及其門無所知
於外事伏而聽之未聞有舉者蓋必有之而未之聞耳
新喻守李侯仲英奇節之士也周察於其鄉得丁士英
氏曰應詔吾聞丁氏於其邦世修進士之業故宋科第
盛皆兄弟八人同皆六人舉進士其二人又特奏名子
孫世科不絕自歸國朝猶守其家學士英既罷舉教授
其鄉族而其家子弟尤能文邦號多士蓋難爲賢而士
英曰明爽卓異見稱誠可尙者哉夫士君子知守經學
行藝則不必求知於人非有高識泛然不足人亦何從
知之有司之吏租賦刑獄期會文書承奉上官不曰私
意累其心者猶不暇薦士況念慮紛擾患得患失於毫

釐之閒者其暇念及於邑士曰答明詔於萬里之外一
州之小乎故書之曰爲序是曰喻之舉士不可曰不記

洛陽楊氏族譜序

嘉議大夫南雄路總管兼勸農事楊益曰書抵臨川告
諸前史官虞集曰昔忝同朝俱扈從上都嘗曰洛陽先
塋之碑爲請亦旣大書而深刊之矣又慮夫子孫之南
北宦遊不能曰皆至墓下乃書爲譜授梓塋之子孫勝
衣曰上各受簡而藏之雖遠且久不忘其初而他族無
曰閒之也或千百里之外數十年之閒適然相遇各出
本而求之昭穆長幼之序不亂也一本之初不失也請
爲之序云洛陽之楊由金中京酒使某壬辰兵北渡沒

兵中中京生△舉家避地平陽事定還洛修舊塋而定
居焉紫陽楊先生奭然爲河南轉運使辟爲幕官生南
陽府判官某子四人益某某益歷憲司御史南行台
御史除廣西憲司經歷任奉訓大夫護聖營繕司大使
日贈南陽公爲奉訓大夫禮部郎中飛騎尉洛陽縣男
轉朝列大夫戶部員外郎再贈朝列大夫自禮部升祕
書少監自飛騎尉加賜騎都尉自洛陽建封宏農郡伯
益出守南雄官嘉議當封二代三贈南陽公爲嘉議大
夫刑部尙書上輕車都尉宏農郡侯而南陽之父某贈
亞中大夫河南府路總管輕車都尉宏農郡侯而昆弟
子孫姓名已次序列於譜云按楊氏自唐叔虞爲諸侯

後世有爲大夫食采於楊而受氏漢初赤泉侯喜著見於史及三世四公曰名節盛德世承清白子孫遂曰眾多而皆望華陰矣其後族人益蕃遂有四院之譜所謂華陰閩蜀浙者也洛陽去華陰爲至近或者洛陽之族其華陰之裔乎洛陽之族遭昔喪亂死徙北方而卒能自歸於先塋之次豈無天意乎再世封宏農而益有民社之寄別族爲譜自中京君始曰其所可知者而言之所曰信於其後世子孫者也故爲書其端云

送常伯昂序

古者仕不出其鄉去鄉國而遠出者其爲使於四方者乎使事畢而還歸無歲月之淹父兄親戚之久違也今

則不然薄海內外皆吾聖天子之疆宇雖嶺海之極際
相去萬里殆若戶庭然宜其腹心之所寄耳目之所托
氣脈通貫情意孚浹癢疴疾痛無不畢達綏緝嫗煦無
不覃及是曰仕者不知其遠焉且爲之士者修學於己
於用無不周受命於天於行無不可彼惴惴不肯出戶
限逐逐求龍斷之登者亦豈君子之志哉常伯昂氏幼
從其父自中州仕於江鄉頌詩讀書脩然一室不妄交
接父之仕國眾人或不識其面而名士大夫則識之稍
起受郡府之推擇治其文書雖非所好而守身徇道信
於上下苟有可已及人者從容視護不使上有失而下
有怨焉此可望之賢也去年剛御史知其爲人而薦之

觀風於江右者又皆曰爲然將資用於幕府而廣海之濱曰之才爲請奉檄云邁略無不足之意非知學者能如是乎吾聞遠近海島之人參錯奔走曰貨交於中國者南海一都會爲之喉襟焉富庶淆雜亦非他郡之所能及則容有槩芽櫓槍之生治之之方平易則足曰得其心剛愎則足曰察其隱整齊法度而無所暴則足曰防其微別白是非而無所私則足曰辨其慝從其欲則易肆拂其願則易狂幾微之間毫髮千里權度之則曰簡御煩豈有外於腹心耳曰者乎簡書之暇制其變於畫諾之際先其謀於籌思之豈推其源曰揅其失定其本曰持其久盡思廣忠綽行可爲者伯昂其勉之耳目

者上下之通也有美名者必本於實有高翔者必謹於
下未見其遠且緩也況伯昂視切於耳目之近者乎

道園全集卷二十六終

虞文靖公道園全集卷二十七

歸田稿

四

序

送李敬心之永嘉學官序

宜黃李君敬心作石城教諭建昌州學正常熟州教授皆得故翰林學士臨川吳公之言其家居作其邑之學吳公又爲之記今年赴永嘉教授思欲得吳先生言邈乎遠哉不可得而聞之矣乃辭親戚於鄉登家人於舟而後東行百里而有求於不肖者之言嗟夫子豈有易於吳公之言哉然而別十有四年之遠居相去之近而不得一接於顏色已觀其學行之所至而將何已爲言

哉大抵吳公之意曰敬心天資之敏齟齬而記誦於諸經家學之懿既長而不流於俗學欲其深明乎聖賢之遺經不欲其爲浮靡之文曰干祿仕欲其修君子之行不欲其從卑苟之術曰趨勢利其卒章也必曰言忠信行篤敬而勸之至曰古之爲學者爲說世豈復有斯言哉稽諸其文自丙辰至於今二十有五年矣吳公求其明經也經旣明矣吳公之欲其修行也行旣修矣吳公之所已望其忠信篤敬者當有諸其躬矣今曰是而教人舍此將奚適乎吾故曰昔者求已盡乎己今者將已推乎人豈有易於吳公之言哉是故天下之言學者其端多矣必欲求於聖賢之域舍此二言者雖有過人之

才超世之志有不足與於斯文者矣昔朱子在岢永
之學方興意氣之軒昂言辭之雄偉自非朱子孰足
當其鋒哉自是曰來曰功業自許者足曰經理於當世
曰詞章自許者足曰風動於斯文至於六經之傳註得
曰脫略凡近直造精微如薛常州春秋等書實傳註之
所不可及而足曰發矚於遺經者也山川文物之美遺
風流澤之傳彬彬然濟濟然誠杞梓之茂林而鳳麟之
靈囿也教之之道無曰忠信篤敬爲庸常之言深求吳
公之意而有曰激勸之則學者之於斯道也豈不有可
望者哉

翰林直學士曾君小軒集序

昔在至元大德之間天下大定天子方與民休息中外晏然可謂熙治之至矣武皇帝入纂大統當富有之大業聖明於赫盛莫加焉方是豈也國家豐裕府庫充斥封爵竝建於公孤而不攝錫賞下逮於執御而不匱而秉鈞軸者多練事而習故安常而厭動慢弛之習見焉於是有智力過人者欲見於有爲曰功名自許招徠才俊採拾議論一言悟主風采震動立尙書曰出朝廷之政治天下之事中書之署僅同閒局居其職者俛焉食祿而已於是新任事執政者各獻其能曰佐君相不次擢曰建事功政令日出震耀奇偉其大者如作中都改楮幣復泉布責郡縣吏曰九載黜陟之法而

職興焉武功曾君益初自逢掖超拜翰林直學士而專
任考功一司於天官矣明年政歸中書考功隨罷益初
竟歸廬陵嘗年三十有九後若干年而卒卒之後二十
有三年其子如瓚輯其遺文相示曰爲益初在朝嘗集
曾爲學官與之同朝者也是曰來徵文曰序其端予聞
益初甫四五歲已通文字善屬對機敏捷出稍長徧涉
經史嘗與其弟弼初相對背誦韓退之文竟日終猶不
止□□□□宋之旣亡文尙奇變益初獨能不然凡
爲詩文春容幽邈有昔者先正之遺音焉其擬古人表
記賦頌之屬蓋曰詞學自期稍起試有司爲郡縣校官
用蔭調桂林錄判皆不屑也早遊京師聲譽日起於諸

公閒送登顯仕當至大嘗封拜滂沛故代言之在稟獨
多考功職專故畫一之公牘具在則所謂春夢之錄者
君子不得不爲之一慨也嗚乎武皇升天於今蓋三十
年今聖子神孫繼二承二人才輩興治道新盛而吾益
初不及見之矣昔集承乏於文史之間嘗從禁近見丞
相楚公之子二人而當嘗執政及諸貴臣之家咸涉於
見聞矣近嘗復置考功而予在荒野亦不盡知其說觀
於益初遺文之有傳亦足已見當嘗之事九重清暇之
燕或有觀文學於先朝尙有徵於斯乎哉

會樽齋緣督集序

緣督集者故宋德慶太守曾侯豐幼度之文也侯撫州

樂安人登乾道己丑進士第積官至朝散大夫終參知政事眞公德秀幼嘗學於侯二歿眞公志其墓石納甬中不得見而侯之孫焄曰廕補官歷鴈茶海口兩監鎮調平江府節度推官則由眞公念舊而推引之也二百餘年而書亡國朝元統初今監察御史前進士燮理溥化來監其邑詢求其鄉之先生舊人得其族譜兩卷故翰林學士吳公之所敘也又命侯之五世孫德安購其遺書得今集二十卷將梓之而燮君召拜御史書未及成後三年德安求予敘之按樂安未置邑嘗地屬廬陵之永豐其先在唐末五代皆有異人善相地者爲之葬而子孫果蕃昌盛如其占江鄉好事者人人能道之往

觀者至今車轍馬跡不絕於其里其顯者則莫盛於德慶矣侯方未第告白著其族譜敘曰爲遠不及溫陵宣靖公家父子福德功勳之盛近不及南豐子固兄弟文學名位之著慨然有自憤之志不一二年遂策名大廷其志亦宏矣哉予得其所編遺集而有曰見之其氣剛而諄嚴辭直而理勝其有得於易之奇詩之葩者乎取譬託興傑然不溺於風俗山川磅礴雄偉之氣蓋有曰發焉夫物之精華久而不滅則有神明之助者矣一編之書獨發於五世諸孫之手殆非偶然也德安能儒能醫則文理之美陰德之厚尙有曰昌其書者乎侯登科之年則我先忠肅公入相之歲俯仰今昔故爲之書

范左司松溪詩集序

故宋左司豐城范公松溪集六卷公子德邵曰爲公所著述甚多遭靖康建炎兵火所存惟此而已并述公行事一篇附其後其九世孫申如曰其郡士熊昶書來告曰郡人至順辛未進士熊燿宰番禺令申如曰松溪集來爲授梓而傳之昶爲來請略敘其始末公諱濬字舜文生元祐己巳徽宗嘗行三舍法公自縣學升洪州學九年貢辟雍政和八年戊戌改重和上舍及第調撫州儀曹又調福建提學司主管文字提學司罷宣和四年還官太學曰幸學恩轉文林郎七年授虔州儀曹改節度推官佐幕虔有政聲泊宋南渡郡多兵盜公治之有

方紹興四年召薦者改宣教郎知建州歐寧縣有治迹
既滿縣人爭留之太守魏某曰聞召見除兵部員外郎
歷吏部戶部樞察院檢詳尚書右司郎中遷左司郎中
兼中書省檢正與呂宰秦檜議不合求去除知南劍州
至官乞祠二奉至主管玉隆萬壽宮紹興二十二年丁
父憂後三年卒官至朝奉大夫云松溪集詩文皆南渡
後所存者往二哀二帝之北狩憤王業之偏安其上致
劄子論言之要曰爲不當如三國之紛爭當如帝王之
弔伐其獻策先內治而後用兵曰祖宗之德意感激士
大夫去弊政之所曰害國蠹民者而一歸於仁可謂正
議也已而豐水舊志及今翰林直學士郡揭公後斯

所言胡忠簡公論王倫劄子蓋出公筆而胡公曰爲公親老疏上必有危禍而自上之遂南遷當是日瀘溪王民瞻送之曰詩言頗激切猶中危禍使檜知出於范公之筆則公之禍可獨免乎而行述上稱公與檜有舊檜乃曰舜文領取從官去可也何用多言然公遂去國矣檜雖未忍致害於公而公不自安遂家居終身君子之禍亦危矣哉夫食人之祿則不敢內顧其私此公所已奮筆而不辭知其必墮危禍不忍危其親朋友之厚德而區區曰聲名禍福計較者恐非二公之心也孔子論殷三仁又言伯夷叔齊求仁而得仁蓋言盡其心盡其分而無所計較於外者也范公之草疏胡公取而上之

庶幾君子之道焉是曰不可不表而論之也至正元年
辛巳九月前史官虞集序

宋朱德嘉序

周子之教學者曰志伊尹之所志學顏淵之所學先儒
之言曰立志曰明道希文自期待明道之學顏子之學
也希文其志伊尹之志者乎昔者仁廟曰世祖皇帝之
遺意設進士科曰取士某嘗聞之嘗宰之言曰或謂進
士取人多而得官速且病其無實效也仁宗曰千百人
中得一范仲淹斯足矣然則得希文斯得伊尹矣聖神
之見豈不邇且遠哉然自此科而進者凡七舉而小輟
其爲人也或顯或晦或升或沈命則有不齊者焉今揚

於王庭尙多首科之人精神之所感天人之際固如此
夫今年聖天子下明詔復進士科而乙亥鄉貢之士盱
江朱禮德嘉始曰詩經舉於鄉已而就校官之例來茲
邑秩且滿而明詔適下集乃爲之言曰當始議科舉皆
集承乏奉常略聞其議論之末有云明道欲取天下之
俊秀聚而教之京師其成者散之四方曰教其人蓋一
道德而同風俗之事則無患乎異端旁說或得曰出乎
其閒使聖賢之傳不明而天下不被其澤者也是豈廷
臣欲有曰答德意而患失其道有待於悠久也乃定取
士之法其書必曰易書詩春秋禮記其道必出於堯舜
禹湯文武周公孔子其學之授受必由於顏曾思孟周

程張朱曰爲論定而不可踰越者也然則如此而得士焉而用之則必有曰希文自期待而達於伊尹者出焉惜乎趨而應之者僅曰爲入仕之途及其得之俯首所事不過眾人之事而已使說者得曰爲辭豈當皆之意乎今旣輟而復興聖黜特達之造羣賢贊襄之美豈徒然哉老病衡茆無復聞其萬一徒曰昔之所聞而爲德嘉言之易書詩春秋禮之爲經五儒者蓋莫不欲通焉漢之專門名家則亦已固矣而先儒之說曰先通一經而黜則餘經可得而通也旣而又有言曰論語大學中庸孟子之說通則諸經可得而通矣此皆要言也國家之制通問四書之疑而各黜一經之義如此而學者其

於文義固不待言施諸有政何可禦也所恨者各奏其
我曰應之有司者隨其所得而取之是曰失之於昔而
不可不勉於今者也就令有司者曰虛文取之而吾黨
之士其爲學也則不可曰苟焉也已矣吾見德嘉之治
斯校也旦暮坐堂上與諸生說經緝文井二有序而不
淹縣長貳待曰賓師之禮而不敢褻暇日投壺雅歌曰
爲樂及觀其退處於家父母皆高年而康寧飲食起居
有節妻子嚴畏而和敬果有得於所習之經也乎觀於
孔門弟子之記載聖人之於詩獨數數而言之愛其子
言之於子貢子夏言之本之曰思無邪推至於專對授
受始末周至沛然孰有盛於詩者哉德嘉之曰是書進

也推之家人父子之常而達諸天下國家之大曰其易
直子諒之意而行之言論詠歌之間雍二乎泐二乎使
無所迫切而意已獨至豈無曰發揮盛德之至者乎仍
改至元之六年十月十五日雍虞集敘

送鄉貢進士孔元用序

歲庚午殿試後集與閣學士阿榮存初侯見直廬存初
慨歎相語曰更一科後科當輟二兩科而復二則人才
彬二大出矣又歎曰榮不復得見公猶見之應之曰得
士之多誠願如存初言方今文治興隆未必有輟貢理
存初國家世臣妙於文學在上左右華年方殷斯文屬
望集老且衰見亦何補邪又歎曰數當然耳問何曰知

之弗答也後三年集歸田而存初有玉樓之召乙亥果
停貢今歲聖天子科詔興賢一一如存初言猶願此舉
得人亦如其言則區二畎畝之愚誠也臨川素號多士
前七舉進士者予弟仲常與黃養源同年張國賓予校
藝南省所得羅友道予忝讀卷皆所奏也今年臨川之
士預薦者六人前此未有如此之盛者元用闕里之系
清江三仲家之傳曾子固南豐之後劉良甫墨莊公是
公非家子孫當汴宋極盛皆皆文學知名大家去之三
百年而有子孫竝薦於今日徐國基之高大父嘗爲試
官得周益公程文題之曰此有公輔之器皆曰爲知人
涂自昭張直方皆再舉直方尤老於文學者六君子之

世業積學豈苟然僥倖於一日者哉予呂州里耳目之
近目推其遠而未知者則彬二多材之出其徵詎不可
信哉元用質粹而文高與子白皆予素所期望者行省
將歌鹿鳴而勸之駕元用亟來山中爲別其意尤古乃
賦詩曰餞之并寄諸君子云朐詔興賢第九春臨川今
薦六賢人南宮入奏催廷對硯影龍旗墨色新又附見
二首云青田千仞妙高臺天挺清朐不世才化鶴能來
塵路絕芒二驕莠欲誰裁臨川經學邁前修摹進遺書
幾駟舟天上鴻儒多雅識春朐勸講達宸旒

饒敬仲詩序

予歸老山中習俗嗜好不畱於胸次獨與幽人雅士咏

詩讀書尙未能忘情焉四方之君子念其衰老不鄙而枉教曰飫予之欲何其幸也前年饒君敬仲遺予五言長詩凡百韻陳義之大論事之遠引援於往昔聖賢之業鋪張乎一代文章之體縱橫開合動蕩變化可喜可駭可感可歎及觀其他作往二不異於此而此千言者尤足肆其馳騁云爾問其學所從出則嘗從乎臨川吳先生遊宜其所聞過於人也遠矣嘗著書一編述山水之情性吳公亟稱之首爲之序曰傳於世夫山之形重峯峻嶺奔騰起伏勢若龍馬亦或曰廣衍平大爲勝水之流驚湍怒濤吞天浴日莫窮涯涘而亦或曰平川漫澤紆餘清冷曰爲美不可執一而論也蓋其脈絡貫通

首尾相映精神所在隨寓而見是呂能極其變焉敬仲
得此於其心一託於吟咏之事故能若此何其快哉昔
李陽冰善篆書自呂爲有得於日月風雲山川草木動
植之體敬仲之詩得於山川亦何奇哉然吾晚歲足駸
駸而視茫二也山水之間濟勝之具頓絕惟有端坐絕
物使善歌快誦於清風明月之際亦足呂慰吾之寂寞
也乎故爲題其篇端云至元己卯二月朔旦邵窩虞集
序

漁樵問對序

元統癸酉十月集自禁林告老而歸中表父兄歸然獨
存者唯吾溪山翁一人而已閒居食貧無呂爲樂恬憺

之極賦詩曰相娛友人易濤命其子升輯而錄之數年
之間不覺成帙翁之子宗蕃請題曰名集曰翁之世大
父安撫公釣遊之所曰漁墅而集之故鄉人有識之者
曰此青城山中樵者也宜題曰漁樵問對至元庚辰四
月十五日虞集序

送吳尙志序

今年黜詔復進士科外有司將取乙亥所貢士而勸之
駕焉而盱兩鄉貢進士適皆在茲邑其一人曰朱君德
嘉其一人曰吳君尙志也乃孟冬朔旦予與邑大夫士
與二君登乎邑之北山而賦焉會者十數人莫不舉酒
相屬於二君曰望其決策於大廷矣明日德嘉告予曰

尙志有求贈言於子之意予病退於野學曰曰困何曰
爲子言乎然昔者竊聞設科之意所望於君子者甚重
也三十年閒其見用於朝廷者固不少矣然而一日得
之而爲祿仕焉明經之學不達於行事陳策之善皆付
於虛文區區紉徇於吏俗此固眾人之所疑君子之所
歎朝廷之缺望而科目之所曰有閒也乎方今聖明在
上文治大興沛然有制禮作樂之盛朱君曰詩進吳君
曰禮進其必出而有合於當世也乎且禮之爲經儀禮
十七篇有司不曰爲問所曰取士小戴之記也四十九
篇雖記載之文不一而子思曾子道學之傳在焉是故
不學乎此則易詩書春秋未易可學也且夫堯舜三代

之遺說天子諸侯大夫士之成制吉凶軍賓嘉之具物
雖或殘缺參錯然舍此幾無可求者焉必有制作曰復
先王之舊宜必有攷於興革而舉錯之者矣是豈尙可
曰取應得之於一日遂忘其事於他年者乎昔者顏淵
有問於夫子而從事於視聽言動之目亦曰禮而已矣
至乎爲邦則虞之樂夏之豷殷之輅周之冕豈無其具
乎內聖外王有道有器夫豈可二之哉吾故曰爲學乎
禮者又當先於諸經者也何也曰其學而修之者卽可
曰舉而行之者也然則可曰付之空言乎哉吾聞之聖
人之教其子也學詩學禮而已爾集是曰命弟子學詩
於德嘉矣然則學禮者其將求之於尙志乎子之鄉有

前進士江君學庭者禮士也謝君子順詩士也於予有
文學之契焉試曰吾言而論之乎

送李棟伯高序

臨川李氏有活人之陰德至其諸孫質美而業儒鄉人
君子多稱焉今年二月李來居月餘予爲著君子堂記
曰勉之後一月其從弟棟又來而云將遊學於四方也
夫子弟生於陰德之門譬諸草木生乎沃壤其所因者
厚矣然而嘉穀芳草之生有待於人力非若稂莠稊稗
易於蕃茂也是故聞之護之而保養之父兄之事也扶
之持之曰匡直之師友之功也故有內外之辨而無遠
近之殊矣嗟乎徑寸之珠不鬻於三家之市千里之馬

不試於山徑之蹊棟之隘其闔而欲有所觀乎四方豈
非內視而有餘者哉昔者君子將觀於會通已行其典
禮豈非有志者乎棟嘗學詩乎詩曰芄二黍苗陰雨膏
之言欲其潤澤長養之深也又曰芄二棫樸薪之槲之
言有成材人將用之有不待己之求也又曰蒹葭蒼二
白露爲霜蓋言其皆至而器成則其所至亦遠也

熊萬初舊雨集序

熊君萬初與僕相識十餘年始得見其舊雨集觀其與
吳學士書問古文尙書知其能守素學不事浮靡出眞
見而無苟從端慤有規矩新學小生未之能及也雜著
本理而敷鬯詩賦亦雅而不阿皆未易及也僕至郡少

俊之士多不鄙來見問之多出萬初之門雖其後更他
名師而篤實有質行多吾萬初所啓也然則文豈足曰
盡知吾萬初哉

醫書集成序

醫之治人疾病也砭炳曰鑽灼其肌膚酷毒曰攻害其
腑臟非有順適之快甘和之美而不愛千金重幣曰求
其厲己者而甘心焉誠曰其疾苦之加死亡之至有甚
於醫之所用故也故曰不得已而用之猶國家之用兵
與刑也聖哲之爲治豈忍使殘忍之伎曰剗刑而加諸
血肉之軀使勇悍之夫操殺人之器曰跳梁擊刺曰爲
功也固將曰禁姦慝止暴亂曰安良善而致治平云爾

是曰兵有兵書刑有刑書然而叔向不滿於子產趙括一戰而亡君者誠曰執書而不知用其害有不可勝言者也醫之爲書古先聖神之言而僅存於今者素問難經靈樞甲乙之類而已古書奇奧世遠不無缺鑿難解者多矣張長沙之書學者重之幾列於經後世之說者衆若成無己之不謬於旨要者或寡矣千餘年後繼而作者其河閒劉守真乎其言亦古奧世俗淺俚非儒家深於文字者亦未易曰盡通也寥二數千百年天下萬方之國生齒之繁何可數計而傳其學者又如此則醫之爲道人之爲生不亦殆乎且曰近世論之士之生於東南者氣質柔弱腴理淺疏魚肉菜果粳稻之食短

味而少力土薄水淺炎蒸溼沮易曰中襲故其人多畏
忌而慎攻伐是曰醫者之用藥每尙溫平至於疑侶之
閒依稀曰嘗試雖其謬誤均爲殺人然謹慎循持猶可
曰漸理故說者曰得其道者爲治病誤於前失者又須
治藥病雖已失所幸其藥勢之緩猶或可爲也中原至
於北方風氣堅勁稟受雄壯飲食充厚膚理嚴密大實
大滿之疾常二有之爲河間之學而得其傳者胗脈察
證眞知邪之所在一決而去之可謂快意而通神者矣
而其皆東垣有潔古老人用藥至詳實嘗曰固根本爲
重非惟法當宜然而亦可曰救當皆一偏之弊矣我國
家混一海宇地氣周流無有閒隔然而東南之民柔脆

如故而富完安樂之久奉養之厚欲樂之縱則中州北方之人不如昔者亦有之矣近世乃有勦用其法曰白兮一足曰深知劉君之旨而究其法一切從事於苦寒疏利之劑抵掌扼腕曰爲神術今夫殺人者死傷人抵罪有國者莫之能易也若而人者操殺人之具於頃刻之間而莫之禁亦獨何心也哉噫非書之罪也譬若治平之世或草竊生乎其閒爲政者或一夫之力治之而有餘或千人之眾討之而可定的知賊之所在而用吾兵焉則賊除而國安矣今也雖有小寇而遽出重兵曰討之初莫知賊之所在於是元氣傷而本勢虛雖微賊反足曰成其勢而猖蹶者有之矣賊雖去而本勢隨之

呂盡者亦有之矣嘗有及吾門者謂嘗治公人之疾蓋用大黃朴硝數斤煮以火酒數斗而飲之一夕疾良已又如是者飲之數日疾乃已予斥之曰古人服重劑疾去止後服且分兩少於今日權衡多矣雖牛馬豈能飲如此湯劑乎予後跡其所治者皆死古之人一汗之速猶恐促其年若用藥如斯人者殘忍可勝誅哉予閒居病此久矣而有未發予之論者會稽處士費無隱來山中退然有不自足之意惻然有憫世之心其自修若不足而懼無以及人也故亦好醫焉嘗問其所爲學則曰臨川之金谿有三十六峯者古仙真人之所遊也其下有鄧君文彪者不樂居家而好修真之事嘗去鄉里適

吳越之郊有聞其風者築室山水之勝曰畱之其徒苦
挽之曰還其鄉乃曰暇日盡攷古醫經彙而別之三十
有餘卷命之曰醫書集成數十年而後成攜拾離合該
博參互其用心亦勤矣鄧君憂醫學之失傳而人生之
不遂蓋同於予心也修書之事無隱亦與聞焉鄧君字
謙伯號無爲子書成而化去無隱治其喪如禮又經紀
其家獨寶其書曰傳示諸公閒南行御史臺侍御史張
公起巖見而悅之曰子宜得蜀邵虞伯生氏之序則當
助子刊行矣後數年始能來爲余道之嗟夫昔之爲方
書者先列其經絡曰見其病之所在隨而見其治之之
方其後又有內因外因不內外因之目而條列之而言

病者無遺處矣茲書也乃白顛至踵分列百骸而曰病
係之觀其病之所見輕重大小無不盡在卽其條而後
觀其受病之經所因之故一經一緯可曰互見亦著書
之一法云學不博不足曰盡其藝爲醫者尙有倣於斯
文

撫州臨汝書院興復南湖詩序

國家置官內而朝廷外而方伯連帥部使者郡守凡有
司皆爲之設幕府曰廣咨度擇人而居之謂之賓客大
政小事無不得與聞然而得其人則理不得其人則否
同幕之士多者七八人少者四三人同心同道則理不
同心不同道則否其大較可知也臨川逢掖之士詠歌

幕府之賢未若今日之盛者也蓋臨川之學有所謂湖
堂者堂存而湖荒過者憫焉前乎此者豈無油然而歎
慨然而動情者乎或制於長吏或牽於同列或豈有不
得爲或力有所不能給而斯言也興念於前者既有曰
作興於其初從容其中者又有曰贊其畫而到官於後
者又有曰克成其志其簡書閒暇上下輯睦雨暘曰皆
年穀豐盛而得肆意於茲也昔人有記洛陽之園池者
云洛陽天下之中四方環視焉觀洛陽可曰知天下之
盛衰觀園池之興廢可曰知洛陽之盛衰此有識君子
觀治之法也今吾郡之政乃有去茅塞於積久之餘開
遊詠於寬閒之野不亟不徐於民無所勞苦而仰觀俯

察太平之盛於此可見焉且其爲地不繫於邑屋之繁
道路之衝無繫於貨財之交防禁之厲從容乎詩書之
麗澤道義之芳潤非好賢樂善之君子其孰能與於斯
乎蓋其幕三君子者皆優於文學而後仕皆歷於風憲
而後官是已知學校之所當先而承流宣化移風易俗
有在於此而不繫於彼者也岢山長張震實克相成之
吾知臨川文化之興不特於洛陽園池而已也趙君名
雷澤趙師舜毫人爽朗不煩意氣軒偉知事夾谷立字
可與金源人深靜曰居不逸照磨王堅孫字道凝吾蜀
人文理精密端方見稱一岢之在斯幕於斯一事可曰
推見其所曰畫諾議論之宜進而用之曰示則於四方

曰爲儀於朝著安有不可者乎郡人士美復湖之什凡若干篇而郡之南鄙寓農邵菴虞集序其端如此

撫州路經歷趙師舜祈雨有感序

天子提封千萬里曰民人社稷分寄於遠近大小之吏受其仕者知職分之所在各思不忘其憂蒼生之生其庶矣乎自一郡而論之大政小事不可曰數舉也先事而爲之備則無過甚之灾事至而盡其謀則無不及之失相先曰致其勞則無苟避之患當事而致其誠則無不成之功是曰貴乎得君子曰爲之用也臨川郡城至正壬午春夏之雨不闕六月蘊旱監郡倅貳參佐皆曰爲己憂華山相山皆二百四十五里自昔吏民之所同

禱也於是守臣之同僚爭求先行幕府二三君子亦曰
不可曰勞吾長也亦爭先請行會他郡有大獄未決太
守楊公始至旬日行省輟公往鞫之於是經歷趙君師
舜曰叨長斯幕非吾事而誰事也乃七月庚子朔齋戒
就道二日至華山之麓曰事之遽也分遣崇仁簿馬孳
詣相山期三日之旦各陟山巔祝告之辭方宣精神之
敷已感雲滂興於川谷雨遙注於郡城奉祝而還雷隱
隱達晝夜不絕清涼載途徒御歡喜浦澤所注合郡內
外無不告足於是而有年可望焉夫遇旱而禱懼而神
剛念之禱而靈雨應之故有之已今茲恍禱於俄頃之
閒浦澤於千里之遠若是神速而溥博者其未始多見

也此先其事之憂當始之謹相允之善積誠之感豈不信乎凡爲政者舉事動念莫不由此則天人豈有二致乎此報國之大者也故郡邑之士多爲之賦詩而前史官虞集書其端如此云師舜名雷澤儒雅士也自憲史歷掾陝右來官臨川剛敏知大體其親年六十餘隱居句曲之山尊道行義人謂之義齋先生

送醫士吳益謙序

予幼嘗好求古書而讀之於漢得張長沙傷寒論敬之如金科玉條殆非醫師之良則不足已知其法意而行用之劉河間曠世之異人精思而感遇妙悟神斷文奧法備其書上配長沙者也其門人用之其效甚著聞其

風者抵掌扼腕爭起而用其說其猛浪卒暴害不旋踵者多矣予四方交遊有真得其傳去病若流水者二三十稔間曾不一人蓋亦難乎其入矣予客臨川先生門人袁誠夫論儒者失道學之傳醫者不足曰知長沙河間之法斯人之生亦殆矣哉而誠夫又言郡城有章伯暉者於河間之書審慮慎發數奏奇效而予未及深與之語也貴溪湖山夏公暉道貳郡行縣訪予山中亦及伯暉之事云其子嘗忽瘡不能言而無他苦羣醫環視莫究其端疑於用藥伯暉視之曰此熱症也徐解之則愈投熱劑則大害從之不半日而愈又其僕人得寒熱醫治曰常用之藥伯暉視之曰法當死今夕夏公使人

昇還其家僕起拜辭謝登輿而去行未至家果及夕而斃如此者不一夏公之鄉鬻峰之原有吳士恭益謙者亦善醫也鄉之大夫士民庶大家細人用之甚應益謙亦謹慎端恪思愈人之疾無所解怠夏公曰誠得益謙與伯明講明古人之法則十全之缺無疑矣乃不遠二百里而招益謙至郡齋與伯明遊益謙虛心而不恃伯明推誠而無隱遂究河閒之說焉而不敢忽視妄發夏公深喜其鄉之得人而曰爲告使慎疾而敏學知所勸輕謬於河閒之法者使有所懲焉則予與夏公同一志也故書曰贈益謙云

胡師遠詩集序

序

十

古棠書屋

離騷出於幽憤之極而遠遊一篇欲超乎日月之上與
泰初曰爲隣陶淵明二乎物理感乎世變讀山海經諸
作略不道人世閒事李太白浩蕩之辭蓋傷乎大雅不
作而自放於無可奈何之表者矣近世詩人深於怨者
多工長於情者多美善感慨者不能知所歸極放浪者
不能有所反是皆非得情性之正惟嗜欲淡泊思慮安
靜最爲近之然學有曰致其道思有曰達其才庶幾古
詩人作者之能事乎今觀師遠胡君詩集外無世俗之
交內無聲色之惑其發辭攄思殊有飄飄凌雲之風焉
自分外之說論之大若宿有仙材積習不昧者不然何
已能如秋蟬飲風露清切一緒之無閒哉夫君子之爲

學常因美質而篤焉師遠詩思之清可謂美矣然至清莫如水而水其出也必有源其行也必有用易曰山下出泉蒙君子果行育德果行者其操如山之固而確然不可移育德者其涵養如水之達而沛然無不濟故水非徒清之謂也予既美其詩而又欲其有所進如此則詞人云乎哉

送李伯宗序

昔者臨川吳公之講學無閒於出處學者之及其門南北常數千人既老就養郡庠語其門人曰吾郡庶有才俊之士乎郡之子弟無不得見焉李本伯宗得見公皆年將三十未一年而公沒集之歸至斯郡也已不復見

公庶及閒暇有所質問焉則無及已此伯宗之見予而深歎之者也集聞之孔子之道曾子子思傳之著爲成書蓋憂其失傳而使學者有所考而學之不差也周子程子得不傳之緒於千五百年之後而道學大明論者猶病其門人或不能無少出入也朱子與東萊呂氏取其言曰爲近思錄張子之言亦在焉蓋曰窮鄉下邑有志於學者而無名師良友曰此而求之則不差矣故曰此書爲入道之階曰進於聖賢之域者也遵此途也謹銜轡循軌徹庶無他歧之惑哉士習之陋俗學之靡無曰與乎此才智之過不能篤信而安行而公遠矣如之何哉吾黨之士盍亦略思於予言乎盡聞吾伯宗之爲

學也取論語孟子大學中庸集註章句句句而誦之字字而索之不敢有閒也其於易詩書春秋禮記取先儒訓義已通之循環誦讀率數月一周其後專取程氏遺書書誦夜惟旁及諸儒之文字言語參攷密究如是者又數年矣不敢曰處家之難應事之雜而少廢也懼夫獨學之寡聞也求諸十室之近焉推之百里之遠焉猶懼夫輔己之未足也今茲又將遊行於四方曰觀乎都邑之大而取友焉韓氏之言曰業精於勤荒於嬉若伯宗者其無荒於嬉也哉集又聞之孔子言堯授舜曰中舜亦曰命禹又曰殷因於夏禮周因於殷禮百世可知也然則聖人之道一而已矣曰治曰教推之天下均齊

方一無有異者是曰一鄉之學者於其鄉先生生則受其教而不可忽沒則思其神而不敢忘何其忠厚之至哉蓋其散見於四方者其地雖殊而其會歸於一致者其道無閒此內聖外王之所曰不可及者也末俗紛綸人自爲說邦自爲政可勝歎哉雖然則必有豪傑生乎其閒矣賢者智者之過愚不肖之不及是皆未折衷於聖人者也試曰伯宗之鄉而論之王丞相陸先生皆百千萬人之一人千百世而一見者也文公高峻明潔前無古人當宋盛豈何其多君子矣自公視之其爲學之精治世之要略無足曰當其心者公之心曰爲使是君爲堯舜之君使是民爲堯舜之民其自信亦不可誣也

惟其自信之極而不知其道之合於聖人否也是曰一
豈諸公之言不足少有所移易而明道先生從之爲三
司條例司未嘗與之爭亦未嘗委曲而從之也而公心
服其言無不從者使明道久與公處其所謂高明精潔
者智足曰知之則潛融默化曰入於聖人之域則公之
所立必有大過人者豈有後世之禍哉是故程子之不
得久與處者豈直介甫之不幸天下之不幸也是故可
曰使公心服而無疑者其爲程伯子乎烏乎殆哉乃若
陸先生之學前代諸儒蓋未之有也朱氏之起與之相
望扶植斯文者豈不重且遠哉然而入德之門容或不
同教人之方容有小異其皆聖人之徒也呂伯恭氏將

欲一道德同風俗使學者無疑也是曰有鵝湖之會焉
雖其言卒不合而遂散去而倡和辭氣之間因二賢之
差殊而精攷神會焉於聖人之精微遂可推見其於發
明聖道曰幸惠學者非他郡之所有也臨川之鄉先生
有如此者伯宗講之習矣今天下之言二公之治之教
不無閒然予故於伯宗之行而及之使欲知二公者之
有攷也嗚呼安得起吳公於地下而質予之斯言哉至
正二年壬午三月朔序

朔南風雅序

至治壬戌之歲予曰次召對還過臨川有一士曰高萬
里曰啓一通致其所錄朔南風雅者而求予爲之序

及爲之作也元統甲戌之夏予歸休山中萬里又踵門
曰爲請蓋近代至今曰諸君子之詩也今天下一家四
方之詩皆在而表曰朔南者其殆魯史具四皆而特舉
春秋曰名書之例乎詩有風雅頌今不言頌者豈非薦
帝配祖之辭有不得傳之民間者乎善哉其所曰命名
其書者矣夫文學知名之士達而在上者門人子弟其
傳之不患不遠而萬里猶曰名錄其一二者抑將使遠
方之士得曰略見其緒餘也乎若夫山林之抱道懷藝
不得聞於當世者多矣萬里之用心厚矣故爲之書曰
爲序

朱萬初製墨序

豫章朱萬初世儒家敏文而善藝得古墨法至京師頗
試作之相知者一二君子耳余嘗用之愛其沈著而無
畱蹟輕清而有餘潤其品在郭圮父子閒而縉紳博雅
殊曰其言爲信聖天子御奎章閣親翰墨近臣曰爲薦
者上進果稱旨賜官可謂榮遇也已於乎天下之所謂
精藝者世固有之其聞不聞係乎遇與不遇文房之用
鬱鬱不見采者久矣一旦際乎文闕之盛遂顯於峕而
傳於來世豈偶然哉而或者又希其曰技進則亦甚矣
世之論玩物者固謂是乎故著其說曰待觀物而知者
云爾

道園全集卷二十七終

虞文靖公道園全集卷二十八

歸田藁五

記

王文公祠堂記

至順二年冬中順大夫撫州路總管府達魯花赤塔不
台始至郡嘗守曰下官多闕侯迺曰民事爲己任先事
而憂惻怛周至平易之政人甚宜之雨暘稍愆若致自
己且備且祈得不爲災歲豐皆和郡邑安靜則求其所
當爲者而盡心焉明年故翰林學士吳公澄就養郡中
過故宋丞相荆國王文公之舊祠見其頽圯而歎焉侯
聞之曰是吾責也乃出俸錢命郡吏董某譚某儒學直

學饒約揭車使經營焉樂安縣達魯花赤前進士燮理
溥化興國路經歷前臨川縣尉張雱與郡士之有餘力
者各曰私錢來助經始於某年某月某日曰某年某月
某日告成侯介予從子宣傳其事於石按郡志宋崇寧
四年郡守田登爲堂於守居之側肖公像而祠之淳熙
十五年郡守錢公更築祠而象山陸公九淵爲之記公
故宅在城東偏鹽步嶺有祠在焉作而新之則侯用吳
公之言也郡人危素將重刻公文集吳公爲之序旣而
吳公歿侯是曰徵文於予也嗚呼昔人之言曰周公歿
天下無善治奮乎百世之下必欲建立法度曰堯舜其
君民而又得君曰行其志則未有如公者也況乎冰霜

之操日星之文卓然命世之大才者乎陸吳二子之言
既足曰極公志之所存今昔不足於公者又有曰盡破
其偏私之蔽而世俗耳目相承之議遂無復容喙於其
間雖公復生亦將憮然於斯可謂千載之定論矣然則
今侯新公祠豈直爲觀美也哉世之從政果如陸子所
謂出乎老氏之緒餘者久已鮮矣而波頽風靡之中求
如公之所謂因循所謂流俗而不足與有爲者亦且無
之安得有如公立志操行者哉廉恥道喪士習愈下表
而章之使人士拜公之祠瞻公之象誦公之文考公之
行曰求公之志而有所感發焉則貪者可曰廉懦者可
曰立矣其於人心風俗豈小補哉若夫其所曰爲學者

陸吳之言備矣學者尙有考焉乃作迎享送神辭曰遺
之其詞曰

天高日晶百世之師野水秋雲悠二我思澹二荒陂晨
曦載暉言采其芹遲公來歸山川出雲無往不復草有
零露在彼靈谷尋窮於原亦企於石父母之邦庶幾來
食盈庭之言匪今斯今邦人之云式究予心作者之興
實命自天哀二民生何千萬年

南豐曾氏新建文定公祠堂記

君子之欲行其道者豈王之制有所不得爲則推其法
意之所得爲而爲之此聖賢所曰無不可行之豈也昔
者諸侯之國其昆弟子孫得曰公族爲大夫爲士有田

有祿曰養之國有宗廟世守其祭祀百世之子孫祭於
大宗五世之子孫祭於小宗而祖考之神靈蓋有所歸
矣後世貴爲公卿而無國邑惠澤無已徧及其族人君
子原本而充類盡然傷其心是曰有置義田曰待後人
之冠昏喪祭者矣宗廟不立祭享無所君子思賢賢尊
尊親親之道而不得有所爲焉於其賢者則原夫尸而
祝之於社之義而致其意則亦庶幾而已南豐曾氏自
魯國公有六子其顯者三人文定公子固最賢子開之
文如其兄而子宣最貴子固之學在孟氏旣沒千五百
年之後求聖賢之遺言帝王之成法於六經之中沛然
而有餘淵然而莫測赫然而爲皆儒宗其文章深追古作

而君子猶謂特公之一事云耳魯公沒昔公弱冠未仕也家甚貧嫁孤妹九人必得其所奉母夫人至孝老死不衰蓋其根於天性者純明得於經學者深至所曰行其道者眾人固不識也是曰官爵不過於郡守奉人無踰於常僚然猶悉其貲力置義田於臨川郡城之後湖與屬邑金谿之南原立爲規約曰惠利其族垂三百年矣此所謂能行其法意於可爲者乎不然何其能久也今其族孫元翊曰其父正子之遺命作公祠堂於後湖之上使其族之人食焉而思其本居焉而正其身則公之遺意雖去之百世而烏有終窮者哉嗚呼公之至元踰八世矣於廟則已遠於社則已疏卽其所遺田而祠

之使羣情之渙者有所萃也不亦善乎元統癸酉祠堂
成適予自京師歸臨川來求文曰爲記故爲書此俾附
諸義田規約之後而碣諸祠下云十又一月一日崇仁
虞集記并書篆

奉元路重修先聖廟學記

我國家龍飛朔方奄有中夏世祖皇帝既定大統人文
聿興學校之設爲急先務奉元本京兆漢唐故都地望
尤重是曰分鎮於陝者平章廉公某參政商公挺平章
賽公某僉省嚴公某先後作成宣聖廟儒學於郡東南
有禮殿二門其東西廡爲從祀之舍後有講堂有石經
之亭唐人石刻附焉儀門之外有齋宮外爲都宮有櫺

星門此其大略也。嘗東平徐公琰方爲行省左司員外郎實記而勒諸石。則至元十三年丙子之歲也。其後陝西行中書省西行臺皆治奉元。有司校官治廟學無敢闕失。會歲薦飢。勿遑繕葺。仍改至元之二年歲在丙子。瞻思帖木兒不花爲行臺御史。乃建言曰。今歲事有成。民汔小康。禮義之教需此焉。出歲行六十。皆其復矣。曰更治廟宇爲請。且其說曰。諸賢從祀廟廡。歲皆之奉其與享焉。非請益受業而皆繪曰侍立於俎豆之設。未便請如國子監廟制。皆塑像坐食爲宜。臺端唯而從之。相繼曰。就其功者則御史蒼閭李伯述。何執禮李中蔡。明安達你諸君子也。於是陝西行省西行臺各率其屬出。

俸曰爲之先豫王二相府登昌帥府卻鄰屯田二總管
府下至郡邑之吏好義之士聞風勸助者相續四月命
工度材各給其直工傭之費稍廩之給凡爲鈔二萬緡
如民間之通工易事無官府之擾是曰明年八月告成
而民不知有是役也四年二月官又給費修石經廊廡
五年夏御史李中又計學廩之贏修神廚倉屋更衣之
室及提學官廨冬御史蔡鵬安達休更建櫺星門是年
李御史巡行西道得豪民所侵學田五十餘頃刻石著
其疆畔租入之數曰畀之學官六年御史樊理溥化司
庠曰爲學校之政旣修風紀之效爲大使學生姜碩曰
其事來徵予爲文曰爲記噫前有徐公之文在集何敢

有所紀載於其後乎而二君知集之先雍人也集其敢
不爲雍之父兄子弟頌憲臺君子之美而紀其成績推
本關陝道學之自巳成諸君子作成人之意乎集聞
之茲土也昔者周公嘗治而教之矣禮樂其具也出之
於宗廟朝廷之上行之乎學校井田之間因其秉彝好
德之懿而詠歎乎天命之不已因夫卦畫示人之繇而
發揮乎變通之無窮致嚴於閨門衽席之微而推至乎
天地神明之著致察乎豳物衣食之末而究極乎輔成
化育之功耕祿之均施之四海而無不準也祭祀之達
傳之子孫而無不保也三代曰降人文莫過焉世降俗
易仲尼猶有不復夢見之歎而況於千載之下者漢唐

之遺迹無復有者又何有於教之可言邪昔二程子得周子之傳而起於洛邵子在焉橫渠張子特起於關中其學一原也而尤有意於制作之事焉程子之言有關雝麟趾之意而後可行周官之法度此周公之遺意而張子之志也與正蒙之書學者受讀訂頑之銘推極乎事親事天之誠而程子曰爲其修辭之不可及其勇知之所造非振古之豪傑孰能與於此而其言曰貧富不均教養無法雖欲言治皆苟而已議與學者買田畫井正其經界不失公家之賦而立斂法廣儲蓄救災恤患厚本抑末曰見先王之遺意而當今可行也又曰今欲曰正經爲事自古聖賢莫不由此而始遠者大者有所

未及而可於家庭見之又曰學者且須識禮可曰滋養德性集義養氣蓋有所據依卽有常業可曰見諸行事其端緒可見如此方是皆關洛相望表裏經緯孟子曰來亦未有盛於此豈者哉其爲言也衣被天下後世至於今賴之詠歌周南者不亦歸求而有餘乎世祖皇帝初年覃懷許文正公上書與師友講劄於斯矣去之朝廷儒者之效遂大見於當世而至元大德之間猶有守志厲操之士高蹈深隱於其鄉朝廷不愛尊位顯爵曰延致之曰表式於四方聞其風而及其門者亦多矣未必其寂然也夫其風氣四塞之固土厚而水深其生人也質直而忠厚是曰文王周公之教易行焉仲尼所曰

贊諸易詠諸詩載之於書者莫非其事至於關洛諸君子而大明焉舍此無曰爲教矣學於斯者思周公之爲治曰極於孔子之道因橫渠之學而博通乎濂洛之原則化行俗美賢才眾多豈不於吾雍學而見之乎詩曰南山有臺北山有萊樂只君子邦家之基不有聖賢之遺教則斯焉取斯乎請曰復諸大夫君子而與其都人士講焉

澧州路慈利州修儒學記

澧州路慈利州在春秋昔爲楚地秦置黔中郡漢魏曰後地總於武陵隋開皇□年始置慈利縣我國朝□□年升爲州州有宣聖廟儒學皆因其舊大德壬寅之

歲邑士萬士龍請於州出私財而作新之禮殿門廡講堂齋舍悉具合爲都宮禮殿有先聖及配享皆肖象於位冕服如其制從祀先賢繪象在東西廡州郡侈其上其事於湖廣行省行省言於朝丞相用禮官議旌其門曰樂善向道之門有司作門於所居署之如其文廟南有道東西出各樹門其端亦曰樂善向道分題之於今三十有餘年矣食其食而事其事於斯者閱歲月如流水乏補葺之功循就圯壞仍改至元之二年十月奉訓大夫也先海牙來監州事始下車曰學校爲己任嚴學職訓導之事擇凡民之俊秀充大小學弟子員而程督其絃誦課業庶幾知教之序矣乃謀大修其學宮進

士龍之子文綬孫鶴而告之曰爾祖父之爲學也朝廷
知之行省憲司上之州郡表之鄉人士弗忘乃予乃孫
尙能修先人之業乎文綬鶴頓首承邦君之命畢先人
之志於是增修禮殿新陶瓦曰易敝漏美丹漆曰發昏
黯因棟宇之舊而擴闢其外視道路之所由出入甃曰
之泮水有池去汙納清深廣相稱樹十二戟於門如
王宮之制先賢從祀於兩廡者易繪曰象冕服如制象
有位位有屏障而施帷焉凡百有五始作雅樂備登歌
之工八音之器使諸生肄焉有祀於先聖先師則用之
取經書子集於四方藏於雲章之閣曰待學者之觀覽
焉於是向道樂善二坊門廢亦起而更築之明年八月

朝散大夫榮祿來治州事實相與左右曰迄於成卜曰
之吉率僚佐人士釋菜於先聖先師而告焉延萬氏子
孫於州庭置酒食曰禮之爲書曰識之曰鄉里有煩役
萬氏勿有與也又明年戊寅三月命其史強禮走臨川
求集記之集乃爲之言曰今自天子之都施及四海之
際凡郡縣莫不有廟學其神則先聖南面而坐顏曾思
孟西面坐侑食自斯之從祀者則孔子之門人與先漢
曰來專經之士而道統之傳周程曰下九君子者則我
國家之制其書則易詩書春秋禮樂與論語孟子大學
中庸其所爲說則周程張邵之言而朱子之所論定而
朱子又與呂成公取周程張之言作近思錄曰爲入道

之階梯我朝自許文正公曰來定爲國是大公至正而莫敢有異議者也則凡學乎此者皆剛夫君臣父子兄弟夫婦朋友之倫而求至其至而已矣嗚呼三代而下至於今日爲學之道旣卽且盛者如此豈漢唐所可望其萬一者哉然而通都會邑之間物欲功利之習相與薰染者易深文藝游泳邪說似是之類充塞惑亂又有甚焉至於一鄉一曲或各爲一說更相祖尙輕黷者無篤信之實凡近者無高明之見而吾道如天地日月之行而學者不能曰自至則其居亦有害之者矣吾聞慈利之爲州遠在江湖之外山深林密民生不見外事故無浮薄之俗壤沃而生敏故易於從善有賢守長知所

三才集卷二ノ
目表勵而率先之彬彬鄒魯之風豈難至哉昔我世祖
皇帝之取宋淮南忠武王總兵而南丞相實同受命襄
漢荆楚至於交廣安定之澤民至於今賴之平章曰世
家子數鎮外閩惠政在人監州年甫三十膺民社之託
好學而剛禮清介而寬容觀其修學之舉可曰得爲治
之方矣榮侯秩序已高專意民事吾恐慈利有不足曰
畱二侯者而揚於王庭有日矣尙有曰振起其州之士
民哉萬氏祖子孫三世盡力於廟學亦宜得書曰爲勸
凡州之僚佐爵里姓名則見諸碑陰

新喻州重修宣聖廟儒學記

臨江路新喻州曰淦水得名轉淦爲喻不知所自起漢

呂來已爲縣及宋置臨江軍新喻自宜春來隸之其治在四大山之中秀水淵注是曰草木深潤文物俊異多出焉故宋在汴嘗劉侍讀敞生是鄉稽古淵茂有禮春秋之說史記典故之舊尤習焉與其弟若子博學洽聞名於一嘗與縉紳大儒先生蔚乎相望自是而後流風雅習代有足徵者矣其學校可知者始宋崇寧二年南渡後燬紹興三年令趙子琇始作之給事中李公大有爲之記紹熙二年令曾光祖修之工部尙書謝公弔爲之記嘉定八年令董堦又修之寶謨閣學士章公穎爲之記及內附國朝至元二十二年乙酉邑人呂部使者眞定趙公秉政之命修學政新大成殿故宋太學博士

廬陵劉公辰翁爲之記三十一年甲午縣陞爲州而學
無所改作仍改至元之四年戊寅朝列大夫知州事彭
城李侯漢傑始下車謁夫子廟慨夫五十四年之久而
曰敝弗葺也乃出俸金修職事曰更新廟學爲己任既
成釋菜曰告其地在城東虎瞰山之上俯臨澄潭氣象
雄固得石泉於荆榛之中甘潔可酌作神廚近之取其
漑灌覈租入之蔽虧曰續廩食畜書籍曰足誦讀範銅
爲祭器與雅樂之器皆各有藏助成者其同僚達魯花
赤忽都同知小者木牙津判官李可道吳子山勸相給
使者則州人蕭燾晏南傑傳行簡也七月使前鄉貢進
士丁鶚故宋參政正肅公之裔孫逖來求記之於是盡

得諸先達前記而讀之未嘗不深歎其人物之多文章之盛也如此嗟夫謝章二公曰名法從爲鄉先生所曰致意於後來學者皆拳拳於心術之正其言不可不深思之也謝公之言曰古之教者尙德今之學者尙文是則欲其人之尙德也章公之言曰士而不知教此漢唐之不可望乎三代者也望其人之修學也至矣集腋不申二公之意而爲之言乎德也者得於天者也知所曰尊乎得於天者則知學矣學也者所曰爲己非曰爲人也然而修諸己則可曰治乎人矣此學之道也乃謝公爲此學記皆新安朱子自漳守退歸建陽從學者甚衆作考亭精舍曰處之蓋是皆朱子所定五經四書皆有

成說周程張邵之遺言具有端緒於是學者趨乎聖賢之域正大而無所惑矣大人先生相望於數百里之間各有曰治其邑者如此東南學問之不絕其可誣乎自偽學之禍興久之而後定及其說稍行學者不假之曰便進取則墮於訓詁之相因雖其書之具存而得之者亦或微矣昔世祖皇帝觀兵江上得江漢趙氏盡曰朱子之書北還魯國許文正公首得小學之書尊信表章躬踐曰爲教又推致乎聖賢經傳之遺而斯文之正緒大明於天下自國都之學至於郡縣黨術莫不尚焉沂峕曰進士取人猶曰難疑答問於四書爲先務是可見其與天地爲公而不可易也喻學之士思其先正如侍

讀劉公之博洽蕭正肅公之端雅遍觀於諸先達學記
之言而深思夫謝章二公尙德修學之意凡予之所陳
者皆所自靖於尙德修學之事也豈徒言哉李侯世
將家自門廕入仕治民嘗官南海上自廉敏才略爲廉
訪宣慰兩司所知凡州縣有闕事輒屈之通攝無旬日
卽辨沿海有大寇維十數舟近在岸谷交結豪橫私鹽
僞鈔汗漫不可收拾復引小寇爲耳目出入不可極兩
司憂之不日廣州錄事爲卑官強自誘候不數日領官
兵將卒爲聲援立岸上不動親自數蜚艇入其巢擒首
謀之尤姦黠者七八十人尸之市而盜平及爲是州緩
帶從容若無所事者而政無不通學宮其一也州之士

多衣冠舊族其次者世守進士業百十年有聞不衰而近世又有呂清文介節稱於峕者惜乎亡矣州人猶能道之所謂有見有聞易於入德者其若此之類之爲學者言故併及之

撫州路重修宣聖廟學記

太守河間袁公說之來治斯郡也期年政成官府輯睦平易不撓民安於無事尤曰學校爲職分而究心焉謹學計之出入曰備祭祀繕修師弟子之養比歲而益充教授胡式甫至而遽曰憂去不及有所爲學正李輯錄周復亨攝其事曰廟學室宇敝壞告經歷前進士河南汪英曰今內朝清明外無繁令英得於此書畫諾簡書

之暇學校之修非吾事而誰事也使工視夫棟樑榱桷之朽腐瓦甍之毀缺象設采色之黯翳者而謀新焉梓人度材陶人埏埴凡攻金攻石設色之工各執藝以待事自大成殿講堂書閣門廡齋舍易曰梗柟豫章之美完曰朽填塗墍之堅鑿石作闌增禮殿之防和漆於丹侈桓楹之飾南面之象侑食之容衣裳冠履儼然繡繪之有別凡爲米若干爲鈔若干則皆汪君晨至夕歸審度傭賈而無所隱欺是曰敏於就事曰稱其觀美者也乃至元六年六月朔日復亨與學訓導葉友聞曰成事來告而請記焉集聞之春秋之法常事不書而斯役有不得不書者說易者有之君子之善治蠱者前事過中

而將壞則可自新曰爲後事之端而不使至於大壞後
 事方始而尙新更當致其丁寧之意而不使至於速壞
 是亦府君幕府之意而學校諸君子所欲記之者夫嗚
 呼治教之休明豈專在於屋室之觀哉然而簡陋不治
 則無曰行其典禮今旣完矣美矣遊息於斯者亦有所
 思乎聖神如天洋洋在上肅然奔走豆籩之出至著闢
 也退處其私暗室屋漏凜然衣冠瞻視之頃至隱微也
 幽獨之中而致謹焉一思慮之差一瓦石之毀也承事
 之際而致嚴焉一跬步之失一棟梁之撓也其淪胥潰
 敗將有不可禦者視彼繕完之密而歸求反身之誠則
 亦善取諸物曰爲學者哉況乎始也不知築室之基而

無所用其功終也不知洒掃之務而卒曰曠其宅出入
俯仰亦何所事於斯乎或者曰高剛爲高虛而不知夫
實究其本原曰簡易爲簡便而不事文理之察則吾有
所不敢知也諸君子尙或有取於斯言哉因書曰爲記

寧國路旌德縣重建宣聖廟學記

寧國之旌德本漢涇縣地唐分涇縣置太平寶應中又
割太平之鄉曰置旌德焉麻唐五季宋曰至於今遂爲
名邑邑之先聖廟則宋寶慶元年所作國朝至元十三
年丙子邑之官廨民居盡燬於兵而廟獨存二十七年
庚寅邑又盡燬於盜廟仍存元統甲戌廬陵劉粹衷來
爲之宰顧瞻而歎曰百年之間薦經兵火而禮殿弗壞

殆非偶然也歲嘗之久物有圯毀吾安得無曰作新之
曰承天相斯文之意乎於是率邑士胡紹武程廷鸞朱
克成汪惟勤汪德鎮而經營之作禮殿作殿門門有重
屋作兩廡及四齋舍曰居學者其講堂則前令所葺也
起工於仍改至元乙亥之八月告成於明年之八月邑
教諭袁祥寓書臨川求予爲之記粹衷嘗曰書來告曰
吾縣地僻而事簡山水可樂也民苦輸租險遠今得計
價曰代之而困瘠之餘少息矣夫地僻則無誘於外事
簡則無撓於上美山水則生物豐鬯困瘠息則生養有
漸矣於斯嘗也粹衷與其人士備絃歌具俎豆揖讓升
降於夫子之新庭旌德之民其庶幾乎誠不可曰無記

嗟夫人之所曰爲人曰其有君臣父子夫婦兄弟朋友之倫也有天下國家者敘此則治黜此則亂其在人也隨所處而盡分則可曰爲人不盡其分而又傷敗之則失其所曰爲人之道矣然而學者知之不學者不知也故長民者有教之之責焉教之而有所不從也故長民者又有治之之責焉然則當何如哉明其道曰示之正其誼曰率之相其是而斥其非翼其所能至而勵其所不及則其人之趨向端矣於是崇忠信曰勝愉薄興讓曰鎮頑鄙達和順曰弭爭鬪又表其俊秀而出之端其學而勿使之雜勵其行而勿使之僞使之誦聖賢之言道古昔之事曰風動興起於其間則不率者幾矣是

則可爲也今仕於郡縣者率三歲而代其來者各曰其材識之所能及而效職焉舉措不必同也況形勢之迫利害之怵又有曰奪之則夫因峇制之所得爲曰盡心於其所當爲不曰成否利鈍累其中者蓋亦已鮮矣嗚呼是亦存乎其人而已哉夫子之言曰十室之邑必有忠信旌德之士卓然自立不溺於凡近者亦將有感於予言矣粹衷名姓天庥丁卯進士南士第一人具官虞集爲之記

撫州路樂安縣重修儒學記

元統元年冬前進士燮理普化字元溥來爲樂安縣達魯花赤政尚清簡民用孚化言色不動患除利興大府

信從而無所撓下情安順而鮮所違期月之間遂曰無
事則取其邑之廢弊而修補之若官府學校病涉之濟
醫師之宮凡所當爲而力可爲者曰次爲之皆謹飭規
制善工美材爲經久之計曰待後之人而先聖廟學爲
最重是曰尤致意焉樂安始置縣於故宋紹興十九年
學亦隨建在縣治之北仁義坊內附國朝之初得民舍
徙置舊基之上歲久圯壞牽補相承而已元溥曰仍改
至元元年乙亥歲之正月作而新之大修禮殿作殿之
門若廡曰成廟制作講堂七間曰爲師弟子執經問難
修禮容習樂有司長吏率其屬亦於此乎執事焉作學
宮居室諸生齋舍曰藏曰息小大稱事無所苟且都宮

之南有池水屬民間重購而得之浚治寬衍而面勢益
巨明敞引水自池上出洋洋然有遊覽風泳之興焉畢
工於明年之十二月其同僚尹張彥輔簿定安尉孔思
京典史蹇居仁又明年而代元溥者則太帖木兒也今
簿多那木罕典史熊應辰學官熊無忌去而羅君友代
之其士民相率出私財至二萬緡呂相其成者劉成德
蔡可道李朝瑞何性可詹景能等而總其役者陳克恭
也廟有麗牲之石可因刻其修治歲月於其上矣呂予
自國史歸老寓其鄰邑求爲執筆而書之予聞昔人曰
崇仁永豐之間相距數百里山谷修阻官府遼遠民無
所保息割兩縣之地置一縣而治詹墟是爲樂安二百

年來非惟其民人得所休養而豪傑秀異之士代不乏人自舉進士至爲執政貴官若弟兄父子相繼登進士第者具可攷見延祐年中仁宗皇帝始曰科舉取士曠數郡或不能薦一人而樂安獨先有登高科者其後薦名於朝不絕蓋其時修是業而名家者諸父長老率其昆弟子孫修習無廢自井邑田野絃誦之聲相聞是曰逢掖之徒環千里而觀之或自曰爲不及也且其山高而水清地固而氣盛故其風習充然有曰自壯足曰有爲非若巽懦之不足興起則吾元溥之新茲學也其有望於士民者豈苟然哉皆業進士其專治者非易詩書春秋禮之經乎其所論辨者非論語大學中庸孟子之

書乎有司得推而舉之者非所謂孝弟聞於鄉信義孚於友者乎夫進士者朝廷取材之一途耳有志之士固不曰其廢置得失而有所作輟也夫儒者之事進士而已乎哉爲進士者黜斯經也修斯行也爲道莫近焉於是反求而自治卽此而不待於他求矣取諸聖賢經傳之言者舍銜鬻趨競之文而求修己治人之實其所曰見諸鄉黨鄰里者不曰苟逃吏議爲僥倖不曰委曲鄉原爲自喜而求夫天性人倫之至焉其來遊於斯學致力於斯經斯行朝益暮習悉心盡悴父兄之相教子弟之相承如攻進士業之勤苦因其抗果強偉之質而勇於爲善焉則人才之成就鄒魯何愧焉二三百之進

士云乎哉元溥之爲治可見者甚眾吾觀其念邑人之
去郡遠田租之輸勞費艱險嘗受後皆之責力請於上
得計直而納資雖受代猶懇二言之必欲使民久遠有
所依賴其所曰優其生養使得曰治其禮義皆實意也
子游誦夫子之言曰君子學道則愛人小人學道則易
使必如斯也庶幾元溥之心乎蜀郡虞集記

袁州路分宜縣學明倫堂記

國朝仍改至元之二年歲在丙子六月前進士豫章徐
邦憲爲分宜丞律已曰奉職厲志曰成事其久也有言
而上之人聽之有行而下之人從之丞亦自信其可用
乃取其邑之繫於觀瞻者謀於僚友而作新之其令姓

某曰他役自任而夫子廟學之事悉曰屬諸丞按縣學
本清源書院與安仁駟之故地故宋咸淳庚午令章采
遷駟他處併書院之地爲縣學學有廟廟後有會食堂
而所謂講堂者在東廡之東用陰陽家言面乙之位內
附國朝令膠東劉德曰爲郡縣講堂必在廟後撒會食
堂曰作黜倫堂而東面之堂不廢然取具一畝地卑材
劣不足曰久學瀕水水漲而堂壞久而不可支遂除去
之曰其地爲菜圃丞之始來周視慨歎而言曰此吾之
責也將誰讓乎乃告邑人士曰修學之意良民大家莫
不驩附而旌儒鄉之士陳辰翁獨曰丞至年餘一無取
於民而爲是義舉何俟於眾力請專爲之丞善而從其

請陳氏出其私財使其孫德星親任其役而縣教諭古
水李辰良董之丞曰公事之暇朝夕程督毋苟毋緩壘
石於岸曰障水取剛土雜石子築堂基高三尺擴舊基
凡十尺其邑產紫杉良材也修直中度者用之撓弱斤
不取於是爲堂廣七丈有六尺深半之棟之高二十有
七尺工績堅緻宏敞偉然其爲堂凡三十有六柱起工
於三年之十月堂成於明年之正月計其材用工食之
費爲鈔萬有千餘緡丞乃使其弟邦傑與邑諸生趙良
來求文曰爲記分宜本分宜春曰爲縣袁之壯邑也昔
者袁守祖侯無擇之始建學盱江李泰伯記之厲其民
曰忠孝足曰感發於人心儒者多誦之後百二十五年

張侯杓作新學其兄宣公爲之記詔學者曰唐廢三代
建學造士之本意而朱子記其學周程之祠則又曰原
乎道統之傳而示之曰修己治人之大法而兩先生之
言非止爲袁學而言也天下後世之學者莫不誦之而
知所曰爲學者矣況乎分宜之邑去郡無百里章甫逢
掖之士來遊來觀而得其說焉何啻耳提面命之近歸
而修之於身講之於友施之於子弟推之於閭里豈不
富哉其爲言矣乎若集之不敏何敢贊一辭於其間也
雖然丞之思有曰教其人士思有曰進其學皆古之道
也何敢不伸二先生之緒餘曰爲告乎夫國家定爲夫
子之廟肖夫子之容南面而中居從祀配享儼然有序

牲殺器皿歲有常祀郡縣有司承詔令行事則在平廟
矣至於師弟子誦詩讀書問學辨德則在於斯堂也此
之謂學也乎是曰凡天下之學皆名其堂曰黜倫豈惟
三代共之蓋千萬世而不可易者也維天之命於穆不
已五殊二實來往摩盪人得之曰爲人物得之曰爲物
而生生之無窮烏可已也惟人也得夫仁義禮智曰爲
性焉人之爲道則有君臣父子夫婦兄弟朋友之倫矣
孝弟本於仁也君臣夫婦朋友合曰義也惟其有是禮
也故能行斯五者有曰盡其分惟其有是智也故能知
斯五者而有曰窮其理惟聖人爲能極其至故曰聖人
人倫之至也賢者率循其道曰求至其至者也推之曰

教夫凡民使皆有曰望其所至而自達焉夫凡民之去聖人遠矣而皆可曰爲聖人者蓋其有得於己性無不均故其行於倫者皆可曰極其至也是故氣欲之交雜或至近於禽獸而天理之流動充滿未嘗少有間斷欠缺世道淪降三綱紊而九法斁者蓋有之矣而窮天地亘古今五者之倫何嘗一息之可廢哉所曰宣公之記繫乎五典四德而使之有曰知天理之所固有而行其典之所當然也其曰孔孟之書備有科級惟致其知而後可曰有嗣惟力其行而後可曰有至此示之曰學之方也朱子之記曰世儒之學內則局於章句文辭之習外則雜於老子釋氏之言私知人爲之鑿淺陋乖離

莫適主統所曰決其歧路之差也其曰間有聞於儒先
之說則有舍近求遠處下闕高而不知卽事窮理三求
其切於修己治人之實者所曰端其進修之序也學者
卽朱子之說而學焉則宣公所謂孝悌之行始於閨門
而刑於鄉黨忠愛之實見於事君而推曰澤民者吾將
於分宜之邑而見其人焉則無負於邑大夫修學之意
矣故書曰告來者

道園全集卷二十八終

[illegible]

虞文靖公道園全集卷二十九

歸田藁六

記

袁州路儒學新建尊經閣記

宜春之爲郡在江右上游山川完固神氣休甯民生其閒務本而力穡志定而用約商賈利欲之誘少都會繁夥之習微尊吏畏法奉命受役斂焉自保政用不煩昔韓文公曰文學爲治其民不忘至今尸而祝之迨夫故宋盱江李氏之作學記有曰極世變之故而風厲之及張宣公記新學朱文公記三賢祠大有曰教其人其君子有曰成其德其庶幾有曰從其化休休乎其無斁也

然而世之相去漸已遠矣我國朝自來慎擇牧守豈弟
之譽相聞前太守眞定張侯宗顏在郡嘗嚴君仲毅來
長其幕作而言曰國家恩澤至厚也府公甚賢也吾民
甚易治也然而鬼神禍福之說勝而閭里之趨向易譌
豈非學校之不修而教之無其素也乎仲毅職在文史
何足曰知斯文之事哉然志之所能力之所及作新吾
民之觀瞻曰定其心志則不敢不勉焉如其禮樂則有
俟乎君子矣乃躬督學賦之入無敢逋遺嘗其師弟子
執事者廩稍之給而節其浮冗期年而得錢若干將大
作學宮之事今太守廣信張侯熙祖曰成廟宿衛之舊
連守名郡曰寬厚治辦聞其來茲也端居簡靖民曰寧

一郡通守別駕幕府各思其職咸無閒言事有宜爲順而不撓學校侯職也而所屬諸仲毅者益得盡其心焉乃購其材於故家取良甃於遺庾作尊經之閣於講堂之北若干步崇基八尺深四十尺廣五十尺楹之崇如深之數形勢規模之大丹雘塗墍稱焉東南學校建立之盛莫或加矣爲兩廡屬諸講堂之左右作櫺星門於廟門之南餘屋之適用者曰次而就白一木一石一工一役傭估之直親給曰皆不及吏手如治家事畫諾之暇日必至焉略無風雨之閒曰其蒞事之嚴明施諸斯文之崇重是曰用約而利周敏成而固久足曰流美於方來也舊有夫子燕居像奉而置諸閣移李氏

學記石刻置堂中經始於仍改至元之五年歲在己卯
四月至八月而落成予曰過客得從而觀覽焉郡長吏
曰下授簡俾爲之記集乃爲之言曰美哉乎尊經之名
閣也人之於天也天下之於君也一家之於其親也蓋
有恆尊矣上古民淳朝作夕息於其所尊無所違失由
之而不知者蓋有焉聖神之出因天之所示而示之猶
未著於言也風氣既開人文宣朗帝王迭作已不能無
不親不遜之憂盛哉魏二乎成功盛德之大洋二乎文
章禮樂之興斯民也自得於天理流行之中有循於日
用彝倫之則於其所恆尊何有少慢於恭敬奉持者哉
孔子出於羣聖之後當世變之極王者之迹熄斯民之

禍起生乎其世者不知天之所與者至貴至重而不可
踰也不知君君臣臣父父子子之分不可紊也是曰有
憂焉而述作興矣則又因其行事之失而正之曰復禮
之常使萬世之下因其典籍之所存得曰行乎治化是
曰儒先君子曰其功過於堯舜而有罔極之思焉然則
天下萬世之於聖人也書之於經也所由曰知尊其所
恆尊者也可不尊乎奈何後世之學者誦習文義曰爲
工不真知其可尊之故異端高妙曰爲勝而謬於其所
尊之實其憂可勝道哉是學也有諸君子之記言在來
遊來觀於斯閣者必有能尊其所當尊者矣豈徒爲瑰
奇詭異之觀而已乎

南軒書院新建藏書閣記

袁州路南軒書院者祠廣漢張子宣公而列於學官者也故宋耑宣公之弟杓定叟守宜春宣公至焉郡人士思宣公而不敢忘也端平丙申郡守廬山彭方度地於東湖之上加創書院又七年而後成彭守耑爲尙書兵部侍郎記之內附國朝已來莫之改也近歲水齧其北址藏書之閣圯焉其勢未已講堂且危仍改至元之三年山長廬陵趙公始至凜然憂之告諸大府請加完繕大府聽其言思有所屬焉幕府之長嚴君仲毅進曰仲毅之在此不可使學校有所遺缺也明年前太守眞定張侯宗顏去爲漕今太守廣信張侯熙祖始來同寅協

和民曰無事仲毅得曰致其力焉然書院之田不足曰
供祭祀廩稍之用是曰營繕有所未遑也乃出月俸爲
之先而上下應之卽書閣之舊址斲松爲枋沈布水底
峙柱石焉延十有五丈廣百步崇二丈下石加土平接
講堂之址凡若干尺堂始無虞是豈郡學新作尊經閣
舊閣之材尙有堅完者曰今侯之意與書院奠諸新堤
之上復藏書之舊觀閣凡三層皆出飛簷曰遠風雨奉
宣公之象於閣於曰爲祠又作東西廡曰屬諸講堂作
詠歸亭與立雪亭對大門之東與老氏之宮接正其界
爲亭曰表之至元五年某月某日告成又作水櫃於上
流曰防衝突之及是役之始終嚴君日至而趙某譯史

鄧某府吏胡某直學趙某皆勤敏覈實克相其功屬予
記其事如此嗟夫使幕府之佐其長身任其勞而不辭
則府安有缺事哉然予不敢徒書其土木之功也蓋聞
之聖人既遠周子興焉作爲圖書曰發不傳之祕兩程
子繼之而其道大行龜山楊氏之歸閩叔子固歎其道
之南矣其傳諸豫章延平者得朱子而張子得於五峰
胡氏者生同峇而學同源也斯世斯文之所係者重矣
張子曰丞相魏公之元子天資粹美異於常人自其弱
冠已知求學聖人之道及得所傳遠有端緒察乎幾微
萌動之端曰博極乎求仁之道玩心神明不舍晝夜極
講明問辨之功從容曰和而不激極舒遲溫厚之意端

嚴曰正而不阿朝進暮繹同歸一致任重道遠死而後已及夫蟬蛻人欲之私春融天理之妙其所至盛矣哉曰之事上涖民曰之立言垂教百世之下學者可考焉昔在魏公相思陵於艱難之中屢屈於險姦之手大忠大義皆人比之諸葛武侯宣公曰爲武侯王佐之才而自比於管樂必不然也取舊傳而更定之蓋曰明其父之心焉定叟之爲弟也才略幾有父風治袁之曰宣公閒暇而過之所曰端其爲政之本原曰見諸行事其民被其德而不知者多矣當彭守嘗其殘墨餘論之猶存而今不復可見豈不重可歎哉遺像儼然衣冠容色之在於斯也學者想見其冲和純粹之氣洋溢充滿反求

諸已知其所不及曰自致其變化焉則固君子之所望也

尼山書院記

尼山書院山長臨川金谿彭璠歸自魯曰興復書院始末爲言乃爲之次第其事云尼山去曲阜東南六十里今屬滕州鄒縣在滕西北鄒縣東六十里其山五峰西峙中峰則所謂尼山啓聖王夫人顏氏所禱而生聖人者也山皆石其巔多蒼柏諸小木皆巨葉霜露旣降絢如渥丹升降各途升之谷草木枝葉皆上起降之谷皆下垂無或交戾反刺者其東臨水巖有曰坤靈之洞洞中有聖人石像與顏母之山對其北則防山聖人合葬

其父母處今書院在其中前有智原之溪後有中和之
壑往昔奉尼山之神而祠之曰毓聖侯其左有夫子之
宮焉故宋慶厯癸未孔子四十六代孫襲文宣公知兗
州仙源縣宗愿作新宮有廟有夫子之殿有夫人之位
有講堂有學舍有祭田自是歷宋金至於今蓋三百餘
年矣宮不知自何年廢我國家奄有中夏崇尚孔子之
道歲月浸久典禮斯備至順三年歲壬申五十四代襲
封衍聖公思晦孔林廟管勾簡實理言請復尼山祠廟
置官師奉祠因薦璠可用事聞中書送禮部議奎章大
學士康里公夔皆爲尙書力言其事當行議上至元二
年丙子中書左丞王公懋德率同列執政者白丞相置

尼山書院曰璠爲山長六月至官爲茆舍山中罄竭私
橐繼曰假貸具羊豕爲酒告山之神召近鄉父老受神
賜告曰興廢之故明日鄉父老各曰其人至除荆棘撤
瓦礫得殿及門之故基諸舍之所在次第而見將告諸
郡縣而經營之山東東西道肅政廉訪司分司寧夏楊
公文書訥行部率其吏翟趙郭趨茲山畱璠舍一日顧
瞻徘徊曰其事爲己任命同知滕州事郝寶閭領之首
出俸曰爲之先而監州李彥博鄒縣令張士謙與郡邑
之官屬凡齊魯之境與賢士鄉大夫民之好事者大出
錢而勸成之擇木於山陶甕於野傭僦致遠率車牛服
身役連軫載途飲餉相望役大而民不知勞又得古殿

遺構之成材於魯之故家尤稱巨麗不數月而大殿成
殿門成毓聖侯之祠成學宮在廟之西放國子監制也
作觀川亭於坤靈洞之上相傳曰爲夫子之在川上蓋
在此云繼曰塑繪聖賢之像成樂器祭器曰次成置弟
子員曰凡民之子弟俊秀充之皆復其力役乃曰明年
之上丁用太牢致祠告成噫其功可謂敏矣夫朝廷定
議於上部使者有司宣力於下曰克有成聖明在上文
運宣通於斯可徵焉嗚呼古初開物天作茲山太和氣
氤元氣融結流形降神篤生大聖曰立三極位天地育
萬物與日月四時貫通於無窮若夫徂徠龜蒙至於岱
宗雨露風霆往作來復前瞻後際邈然高深其孰可測

哉運會有崑崙新宇不日之成豈偶然與璠也得曰
學官從事於茲可謂榮矣集老且病舊學荒落僅克識
其梗槩如此若夫播爲聲詩歌誦功德式薦明享勒之
金石則有待於方今儒林之君子也哉

重修張巖書院記

宜春萬載縣獲富里有故臨江儒學教授千巖張君某
世居之嘗得山水泉石之勝於其南作亭榭園池廣袤
數里青山趙君文記之言其奇偉華麗儼於京洛吳越
傳聞者如見繪畫所謂張巖書院者在山之麓有禮殿
曰祠先聖殿有門廡有祠曰奉周程張邵司馬六君子
有樓曰藏聖賢之書有堂曰尊師而講學有四齋曰居

其學者有庖廩器具曰給儿用此又趙君歎其誦詩讀書之美而擬諸廬阜衡嶽之所有者也千巖君歿子孫出仕京師弗遑於茲者且四十年萍鄉榮君南祥娶張氏則千巖君之子之女子也有子岳孫旣長而有立稟於其親而請諸舅氏疇願因書院之舊而加葺之曰延師取友率其族人鄉黨子弟而就學於斯也舅氏曰是吾意也岳孫乃曰元統乙亥之春鳩工庀徒致其繕治易朽曰堅飾黯曰華割腴田曰具食其舅氏又資之曰樵蘇之出藝蔬之圃不數月而成且備矣十有二月岳孫與巖學之士傅君任來求文曰記之夫南山張氏之亭館甚多而岳孫獨先事於書院觀其志之所存可謂

知本者矣宜春在江右之上游其風土淳厚其人易與
爲善西瞻衡岳則岳麓書院在焉東望廬阜則白鹿洞
在焉此昔賢之所經營長依乎名山大川者也今巖學
得山水之秀故可託曰久長者乎今天下好事者築室
買田曰資講習然一列於學官則行有司之事而絃誦
籩豆殆爲文具者多矣獨巖學違於城闕之喧囂邈乎
公府之拘制饋餉皆至無乏絕之慮人迹在邇無岑寂
之苦息焉游焉無所事乎其外及其閒暇可曰登高眺
遠而發揮其詠歌環千里而觀之爲學之善地有未過
之者矣雖然樂順適則志易墮乏磨礪則德每孤前輩
寥落師友道廢遺言之微孰究孰擴過者尙者竊緒餘

已鉤利祿務高虛者假近侶已立名聲疏略自欺之風
有不可勝言者宜春文物之邦深山茂林豈無古學之
士經明行修足爲師表者張巖之人其力致之也乎苟
賢者之未易致也則岳麓白鹿洞晦菴朱子南軒張子
之成規緒論在焉宜取而表之相與尊信而從事焉可
也尊信則不搖於異議從事則馴至於成功他日衣冠
之盛彬彬然白巖學而出則張氏榮氏之名顯著於天
下豈直山水光華而已哉仍改至元之元年十二月蜀
郡虞集記

袁州路萬載縣重修宣聖廟學記

萬載縣尹懷孟馮士毅縣學教諭匡廬曹邦來告於集

曰學校之繫於治化大矣風紀之司曰爲職任部使者
巡行郡縣下車卽理廟學曰爲先務而士教等備員於
此謹廟祀繕學舍曰待教令不敢緩也茲邑之學始作
故宋至和中屢遷不常季年始定於水西內附國朝因
舊無改越五十餘年至治辛酉之歲僉憲薩德彌適至
縣曰其規模敝陋弗稱而學計不足曰給用用父老言
命縣尹河南張輔延見邑人江州權茶大使黃璧咨曰
修學之事璧承命曰爲己任禮殿小不足曰容祭器樂
懸之設進退拜立之位爲四楹之屋禮殿南深丈有八
尺廣與殿等曰兩廡之迫於左右也移而廣之丈有五
尺徙其門而南之凡三丈有三尺又移櫺星門於門之

南三丈有五尺皆更作焉講堂齋舍官廳廚屋加葺焉
具郡人前進士夏鎮記又十年爲至順辛未僉憲聶
公廷世至曰先聖先師及從祀之像設弗嚴知薩公之
用人也審又曰咨之黃君受命如初不三月而像設之
冕舄裳衣五采絺繡如章又八年爲仍改至元之四年
今剛憲完顏公至適殿棟撓前後簷之交承雷池壞仍
薩公聶公之意咨請黃君受命亦如之明年陶甃材木
具作虛屋駕其上曰通水飾曰文瓦建曰鴟尾而殿益
高曰固完矣凡三役三使者一曰屬黃君不資於人
不煩於官府材木之直工役之儻一出於私帑故無所
會是曰臬司公府標曰善士之曰焉敢請記之蓋聞之

舉直錯諸枉則民服舉枉錯諸直則民不服施諸天下
郡國其道一也又曰魯無君子者斯焉取斯昔人曰爲
稱人之善必本於父兄也司民風者將有爲焉豈乏材
用之供哉而審人曰託之不已頻煩一士爲嫌者誠有
教行乎其間也取諸父子昆弟之無間言者所曰興孝
弟也取諸謹愿無干於官府者所曰別善良也取諸樂
易而無所厭者所曰敦鄙薄也取諸敏事而不乏者所
曰懲驕吝也鄉黨州閭之眾庶見而感焉則驕吝鄙薄
之風消善良之類盛孝弟之道興而使者之教行矣尙
何憂學校之不修乎乃若嚴經傳之誦說曰爲學則尙
廉恥敦厚曰閑士習出其俊秀而表之勛其所未至簡

其所未率則有司之教猶有可爲者焉縣令學官勉之勿改至元之五年秋八月蜀郡虞集記

南康路都昌縣重修儒學記

皇朝自國都郡縣皆建學學必有廟曰祠先聖先師而學所曰學其學也有司奉明詔嚴祀典而屬教於校官薄海內外莫敢不虔敬苟有事焉則必記其事事無不同也記事者因其地而各有所述曰示諷勸此南康都昌之修學所曰不可無記也昔者孟子沒而道學失其傳周子起於千載之下而傳之程子而斯道大明曰行聖經賢傳之旨論說傳受之備至朱子而蔑有加矣而南康之爲郡也蓂爾湖山之閒甫及百年周子朱子爲

之守其化民之速入人之深豈他郡之所可及哉且都昌之爲邑俗尤淳厚黃灝彭鳳馮綺曹興宗四君子者實從朱子遊講學之懿修行之篤傳諸其家邑及其鄉之人者盡宋之季年衣冠相望猶有可考者沐我皇元之治者又七十餘年矣今縣令豫章於友信邑爲其曾大父嘗及朱子之門而邑教諭清江宋釗邑爲一官五年懼無自見於學校相與悉力於廟學功成之日使來求文邑記之按郡志學始建於唐咸通中宋因之建炎之後更作者皆有記可考內附邑來無大改作禮殿講堂取具而已其門廡諸舍責成眾力是邑不能堅久其可書者惟泰定丙寅縣令中山段完澤教諭宋守正

爲垣曰環宮鑄銅爲祭器燕器與增置水田二十七畝耳及釗與於令先後至曰仍改至元丁丑之歲始謀修學謹簿書之出納粟必至庾錢必至庫民無敢隱吏無敢私根括地利之沒於民間者而彭氏之子孫喜學校之有興也共割其私田二頃曰益學賦將有所興作曰歲歉未克二年之間祭祀之用師弟子之廩稍旣具會其羨得三百五十餘石爲中統鈔六千餘貫買松杉之木於旁邑曰己卯之歲七月經始自禮殿殿門及黜倫之堂先賢之祠諸生講肄之舍下至庖庾凡梁棟桷櫨一物之旣朽一木之不堪者悉撤而更曰良美之材覆宇堅密締構高壯冀可曰經久焉外三門撓朽甚不稱

觀美易曰梓材築治垣墉高厚周密儼然有不可踰之勢焉成曰其年十一月予既爲記其事如此而竊有歎焉朱子立朝之日少其臨民於外者惟南康長沙漳州爲三耳漳潭皆不及期月獨南康幾三載而荒政之行都昌之民爲厚講誦之益都昌之士爲深世祖皇帝嘗許文正公實得朱子之書而表章之而其言遂衣被於天下然而遠域窮鄉執其書而無師友之辨功利進取之士竊其緒餘曰干耑樂爲簡易之說者而智不足曰及其高齟姑竊其名曰文其虛誕鹵莽而不可與入聖賢之域則吾安得不有望於是邦是邑邪嗟夫朱子之教人也豈有他哉其性仁義禮智也其倫則君臣父子

夫婦兄弟朋友也其書易書詩春秋也其學則顏曾思
孟之得於孔子而周子程子起而傳之者也於是乎識
察乎問學之博攷驗乎躬行之實本乎心得曰立言端
其統緒曰致辨論說之精詳而不可厭也憂患之深遠
而不可忽也千言萬語具在方冊所謂憂之也深故其
言之也切其慮之也遠故其說之也詳其不在茲乎所
患世之學者不能篤信其師說而質之凡近者雖讀其
書而不能有所信粗有才氣者又務爲新奇曰欺世其
亦末如之何也已哉噫弟子之受命莫信於父兄父兄
之成德莫信於師友邑之君子信其父兄之言信其師
友之教曰推至於聖賢之德業必無他歧矣邑之君子

勉之哉仍改至元之五年庚辰四月虞集記

瑞昌蔡氏義學記

九江瑞昌有作義學者其一人蔡季霖也季霖沒其子
仁等修其屋室贍其供給延名師進宗族鄉黨而教
之如其父言不改廢來求書其事曰示後來者自朱文
公講學白鹿洞環匡廬山之麓士君子聞風而起者多
矣其在德安則有蔡元思其在瑞昌則有周舜弼與其
從弟亨仲從子仿在都昌則有彭儀之皆卓然爲高第
弟子而元思事文公最久辨疑答問必悟徹實踐而後
已文公沒心喪三年又曰事文公者事黃直卿而卒業
而其晚也與其同門之友數人每季月一集曰相切磋

又如此者三十年而鄉都州閭之間父兄子弟相與服
行其化庶幾鄒魯之盛矣宋之季年郡縣學教其士子
曰科舉之業相尙本之則無有之也識者憂之或卽先
儒之遺迹或因山水之名勝則爲精舍曰處學古之士
焉淡泊堅篤無利欲之感是曰朱氏之學行於當世而
九江南康之間如蔡周諸君子得曰化成於其鄉也我
國家始置進士舉必欲學者深通朱氏論語大學中庸
孟子之說而五經之傳一有定論蓋將使其人專心竭
力於此焉苟有曰深嗜其味而極造其旨必幡然而悟
惕然而恐思有曰靜存動察如所問所知而用功焉則
其人不爲聖賢之歸而足爲世用者乎惜哉或假其

言曰僥倖一第而遂視之不啻如筌蹄此不惟上負國家又負聖賢而其自暴自棄亦已甚矣今也原黨庠序之義建學延師於其家父子兄弟相承而無廢吾故知文公之爲教元思舜弼之流風遺俗之猶有存者豈不盛哉雖然宮室不患不尊也像設不患不嚴也食飲居處不患不足也必得師焉端其所曰爲教則存乎其人而已端之道何如哉因夫鄉之父兄若元思舜弼之所講曰達朱氏之學溯濂洛而求之非聖人之言不言也非聖人之學不學也辨侶是之非決義利之制斷然不爲小人之歸必趨君子之域按其師說循序而進勿襍勿怠終始而無愧焉及其成也舉而措之事業不

可勝用也然則堯舜三代之治有不在於今日乎

屏山書院記

建寧路新作屏山書院者祠屏山先生劉文靖公而始列於學官者也先生諱子翬字彥冲故宋忠顯公諱韜之季子而樞密忠肅公珙之從父與爲友者籍溪胡公原仲受學於其門者徽國朱文公也先生居崇安之五夫里有屏山書院文公之所題也國朝至大忠肅公之五世孫請於郡曰樞密故地爲書院取文公五夫里之題榜而揭之第有先生之祠曰文公及其從子樞密侑食郡人士春秋具祠不廢而未建學立官如書院之制也元統初郡守暗都刺上其事曰請貳憲李公端曰爲

宜如郡言事聞朝廷至元己卯文書下如其請僉憲左公答刺失里行部至郡用朱忻言取建安書院既餘賦之畱郡者爲至元鈔一百五十笏曰作書院是歲僅曰其錢五分之一曰葺先生之祠堂他未遑也至正元年貳憲幹公玉倫從之至與郡守麻合馬通守劉伯顏計貲而新之作禮殿奉夫子燕居先生之祠侑食者無所改而都宮有門凡書院之所宜爲次第而舉之矣前代之世家故宅淪謝於二百年之後者一旦煥然復爲禮樂之宮自學者至於道塗之人莫不感歎而興起焉歲十有一月告成郡長貳爲文書使郡人朱忻走臨川山中致幹公之意使集書其事如此云忻文公之五世孫

也集既書其事而歎曰嗚呼先生遠矣先生之學之精微猶可得而聞者其在文公之所敘錄乎且其遺文二十卷者文公之所定錄而胡公之所敘也誦其詩讀其書曰求諸其爲人具在此矣蓋先生之言曰嘗臥病莆陽與釋老子之徒接曰爲其言是矣而反觀乎吾書而後有曰知吾道之大體用之全卓然高風遠識何可及也著而爲書自堯舜禹湯文武周公孔子顏曾思孟論其所行之道序其所傳之宗蓋其用力積久而真知深造曰爲言者也至於其所自得而指示學者歷論世學之所曰蔽人心之所曰晦吾道之所曰不聞者俾知其蒙之所在而發之曰求夫不遠之復而曰不遠復者入

德之門也嗟夫此顏子之學也先生曰顏子之學爲學而告諸學者亦曰顏子之學爲學焉今之學者欲求先生之學不曰顏子之學爲學豈先生之所曰望於學者乎蓋嘗竊彷彿其志氣神明於萬一矣夫才足曰用世而斂退無悶登山臨水與其師友講明授受不厭不倦而至於嗒然忘言遂曰終日精明高簡孰得而窺之若夫終身之慕不忘於體魄之藏俯仰之安不昧於死生之際就其所存曰極其所至吾黨小子其何足曰言之乎嗟夫聖賢千載不傳之緒中興於濂洛而世變隨之胡氏之所得在於籍溪楊氏之所傳至於延平文公皆受而傳焉原其爲學之端實先生爲之根柢不然弱冠

之門人字而祝之卽期曰顏曾之事豈無見而然哉而後知文公之於父師其報均罔極矣諸君子之遺跡皆在此鄉也會其通曰成其業可不推原於此堂也乎李公端字彥方世保定儒家歷御史史館頌臺成均曰至正固有守左君當海寇犯漳約束保障郡縣賴之幹公字克莊西夏舊族通經制行泊如諸生繇禁廷遷御史六命皆耳目之寄於尊師崇道之誼尤篤前郡守暗都刺治郡十年至今人思之監郡馬合謨郡守麻合馬皆曰善治聞倅劉伯顏文雅通敏幕府諸耆陸文英羅慶協心曰贊之故斯役也無閒言而有成功可曰至於久遠矣督工者前鄉貢進士錄事判官也先建安書院山

長申皆誠是年十有二月十日前奎章閣侍書學士翰林侍講學士通奉大夫知制誥同修國史虞集記

考亭書院重建文公祠堂記

國家提封之廣前代所無而自京師通都大府至於海表窮鄉下邑莫不建學立師授聖賢之書曰教乎其人五經四書之說自朱子折衷論定學者傳之我國家尊信其學而講誦授受必曰是爲則而天下之學皆朱子之書書之所行教之所行也教之所行道之所行也今郡縣學官之外用前代四書院之制別立書院曰居學者因朱子而作者最多建寧一郡書院凡七皆朱子之游息或因其師友門人而立者也考亭書院在建陽城

西五里其始末有熊未之記陳義紀事甚大而備然而賦入不充於廩稍而繕完不能無疏也至正元年辛巳通守劉侯伯顏至郡且二年矣文雅樂善曰學校之事爲己任知無不爲文公之五世孫所曰考亭之事告通守曰是吾職也乃輟他學之羨積得中統鈔千五百緡曰屬諸縣典史陳德敬共其事與山長朱汝舜直學張隆祖會邑人士而告曰侯意咸曰此吾黨小子願執事焉第候公府爲之先爾翕然趨勸而其作新之加葺更造悉視其所宜而不敢過自堂徂基亦旣合矣而新作文公祠堂先成所曰部使者太守之命來求屏山書院記遂并求考亭之書焉蓋聞諸所曰今考亭書院昔朱

子之舊宅也其先吏部韋齋之言曰考亭溪山清邃可
曰卜居朱子不忘先君之言蓋至於晚歲而後能築室
曰成其志而終身焉於是百五十餘年矣意其精神魂
魄之往來猶顧懷於茲者乎子孫後進來學於斯者誦
詩讀書求其志氣神明之所在嘉蔬之薦執事有恪高
堂虛室若有聞乎其音聲瞻前忽後若有見乎其儀刑
思其居處思其嗜好思其言語雨露之霑濡煮蒿之升
降觀感而化之者莫斯之爲近也況夫鄉之遺老宿師
微言緒論家傳人道耳熟心存者從容誨言曰相勉勸
則有進有得而不自知其然者將亦在於斯矣昔者鄒
魯之風所曰見聞於天下後世則亦密邇聖賢之居云

爾吾何幸於考亭見之至正元年歲辛巳十有二月前
奎章閣侍書學士翰林侍講學士通奉大夫知制誥同
修國史雍虞集記

澧州路慈利州重建三皇廟記

國家之制自國都至於郡邑無有遠邇守令有司之所
在皆得建廟通祀三皇而醫者主之蓋爲生民立命之
至意也若稽在昔世祖皇帝丕承大統神武不殺奄有
萬邦天下旣寧兵偃弗用禮樂刑政治具畢舉曰言其
事謂農桑爲衣食之本始置勸農之使而親勸之厥有
成績而守令得兼其事而總曰大農學校教化之原也
庠序之教孝弟之義聖賢之書修己治人之道大小相

承皆命官已掌之於是山川之靈神明之祠凡可已衛
吾民之生者莫不秩祀其於民也愛之深而慮之遠思
之至而保之固其復有遺策哉獨念夫血氣動乎形骸
之內寒暑感乎眚序之異不能無傷疹者焉則致意於
醫者之學又慮乎師匠不立古學既絕遐陬遠邑混於
一方一曲相傳之私而不足已通其極也推而上之原
其所自出必至於三聖人然後止是此三聖人之所已
惠利生人者不必已醫之一技而求夫爲醫之道不上
達於三聖人則不足已盡其神聖之能事噫制作之盛
蓋如此而不察者徒已文具應故事豈足已知聖明之
微意乎慈利州達魯花赤故丞相阿里海牙之孫丞相

親事世祖皇帝承命南征已不殺爲務克成大勳襄漢
湖海已來盡平南服被其澤既久是已監郡之治慈利
獨有已知國朝愛民之實是已於其州之三皇廟獨能
深致其力焉廟成求予記其歲月其廟有殿有廡有門
亦有學像設位序皆如京師之制而氣象宏偉他郡所
莫及也噫州之人士有芷有蘭從長吏而有薦於斯也
其亦思夫去朝廷之遠而治化之極不異於中州謹身
於父母之所全生順皆於天地之所亨毒修地利已給
公上循禮義已樂昇平長吏奉宣德意吾民熙然囿
上之恩德不異於伏羲神農黃帝之盛豈不盛哉是役
也前安定軍民府判官田榮孫實任之其費中統鈔五

萬餘緡榮孫世有武功而好文喜教子本吾蜀人去官而隱居於此州之仙人溪者故并及之

撫州路樂安縣新建三皇廟記

三皇廟者祠伏羲神農黃帝之神自國都至於郡縣皆立諸醫者之學我國家之制也元統癸酉之冬前進士樊理溥化來爲撫州樂安縣達魯花赤下車謁廟於委巷歎其圯陋弗虔爲政期月簡易黜恕之效民安而信之遂曰無事乃度縣治之所當爲者次第爲之民聽從無畱難卜地擇材他工已改作斯廟其一也既告成進其人而告之曰古者飲則祭先酒飯則祭先食示民不敢忘其初開物成務曰興民用者有祭道焉專宮爲廟

象人而事之則自後世矣然而有其舉之而莫之敢廢也上古聖神繼天立極斯民生生之道萬古賴焉祀典之報禮亦宜之而不特專爲醫者之宗夫求盡民之生養而思拯其害之者莫要於醫也醫之爲學推所自起舍此將安所宗哉昔人謂吾邑之地去官府遠無已撫鎮吾民也置縣於茲餘二百年而衣被我國家之仁澤亦六十有餘年矣天子之命吏代至曰昔輔吾民生者無閒也今吾之來獲承事於治教休明之日年穀無甚災害上無徵調之急外無枹鼓之警苟有少厲於民者上請更之必不見違庶乎與吾民之少休息也斯廟之作豈特爲觀美而要譽乎豈將使吾民詔事曰於福禱

罪如他淫祠之爲乎蓋曰廣我國家推本聖神之道曰
道吾民之生養而已吾民俗剛而好義其君子強於敏
學於觀感爲易焉吾何言哉雖然廟因於醫請曰醫喻
爲吾民者奉其父母所生之身而敬保焉務本而力作
安分而定志則得其常矣察夫四時寒暑之變五行乖
異之沴而謹避之又察夫嗜欲之陷溺忿狠之觸興矜
勝之煩耗機穽之幽刻毋使有曰害乎其中也殘圖壓
溺蠱亂脂毒搏噬蠹螫毋使有曰嬰乎其外也修敘講
理受業服事曰老子長孫於聖世而無窮焉區區之志
也旣而具曰來告請文記之曰刻諸石曰示來者其
之殿崇二十有二尺深廣皆二十有四尺殿門之崇十

七尺廡之崇亦如之都宮有垣有門其成則仍改至元元年乙亥之冬也

崇仁縣重建醫學三皇廟記

傳曰天地之大德曰生蓋言乎天地之心生物而已矣篤生聖神代天工曰前民用開物成務世曰益備因其人倫之常而教之懼其不率也則有刑威之設焉因其生聚而爲之井里保息又懼其無曰待淩暴也則爲之城郭甲兵焉爲之宮室曰蔽其風雨爲之衣裳曰宜其燠寒爲之食飲曰皆其飢渴猶懼夫六氣之沴害於外七情之感傷於內或不得曰全其生也是曰有醫藥砭灸之事焉凡所曰因其事而制其變思盡其道曰遂其

生物之心而已矣自是有其德而有其位者莫不述焉
我世祖皇帝混一字內兼取古今之制百度修明曰天
地之德爲德曰聖神之能爲能凡所曰爲民物慮者周
且悉矣若夫所謂醫學三皇廟者蓋其一焉天下旣曰
治安遐邇一家仁德所被兵息刑措而萬國生聚之眾
其癢疴疾痛不得不曰爲憂是曰郡縣無間內外皆設
廟學置師弟子員而教曰其藝使推本其先聖先師而
祀之作伏羲神農黃帝之像南面參坐而曰昔者神農
之醫與凡爲其學而著名者曰次列坐配享從祀略如
近代儒學體制常曰歲春秋季月之吉守令具牲醴行
事著爲令受民社之寄者罔敢不恭然而在官者或不

足曰盡知國朝聖祖之深意徂於故常而忽其事者蓋有之矣非知治體者孰能職思其憂乎如崇仁縣始已制書創醫學大德八年得舊社壇之地於邑南東門之內計地之直邑之醫士醵金上送官府更置醫學曰祀曰教因陋就簡三十有餘年於茲仍改至元之二年歲在丙子承務郎達魯花赤阿里仁甫始至而謁祠焉顧瞻而歎曰百里之邑天子置命吏託曰民社而祖宗累世嘉惠民物之心無曰顯揚而宣布之微遠小臣不敢不盡其心也既上事縣政曰次修舉風節廉厲未數月而民信服事或倉卒至皆從容處之旁邑方騷然圖維而事已告集均平有度民不加病方伯郡守部使者察

其能而嘉與之乃得曰其優暇曰行其長民之事出俸金曰作新斯廟焉縣令丞簿尉僚吏克相成之無閒言於是邑士嘗爲堂醫之官者與夫習醫曰爲業售藥曰爲生與凡有力而好施者謹趨而輻輳不待驅率各効其功經始於是年之三月爲廟間基之崇告千尺深若干尺廣若干尺屋之高若干尺凡軒楹殿門兩廊稱之其都宮有牆前有門廟之後有講堂醫之師弟子講學在焉邑之長邑有祀事則齋焉其像設尊者像之其次者繪之凡屋之柱門戶牖神之室若座有丹腹梁楹而彩飾闌楯曰石唐皇曰甃祀享食欲各有器曰明年丁丑之歲九月告成而行其告事焉邑之吏民曰予嘗待

罪國史老而歸寓於斯也請執簡而書之集乃爲之言
曰所謂天地生物之心卽人心而可見矣今吾長民者
有曰知乎天地之爲德聖神之爲能我聖祖曰爲制作
思有曰盡其心焉凡爲吾人者何可不盡其心曰求生
生之理乎蓋嘗聞之善養心者莫若理義修其孝弟使
無逆理敗常之萌修其忠信使無險薄放辟之發則善
良相薰和氣洋溢安分受職幼幼老老雖有燥溼燠寒
之變情欲事物之感其所傷亦微矣是曰上古之世無
奇衰之疾不待鑽灼其肌膚苦毒其腸胃而泰然委順
登上壽而不衰此三皇之所曰爲盛也若夫人欲勝而
天理滅良心喪而百體隨之內邪外害萬竅竝入雖和

通國名有卷二二
緩竝生於十室其若之何哉此又吾賢令長之意不徒在於宮室之美觀瞻之崇者集不敏安得不爲吾邑之父老昆弟子孫言之哉

袁州路分宜縣新建三皇廟記

國家置太常禮儀院曰奉天地祖宗之祭外則山川鬼神之祀典咸秩焉其長貳參佐十數人通領之典故議論屬諸博士而郊社宗廟執禮治樂器服幣帛各有攸司而蜜旨日具物數治文書曰達上下中外分隸職事者則存乎府史矣是故干羽舞蹈之容律呂始終之奏玉帛品物之節醪醴牲殺之儀遵豆鼎俎之實升降進退之宜鬼神享格之義凡從事於斯者莫不通習而具

知焉故其出爲外有司曰其見聞施諸行事則有非他
官所能及者若分宜縣令周君益臣自戶部史擢爲太
常掾者數年歲滿宰晉寧之安邑又宰袁之分宜所已
能倦二不忘於三皇之廟祀也郡縣之祀境內山川鬼
神之在祀典者有詔令則修祀焉有故則禱焉其定制
通祀惟社稷與夫子我國朝始建三皇之廟曰祀伏羲
神農黃帝自國都至於郡縣通祀爲三矣祭於春秋之
季月有司守令行事醫諸生執禮致拜告享倣於儒學
而器服牲幣亦視曰爲法我聖朝之制也昔者分宜始
奉令立三皇廟因縣簿之舊廳曰爲廟在縣治之左今
令居之右歲久屋壞遷神於門旣弗妥又寓神於他神

之廢祠朔望謁拜與歲嘗祭祀大不恭肅守官於此者
視爲故常謾不加省周令曰嘗從事於太常也獨知懼
焉而邑無他賦可曰他役而心無一息之安也爲政年
餘歲豐民安麤有餘力乃撤故祠而新之度故祠之基
東西得一十六丈自通術達於市深十有二丈作開天
之殿曰奉三聖人刻貞木曰象之容服之飾如京廟所
定殿有開天之門外有樞星之門殿前三獻官之次
門左爲惠民藥局右則守廟者處焉而都宮環屬於外
門矣作於仍改至元之五年三月告成於八月六日嗟
夫爲國之曰禮者尙矣習於其文者尙能有所感發如
此況乎深知其本而得其意者乎噫聖人之爲斯民慮

者周矣醫之爲義其一焉人之生也有形體血氣之養七情傷乎內六氣沴乎外與夫變異傷殘之不虞隨而抹之者其職也是曰我國家重之若夫推本於三皇者蓋欲斯民涵濡於至和之中休休焉曰安雍雍焉曰居曰樂於無爲而永於天年也而至於不識不知順帝之則豈非聖祖神宗設廟祀之初意乎長民之君子尙因是而思焉至元五年歲己卯九月蜀郡虞集記

吉安路三皇廟田記

今天下自國都至於郡縣得通祀者惟社稷之神與學之先聖先師而醫學有伏羲神農黃帝之祠居其一焉郡縣儒學有田曰供祭祀之牲幣粢盛器皿與師弟子

之飲食或因前代之舊或取閒田給之雖多寡不齊而食與祭可不盡取諸有司矣醫者之學國朝之制始遍天下其初廟祭祀教養率依倣儒學然而歲曰春秋之季修祀事有司取具而已或至釀諸醫者而師弟子之廩稍無所從出夫國家制爲通祀有司之重事也伏羲神農黃帝所謂上古開天立極其神貴且尊矣醫者掌民之疾病察四時六氣之沴五藏九竅之變養之曰食飲氣味之宜攻之曰砭熇膏液之毒其係於生死甚大而其術亦精微矣顧無曰資其爲學之具差其全否之食是故良有司凜然懼無曰稱聖朝之意而爲醫官而不知所重輕者恆懼不能稱其職焉吉安之爲郡土厚而

物殷論人材文物之盛則必稱焉然而醫之爲學猶未
大有所興發者則皆力有所未至耳仍改至元之二年
具守張侯浩介其郡人醫愈郎遼陽行省醫學提舉謝
縉孫曰其修理醫學之事來告而請書之云其郡始建
醫學在城南去廬陵縣獄爲近延祐七年郡治中朶兒
赤率廬陵縣丞馮克敏遷廟學於廬陵縣舊治於是新
學之成十六七年矣張侯之來有民鄧剛遠請曰其所
得賞田之半歸諸醫學曰備用狀上侯與同官議許之
乃命吉水州達魯花赤佛畱與其學教授鄧思泰經田
定其頃畝之畔計歲租之入得米一百五十石有奇而
耕者姓名府乃爲之文書而授諸醫學思泰乃白諸府

自所收大修三皇殿與門廡及其講堂作齋舍及其庖
自是祭祀有備師徒有居食矣今郡縣有司事無大小
必咨稟於上無敢少得自遂也故若醫學之田誠在所
不可闕然因豈制之宜爲久遠之計則必有事會之來
而後得自致其力成其利則張侯與其同官之志師泰
之勞亦可見矣是年張侯告老去官記未及成今年夏
師泰又自其府官之意來請書之其府同僚官△人△
官也至若三聖人南面參坐而食配享從祀之位祭之
豈曰牲牢之數議定於國家始制廟豈此不具書賞田
之故則存諸府史云

道園全集卷二十九終

虞文靖公道園全集卷三十

歸田藁七

記

飛龍亭記

昔者文宗皇帝之在潛邸東南海岳湖江之上車轍馬足有所至焉則守吏民庶欣感榮幸隨而表之曰識其愛慕之意既登大寶自天光日華之所被及山川草木與有榮耀則必有所述曰示乎天下後世若集慶路大元興永壽宮之飛龍亭其一也亭成久矣而宮之住持道士勅賜虛白先生臣陳寶琳始錄其事卽臨川山中臣集記之亭本治亭宮本元妙觀集慶本建康路皆文

宗皇帝所賜名也方在金陵嘗行邸去治亭爲近上嘗
遊焉一日傳命且至寶琳出宮門迎候逾嘗從官已奉
御供具及門則知上已至治亭久矣枕鍾山之形勝俯
城郭之佳麗顧瞻徘徊悠然有化育之治焉從臣曰寶
琳見上笑曰道人何避客之久也寶琳頓首俯伏請罪
上曰山徑幽雅取便而至宜爾之不知題治亭者虞集
今何在也皆對曰今在翰林充學士命王僧家奴模而
觀之因藏諸篋問寶琳何曰字玉林也則對曰道士燒
金石爲丹汞描鼎中狀如瓊林玉樹故取曰爲名上曰
當雪峯吾登此亭曰力所及樹木皆玉也豈不易知乎
更謂之雪林後臨御別書雪林字賜近臣趙伯璽而寶

琳仍字玉林矣謂寶琳曰吾出遊數勞人不如山行之
便可作柴門嚴扃鑰曰待朕之往來自是數至寶琳野
人見上之樂而忘其微賤或持酒引裾畱上上欣然爲
畱亦不責也天厯己巳寶琳與其宮之住持趙嗣祺朝
京師始制先生號曰賜金陵道士之嘗得見者嗣祺曰
虛一先生寶琳曰虛白先生得之者纔二三人耳蓋異
口數也嘗賜新宮名而治亭名飛龍矣明年之三月二
十五日臣集侍立奎章上顧謂曰汝猶憶治亭乎亭傍
松當加長茂臣集對曰集到治亭嘗未種松也上曰朕
遊治亭見卿書曰爲繫千載之思實慨朕懷因命臣集
書宮亭新名曰賜而寶琳持歸賜南御史臺錢若干新

其宮所謂治亭者既名飛龍加飾楹桷置御榻其中重覆而謹視之別作亭其下仍曰治亭曰當鍾山之秀名之曰鍾英宮成行臺御史大夫中丞曰下及郡縣守吏咸集於此曰侈天子之賜矣嗟夫亭成至於今十有一年而文宗皇帝之棄臣民將八年矣微臣辱在草野未先朝露詎能爲寶琳執筆曰述恩光之萬一哉於惟今天子仁孝純至勛華相承羹牆之見無有遺思文宗皇帝神靈在天陟降上帝雖曰不可度思而日月所照霜露所隊顧懷下土於萬斯年臣民之瞻仰烏有窮已乎臣敢不述事亭石曰昭示來者仍改至元之五年歲在己卯十有一月曰南至臣虞集謹記

一 權茶運司記

昔在世祖皇帝旣一江南至元十二年江州之人卽獻
茶利闢年收其征入中統鈔千餘笏自是天下又安列
聖相繼德澤涵煦民無重擾生息日繁食用滋廣茗飲
之利衣被遠邇至於今六十年而課賦之增乃至二十
八萬其設官則十七年始立江西等處權茶都轉運使
司二十五年去權茶字兼領宣課二十八年復權茶名
官所統出茶之地則江西湖廣河南江浙四行省之所
部而其治在江州分布提舉官其遠者分司曰涖之臨
按之司有助無撓郡縣奉行信約唯謹其委任可謂專
且重矣天庥詔書省運司而曰其事分屬列郡歲祿民

困採造懋遷觀望疑阻徵斂失節公私交病守令不勝其責具言復立運司爲便朝廷遣使詞詢不遺山谷數月復命曰爲宜從所言元統二年復設運司於江州總治之規率如故事而用人益慎重矣於是曰脫脫木兒與薛公么爲之使萬嘉納爲同知魏君某爲之副某人爲判官其幕府則經歷某知事某照磨某也或曰風憲清強之舊或輟朝省侍從之貴或曰操守之素或曰材智之優是曰皆能清心而省事奉法而循理不取不徐有嚴有恕府史僚屬各知雅飭外絕苛橫之使庭無誣訐之訟期年之間利入皆足民庶之家至於官府類首供億心絕他虞若不知有重立大府者然治政之美卓

冠往嘗而公署久弊弗治出令受事弗稱崇顯文書貨幣蓋藏疏闊乃請於朝而更作焉命未下自使呂次出俸金爲之曰是年某月經始廳事府庫具會秦公公自中書出守郡多所勸相而賜帑凡二千緡又至得呂增置吏舍門垣曰某月某日告成別賜鈔五萬緡使貸收子錢呂具公膳朝廷所曰示廉靖勤敏之報也乃爲書幣命其史謝秀實至臨川山中屬予記之噫集向在國史執筆書事故其職也今老病才退恐不堪事史曰秀實之來吾使命之曰吾於公有同朝之好必不我靳也然則其何敢辭乃曰記歲月行事如上而爲之言曰夫有土有民出財用曰供公上故其分也而東南民力竭

矣今法制之講已詳盡而無失賦入之數已成定而無
餘若數君子之安行無事如期而樂所曰保息吾民曰
厚國家生財之根本豈不深遠矣乎彼曰聚斂措克爲
能者作威煽毒黷貨殖私上爲國家斂怨災逮其身而
不悔亦獨何心也哉敢重言之曰告來者使視夫楷則
而有所警發云

江西湖東道肅政廉訪司經歷司題名記

蓋嘗觀於前代傳記自朝廷中外大小百司庶府有博
雅君子從事其間則必因其官署所在制其職分之所
當爲曰相勉勸書其歲月建置之繇紀前後之居其官
者次第書其名字凡有善政可曰爲法又被顯用使人

有感動其不然者亦有所儆戒焉於此可已觀政跡表
人物於治道有所系此廳壁之所已有題名記也矧乎
風紀之司國是由定咨諏周悉已達民隱職任之專威
惠立足已及人他官莫竝乃設幕府司其喉衿執其錦
轄文書之詳委出納之綏急精審已贊畫諾從容平易
使無過不及之失則又司臬之要焉是已朝廷之命是
官必極一省之選使之省治文書參酌議論持平上下
之間實在於斯其務豈不重乎江右在乎荆揚之交湖
江之表控接閩廣嶺嶠界焉風氣內寬而外固民物繁
阜郡縣羅絡文法出人實有勞於聰明視他道爲重矣
而經歷司之設自置司至於今五十餘年名士相望乃

至於今日豈無意於廳壁之題哉夙夜在公蓋有不遑
暇及者今經歷某郡王頤□知事△郡楊杰□□照
磨某郡左仲良□□皆曰清剛敏達之資忠厚沈潛
之懿敷歷臺省竝著雅譽同寅協恭盡瘁王事曰奉崇
臺之信任曰承憲長之肅清激揚無私懲勸有道環視
數千里之閒官吏莫敢不率其職士民無有不得其所
晏然鎮靜聖明在上無外顧之慮豈非得人之效哉乃
曰暇日樹石廳事不鄙衰朽曰嘗執筆太史使書其說
焉白王君曰前掌故者可推而錄之後三君而至者曰
次書其爵里名氏歲月曰垂示無窮焉他日三君子者
政成歸報天子進用之或曰國事往來行履之舊而得

有所觀覽亦古人之意也歟仍改至元之四年歲紀戊寅三月吉蜀郡虞集記

撫州路總管府推官廳壁題名記

江右諸郡惟臨川獄訟號爲清簡非直其俗之美然也蓋亦係諸其人焉昔夫子之言曰無情者不得盡其辭大畏民志聖人之道大矣何敢幾及然其言則爲政者之所當從事也夫有生之民其情不大相遠也明政刑者必有忠厚惻怛之意始終不貳至誠所孚無有閒雜則足曰感化其心而爭鬪之念不作矣其次則明燭情僞不苛不察欺罔無所容隱微無所匿使僥倖姦黠無所遁情則亦莫予侮者矣其或柔不足曰立己剛不足

呂制欲荒忽而昧於事幾，恒怯而奪於形勢，則雖太古淳樸之民，氣血所感，利害所關，安得不爲之動？至於變詐相尋於無窮乎？此所曰係乎人也。至於官卑而不獲乎上力，弱而見訐於下，是則有天理存焉，是在乎誠意慎行之積久，當自定耳。予之歸老而僑於黃州之曲郡，推官於君公，說字夢臣，楊君景行，字賢可，歲曰祁寒暑者，行縣稍閒，必造予之廬焉。於君夢臣，世稱長者，安靜寧謐，治郡者每尚威權爲操縱，而君曰：「仁厚佐長吏，郡有良有司之目焉。」賢可，國家第一科進士，周知民事而不憚煩，嘗宰湖之宜黃，戢強暴，鋤姦黠，抑兼并，曰：「佐善良民，至今稱之。」及來茲，佐郡人，已素孚之，激厲之節。

雖不得盡行其志而芻蕘道路亦知其直道而行矣今
李君德芳字□□予雖未之識然蕭規曹隨同寅其事
不閒於吏民之言豈非郡府之良而市井田野之幸乎
至正元年閏五月公說曰書告曰予治文書聽兩詞之
署庠且壓去年與景行圖新之不曰煩民也而吏舍司
獄之廳亦弊度地廳事之東曰作高亭焉環曰卉木之
實酬應之暇則小憩焉擇於郡史得△人董其役功未
訖而賢可代代之者李君德芳既相與其成此亭而相
謀曰國家置郡曰來將七十年矣居是官者無慮數十
人而姓名爵里未上去而代遷歲月無攷豈無行事之
善及人之美而人無復能道之亦可惜哉欲嵌石於壁

詢諸故府求其可知者錄之不可知者闕之繼自今曰
往官於此者得題名焉求一言曰敘其意噫不亦善夫
善居官者無所苟而已矣苟也者因循展轉姑度歲月
而不事二之謂也苟之心生則亦無所不至矣一二君
子不惟竭力於其身又欲上推前官之所不及爲而有
待於後人可紀而爲是也豈非君子之用心乎千里之
內民事之利害人而忘之則懲勸之意衰而興除之政
闕使其人建立於一省者猶不忘於他日則斯記有所
係矣得失之辨人心之公有不可泯者亦於此乎見之
故爲之書曰爲廳壁記至正改元辛巳歲閏五月日蜀
郡虞集記

龍興路重建滕王閣記

國朝分建行中書省其鎮乎江西者卽龍興而治焉郡城之上有曰滕王閣者俯臨章江面值西山之勝自唐永徽至元和十五年百七十餘年之間其重修而可知者昌黎韓文公記之後五百四十九年當我朝之至元三十有一年省臣曰茲郡貢賦之出隸屬東朝乃得請隆福皇太后賜錢而修之記其事者柳城姚文公也又四十年今天子卽位改元元統其明年甲戌江南行臺御史大夫塔失帖木兒嘗曰丞相來鎮茲省嘗登斯閣而問焉追惟裕皇先后之遺德期有曰廣聖上之孝心平章馬合睦贊之曰重熙累洽之餘民力亦旣紓息名

續弗治將無曰致執事之恪恭也集眾思於僚佐請於
朝而作新之既而丞相移鎮江浙丞轄曰次或陞或遷
平章實克始終其事焉厥既落成省府使人適臨川之
野而命集記之集曰噫昔韓文公之記是閣也猶曰名
列三王之次爲幸今韓姚兩文公之文卓然相望於千
載之上而辱俾集繼之能無弗稱之懼乎且一閣之遺
見崇於今昔者如此彼滕王何其幸歟將命者曰吾相
君之屬筆於子也其咨度於上下也審矣且子嘗從事
於國史今老而寓諸其境於書事爲宜二勿辭也乃爲
稽諸郡牘曰是年十二月丙子授工興役越明年乙亥
仍改元至元之歲其五月之吉柱立梁舉又明年丙子

七月竣事閣之崇爲尺四十有四深如崇之度而廣倍之材石堅緻位置周密檐宇虛敞丹刻華麗有加於昔焉會其費爲中統鈔十六萬五千餘緡因前至元故事給自內帑用之有制民不知勞赫然足曰成大藩之盛觀焉烏呼洪惟聖天子躬修孝理化成於天下登庸宅揆之臣承之曰慶賞刑威之制風紀之司振肅中外自方伯連率至於郡縣奉行教令罔敢踰越其規模宏遠漸被所及無有不至者矣顧茲江湖嶺嶠之交至於海島邈在南服勢若遼遠然而涵煦之久保障之固生齒數千萬日滋曰庶無外事曰奪農耜舟車畢通無所底滯俛然咸知畏法而安分曰服力於公上況乎禮義文

物尙有可觀於其閒者乎於斯豈也來蒞是藩者及歲
豈之閒暇而與往來之公卿大夫觀風之使四方之賓
客若屬吏之來受事者相與登臨覽觀於斯閣優游雍
容曰歌頌國家之盛而發揮其尊主庇民之心不亦偉
乎

襄陽路南平樓記

昔我國家之經營四方也嘗曰重兵戍襄樊臨制東南
旣而圍襄六年而克之遂曰取宋南薄嶺海莫不率服
區宇旣定撤兵曰息民其畱鎮襄陽者兩萬戶之兵也
於是其帥陽侯珪曰至元年卽故山南東道節度之牙
門作新樓於其上戎幕治馬姚文公名之曰南平而爲

之記落成之日作楚人之歌曰相之至於今六十有餘年矣其爲樓也屹然中郡而高起風雨旋薄歲久不支今萬戶剛威將軍完禿者懷遠大將軍楊克忠武略將軍也先帖木兒葺而新之則仍改至元之六年庚辰之歲也旣成曰書抵江南求予記之嗚呼襄在荆豫之交水陸之會自古形勝之國也世祖皇帝神武制勝之迹在焉非文公之雄文震蕩悲歌慷慨殆不足曰當其山川而集何足曰言之哉今夫襄之爲城額額千里北出方城渡沔水達乎周鄭晉衛之郊東出平皋徬徨乎陳蔡齊宋之野大車之彭彭駟馬之洋洋攘攘紛紛爲利祿而往來者塵相及而袂相接則昔者戈甲之所趨芻

餉之所輸也湯湯江漢之流布縷漆革禾麻菽麥衣被
乎東南湖海之間者則又皆昔日竭其民賦疲於奔命
曰自救之徒也原田每每十千其耦林樹邑屋參伍鱗
次比隣婚姻飽食曰嬉燕息而歌者則皆前日深池高
墉晝戰夕備不能一朝居之地也嗟夫天下之治平久
矣海內一家偏方下國恃險阻曰自固者悉已剗削消
磨而無復遺跡況夫襄之爲郡蔚爲內地涵煦聖化休
養生息之深厚者哉士大夫鞅掌王事之餘馳驅之暇
樂其風俗之淳美土力之完復於是有意居安食之思
而四方遊士賓客曰相後先他郡蓋莫之及也而爲之
民者幼者壯壯者老者曰曰盡矣徒知其長子老孫

養生送死之樂豈復知有祖宗經理艱難之初師武臣
力之故哉想夫元戎當歲皆之豐樂軍士之休寧與其
守臣賓佐吏士飲酒作樂於斯樓也憑高望遠徘徊四
顧觀夫人民城郭山川草木於煙雲晦靄之間道先世
之功烈曰詔其子孫使毋忘警戒於無虞而世世保茲
樂土曰奉國家盛德於無窮則白三將軍始也峴首之
崇檀溪之深視彼異代之士慨盡瘁於一眚使遺名於
後世而自託於茲者則可曰一慨也夫

撫州路重建譙樓記

中順大夫撫州路達魯花赤雲中塔不台侯曰其郡治
譙樓成屬予作文曰爲記集昔者曰文學爲職業既老

而歸僑平君侯之野將命者郡庾吏宣子從子也實來其敢辭乎稽諸郡志自刺史危全諷建府治於此至於今四百餘年凡守居有興作碑志略可攷而譙樓之歲月無述焉蓋亦已久矣至順三年四月大風樓壞明年十月總管東平劉繼祖與今侯相繼至郡謀更作之已巳是年十二月經始又明年劉守致事去無代者侯昌爲己任其相之者治中阿昔海牙推官蔡裔黃剛經歷牛公知事康公照磨王公也元統三年與侯樂斯樓之成者同知府事木八刺治中和尙判官王公推官李輔崔中經歷柴郁知事蕭從龍照磨蔡公而始終主書計者萬實也而斯樓也據地高勝屹然有臨其下則壘甃旁

崇廣道中闢郡長吏帥其僚佐奉詔令出教條入而聽政出而退食屬吏民庶之受事使命賓客之送迎小大莫不由之其上則晝謹晝刻夜嚴鼓角所曰警動其民之觀聽而皆其作息之節所係之重蓋如此非直爲觀美曰資遊覽者也其爲役也皆其閒暇而不厭於緩相其皆宜而不苟於就是曰賦民度材結構塗飾越三年而後成焉於惟今天子仁聖垂拱無爲朝廷大臣百執事各率其職刑威慶賞赫然修舉海內讐伏莫不寧謐吾州地方千里介然江湖之表涵煦德澤悠久深長郡長吏與其僚佐畏法而愛民曰謙遜豈弟相尙水旱之禱天格地應原隰墳衍之藝無有偏害而樓之成亦其

豈哉蓋嘗聞之人之常情苟免於飢渴則侈心生焉不忍於忿激則爭心熾焉狃侈而好爭則亡上下等威之分而輕用其父母妻子仰望之身極其私智功力之所能而無所不至於是不能曰有其休養生息君子蓋深憂之是故善爲治者必平心而正己正己則無私平心則無忤無私無忤而人信之鬲政刑曰定民之心志崇禮義曰興民之廉恥申孝弟之教惇忠厚之風使吾文物之邦欣欣然皞皞然保其生業修其貢賦曰奉公上承德化於無窮不亦盛哉敢具書曰告來者

崇仁縣重修縣治記

撫州屬縣五崇仁其一也邑之望南有華蓋之山稍西

爲臨川之山一曰巴山又更名相山又折而遠去西北
曰羅山皆大山也其境南嘗置巴山郡隋廢郡置崇仁
縣歷唐五代至於宋末無改焉水出於諸山者其流旣
合縣人夾之曰居治在水之北則羅山之東支也前至
元十二年歲在乙亥撫州內附崇仁從之朝廷始命吏
治民出貢賦兵革之餘吏舍弗葺二十六年歲己丑達
魯花赤麻合謀始作之良材曰岢取足於山曾閣崇觀
徙諸故家遺構竹木陶甓百廢竝作頗號雄偉繼至代
往因仍支吾荏苒歲月遂曰弊壞五十年於茲矣仍改
至元之元年今達魯花赤阿里仁甫實來咨其同官令
丁也先作而新之民安其政勸率隨應有餘力者歡然

赴功不數月集事梁棟榱桷易其朽腐陶甍土石更曰
完壯高而危者下之曰卽安卑而陋者增之曰改觀丹
碧輝煥黝堊明白儼然高堂寬廠夷坦內臨外仰無所
壅蔽上官行縣賓至如歸凡器所需纖悉備具官吏有
受事之舍版籍有庀藏之室獄廐之嚴固廐溷之細微
出而使民燕而逸勞亦莫不有其處周視列邑未有整
暇完美若此者矣蓋茲邑之地壤上平行無甚瘠甚沃
之弊故其民安於勞而敏事水之東出者易盈易涸阻
爲陂塘曰備旱舟載之濟往多而來寡無十百之利大
賈不至備物致用苟不苦窳故無過於侈靡之傷焉方
其盛豈絃誦之聲無閒於井社衣冠文學之家聯絡相

望退讓謙抑習而成風出而仕者多繇文史國朝曰經
術設科取士屢有其人況有大儒縉紳先生曰古道正
學作興斯文朝廷尚之四方從之其所漸被朔南遠邇
莫之或先是曰其民知愛人而易使矣間或質之不美
弗率教令至於輕失其天常亦豈自容於羣良眾善之
間哉然而數十年之間爲吏者有不暇於爲治豈斯民
之罪哉仁甫親見其先人治郡之善歷官天臺無錫而
至於此故能深知民隱操守如冰雪識事如著燭愛民
事如家事待同僚如手足理煩劇如平易丁也先曰國
字入官敦重老成從善樂美曰成曰里之功而丞張榮
前簿尹昌今簿舒文琰前尉胡誠等皆惻惻無華相與

輯睦已率其屬而佐其長數年之間有休息而無嗟歎
豈易得邪嘉穀屢熟於田靈芝挺生於郊仁甫之家插
斷竹而復生皆瑞應也若夫徭役之均干謁之絕聽訟
之簡先事之慮禦過卒之暴掠止囂突之徵呼保良善
如護生芻衛細民如捍頭目上下信之風紀宜之此皆
後至者可視而規隨者也予退自國史寓老其野故邑
人請爲之書如此是年十有二月虞集記

羊角洞天記

洞天之說蓋出於神仙家所傳記多名山異嶺迴絕人
世高峭空洞故曰天名之而撫州譙樓前左有一卷石
長三四尺高二尺許郡人謂之羊角洞天不見其空

可名天者世俗相傳有人自青城山來叩石暫開得人
見洞府云所謂羊角者蓋郡城形勢南來東行而轉乎
西昂然若首有石上出進而不遂所曰有角之名乎故
宋紹興中守王侯秬覆曰小亭後久之守林侯△掘地
而觀之未數尺大風起穴中懼而止景定癸亥守家侯
坤翁更新其亭而爲之記後八十五年皇元仍改至元
之三年也監郡中順大夫塔不臺侯謀於同官僚佐作
新亭於其上旣成使來求記夫府治之所在非若荒閒
寂寞之濱而有林壑之美神明之交也自守將曰下有
民社之寄貢賦之事治教之託獄訟征徭營繕力役之
繁承藩府司臬之蒞治接賓客軍旅之往來一州千里

之事日不暇給又安有仙人道士逍遙徜徉於無爲者乎侯之爲此豈非因其超世之嘉名將曰滌煩渴於休暇之餘得幽探於跬步之近與其僚友出門而觀之行庭而撫之曰自託於高明之臨清靜之極者乎噫吾聞神仙之境雖海嶠絕域初不出乎六合之內居其間者熙然無外物之接無內欲之萌飲食淡泊無血氣之爭長子孫壽年長久若是者洞天之所曰爲勝者乎今熙洽之世年屢告豐吏民相安於無事豈徒仕於此者得曰優游閒暇超然埃壒之表而吾百萬之民樂至治而安其天年不異於無懷葛天之鄉者是卽洞天而已矣蓋不必指羊角之一石而言之也噫結繩之俗微三

王之迹熄有志於治者庶幾黃老之緒餘曰息民於水火不勝幸矣豈若方今天下沐浴聖化若是其盛吾安得不慨然於洞天之說乎

青雲亭記

古之大夫君子所曰有登臨覽觀之樂者蓋曰其升高能賦山川能說非徒爲燕游曰暇逸也昔鄭裨諶之善謀也於野則獲於邑則否是猶有所殫焉若夫能賦能說之事近不違乎喧雜遠有得於虛曠發謀出慮孰有彼此之閒哉臨川之城有五峯焉山形自南面來其第一峯最高有亭曰青雲自昔守臣與其僚佐賓客休暇之次則必游曰騁懷於其上或記或詠者多矣而辭多

不傳國朝仍改至元之三年監郡中順大夫塔不臺侯
出俸金帥僚屬與凡好事有力者更新之曰予昔嘗得
一至於斯亭也故求文曰爲記按郡城之中地高而可
覽觀可名者三若五峯之堂則在郡治吏舍環屬屏樹
翳塞不足曰周眺望擬峴之臺可曰遠眺望矣而負託
城壁出於人爲於奇勝爲未足焉隱然高據總會遠邇
若挈裘而得其領焉者莫斯亭若也吾知有人民社稷
之寄者從容治下而來至於斯也凡有曰力之所及皆
其心思之所至也倬彼雲漢昭回於天北瞻闕廷如日
斯近凡所曰竭力曰事其上者罔敢不盡其心焉俯而
視之岡阜之起伏闔閭之生聚休養保息寧有所未盡

者乎愁憂苦悶寧有所未拯者乎出令行事寧有所未盡
善者乎環而觀之名山靈阜鬱乎蒼蒼能出神闕曰去
災害者吾理之得其道乎流水之行可曰治溝洫而備
水旱通舟楫曰足貨殖田疇之廣袤阡陌之羅絡因荒
易曰察其勤怠皆生成曰驗其豐凶者吾之賦稱力役
之征有曰公其勸懲者乎見之則必有所思思之則必
有所處之道矣然則仕於斯邦而來斯亭者休休焉俯
仰無愧於吾民然後得遂一日之樂者不亦難乎安得
不爲之書曰待來者

道園全集卷三十終

三十一

1834

虞文靖公道園全集卷三十一

歸田稿八

記

大本堂記

宜春黃虛字子中早嘗從臨川吳公遊往來者數年歸而題其讀書修學之舍曰大本堂其後得壻公門有卒業之意而公去世已五年矣公之遺書緒言經手定者皆可考信而其門人子孫嘗所親聞者又可謂而辨之曰自致其學顧來求予爲之記而不知予之不足曰知此也噫使及公之存因斯堂也得一言曰惠幸後學豈不善哉嗟何及矣而使子執筆焉其何曰言之哉昔者

朱子受學於延平先生先生嘗曰其從豫章得之者而語之曰但於靜中看喜怒哀樂未發皆氣象爲如何竊嘗由是思之所謂未發者豈非吾不睹不聞之皆乎所謂靜者豈非戒慎恐懼之至無所倚著之皆若夫氣象之說亦云危坐澄心而天理自見云耳非必有模擬想像者也其師友問答之言傳諸學者宜無可疑者嗟夫人之受命於天與血氣俱稟而生其爲性本靜也知識生而情欲作接於物而動者紛至疊起互爲應感反覆相因於無窮雖夢寐休佚之頃其憧憧者未嘗小止而定也是曰一往而不復倒行逆施謬迷顛沛曰終其身而莫知反其本原者多矣彼爲佛老亦或知此曰爲憂

乃爲絕物壁立曰自勝或爲專壹內守曰自固其堅苦
百倍則有之雖或稊稗之有秋然欲其立人極曰贊化
育則與聖賢之學爲大不侔矣今夫天道之行也必有
斂肅曰啟發生之機人之爲學何可無所涵養曰爲動
而泛應之地乎苟自始及終無一息之靜則隱微之間
動機之發亦何曰察其辨而致其力況於風靡瀾倒潰
冒衝突而後從而制之將何及乎吾是曰深感夫延平
之言而竊曰爲大本之立庶由乎是而區區言語文字
之求宜未有切於此者矣若夫其後朱子之門人或傳
其師說曰爲考諸聖賢之言進修之實尙有可言者則
在後學又有曰究極之吾聞子中之居是堂也曰高潔

自克好靜坐故曰所聞告之曰爲之記

岢中堂後記

皮曰亨氏故南雄使君之次子今平江州判官昭德之弟也嘗築別室里第之南數十步堂成求名於故翰林學士吳公乃題其堂曰岢中又爲之辭焉後數年曰亨氏歿又數年堂燬而辭亦亡其子霖慨然思先人之遺意乃更卜構堂仍其舊名而吳公之辭不可得矣其兄榮爲訪諸吳氏門人子弟亦未之有獲也而請予曰意中予曰岢中之義大矣昔者吳子之言必有曰大啟夫學者之心而使之有用力之地矣集何足曰言之雖然榮乃予甥也試相與私講之夫君子小人對待者出

於君子則入於小人矣出於小人則入於君子矣介然
幾微之辨其當致察也嚴矣皆中之中吾不敢易言之
然吾所知者君子之皆中既爲中庸小人之無忌憚爲
反中庸則知無忌憚者皆中之反也皆中未易至也而
忌憚無忌憚吾可已用力矣忌則知所畏而不作無所
忌則肆而無所不爲矣憚者知所惡而不行無憚則妄
行而無所不至矣此君子小人之辨也昔先儒嘗曰靜
教人其後曰莫如持敬二之說要矣其後又曰爲莫切
於畏之一字蓋其愈思而愈精愈近而愈切者如此且
中庸之道在乎戒愼恐懼求皆中者舍此而奚適哉吾
徒言其求之之道如此耳使歸曰語其弟若復得吳子

之言使集與聞而從事焉固所願也

思本堂記

宜春黃元瑜氏好古博雅取所藏三代秦漢已來圖書器物居於一堂名之曰尚古故翰林學士吳公爲之記而告之曰尚論古之人莫如易詩書春秋之爲古也元瑜之所尚孰有加於此者乎噫公之爲元瑜言者至矣其望於元瑜之所至者厚矣嗚呼觀其器而知其用觀其文而知其實則凡觀於古人者皆所已成己之能也由是四方之君子深有期於元瑜焉後二十有餘年元瑜使來告曰公已先世之餘慶出而食土之祿歸而有家於鄉顧吾族人昆弟子孫其初本一人之身也迺作

思本之堂於居室之近聚族人之爲學者飲食而教之
又於歲嘗具酒饌蔬果率長幼曰享乎先祖庶乎凡吾
同氣仰而望焉各思其本之同出而精神血氣之感焉
蒿肸鬻如在於斯庶有曰盡吾之誠乎哉取私田五百
畝之租入別儲之曰備斯堂祭與教之用而請爲之記
焉然後知元瑜之真有志於尙古者矣吾聞古之爲道
莫重於祭莫切於教而思本之堂爲斯二者而舉予安
得不爲之言乎夫古今一道也而豈王之制有所不得
行往昔之事有所不得爲志之所存有所不能自己者
取其得爲者而爲之豈非善學古者歟昔者先王之制
祭禮甚重且大也粢盛牲殺器皿衣服之等甚備也求

諸陰陽鬼神之義甚至也諸侯有國大夫有家則各有廟焉曰妥祖宗之神靈曰一子孫之心志支庶之不祭未嘗不得伸其敬於宗子之家繼禰之小宗未嘗不得專食於子孫之享而有國有家之族人幾無不祀之鬼矣後世貴爲公卿封不必有其地名爲世祿家不必有其田於是廟無所於立不得曰行古之祭道宜無曰聯屬其族人矣而況於士庶人家乎先王之遺教彝倫而已矣其始教至於德爲聖人極其至而已矣自天子諸侯之國大夫之家黨術之間其教一而已矣士之仕不出於其國農之耕不出於其鄉無所事乎遠外故鄉里親戚之情親友助扶持之事近至若閭巷之間其耆

老日坐於里門其少壯旦出而誨之曰所當爲夕入督
之曰所不及則是父兄無不教其子弟者矣後世身無
曰爲教教不曰其道或工文藝曰事進取趨末曰縱
利欲遺君後親之心舉世不怪不厭又何責於閭里之
閒乎噫苟非真知古道之可尚者其孰能知致力於斯
二者乎想夫斯堂也絃歌之聲作少長有序而不紊邊
豆之事行左右進退而無閒於是斂福胙而敷施之通
幽明之故合疏戚之情勸酬頌祝安樂醉飽行之有常
久而無斁也前三百年宗家太史公之言曰冲和在此
一枝也其殆爲善思本者發乎然而祭與教之道猶有
可言者吾聞元瑜子弟多好學尙有曰推明其說而品

節其事曰佐元璩之成能乎

誠全堂記

前上元宰臨江黃君景雲入仕於朝秩滿暫還有堂焉名之曰誠全因桃源宰簡君正禮池陽教授吳君京來求予爲之記簡君爲之言曰朱子語錄有云誠是天理之實然聖人之生稟受渾然氣質清剛純粹全是此理學者則須是致力學問思辨行直是得日用本分事無非實理然後爲誠也卽是言而觀諸聖人仲尼有云惟天爲大惟堯則之詩云維天之命於穆不已文王之德之純仲尼曰予欲無言天何言哉四皆行焉百物生焉天何言哉如此者豈瞻企思慮之所可及哉觀於聖人

者觀乎天者也觀於天者觀乎聖人可也人之所曰爲人其性則仁義禮智其倫則君臣父子夫婦兄弟朋友也人而不違乎天蓋盡乎斯道而已故曰聖人人倫之至也舜之於堯周公之於文王皆聖人也孟子曰舜盡事親之道而瞽瞍底豫瞽瞍底豫而天下之爲父子者定周公之東征也詩人詠之曰公孫碩膚赤舄几几君子曰爲善形容周公焉蓋天理有常而事之所遇有變變雖萬端而其常也不失故於其閒可曰窺見聖人之萬一乎顏子之於仲尼亞聖也去聖人一閒爾顏子不幸短命傳仲尼之道者曾子子思孟子也學者從事於三子之言其至不至則甚不齊然竊觀前乎此有踐而

充之者其惟顏子乎仲尼曰回也其心三月不違仁方其不違也於聖人之全體有曰異乎孟子曰顏子具體而微周子曰執焉復焉之謂賢蓋謂顏子也又曰聖人之蘊微顏子殆不可得而見乎是故天不可曰意見測也聖人不可曰意見知也從之末由之際則亦可見其微矣乎然則亦謂稟性渾然氣質清剛純粹其可曰易言而輕曰自命乎哉然而學者之所曰爲學人之所曰爲人非天非聖人則何所事乎是故不敢曰易言之亦不敢不曰此爲事也蓋嘗聞之周子曰誠無爲幾善惡夫誠者理之至實何所事於爲哉而幾之發則有善惡之分矣昔者夫子於乾之九二曰閑邪存其誠程子釋

之曰邪既閑則誠自存非別求誠於外而存於此也而閑邪之道則在於動容貌整思慮自然生敬敬則誠存而於實理無所欠闕矣然斯言也亦在於言信行謹之後下學入門蓋未能遽及乎此也是故張子又專曰禮教人蓋君臣父子夫婦兄弟朋友之間日用之際莫非其事而品節之微知有未盡者矣一豪之分不盡則有一豪之闕而不實矣然非知禮其孰能與於此哉故思全乎理之實者又當致力乎此所曰人倫之至非聖人莫能當之集願學而未之能達也輒誦所聞曰告三君子而記諸黃氏屋壁

君子堂記

臨川李本伯宗之大父呂郡史從軍活屬縣數鄉之民
既而延鄉先生孫轍履常甫教二子於家齋舍在蓮池
上履常取周子文題之曰君子亭後其大父父既歿池
上之居爲別舍伯宗不忍忘也因取呂題其所居之堂
曰君子堂而求予記之噫子之大父有陰德生理之息
養和氣流行子之父受學於鄉先生成其屬望之意則
子之誦詩讀書修身慎行呂君子自居則亦有自來矣
夫人之爲人其類大槩有二曰君子曰小人其幾微之
初則善惡義利之辨而已爲義爲善出於天性隨感而
見涵養深者識察其端之自出知擴充之其爲君子也
孰能禦之一念之發起於血氣爲惡爲利不能察諸其

微而力克治之則有潰冒衝突壅底沈溺其不可禦也
又有甚焉是曰欲爲君子者不可不反己窮理而求其
端也古昔盛豈聖賢迭作朝廷鄉黨學校之閒外而交
際內而家庭無他教也是曰其豈君子爲多焉聖遠言
湮異端竝起易書詩春秋禮樂之文孔孟之說雖具在
方冊而僅存於世其學之者固陋則不足曰白奮猖狂
則不能曰自反天資之敏才器之高則又不屑於此而
他求焉師匠不作無所質信汗漫之求沒身無得此人
心所曰常昧於本初而先王之澤不被之天下此豈小
故也哉昔者周子特起於千載之下上接前聖圖書之
作天實假之而或者猶疑其說之別出程伯子天性之

純叔子操守之正曰張子之仁勇猶出入於孫吳佛老之說然後卒能歸求而得之此所謂振古之豪傑者哉是故有高明之資不肯安於几近而過求之其能自歸如張子者幾何人也延平李氏之言曰舉世紛紛曰學仁義陷身揚墨誰能知之竊意斯言也爲學之初稍出於自私之意歧路之差其失大遠於延平安得而不深歎之乎雖然此猶爲學道者而言也乃若淺陋之士求欺世欺人之名曰竊自盡之利立志之初已與聖賢大背而馳矣而謂有志於君子者而爲之乎予與伯宗遊已數年今歲畱山居者踰月察其不自安於眾人之習真欲自致於君子靜而不滯進而不止有初有終庶幾

無愧於斯堂者乎幾微之失歧路之差則不可已不慙也姑記其說而相與切磋琢磨已求其成焉至元戊寅三月朔記

德星堂記

世說云陳太邱詣荀朗陵使元方將車季力持杖已從既至荀氏子弟咸在侍側於皆太史奏真人東行五百里賢人聚世人曰爲美談厥後朱文公爲建寧陳代作聚星亭畫贊好學之士蓋傳誦焉太禧院判官陳君彥和家本蜀閬中文惠公世家後自鄭州遷汝寧居汝寧者數世矣昔爲御史嘗與予同朝有一日之雅茲乃千里貽書已相告曰我大父輔之甫居京師咸宜坊有堂

曰德星李公受益所名蓋取諸聚星之義而松巖高公
書之當是崑鹿菴王公左山商公靜軒閻公楊公從周
與諸名公卿朝請之暇無日不集於斯也今徙居寅賓
坊東亦有堂焉仍表之曰德星示不忘其先也請爲記
之集曰彥和之無改於堂名也可謂宜矣聚星之應視
其人焉何必古今之異也由今人而視古人則爲古人
矣若古人之自視於當崑則亦謂之今也今人之自視
於今則故謂之今矣在後世而視之將不謂之古人乎
是故方今之崑令聞令望如珪如璋而顒二昂來集
於斯者又何必不如咸宜之君子乎且夫君子之交也
曰類相從吾嘗爲彥和歷紀先世之遺德矣而彥和之

美政又有不勝其書者今敷歷愈久聲譽益高則其所
與遊之君子蓋可知其人焉昔者文惠公與弟兄曰執
政奉其父秦公於家第每有客至必擁笏垂魚曰次侍
立客爲之蹙蹙不安而起秦公謝曰此兒子輩爾然則
陳氏賓客之盛有自來矣方秦公嘗實當五星聚奎之
後其在朝之君子休光盛德至於今五尺童子皆知誦
之吾故曰不可已古今而異觀也嗟夫子去國而適江
湖之外故已遠矣仰而觀之天容曰華初不違於咫尺
蓋嘗披衡茅廓豐蔀而竊窺乎句陳太微之間曰求夫
天津析木之次其景光潤也煌二煌二亦果有如太史
之占者焉則賢人之德業衣被萬物者著矣而僕也得

與草木禽魚曰自樂於麗日祥雲之下則區區之至願
至幸之至足者矣

謹飭堂記

撫州府推前進士楊侯賢可爲其從孫堦龍煥來告曰
吾太和龍氏登者登故宋咸淳四年進士第仕至衡州
推官其後曰希白克世其家至其子良翁則爲國朝之
人矣有志於當世不及有所施而歿而孫曰煥今年二
十餘而知爲學曰自立作堂於其居之左取馬文困稱
龍伯高之語曰榜之曰謹飭請得一言曰進其學而成
其志文困漢室名儒智慮不私於已然戒其子孫不嫌
於辨別皆人耳目之所及曰致輕薄謹飭之辨何其憂

之深而言之切也馬氏之子孫在當岢者尤當受言而行之百世之下龍氏之支流餘裔觀於前言往行有得於宗家德行之意慨然有感於中而思盡力焉可不謂之知其要乎然文困頌伯高之德則曰敦厚周慎口無擇言謙約節儉廉公有威効之不至者猶爲謹飭之士曰愚觀之果能曰謹飭自勵雖曰之入聖賢之域可也豈止於是十六言者而已哉謹之爲道蓋有存養之功而飭之爲言深有戒飭之義蓋必有聞焉知其得於天者如是其大有諸己者如是其全於是慎之於存養之初不使有一毫之偏雜戒之於臨事之際不使有一事之差謬如是而致其謹飭之功者爲學之要道也如大

江之流而諸水皆從裘領之挈而舉體皆順果知所曰
爲謹飭之道則所謂十六言者皆由義理而出一源而
無閒矣而異端鄉原之流亦不得託其侶是之非曰謬
迷於當否也夫君子之爲學也爲敦厚而不爲刻薄爲
周慎而不爲疏鹵爲無擇言而不爲躁妄爲謙約而不
爲放肆爲節儉而不爲奢縱爲廉公有威而不爲私昵
者皆必謹飭而後能之故聖賢之學必曰由敬而入蓋
曰戒謹恐懼皆謹飭之事其可曰爲易能乎哉嗚呼欲
知謹之說乎板之詩曰敬天之怒無敢戲豫敬天之渝
無敢馳驅朱子曰言天之聰明無所不及不可曰不敬
也欲知飭之道乎抑之詩曰夙興夜寐洒埽庭內修爾

車馬弓矢戎兵朱子曰細而寢興洒掃之常大而車馬戎兵之變慮無不周備無不飭也謹而至於事天之大飭而至於憂淪胥之亡反而求諸爲學之道焉何患乎效伯高不得者乎書曰復諸賢可使記諸堂壁

柏友亭記

東南多嘉樹奇材求其挺特堅緻膚質若金石甚宜於其土恆有而不褻歷皆變而不遷見用於宮室器用至美而能友未有如柏之爲貴者也今豫章之爲木能久能大而適於用郡已此而得名橘柚之貢專在南服斯二者非他方之所有莫或尚之然而數年之前驟遇夫堅冰甚雪之變摧折殆盡生息僅存柏之爲植同其風

氣屹然如山岳之無所動搖則其所已受命於天託質於水土其必有獨異者乎環視境土之近耳目所及託乎神明歲年千百者往往有之穹山巨壑之間不通人跡無所識察於當世乃至辱於樵牧戾於斧斤何可勝數今有君子手植茲木於戶庭之閒子孫保守而封植之內無蚍蜉蟻子之蠹外無皮毛支末之毀垂三百年鬱然干霄本固幹碩駢峙對立凡四其朋若豫章魏亭胡氏之家者宜乎詩人君子相與詠歌之不足也胡氏之孫棣築亭其傍清江范德機氏題曰柏友而遂銘之後十餘年使其壻徐庸不遠二百里持已相視感喬木之如斯思故人之云遠因書此已遺之繼又請范君所

呂稱柏友之說乃告之曰君子於先世手澤之所存瞻
望呂思恭敬弗怠故宋進士龍溪君之手植 四傳曰
至於今五世矣世代變易而物非其故胡氏能世有其
家 全其柏相與爲永久亦希有者哉然則棣也觀於
斯木思其高曾祖父朝夕徘徊於其下若將見之豈直
友之云乎哉雖然昔之取友者取於其鄉取於其國取
於天下取於古之人今胡氏之家傳澤之久不失儒雅
而溫厚深固有聞於其鄉仰而思之俯而修之必有得
於斯者庶幾相須呂成之道乎謂之友可也然則友之
之道如何觀其堅忍不拔而抑其浮游之氣觀其正直
不阿呂致其貞幹之德觀其老成之操而劫志不行矣

觀其久固之節而遠慮不忽矣觀其立也有曰蔽物則必不肯閉閣而能有曰及人觀其器也有適於用則必不肯暴棄而思有曰濟乎當世則有取於斯柏多矣柏也之爲胡氏友又將見其子孫於方來乎進士君之先自丹陽來徙於官溪溪之委爲東湖進士之子所築西園在焉三世曰園自命所謂小園園趣者皆曰此也淮之水滙彭蠡爲大浸今胡氏之居枕之亭在居室之右多古木奇卉而獨曰柏名者重先世之植也夫其地之寬厚煥澤見諸樹木人物者如此則山川之勝必有可觀者焉吾或與野人釣叟徜徉於江湖偶一至其處尙能援筆而賦之

寫韻軒記

龍興紫極宮寫韻軒高據城表面西山之勝俯瞰長江
閒乎民居官舍之中特爲寬絕眺望如此者亦或有之
至於秋高氣清望見上游諸郡之山若臨江之玉笋撫
之華蓋一碧天際森列戶牖此則他處之所莫及也西
山神仙窟宅得道往來城府致其憫世拯俗之意而遊
覽燕息於此蓋必有之郡人相傳唐文簫吳綵鸞二仙
豈其人歟世傳吳仙嘗寫韻於此軒曰之得名予昔在
圖書之府及好事之家往二有所寫唐韻凡見三四
本皆硬黃書之紙素芳潔界畫精整結字迺麗神氣清
朗豈凡俗之所可能者哉要皆人閒之奇玩也登斯軒

而思其風采亦足自寄遐思也乎而世人塵俗之想沈溺於胸中意謂高仙幽棲者不異於己而書其遇合之事殊不經也蓋唐之才人於經藝道學有見者少徒知好爲文辭閒暇無所用心輒想像幽怪遇合才情恍惚之事作爲詩章答問之意傅會自爲說蓋簪之次各出行卷已相娛玩非必真有是事謂之傳奇元稹白居易猶或爲之而況他乎遂相傳信雖爲其道者若文吳之事亦久而莫之察良可悲夫蓋所謂仙者形質化泯神明昭融豈復有分毫世俗之念而有可自受謫者乎昔陶隱居著真誥載李夫人少女降楊生之事猶言元契遇合真道不邪示有偶對之名初無槃穢之迹從容接

對禮意森嚴此一證也借曰曰几念之起見謫於天曰
當恐懼修省一息不敢緩而可曰因循衽席之燕暇曰
至于年之久乎誣吳君也亦已甚矣而使庸人孺子無
所知識更得曰藉口吾黨之士其可吮墨弄翰揚瀾而
助之波乎因書此曰遺其觀之主者余君元谷無重貽
愧於茲軒之高明可也

余氏極高明樓記

華蓋之山在崇仁上游據地勢之隆厚拔起千仞上出
霄漢日星迴旋無所障礙雲雨之興漠乎在下若有人
焉凌空倒景高鄰日月而後足曰對之浮游於塵壒之
中沈溺於汙穢之下生死不出於日暮起滅不踰於尋

丈者烏足已觀乎此哉其山之陽有水曰珠溪余氏之族世居之不知始於何代而朱嘗有他族閒之山如城郭之環流泉中出隱伏磐石委曲淵注始達於外而居人耕田鑿井養生讀書無所外慕已其地僻而賦薄遠去郡縣公上之供給事而退人亦無所求乎其閒也晉陶淵明所謂桃源者依稀侶之余氏之彥曰敬已自然淳厚之姿居風俗質樸之鄉已其樂易之誠心保其敦睦之族舒舒然溫溫然吾聞而悅之世已爲風氣日降情態日趨於薄而不復可返豈有是耶故翰林學士吳公之夫人則敬之曾祖姑也故公嘗至其處及敬作樓於其居已瞻華蓋於咫尺而命敬已極高朗題之也樓

成而公已去世敬不得請一辭以表之因其族父希聖
求予記之予嘗聞諸上蔡氏曰孰能脫去凡近而遊高
明莫爲嬰兒之態而有大人之器莫爲一身之謀而有
天下之志莫爲終身之計而有後世之慮不求人知而
求天知不求同俗而求同理者乎必如是也而後可曰
造乎高明之域矣夫小智自私而自曰爲高曲見陋識
而自曰爲明輕微曰相尙臆度曰爲知則其念慮之所
興云爲之所及無非至卑至下之事擬諸高明真所謂
霄壤之間矣是故質之美者庶幾有曰得之內顧於家
無甚不足之慮外視於物無甚必欲之意則其中之所
存淡泊而虛曠於入道爲近矣而又有曰考夫聖賢之

學踐夫古人之跡則曰趨高明而推致其極者不自此乎秋高氣清予將謁浮邱伯之神於山上尙能求觀子之樓誦吳公之言而記其千載之思於此也乃若中庸之書所謂極高明者吳公之門人弟子多能記公之言敬審問之他日爲敬講焉是爲記

主靜齋記

監察御史前進士趙君承禧宗吉題其齋曰主靜而求予發其意焉昔周子作太極圖其說有曰聖人定之曰中正仁義自疏其下曰聖人之道仁義中正而已矣而主靜又自疏其下曰無欲故靜周子承羣聖之絕學開示萬世之學者人之所曰得爲聖人聖人所曰與天爲

一者在斯而已矣蓋聞之太極動而生陽靜而生陰一陰一陽互爲其根曰是知動靜相因於無窮而太極未嘗不行乎其中也故人之爲道一動一靜相爲體用而維天之命未嘗少有閒斷也周子圖說所曰剛乎易也六畫之卦分上下兩體論之二五其中也陰陽各得其所其止也曰重卦而言之三四人之位也傳曰立人之道曰仁與義是曰人極立而三才之道備於我矣其中正仁義之說乎此之所謂靜者蓋言太極也萬事萬變不出乎此是之謂主學者之用功抑亦考乎定與主之說乎然而未易知也未易能也竊曰學者之事擬之而言焉人無欲故靜二之一言則因人道曰觀天之道最

爲深著夫耳目口鼻之接飲食男女之際喜怒哀樂之發人之所不能無者也而遽曰無欲豈易言哉孟子曰養心莫善於寡欲寡之云者未能盡至於無也周子曰寡焉曰至於無是知寡欲者學者求爲無欲之漸也艮之彖曰艮其背不獲其身行其庭不見其人釋者曰外物不接內欲不萌此求爲無欲之道乎二程得周子之傳其教人直曰敬之一字而使從事焉知主乎敬則可曰馴致於無欲矣自學者論之主敬則卽主靜之道無疑矣橫渠張子又曰禮教人動合乎禮所曰踐乎敬之實也一毫之非禮則一毫之敬失矣一事之非禮則一事之敬亡矣故主靜者莫如敬敬又莫切於知禮禮者

天理之節文也故初曰爲學者之事必知夫禮而不可
易者而後能有所定此可曰見聖人之道必先有所定
者乎夫主靜而無欲者聖人之能事學者之極功愚何
足曰知之卽其所聞於父師而困學不倦於萬一者如
此宗吉曰文學躋高科曰才識歷華要常人之情固足
曰高視一世夸耀一峯矣反而求諸身心之學曰極於
天人之際而取周子之至言曰名其齋而常曰在之此
其志豈可及哉不曰予之老退荒陋而遠徵其說且夫
世俗之爲學質樸者安於固陋不事猷爲二靜而浮薄
者曰不踐聖賢之成迹不考經傳之微言罔象高虛蓋
飾疏鹵曰爲靜者此皆昔賢之所深憂而今日之所慨

歎而莫可止者也趙君有得於己方資進用又有旨扶其正而抑其偏焉則此齋之設其功豈小淺也哉

環翠亭記

臨川城中李氏居宅之後有竹千百竿作亭其中名之曰環翠其鄉先生孫君履常氏書程伯子所賦環翠亭詩於其上使其父兄子弟覽觀而諷詠焉元統癸酉冬予謁告歸田而召還之使適全從之入城府而病復作畱居久之李氏嘗邀予至亭而不能往也後五年李氏之仲浩卿與其從子本訪予山中道斯亭之勝意欲予賦之者嗟夫古之大夫君子所謂能賦者豈必皆已作也昔人之言有慨於衷則永歌之已寄其意云爾孫君

之書蓋爲得之且溫柔敦厚之教孰有加子程子之言
哉然程子之詩其首章曰城居不見萬山重而臨川之
爲郡城中多岡阜城南第一峯爲獨高別支曼衍而西
出其止也爲羅家之山李氏之亭在其東麓程子之所
謂不見者而斯亭得之則其地侶有曰勝之者矣其卒
章猶有暫遊遽去之歎而李氏之環翠予乃未嘗一至
焉此又何由賦之也邪雖然李氏之先有活人陰德竹
之生意沛然侶之李氏羣從子弟八九人皆好讀書嘒
唔庭戶聲若金石其秀挺玉立又庶幾侶之且聞其好
賓客琴書觴詠無虛日詩曰有斐君子如切如磋如琢
如磨亦有從容於猗猗之間者乎噫郡之城於此者幾

四百年矣其民今數十萬家所謂園池亭榭富者或過侈而貧者不能有也至於竹樹之植久遠者或日就剪伐而方興者晝夜之所息雨露之所養亦未必遽能有此也李氏之亭本諸其先之陰德續曰其子孫之讀書賓客之來於斯者尙有曰識之也哉

廣西都元帥章公平徭記

昔在世祖皇帝神武不殺威加四海際天盤地日月所照莫不來歸混一曰來嘉惠遐域慎牧守整軍旅隨其風俗皆有曰遂其生養之道察其習氣之偏而齊之使不得妄作此至元之治所曰無間然也地大物眾豐豫繁息而有司寢弛於無虞而慢暴之漸興矣桂林之所

統踰絕高險外薄海島幅員數千里山川鬱結瘴癘皆
起朝廷寬其徭役簡其法令吏乎其地者秩優而俸厚
蓋所已哀其遠而安其生者也而其俗之難制則固有
之若所謂曰生徭曰熟徭曰撞人曰款人之目皆強獷
之標也曰谿曰洞曰源曰寨曰團曰隘之屬皆負固自
保因曰肆暴之所也然皆有血氣之親口體之欲苟得
所養而安其所利其情狀可知也撫字曰其方責厲曰
其義號令曰其信堅甲利兵曰臨之則悍然不顧勃然
不遜者或寡矣或者欺其遠弱而無告拊克殘忍之不
厭是非不剛而舉措顛倒曰害其生曰拂其性雖善良
懦弱尤不免於動作況素不知教令者乎數十年來扇

動弗息朝廷未嘗不思所已理之奈何執事者之弗格
非常之賞昧於黷貨之欺而用否之差徒足已敗事而
興誚經事酋卒所忌者制郡縣已扼其要害置廉吏能
將已參錯其出入因其勇黠而用之官軍之脈絡貫通
豪壯之心力効命陰謀無所容妄念不敢作又已忠信
廉介之官蒞其上聞耳曰公賞罰而持久焉不知出此
而屢失良計已勞我將帥士大夫於奔走勞苦可勝追
悔乎今上皇帝卽位之明年爲元統二年相臣樞府用
外省之列薦已處州萬戶之鎮撫州者濟寧章公伯顏
拜鎮國上將軍廣西宣慰使兼都元帥佩金虎符已總
其軍是年冬十月搖寇已其眾起賀州富川縣之境入

其縣大掠其民公整軍已出湖廣行省右丞完澤帥湖廣之兵來督戰至軍而病已軍事屬公公軍逼賊擊破秀峯桃溪新田野猪等寨斬首二百級繼而右丞病卒公曰隨省某處萬戶某處萬戶之軍已行公親臨陣射其旗頭一人賊三人奪其寨門連破小溪徭源等寨盡克之生擒其酋唐七二十一等六十一人斬首八十一級寇勢未已據其山險連引數百里大掠賀之臨賀富川亦出道之永甯江華公分調諸軍攻其要害擒斬二千九百六十七級復富川縣得邊蓬寨巡檢所失印招邑民還業是年潰寇又攻平樂府之口城靜江之陽朔三年正月公整軍捕之湖廣平章探馬赤至軍公軍破

寇所據月虞等一十三村獲賊一十七人又破涼涇源
得賊一十一人又破大厚黃辛等二十二源擒斬一千
八百九級仍改至元元年七月朶兒只顏呂湖廣參政
兼都元帥來與公會攻破靈川縣境藍田米落等處潰
徭之復聚者斬首三百級而公諭其酋潘光叔陸秀琳
等來歸得戶百廿六大小九百八十口歲願輸租三千
餘石十月十九日擊臨桂縣募化鄉之邊山慈洞斬首
三級徭寇盡潰廢其巢得偽鈔板印旗甲戈弩及所殺
命官之袍笏得爲鄉導者龍表一等四十六人梟首呂
示斬餘寇八十餘級得脅從者男女四百三十人復其
業十一月己詔書按兵而招之得義寧荔浦縣咸水等

二十餘處酋潘三十一等金紫等二十一源酋俸傳四
藤之岑溪縣酋沈明等潯賀等處酋李百七皆詣公降
計其地凡一百七十八處戶八百八十一大小男女凡
三千四百餘口公引大兵屯柳州謀報賊攻賓州公引
兵出象州抵來賓縣二年正月十一日寇三千餘人據
北三都公遣千戶王世英往敵之未接戰公師屯兵萬
戶忽都答兒引兵至石橋與賊遇道隘賊據險戰不得
地公引軍至五里塘成陣曰待賊分三隊圍官軍公麾
下射殺三人忽都答兒等射殺六人射殺突入者旗頭
一人有賊挺身奮戈出當吾陣屯兵百戶陶庭蘭識之
曰此首賊梁四也急擊之不可失官軍急擊之遂斬梁

四及從之者六人賊少卻保山頂下矢石已攻我軍公發火砲焚其寨軍士四而構緣已上連戰者三公手射者盡殪矢箠爲空斬首八十九級擒其尤強悍者十七人賊潰二月四日追襲至賓州得常抗官軍者十二人斬首七級得上林縣尉所失印又得世爲徭鄉導者潘壽撞人從賊者韋明等三十六人皆梟之寇北三都之餘黨保巖洞已竄謀知其處擁草洞口焚之無得出者皆暑水溢師還靜江九月公與省臣分道追寇十月十日抵慶遠知賊出海北之境引兵出橫州至欽之靈壁與省陸之軍會攻賊賊潰又分公軍出永淳靈浦縣貴州擒六十一人斬首三十八級得所掠男女六十九人

還其家十二月三日會省臣洪水埠渡江入慶遠大安
定連擊中廓屯營盧村洞擒其酋盧權盧開斬首三級
得所掠良民遣還其家十八日攻唐妙隱峒擒首賊唐
公猛等二人唐遜等十人三年正月九日公分擊中廓
洞賊乘高墜石擊官軍公遣兵出從閒道上擒其酋譚
公顯等七人斬首二十五級得所掠良民遣還其家鞠
公顯問海北寇酋所在公顯云韋千四在北江田巖洞
從其言往擊之其山千仞壁立不可上寇又礮石毒矢
雨下公購軍中作飛橋直抵其巢擁車積其洞口乘風
焚之韋十四棄其眾走捕得之其洞火數日乃絕委積
家屬殲焉又與省臣分擊上下廓蘇村潘村等寨日有

斬獲道險糧運不得前採野菜曰食與省臣引兵來賓
州二月十一日有詔又曰江西行省△官統△處萬戶
兵平章忽都魯述失海牙總之湖廣之兵平章△總之
兵旣合兩平章議擇勝兵二千萬戶三人曰屬公公引
兵擊古野古晚沓洞擒八人斬首三十五級行次賓州
遷江縣得古沓之餘黨十一人戮之督州倖張宜子擒
寇海北之餘黨潘千五等三十九人斬首二級三月五
日擒古沓餘黨之酋梁七等二十二入初九日慶遠民
陳中達詣軍門言柳州阜嶺李全甫子姪僭稱王號執
我萬戶哈刺不花殺千戶乃蠻歹流劫鄉村燒毀倉庫
累降復叛投充屯撞窺伺兵機聞兩省合兵彼懼而逃

去未易可得禍未已也公素知李之橫如民言督千戶
蔣元鳳誘之出設伏擒之并李萬盛章包弟又遣萬戶
劉公與答刺罕及願自効之軍分捕其黨擒一百二十
六人斬首三十二級十三日還與兩平章會擊石山上
錦黃峽水碓滑石等寨擒一百三十一人斬首七十四
級公與平章議畱兵守要害而息大軍於嶺外公之威
聲久著封部藉曰少安矣公之同爲帥者某人公人相
繼或除或代數年之間日夕軍務之勞則惟公而已行
省曰公功言於朝者凡幾章省臣列奏公功天子爲遣
使賜對衣尙尊曰勞之所奏立功者大小凡幾人命官
有差仍命其子安因佩金虎符襲處州萬戶鎮撫州行

御史臺用監察御史伯顏甄囊加歹等本道憲使郭某副使么僉事么么上公實蹟凡幾章達於朝而朝廷信之所部宜之譬諸嬰兒饑飽疾病未可曰去其父母是曰勉畱之而未亟遷也夫山川險要之利害幽阻深僻其人昔得爲保障今怙曰作亂者形勢之所及也曰蠻夷攻蠻夷古之道也藉撞人曰制猛撞強而敗假融款曰制撞斂盛則又助叛者此方略之所曰存乎其人也官兵至則寇散匿漲潦侵則乘險出不測此又天豈之所致者也公於其所經行一木一石之委折無不密識之開轅門曰延見四方之士無旦暮皆得通謁無小太貴賤皆得曰輸其情厚薄往來曲盡其善是曰上下遠

邇如指諸掌兵如烈火玉石俱焚重賞之下首虜或濫
公則拳拳於被掠脅從之人而護之歸軍簿論功勢賄
交患一失其當眾心解焉公則屹然不移惟是用所
部歲當遷補擬注者常數百人皆當其任而無所私歲
用糧三十餘萬石而不徒費此皆古昔良將之能事而
公優爲之是曰能致勝而持久也初廣石之師老益曰
答刺罕之兵勇悍驍疾所至多克稍失其馭不無傷殘
則欲請於上立部伍定爵秩嚴法令明紀律曰當險要
之衝焉慶遠深入南山荒阻而延袤有罪亡命之徒潰
散未絕之寇日增月益萃爲淵藪又欲置官府連營於
其閒曰戍之使不得動作文書屢上朝廷必將信用之

爲無窮之利便者其在此矣予與公有一日之雅呂予
嘗忝國史也數錄其功多之曰呂相示集歷觀國初之
位置中間之因循今日之攻守使後來有所規隨故爲
作平糴記至正元年五月甲子前史官虞集記

題吳氏春暉堂記

道家之宮有曰會仙者在龍沙之上得兼而名之曰龍
沙會仙宮宮之道士吳剛德豫章人幼學道於西山復
其宮於旣燬宮有別室甚幽邃謂之白雲深處剛德喪
其父雲卿奉其母居之謂之春暉堂真定鄉貢進士范
淳旣爲之記而又求余言焉問之剛德其宮蓋與秋屏
閣爲鄰余聞曾南豐先生曰閣之下百步爲龍沙沙之

涯爲章水水之西涯橫出爲西山江西之勝處也江西之登臨無不見西山而閣獨得其正面焉閣之所見不止於西山凡龍沙漳水水涯之陸陵人家園林之屬於山者莫不見焉蓋再三往遊而樂之不忍去又欲奉其親曰居而欲親之樂其樂也後南豐兄弟皆爲大官南豐自倅越守齊守襄守洪守梧守剛守毫守滄皆天下勝處常奉母曰往來未必不至洪矣而獨眷眷於龍沙如此而卒不能使其親之常居於此而如其願也今剛德何修而能安其親於高堂曰久其親之樂乎曰南豐之不能得而剛德能得之此余之所深慨也則余於斯堂也能無寒泉之思乎吾聞學仙者煉氣曰養神煉神

曰養虛餘陰不存純陽粹明熙熙然其常春也無四時
之辨焉是故雨露既濡雪霜既降候衣燠涼視飲食寒
暖之節不無隨皆而變者矣使其親身安而心怡不知
歲月之久近非學仙者殆不得此剛德其有聞於其師
乎是爲記至正癸未九月乙亥雍虞集記

撫州臨汝書院復南湖記

臨川臨汝書院在郡城西二里許有滙澤曰南湖延廣
數百畝受西北諸源之水霖雨不溢旱乾可漚其流南
出多所灌溉而後與郡城眾流會焉蓋屬縣樂安崇仁
宜黃之水皆至於郡城之南與所謂臨水汝水俱合於
明江之水而東北行去郡城殊遠雖抑之趨近卒不可

得也城郭之間峯嶺輻輳地勢回薄自官府民居祠廟
閭巷因其高下無有虛曠風氣隘互疏通委折則渠溝
之流注而已矣是曰無曰宣其堙鬱去其壅底曰來爽
塏而至清通焉則南湖之納於郡人之休養生息蓋有
所係焉書院雖曰臨汝名實主於茲湖也考諸舊誌容
其進而莫之敢堙者舊已故宋天聖中修唐故事郡置
放生池皆守臣太常博士朱公正辭用詔書卽此湖爲
放生之地其說曰使魚鳥草木各遂其性曰祝人君千
萬壽云是曰有司謹治之盛觀善與民偕者也曾子固
諸人皆嘗賦焉非直道其遊觀之美而已也及乎宋晚
儒士之在庠序尙進士業而務爲祿仕學道之君子有

憂之是已常平使者都昌馮公去疾卽湖爲堂率學者
已從事乎爲己之學書堂祠朱文公而尊信服行其說
焉而茲湖也遂爲風雩詠歸之地郡人士耆艾童冠之
至於斯也相觀而善是已徽菴程君已考亭之學從郡
守部使者之請來爲之師遊其門而甚知名者故司徒
楚國程文憲公鉅夫故翰林學士吳文正公澄其人也
蓋書院始於淳佑戊申未三十年而內附國朝崇尚學
校建官立師士之效學於斯者無敢慢焉又數十年而
執事者弗虔浸爲旁近堙塹殖利鷺飛魚躍之高深淵
已汙萊之變易川泳雲飛之間適限已畦町之縱橫吏
民失及嘗之樂士子興茅塞之歎彼獨何心哉吾聞古

之爲田者方里而井井九百畝上有阡陌下有溝洫夫
豈不知千畝之土溝洫之浸皆可稼穡乎然而聖賢之
相承謹修其制而不敢盡者所曰爲天道地利之當然
而不可易不然何待於後之盡利者之輕廢者乎此又
君子之所當究心者矣是曰仕於斯者豈無慨然欲復
其舊乎蓋曰力有所不及者而已至正辛巳蜀人王君
堅孫來爲照磨覽其舊跡而歎焉愛蓮之名徒在而中
通外直者何見枕流之榜雖存而有源之活水何注語
諸其僚知事夾谷立曰告監郡倅貳請按圖籍之舊而
復之莫不稱善是皆山長張震盡力職事租入無弊廩
膳有常自禮殿講堂門廡齋舍久壞而弗修者悉致其

力而新完之士曰之久浸於人者理而復之方委曲之
勸曰承王君之志而幕老毫人趙君雷澤實來克合其
志按得其實卽備徒役具畚鍤除損壞完隄防沛然而
清流集淵然而止水淳生植爲之光輝飛動爲之欣悅
而郡將處州萬戶邢侯惟明始作漱石之亭曰爲之勸
而放生風雪枕流皆如其舊自始役至於成功朝夕程
督者錄事同達魯花赤和尚與震也旣而太守洛陽楊
公益始下車登斯堂也觀斯湖也顧而喜曰天將使吾
民沐浴聖化而蘇息其凋瘵乎春水方新秋潦旣盡予
得曰與文武吏士酌芳泉曰胥慶詠太平於無涯有不
在於斯者乎郡幕三君皆歷仕憲府而至是曰得皆措

之宜者曰予既老而僑於斯土也命震率其訓導虞登而曰其府公之命來求爲記蜀郡虞集記

撫州路重修東嶽廟記

古者諸侯祀其封內山川蓋其形體之載神氣之通有感應之道焉而方社之制牲幣之數品節之宜致敬盡禮曰行其秩祀不可加不可誣也今郡守受社稷人民之寄與封國無異也得祀其山川春祈秋報有水旱疵癘則禱之揆之有其義接之有其道神人之閒豈有閒哉撫州有東嶽之廟其來久矣邈乎南邦而泰山之雲蓋有瞻望而弗及者而精神流通何所不至則立廟貌薦腥血有其舉之莫敢廢也又從而新美之其出於憂

民之意乎夫天地一生物之心而已分四方而論之東則主生嶽也者地之高而山之尊者也推其盛而及之是曰有比乎廟舊記曰子城之東有高阜林木怪異嘗見人用弗寧廟始作焉曰勝之也古之聖王鑄鼎象物使民入山林不逢不若則此祠之立其亦可哉臨川之俗衢巷鬼神之祠與民居相雜大夫君子宜有曰大正之是曰存其可者曰示其不可者則亦可矣至正二年三月監郡曲薛捏同知郡事亦鄰真治中周德林判官張克明推官於公說李德芳曰嘗有事於廟而屋室圯壞於竭虔爲弗稱五月洛陽楊侯益來守是邦同寅協和郡曰無事於是郡經歷趙雷澤知事夾谷立照磨王

堅孫相與言曰人心之所向神明之所萃也斯廟也其有庇民之功乎民曰爲可曰庇己而有司弗加葺則非郡人之意也上謀於府公而府公從之下暴於閭里之民而民應之三君者各出月俸曰爲之先城居之有力者爭相施與屬邑之人聞之率其賦曰助郡錄事之長曰和尚居近於廟有幹材曰是役屬之出納必謹朝夕必勤材必美工必良末期月而告備上棟下宇故敝咸革丹青黯晦一變炳耀宵像之設猛威惠慈各當其狀禍福警動稽首畏服牲載醴幣遠近狎至其民曰爲爲政者之撫己如此噫幽明一理也禮樂具於此休咎徵於彼受斯民而牧之其可曰苟乎哉明年十月己未聖

天子見帝於郊升配太祖詔書宣布恩澤滂沛山川神
廟之祀居其一焉郡守曰下稽祀典具牲殺器皿冠服
執事屬吏咸在升降俯仰眾樂竝作迎休導和曰稱
詔千里之內耄倪感歎而言曰幸哉先事而廟成不然
其何曰答今日之盛哉昔和歲豐安土樂業仰事俯畜
奉公上之供上曰知帝力之我加次曰見官政之我惠
當與神廟之祀相爲無窮豈不盛哉予方東遊匡廬道
過郡趙君曰爲言至西山之麓又使人速之故爲之書
是歲之十二月三日也

趙氏義齋記

愚聞之君子之爲義也爲之自我者當如是則爲之盡

乎已而已矣無所與乎外也蓋其大原本乎秉彝之實
隨感而見其端焉知其爲義也則擴而充之而究極其
至豈曰假之而非有襲之曰爲名者哉是故察之於至
微辨之精而不爲客氣之雜也決之曰至健行之力而
不撓於外物之誘也曰之事天曰之事親其原同也曰
之事君曰之悌兄其分剛也行之於閨門而妻子化之
施之諸昆弟而家庭和之曰之治人而人無不通曰之
理物而物無不順如此者其爲義之極功乎其子子於
一事之末者譬諸潢汙不出於有原則不日而竭矣是
曰君子貴乎知本也毫之君子有居溧水之上者曰趙
君剛之榜其居曰義齋其齋居也攷諸義者固已詳且

密哉蓋聞明之夙喪其親也有三弟焉長者方齠齔幼者猶襁褓几所懷其幼而待其長望其壯而勸其成無所不用其至焉及其授室也其夫人經營有方率循無怠慈惠而習禮親戚善之君子美之既而分田與三弟三弟者辭不肯受涕泣而言曰微伯氏無已至今日何忍別蓄私有乎明之曰此先人之業也受而耕之曰奉公上之供曰長子老孫則先君之志也其勿辭三弟者固讓而不可得則各曰百畝爲伯氏壽明之曰吾亦不敢過爲虛文無已成吾弟辭讓之志別爲之儲曰待可也一家之間忠厚友弟之風有如此者不亦善夫歲凶明之出其餘已給不足飢者與之曰食病者捄之曰藥

殯者送之曰臧孤貧不能嫁娶者有曰助其成鬪爭不能平者喻之曰理而化年且五十曰行義稱臺府郡國累辟交薦一無所受詠詩讀書與良朋居善教其子至於能仕御史部使者用之方伯連率進之清愼剛敏有譽於世而剛之至於今欣欣然樂其壽康或曰此其行義之効云剛之子雷澤長幕府於臨川及門者曰予所聞而問之曰信則又曰義之爲義也大矣安得一言曰爲吾親悅之乃爲之言曰仁義禮知之爲德行之人倫日用之閒而已矣白道學不剛曰憂人之憂急人之急排難解紛忘己循物曰爲義者蓋不知此道也剛之自壯至老垂數十年其見諸家庭者如此豈曰外爲義

者乎今夫隱居曰行義闕之既得之矣推之曰及人使無一事之不合其宜無一物而不當其義則有待於後之人學曰優仕者乎

浩然樓記

臨川郡幕長趙君師舜爲其表兄周世珍伯仲求予記其所謂浩然樓者予久而未有曰爲言也而其請至於五六而不倦師舜於其中表弟兄思所曰激昂而發揮之其情不亦厚乎乃爲之言曰求之書傳得孟子之言浩然者二其一則將去齊而謂其歸志之言也其一則爲門弟子言言養其氣而至於浩然者也世珍兄弟方盛年未爲祿仕也未有遠遊也其不出於歸志必矣昔

其先君從宦於閩早歸乎鍾阜句曲之麓若識其先志則予嘗已書諸其墓矣今夫海內宴安金陵爲東南之勝才智之士懷藝抱器而待用焉則登高望遠俯仰今古論說形勢成敗之蹟人物臧否之異四方遊士爲之賓客浮大白曰迎長風發長歌曰送皓月而世之所謂浩然有如此者豈不去流俗千百十一哉然予觀子之樓有浩然之題而竊有慨於予衷者矣始予之壯也父名之師教之名之曰集而字之曰生蓋孟子之言曰是氣也是集義所生非義襲而取之也義也者萬事萬物之當而無有不善者也集之者辨於善惡義利之幾慎諸應事接物之際日出而作日入而息不敢有一眚之

閒也幼而學之壯而行之不敢有一事之失也於是退
自省焉酬酢萬變無有不中反求諸心無所虧欠故曰
非義襲而取之也及其久也庶幾所謂浩然者生焉嗟
夫僕之愚陋不敏奉遺訓於茲五十有餘年戰戰兢兢
而未有充乎父師之意是曰覩斯樓之名而重有慨焉
夫將有告於人不曰其素所尊信而親切者告之則於
予心有所未盡也或曰爲迂濶於事亦所不辭矣是爲
記

環碧樓記

古之爲民者士最貴次莫重於務農士君子竭力躬稼
曰奉其親則務農之事誦詩讀書曰修己而治人則士

之事舍此無所用其力焉此古人之道而後賢莫之能
違者今布衣韋帶而居者不足於奉養則文史之業或
有所不暇畎畝之外掇拾錙銖刻機智生息可曰饒
足而君子之行慊然此賢哲之所憂而近世之往往陷
溺者吾從女之夫周維翰獨不然謹禮義之大閑修愛
敬之恆節曰事其父母兄長曰育其妻子斯可謂之士
矣而屋廬之外皆田園池沼治生之具取給於是穀粟
絲枲飲食服用無妄費無巧取公上之供無缺鄰里之
好無閒所謂士之農者其庶幾乎至順庚午鄉里告飢
人不安其居維翰仰事俯畜靡有遺失濟飢賑乏樂施
不倦猶能稍存餘力成樓居曰奉親讀書名之曰環碧

求予爲記之久不暇執筆問其所曰命名則曰其樓據平曠之野四外奇峯秀嶺皆在几席而黃巖之水紆徐曲折十四五里環注樓之前後是曰名也乃予爲之言曰爲學治生之道貴精敏而不貴急迫尙寬衍而不取渙慢登斯樓也觀乎山水之勝可曰成其業焉近世搢紳先生有云二事不偏廢爲傳家之永圖其在此乎

虞文靖公道園全集卷三十二

歸田彙九

說

海樵說

幹君克莊謂余曰人樵於山我樵於海山有木樵則取之海無木而我樵之者俟於海濱有浮槎斷梗至乎吾前者取之不至乎吾前者吾漠然與之相忘也故自命曰海樵子素知我願申其說曰示乎人焉予乃爲之言曰自生民曰熟食爲養而樵之功爲大皆不可一日而缺者也易之象木與火爲鼎鼎者烹飪之器風自火出爲家人風亦木也有木曰傳火而爨炊焉則可聚人曰

爲家蓋言非木不可曰熟食非樵不可曰得木云耳木
出地而高升因山而漸進其生不可禦也故不勝用焉
其浮於澤者則爲舟舟則成器而不可毀者也木在山
下曰蠹二壤也取其材不可曰他用薪之可也下於澤
則過而見滅也海澤之大者也子欲於此而求一日不
可無之物於不可必得之地不幾於迂乎雖然請試言
之黍稷稻粱生乎田疇而農夫或不得於一食犀象珠
玉不生於中國而府藏充斥焉然則有者未必皆得無
者未必不可得也是故君子曰爲求之有道得之有命
無妄意於期必而任運於自然則樵於海庸何傷乎是
故已之所當得者已不可曰去之人不可曰奪之其不

可已得者竭其思慮盡其智力終不足已得之其有盡
心力而得之者亦得其所當得者而已君子知之是已
其心休休如也然而眾人得其所得足已給已而已君
子而得其得天下後世莫不賴焉天地生一豈之材已
足一豈之用生一豈之人已成天地之功豈未至而強
於有爲則扞格強勉而無已成其能豈至而不能有所
爲則負天地之託觖生民之望則亦何取於有得哉易
曰公用射隼於高墉之上其傳曰君子藏器於身已待
豈也子立乎浩蕩之虛茫洋之表不可必得者忽然而
得之將窮於爲薪而已乎大烹已養賢推之使天下皆
得其養孰非樵之事乎是爲海樵說

孟宗魯字說

昔周公封於魯周禮盡在焉同姓之國宗之見諸傳者
滕文公謂宗國魯先君是也仲尼生於魯其周遊於天
下而反魯刪詩定書繫周易作春秋天下學者宗之於
是伏羲神農黃帝堯舜禹湯文武之傳盡在於是然則
豈爲當皆同姓之國宗之天下蓋莫不宗之豈唯天下
學者宗之亘萬世之人莫不宗之噫天下萬世宗之而
莫能繼其宗韓子曰周公傳之孔子孔子傳之孟子其
言出於卓見而萬世不易者也蓋仲尼之學唯顏氏曾
氏得之顏氏先仲尼歿曾氏再傳而得孟子擬諸天子
諸侯之族而百世不遷之宗在是矣是故天下萬世皆

宗魯而承周公仲尼之宗者惟孟子足曰當之前進士
燮理溥化爲余言鄒人孟君道源魯公族孟孫之後孟
子之裔孫也其字曰宗魯年四十餘魁梧奇偉氣稟忠
梗不肯自安於流俗觀其置名立字之意所負蓋不苟
也爲求宗魯之說焉故予得曰陳其說如此然而所說
者孟氏所曰得周公仲尼之宗天下後世所曰仰瞻乎
魯而其宗者未及爲道源言也今請申言之孟氏之學
在於辨義利求放心集義養氣伊洛之承其宗者其言
具在方冊歸求而致其力焉則眞爲能宗魯者矣

平心說

吳澄叔盱之丹士也求書平心二字旣從而書之而又

求爲之說曰余所聞心之本體虛靈不昧無平無不平者其有待於平者血氣之知覺也然人能湛其氣之本使其發不得有所放軼縱肆曰安行其當然則平心亦可言也亦治身之要也陳太邱所謂平心率物亦謂平其氣耳醫家亦謂心不受病故無真心病其病者心包絡耳真心病則死矣此言良足曰相發明也澄叔有丹術請申問焉所謂方員徑寸混而相拘先天地生巍巍尊高者何所擬象乎所謂原本隱明內照形軀者何事乎所謂上下兩弦卯酉沐浴非平之謂乎

新喻蕭淮仲父字說

蕭淮取淮沂其父之父字仲父其從父適之求予爲之

說無曰爲說也然予比游嘗過江淮之間廣斥何啻千里海濱魚鹽之利足備國用汙澤之瀦衍陞之接採拾漁弋足曰爲食歲有漲淤之積無待於糞蓋沃土也而民力地利殊未盡漢曰來屯田之舊雖稍葺曰贍軍事其在民間者鹵莽甚矣麥苗之地一鋤而種之明年晴雨如期則狼戾可曰及眾不捍水勢則束手待斃散去而已其敝在於無溝洫曰皆蓄泄無隄防曰衛衝冒耕之不深耨之不易是曰北不如齊魯桑蠶之饒南不及吳楚秔稻之富非地之罪也予於是有感於取父之說焉子欲淮之觀乎淮之爲地而致其治之之功也蕭氏正肅公世家七八世二百餘年族姓相望文物不墜淮

也知所因藉如其爲地之廣厚矣居養之資如其產物
之博矣詩書文藝之學其溝洫也父兄師友之教其隄
防也至深耕易耨發斂曰皆則在子矣嘉穀之有秋皆
自父始是爲仲父說

劉瓊彥溫字說

太和劉彥溫名瓊溫王之德也故曰爲字而求予申其
義焉予昔年在京師聞極西之國有獻其玉於朝者使
玉工視之還報曰此眞玉也蘊之曰續火弗能焦浸之
寒泉冬不能冰則其眞也不然則石之侶而已矣君子
曰工之言奇而未知尙德之說也石之侶玉者不曰白
乎光芒之璀璨圭角之廉厲非所謂白也不曰堅乎頑

礪而不化琢磨無所施非所謂堅也詩曰溫其如玉溫也者豈非玉德之盛者乎是故曰之而禮神則爲圭爲璧爲琮爲琥爲璋爲瓚爲瑚璉爲鼎彝君子服之爲弁爲旒爲環爲珮其用莫貴焉其輕浮而虛躁則不足曰爲用硜殺而闔抑則不足曰爲聲是曰溫之爲貴也善學者取則焉動不敢有躁妄也言不敢有愆忽也氣不敢有忿暴也聲不敢礪激也退而自治其心如臨師保必有懲窒惟恐其放佚顛倒至於不火而熱不冰而寒則岌乎其危矣是曰溫之言其真玉也哉

鄧漢傑改漢淳字說

臨川吳先生曰鄧顯宗吏郡縣百十月遇事別可否重

然諾敏職而守法慎行而敬身卓然完美未嘗望一事之責自國朝設科取士已入官者或不自廉慎趨學世態名敗身辱萬一幸不敗君子之恥多矣是皆有愧於顯宗者也先生既歿予嘗識其書後曰勉之大人君子之相許如是子之來日方長仕途方開非十倍千倍加勉焉不可也然顯宗二字同漢明帝廟號自此至今有襲用之者殆不可曰爲名也且其字曰漢傑於君子歉然不自足之意不亦缺乎宜更曰宗顯字漢淳夫顯者光明盛大之極也內必有其實而後外有其光故曰篤實而光輝也先正司馬文正公其名從火從人而字曰實朱文公其名從喜從火而字曰晦先哲之所爲如此

其可不則而效之乎顏何人哉希之則是勿謂擬非其
倫後學者必効先覺之所爲固其務矣然則子欲子之
宗必顯乎鄧宗之顯莫顯於漢大司馬高密侯子之遠
祖宗家大人也史臣論其所曰致勳名若是其盛者本
於內行淳備淳有厚而不雜之義焉備有周而無缺之
義焉而該之曰內行者蓋當反而內求無所事乎外者
臨川先生許之也重則教之也深必於宗家之學致力
於內行澆風薄俗將爲之移天之報之者豈特爵祿之
顯而已哉曰淳得顯其理灼然無疑矣宗顯舊名在仕
牒選補之日曰是言諸官府而更之若曰淳之字爲可
朋友自此祝而勸之可也

趙孟昌曰順字說

浚儀趙孟昌曰順其父命其名與字久矣他日請爲之說焉順德者昌其有取於三老董公之言乎吾聞順其德也昌其効也德進則效斯進矣乃爲說順之義云順也者子道也傳曰不順乎親不可曰爲子而順之爲道非直阿徇曲從之謂也順乎理而無違斯可曰爲順已故又曰順乎親有道反諸身不誠不順乎親矣誠實也無妄也人之所曰事天者此也子之所曰事親者此也是故不順乎理者皆妄也所謂理者何也仁義禮智之所曰爲德君臣父子夫婦長幼朋友之所曰爲倫者也不聞良師友之言則無曰開其端而啟其識不得於聖

經賢傳之旨則無曰致其力而造其成是故明乎理而無敢違之無敢違之者所曰爲順也無違則無妄矣無違無妄則德之所致安有不昌大者乎記禮者曰嚴威儼恪非所曰事親先儒謂有諍者雖所執皆是猶爲不順此又所曰行乎順之節也其要在於順乎理則無所不順矣曰者能左右之謂也夫如是故可謂之曰順於今清門可不務乎

趙孟誠曰信字說

浚儀趙孟誠曰信其父亦名而字之久矣他日亦求其字之說焉誠難言也而信亦未易言也周子曰誠五常之本而信則五常之一焉夫誠者惟天惟聖人能盡之

詩曰維天之命於穆不已於乎不顯文王之德之純天
與聖人之所曰爲誠者如此然而一言有一言之誠一
事有一事之誠學者可曰致力焉子思孟子之相傳曰
誠之曰思誠皆人之所曰希乎天也古之爲學者學此
而已而世之不講者多矣而嫺親之閒有曰此命其子
者予安得不爲略言之乎夫信也者先儒曰忠實粹之
傳所謂主忠信所謂言忠信皆求誠之之方也孟子所
謂有諸已之謂信而漆雕開之答孔子曰吾斯之未能
信此皆學者用力於此而反求諸已而有曰知其至不
至者也是故誠難言也而知曰信者其亦善學者乎昔
先正君子有教其門人曰誠者學者請曰誠自何入曰

自不妄語入此雖未爲論誠之究極而不妄語則曰信之一端也曰信之道自不妄語推之察之於方動之機謹之曰行事之際而一一皆求其所謂不妄者焉則庶幾矣

易晉用昭說

易晉字用昭蓋取周易晉傳之辭所謂自昭明德者也其父景原甫求子爲之說予嘗聞之心之本體虛靈不昧未有不明者也然而人品不齊則其爲明者不無大小通塞之異矣明睿所照者聖賢之所謂通而大者也考索而知者眾人之所曰塞而小也故善爲學者求爲通者大者而不願爲塞者小者庶乎其本然之明無有

不盡者矣是故能盡其明者然後能用其明不能盡其明者則不能用其明矣其善用者出於大公至正則謂之明所已用之者如天地之大日月之照矣不善用者用之於私意小智則其所用者察察耳非明也譬諸舉管曰窺天鑿牖曰爲室其爲用也亦狹矣況乎察之愈失而明愈背者乎是故欲知夫此者學而辨之可也試嘗卽其知覺之動而求之夫性命之正者擴而充之則聖賢之明可得而用矣其出於形氣之私者則克而治之然後無所事乎考索而所謂私意小智者亦不復行乎其閒矣且晉之爲象日之出乎地上而用乎明之皆也亦知夫有不用其明之皆乎不用其明者日在地中

之皆也非無明也不用其明也必有靜也而後有曰啟其動必有晦也而後可曰生其明晉也果欲用其昭乎勿表暴勿浮躁勿淺露沈潛乎不睹不聞之地謹畏乎闇室屋漏之中有曰存養之久篤實之至自此而用其明明何可禦哉雖然難矣未易言也未易能也予姑誦所聞有志於昭昭者試曰此求之

易至善字說

至善者極粹精純美曰爲言者也維天之命人受曰生有不可曰名物而擬諸形容則贊而稱之謂之至善其言止於至善者如曰人而能盡天之道則極其至而無所尚之者也斯善也非與惡對待而分別其是非大小

消長進退而有福祥殃禍之徵也學聖賢者其自治也
至乎此而盡其極施諸凡民者其治之也亦必至乎此
而盡其極曰學聖賢者而視凡民則不一矣然而皆欲
其止於至善者其原諸天者一本得諸已者均有是曰
必可同至乎極而無疑也易景原幼子元名剛德而字
之曰至善後改名升而字弗改景原求至善之說焉或
曰曰至善字其幼子不曰泰乎噫學聖賢者猶曰此而
望諸凡民爲人父者豈可不曰此而望諸其子乎雖然
無孔子之教則已之德不知所曰剛無堯舜之治則民
之德不可得而新求所曰剛之新之者且不可得何曰
期於至善乎曾子所傳之經千五百年而程子表之曰

授學者朱子歷傳師說折衷補正定錄曰爲成言家傳
而人誦之矣況吾鄉大儒搢紳先生發揮尤切其去世
未遠緒言之存有可質問而從事焉愚不敢曰一言槩
之也

黃勉子勛說

疊疊懋二勛釗茂紹勛勉爾雅曰皆勉之義也子勛名
勉字勛其義固同矣懋哉懋哉皋陶之所曰勸禹者在
禹必有所勉之事疊二文王文王之所曰疊二者亦必
有文王之事矣在大聖人無待於勉而猶有懋懋疊疊
之功而況於學者乎然而爲禹與文學者頌詩讀書而
有已知其心之所存道之所傳則亦有用力之地乎子

勛之冠而字也數年矣得於父兄之所屬者至矣集何
曰爲子勛言哉子勛用志不雜修學不輟真有勉勉之
意焉蓋勛與勉之爲言皆用力加進不曰已得爲足而
畫於所至之地而已是故必有其事而後勉有所施語
曰百工居肆曰成其事君子學曰致其道彼梓匠輪輿
陶冶追琢居其業曰致其精久其藝曰造於成非勉不
能也君子之所曰勉者其在於學乎勉於學致於道之
謂也先王之豈道德一而風俗同師之所傳弟子不敢
易曰忽之也古之所授後人不敢輕曰變之也周道旣
衰異端竝起孔子出而易詩書之教行至於子思已有
失傳之憂是曰著爲成書傳之後世所謂建諸三王而

不悖質諸鬼神而無疑者也異端竝起高妙宏遠專門
訓詁之士不足曰勝之於是其閒聰明近道之質非不
知勉勉曰爲功而所勉者不必出於天理民彝之實久
假不歸遂終其身而自曰爲得之者多矣亦可哀哉濂
洛諸儒出而先聖之絕學興於是子思子所憂者遂有
所託而生民之類始知有所宗而自反於天之所與也
然傳其說者未久君子已歎其或悖於師蓋其知或過
之弊也於是後賢辭而闢之廓如也學者由是而勉之
尙何他求乎然後知子勛之父兄師友誠有曰命之矣
大抵學者欲勉而中輟者始不能真信聖賢之言而易
爲他說之動搖或執於一偏之固而內無所自得之實

或迷於歧路而不識其差或久無所發明而終於自棄
是曰無曰盡其勉之道也歟先賢之立言蓋出其已成
之學審而後言者也篤信力行必當無差而有得矣或
行有不得則反身而求之必未有不通者然後其所勉
必如射之中的車之合轍任重道遠其在於茲乎子助
姓黃氏家臨川云蜀郡虞集書



答方仲約論春秋書

新春得歲晚所惠書審履候清勝深用欣懌集兄每歸
必誦閣下所曰爲教者精神振躍自謂得之麟經之學
遂爾西行甚感甚喜但論及學春秋之說倡專主進取

而不及窮經爲己之意區區未之敢知也春秋聖人手
筆所謂性命之書彼泥胡傳曰爲能舍四傳曰爲高者
此其人且不知學烏取曰語春秋邪朝廷設科取士正
求實學今徒曰施平日之談論固已非所謂經學及用
之場屋又別爲一說不亦末之又末者乎科舉定制雖
嘗舉四傳之曰然有真學者卽所出題據四傳之言辨
其是非與聖人之意合與不合曰已所得而折衷之曰
見其所學豈非陋有司願得復於上者哉大抵區區之
意切先要知聖人旨意得其說者可曰措諸行事而無
疑應舉之豈直曰所學言之有司識不識科舉得不得
則付之義命庶不愧春秋之萬一也託斯文之契甚深

又辱下問不覺拙直唯故人念之更有以見教焉

答張率性書

集今年三月始得去秋陳貳憲令嗣轉致許益之先生門人所撰行狀及其孤所致幣猥以集嘗執筆國史擬諸史遷使有所序述世之曰功名自任者易爲言而德性道學之淵微有非文史卜祝者之所能知也僕與許先生年相若而僕早忝薄祿不能如許先生山林之曰長曾無一日之雅徒想像其風致其起敬至其門人頗見一二問其授受之要多所未解及求所著之書但略見其詩集傳名物鈔而愚陋又不足曰盡知其爲學之所至也是曰逡巡久之欲答諸賢之書而不知其真無

目達鄙見敢與率性言之昔子程子沒叔子爲行狀張子沒呂與叔爲行狀表伯子之墓者文潞公表張子之墓者呂門下也是皆大臣一言目定國是非常人之詞而呂公之言曰不敢讓夫知則不敢讓也知有所未盡安得不讓乎朱子作延平先生行狀而延平墓銘未聞黃直卿李方子作朱子行狀年譜而朱子之墓銘未見豈非門人之言足已盡其師之道可傳信於後世而無待於他人之言乎今益之之事既見於諸門人之所序述何取於不知之瞽史也已此觀之諸名公知先生而舉之者甚眾安知無文呂其人之可求而僕非其人也禮幣二敢因率性復之而行狀所述多所未諭數月之

閒嘗與友生門人細讀而詳閱終莫得其統緒之會歸
曰觀其成德之始終輒亦別錄而疏其下未敢卽達或
諸賢不吝賜教當縷陳曰請則雖不作銘亦可辨爲學
之體要矣舊歲作臨川先生行狀一通輒此寄上狀中
言有四書叢說固略無所聞而所足成金先生之書亦
未嘗見又聞柳道傳太常已爲許先生所得文字刻本
已傳如集老病山林亦莫克見因率性得一見之甚慰
師道立則善人多許先生何可得哉嚮風不勝感慨相
望千里彼此得已考德問業固所願也

答劉桂隱

伏承遠賜手書陳古今文學之原委千百作如指諸掌

此足目見足下不目鄉里古今而爲界阻博觀乎天地
宇宙之間知其有不可泯者可謂知言者之爲言也然
引論過當非集所敢當惟有惶恐足下目英偉之氣不
肯小出目徇世好卓然如靈光之在魯風雲變遷而三
光不爲之蔽虧潢污載道而大陸不爲之昏墊霜降水
涸而松柏後凋沙礫汰除而黃金獨耀至若集也早持
不足之資目應世退而益目衰老求如公目伏生之年
教授齊魯不輟何敢望其萬一哉所賜之書驟而讀之
如雷雨滿盈千源竝合大江安流不見涯涘萬斛之舟
寶藏充溢旌旌載前簫鼓在後賓客就列雅歌投壺波
浪魚龍百態異狀形勝古迹過目如電不暇應接是故

古文上
三
咕嗶之小子迷瞽之有司固無足知之蓋不足怪也高
文典策俾弁末說不亦難乎姑述誤聞曰達於大方家
之側多見其不知量矣知之罪之一惟所今令嗣純厚
不隨流俗怙然已隱居奉親爲樂蓋今世之所難得者
集目疾之外尙無他故或得一執手於清江之上豈不
幸甚當暑治答不能詳好伏惟鑒原不宣集再拜

銘

虛白齋銘

爲陳玉林作

於穆聖元有嘉玉林曰若積雪日華照臨六合無外旣
清旣廓氣容明新庶物咸則羽衣有儀燕居穆清迺取
虛白肇錫嘉名沅景太虛接軌貞白先生之稱世豈多

得天垂休光賁於邱園寶我穀神守我幽元冥升在上
日月于邁顧懷下土福祿攸介式詹艸木我行戶庭風
雲裴徊霄露載零齋居孔明夙夜敬止曰祈繁釐曰報
天子冲而不盈涅而不緇上帝臨女永勛遐思

方牀銘

有注

後至元庚辰九月二日芝亭老人作方牀於居

室爲之銘曰

晝安曰恭夕斂曰息儼然若思順應無迹崕峒有人善
修其身千二百歲不衰而神

几銘

方牀前几因式致敬俯毋傲視仰毋傾聽必精必明必

安必定敢曰耄老弗慎中正

先君視銘

有注

硯先君所常用者既亡而復得銘其陰曰小子孫蓋距先君之去世二十有九年矣

端而溫謙彌尊思德容如生存

贊

趙子昂畫陶淵明像贊

田園歸來涼風吹衣窈窕崎嶇遐蹤遠微帝鄉莫期乘化已歸哲人之思千載不違

劉原父遺像贊

博學洽聞雅言通史經殘禮缺折衷補擬百鍊懸鑒照

物不遺末世寡陋肅瞻遐思

劉貢父遺像贊

兄弟竝興博雅冠代著書滿家精覈之最守道自如不局曲迂精神所存天祿石渠

先郡公遺象贊

並序

至正辛巳九月九日集理故書得先君郡公遺像於嘗棄諸孤三十有三年矣逮事者咸曰甚似再拜瞻對繼曰泣血敢述前德以示子孫其詞曰

孝弟之誠仁義之學傳宗世家踐迹先覺歷患難而心常定處貧約而氣愈充不與物忤而人自化不與嘗競而道彌崇遺我子孫者實行之積沒世不忘者盛德之

容恂二與二知者實稀常與人俱孰同其歸

邵庵老人畫象自贊

世家岷山之陽生身衡岳之舍詠聖神之遺言攀仙真之逸駕白雲晴空春風秀野瑤素仙毫不可揮寫聊采靈芝曰寄遠者

孝女贊

有序

金溪縣因金溪廠而名之也唐時有銀鑛發其地作廠曰治之寶厯乙巳銀絕而廠廢宋開寶初始置縣時不產銀久矣而有司不敢失其貢迫諸民取之有葛祐者官強之蒞治事銀既無所從出傾其家不克充數吏驅祐家取土石襍烹之本無所得縛祐榜掠不勝其苦祐

無子有二女且長不忍見其父困憊因皆自投冶中死
縣令黃公上其事撫州刺史奏除之里人哀二女孝烈
又感去其害也神而祠之本朝至元中郡守張國紀用
獻利者言起金銀冶屬縣至今病之獨金溪曰二女事
聞得免大憲庚子縣丞吳瑾作新祠于沙阜延祐戊午
縣令李有又新作之民間歲時祠祀維謹有詔祠在祀
典者則有司長吏行禮焉元統甲戌四月朔邑士危素
請太史虞集爲之贊其詞曰
寶藏之興豈爲厲階叔世盡利民生羅乖二女哀其所
天力不能揅投身毒烟身盡義著苛政亦息民曰永寧
無愧血食

元帝畫像贊 有序

元帝像吳興趙子昂寫其夢中所見者而上清羽士方
壺子之所臨也囑青城山樵者虞集爲之贊其詞曰
吳興趙公前代公族神明氣清靜處貞獨迺夢天人被
髮跣足女衣寶劍坐臨崖谷再拜稽首仰視退伏念昔
敬事存思莊肅晉階接對光耀心目如聞教言知子誠
篤若善繪事追步顧陸凡吾真儀子善記錄審而傳之
下土瞻矚傍有介士玉版金籙曰帝告女錫爾榮祿冉
二而升夢亦遂覺明月在戶香光滿屋取燭急寫神運
掌握毫分無爽三十其幅丹青旣成齋戒韞匱有當受
授先事穆卜而其祕夢初不已告晚有相司泄其元躅

人始得傳錦標鈿軸方壺仙人潔呂薰沐臨池擬容識
呂元玉有得之者昭事無瀆上帝臨女孔降百福

辛微先生畫象贊

湛乎澄之而愈清昭乎執之而有象我自和呂天倪人
迺見其神王納湖山於几席運風雷於指掌酌沆瀣呂
濯鼎御氣機之來往此所呂深潛九淵之深名應少微
之上居與稚川相望壽與廣成相長也

子昂書忠孝二表贊

有序

漢丞相諸葛武侯呂建興五年出師伐魏後一
千一百十又九年吳興文敏趙公所書又後三
十九年臨川饒龍得之其太守洛陽楊侯審定

呂爲子昂真蹟雍虞集爲之贊

維昔武侯拜表出師追感先帝蹇蹇正辭君子小人興
衰之辨凡厥有邦可呂觀善代有儒臣進思盡忠爰致
筆諫寫施屏風考文取藝集思廣益游藝之美傳世無
斃

蜀李密字令伯晉武帝徵爲太子洗馬密辭職
所上表大惠九年吳興文敏趙公所書至正三
年臨川饒龍得之其太守洛陽楊侯友直審定
呂爲子昂真蹟雍虞集爲之贊其詞曰

侃二郎署蜀漢遺臣報惠王母誓畢厥身新服有邦求
我遐僻懇二陳情呂謝徵辟誠篤之言義命攸當教孝

教忠百世同尚墨妙筆精重書其辭載誦載詹實勞我
思

道園全集卷三十二

[illegible]

虞文靖公道園全集卷三十三

歸田藁十

題跋

跋劉資深墨莊後

清江劉氏墨莊之說具在方策著乎當世傳之後世學士大夫喜稱道之及新安朱子爲靜春氏作墨莊記始有曰啟學問之大原曰達其則望之先志臨川吳子爲公非氏之八世孫自得兄弟作墨莊後記曰農噓士因田之有上中下曰噓學之品級曰終朱子之言焉其所曰爲墨莊者富矣而自得又欲集識其後集復何所言哉然得王良爲之御而車弗駕也終不能曰適遠扁鵲

爲之醫而藥弗飲焉終不足已已疾先世之言二公之
記紬繹而服力行焉可也請因田而申言之墨莊之興
至於今三百年不待代易而耕矣高曾至於雲仍世守
之知夫地利之宜熟矣浚之曰忠厚之源潤之曰詩書
之澤其歲有所獲者匪今斯今矣二公猶田官然示之
曰耒耜之利者朱子之言也別之曰嘉穀稊稗之分者
吳子之言也善爲田者將爲嘉穀乎將爲稊稗乎勉於
耒耜之利乎將不勉乎吾知其子孫之從事於斯莊也
蓄焉播焉其有穫也必矣必也如二公之說得嘉穀而
種之則其爲實可已衣被生民非止一身一家之利而
已

題吳先生真樂堂記後

樂發於情者也有中節不中節之分而無真僞之辨蓋雖不中節之樂亦由其情之所感自曰爲樂而不待於僞爲也惟君子曰理命氣則其樂也無妄乃可謂之真矣讀吳先生爲劉天爵作真樂堂記慨先生之不見感其言之如新故書其後而歸諸天爵云

跋艾聖傳三絕碑後

集歸耕臨川山中道至城府問故家舊族於郡人聞艾氏最久遠願見其子孫而徵世德旦日道孫來謁見故宋郡守徐公霖所題如松甫墓銘後已著其五世矣天祿已已故翰林學士吳公所題則八世九世矣何其盛

哉。明日往謝之道。孫曰：集升其所謂中和之堂，見其五子十孫，一曾孫皆循。二有禮度，其居中郡前覽夷遠後。據崇岡，在昔季宋顯官貴人邸第相望，今無存者。而艾氏之居，則曾子宣故宅也。郡人推曰：爲最勝處。曰：嘗考之紹興艾氏曰：舉鄉貢在此，則在子宣蓋無幾。嘗也。道孫又言：昔東偏樓藏書萬卷，內附後多遺失，而子孫不敢忘學也。嗚呼！此又善保其世德者乎。鄙薄之夫驟起，倏仆者，觀乎此亦有所感發已夫。

跋程文憲公遺墨詩集

楚國文憲公早年曰：功臣子入見，卽受世祖皇帝知遇。歷踐文字風憲清要之任，嘗遊廟堂，裨贊國論，起家東

南者未能或之先也故宋之將亡士習卑陋呂峯文相
尙病其陳腐則曰奇險相高江西尤甚識者病之初內
附峯公之在朝曰平易正大振文風作士氣變險怪爲
青天白日之舒徐易腐爛爲名山大川之浩蕩今代古
文之盛實自公倡之公旣去世而使吾黨小子得曰淺
學末技濫奏於承乏之餘殆不勝其媿也歸來山中猶
未得盡見其家集公孫之來尉崇仁也乃得公持節武
昌峯行部近縣親書五十日所爲詩八十九首伏而讀
之至於再三不忍去手見其冲淡悠遠平易近人古先
作者之風其可及哉而公之爲政不大聲色曰爲厲而
嚴重崇高隱然泰山巖巖之勢又豈硜硜二者之所

爲哉相望纔三四年而風聲氣習邈乎遼絕敦厚之風猶可繼邪敬書其後而歸之

書范左司事後

按胡公之貶在紹興十八年范公之請祠相去豈不遠其父猶在至二十二年則范公丁父憂蓋不獨爲其母卧身許人也其行述秦檜有舜文但領取侍從去何用多言之語而行述乃書除兼給事中兼權樞密副使則是旣已從官登二府矣檜何曰有此言也皆文臣少除樞密副使又不知左司便可兼給事中否檢正稱三省亦所未曉揭公史官也必有所考集未之知也

題榦羅氏世譜

集嘗待罪宁廷勳臣諸侯王世家未嘗不得覽焉順德
忠獻王社稷大臣勳業尤著又嘗親見而執筆記載其
事其族系則未之知也其族孫燮理普化舉進士高科
有斯文之好其仕於江右始得見其世譜如此古者眾
建諸侯各有其國傳之子孫則有大小宗曰聯絡其族
有采地曰食之疏弱者蓋鮮矣忠獻曰王爵食順德實
未始去朝廷父子相繼出鎮中外倚重未嘗就國而卽
安是曰一從之孫已有困乏之歎然而物不能兩大譬
之木然本固而封厚者其枝之暢達或在於彼或在於
此豈有常乎國家興王之初曰幾略著功及夫危難之
間身任社稷之寄承平之餘天下無事則曰文學政事

顯著而繼之固其宜哉

跋雙井黃氏家譜後

豫章黃氏白金華來其族分居豐城之沅岡分寧之雙井雙井之子孫眾多又分居筠之上高宜春之萬載萬載之族有太史文節公之從昆弟戶部郎中諱叔豹氏之七世孫曰德榮者持其譜相示集受而觀之見其終宋之世登進士第者相望殆數十人衣冠文獻歷歷可數求諸郡乘莫或過之集嘗見太史公家書言馬鞍山事曰冲和後在此一支蓋古之君子槩觀其本初則一人之身所分也是曰宗族之間有盛大者不啻已有之忠厚之至也而豫章集中諸父昆弟子孫名字行業多

可考見而太史公之孝友清節百世之士也其能保族
於久遠也宜哉德榮思先世之盛而不敢輕其身惟其
所在曰奉承其詩書之澤江海之流始於涓二松柏千
仞起於毫末德榮其母自卑而慎之哉

跋曹氏通濟倉記後

前代士大夫忠信而篤實於己之所當爲分之所得爲
力之所可爲知之所及無不盡其心焉非必有所爲而
爲之者也仕有世祿民有積業曰其有餘分諸親戚鄰
里之不及亦天理人心之常而仁人君子之事也蓋自
分田制祿之法久不如古大夫士之家農工商隸兼井
無遺而私財不均始相懸絕於是君子又因皆宜而推

其惻隱之心曰行均齊之道曰救一省之急如朱文公
社倉之類是已臨川之宜黃曹工部家簪纓華宙鄉里
稱之縉紳道之二百年來門戶弗墜故翰林學士吳公
序其家世甚詳亦可曰傳信矣又從其家外孫李本得
見其出粟米濟鄉里之實事舉族同心慮事周悉蓋有
前所謂無所爲而爲之者不見其有要譽於鄉黨鄰里
之意慨思前代之君子其不可及也如此夫或曰子孫
之繇遠始食其報理則固然而非君子之所計也已近
省偶有水旱之變朝廷不愛一官之冗曰勸分於富室
或者又有虛濫曰爲欺速報曰自衒吾儕小人朝不謀
夕將無過於淺乎

跋曾氏世譜後

南豐曾氏之族其在金谿者曰故宋南安守仕於國朝
煥福建閩海提刑按察司事曰奉議大夫致仕諱冲子
之孫元默命其子衍曰南豐金谿曾氏世譜示集受而
讀之作而歎曰善夫文昭公元豐七年所爲族譜敘也
文昭之言曰家傳舊世系曰爲溫彥博高士廉所換而
有不敢信者經唐末五代之亂又有不可考者白其身
追尋先氏之遺至其鄉石記鍾銘之屬得其六世之名
諱猶有不能盡知者蓋慎之至也曾氏一門若文定文
肅文昭一皆文獻之懿度越今古文肅貴爲丞相白可
曰見其源本之深固而足曰知其流裔長久盛大矣世

之人曾不知古人之意妄引名族賢者而自附焉覲曰
自表而不知誣祖之罪其爲不孝甚大而其官爵年代
參錯舛誤徒貽識者之笑歎是故若文昭之志其族譜
所曰爲君子之道而後世之所當師法者也且夫子孫
旣多支分派別而服盡而親盡而譜有不能及者遂至
如塗之人士大夫家著譜者嘗病之而文肅公之言又
曰後之續此書者世緒旣遠竝載則不勝書彼此各書
則可曰互見此良法也此小宗附於大宗之微意也士
大夫家作譜者之所當知者也曾氏自南豐而金谿三
百年閒人文竝著譜無遺闕而按察公兄弟三人在故
宋皆竝踐華要推恩先世至於師保南豐三君子曰來

金谿又其一族也集嘗觀於臨川之乘白宋初有黃門
樂侍郎晏元獻公王荊公之家樂之子孫尙多晏亦有
之而王氏之後分居金陵其後人特少南城旣自爲郡
南豐又別爲州其居金谿者復爲臨川之大族何其盛
哉集嘗待罪國史歷觀國家貴戚勳臣世系承詔撰經
世大典必移文其家按其文字石刻與簡冊不謬又詢
其子孫至於故老而後謹書之正恐他日有溫高之致
疑於後世乃若前朝之故家遺族僅存於今世者集亦
嘗得見其人見其譜而讀之其不勝感慨者多矣若曾
氏者其可感也夫其可敬也夫

跋劉墨莊世譜後

故宋臨川世家莫如樂侍郎晏王二丞相家最貴重南
渡後如橘園李侍郎青田陸先生及崇仁羅春伯樞密
月湖何同叔尙書梅亭李公父中書皆著姓而有道德
行藝文學政事卓二有述者及他郎官卿監曰下尙多
有之內附國朝將七十年喬木故家或著或微其譜或
存或否要必有賢者出而後有曰亢其宗而興之也其
自外來寓者則有同本韓氏子孫近得見譜於郡城俯
仰今昔伊可懷也墨莊劉氏自清江來金谿遂爲其邑
之望諸孫叔熙能已垂三百年之家世及其文學交遊
之懿輯爲三巨編何其備哉噫詩書清門有能世其學
者則可曰有譽於天下而貽永於後世矣

題先丞相寨屋親帖

右先丞相雍國忠肅公五月十日寨屋劄子真蹟當是故宋乾道七年在相位嘗與洪公遵之書也按家傳是年五月丁亥後殿進呈文字上曰洪遵近日職事甚留意公奏云遵言建康寨屋間有木植小者若欲覆瓦須當抽換臣昨因問李澤乃知蕪湖當塗兩寨木植甚小不能勝瓦此皆太平管下縣也故遵曰爲言上曰遵朴實不欺如此適有中使自海上還言馬司人至新寨無不歡喜皆云官家愛惜士卒他日調發止過一水便可接戰免得臨岑道途之勞公奏士卒卻知陛下聖意朝臣喜爲紛二之論者聞此能無愧乎上曰然劄子中有

紛紛之說正與此同故知此帖與洪公無疑丁亥正其
皆也阜陵無一念不在復其先業丞相左右之雖微細
處畫內外之志相通如此尺素流傳人間而家乘所載
與合誠之不可揜如此夫後百六十九年豫章甘璋伯
昂曰其家藏此帖示集集謹考其事而書之曾孫集謹
書

跋朱文公先生與黃商伯書後

按此書當是先生守漳州嘗與南康黃君灝之書也淳
熙十七年庚戌四月先生至漳州所謂至前申省自劾
未回者當是去年十一月改知漳州之初文字也十月
地震并曰足疾不能赴錫宴自劾求去又明年始去州

商伯與先生論學如陰陽五行仁義禮智物格知至心
忤等書具見先生所答書先生嘗有書與商伯云所論
讀書之說真無欲之說皆平正精切非一槩悠悠之論
且年亦過中而更閱世故又已多矣乃能切切用力於
此愈於年少新學之爲者是可尙已學者凋喪古道濶
絕所謂平正精切之學歷練世變而用力尤切者讀之
竦然至元五年三月後學虞集題於臨川城中僧舍

跋吳先生新登譙樓詩後

至順壬申十有一月郡新作譙樓部使者郡監若守請
先生觀焉先是先生曰第三子京教授郡學來就養焉
登樓後賦此遂出城竟歸其鄉焉嗚呼先生此詩之作

至於此有不得而自已者矣昔者曾子著大學之書言修己治人之道而中庸之書則子思子憂道學之失其傳而作者也後千有餘年程子曰周公歿聖人之道不行孟子死聖人之學不傳道不行百世無善治學不傳千載無真儒嗚呼此豈有幾微背謬疑惑於其閒者乎陸先生王丞相寥乎天地之閒氣卓乎千載之豪傑殆非臨川山水所得而私者也然而臨川有如是之父兄君子也豈他郡之所可望哉吳先生微疚之言蓋有慨於先哲之所深憂者矣明年六月先生卒嗚呼此集之所謂至於此而不得自已於言者乎先生之門人袁鵬善求集書此因識其後云至元己卯七月既望虞集書

重書黃子盅澄波堂記後

君子之所曰大過於常人者曰其有量也所謂量者容納萬事而不曰爲雜酬酢萬變而不曰爲勞世不見知而不爲之愠皆見用而不爲之喜富貴利達貧賤憂戚無一足曰動其心而區一簞食豆羹蜂蠆之螫破釜之失而愀焉曰動執焉而不化者又豈足曰語此哉是故斗升釜鍾之分瓶甌甕盎之盛一受形而不可易器之拘也而人也稟天地之粹精而最靈豈無擴充之道哉是曰昔之言量者喻之曰江海而不足必準之曰天地焉嗟夫常人而望賢人賢人而望聖人豈易至哉然而其得於天者無不同也而心之限量虛囿廣大亦無不

同也則君子之所自進也蓋必有其道矣故又有言曰
識進則量進量之狹劣由識之不明也識不明而謂之
量者漠然於事物之應無町畦無畔岸而已矣是故又
有言曰考索而得之者多窒明睿所照則廓然而大公
明睿所照識之至也是曰求諸聖賢之遺言涵養省察
而自靖焉有曰擴其心之所之則庶幾矣宜春黃氏之
先曰澄波名其堂余嘗爲記之其子盡子中自其少嘗
受學於臨川先生之門蓋有聞焉於是又欲余廣澄波
之義故爲之言如此乃作而歎曰昔漢東都世運否塞
大往小來陽微陰盛大夫君子不勝其忿起而救之名
節相先九死而不悔介特而嚴固猶懼小人之不勝也

而叔度獨有汪汪之量爲世所咨歎至曰顏子曰之黨
豈諸賢信之不曰爲過後之論者傳之不曰爲非而略
無一事之迹可曰推見於史冊其爲人也何其高遠深
微也哉昔者顏子簞食豆羹不給於陋巷而夫子語曰
四代禮樂孟子曰禹稷顏回同道此豈曰其迹而論者
乎惜夫叔度之生也後不得見夫子而親炙之曰就其
所至而論定於孔子焉嗟夫子謂回也終日不違如愚
退而省其私亦足曰發回也不愚觀乎叔度澄不清而
澗不濁也誠有如愚之容焉然而顏子之所發當豈同
門之士固有未盡知之者況於千載之下吾黨小子乎
由此觀之叔度之所曰爲量其有所不可知也夫其有

所不可及也夫而其可知者孔子之於顏子始終曰好學歸之學者學爲聖人者也周子曰學顏子之學過則聖及則賢不及亦不失於令名子盡曰所聞於臨川者而盡心焉澄波在其中矣

書先世手澤後

崇仁陳氏所藏我先大父知郡開國尙書郡侯手書九幅其一與主簿公其八與主簿之子校勘公先君國史參政郡公手書三幅皆與校勘公者也校勘公之子德仁命其子宗番裝爲一卷而命集識之集謹考家乘故宋嘉熙己亥之歲我祖姑歸於陳氏爲安撫公之夫人有二子湖南節推同祖江西運屬懷祖也而主簿公則

安撫公之親弟也夫人曰歸陳之明年曰郊恩封安人
淳祐二年壬寅曰漁墅陞正郎封宜人九年己酉安撫
公沒寶祐四年丙辰尚書公解永州郡組將適臨安道
過臨安宜人率其二子迎伯舅至崇仁因得項氏故居
於邑南門之外畱居焉而吾家之居崇仁自此始尚書
公居此二年有沿海制參之命適行都景定元年庚申
國朝大兵臨鄂渚江南震懼世祖皇帝入登大位兵還
江上稍安是歲尚書公曰官來崇仁十月宜人曰疾終
而運屬先一年歿矣明年尚書適行都又明年癸亥有
邕州之命歲甲子咸淳改元之連山道過崇仁小畱於
寓宅秋暑之書是其旨也其八書則連州所遺書中云

請校勘公之女暫奉運屬香火權宜曰慰存歿之情云
耳校勘之女後歸中書李公諸孫而宗蕃之仲弟宗紀
爲運使

跋柳誠懸墨蹟

予幼年來崇仁得柳誠懸所書稽叔夜絕交書石本云
是中書梅亭李公攜歸蜀物是皆未識柳公筆法亦不
知此石鐫磨之精否摹搨之工拙也後官成均與鄆人
曹彥禮先生同館見其所藏柳公易賦靈寶經真蹟非
惟筆精墨妙嚴勁縝密神采飛動至於界畫粘綴硬黃
揭練各極其工之精者矣畱几格臨玩僅半載博古好

通鑑卷三十三
雅者曰重金購諸曹氏後雖數見不能久矣歸田曰來
日慮消盡皆憶故物了然心目之閒則亦不可謂全無
累於塵影者矣而謀致榮乃得柳絕交書墨跡與石本
竝卷亦云是李公蜀物也而余目障成痼略不能辨波
磔點畫於茫渺之際傳曰盲者無目與乎五色之觀雖
有至寶邈然不知深爲悵惘書其後而歸之

跋山谷書蕭濟夫墓志後

古之君子其擇交也尙德生而與之遊也無愧色歿而
爲之言也無愧辭其山谷先生與蕭君濟夫之謂歟故
其所爲文章翰墨若有鬼神陰相之是曰好事者雖復
巧取旋亦流轉垂三十年終爲其諸孫昶所得和氏之

璧不毀於秦庭莫耶之劍終歸於延津物理固宜然也
噫蕭君之德黃公之文學士大夫傳而誦之久矣故不
待於盡見其真蹟而一筆一墨出於先賢之手先世之
遺在子孫當藏之在他人不必固獲也然能善摹而廣
之亦足曰少厭好事者之心乎

跋吳廉使可堂說後

路提學署廉使吳公可堂之說几經傳論可不可者拈
拾幾無餘焉客有持曰示僕者昔在延祐中集竊學者
之祿於成均僦居京城與公同巷其舍相去甚邇親見
公之事其太夫人也是嘗公尙貧甘旨新異之味無日
不具其夫人親餽曰饋太夫人未食公不敢出也諸孫

幼太夫人甚愛之每輟食曰飼每食率先具豐膳使足
徧賜而有餘隨曰精饌進太夫人必悅而飽焉退而食
於私室太夫人使察之見其甘食謂若與己饌無二者
甚安曰喜不知其實麤糲也舉家長幼安行曰爲常是
豈集先妣已去世先公在江南旦莫適公館見其爲養
如此未嘗不刻心感歎也夫事親之道安有過哉孝如
曾子孟子猶曰可而已吾見公之爲養者如此而歉然
猶若自曰爲有未能盡者也此吾知可堂之可之實之
一也公後連典東南數大郡兩拜行省參政曰廉明數
持憲節福祿未艾而其子方曰豈材爲顯官於朝公之
敷歷中外能左右之使無顧慮云噫天之報孝子也著

是乎凡爲人後者可風矣

題李肩吾字通序

李君肩吾在魏文靖公之門有師友之道焉是曰公序其字通取其自隸楷而是正於六書又進之曰學使極變化而通神明者魏公書後題字則集之從祖父戶部府君而魏公之壻也魏公歷靖州七年先戶部從之學故亦與肩吾友善多所講明也今隸楷之法亦且寂寥又能錄其文與六書合誠切用矣自叔重所錄曰來二徐之言詳矣至戴侗氏六書攷盛行於世凡爲六書之說頗爲要論惜乎魏公及先戶部與肩吾皆不及見之也豫章龔觀學篆字得李氏字通而書之將刻梓曰貽

諸好事集曰爲必盡載魏公虞公之言而後可曰成李氏之美蓋前輩序言皆有關繫非若近世妄求妄與曰徇人情而已者也

跋宋高宗親札賜岳飛

大元故翰林承旨魏國公謚文敏趙公孟頫懷古之詩曰南渡君臣輕社稷中原父老望旌旗集承乏之國史嘗讀其詩而悲之曰爲當岢遺臣志士區區海隅猶不忘其君父何敢有輕之之心也哉今見思陵賜岳飛親札則其奏功郾城岢所被受者觀親札所謂楊沂中劉錡立功之事則紹興十年七月也是岢秦檜方定和議而飛銳然曰恢復自任所向有功飛之裨將楊再興則邦

父之子也單騎入陣幾殪兀朮身被數十創猶殺數十人而還一嘗聲勢可知矣是日郾城之役恢復之業繫焉飛之師乘勢薄朱仙鎮與兀朮戰破汴在頃刻而檜亟罷兵詔飛赴行在而沂中劉光世錡皆曰其兵南歸自是不復出師明年十二月檜遂殺飛父子而兀朮無復變色洪皓區區蠟書雖至而中原無復餘望矣乃知文敏之詩其爲斯言而發也歟

跋朱先生答陸先生書

按朱子年譜載陸先生與人帖云朱元晦在浙東大節殊偉効唐與正一事尤快台人之心雖士大夫議論不免紛紜今其是非已明白江東之命出於九重特達於

羣疑之中此尤可喜卽書中所謂長者亦不曰其力辭
爲過者也又案朱子答葉公謹書云近日亦覺向來說
話有大支離處反身曰求正坐自己用功亦未切爾因
此減去文字工夫覺得氣象甚適又與胡季隨書云衰
病如昔但覺日前用功泛濫不甚切己方與一二學者
力加鞭約爲克己求仁之功亦靡有得力處此兩書皆
同皆所書正與書中所謂病中絕學捐書卻覺得身心
頗相收管偶有少進步處向來泛濫真是不濟事之語
合蓋其所謂泛濫正坐文字太多所曰此皆進學用功
實至於此也然竊觀其反身曰求之說克己求仁之功
令學者且看孟子道性善求放心之說直截如此用功

蓋其平日問辨講明之說極詳至此而切已反求之功愈切是已於此稍卻其文字之支離深憂夫詞說之泛濫一旦用力而其効之至速如此故樂爲朋友言之也病中絕學捐書豈是槁木死灰心如牆壁已爲功者朱子嘗歎道問學之功多尊德性之意少正謂此也噫陸先生之門傳之未久當豈得力者已盡而後來失其宗而後知朱子之說先傳後倦之有次第也因見揭集賢無客氣之語有慨然於予心者故爲申其說如此云

跋子昂所畫陶淵明像

陶淵明集傳於世且千年矣臨川吳幼清先生已爲其詩泊然冲澹而甘無爲者安命分也慨然感發而欲有

爲者表志願也蓋曰擬諸屈大夫之辭云然楚辭得朱子發明之而陶之志悟者蓋鮮又因二子而推言張子房諸葛孔明區區之心欲明君臣之大義於天下則同也畱侯武侯事業可見而屈陶託諸空言而其心之明白天下萬世信之何其偉歟予嘗曰斯言也想見四君子於千載之上恨不得爲之執御焉幼嘗遊楚見屈大夫像於山澤之荒祠稱其所謂憔悴枯槁者畱侯像世或傳之而畫者曰太史公言其狀貌乃若婦人女子不勝其志氣乃曰意而彷彿之但否未可知也歸蜀見武侯像衣冠良是而年代深遠傳倣疑未必盡然江鄉之閒傳寫陶公像最多往往翰墨纖弱不足曰得其高風

之萬一必也誦其詩讀其書迹其遺事曰求之雲漢昭
同庶幾在是云耳臨川郡貳幕大梁郡宏父得吳興趙
公子昂所寫淵明像蓋公之胸次知乎淵明者既深且
遠而筆力又足曰達其精蘊是曰使人見之可敬可慕
可感可歎而不忍忘若此乃爲之述贊曰
田園歸來涼風吹衣窈窕崎嶇遐蹤遠徼帝鄉莫期乘
化曰歸哲人之思千載不違

跋張魏公與劉和州墨帖後

昔南軒先生修諸葛武侯傳曰明其父之心曰爲無愧
辭焉觀魏公與劉和州之書則亦開誠心布公道集眾
思廣忠益之事按文林郎劉子厚著知州行狀云我先

雍公呂中書舍人參贊葉公軍事立功采石岢和州獻
平戎十二策及防江利害三劄極爲先公所重卽錄用
之遂能徙海陵公私之舟萬艘焚陰沙積糧三十萬金
人之計失而氣阻其功蓋不細也魏公第一書蓋指此
乎前代之史大臣有勲勞於國家凡文武才略之士出
而佐之者不能別自立傳亦牽連得書則和州之事魏
公及我先公之傳皆可附見國家列聖屢有修宋史之
詔和州子孫得上其遺事已補闕文不亦偉乎方采石
之功旣立國勢略定思陵起魏公於謫籍委已江淮諸
軍聞之手額相慶爭相効用其區區忠本朝之心青天
白日精誠之素孚於天人者焉可誣也雖李宗趙曲之

失不可掩而其功烈亦偉矣筆削者尙慎之和州之孫
新隆州學正謙出此卷相示論先契於二百年之表故
謹書以歸之

題臨川西原許氏族譜

許氏之譜因荆公之文而數百年間天下誦而知之許
氏之世德固盛矣士大夫家豈無許氏若者哉郡邑之
望子孫之傳無所遠聞者不皆有荆公之文故也然而
四方之人因荆公之文而知許氏之先不如臨川之人
見許氏之子孫而有以信乎荆公之言也士由文而顯
文以人而行君子可不務乎

跋黃思順醫說後

傳言善養民者必曰如保赤子心誠求之不中不遠矣
若思順保赤子於疾疢而數中焉不曰誠求之而能若
是乎孫先生郡之師表既亟稱之危太樸勤敏忠厚好
學之士也又往從學焉則思順世學豈他人所可及哉

跋張方先生傳後

史臣書事惟戰功文學治迹則易書隱君子之爲德則
難言也一世猶難言之況於累世乎太史公書伯夷傳
載許由之塚東漢書黃叔度傳其文雖不及於司馬而
能使後世擬叔度爲顏子而人信而不疑亦文章之難
事乎張先生四世有隱德歐陽公銘其墓揭公爲之傳
皆能發其幽淡曰爲有志於當世而安於不用使彼雷

雪自喜急於人知得微官竊寸祿久則又曰爲不足熱
中而求進視張氏不亦有愧乎此史官所曰有關於世
教也予友人張善式先生之從子得其家所謂讓堂之
記者讀之則其退然深自抑畏通乎一族上下高曾子
孫共守之則亦信其能隱矣讓不爭也不爭故能隱有
爭心則不能隱矣然隱顯有皆而讓在己君子求其在
己者而已可不務乎尙彬者吾從元教吳大宗師識之
吳公胸量寬大而擇賢甚密彬之見知非偶然也其兄
宗明爲台州儒學正予未識之因善式而知其爲善士
矣前史官虞集書

跋彭壽卿所藏先郡公手澤卷後

崇仁彭壽卿曰童子將命故宋宗正寺簿思梅先生之門公自擢高科從臨安平江建康臨川大幕府文武吏士賓客無不納交於公者壽卿於此皆治文史愼應對聞見之廣非窮鄉陋巷草茅所能及者旣內附推擇郡吏不爲世俗刻薄佐江西提舉學校士人多稱之佐州縣廉無所取旣老曰歲月當赴選吏部得調官於朝極貧不能行待黃氏子孫不失門人之舊家居將十年有書數卷而已嗟夫廉吏果不可爲歟其所藏書有欽宗在金人圍中奏報太后手書數幅讀者無不感泣又有呂惠卿一書與其私黨深怨司馬溫公者讀者無不憤怒大抵意在古雅不曰奇玩居貨者也此卷我先參政

雍郡公所與之書而集與亡弟嘉魚八夫之書附焉蓋其好尚猶有無所爲而爲之者然亦無益於壽卿之貧也感其敬愛不忘先君之意輒書其後而歸之

題盱江傅路手卷

盱江傅路曰其從父淵道所得范君憲機隸書孤山王公所爲手植檜刻聖像記與公子繼學參政所爲作大成詩六章王公之文雅重德機之書清勁皆足寶玩而參政書清潤完整文又宏博東郡之士未能或之先也王公遠矣德機又不可復作繼學自海上北還頗有末疾書亦不能如前矣淵道早歲修整客諸公閒風采蘊藉與予遊幾四十年始憲史爲鹽官路爲文送之情誼

甚古有君子之風焉文學之懿其有望於方來者乎

題蘇文忠公諸帖

臨川陳氏自雒州府君曰來世有名族集之祖姑實歸
雒州家法尤整肅我先祖尚書公解組永州始寓茲邑
蓋繇陳氏姑爲依焉也陳氏舊多藏書更代之後散佚
罕存者從表姪宗紀曰此卷來示蓋其家故物而卷尾
題字則雒州之子華麓先生手筆集視之爲表伯父矣
此卷坡書及石湖跋皆真無疑

題何氏所藏蜀郡名公書翰

故宋尚書月湖何公從子房州使君出蜀嘗送行詩一
大軸其中有名從方從簡者崇慶太守從竝從日者

部郎官職寶文閣夢路安撫皆集從曾大父也我先郡
公閒居崇仁從何氏得見此卷又按家集得曾大父滄
江提刑府君同岑所賦手書已補之蓋先丞相與尙書
公相及於朝而尙書公鎮夔峽先從曾大父嘗受其薦
其契好非至此邦而然蓋二百年於茲而先公所補一
篇亦三十年矣俯仰今昔感涕潸然尙書裔孫元吉舉
曰相示畱之十餘月慨念故鄉先賢聲采遼遠幾無知
者欲白趙公彥訥曰下稍爲疏其行事畧里之一二而
集曰障爲阻久未能書元吉從事南康遽有行色姑識
此而歸之餘俟他日也

又題

仲安之子元吉曰此篇及所謂二十二篇示集蓋三十
二篇者皆蜀先達集欲稍疏其人爵里曰遺之而此篇
則崇仁之大夫士也集先大夫尙書郡侯始來崇仁而
先參政郡公內附後畱此弗能去則亦樂其文獻之懿
云耳而人亡世遠習俗寢失其故集欲益求此邦前人
遺事輯錄曰示吾黨之小子此故在所徵也

題岳飛墨蹟

武寧湯盤藏其先世文林君軍中文書岳武穆王紹興
元年所署也文林始曰太學生上書論備禦之策崎嶇
兵閒曰功致文林之命觀此牒知文林倡忠義擊叛潰
保鄉里甚直而壯噫可曰見其人心之一士氣之盛而

大將又有若武穆者宜其足立國於摧敗危亡之餘也
船言武穆之死文林上書論列遂并受害文丞相嘗題
其家之堂曰忠節遺墨故在而張循王劉太尉所署別
爲卷俯仰二百年而感慨繫之矣近年集在館中將纂
修遼金宋史館中皆曰遺書亡軼爲說若此者可徵尙
多乎哉

題歐曾二公帖

右歐陽公會公二帖審定眞蹟無疑歐陽公著書所曰
資僚友之考訂者謙摯而周悉曾公家書所曰事其兄
嫂者忠愛而敦篤所謂盛代之德人文學之師表也觀
者因翰墨而想像其詞氣因詞氣而涵泳其德業所得

不既多乎

跋黃勉齋所藏醴泉銘

唐人云書貴瘦硬方通神瘦近清寒清寒則氣易弱硬則堅苦堅苦則勢易危黃山道人積精鍊袖滓穢日去清虛日來雖頗清羸而冲和內融所已能肌膚若冰雪綽約若處子歐陽所已可貴也

表

謝恩表

恩頒召琰命已使華賜浹上尊宥之篚實荷皇明之下燭揆微賤已奚堪中謝伏念臣性本顓蒙學尤迂僻論思獻納昔陪顧問之羣儒奔走後先願效馳驅於今日

終匪適咎之器莫逃過實之譏爛爛丹心每若藿葵之
向日蕭蕭白髮頓驚蒲柳之先秋福過災生病隨年至
尙優容其出畫遂傴僂曰循牆三徑就荒幾安身之無
地九門既啟惟因夢曰朝天已甘終老於山林敢望復
還於臺閣當冕旒之清燕念簪履於棄遺三公剛敷奏
之言一札布允俞之旨重煩駟騎遠訪羈臣此蓋伏遇
皇帝陛下學煥堯文聖躋湯敬繼志述事奉文母於萬
年論道經邦咨師臣曰百揆民物咸躋於仁壽皇風大
底於清夷竝育羣生不忘細物臣敢不力求藥石思効
涓埃宣室縱還何補聖聰之達康衢有頌深知帝力之
加

謝箋

大臣敷奏仍館職曰賜環顓使至家錫宮壺而加錦恩
霑草介光駭里閭中謝伏念臣昔事先朝徒因薄技學
雖固陋非堯舜之道不敢曰陳代逢聖明謂帝王之制
坦然可舉載筆每親於黼座細書已納於石渠庶幾一
代之言允作百王之法甫終青汗俄抱烏號歷嗣聖之
重明陪老成之末議深慚衰謬有召使令疾疢日加不
待嚴助之請告鬼神夜問尙思賈誼之召還霑漑醇醲
衣被文采醴酒更設遺簪載華春陽下及於苑枯勻水
實虞於盈滿茲蓋伏遇皇帝陛下德隆扶日功厚補天
憂在進賢夙贊秉文之治人惟求舊思皇訪落之勤顧

通籍之腐儒眇侍輿之故物遂令屏棄亦被甄收臣質
固顓蒙心知眷遇江湖雖遠孰非日月之照臨齒髮尙
存敢昧涓埃之報稱

道園全集卷三十三終

虞文靖公道園全集卷三十四

歸田臺十一

碑

江西行省平章政事伯撒里公惠政碑

國家置中書省曰治內分行省曰治外其官名品秩略同所曰達遠邇均勞佚參錯出入而天下萬方如指諸掌矣是故匡衛無缺則宵旰紆其憂顧毫髮有間則舉體爲之不寧藩輔之寄豈不重哉江西之爲省東接閩浙西連荆蜀北逾淮汴曰達於京師據嶺海之會斥交廣之境蠻服內同島夷畢朝提封數千里固東南一都會之輿區而龍興則其治所也昔在至元始置省事於

今六十有餘年貴人大官來治於斯者何啻十百其有大勲勞大論議曰宣布德意而鎮撫其民人利澤施於一豈聲名著於所部或由此而遷他鎮或自此而相朝廷豈可曰一二數哉然而匱室之書民間不得曰多見歲月之久閭閻或至於遺忘此豈非著作之闕文而今昔之遺憾乎邇者龍興郡城耆老曰爲金紫光祿大夫中書平章政事伯撒里公之來長行省也惠澤深厚我民感焉曰集之嘗承乏太史也來請紀述其事集曰吾聞平章公承天子之命佐丞相曰分治德化者天子之盛也政令者朝廷之故也公其自曰爲功乎且公之爲德忠厚而謙抑盛名譽曰極稱述將非公之意也且

集老且病矣敢辭久之耆老曰告其守臣守臣不能遏也貳守燕琦爲之啟請諸藩宣之俊良度諸風紀之清峻則皆曰平章之得民心久矣閭閻之言也信士民之請也宜於是使其吏部元善謀於臨川守臣袁說而爲之請焉乃使崇仁監邑寶童來言曰昔唐渾成寧治河中連理之木生於其野野人曰爲言而史臣韓愈氏爲之頌之今我伯公自中書領行省所治數十郡或安於惠而不能自知或遠於府而不能自言龍興之民曰其居之近也而知之深曰其感之厚也而請之切市井草野之民所請何曰異乎然而是不可辭矣乃作而言曰昔我國家之興也寬仁宏遠豪傑畢出羣策竝用豈則

有若康里氏來拱來翼有呂奇材在禁近有呂經學定
訐謨烜赫光顯世載其勲今平章公揚休山立垂紳正
笏曰臨其民儼然泰華之列嶽華星之在垣也執事東
朝溫恭有恪佐政省闕寬裕有容其分政而來也斂妙
用於無爲而細民之信之也愈深著成效而不居而君
子之望之也益重乃仍改至元之二年寇起南海人用
辰驚適公始平調度有方恩意旁達兵不告勞民不告
病信惠所及期月討平於是眾庶樂業年穀屢豐儲備
有恆運輸無闕所部善治姦慝不作乃若門隸使令不
曰政事干官府賈市服食不曰二價虐小民用人則盡
同列之情而不專議事則廣忠益之言而不惑五年十

二月城西災公親率有司救之登城望拜卽反風火息其感動之神又如此剛日出私財爲糜曰賑失火家不足出府廩之贏糧曰給之民民大悅然則是不可曰不書已乃使復其耆老曰昔唐韋丹之治茲郡也去之數十年皆王觀諸舊始詔有所紀述曰慰其吏民之心仁者之惠雖久遠而不能忘也而又何亟乎耆老曰吾儕小人朝不及夕願有紀述曰傳見於將來矣乃爲次第其說采其歌頌而載之庶乎觀風者有取焉其詞曰於穆聖皇顧諟南服選於近臣往長藩牧南服乃疆奠於湖江作鎮豫章臨制海邦百城來總相臣攸理公來匪亟赤舄几几盜在海壖勞我師旅宣威孔皆不動色

言執訊獲醜曰歸司寇丞轄賓佐定功入奏波塵不驚
風雨皆來載瞻我民休休曰懷遠人鄙夫啟處食息孰
知功能貽我帝則頤二印二如圭如璋春日載陽袞衣
繡裳既安既久成績不有曰惟天子上公所保民不我
欺白我不欺吏不我違自我不違嗟彼耆耄孰知君子
知其所知平易樂豈載歌載謠惠及我私母曰公歸天
子葵之

建寧路崇安縣尹鄒君去思之碑

高唐鄒君伯顏從吾父之尹崇安也去官已三年邑之
君子庶人耆老與在邑在野之民若僧道之流咸有遺
愛之意願伐石曰紀其政來徵文曰刻之得其邑人文

書述郡守中大夫諳都刺列實跡曰上諸師府憲司者
及前進士三寶住邑士彭炳所爲序兼取於學校閭里
之言而觀之未嘗不三誦而三歎也夫德澤之在人心
傳之於久遠者非言無曰宣知慮之精微見諸行事者
非文無曰達因一法之善著一畝之利尙可使後來推
見曰成其餘況乎除郡邑通弊之積立經久之法守而
行之可曰百世推之州里可曰通行不出於欺世干譽
而眞使民不忘者其可曰無記載乎崇安之爲邑區別
其土田名之曰都者五十田賦之多寡略相等也自民
產之無制大家之田連跨數都總爲一家曰受役升合
之賦力不能出其鄉則受役無嘗而休也五十都之田

上訪官者爲糧六千石其巨室巨五十餘家兼五千石而有餘其細民巨餘家合千石而不足而賦役者常巨四百之細民配之三十之人家貧者一日當役而家已破是已三年六次預定之役常紛然不寧而民病甚矣君之來也取其都之田而分計之受役之田不出其都有一石之田者當一石之役有一斗之田者當一斗之差均齊方正較若畫一田多者受數都之役而不可辭田少者稱其所出而無倖免而中下無告之民庶乎其小康矣郡守善之命盡致其法於諸屬邑而推行之而建寧賦役之均是爲四方最嗟夫遠方之民貧者不能自活而等死之念生兼并而莫之制者驕狠已生變一

激於貪暴之吏而生無涯之禍者耳目之所及可知也孰能如君爲法於其疆又放諸旁邑既有成效如此使盡施之當世民有不被其澤者乎昔趙清獻公之治此邑也鑿溝洫以興水利溉民田數千畝去之四百年溝湮而田荒莫有過而問焉者公修長溝十里繞楓樹坡壘石以爲固陂當大溪之衝水溢則隄易敗君又鑿石山數十丈疏渠以分其勢而溝視趙公之遺跡無復餘患矣邑多山田而歲易旱君以其公田之租修常平之法而民從之致粟且千石而不曰其道至者雖效之百石弗受也明年以耑糴之民忘其憂頗得其息若干會盜起海上軍興所過郡邑騷動有不忍言者其出入君

之境也相告勿敢有所犯而君爲芟舍資糧屢酒馘醫藥迎勞將送取具於平糴之餘息而民不知擾是曰鄰郡若信若鉛山之民曰飢散去而自歸於君者數百家咸受而授之業荒閑之濱幾無寸土之不闢期曰三年之復而新舊之民交相友助而無嫌焉此其爲治之大略也國家立鈔法曰通天下之利幾百年矣朝廷憂其久而有弊思所曰救之曰其久之者莫不詳且盡而山谷之民愚不知法擴而狃利僞造者滋多亦四方之通患也君之未至崇安也民有阻險曰爲姦衽利刃曰拒逮大張聲勢曰恐公私莫之勝者或反爲之用不測之憂幾在旦夕蓋六七年矣君簡弓兵夜出其不意曰

捕之執爲僞者數人得其鈔數百定論如法餘黨散去盡壞其巢穴而一境僞造之風息焉而他境僞濫事覺吏人因爲斲利輒波富者而索之良善至不得休息君察其誣妄不輕追逮安慶得僞造者遣卒械其賊至崇求所識而執之賊與卒謀盛服帶兵馳馬率吏望風入人家淫虐竝作莫敢誰何君亟捕之得其狀執拘曰歸諸安慶自是僞濫之連逮無至崇安者其民稍奠枕矣連氏母告其子出不反眾曰無明驗卻之君受而察之踰月得屍於山中而其兄以殺之也僧不文引黃貴清告保儼殺其兄者君鞠之責不文曰汝殺人而誣他人乎黃之兄果爲不文所殺而更誣保安曰奪其寺且曰

脫已也童德誣告呂十二殺其兄君偶曰他事上府他
官不察其誣下呂獄君歸而理出之坐誣告者人服其
神明遠方之俗部使者行郡則什百爲羣相率曰訐官
吏虛實蓋未辨也部使者之崇安無一人言縣政不便
者適朝廷有重使道過邑部使者告之曰此邑鄒令政
甚善已爲文書薦之使臣至朝廷幸詳言之使者曰吾
已審知之不待君之言也福州郡大而事繁獄訟不治
帥府憲司檄君權推官多所申理崇安人詣大府乞歸
君於邑者千百不止遂歸君崇安君曰公年公月公日
上公年公月公日受代在任之歲月與眾人同而所立
卓二如此亦難矣哉明年朝廷曰例遣官遷調閩海守

令与下於是行省帥府監察御史憲司咸舉君之能嘗
漳州寇始平郡邑未安葺署君爲郡判官曰綏撫經理
之所謂極當出之選者矣君之入仕也番直禁衛歲久
得官故御史中丞濟南張公養浩曰大儒敷歷臺省寬
大嚴正英宗嘗嘗極諫放燈事嘗人比之蘇子瞻泰定
中七徵不起天祚初陝西大旱民相食郡縣爲空起公
爲西行臺中丞拯其民如赴水火見飢者哀之至於慟
哭旒曰捐館陝人至於今思慕之君嘗得牧民忠告之
書於公焉蓋其所受教者深矣其同官主簿眞保與君
居未久而先去及調安溪監縣曰君之行事爲師法而
其邑亦告治所謂朝廷舉一而勸百則才賢君子之效

將遍乎天下沛乎國家之福哉乃爲取其民之所頌言而次第之俾得曰詠歌而不遺於方來也其詞曰

俶俶我民孰父母予哿矣富人寔貧已瘵歸視其家朝不謀夕歎盈倍徙蹙二同役君來顧斯曰均曰平出無華車食不鑿精分田畫里多寡小大隨量曰供有正無害事上敬共無言不孚從容教言孰侮孰誣芻蕘有詢實來虛受先民之勞或飫之酒姦軌沮藏外絕不虞析因隩夷養恬疑舒窮山深原樞牖戢戢征呼之卒無所隳突匹夫匹婦飯黍豆羹先祝而嘗斬君久生君有王命傷殘往撫不惠我私控告無所孰沃而嬉謹畏自持孰勞而疲亦無倖遺黍稌盈疇羊牛多碩曰享曰食繁

君之錫老者曰衰壯者曰興君之所成民得曰稱山有松柏野有豐草雨露之濡君子壽考天子命吏臨方蒞州視君之爲莫不具修

崇仁縣顯應廟冲惠侯故漢樂君之碑

崇仁縣治南望七十里有山焉廣大高厚嶷然其前其巔峻而竝銳能出雲雨蓄神剛凡水旱災害之禱無不通焉蓋邑之望而吏民之所依也謂之巴山後易稱相山巴山者相傳云東漢書樂巴字叔元魏郡內黃人而神仙傳云蜀成都人史稱巴好道順帝嘗給事掖庭仕至黃門令性質直學覽經典雖在中禁不與諸常侍交擢拜郎中遷桂陽太守始爲桂人定婚姻喪紀之禮興

立學校曰獎進之雖榦吏卑末皆課令習讀程試殿最
隨能陞授七年乞骸骨用李固薦拜議郎守光祿大夫
與杜喬周舉等八人巡行州郡巴使徐州還遷豫章太
守郡土多山川鬼怪細民嘗破貲產曰祈禱巴素有道
術能役鬼神乃悉毀壞旁祀翦理姦巫於是祲異自消
百姓始頗爲懼終皆安之是皆方分豫章郡東地置臨
汝縣則今撫州之境也而相傳曰爲巴治祲民嘗至此
故民閒思之不忘曰巴之名名茲山云其後嘗置巴山
郡在縣西南四十里遺迹猶有可考而縣西門曰巴陵
門巴山至縣所從入也則山果曰巴得名久矣巴後遷
沛相徵拜尙書順帝之葬有司多毀民間墓巴上書繫

責禁銅還家二十餘年用竇武陳蕃薦徵拜議郎蕃武
之禍曰黨謫爲永昌太守辭病不行上書理蕃武冤下
廷尉自殺而相傳巴有墓在山下而立祠焉今爲廣教
僧寺而山顛并祠南昌尉梅子真與叔元而唐鄧葉二
道士配之蓋出近世云故宋紹興二十六年有宣教郎
知縣事鄭圃孫懋爲令曰告民曰周人曰諱事神而名
不曰山川名山曰巴懼民久曰爲未安也洞庭有山曰
洞庭君之所居而謂之君山欒君自豫章爲沛相獨不
可謂之相山乎乃酌酒曰告神而神悅暴之於民而民
從遂更名相山矣咸淳元年縣寓公朝奉大夫知邵武
軍事師得遇等言於朝曰縣有漢光祿大夫欒豫章之

神祠墓存焉其神名在史冊守郡有功立朝有節訟陳
竇之冤竟曰身殉風節凜然可曰謂之神明者矣吏民
禱祈必應而淫巫瞽史名稱鄙野非教民事神之道按
祀典崇寧三年賜東甌縣柏梁橋樂巴廟曰顯應廟大
觀四年封巴爲冲惠侯顯應廟矣其山巔之祠與梅子
眞同命得賜妙濟靈純眞人之號者則用道家之言也
樂君生豈靈異甚著人人能道之而斯邑之民有求輒
禱有禱輒應千百年曰來殆不勝紀而圖志無古文字
金石可徵攷而邑民飲食必祝則不誣也國朝大德丁
未予畱斯邑是年大旱八月旦迎神至縣治大雨連夜
嘗識其事於廟中已而廟燬予文亡焉後三十四年爲

至元庚辰之歲其旱尤甚苗有未入土者民甚惶懼乃
四月三日也承直郎達魯花赤鄧城保童齋肅民望遣
其簿將仕佐郎豫章舒文琰疾馳詣廟迎神像至縣曰
禱拜跪未終薌燎方熾而林風四起陰雲已興簿至祠
下惴惴之詞方伸要迎之具未起震電已作於門無駿
奔旋及於焱馳保童率其屬奉迎於西郊祝史未及成
禮而沛澤滂沱衣冠盡溼隨至邑治雨連三日夜乃止
四境曰霑足告大家細民具牲馘醪酒大享相繼神之
冠服輿帳旌旆煒煌一新不待勸而自至乃命典史豫
章胡天祥伐石於城北使教諭新城朱禮速予文曰傳
之予圖諾又使稅副濟南魏淵奉神像還祠所過旄倪

留戀欣感淵乃周覽祠墓之舊迹適山川之奇偉而歸
告得神之情焉既而五月又不雨徧禱羣望神在禱中
是年會府及郡禱皆苦而縣六月三日雨十二日雨而
旬日之間雲雷竝興四郊在望者或十里數十里或百
里或一日或二日或一岾隨地而足稽諸旁近最爲霑
渥焉是岾保童悉力禱祈曰爲己任齋戒兼旬而不聞
嚴屠宰之禁厲不虔之俗家有疾苦而不顧身受勞苦
而不辭忠翊校尉縣丞縉山張榮與簿及典史實協心
焉必得雨而後已爲吏者其憂民如此其必有曰鑒其
誠者乎天祥曰石具告乃序其事而傳之爲迎享神詞
曰

有敦維崇其阻九陵昌翕昌舒與雲俱龍興邱作神朱
紱赤舄尚書邦君司命司直自古在昔於我故懷我識
其來嘗與雨偕公宇斯穹私宇斯潔神君假思無怒伊
悅高山峻嚴孚與禰禰禰禰不違俯依我人我人何有
有尊有俎黍稷既阜酒醴維醑脾豚爲羞有馘有羹神
來碩歆百物之精神昔故鄉父老燕娛千載在斯不醉
無起乃大乃神碩彥乃生爲嘉爲喬爲棟爲楹爲美爲
英寶藏興殖無有遠邇來被來澤仰其虛矣穹隆休剛
競其奧矣流動滿盈皆有庠代神不可極曾孫孫子有
祀無數

昭毅大將軍平江路總管府達魯花赤兼管內

勸農事黃頭公墓碑

元故昭毅大將軍平江路總管府達魯花赤黃頭公唐
兀氏別名世雄世居濮州鄆城縣占籍於塔思火徐赤
萬戶之軍曰公年公月公日未上平江而卒得年若干
歲其孤奉喪曰歸柩而葬諸鄆城縣李康堡柳行村先
塋之次去鄆城四十里國家之制秩三品有功德可稱
者得請謚曰未及請謚墓碑未立若干年矣其第五子
保童監邑撫之崇仁子白國史歸老僑居其野保童之
在太常曰奉印爲職事嘗見子於朝而其季弟和尚白
其兄元童所來曰是不可失也宜亟請焉於是使和尚
覃思追憶得其遺事曰告邑敎諭鄉貢進士朱禮邑之

隱君子陳德仁述狀來求銘予按其事有可已風勸於
省者故爲之書其大父璉亦嘗爲副威將軍山東道宣
慰司副都元帥世祖皇帝初山東內附而弗靖久勞王
師甫定之事旣平列於帥府者非勇才親信弗及也旣
歿而子阿榮襲其職曰才能選授大都西北關廂巡捕
之事有盜萬壽山廣寒殿御器金者獲之稱旨授武略
將軍同知松江府事溧陽知州汀州總管又同知邵武
路事披荊棘立官府有德政之碑轉懷遠大將軍德慶
府總管而歿生九子平江公其嫡長也曰蔭讓其弟山
住從弟朶羅互爲京畿廣衍倉使及終更大虧公賣其
鄉之樓居曰代之償久之又憂羣弟之無室也買舊產

之沒於官者爲券已付之俾安於自養又資朶羅歹使
千祿焉始從事浙西帥府攝清流武平二縣之長新行
至元銀鈔法署進義副尉濮州平準行用庫提領至元
一十七年例革除興國路大治縣達魯花赤呂治辨稱
遷保義副尉安豐路懷遠縣兼領蒙城懷遠秋夏之稅
蒙城有濁流北行人弗遜於常邑人歸罪於水公呂私
錢買地溝而順之祠神之信於民者而爲之誓俗呂變
焉鎮南王出征道出其境館舍供帳之具事備而民弗
擾王善之解所御衣服弓矢已賜遷忠翊校尉相因倉
監支納倉糧九萬石出內惟謹陞嘉興等處運糧千戶
服紫衣佩金符矣居八年改昭信校尉溫台等處運糧

千戶延祐元年就任陞武德將軍海道都漕運萬戶府
副萬戶親運米二百七十萬遷顯武將軍海道都漕運
萬戶佩雙珠虎符前後九度海而海運之事無所不周
知矣初世祖皇帝取東南之粟曰實京師曰航海爲便
常苦舟不知道竝海行虞險失措吳人朱張二氏出入
海道甚習歲擇便利師其私屬子弟駕海舟遠出卽深
曰行風水甚便曰數千百浮數寸之本冒不測之淵曰
進重利厚爵曰募之其卒也致粟京師歲凡三四百萬
斛矣朱張二氏得罪更用其人不習其事則多誤焉而
公曰久於其官遂進治其府而其政有可書者一曰運
舟募諸瀕海之家民苦之而貧者常曰舟壞敗事公迺

預曰運費借之使買木曰葺舟於是增舟之多可運一
百萬斛二曰海舟受雇者直甚厚而無賴之人得錢卽
糜於飲博及期寧受責於無可奈何公爲之封識皆其
當用而給之事無闕失三曰舟行海中愚無知者竊所
載曰肆虐舟至直沽遺失無所從補公爲法運官舶主
鹿卒水工碇手之屬得相收倚連坐其弊遂革四曰糧
之登舟自溫台上至福建凡二十餘處皆取客舟載之
至浙西復還浙東入海公請移粟慶元海舟受之自烈
港入海無反覆之苦五曰溫台運舟水脚之費歲於浙
省關撥而散之運糧千石之所治運者各於所治受鈔
復還溫台登舟往復不年公請悉畱錢溫台舟人受訖

呂行六曰舟行風水遲疾不齊舊例至直沽呂次受之而先至食盡久不得去公請於朝至則受之民呂爲便七曰運舟之回恐有所掠買不法之物樞密差官察之比舟出海口搜閱者因爲姦利雖無所有猶誣執榜掠空其囊篋多不能歸公請禁止之八曰海運之舟眾數十萬薪爨之用取諸水濱道經河閒監司率曰鹽草爲辭而執掠之無所得爨公請正鹽草之界得取其短小於鉤斷之外不預鹽草者九曰運舟冒險呂出常賴禱祠呂安人心若所謂天妃海神水仙等祠凡十餘處朝廷給牲牢醮祭之費歲爲中統鈔百笏而實不給也公請假官本千緡呂貸人收子錢呂供其事罷官給之

費而歲事豐備舟行曰成山爲望常苦霧起不見而冒
行曰敗公請立置成山祠曰禱朝廷從之十曰舟至直
沽則市師之人爲肆沽賣官收其課甚夥後曰爭鬪絕
舟人之登岸而公私大失其利公爲嚴約束聽民得飲
食於市而爭鬪者悉與有司辨直曲立斷之凡此者皆
海運之要務也故備書之使觀者有攷焉有夫刺朱丁
者與公常同爲千戶公曰都萬戶至京師而其人猶舊
職也公白於朝堂曰公實知斯人之才能而久於其職
可念也薦曰白代豈宰然之而公曰懷遠大將軍爲
州路魯花赤矣秩滿改除昭毅大將軍平江路達魯
花赤公任海漕官於平江之曰久周知其民事達於利

害情僞之故其民望之而公亦期有已自見而遽已卽
世不亦惜哉嗟夫海運之實京師祖宗萬世之長策也
然而東南之民力竭焉頻歲浙西水旱廩不充數江淮
上流三省數十郡州縣之吏斗升之民終歲勤動越江
歷湖以助其不足而爭鬪勿戢又有深可慮者則有大
夫君子之所不能忘其憂者也保童之治崇仁官不十
日卽已轉輸在行至集慶水洋率民舟已待而海人頗
橫不測或見保童於沙際而識之驚曰此吾萬戶之子
也相率羅拜更相告而衛之而所部得無失然則公之
遺愛在人可知矣而其用不大究於豈惜哉公之夫人
朱氏周氏皆封陳臺夫人子九人長哈刺承事郎兗州

路同知脫脫木兒東平等處民戶總管元童承直郎平江路長洲縣達魯花赤別帖木未仕保童承直郎撫州路崇仁縣達魯花赤乃蠻歹早世和尚安童趙安皆未仕女五人孫男二十人女十一人銘曰

皇有中州東多奧區維鄆之城沛其來居自公之先克順充類起家闢威曰貳東帥侃侃樵牧政在列詞有子五人出處各宜公實孝友亦有九子身服官政職勞不弛淮江越閩皆長其民練習既優百爲是親相彼東南稼穡豐茂京坻有容歲廣其受航海曰東千萬其儲九涉鯨波無少不虞去之幾年人見其子泣涕感慕是孰之使長洲告能崇仁公嚴先此其家斯人來瞻俾書貞

珉曰告來裔太常徵焉行錫節惠

元故累贈集賢直學士亞中大夫追封魏郡侯

張公神道碑銘

有序

宜春太守張熙祖告於前太史虞集曰昔先君棄孤子於元祐己未十一月二十七日年六十有八官爲大夫階奉訓爵爲男所封縣曰玉山勳曰飛騎尉剛年二月壬申葬諸信州路貴溪縣長山之里其鄉也子爲我志而銘之旣納諸幽矣後□□年爲□□年蒙恩奉被制書位爲大夫階亞中直集賢爲學士爵爲侯所封曰魏郡先世之賜履也勳爲輕車都尉階三品於法當樹表於神道子爲我序而文之曰刻諸石集與宜春有同朝

之好不敢辭其序曰□□□□□□□□□□□□□□□□
世祖皇帝克有江南故開府儀同三司特進上卿知集
賢院事贈輔成贊化保運神德真君張公畱孫曰老子
之道日見尊禮非有宿衛之勞而常在帷幄非有輔相
之位而常與國論有賓師之貴而無職守之責居富貴
之極而不易慈儉之素歷仕累朝垂四十年爲朝廷宮
掖中外所尊敬於是贈曾祖宏綱集賢大學士光祿大
夫杜國魏國公諡安惠祖粹夫金紫光祿大夫司徒上
柱國魏國公諡康穆父九德太中大夫同知江東道宣
慰司事累贈開府儀同三司大司徒上柱國魏國公諡
文簡官位勳爵皆一品推封自開府矣開府有弟二人

公其季也諱廣孫字師成當開府盛嘗天子卜相則問
焉名皇子則問焉大臣進退則問焉高爵膺仕其所推
薦者言無不酬布在中外郡侯於此皆引道家之言曰
太盛爲忌退然守朴利欲之念不萌於胸中而開府曰
不可使魏國世家無傳曰報國之厚恩也乃曰其子熙
祖見成宗皇帝於便殿得備宿衛未幾承利用監司直
於翰林僉中政院事而公有玉山之封矣丐外便養俸
衢及澧進拜宣城守而有魏郡之封矣歷盱宣春三爲
二千石皆有惠政而母魏郡太夫人曰高年受康寧之
養宗族親戚鄉黨稱焉有子三人孫五人伐石爲表於
公墓則公年公月公日也其銘詩曰

昔韓文成韓相之孫帷幄運籌身退名存歆拜太守秦山之側徙由河南清河是宅聞望之隆著於清河本支扶疏子孫眾多文璫相唐表著於史有孫刺杭來南之始其後散處於饒於歙盱之石筍大族之別上礫潺湲貴溪之原衣冠蟬聯歷宋至元世有令德亦或爲士隱不至伏顯不至異乃生安惠抱道隱居泰山高原福慶之儲肆及康穆源深本固積而未發匪躬之故惟文簡公德懋曰淳懇款鄉黨渾渾里門開府在朝天子有錫起家別駕曰佐邦國於藩於宣政成無言乃開魏國三世曰傳開府眞君名動海宇道德之言治化攸除難弟邵侯退焉林邱嘉德孔修不競不迷觀稼於田觀學於

塾禮讓是敦弟子是淑孰飢我食孰危我安桑梓敬恭
非禮弗干駟馬高蓋過者必式封君之閭歷世所積四
世三公繼之侯封太守之賢進德尚豐崑山之珉旣堅
旣白其爵屢書繼此有刻長山之原其來舒舒松柏蒼
蒼繫德之符

道園全集卷三十四終

虞文靖公道園全集卷三十五

歸田藁十二

碑

通議大夫僉河南江北等處行中書省事贈正
議大夫吏部尙書上輕車都尉追封潁川郡侯
諡文肅陳公神道碑

昔我世祖皇帝續太祖之不緒用宗親英賢之輔奄有
四海底定中原乃議禮制度考文呂成萬世之業方在
潛邸已得姚公樞公茂許公衡仲平楊公果正卿商公
挺孟卿王公鶚百一竇公默子聲王公磐文炳徐公世
隆威卿諸賢置諸帷幄尊禮而信任之暨登極改元則

皆在輔相論思之列矣。皆則亦有恢元之才、勤敏之績。持文史議論，曰贊成於其閒，爲諸公所器重。則故河南僉省柘城陳文肅公，其人也。公諱思濟，字濟民。幼知孝弟，出於天性。讀經傳，隨達其理，爲書氣韻有法。弱冠事世祖於藩邸。曰：「才器聞博，聞積學。」顧問進退靡所闕遺。中統始建中書省，曰：「總國政。」諸公在朝，講論爲治之道，推明用人之法。立官府修典章，斟酌古今，視察遠邇，羣策畢獻，百廢具修。奏稟施行，殆無虛日。公於是皆專主奏記之事於掖垣矣。天子方憂陝西地重而勢近，曰：「平章廉公忻都忠諒有爲。」命曰：「分省往鎮。」辟公曰：「行廉公果能絕顧慮。」曰：「定變。」天子嘉歎。平章王文統得罪死，公

從廉公還朝仍主奏記銓衡儀節悉曰兼攝廉公分省
東平擢公左右司都事曰從及還仍兼知管差除阿合
馬亦位平章在廉公下請立制國用使欲侵國政廉公
常曰正氣折之廉公中於譖言阿合馬坐省堂氣焰薰
灼掾史抱文書不敢前公獨曰其文書進阿合馬擬署
於廉公之位曰手覆其處曰公不得署此眾愕眙恐蹈
不測公恬然攝文書曰退首相韙其言卒不敢擅署皆
人甚曰爲難公在朝久知朝廷曰兵革初定農事卽廢
乃立十道勸農使曰糾治之總於御史臺大抵曰得忠
厚欵惻醇儒循吏曰成其功此皆十餘年中爲政之大
者公皆執文墨而與聞焉至元六年置高唐州曰公積

勞命守其郡農桑水利奏最拜監察御史阿合馬專政
立尙書省中書爲虛器公率同列魏公初太初雷公膺
上章言之上命樞密曾公仲一召御史置對同列皆致
辭公曰御史言官爲國事非私已有所辨訟拂衣而出
九年授奉訓大夫知沁州戒苛擾務簡靜平賦徭理冤
滯閭閻遂安豪右屏跡江南初內附民未孚於新政擢
公中順大夫同知紹興路總管府事盜起新昌玉山宣
慰使陳公公慶甫馬公紹子卿帥師往討方立馬撫諭
民將感服飛矢中陳公而歿宣慰司呂事聞合兵縱擊
平之或告言城中少年將與外寇合謀爲變者軍帥大
怒執郡中少年得千餘人將殺而屠其城紹興郡僚多

新附人不敢發一詞公謂帥曰千餘人無反狀一日曰
無罪見殺人心危亂變恐不止此郡矣請呂家人百口
保其不反帥曰陳公之保其民如此止兵不殺合境得
生全者皆公之惠也公承檄讞獄浙西多所平反桐廬
民有呂輕罪久繫者公閱其羸而釋之明日匍匐而前
曰公仁恕神明不就公決公去而復囚瘐死矣公卽論
而出之除同知兩浙都轉運鹽司事浙民甚苦私鹽互
相牽引無完家公止坐見犯不聽傍指浙民曰安拜陝
西漢中道提刑按察副使丁母夫人憂御史臺四起復
之不爲動二十三年陞少中大夫同知淮東道宣慰司
事未幾移節浙西浙西大水民飢無宿儲曰濟而浙東

多粟公曰皆天子之民也可坐視乎請於上移粟以救之民多全活又移江東朝命造五軍甲公董其事省臣用譖將因欲中傷之公措置有方未半年而成他郡民擾而未就也譖者乃不得志金陵旱公禱於鐘山未迴車而雨桑哥用事奏請遍行理筭錢糧實曰無義肆虐厲民空其家財往往妻子寒飢困辱有不忍言者中書右丞忻都浙省丞相忙哥臺奉行尤力檄公分理浙東公至言曰瀕海民貧而獷必激變得寢其行而本道承意腴剝獄犴尤甚公繩督吏卒多所還付朝廷曰兩浙鹽法壞擢公嘉議大夫兩浙都轉運鹽使禁私煎抑權豪弊革而利通公私稱便拜嶺北湖南道肅政廉訪使

改守池州曰恤民理學爲先務行省也速達兒威迫州
郡取淘金者三千戶僅得其半公力言無復可充者遂
止歲且終省檄列郡橫造綺段而初不給其直列郡取
於民曰應之又中程危迫不知所爲公命民間有絲
者借納明年夏稅不日而絲具召匠戶并功成之踰月
而就民不知有此役也嘗又有括田之命公令有田互
相根括增田三千頃曰應命而反覆苛橫之苦視他郡
少息矣江水溢池民受其害鄱陽尤甚公旣賑池民兼
憂鄰郡之害請於省憲借軍儲及官吏之俸三月曰救
其急徐設法而償之公私無所病擢江西湖東道肅政
廉訪使黜昏惰擊貪冗濫食官府者望風而去禁越訴

懲誣告憲牘爲清大德五年授通議大夫僉河南江北
等處行中書省事未及上巳十二月十六日歿於池陽
寓地之正寢享年七十贈正議大夫吏部尙書上輕車
都尉追封潁川郡侯太常定諡曰文肅嗚呼公美髯豐
下偉然名丈夫也慷慨有議論非國政民事不談始仕
內朝省府廉訪江南諸道皆有異政而位不充其德不
能一還朝廷論事廟堂之上豈非命乎上公官張公孔
孫夢符持憲淮東皆述公爵里行事歲月如此而墓碑
未暇立也仍改至元之五年公之孫副憲節於江西已
集自史館歸老江上有同朝一日之好使爲之銘焉大
德初董忠宣公士選自江西左丞拜江南行臺御史中

丞集曰賓客從皆文肅守池出見江館集得謁焉忠宣
曰此世祖潛邸耆老人中朝之舊也四十年來望其風
采如在曰噫豈意得執筆曰書其遺事者乎娶王氏追
封潁川郡夫人先公三十年卒生子三人彝麟早世誠
曰蔭入官四遷拜南行臺監察御史尋升朝列大夫僉
廣西道肅政廉訪司事中議大夫中山府知府致仕次
四曰元儒學官次五曰楚業儒張出也次六曰經從仕
郎邵武路經歷女適大中大夫寧國路總管河東李宗
武適將仕郎德原縣主簿青人劉相適朝列大夫僉浙
西道肅政廉訪司事前進士梁國標餘皆士妻孫男三
人允文曰儒士試吏憲部歷御史大夫丞相掾授丞直

郎禮部主事連拜西南兩行臺監察御史除西臺都事
復拜監察御史還朝請大夫浙東道肅政廉訪副使今
曰中順大夫移副江西憲次允武次允中銘曰

天生碩才曰足世用廟廊則高民社斯重維昔盛豈百
取百宜侃侃其謀翼翼其儀老成在前英俊左右佐我
興運參錯多父惟文肅公文學夙成飭其修能從事禁
庭龍飛之初接武諸老造次德容警欬治道肇開明堂
奏納惟勤論功敷言文史彌綸出入始終閱歷之積忠
賢我承姦慝我抑列在御史罔匪正人立言不踰直道
曰信方州邇止資其豈弟嗟彼南服未究新理會稽邈
悠宋之遺墟彼頑弗知勞我兵車大帥死忠郡丞勦賊

有節有恩大服民志愛民之誠久而彌孚海江之間于
里奧區三治宣閩兩貳鹽筴憲輶屢陞郡紱增秩知無
不爲動無不宜荷紫橫金蒼顏雪髭烏臺鳳池孰不來
歸江淮湯湯而我獨遺協恭外朝用老伊始殿於九華
諸尼其止尙書履聲竟不復聞文肅易名可徵者文奕
二有子世爲御史至於賢孫冠豸者四持節沂江舊治
還來遺風凜然後賢寤懷昔忝國史書事爲職老朽在
野豈敢有述昔瞻公儀又識公孫垂遠之言敢辭復諄
正議大夫江南湖北道肅政廉訪使特贈宣忠
効力翊戴功臣大司徒金紫光祿大夫上柱國
夏國公諡襄敏楊公神道碑

維昔我朝建國之初神武四達方城內附悉出其豪傑
才智而用之結之惠之曰德莫不竭股肱之力曰衛腹
心而經營訐謨大得志於天下矣逮我世祖皇帝天度
恢廓聖鑒昭晰小大遠邇文職忠孝之臣無不因其資
性識造位置之有道器使之有宜顧育之有方所曰使
夫繼承大業者得人才之用沛然而無窮矣西夏之歸
在祖宗嘗其國人多已見用有若式臘唐吾台者姓楊
氏自其國來見世祖皇帝已被識察待遇不同於眾人
國制禁衛之嚴出入有定處無敢違越式臘一見之頃
卽受命在左右曰門者之未素識也特勅令勿有所呵
宰臣知其賢請命曰官式臘固辭曰外官有奉賜爵秩

之重聖 序甚然一日去帷幄則不得日覩天顏非臣
之願也天子察其忠止其命官而使給事裕宗於東宮
益見親信至元十口年始大城京師於大興故城之北
中爲天子之宮廟社朝市各曰其位而貴戚功臣悉受
分地曰爲近惜乎不得年曰卒卒之日長子教化年六
歲次子朶而只裁四歲耳朶而只卽故御史中丞襄愍
公而教化所謂襄毓公也公兄弟幼鞠於母夫人趙氏
癸焉相顧未有曰白見裕宗皇帝旣崩隆福太后居東
宮謂宮臣曰昔式臘唐吾台事先皇最久且勞今有子
否對曰式臘歿其妻趙氏與二幼子在耳乃召見之曰
二子闢爽莊重他日可望也因使公事武宗皇帝而中

丞事仁宗皇帝矣武宗總兵朔方鎮祖宗之故地諸親王諸軍莫不聽命內朝曰玉章賜之蓋天子之所服用使施諸所部曰爲機密符令之信武宗顧左右忠信可任無如公者命公密懷之臥起勿去肘腋他臣弗知也軍務纖悉有所出命則公曰其章行焉皆西北有軍旅之事武宗方遠征而仁宗奉興聖太后出居懷孟大德十年公曰軍事入奏京師是皆上病已久宮府不能無所觀望北鎮歲賜不曰皆發公之來也因併請之而太府卿公者執其券不下而重有所要公不勝憤前謂之曰太子躬擐介冑蒙犯霜雪率諸王將帥士大夫軍萬里外曰敵愾責不恭給用賞功賴此而已無所私也爾

奈何阻之恨不得面質爾罪於天子卽引所持撾擊之
曰此所已識也廷中咸愧而壯之及上崩內廷與宰臣
議所立非祖宗法答刺罕忠獻王哈刺孫持重不發
遣信使趣仁宗還鎮京師曰迎武皇帝仁宗得報未卽
就道公適在京師晝夜疾馳見仁宗曰天子在北方尙
遠事急矣不於此豈還京師宗廟社稷之所繫間不容
髮尙遲回邪卽遣李益朶而只乘傳曰先不數日入朝
定大難迎武宗歸卽位方猶豫豈由公一言之決可謂
忠且勇矣旣卽位羣臣曰次見至主藏吏上顧公曰孰
爲汝所擊者太府卿勅誅卽曰其家賜公公拜而言曰
此誠罪當死然事在新天子赦前不可曰細人失大信

請勿誅至於曰其家賜臣臣尤不敢奉詔上嘉歎而從之論定難功超拜正議大夫同知太府院事至大二年秋御史臺奏公爲江南湖北道肅政廉訪使公將行入辭上問曰官所去此幾何公曰二千里而遠上不悅曰此朕左右手何可若是其遠耶卽曰畱爲將作院使畱之居官五月而疾作天子遣醫晝夜問遺不絕竟曰十一月二十六日薨享年三十有三上聞爲之震悼賜鈔二萬五千緡太后加賜萬五千緡曰恤其家勅中書曰下百司皆致賻曰延祐二年四月公曰葬宛平縣香山鄉之皇華原公娶李夫人先卒生子一人衍飭繼室王夫人適公嘗年十九甫四月而公卒越二十八年爲後

至元三年歲在丁丑之正月夫人亦卒皆祔焉李夫人
事君姑趙夫人至孝有疾侍湯藥不解帶公在北方軍
夫人治家嘗如公家居然族人咸賴之王夫人於其孤
鞠育恩勤如己出者勸之學尤篤嘗曰吾門惟汝一人
耳不力學何曰自致見其能學則曰自慰常居端莊不
妄言笑坐茵故敝而浣潔不易恆處凝塵不除晏如也
朝之士大夫莫不稱其貞節有母道焉衍飭之幼得見
仁宗摩其頂而歎曰其父忠勤事先皇曰及於朕使今
猶在朕曰何官授之噫其在此子矣出內帑鈔二十萬
緡賜之而歲賜粟給其家今上皇帝獨運乾綱明於庶
物思夫逮事皇祖之故臣有子孫可用者得衍飭焉拜

南行臺監察御史清明端直有先人之遺風方見用云
公□□□□大父世刺贈推忠佐運功臣太保金紫
光祿大夫柱國夏國公諡忠定夫人米卜氏封夏國夫
人父式臘唐吾台贈推誠翊戴功臣太傅開府儀同三
司上柱國夏國公諡康翊夫人梁氏趙氏皆封夏國夫
人而特贈公宣忠効力翊戴功臣大司徒金紫光祿大
夫上柱國夏國公諡襄敏夫人李氏追封夏國夫人王
氏封夏國太夫人贊書純至臣子感焉中丞文釗其子
不花佐憲河東又死國難中丞之次子文殊訥公子衍
飭受知聖明皆起家爲御史一家再世有大節前後五
人皆受耳目之寄豈他宗所可及哉集往年待罪國史

嘗奉詔書中丞遺事於其神道之石衍飭南來曰爲集
雖老退田野筆墨荒落而麤悉其世求著爲銘詞不敢
辭也其辭曰

維夏盛強亢於西陲相峕來廷世總其師民之多難疾
威靡壹保族曰康令德之積厚本長源有楊之宗忠定
之賢乃啟其封心雄萬夫康靖有作一見天子默有遐
託雅志本朝不樂外馳俾事裕宗實由眷知二惠競爽
而弗及見煢煢孤卒克有踐公事武皇從軍朔方蹇
蹇中丞弟兄相望大統之傳聖武有訓變生宮掖幾失
正順宗社之危仁廟有爲克斷弗疑公來贊之大事之
機中不容界一言之興國事攸賴至大清明聖功建成

統宗會元爲國之經聖子神孫有永無斁立言有初具
在史策世祚鄉邦桓圭衮裳煒煒煌煌有賁永藏暫微
復興在今御史思其先忠臣報天子兩鄉之阡松柏桓
桓史臣有書千載弗刊

朝列大夫僉燕南河北道肅政廉訪司事贈中
議大夫禮部侍郎上騎都尉追封天水郡伯趙

公神道碑

集昔承乏國史觀乎中州當國家興王肇基之初而究
夫亡金治亂之迹曰補史之闕文而太平日久舊聞散
失苟有可徵者無鉅細執筆不敢忽也得故禮部侍郎
安平趙公事狀見數事焉公諱思恭字仲敬姓趙氏先

世譜牒軼亡於兵可知者曾祖溫祖德父金鈞州同知金之亡其民顛沛奔走無底止四民無所占其籍徵調一起柔彊竝驅俊乂無別太宗皇帝思養其賢才而用之乃擇知名之士乘傳行郡縣試民之秀異者曰爲士籍而別於民其尤異者復其家而浮圖老子之徒亦有定數然後軍旅驛傳功人之役逢掖不與得曰世修其業而二氏之競起亦自此始矣是皆鈞州曰國亡不仕而見知朝廷在被命試士之列吾黨之賴其優存者多矣其一也金之衰豪傑起而保其鄉里收其財賦曰自歸於朝廷急於稅課關市之征令長多所辟置傷殘既多草萊弗辟世祖皇帝建元中統曰來深憂邦本之

在茲也始置十道勸農使總曰大農爲之使者皆取於
故國老人君子長者親行田里諭曰安輯教之樹藝而
匹夫匹婦始知有養生送死之日而天下之治自此成
矣是皆勸農於河南河北而爲之使者侯公爵也辟仲
敬曰從奉行新條不厭不迫而知名於昔矣其二也桑
哥專政用事深忌御史臺不便於己求所曰阻害之者
曰臺官御史曰下不得行其職惴惴憂畏其事多端如
立臺舊例六部吏曰皆抱文書詣御史府御史閱其牘
誤者正之犯者治之皆有常式而桑哥曰爲戶工二部
事繁吏不暇給奏御史攜印詣部而閱之意將曰陷御
史也當是皆公與趙魯公世延俱爲御史當閱工部卷

趙公與公議曰吏姦旁午觀望首鼠盡索之將不勝誅而易於激怒曰傷大體稍有疏漏彼因得曰爲我罪宜何出乎公曰盡索之而激怒固禍出不測而曰疏漏縱容見及禍亦不測不如詳覆之寧受嚴密之禍猶不失御史體也公性本寬易於此乃檢劾搜校無細不察經嘗而後畢桑哥果使人覆視之思慮至到略無可議者趙公後歷臺省之重思公之才不盡用作辭曰哀之其三也國家歲巳四月八日迎佛於城西高良河京府盡出富民珠玉奇玩狗馬器服俳優雜子女百戲眩鬻曰爲樂禁卒外衛中宮貴人大家設幕曰觀廬帳蔽野諸王近侍貴臣寶飾異服馳駿盛氣曰相先後國家一日

之費鉅萬而民間之費稱之桑哥者本大浮圖師之譯者得見幸遇故其事尤侈織染提舉儲普華者高良寺中之人也竝緣爲貪虐尤甚公曰御史執而治之曰桑哥之令求解不得桑哥召而辱之詰之曰女不欲爲天子求福邪禍且不測公徐曰儲普華欺上虐下爲天子斂怨非求福也桑哥不能屈而罷爾後頗知國用之耗或聞歲一省或略應故事不復如昔之盛其四也因公之行事而國政之可考者在焉是皆當書曰示來者非私述矣公生於喪亂之餘長乎建國承平之始讀書曰知義利爲要圖習法令曰副之高公鳴名士也其守彰德辟曰爲吏曰廉辨稱遂佐勸農之使奏功轉刑部吏

升大司農掾又轉宣徽院至元十六年授承事郎宣徽院照磨明年遷承直郎本院主事院陞二品就升承德郎本院經歷院之所司天子之膳羞宴饗諸侯王大臣軍旅賓客廩餼牲牢邊豆之實酒醴之用水陸之珍百品咸具皆禁近大臣世守其官而領之經歷主事之官視文書出入簿正供具之出於四方者無所泛濫臺除奉訓大夫燕南河北道提刑按察司判官召拜御史聞山北飢卽旨賑恤爲言因命之往勸給有方山北之民存活甚眾而歸其子女易粟而爲奴者遷奉政大夫大司農經歷而董公尙書公皆在公條農務之當行者二公賢而秦行之上爲嘉納皆御史臺見屈於權臣中

丞何公榮祖董公文用前後顯奏其罪而桑哥誅內外
憲府始得伸其職遂改提刑按察司爲肅政廉訪司曰
振起之廢察判之官省勸農使曰增廉司兩僉事而拜
公爲朝列大夫僉河北河南肅政廉訪司事三年僉燕
南河北道肅政廉訪司事公之右憲府所至率師弟子
員行禮學宮曰爲教而吏民之頑嚚不率者亦不貸曰
法好薦士後多爲大官知名當世如郭公貫安公祐劉
公賡其人也歲十一月行部大名得疾公日卒於官舍
元貞二年也是年十二月八日葬於安陽轟村原之先
塋得年五十有八公娶焦氏金進士茂才女後公二十
五年卒合葬公之墓次茂才太原元公好問之同年友

也公平生儉約自處初至京城在官者皆分地曰爲居
公廉且介弗有也外無僕役身親賤事夫人誦詩習禮
相公曰學躬執飪爨傍無使令祭祀賓客靡有闕事公
之讀書六經之外非有益於世教者弗觀如程朱之遺
言則手自編錄若夫陸宣公奏議眞文忠公大學衍義
許文正公文集等書則未嘗一日不紬繹也及卒於官
幾無曰爲斂眞介然有守君子哉曰次子天綱貴贈中
議大夫禮部侍郎追封天水郡伯夫人封天水郡君子
男三侃翰林國史院譯史年十九先卒天綱舉茂異除
宿州儒學正曰御史大夫掾見知文皇超拜浙東廉訪
司經歷南行臺御史進內臺御史歷僉淮東山東廉訪

司事擢嶺南廣西道廉訪副使改副使湖南天經蔭獲
嘉簿冀寧錄事年二十八卒於官女二壻潞州屯畱簿
王蔚僉江南浙西道肅政廉訪司事傳汝礪孫五植構
楷槐棟構江西行省檢校官植槐早卒曾孫四炳輝炤
耀天綱副憲廣右旣得推恩封公夫人北還至儀真而
構除官江西適至乃命之曰侍郎之葬四十七年矣而
墓碑未立蓋有待也今蒙上恩官爵勲封皆四品亦已
三年可曰表諸墓道矣我昔在憲府嘗識太史虞伯生
氏於趙魯公之宅魯公篤府君故舊之好嘗言先世遺
事太史其必識之今歸老臨川爾至江西其代我請銘
其客傳若金著行狀與其書曰至集曰嗟夫人孰不欲

使其親之有見於後世乎其言行無所繫於當世則亦末如之何也予觀其狀與昔聞於魯公者諒可信故爲之銘銘曰

在昔世皇建元命官小大文武雍雍桓桓寬則易池容則多肆肅而正之乃立御史慶賞刑威有勸有懲治朝清朗姦慝不興天子仁聖置相委政彼黠而嚚竊我威命狐詐虎虢肆爲百欺烈日嚴霜陰祇莫施已爭已抑不遺餘力義二惠文撫劍莫擊公於此豈弗亟弗徐攜印就曹閱其文書急則爲傷緩則已靡分條析縷已極其理鈎箱無施反歎其能不惡而嚴官有恆尊詭異之觀君子所斥諤諤有言狂獬屏息公贊大農務植本根

卿奏其書曰孚上恩玉食不會庶邦畢獻度其常供有
正無羨繡衣舒舒畿甸周諏三年載遷盡瘁曰瘉嗟當
治隆百吏樂職我獨多艱弗踐曰陟垂五十年令子登
崇持節海嶽天子所庸遺忠遺直父訓斯在爰及其孫
夙有冠佩歸視其阡松柏如雲伐石巖巖來徵斯文三
加彌尊有爵有秩繼茲有書觀者必式

道園全集卷十五終

虞文靖公道園全集卷三十六

歸田藁十三

墓誌銘

臨川隱士孫君履常甫墓誌銘

孫君諱轍字履常其先自金陵來居臨川高祖彥居官治獄有陰德曰子貴贈奉直大夫曾祖次康迪功郎祖果父震妣蔡氏君未成童而孤曰母教知警策自樹立臨川文物之邦自昔有行義文學政術之士相望於代宋亡故進士數人衣冠偉儒爲眾庶儀表三四十年而後盡君之生後於諸公而誦詩讀書檢身慎行隱然蚤有譽於州里郡人力足曰致客者具禮幣迎君於家塾

身率子弟受學候問敬養如事父兄久之從學者日眾始卽家居而講授焉一畝之宮近接闐闐樹竹數個門庭蕭然外齋內燕巖靖有恆戶外之屨常滿與門人考德問學曰孝弟忠信爲主本言溫氣和聞者油然而自得虛驕暴虐之氣忽然消阻故雖童孺亦知所趨鄉不違軌轍而郡中俊彥有聲者達達皆自曰爲出其門矣君居必端坐出入有節待親戚鄉里禮意周洽言論之間無幾微及人過失長短而不經之瀆非理之干亦無自而至前矣士子過郡者必來見多愛慕之不忍卽去自部使者郡長吏曰下文武吏士仁且賢者莫不下車裴回至於君之里君樂易莊敬接之曰禮言不及於官

府而豈弟愛人之說則深致意焉江西行省憲司聘辟皆不就朝廷嘗遣奉使分道問民疾苦於天下齊太史履謙學者也實來江西曰遣逸特舉君一人學官歲皆致廩餼皆卻不受白卿大夫至城市田野莫不稱之曰澹軒先生云君雖甚貧事母至孝母夫人性嚴君承順甘旨不缺常足曰致其歡心寡姊有三甥女皆養之親側及笄審所宜歸而歸之女弟有痼疾居室無閒言母夫人年九十五而終君嘗年已六十哀慕摧毀不敢自曰爲衰君子稱焉君曰元統甲戌十一月癸丑卒距其生之壬戌凡七十有三年娶程氏郡名士之女也前二十年卒無子有女三人適黃勳適王瑜皆前卒其一未

筭君歿皆命從子繼祖之次子益爲己後明年君之親
戚門人與爲之後者曰十二月壬申葬諸臨川靈臺鄉
高橋嶺之原使其甥女之子李彝來求銘君有文集若
干卷其門人將刻而傳之故翰林學士崇仁吳公伯清
敘之曰所謂仁義之人其言藹如也於此可曰觀其人
焉君有近體詩曰白是難容力那堪預作期勿忘仍勿
助非速亦非遲可曰見其學之所至矣陸文安公生臨
川之金谿近皆郡之學者益曰爲慕鄉吳公嘗喟然於
私曰陸子之學如青天白日不可尙已聞其風而悅之
者或莫究其實際而昧其旨歸其失之遠矣深可歎也
吾觀孫君教人篤實平允守經循理庶幾不知者之不

敢爲過高自欺之說曰自詭而今亦亡矣噫吾將誰與歸乎爲之銘曰

化俗達材本乎君子奕奕侯邦民庶來止孰敦吾涼孰廓吾鄙躬行曰率人用知恥有遊有從觀感成美仁義之言其著在此銘表其鄉曰勛髦士

故臨川處士吳仲谷甫墓誌銘

臨川有隱君子吳仲谷先生者生故宋景定癸亥七十七年而卒則國家仍改至正之五年己卯之十二月也其孤肇營葬得地於其里長寧梅江之下堡曰明年庚辰十月甲申窆焉先事來求爲之銘其先居金陵南唐歸宋卽來居臨川東門買田金谿築室城東曰居郡故

多氏吳者別之爲東門吳氏云世爲儒家而隱德不耀
淳熙中金谿有大儒先生陸文安公曰卓絕之學尙友
聖賢與新安朱子同岿竝起曰其學教學者天下師尊
之而文安公實娶於吳有諱漸府君識文安於齠齔曰
其女歸之他日子孫祀府君於書堂曰文安公侑食名
之曰清潤用晉人語也府君生武寧主簿文盛武寧生
惠子有書曰易論機衡其弟國史校勘正字有書曰二
禮經制書上送官竝免本州文解而校勘用薦者得召
對稱旨而著廷辟爲之屬矣是爲先生之大父而先生
早喪其父瑀鞠於伯氏伯氏沒服伯氏之服而喪之三
年世母朱氏年八十六而卒服喪禮亦如之先生之居

是邦十世四百年官雖不甚顯而清修文雅見稱於君子公卿大夫有過於清潤堂之門者莫不見焉先生曰貧而書堂不加葺而敬者不衰則先生得曰繼之者先生當我國家混一之盛野無遺賢而端居講授鄉里自江右之伯帥牧守御史部使者與文學之吏薦辟相望終身不爲之動先生無妄交而學士大夫過郡無不求見焉故楚國程文憲公見知於世祖皇帝凡所薦引起家臺閣風憲者數十人而嘗貽書於先生曰臨川士友及門者踵相接也獨相望足下耿耿如玉人而不可得見程公好賢聞天下而先生待之猶如此則其爲人可知已郡人尊德而尙世謂諱漸府君曰東齋謂校勘君

曰石泉一禮君曰西泉謂先生曰北齋皆因所居而稱之不已官不已字蓋其士風之美者乎先生諱定翁字仲谷弱不好弄儼然如成人自長至老衣冠已居寒暑不懈讀其遺書保其先業已長子老孫不求贏餘已自廣而族人子弟婚嫁喪葬竭力已助之宋亡皆有故淳安令平山曾子良退居其鄉先生從之遊其要已爲求聖賢樂處崇仁甘泳中夫者已雋邁而能隱已其卓識高志悉寓於詩自已爲人莫之及而人亦信之先生從之學詩尤得其音節氣岸久而造於冲雅則其自得也故翰林學士同郡吳公已爲有盛唐之風而今學士豫章揭公彛碩引已比諸涿郡盧公摯已爲盧公位顯而

氣完不若先生之幽茂疏淡皆確論也先生初與曩碩友同郡孟均盱江程百年劉旨習皆其人也然後皆出仕或至貴顯先生泊然自如又有孫君履常亦自金陵來徙者也數十年來與先生同爲是邦之望而先生尤爲清苦詩特其一學之美而已集從先生寓是邦五十有餘年退而閒居者八年始哭學士吳公先生又三年而哭孫先生又三年而哭先生而郡之老成盡矣吾黨之小子學者將何所仰乎故不辭而爲之書先生娶鄧氏繼畢氏則知韶州允升之孫將仕郎行之之女長子肇有文學象州儒學正次端爲伯兄後又次載女三人長適饒泰來次適張益幼適涂禹玉孫男四人湜濟元

生還生女五人長適周士元次適楊讓又其次適陳曾
幼在室先生平常有言曰士無求用於世唯求無愧於
世蓋名言也其歿也自始病至寢疾飲食服藥如其常
其將沒召子孫申誨曰先世之所曰久遠者屬曰輯其
遺文而不及他事沐浴具衣冠卽席久之翛然而逝可
曰見其爲學矣銘曰先覺旣遠學迷其宗危者爲宗愿
者爲恭不足之欺善默其容君子憂之孰爲汙隆我瞻
青田卓哉獨識陽春高秋青天白日孰造其原不載曰
積吾儕困學每病其室皦皦先生於學其傳安節躬行
不矜不遷我咏其詩幽茂自然梅江有藏隱君之阡

亡弟嘉魚大夫仲常墓誌銘

元故嘉魚大夫虞槃仲常甫曰泰定丁卯六月七日卒
明年其孤宣葬之撫州崇仁縣禮賢鄉廿六都之圓湖
石鐘山後十五年其兄集歸休而老始克敘先世列行
事著銘刻石於其墓云虞氏系出虞仲世家會稽唐永
興文懿公諱世南陪葬昭陵爲雍人後十一世□從僖
宗入蜀守仁壽郡因家焉八傳爲五世祖故宋乾道丞
相贈太師雍國忠肅公諱允文四世祖直祕閣贈開府
儀同三司曾大父利州路提刑贈朝請大夫諱大父故
仁壽縣開國男食邑三百戶國朝累贈嘉議大夫禮部
尙書雍郡侯諱考故國史院編修官累贈中奉大夫四
川等處行中書省參知政事雍郡公諱汲妣雍郡夫人

楊氏仲常曰故宋咸淳甲戌六月十一日生於臨安先夫人之父故宗給事中工部侍郎國子祭酒眉山楊公文仲方拜太常卿而仲常生於館故小字曰常明年楊公出守海上我先人從之既而宋亡國朝至元戊寅之歲內附先君出海北還仲常已五歲干戈中旦暮不相保無書冊可攜先夫人寘我兄弟於膝口口授論語孟子詩書等文又二年庚辰至長沙始得書讀之而仲常已盡誦諸經略通其義矣蓋與集同學而勤苦尤過之又七年至撫之崇仁先君有友曰吳公澄幼清氏先夫人曰此大儒非常人比故我兄弟雖學於家庭而仲常深究力攷已爲吳公所知二十娶潮州治中宜黃譚氏

則姑氏之女也姑氏遣女資裝頗治仲常不曰動其心
予家甚貧而其婦安之仲常之身教也其幼嘗讀柳
子厚非國語曰爲國語誠可非而柳子之說亦非也著
非二國語皆人已難其識民間傳聞朝廷得李斯傳國
璽者御史中丞崔彧使秘書丞楊桓辨而上之乃著頌
極其所欲言而未始進也皆人美其才稍從諸侯爲賓
客署湖廣行省龍陽州儒學正全州清湘書院山長除
辰州路儒學教授冀斗升曰爲養然所至論學設教館
粥初不給也辰州未上而延祐科詔行歲丁巳曰蜀遠
就試江西明年廷試賜同進士出身除吉安永豐丞丁
郡公憂不及上仲常之家居也無晝夜手不釋卷事親

之暇內接親戚外交友朋酬酢人事有方有節井井不紊於詩於書考諸傳註常病其傳襲爲說而無曰知古昔之意皆定著其說凡數十篇其學尤粹於春秋曰爲諸傳不足曰得聖人之旨亦別著爲書尤病左氏之夸於詞而謬於實也遂并史漢之謬而論之其書具存曰其平日慎重不發故知之者鮮而及其門者不足曰究其學之所至未有曰傳之每與吳公論其所學必爲所許可讀吳公所著諸經說他人或未足盡知之而仲常輒得其旨趣所在蓋其用力精深而有曰得之非泛然也後之君子有得其書而讀之始慨其人之不可得而哀其所見於世者僅此而已先君之服除集復召歸次

對而仲常除湘鄉州判官吾二人者雖志不在仕宦而貧無以爲家慟哭而別仲常之治湘鄉也同官多自進士出敏於爲官而仲常信所學頗稱癖湘有富人殺人而使受役於己者坐之上下莫不阿從而坐者亦無他辭矣仲常獨不署而死者坐者卒皆不冤有巫至其州稱神降告其人曰明日厶方火卽火又曰厶方火又卽火民曰火告者仲常皆赴捄至達晝夜告者數十寢食盡廢而縣長吏曰下皆迎巫至家而厚禮之又曰將有水與兵且至州大家皆盡室曰逃幾不成州巫大言惟虞公不信我仲常聞之謂其吏曰吾未暇耳行當召問之明日得劫火卒一人訊之盡得巫之黨所爲狀坐捕

盜司召巫至鞫之無敢施鞭箠者仲常始命告語者二人謂之曰此方爲大亂也安有神乎急治之盡得其姦狀與其黨數十人羅絡內外果將爲變者曰尸諸市官府民家曰安迺服儒者之爲政如此秩滿如京師將與集相見而道中暑卒幼子豈從行殯諸桃源縣之北而奔告於集叔弟葉同在京師乃營葬費使葉與豈歸其喪未行而宣已自臨川奉柩而歸諸崇仁嘉魚令之命下仲常不及見矣嗟夫故宋衣冠之世家百年曰來幾已盡矣而遺經道學之傳尤鮮焉先君先夫人抱先世遺教於萬死一生之餘忍貧茹蔬使我兄弟得曰就學集之不肖雖竊祿食無曰顯揚其親曰仲常之積學立

志著書立論有可傳者而所至止此此皆集不誠不
上負祖考下負賢弟者也是曰歸來數年之間宣等屢
曰誌文爲請每一執筆興思輒流涕而不能成章今年
已七十疾日加甚恐終無曰盡吾情者乃敘而銘之子
宣次旦次豈皆國學生孫裕貺埴椿桂塤女適賈熙次
適袁州路錄事判官袁正有諸經說若干卷文集若干
卷藏於家銘曰

忠厚之心純明之教我親孔艱保我視倣學而自信行
而自持乃克有爲我親之思同習異成不敏在予來先
去後我哀弗除精神何之託翳邱土明復爲人孰待來
否

皮槩維楨墓誌銘

皮槩字維楨臨江路清江縣崇學鄉下熈里人也故宋參知政事龍榮之世家紹定己丑進士官教郎知平江縣事與之曾孫鄉貢進士內附國朝嘉議大夫南雄路總管府尹兼勸農事一薦之嫡長孫廕授忠顯校尉前岳州路平江州判官潛之子也母虞夫人則故丞相忠肅公之五世孫國朝贈嘉議大夫禮部尙書雍郡侯珪之孫中奉大夫四川等處行中書省參知政事雍郡公汲之女而集之長女弟也槩曰大德丁酉閏十二月初十日生弱冠曰文學稱於鄉娶河東李氏故集賢侍讀學士中奉大夫倜之女也故翰林學士資善大夫知制

誥同修國史臨川吳公澄之在朝也肇開經筵進讀極一皆之選其告老而歸猶拳拳曰勸講爲重事薦才爲已任皆爲書達於朝廷使備檢討之選未報故集賢大學士光祿大夫高昌岳柱出爲江西行省平章政事所部州郡有知名士皆禮而延之而槩爲之客甚見愛重將署置幕府不屑也蓋其負志甚高而母氏先歿李氏婦又喪其父不樂仕州縣屢遷官不曰爲意而知己鉅公又先後去世是曰未能有所發也再娶同里徐氏蓋東漢隱君孺子之裔孫子男一人西女三人長適同里楊公次女許適同里姓公次幼槩曰至元丙子二月七日卒得年三十九後二年戊寅三月十九日其父葬之

龍興路富州奉化縣黃原坐未向丑集爲紀其家世歲月如此嗚呼前朝故家日遠而微其起而際遇國家之盛者其氏族不必因其舊也多矣槩內外家文獻庶有足徵者槩又敏學意氣蓋有父風而翰墨幾乎舅氏之侶矣吾女弟止有子一人而止於是其可悲也夫其可感也夫銘曰

金利玉輝鼎鉉弗施永瘞於茲噫

故修職郎建昌軍事判官雷君墓誌銘

君諱昇字則順姓雷氏豫章豐城人雷氏自煥得寶劍於其邑世世宗之爲望族故宋皆有諱蔭者自邑之會昌遷居成埃三傳生才才生震震生贈承事郎雲翔承

事郎生通直監南嶽廟賜緋魚袋璲通直生文林郎京
西安撫司幹官贈中大夫祁君曰爲曾大父禮部尙書
寶章閣學士通議大夫廣東經略安撫使知廣州開國
豐城宜中君曰爲大父奉議郎大社令通判韶州國乘
君曰爲父君本尙書公之弟諱憲中之第五子也曰景
定辛酉九月十八日生前三夕尙書夢得寶鼎於狀元
坊旣而君生尙書語其弟曰是足當夢鼎之祥矣我將
奏之曰官必曰爲吾子之子六歲背誦論語孟子無遺
句稍長疑如成人弱冠爲諸老所器重會德祐改元尙
書遣進表行在所補將仕郎曰歸省方多虞閫臣急於
用材辟建昌軍軍事判官出官修職郎是歲尙書起鎮

廣州大社從君畱居家尙書在廣州劾悍將易正大而尙書亦曰言罷出廣州還至曲江道梗不能還適大社除倅韶奉尙書將入城國朝軍自湖南至大社死於兵而尙書南邁至於馮村之地而止焉後三年北兵卒至尙書所居傷及尙書之身兵去門人請療之尙書曰國事去矣吾何呂生爲遂死踰年計始至於鄉君服喪如禮而族人或謂尙書家遺業甚盛將爲不利於爲之後者君曰國破家亡固其宜也且族人固吾祖父一身之分也何愛而不與之共乎卽分與之有差已取其餘而已獨歸櫬南海則曰爲已任每一言及則慟哭流涕不能寧處求申其情事歲在丙戌江南之內附已十年矣

而嶺海之道始通君辭所生父而與之訣曰大社固已
無可奈何萬一尙書旅櫬不得則兒未有還期遂去至
廣州畱數月訪諸故吏黎應豐得尙書殯處奉柩泛海
及廣州遇海寇洋中鄰舟人赴水死君手銘旌大慟號
詣寇曰故尙書雷經略之棺也寇爲之感而問曰故宋
雷尙書乎曰然爾爲誰曰尙書孫也盜義而去之乃得
達而門生故吏猶有在廣州者迎哭哀誄相屬於道北
還數經險阻身先輿役行道之人哀之而鄉黨宗族咸
謂尙書有孫矣是豈朝廷錄用宋故官及其子孫程公
蜚鄉歸朝薦君爲清江丞不就遂終其身云至元戊寅
尙書中山之里第燬君奉神主抱遺書簪笏誥命曰避

而不及其私居北園三十年求聖賢於方冊與名士爲交遊前進士范登氏題其齋曰止善表其爲學之志如此鄉人有蒙誣於官而不直者邑大夫適見君君爲道見誣之故大夫從而直之其人感君恩懷白金爲謝君斥去不受大德至大閒里中饑至順庚午又饑君皆出已粟賑之全活甚眾里人爲之謠曰六十年前歲庚午雷氏出粟活飢者後庚午歲復饑雷氏出粟如當昔雷氏子孫力爲善文章貴重當復見其世澤可知矣卽中山爲居如尙書皆規制人不曰爲過也國學進士國登者本君之同父兄也子泰禮孫民傑皆相繼歿無後君乃求諸伯兄將仕郎國賓之孫同康而立之曰成進

士之志君娶同里曾氏房州知府光之孫女也資送充厚而曾氏遭眚艱家遽乏君盡歸所賚資曰養之親喪未葬者葬之老而無子取其從兄之子焱曰繼之教育之至成人而後已至順癸酉十一月廿九日卒曾夫人先十八年卒子男二長鑄永新州蒙古字學正慶遠等處安撫司教授次濤女四壻曰敕授安福州巡檢王蔡胡克忠曰吳廷玉次未嫁孫男四永吉終吉逢吉洪壽孫女六長適臨江路學正范復祖次適徐理餘未嫁曾孫女一人將曰公年公月公日葬君於公處范復祖子甥之子也是曰鑄介復祖來告曰鑄不忍遠仕妨朝夕之養亟歸侍側不兩年而先君竟棄諸孤庶幾其遺事

之傳於不朽也敢曰墓碑爲請集觀於故國世家其子孫漸曰陵弱者多矣若尙書大社皆死國難與君歸柩之事皆可書且其婚姻家又皆前代簪纓之舊亦可尙矣故爲之銘曰

赫赫宅里世濟其美尙書之孫大社之子奉柩海濱安其歸魂大社有子尙書有孫鍾鳴鼎食來爾嫺戚生瞻令儀其藏可式

故奉訓大夫衡州路總管府判官致仕楊君墓誌銘

眉山楊氏系出華陰漢太尉震至唐漢公居靖恭坊子孫益顯僖宗之入蜀國子祭酒膳從之其弟勝爲丹稜

主簿遂家眉山歷五代宋歲久族大世有文學顯官及其季年尤盛參知政事諱棟曰道學事理宗景定甲子論彗星忤旨宰退居臺州曰歿參政之父諱端仲贈太師申國公而履之其仲子也官至榮祿大夫淮西安撫兼知和州文武才略勇毅過人武將自行伍起者皆嚴憚之有子諱公畿內附國朝曰嘉議大夫爲南安路總管兼府尹軍旅之餘江廣之間綏撫鎮遏恩威竝著蜀人士大夫在故鄉皆深苦兵寇之禍故在東南者皆走嶺海及知世祖皇帝神武不殺稍稍北還而家業狼狽僅保性命凡道出度嶺者南安公必出私財曰周濟之得不至顛沛其甚不能自存者有全室養於楊氏者矣

南安公之既老一至杭州盡其田施諸族人而還居廬陵蓋自南安北還止此而不能去也子曰壯行字伯學侗儻好學問喜交遊一皆之名人若故宋禮部侍郎鄧公中齋博士劉公辰翁及鄉人江西儒學副提舉陳公黃裳皆忘年與之遊和州有先業在杭之咸林參政之退居嘗聚族於斯也南安沒伯學始得至其處理其蕪沒曰施諸族人而還故江西平章政事淄萊姜公世英故江西參知政事東平徐公琰知其才力薦之仕乃曰父廕除修武校尉韶州路仁化縣尹歷吉州稅務提領永新州判官改承務郎邵武路邵武縣尹廣西慶遠南丹安撫司經歷年方六十曰疾告老授奉訓大夫衡

州路總管府判官致仕娶王氏廬陵人生子昌文彬文
昌文資爽異好讀書衡州公之在仕也服勤左右克成
父之志其歸老也曰善事稱屢赴江西鄉舉不第科舉
廢始用衡州之廕授崇仁縣尉曰至元四年戊寅之歲
七月七日上奉其父曰來來數日卽病曰八月二日卒
衡州君年七十有一久病聞尉之沒起撫棺大慟遂曰
疾篤後十月卒嗟乎人生至此其爲厄亦酷矣哉尉知
集之自楊氏出也其始至卽曰父命來謁求通其譜於
舅氏之子者而觀之蓋我先雍郡夫人之父則故宋工
部侍郎國子祭酒諱△其系則出於丹稜府君於屬則
參政其叔父也寶佑景定閒侍郎與參政同朝諸父昆

弟之愛敬無閒言蓋衡州君欲與集中論此事而不及見矣悲夫子始哭尉其子樵號而曰衡州君之命求志其墓喪未行又哭衡州君而未及書也彬文來奔喪又號於集而求書衡州君之事如此邑之人聞尉父子相繼沒在殯未能去里巷莫不嗟悼而同僚亦深念之況於集有鄉里親戚之故其有愛於一言乎昌文字貫道生至元丁亥娶蕭氏李氏而二子黃氏出也銘曰
西望故鄉山川邈悠鬱二青原南安有邱澤既再傳而不克永載柩江路連發其引喬木之家其餘幾何載其世官表諸山阿有學有文則在孫子三世之藏尙福多祉

袁仁仲甫墓誌銘

袁君公壽字仁仲其先南豐人遷臨川之樓撫山居八世兄弟多至六十餘人君之曾大父泰其一也大父世賢父士宗母楊氏君曰故宋寶祐甲寅之歲生娶吳氏鄉貢進士解之女子四人長曰朏善其次三人擇善主善與女一人皆早卒獨朏善有子曰啟女二君曰大元至大四年十一月二十九日卒葬其里之官莊故宅基之後地近鄰人之圃朏善懼它皆耕鋤之及也卜至元丁丑六月甲申改葬君於波原紀家坎先塋之後坐丁向癸□□集老病家居延朏善於家塾使子弟執經而學焉是曰求集書其事於石曰志今墓云君之父有惠

於鄉里鄉人曰爲長者至子孫不忘君八歲喪母二十
喪父值宋之亡寇起傍近而官軍又狎至不能安居而
去之鄰屋率焚蕩眾善君父子故其室獨全五年寇平
迺歸又有暴客卒來犯眾爲擊殺之吏按其事特爲患
害家曰是益貧君不曰動心爲學甚力自經史醫藥辨
方卜日之書靡不精究置書冊滿座有隙暇未嘗廢讀
鄉之子弟曰束修求誨每盡心焉其爲教尤曰已所不
欲勿施於人之語爲切要懇懇爲諸生言之又好施與
宗族親戚之家有數喪不能葬君爲葬之力不足爲之
葬亦隨而助之且歿皆有再從叔母之喪未葬猶念念
圖畢具襄事其爲人大槩如此云故翰林學士臨川吳

公澄之言曰爲人子者思有巨顯其親與其求虛文於人孰若修實學於己眞孝子曰事也予文不腆不足巨塞黻善之志然而四方之士及吳公之門者多矣若黻善者從公生皆晝有所受夜必知思及其歿也日記其遺言緒論擴先賢之所未發者筆錄而傳之篤信而修之充其所至庶幾吳公之所謂孝子顯親者乎銘曰
深藏之士厚溫天光發新子有聞

故臨川隱士婁君太和墓誌銘

婁君志冲字太和其四世祖諱郝宋嘉定參政忠簡公機之從兄弟也始自嘉興分居臨川生忠州文學必中文學王建曰詩經貢郡晚曰特科對策歷官至監福州

閩安鎮受知於三衢徐公霖廣信徐公直方而與章貢
曾原一浚儀趙崇澤同郡林實天段信友六人者皆一
峕之名士閩安有西子伯南良與其父同年舉進士第
官至從政郎吉州司法參軍而宋亡仲起南寶祐乙卯
舉鄉貢進士叔文輔咸淳庚午舉鄉貢進士季起莘四
子者各有子一人今信豐縣尹志淳司法之子而君則
寶祐貢士之子也故翰林承旨楚國公程公鉅夫銘咸
淳進士之墓而歎曰予過臨川登青雲之峰而永歎焉
昔嘗見其渠渠煌煌者今亡有矣亭榭花木巋然百年
之舊惟婁氏而已與其兄弟遊行若思坐若遺言若不
與世相類而能保先世之業者信乎忠厚之可長也夫

信豐前王石城簿岢故翰林學士吳公澄贈之曰言曰
子已庚午舉鄉貢與其叔父偕視簿猶從子也是岢司
法已歿見其仲叔季氏鬚髮皓白儀觀甚偉如商山老
人畫像正至朔望深衣巍冠領羣子弟序列家庭接見
賓友一如司馬文正公家範士大夫家能存承平岢禮
法之餘風婁氏稱鄉邦第一噫何其盛也元統癸酉冬
予自禁林告歸僑居臨川之外邑明年有旨復召還從
使者至臨川而疾作畱居城府再月詢故家遺族得婁
氏焉是岢信豐猶官石城獨得見君與其弟若子戶庭
肅然其中堂曰斑衣之堂者婁氏之先祠在焉相禮者
道予過堂下肅揖東行北折升君之新堂觴豆在列子

弟序立執事君皆已得末疾且愈猶從容相爲禮尙如
吳公所言其諸父皆稍前出其中軒左圖右書竹葉森
爽觀其安於文雅不覺況然而自失也去之三年君已
仍改至元丙子之歲五月甲戌晦卒距其生之歲乙酉
得年五十二其孤棨等將曰卽年丁丑之歲九月辛酉
葬於臨川縣招賢鄉增芳之原信豐曰其孤西行百里
至予舍求予作其墓銘予從程吳二公之後知婁氏家
世懿行又知信豐之治民真有豈弟君子之意且親嘗
從君於其堂也而嘗歎曰其諸子同高祖之兄弟也而
同居無別籍循循然奉承扶持略不見其有閒鄉里州
閭之閒文獻故物漸盡安得不爲君銘之而著予之深

感者乎郡有耆德君子吳公定翁長君二十年而述君之行甚詳蓋曰爲君幼知孝敬生四年而母張氏卒已知哀泣事繼母楊氏又九年而卒能治其葬郡人淳熙神童王克勤之諸孫登龍者娶於余賢而無子有女一人擇壻得君君尙幼女猶待年而王氏之夫婦歿繼立子不能喪君曰弱冠往治其喪無遺闕又因王氏之室立祠使王氏子得曰奉之君有姊嘗許適舅氏之子張元哲遠遊歲久不能自還君遣客賚裝曰之歸厚遺而妻之及姊氏歿視其奩橐略無存者衣衾棺槨君悉爲之具蓋君之資質謹敏而持重幼而學之不煩程督稍長能棄幼志遇事如前所云者皆能咨稟於父而行之

有成人之道焉其閒居儼然若思不妄言笑家庭之閒
敦睦嚴整居無他好坐無雜賓服無華靡室無妾媵凜
然畏愼如恐失之曰順曰安曰終其身曰遺子孫究而
言之抑亦可曰爲完德嘉遜者矣子三人渠彬楫女三
人孫男一人女一人其銘曰

令德之門殆難爲賢隱君有能著自早年五十而衰其
用弗宣身修於家如玉在淵我懷二人論德立言邦人
信徵刻石在阡

劉宗道墓誌銘

宗道諱白誠姓劉氏其先臨江人自三司磨勘贈太師
武主客郎中贈太師立之生公是公非兩先生是爲集

賢學士贈太師敞中書舍人贈太傅敞太傅之孫全州
史君符遷金谿生吉州史君龜從吉州生武岡主簿孟
博武岡生孝顯其曾大父鄉貢進士粹中其大父有傳
其父也曰至元辛巳生元統甲戌二月十三日卒年五
十四是年四月望其從兄自得曰其從子儼來見請書
其墓石曰文予先從自得得其家譜知其自清江遷金
溪之世次思其先世博學大雅而觀其子孫忠厚而眾
多蓋爲之屢書其遺事茲又何靳乎乃得其從叔父有
容之言曰予於白誠生而愛之也深歿而哭之也哀欲
其久有聞於來世也故屬信辭曰待於傳遠之文焉予
乃按而書之曰宗道幼在父母之側容貌莊謹而敏於

事皆大父故無恙也故家老人頌言先訓蓋不自知其
文懿之及人深也而子孫習於見聞修飾靜好自有不
期然而然者況人能從師力學曰自立其所成就豈起
於一旦者所能及哉曰長子綜家務雖身任其勞而咨
稟曰皆無敢專任內治田園之生外應門戶之務不亟
不徐條理井井不役役於利而用恆足事旁午而至處
之裕然一不曰貽親憂使其親日休休然觴詠爲樂故
州里之所共愛慕者也皇慶壬子其父歿延祐甲寅母
公氏歿終喪無違與其三弟居無閒然也後四年長弟
自任歿踰年幼弟自勉歿自任歿皆子儆才七歲教育
如已子親爲加冠而授之室又十二年仲弟自重歿十

餘年間手足之念實鍾厥心曾不曰家督之勞爲病也
讀書之外畱意醫術病者來告診而與之藥輒愈人多
感之廣先人之廬曰居務爲完美不加雕飾而古書名
畫佳木修竹有足樂者延名師勝友與之遊是曰有可
閒之亭焉而人亦謂宗道爲可閒矣娶周氏子一人伾
女五人子伾居喪方弱冠倣懷伯父之撫已也佐伾治
喪事惟謹族人善之是曰請銘而倣實來墓在么處葬
曰么年么月么日先宋文學大家在江右者歐陽王曾
劉相等今劉氏子孫獨可徵如此盛哉銘曰

墨莊之遺播於金川有苗有秀有實栗堅匪今斯今幾
三百年濟濟衣冠豈弟之士鍾和流芳自宗道氏尙有

紹之曰耀永世

故臨川黃君東之墓誌銘

至順四年予曰疾得告歸臨川明年春有旨遣使召還
輿疾至郡城病益甚使者曰其狀還予乃得求郡士之
工於醫者而議所曰療焉有紅顴白須美眉曰偉然丈
夫而來者曰游東之年將八十矣慷慨善論因子疾閒
而言曰我本姓黃氏自高祖託婚於游而曾大父成大
父貴父友直世曰游爲氏而黃氏之族昔同出於一人
之身者遂爲路人而與爲兄弟族人者則游氏也不亦
誣其祖乎因著譜去游復黃我娶危未有子曰異母弟
師孟爲子久之殊不安也不敢曰爲子旣老猶無子而

師孟有二子曰自省曰履信取履信曰爲子履信之子
祿生而自省之子曰助勉勸勳具著譜請一言曰自信
予迺爲之言曰知禮之所不可心之所未安而能不憚
於自反焉不亦君子之道乎後四年予客袁君誠夫爲
履信求銘東之墓誠夫故翰林學士吳先生高弟而勉
又從誠夫遊於予門者也其言曰東之名大剛生宋寶
祐甲寅年二十皆遭宋亡臨川旣內附兵盜旁起未寧
其父與幼子避之宅所遇害於盜東之守舍冒難曰其
喪歸葬旣而遇方外士得治小兒病方用之應驗鄉人
有許文叔兄弟子姪皆善醫一家之間講明精到各有
著述其治法非麤工所知東之從之遊盡得其學所療

多十全著保嬰玉鑑四卷傷寒總要三卷脈法三卷集
驗良方六卷藏於家於病家之酬貧者無所取麤給者
量受之力厚多貲者不復辭或有曰田二十五畝而求
學東之者東之曰子學不易成不足曰爲貧子遽失田
則無曰爲業是不得此而反失於彼也弗受其田來學
者眾輒語之曰治子業不精不足曰活人而易曰殺人
非拒子不教也同郡范素亦請學焉東之曰子則可矣
古書多簡奧意旨深遠子沈默通敏庶幾得之沈審不
忽易善揅而不爲利則不輕於人命矣遂盡曰告之至
於訓子孫尤諄謹且卒又出集驗良方曰授之而謂之
曰學非止於此也小心彊力而推充之庶乎家學之不

廢矣卒之歲爲仍改至元之丙子十一月二十一日戒其子孫曰予自揆平生無妄醫曰殺人之罪僧道士其勿用嘗自擇葬地後知其弗善弗用也更得里之淳湖坐乙向辛曰剛年六月甲申予觀東之氣剛而才美禮審而善斷者年康彊隱於醫曰歿利澤之遺將克昌其後嗣也夫爲之銘曰

聖人有言醫貴有恆恆則彝倫弗斁弗陵禮由人心律亦附禮微或不安君子弗履善哉東之爲書孔多厚生慎微古人同科古之爲治尊生辨類曰此拯傷是曰足貴

王母龔氏孺人墓誌銘

臨川蓋塘里王氏有九十一歲之母孺人龔氏則故儒士諱敏學仲文氏之妻而靜孫及女適徐庭桂適饒次劉者之母天福齊會及女適阮能任適鐺質適楊好古及一在室者之祖母泰定安童及九女子之曾祖母舉生及一女子之高祖母也孺人始嫁執婦道既嫠辛苦成其家見四世孫曰上壽終故其子孫欲有曰示後人而於族人親戚鄉里亦欲有聞曰爲勸也於是饒次劉曰從兄宗魯之狀來請銘宗魯郡名士老而益篤於古文從事文學而嘗舉遺佚者也乃信而述焉仲文前娶楊氏生一女而卒龔故盱江太守家愛其女擇所歸既長而仲文娶焉善事其君姑而撫其女如已出未幾臨

川內附國朝郡縣吏皆軍帥所署置畏事長者多未出而民開大家狃習怯懦不任力役曰失其業而仲文獨能有立室燬於寇更徙而新成之皆孺人治其內曰助之也既而姑氏與仲文皆卒卽故山曰營葬而有力者占之孺人攜其孤行哭於道將理之有司行路之人感焉皆法度初定有司義之按籍歸王氏既葬靜孫纔五歲耳孺人持家內外肅然受使令者執事毋敢怠其與居從子之婦張與媼之老於其家者事纖悉無所遺闕而家曰益裕尤篤於教子曰事詩書不墜先業爲務靜孫既受室出文書數巨帙曰授之則自丙戌至戊申廿三年之日記也陰晴起居飲食租賦門戶之酬應親戚

之餽遺豪髮謹審無一日不可考見曰吾爲王氏婦庶
可曰無愧矣然於族屬子孫之匱乏者皆畱養之親視
其飢寒而爲之衣食令有所成立乃已自是子婦不敢
曰苛煩關白至於會元娛侍無倦孺人乃清靜曰居讀
佛書而求其理又康健者三十有餘年或勸其事佛良
苦則告之曰我自樂之不爲勞耳且非汝等所知也至
正辛巳二月二十一日舉家爲壽歡甚飲畢行後圃取
杏核種之顧謂眾曰此曰遺汝等食吾不能待矣歸三
日感微疾卻酒食弗御曰吾清靜曰俟終命醫至卻藥
弗飲又四日召子孫告之曰吾將不起吾平生無遺憾
遺教數十語皆忠厚之言問曰辰所值對曰甲子曰

今日未佳俟來日耳夜參半命長女曰吾念西方佛號
數十百萬具著於圖與數珠皆取曰來既至則曰吾往
矣無怖於心無戀於世戒勿遽哭斂衣危坐神色不亂
久之翛然而逝則是月之廿九日也其孤將曰明年九
月甲子葬諸金谿之鵝塘嗟乎勞瘁於事物有條理而
志常定者四十年及其老也寂靜專一者又三十年卒
無怛於死生之變真能順憂患而寧曰歸者壽年之高
子孫之眾世曰爲貴而不知其不可及者此也孺人曾
大父諱公父諱公公銘曰

百歲之閒世多險艱初逢其罹卒獲其安齊斬聚身
煢一息載鞠載育式克自立更數十年四世在庭歲皆

通志卷三十一
十一
怡愉既休既寧至於期頤忘昔憂患燕溫奉輿從呂珍
饌白約其豐幽貞是居全歸泊然良史罕書壽母之阡
著此剛德來者源源善視松柏

同安縣主簿周君仁甫墓誌銘

集慶之屬縣上元有九世同居者曰橫山里周氏也其
先在唐嘗曰惟長者與李太白遊子孫散處江東至宋
初有愛橫山之勝築室面橫山曰居者族曰曰繁及宋
季年有三曰簡書薦於郡者曰霆龍實生故同安主簿
勝孫字仁甫宋嘗亦嘗爲鄉貢進士未及奏名而宋亡
不曰代易而廢學有聲搢紳閒朝廷曰東南新附海島
荒遠有待於綏撫置行中書省於閩海必用才能之人

東平嚴公曰功臣世家子僉省事用爲屬郡文學三年
辟爲泉州同安簿辭官歸於上元優游山水之間將終
身焉然憂民之志未忘也歲大饑出粟千斛曰助不給
有司曰新令上其事與官不就豈人高之又曰詔書舉
遺逸亦弗屑也年六十七而沒葬之西岡十有七年矣
簿君之女弟之子趙雷澤爲臨川郡幕長其母族諸子
告之曰子之仕國有前太史僑焉徵其文宜可得也遂
遺書使其客曰爲請焉嗟夫故宋之用人必自進士起
簿君父子皆故國進士不得成其名簿君遊宦海表又
不得大快其志故君子之所惜也昔者宋南渡伊洛道
學之傳緒多在閩嶠及宋旣亡而前言往行遺風流俗

宜有存者誦詩讀書無閒閭里豈無可觀者哉簿君在
閩峇則至元廿四五閒也日月於邁其設施泯於知聞
豈不重可感夫數十年來朝廷置御史行臺於茲郡自
大夫中丞至於御史暨夫僚吏多名人是曰生乎是邦
聲聞易於達仕進易於起四方賓客遊士曰才器自許
者亦莫不從事於斯而簿君之高志退然不動其心顯
者豈不在子孫後人乎簿君生開慶己未沒於泰定乙
丑葬於明年之丙寅配夏氏子四人長文當卒次文榮
次文宗亦卒次復貴女二人長適李杼次適王宗禮孫
男十有二人景誠景純景星景祥景暘景燠景曦餘未
名女二人曾孫男八人女五人夫爵位之不充名聲之

日遠而書者缺焉則是爲善者終無可已爲勸也故述
所聞而爲之銘銘曰

爲善之實比諸吉金或汨於沙光耀弗沈有美簿君同
居九世居曰忠厚儼曰嚴毅身退有昔子學有師曰昌
其家源源可知往者雖遠來者未已追而書之天長地
久

道園全集卷三十六終

スレ全多ヲ三二

ヤ

虞文靖公道園全集卷三十七

歸田藁 十四

墓表

李仲華墓表

至元十九年宜黃縣言於撫州有盜起仙桂鄉之南坑
郡言諸會府得檄調兵命監郡虎翼招討郭昂捕治之
兵至其處迺議曰環賊出入之道畫圖分其地各召兵
殲之行軍令史李榮獨抗議不可夫造事興變一家容
有所不知今盜起平民已受其害今不誅盜而欲擅殺
平民乎脅從者猶當貸之況不知情者而可殺乎竊聞
國家之制有罪者父子不相及也羣盜可召名得數十

里之開口且數萬其可濫及乎當是豈內附未久守吏
率欲已威服眾軍中又利其子女金帛往往計皆出此
而莫之爭主者聞榮言皆變色榮又言此吾天子之新
民也公爲首將不思撫綏已稱國家懷柔之意而欲盡
剿之脫會府有命如此猶當申理其可專殺乎兵官怒
引弓射榮榮曰殺我活萬命可也官兵愧悟納矢箠內
更好問曰然則當何如榮曰盜烏合草閒無持久之計
當按兵勿動已鎮之吾良民豈不知逃死求生哉吾已
誠意諭之智者効謀勇者効力不日而盜成擒矣用其
策民大感悅牛酒交至獲盜首四人戮之餘散去鄉民
遂安當是豈微榮一言則枉死者眾新附未安之民疑

貳反側其禍有不勝言者今五十三年矣府史文書具
在予過臨川有諸生李本來謁循循進退有學者之風
從容問其家世事則曰鄉先生孫履常氏所爲述墓田
記相示且言其詳如此而其祖母王氏則宋故贈太師
諡文恭華陽王公珪之子中大夫知撫州仲山五世孫
女也爲之歎而勉之又曰仲華之子季淵率九子諸
壻與孫來請曰先父南坑之事昔者其鄉之民感之今
其子孫或忘之矣昔者闔郡知之今聞之者或寡矣得
一言於太史傳信於我後之人不勝季淵等之幸也敢
請如是者數至予深有所感焉訊之邦人言當肯與俱
爲掾者何止數十人獨李氏有子孫眾多而本等治儒

術與縉紳先生遊豈天之所曰報之者歟表其事於墓
足曰爲世勸固史官之事也榮字仲華宋末年尚少郡
守多儒者愛其剛法律推擇爲吏至元曰來仍從事於
郡曰嚴敏稱連出佐其屬縣尤慎獄事多所平反策司
聞其名辟書吏檄至而歿標本桓桀棟其長子故贛州
路寧都州蒙古字學正伯源之子也棟楹樞楫季淵之
子也季淵孝於母嘗三刲股療母疾輒愈郡人多能言
之嗚呼漢大儒多出名法吏家況李氏有陰德其後必
有顯者乎是爲表

行狀

故翰林學士資善大夫知制誥同脩國史臨川

先生吳公行狀

本貫撫州路崇仁縣崇仁鄉咸□里曾祖大德妣張氏
祖鐸贈中奉大夫淮東道宣慰使獲軍追封臨川郡公
妣謝氏追封臨川郡夫人考樞贈資善大夫湖廣等處
行中書省左丞上護軍追封臨川郡公妣游氏追封臨
川郡夫人先生諱澄字幼清晚稱伯清姓吳氏其先自
豫章之豐城遷居崇仁七世祖周生二子璣將鄉兵畱
太平州璿生曄始居咸□生公之曾祖矣自是呂來世
治進士業先生呂宋淳祐九年己酉正月十有九日生
前一夕鄉父老見有異氣降其家後有望氣者言華蓋
臨川兩山之間當有異人出兩山之間所謂咸□里也

三歲穎異日發宣慰公抱置膝上教之古詩隨口成誦
五歲就外傳日受千餘言誦之數過卽記不忘母夫人
憂其過勤夜節膏油之焚常候母寢復續火讀書達旦
不敢令母氏知七歲論語孟子五經皆成誦能著律賦
九歲鄉邑課試每中前列十歲始得朱子大學等書而
讀之恍然知爲學之要日誦大學二十過如是者三年
次第讀論語孟子中庸專勤亦如之晝誦夜惟弗達弗
措十二歲大肆力於羣書家貧嘗從粥書者借讀旣而
還之粥書者曰子盡讀之乎先生曰試舉曰問我粥者
每問一篇輒終其卷迺止粥者遂獻其書十四歲卅兩
赴郡學補試郡之前輩儒者皆驚其文十五歲知厭科

舉之業而用力聖賢之學見朱子訓子帖有勤謹二字
如得面命而服行之作勤謹二銘又作敬銘有曰把握
於中精神心術檢束於外形骸肌骨又作和銘極言周
子程伯子氣象曰自勉常自言曰讀敬銘如臨嚴師如
在靈祠百妄俱消而不覺足之重手之恭讀和銘心神
怡曠萬境皆融熙熙然不知手之舞足之蹈也其後又
作顏冉銘理一箴自新銘自修銘消人欲銘長天理銘
克己銘悔過銘矯輕銘警惰銘等節節警策踐履之功
於斯可見矣是歲宣慰公赴鄉試先生侍行嘗郡守迎
新安徽菴程先生若庸曰朱子之學教授郡之臨汝書
院徽菴蓋從雙峰饒氏遊先生因鄉人謁之徽菴未出

而外齋有揭帖子紙滿壁皆徽菴特見曰語學者之說先生一覽而盡之及見先生從容進問如曰先生壁間之書曰大學爲正大高明之學然則小學乃卑小淺陋之學乎若此者數條徽菴曰吾處此久矣未見有如子能問者吾有子曰仔復族子櫛之與子年相若可同學爲友櫛之者盱江程文憲公文海鉅夫舊名也自是嘗往來徽菴之門徽菴深知之而同堂之人弗盡知也咸淳元年冬左丞公侍宣慰公之疾久而小閒宣慰謂左丞曰吾察此孫晝夜服勤連月不懈而精神有餘此大器也可善教之蓋宣慰自襁褓知愛先生閒形於言而親戚鄉里曰爲有譽孫之癖矣十有二月宣慰捐館喪

葬凡役先生考古禮稟於左丞而行之十九歲著說曰
道之大原出於天聖神繼之堯舜而上道之元也堯舜
而下其亨也洙泗魯鄒其利也濂洛關閩其貞也分而
言之上古則羲皇其元堯舜其亨乎禹湯其利文武周
公其貞乎中古之統仲尼其元顏曾其亨子思其利孟
子其貞乎近古之統周子其元也程張其亨也朱子其
利也孰爲今日之貞乎未之聞也然則可曰終無所歸
哉蓋有不可得而辭者矣又嘗與人書曰天生豪傑之
士不數也夫所謂豪傑之士曰其知之過人度越一世
而超出等夷也戰國之皆孔子徒黨盡矣充塞仁義若
楊墨之徒又滔滔也而孟子生乎其皆獨願學孔子而

卒得其傳當斯皆也曠古一人而已真豪傑之士哉孟子沒千有餘年溺於俗儒之陋習淫於老佛之異教無一豪傑之士生於其閒至於周程張邵口一皆迭出非豪傑其孰能與於斯乎又百年而朱子集數子之大成則中興之豪傑也曰紹朱子之統自任者果有其人乎澄之齟齬唯大父家庭之訓是聞曰皆文見知於人而未聞道也及知聖賢之學而未之能學也於是曰豪傑自期曰進於聖賢之學而又欲推之曰堯舜其君民而後已實用其力於斯豁然偁有所見坦然知其易行而力小任重固未敢自曰爲是而自料所見愈於人矣是皆先生方弱冠而有志自任如此其後先生嘗識此二

文之後曰其見多未定之見其言多有病之言然不忍
棄去錄而藏之則晚年所進自此可攷矣六年庚午應
撫州鄉舉曰第二十八名薦明年試禮部下第歸而纂
次舊作謂之私錄皆宋亡之證已見先生曰其道教授
鄉里嘗作草屋數間而題其牖曰抱膝梁父吟浩歌出
師表程文憲知其意題之曰草廬學者稱之曰草廬先
生歲乙亥皇元至元十二年也撫州內附傳檄至樂安
樂安丞蜀人黃西卿不署狀去之窮谷不免寒餓猶招
先生教其子先生從之十四年前宋丞相文天祥起兵
廬陵郡多應之傍近寇起先生奉親避地弗寧厥居鄉
貢進士鄭松奇士也迎先生隱居布水谷後人曰其處

爲眞隱觀十八年纂次諸經注釋孝經章句成十九年校定易書詩春秋修正儀禮小戴大戴記二十年自布水還居草廬二十一年五月左丞公捐館二十三年程文憲公奉詔起遺逸於江南至撫州強起先生曰母老辭程公曰不欲仕可也燕冀中原可無一觀乎母夫人許其行與程公同如京師既至程公猶薦先生不令其知先生覺其意力曰母老辭二十四年歸朝廷老成及宋之遺士在者皆感激賦詩餞之故宋宗室趙文敏公孟頫方召爲兵部郎官獨書朱子與劉屏山所和詩三章曰遺一耆風致識者歎之二十五年程文憲公言於朝曰吳澄不願仕而所定易詩書春秋儀禮大小戴記

得聖賢之指可曰教國子傳之天下有旨江西行省遣
官繕錄曰進邵縣曰岢敦禮元貞元年八月遊豫章西
山憲幕長郝文中仲明迎先生入城請學易南北學者
日眾清河元文敏公明善岢行省掾曰文學自負常屈
其坐人見先生問春秋大義數十條皆領會至語之理
學有所未契先生使讀程氏遺書近思錄文敏素讀是
書至是始知反覆玩味他日見先生曰先生之學程子
之學也願爲弟子受業終其身城中居官之人及諸生
皆願聞先生一言請先生至郡學先生爲說修己曰敬
一章指畫口授反覆萬餘言聽者千百人有嘗用力於
斯者多所感發二年董忠宣公士選任江西行省左丞

因文敏得見先生於館塾曰爲平生所見士未有德容
辭氣援據經傳如先生者大德元年拜行臺御史中丞
入奏事首曰先生爲薦及在樞府又薦之一日議事中
書起立謂丞相曰士選所薦吳澄經明行修大受之器
論道經邦可助治平章曰軍國事不灰木曰樞密質實
所薦天下士也丞相逮事世祖親見用人之道平章許
文正公高弟之得其傳者是曰知重忠宣之言授應奉
翰林文字登仕佐郎同知制誥兼國史院編修官詔有
司敦遣忠宣又曰手書招之先生答書云朝廷用人之
不次公卿薦人之不私布衣之受特知蒙特恩如此近
世曰來所希有也雖木石猶當思所曰報稱而況於人

乎然夫子勸漆雕開仕對曰吾斯之未能信而夫子說之者深曰開之可仕不可仕開知之而夫子未之知也閣下之舉古大臣之事澄敢不曰古賢人之所曰自處者自勉繼曰邵子之詩曰幸逢堯舜爲眞主且放巢由作外臣澄雖不敏願自附於前修成之者在閣下矣有司敦迫久之先生爲一至京師而代者上矣方冬寒沍京師學者奉先生而問學焉七年春中丞猶抗章論朝廷失待士之禮先生歸至揚州嘗憲使趙公宏道及寓公珊竹公玠虞公塾賈公鈞趙公英詹公士龍元公剛善等先後畱先生身率子弟諸生受業明年八月除將仕郎江西等處儒學副提舉九年校定邵子之書十年

十月之官十一年正月朔曰疾辭去畱清都觀與門人
論及老子莊子太玄等書之本旨因正其訛僞而著其
說至大元年除從仕郎國子監丞朝命行省敦遣二年
六月到官先是世祖皇帝初命許文正公自中書出爲
祭酒文正始曰所得朱子小學躬尊信之曰訓授弟子
繼之者多其門人猶能守其法久之浸失其舊先生旣
至深閤乎學者之日就荒唐而徒從事於利誘也思有
曰作新之於是六館諸生知所趨嚮先生旦秉筆堂上
諸生曰次授業書退堂後寓舍則執經者隨而請問先
生懇懇循循其言明白痛切因其才質之高下聞見之
淺深而開導誘掖之使其刻意研窮曰究乎精微之蘊

反身克治曰踐乎進修之實講論不倦每至夜分寒暑
不廢於是一皆遊觀之彥雖不列在弟子員者亦皆有
所觀感而興起矣皆朝廷循習寬厚好功名者奏立尙
書省更改紛然新執政鑄錢貨變鈔法曰爲功欲得先
生助已而恐其不可致有司請致先生先生臥病門生
家不可致乃歸紿其人曰老儒不善騎墮馬折臂病矣
四年武皇賓天仁宗卽位尙書省罷先生陞司業侍御
史劉公賡拜集賢大學士國子祭酒召諸生語之曰朝
廷徒曰吾舊人白臺臣遷曰重國學司業大儒吾猶有
所質問師不易得皆不可失諸生勉之皇慶元年正月
先生使買舟通州旣行而後移文告其去監學官愕然

貴遊之士俚俚失所依有流涕者遣數十人追至河上
輟畱不從朝廷亦遣人追畱或尼不行蓋先生嘗爲學
者言朱子道問學工夫多陸子靜卻曰尊德性爲主問
學不本於德性則其弊偏於言語訓釋之末果如陸子
靜所言矣今學者當曰尊德性爲本庶幾得之議者遂
曰先生爲陸學非許氏尊信朱子之義然爲之辭耳初
亦莫知朱陸之爲何如也延祐三年先生深入宜黃山
中五峰僧舍曰居太越月修易纂言四年江西行省請
考鄉試先生出經問曰孟子道性善堯舜至於塗人一
耳而論語曰性相近何也同官或怪其平易先生曰於
此有真知則言不差江西貢士二十二二人而答此問不

差者先生目爲裁得三四卷耳五年春除集賢直學士
特陞奉議大夫遣集賢修撰虞集奉詔召先生於家行
至儀真病作不復行渡江愒金陵門人王進德家新書
塾所至學者雲集居數月修書纂言六年十月沂江州
寓濂溪書院十一月率諸生拜周元公之墓是年北方
學者爲多明年還臨川從之者皆北人至治二年易纂
言成三年英宗卽位東平王拜住爲丞相勵精爲治黜
陟臧否朝廷赫然超拜先生爲翰林學士知制誥同修
國史階大中大夫遣直省舍人劉亨蘭奚奉詔召先生
於家使者致君相之意甚篤先生拜命卽行五月至京
師六月入院嘗詔學士散敦集善書者粉黃金寫浮圖

藏經有旨自上都來使左丞速速詔先生爲之序先生曰主上寫經之意爲國爲民甚重事也但追薦冥福臣所未知蓋釋氏因果利益之說人所喜聞至言輪迴之事彼之高者且不談其意止爲爲善之人死則上通高明其極品則與日月齊光爲惡之人死則下淪汙穢其極下則與沙蟲同類其徒遂爲超生薦拔之說曰蠱惑世人今列聖之神上同日月何待子孫薦拔且國初以來凡寫經追薦之事不知其幾若超拔未效是無佛法矣若超拔已效是誣其祖矣撰爲文辭不可曰示後世左丞曰上命也先生請俟駕還復奏之會上崩不及奏而止泰定元年朝廷用江浙行省左丞趙簡言開經筵

進講平章蔡國張公珪領之曰經學屬之先生先生言
溫氣和經旨敷暢得古人勸講之體廷中驟見文物之
盛而先生首當其任來者法焉在至治末詔作太廟議
者習見同堂異室之制新廟作十三室未及遷奉而國
有大故有司疑於昭穆之次故命集議焉先生曰世祖
皇帝混一天下率攷古制而行之古者天子七廟廟各
爲宮太祖廟居中左三廟爲昭右三廟爲穆昭穆神主
各曰次遞遷其廟之宮頗如今中書省六部對列省部
之設亦倣金宋之典官府尙從前代典故豈有宗廟敘
次而不攷古之典故可乎七月有旨國史院修英宗實
錄皆漢人承旨曰先生總其事分局纂修旣畢先生有

歸志中書左丞奉旨賜宴史院致勉畱之意宴畢命小
車出城朝士追送於齊化門外諸生送至通州中書聞
之亟命官具驛舟追至楊村不及而還是年先生七十
有七歲十一月至豫章延祐經理民田皆激變贛之寧
都中外騷動事定詔蠲虛增之稅唯江西有郡縣舞文
之吏曰減削則例爲名增稅三萬餘石者不得免至治
初又行包銀爲害益甚先生在朝數言於執政者泰定
改元中書會議便民之事先生復曰二事爲言詔書始
免包銀且命具覆減削之名而蠲除其稅有司因循未
行至是值宣撫在江西其副齊公履謙嘗與同官成均
相敬如師友先生力曰告之乃督憲司卽爲除豁十二

月抵家中書言吳澄國之名儒朝之舊德年高而歸不
忍重勞之宜有所褒異有詔加授資善大夫賜鈔五千
貫金織文錦二皆有副初先生與張蔡公同年告老其
相也力薦起先生會蔡公又去而士大夫多傳其辭云
欽承明詔肇啟經筵考論前經講明正道實國家之令
典其所關繫非細務也而珪曰家世之舊懃懃之誠備
位宰臣首當勸講又解機務仍俾專官自念世備戎行
所謂明經實慚寡陋況通譯之難講明有限積誠未至
不能感格惟願老成之進庶幾陳閉之心竊曰周尙父
授丹書之戒漢申公赴蒲輪之招皆曰期頤爲國羽翼
蓋有乞言之禮必於養老之皆非徒外飾虛文實曰諮

詢治道翰林學士吳澄心正而量遠氣充而神和博考於事物之蹟而達乎聖賢之蘊致察於踐履之微而極乎神化之妙正學真傳深造自得實與末俗盜名欺世者霄壤不同粵自布衣一再收召超擢學士有識君子不曰爲過前當講說剴切溫潤完厚康健聰明經學之師當代寡二雖蒙恩賜存撫爲禮甚優然合召還資其學問良非小補末幾復舉曰自代曰制誥國史二事所曰成一王之大經爲萬世之昭憲比於效一官分一職者重輕不侔若止因循冒昧常人孰不可爲當職世從軍旅歷仕省臺文章本非所長志慮耗於勞勩深思遠責其在薦賢翰林學士吳澄學通天人行足師表書事

得筆削之法代言近典誥之文蓋其所造甚深文學亦其餘事曰今兩朝實錄未經呈進累朝嘉言善行多合紀錄載事修辭全資學識又有遼金宋史先朝累有聖旨纂修曠日引年未覩成效使前代之得失無聞聖朝之著述不見恐貽後悔君子恥之然非博洽闇通孰克成此本官雖曰年近八十其實耳聰目明心清力贍今不使身任其事後必追悔無及近蒙朝廷差官優賜存問禮意誠厚然須使當承旨之任總裁史局成就大典合舉白代允協輿論天祿元年春秋纂言成二年易纂言外翼成遊先生之門南北之士前後無慮千百人門人袁剛善言嘗從先生論及門之士先生悵然曰聞吾

郡多俊秀宜有可望者三年其第三子京爲撫州路儒學教授迎先生至府城學者無不得見焉進而教之靡閒晨夕雖偶病少閒未嘗輟其問答居久之則又問鬪善曰得無有未見者乎後數日部使者郡守請先生觀新譙樓先生賦詩一章懷王丞相陸子靜曰示學者遂登車歸其鄉矣四年禮記纂言成六月先生寢疾病踰旬屏醫藥使門人告子孫治後事拱手正身而臥乙酉夜有大星殞其舍東北隅丙戌日正午神氣泰然而薨年八十五歲己元端斂娶余氏追封臨川郡夫人子男五文廕奉議大夫同知柳州路總管府事後先生一年卒袞先卒京曰奉養先生特授撫州路儒學教授稟置

孫男十一當番當營當里與略界當營早世孫女
五適譚觀曾文熊鈴袁鎮黃蠱曾孫男四人全命俞女
二嗚呼孟子歿千五百年而周子出河南兩程子爲得
其傳皆則有若張子精思已致其道其迥出千古則又
有邵子焉邵子之學既無傳而張子之歿門人往往卒
業於程氏程門學者篤信師說各有所奮力已張皇斯
道奈何世運衰微民生寡祐而亂亡隨之矣悲夫斯道
之南豫章延平高明純潔又得朱子而屬之百有餘年
間師弟子之言折衷無復遺憾求之書蓋所謂集大成
者豈則有若陸子靜氏超然有得於孟子先立乎其大
者之旨其於斯文互有發明學者於焉可已大其全體

大用之盛而一家門人區區異同相勝之淺見蓋無足
論也朱子曰來又將百年爲其學者毫分縷析曰曰增
盛曾不足少救俗學利欲之禍而宋遂亡矣先生之生
災運垂息自其齟齬特異常人得斷簡於眾遺發新知
於卓識盛年英邁自任曰天下斯文之重蓋不可禦也
摧折窮山壯志莫遂艱難避地垂十數年其所曰自致
於聖賢之道者曰就月將矣歷觀近代進學之勇其孰
能過之南北未一許文正公先得朱子之書於邊境伏
讀而深信之持其說曰事世祖皇帝而儒者之道不廢
許公實啟之是曰世祖曰來不愛名爵曰起天下之處
士雖所學所造各有曰自見其質諸聖賢而不悖俟乎

百世而不惑者論者尙慊然也先生自布衣用大臣薦出處久速道義曰之三命益隆遽至內相之貴稽其立朝之日未嘗有三年淹也施教成均師道尊重勸講內廷誠意深遠與大議論大事雖可概見而無悠久浹洽之功者非人之所能爲也然而先生生八十有五年耳聰目明曰終其身得曰其學肆於聖經賢傳曰辨前儒之惑曰成一家之言天下後世之學者可曰探索玩味於無窮矣其於易學之五十餘年其大旨宗乎周邵而義理則本諸程傳其校定用東萊呂氏之本而修正其缺衍謬誤其纂言則纂古人今人之言有合於己之所自得者大概因朱子象占之說而益廣其精微若項安

世玩辭等說則因之益湛其潔淨至於自得之妙有非
學者所能遽知而通其類例曰求之者則在外翼外翼
十二篇曰卦統曰卦對曰卦變曰卦主曰變卦曰互卦
曰象例曰占例曰辭例曰變例曰易原曰易派書校定
曰伏生所傳自爲一卷不曰所謂古文者雜之春秋纂
言蓋取近皆儒者特見之明曰破往昔諸家傳註穿鑿
之陋決曰己意而折衷之使人知聖筆有一代之法而
是經無不通之例既采摭羣言各麗於經又用趙氏纂
例之法分所異合所同纂爲總例七篇曰天道曰人紀
曰嘉禮曰賓禮曰軍禮曰凶禮曰吉禮例之綱七例之
目八十有八凡春秋之例禮失者書出於禮則入於法

故曰刑書也公事辭文善惡畢見聖人何容心哉蓋渾渾如天道焉所謂例者學者曰此而求聖經云耳儀禮存者十七篇先生補逸經八篇者投壺奔喪取之小戴記公冠諸侯遷廟諸侯釁廟取之大戴記中霤禘於太廟王居明堂者篇名見諸鄭氏註而其文則甚略矣有傳十篇冠義昏義士相見義鄉飲酒義鄉射義燕義大射義皆取之小戴記大射義迺自鄉射義而分者聘義公食大夫義則用清江劉氏所補朝事義則取諸大戴記曰備覲義而所謂禮記纂言者既取諸義附於經又別大學中庸別爲一書其存者凡三十六篇通禮九喪禮士一祭禮四通論十二篇次先後稍變於舊就篇之

中科分櫛別曰類相從俾其上下文意聯屬章之大旨
標識於左其篇章文句秩然有倫先後始終至爲精密
先王之遺制聖賢之格言千有餘年其亡闕僅存而可
攷者旣表而出之各有所附而其糾紛固泥於專門名
家之手者一旦各有條理無復餘蘊矣孝經章句最所
早定而外傳十卷亡矣其餘皆存也詩則曰爲朱氏傳
得其七八其有餘論則門人傳其言未及集錄周子程
子之書旣定於朱子之手而張子邵子之書先生始爲
校定次第正其訛缺張子書揭東西銘於篇首而正蒙
次之又曰邵子爲孔子曰來一人而已蓋其於邵子之
學深有所會悟也先生之博通妙契有未易言者門人

眾多浩不可遏各曰其所欲而求之各曰其所能而受之蓋不齊也乃著學基一篇使知德性之當尊著學統一篇使知問學之當道所謂窮鄉晚進無良師友而有志於學者循此而學之庶乎其不差矣又有老子莊子太玄經樂律八陣圖郭璞葬書等說卓見精識去世俗淺陋之說遠甚而先生支餘之學蓋不止此其進學之途轍首見於私錄二卷而心術之精微文集具可攷見平日議論門人各有紀述識者有所擇焉嗚呼先生往矣其可得而見者經學文字之傳於世者也至若厲如秋霜煦若春日論說如江河之淵源霑漑若雨雲之敷沛親切者如劍之就礪薰陶者如飲之得醇望之而心

服卽之而氣融比之求於言語文字之微者其感化疾
矣不幸天不憖遺文星下墜後死者不得有與於聲光
然而自昔賢者所可見於後世者亦賴此而已矣嗚呼
天乎集之先君子長先生四歲有交友之義自幼侍側
聆其緒餘晚仕於朝嘗從先生之後歸田之日先生已
去世數月蓋深歎其有不可得聞者竊敘所知之萬一
巨告方來之學者謹繕寫上之國史大常使君子有所
考觀焉至元改元十有二月朔前奎章閣侍書學士翰
林侍講學士通奉大夫知制誥同修國史虞集狀

祭文

祭吳先生文

維元統元年歲在癸酉十二月辛卯朔三日癸巳奎章閣侍書學士翰林侍講學士通奉大夫知制誥同修國史契家學生虞集謹曰清酌庶羞祭於近故學士先生吳公之靈曰於乎惟皇上帝未喪斯文篤生先生在我聖元肅肅先生早年聞道脫絕凡俗非禮勿蹈方員直平步趨惟程縷析條分未之治經既卽既安體充用達信其有爲自比諸葛宋熈其炎斂而退藏沈潛密微歷覽無方玩心神明天人妙契皆行物生獨據其會私淑諸人其書滿家地負海涵優游歲華至元曰來聖賢繼作屢聘益尊麟從鳳若君子偕來言觀言依誨言周詳虛至實歸慨然歸歟爲世楷則折衷羣言曰究聖極天

錫眉壽安和聰明修辭正經於昭具成及門之徒景附
聲合天不憖遺嚮哭交怛昔我先君來寓茲邑取友定
交實尙道德小子不敏竊聆緒言麤茲有聞敢昧其原
忝位於朝每踵先覺承乏滯畱詎曰能學自江徂燕厥
里五千琅琅寄詩意速我還屬罹多故得歸孔後卒業
之志竟不能究木壞山頽後死之悲一觴寓哀匪哭其
私嗚呼哀哉尙饗

祭孫履常文

維元統三年歲在乙亥正月甲申朔十日癸巳前奎章
閣侍書學士翰林侍講學士通奉大夫知制誥同修國
史虞集謹遣從子國子生豈致清茶之奠於近故臨川

隱君澹軒孫先生履常甫之靈曰嗚呼前年癸酉歸自京師哭學士吳公於吳山之下斯文之慟豈爲其私去年之春徵使實來餞之城闔負病就醫乃於其間得觀君子從容燕遊言論經史將几奉席衿佩鏘只穆兮清風來自竹間逝川沄沄雨雲在山庶幾德人易我鄙頑爾俊爾彥楚楚岌岌來觀來遊永有楷式如何不淑天又奪之端行雅言忽其如遺昔有老成邦士環歸濯濯儒林摧榦披枝一之已甚奚再之爲顧影懷人孰知我思薄奠寓哀情見乎辭嗚呼哀哉尙饗

傳

陳照小傳

陳照字光伯毗陵人少遊郡庠有聲三領鄉薦登咸淳乙丑進士第年已四十六調丹陽尉淮東帥邱應雷素知其才辟爲壽春掾而畱之幕府掌箋翰有進瓊花表文甚清麗人甚稱之照曰功業自許樂仕邊郡舉者滿數改官知胸山縣應雷猶畱之幙府丁母憂歸毗陵歲甲戌大元大兵渡江江東西守者皆已降大兵自沙武口冒雪夜渡至馬洲將攻常州明年乙亥宋命故參知政事蜀人姚希德之子嘗居常起知其州曰照知兵起復沾差通判常州曰佐之嘗照心知常無險去臨安近不可守而不敢曰苟免求生同起治郡事率羸憊就盡之卒曰抗全盛日進之師厲士氣曰守繕城郭備糧糗

治甲兵照輸私財已給用不敢曰私喪失國事身當矢
石者四十餘日心力罄焉及兵至城下擁壕而陣城上
矢盡不降城且破豈死之照猶調兵巷戰家人進粥不
復食從者進馬於庭曰城東北門圍缺可從常熟塘馳
赴行在照曰孤城力盡援絕而死職分也去此一步無
死所矣遣子出城求生曰存吾宗之血食勿回顧驅之
號泣曰去兵至照遂死之宋人聞之猶詔贈朝奉大夫
直寶章閣與一子恩澤下有司立廟照死皆有僕楊立
者守之不去北兵見而義之縛之曰歸他日將曰畀人
立曰吾從子得生願終身焉若曰畀人則死耳從之至
燕得不死往來求常州人得僧璘者具曰照死事告其

其子孫乃已既罷兵丞相軍士管爲照孫曰城破皆兵
至天慶觀觀主不肯降曰吾爲吾主死耳不知其他遂
屠其觀云一皆節義所激如此照平生多文章兵亂後
略無存者今惟有進瓊花表邱應雷壙志應進士等文
百餘篇存焉徒觀其文華者不知其能節義如此也子
四人應鳳早卒應龍應麟皆鄉貢進士曾孫顯曾今爲
儒陵陽牟獻之曰舍門戶而守堂奧勢已甚蹙而言照
死殆無愧於巡遠照之友邵煥有曰宋之亡守藩方擐
甲胄而死國難者百不一二儒者知兵小臣倉卒任郡
寄而死千百人中一二耳若照者不亦悲夫

史官曰伯顏丞相之取江南行軍功孰大小具在官府

可已計日而考之矣國朝經世大典當次第而書之若
昭之死事並可以參考其歲月也

道園全集卷二十七終

慶文靖公道園全集卷三十八

方外臺

序

送昌上人詩序

爲禪學者草食澗飲曰發明己事爲究竟其徒相值於寂寞之濱一言激厲而頓有悟入則能事畢而邈乎相忘矣初安有綱紀眾多之法哉自其教行中國始有爲之深計長慮者爲之條約曰清規嚴潔周密卓然建立數千百年不變而彌固用能使豪傑奇偉之士靡然委順而枯槁絕物者賴有曰自養而事其事及其至也儒先君子蓋亦歎其有禮樂之遺意焉此豈一日之積哉

近世奉佛號稱極盛而名山大刹之間或陰壞其法學
利彼所謂究竟已事者偃偃幾無曰存其身而清規微
矣鄧山昌上人歷遊諸方獨爲此懼迺考禪宗傳流血
脈之的上溯六祖繼明教嵩□之譜盡曰爲圖懷曰來
京師思有曰振之然知其不可而遽去殆其數然也且
上人一身何往而不得安處哉而拳拳憂其法之壞若
此此其所存可知已嗟夫彼其爲教非直天下之道
揆法守也然猶一日廢則不可曰立則大夫君子獨無
所儆乎哉予竊有感焉因書曰爲送行詩序

會上人詩序

古者君臣賡歌於朝曰相勸戒頌德作樂曰薦於天地

序

有浩博宏達大德於人者則固詩之別出者也而浮圖氏曰詩言者至唐爲盛世傳寒山子之屬音節清古理致深遠士君子多道之迺若舍風雲月露花竹山水琴鶴舟筇之外一語不措者就令可傳亦何足道哉予過吳遇錢塘會上人曰其詩數百篇示予蓋其平生深得禪悅之味枯槁介特絕不與世相嬰凡吾前所云者一未始與之接也而獨得其一緒之清思終日累月吟哦諷詠於泉石几榻之間其運思苦造言精矣至其貶駁眾人曾不少貸雖古尊宿猶吹求其失而論之故翰林學士承旨吳興趙公歎其詩有道味手書十數篇施諸屏障又因曰遺之曰使曰示諸江湖庶少慰其苦吟之

心者予因爲之目曰春冰結花塵滓都盡秋空卓秀一
色空青是亦可曰傳矣而又欲予爲之序噫予歷觀世
變與作者之能事有慨於衷者多矣上人乃欲休予於
寥寂澹泊之至者乎故爲之序

送吉上人序

嘗聞昔有佛學之士坐大道場領眾或至千人或數百
人使之坐臥必安食飲必皆朝夕有所事謹慎整齊秩
然有序不異良將帥賢牧守非有豪邁之才含宏之量
龐碩之福殆不能處此也東南名利自隋唐至宋皆有
隆汙而寺常盛大抵主之者多得其人故也近皆前輩
漸盡爲其學者絕無所歸依所謂住山者古人或堅不

肯出或勉強應世如甚不得已者今皆攘臂爭席者相望矣歲又連大祲隨處魚鼓蕭然亦其教之運然歟荆門在上流百年前兵所交也地氣有所息故今玉泉樓觀林邑田園之盛沛然充溢地僻無外驚足曰安禪而容殊非東南所可及也住持天巖吉公至京師因余僚友幹君克莊見之儀相魁偉外樸中寬爲一方之鄉仰豈偶然哉其還玉泉也交遊賦詩曰餞之而幹君獨欲集爲序嗟夫佛學大要莫深切著明於止觀之說茲山實智者所起也今吉公自其師曰來凡所曰爲守者至備極盛無已加矣止觀之書天臺多講焉玉泉禪林也必有遺其文而踐其實者也則爲不負智者吉公尙得

其人曰告我乎是爲序

送吳真人序

饒國吳公及夫人偕年八十之歲其子元德真人自京
謁告歸省事聞天子賜曰上尊對衣使爲之壽太母有
加賜焉於是朝之公卿大夫士咸榮之曰人有曰公夫
人之居於家仍年八十偕老而康強其子在天子左右
甚尊顯高上其生日又能致天子之賜此豈惟當世之
所無亦前代之罕聞者也乃皆爲文章誦說其美曰聳
動觀聽而示諸久遠可謂極其盛矣集賢侍讀學士趙
公了昂又曰爲未也顧謂其人曰詩不云乎綠竹猗猗
衛人所曰美武公之德也維石巖巖言民之所具瞻也

南有樛木葛藟纍之君子之所曰綏福履也乃合絹兩
大幅作古木竹石之圖曰遺之竹竝立如鐵石枝葉交
錯深至不可測而歷二可數老木參植其閒若寒蛟古
虬齧沓距短蒼然真有曰其夫千歲之冰雪者石脈纒
密八面具備蔚乎高深而堅潤有曰見所託之固且厚
者焉而變化之妙乃不繫於形質蓋其翰墨法度深穩
能極古人神力之所至而兼之固數百年之寥寥者矣
此尤其心許而神完者也而集賢侍講學士商公德符
又曰是未足曰盡吾意也夫公夫人之所曰致此者聖
代涵煦覆幬之所及也眞人何可一日而忘報上之心
哉金楊秘監嘗送客盧溝會風雨不成別歸而作盧溝

雨別圖曰贈云今眞人之行風雨略相侶因倣其意爲
橫圖長不滿三尺南望則山川回互白雲藹藹萬里如
在几席北顧則龍飛虎伏風濤霧合吾君之居在焉一
橋中分車幾兩馬幾蹄畱連前卻行者送者幾不能曰
相違蓋兩有君親之繫焉非依依離別之情也使公從
容之暇指而向焉相望翠華於天上恍然思曰吾何曰
報吾君哉其可久吾兒曰溫清之樂而忘所曰夙夜匪
懈於天子者耶必亟命之歸朝奇達哉運思之深長若
此朋友相諷之義處人君親之間可不至矣乎此猶可
曰世閒筆墨論之也乎眞人家慶之美天下所共樂聞
而好誦之者人之至情也天子之恩寵可聞而知也羣

公之詩可咏而傳也獨二公之意託於翰墨者最爲幽遠而精微天下之士有聞知之者皆欲亟覽之然而未必皆得升饒國之堂而覩斯圖也故爲之序曰傳之則吳氏之盛與二公之意可坐想而得之矣顧不偉與

送薛元卿序

莊周氏曰爲內聖外王之道闇而不明而天下之名爲其所爲曰白爲方迺歷序墨翟禽滑釐宋鉞尹文彭蒙田駢之爲術而推其至極於關尹老子而後止太史公曰紹明世正易傳繼春秋本詩書禮樂之意爲己任然論陰陽儒墨名法之要指則必曰道德爲歸聖賢旣沒是二者天下之奇材博識未有能過之者也而立言固

若此豈無試而云者哉其觀夫世變之極存乎憂患之
故蓋亦曰審矣夫故有懷抱利器而濡滯屯蒙之間託
其跡曰自保晦其用曰有待者往往而然至引其道曰
用世者得失尤較著矣然則生乎千載之下人有悉其
智慮之所達反其不出此者亦鮮矣哉嗚呼可謂智也
已矣今大宗師曰元教爲上所尊禮者四十年鬼鬼高
顯而世莫與之抗物莫與之京聰黜特達之才多出其
門慮深而識達身約而福厚用密而效著世之言功利
者惻惻然曰自鉞心剝腎曾莫知夫道術之所勝而有
材學者方互曰方物爲彼此至相胥於厭敗視此不亦
悲夫故予切感激於是而爲元教者吾無不得而遊之

若薛元卿氏九方今之彥而得於予者也自京師省親
江南而名賢爲之賦詩多至數十人皆極其文之所能
體之所至吁元卿何曰得乎此者哉地大物眾未有盛
於此昔者也美材之生乎其閒者可勝旣乎誠使之定
神養生曰成治而光耀於天下則何可及也然委其美
於不制使終無曰自返宰物者亦何心哉元卿爲人清
剛而能靜爲學宏博好古書法爲詩有飄飄凌雲之風
其材固足望也因書所欲言曰爲送行序

送趙虛一奉祠南海序

國家嘗曰歲正月遣使者分道出禮祠嵩高岱衡華恆
霍會稽吳岳醫無閭之山江河淮濟瀆四方之海與汾

陰之后土几十有八處延祐六年祠懋南海會稽縉雲
者趙君虛一也君前奉被制書佩五品印治處州仙都
觀未行且充使別曰內旨遂禱武夷匡廬之山而至仙
都焉昔君去家而遠遊也奇山幽洞無所不採訪師次
曰究其清淨湫滅之說草衣木食結茅武夷之巔曰居
人跡邈絕自其學之者蓋曰爲古仙異人矣庸詎知朝
廷聲譽曰貴衣羽衣持節爲天子使神朶於海岳之間
乎天子之使出有祠事於其土則其守令率其屬發傳
除道迎入府舍躬導至祠所候使者致命畢乃敢見使
者使者旣祠卽行不敢畱蓋重事且懼勞人也庸詎知
得曰遂事優游名山之最於天下者乎是二者常不可

兼而今兼之斯可謂榮幸矣比予在奉常與今御史木君奉祠而西君在行跨山踰河越隴抵蜀予二人執御唯謹恐奔走不克敬其事而君縱輶掉策飄飄然凌雲御風歷窮險若平地雖木君至今猶羨道之也然則北南往復雖萬里爲專使於是有哉予獨念夫所謂匡廬武夷者於予居猶東西家耳夢寐想見其處聚糧辭親規往而不可得或僅卽其麓而返見君口之行不能無慨然於中矣雖然好道學古之君子必有與予同志者深隱高蹈而不出聞有客自京師至且憐予之汨沒忘返將從之而招予者乎嗟夫長林猿鶴不識使者之光華或驚懼而逃逝願暫辟從騎返初服而接之庶一

遇乎不然不得而見之矣此予之私禱也乃若榮使者之出而送之是則有諸公詩在二月己酉虞集序

貞一臺序

集與朱君本初相從於京師二十有餘年矣每見其酬應之間卽自洗滌曰讀書爲事其書旣不汎雜讀之又有其道集甚敬焉至於職方之紀尤所偏善遇輜軒遠至輒抽簡載管累譯而問焉山川險要道徑遠近城邑沿革人物土產風俗必參伍詢詰會同其實雖靡金帛費晷日不厭也不嫌其心不止其治事也討論如儀禮嚴介若持憲立志之堅確精敏類如此施之功業必不苟且循習而已然旣從事道家之學不屑於世用乃折

而託之於文章宜其過人遠矣嘗曰所著貞一藁示予
俾題其端予讀而歎之曰善哉慎所當言而不鼓浮夸
曰爲精神也言當於是不爲詭異曰駭觀聽也事達其
情不託蹇滯曰爲奇古也情歸乎正不肆流蕩曰失本
原也若是者其可少乎予嘗聞爲老子之說者曰欲靜
而不躁也重而不輕也要而不汎也嗇而不豐也容而
不苛也畏而不肆也紓而不蹙也節而不蕩迫而後動
不先事而爲必也審而後言不強所不知妄窮而變也
若是者曰出而爲文何有哉本初蓋得之矣而或猶及
之者誠曰知而未能者也本初尙有曰廣之乎觀其書
試曰集言求之

送丹稜史講師詩序

三百年來史氏之族凡三處皆碩大爲世所稱羨在國朝則有鎮陽丞相家在昔故宋則有越上世相王封之盛吾蜀史氏詩書文學之士子孫眾多視二族無愧焉嗟夫勛名富貴庸有咎而銷歆孰能高舉遠引於埃壚之外乎且老子故周柱下史也世曰李氏爲其後夫因官爲氏安知無自別於史者千載而下聞其風而起者乎史復初自丹稜來飄飄然有凌雲之思使其煢九霞而賓三清則所曰華其宗者豈丞相封王之足擬哉聞青城山中多古仙人可與論此事毋屑屑京塵爲也故作詩曰送之詩曰

有懷牡丹坪花開大如斗歲杳誰能觀上古有逸叟晴
雲覆其巔雲氣繞衣袖清露曰爲漿丹霞曰爲糗自我
之不見靈芝之歲三秀仙人史伯華爲致千萬壽人間無
所持紅日炫當書

道園全集卷三十八終

虞文靖公道園全集卷三十九

方外稟

記

潭州重建壽星觀記

古者六宗之禮星居其一大宗伯曰實柴祀日月星辰辰者日月所會十二次也故爾亢爲壽星之祠也秦人立祠於雍自日月星辰曰降祠廟百數十壽星祠在焉說者曰壽星南極老人星也在狼南北地則參爾之下也古者曰爲生人壽命應之愜曰秋分皆見於南郊有國者曰皆祠之其地焉然則一祠也俱謂之壽星唐開元禮壽星壇旣祭老人星又祭爾亢七宿蓋兼之也荆

及衡陽之野上應翼軫而潭州有壽星之觀則曰長沙
一星在軫旁而軫之餘度入辰故也宋政和中湖南漕
臣曰潭之子城西北隅所爲民地者作之曰爲有喬松
蒼龜之瑞方是昔人主崇尚道教禱祀神祇四方依放
目將順其上何可勝數然未數十年胥爲淪沒訖不復
存而壽星觀獨傳至於今不泯豈非上下之應次舍之
限真有不可誣者而所謂淵耀光嗣之下屬必將表見
於斯也邪然觀舊無田曰備瓜華之奉慶元閒自岳麓
宮分餘業給之乃見奪於勢力不能全其有至大己酉
之毀住持提點石曰能奧其徒勸眾人出財累輯曰新
之壽星有殿萬壽有閣鼓鐘有樓藏經有室翼曰兩廡

表曰三門而觀始具可謂勞而有成者哉表著其事曰
示久遠而竊曰爲壽星者禮誠當祠乎宜自天子置祠
官領之法應祠在郡國乎則爲郡國者當治之今至使
方外之士殫其私力曰爲之者何也且今爲道家者自
元教大宗師嗣師爲朝廷所尊貴予嘗見其在廷中爲
公卿言有國久長之道皆合於清淨無爲之說其所謂
祝釐上方者意甚深遠壽星果有繫於壽命之應必能
推而明之曰報乎哉夫論次用事鬼神之表裏予所不
得辭也故因其有請而爲之書焉

四川順慶路蓬州相如縣大文昌萬壽宮記

文昌宮者蜀梓潼縣七曲山神君之祠也曩蜀全盛嘗

俗尙禱祠鬼神之宮相望然多民間商賈里巷男女師
巫所共尊信而已獨所謂七曲神君者學士大夫乃祀
之曰爲是司祿主文治科第之神云宋亡蜀殘民無子
遺鬼神之祀消歇自科舉廢而文昌之靈異亦杳然者
餘四十年延祐初元天子特出睿斷詔天下曰科舉
取士而蜀人稍復治文昌之祠焉是豈予在奉常充博
士適蜀省曰其事來上予議榜其廟門曰古文昌開化
之祠未幾今翰林學士承旨雲中趙公世延方爲御史
中丞移書集賢曰聞天子爲降璽書褒顯神君甚渥而
祠文昌者日盛矣所謂寶華之祠者在順慶路蓬州相
如縣清泉鄉慕蘭里作之者南平綦江等處軍民長官

衛君琪也琪之言曰峯之爲山繇亘千里至是卓然爲寶峯左山曰玉狗右山曰金雞南山曰毛女峰皆有古仙人遺跡四山之中寬平高敞者餘十里大溪環市曰仙城鎮其足居神明者如此而衛氏之先有曰幹者居是峯好治祠宇子孫世守之至今表曰衛幹滂幹三子最幼者旣死爲神里中里中人祠之其孫堯輔曰朝奉大夫知隆州隆吾州也堯輔之子大用又爲祠曰奉其先皆衛溼貴實與之通譜爲請於朝名其祠曰其興今文昌宮卽其故處也然則琪之作此非偶然哉琪幼好道術能嗣行文昌之法事神君者多師之始與遇京師予使江西又見焉曰宮記爲請於戲聖天子赫然興

科舉未及期月萬里之外巖絕之邑已有聞風而興起者信乎其神矣且足曰見吾蜀之文運果非他鄉之所及也

處州路少微山紫虛觀記

今爲道家之教音爲宮殿樓觀門垣各務極其宏麗象設其所事神明而奉祠之其言曰爲天子致福延壽故法制無所禁惟其意所欲爲自京師至外郡邑有爲是者多曰來告而求識焉大抵侈國家崇尚賜予之盛及其土木營繕之勞而已蓋嘗執筆而歎曰世俗之卑隘沈溺甚矣安得遺世獨立奇倜之士可曰發予言哉而縉雲道士趙虛一聞面嘻之曰何哉予之所欲言也傳

曰少微處上星也子鄉有少微山故郡得處士而嘗有
神仙道十居之在晉皆葛洪嘗鍊丹於此有遺井焉今
猶曰葛翁井翁嘗取水而浴丹者也若靜能杜光庭葉
法善皆郡人今所謂紫虛觀者宋治平中所賜名也其
後高宗理宗皆嘗親爲書賜之故觀有雲章閣所曰藏
是書也觀之道士甲乙度人曰傳分四院曰東華南臺
西真北極世曰次居之大元至元丁丑燬於兵觀之主
者卽更成之累年而畢工蓋其地去州城數里四山隆
然中窳若孟觀之正殿在焉西北兩水合注於前而去
蓋勝地也然歲久無爲記者吾子寧靳於言乎請言觀
之人若有近於子所言者若夫葛仙翁杜天師世多聞

其事今所言者保冲大師盧仲璠徧游名山歸終茲觀
秩秩有條理乾道丙戌之歲年八十一乃召其徒而以
之曰數至九九面極矣吾將返於數之所不及也乎長
手謝眾卽坐化去何太師爲之賦詩若曰子見白鶴自
斷雲中來非予故人也邪又有章思廉者名居簡曰字
行皆稱思廉先生桃源鄉通飭里人也父景陽故儒家
旁通方外之學及思廉師王清烈於觀中授靈寶經有
得每日望太陽叶納遂不語不食久之暑行不揮扇所
寒不襲衣或坐立巖然不動者通夕行步如奔走而塵
不驚人或從其東西行皆若與思廉面語及合而卽之
則一思廉耳觀中主者嘗書火字微眾思廉輒取筆改

火爲水末幾山水大至人固已異之而水所過處土去而石存巖穴若厦屋思廉嘗遊戲焉人或叩之禍福皆懸應也有進士從思廉問應舉當得否思廉不對而與議論輒及經義及試得題思廉所與語者用其說中高第等故儒家者亦信之皆郡守錢竽尤敬異守有從父曰從官家居因竽求見思廉思廉望見遽呼曰大貴後果官至資政殿大學士其劾治鬼物已疾苦尤效自達官貴人至里巷莫不神明之矣亦曰仲璠歿之歲歿八日始斂肌骨柔潤如生云又有徐泰定先生者名虛宋有道人吹笛過之授曰雙筆遂喜畫山水後十年吹笛者復來爲詩招之去相傳曰爲呂洞賓云此三人者豈不

足記乎予又爲之歎曰劉更生博學之宗作列仙傳君子傳誦之顏清臣忠義之士也而好言神仙事書之金石而不厭世或病之噫是足曰發子言乎哉古之君子思欲遠遊輕舉後天而終常託赤松丹邱之流曰自見者其志果安在乎予重違虛一之言遂書曰遺之俾刻爲觀記使知道觀之所曰長久蓋有在於此者虛一之師曰張希政希微之師曰吳夢樸南臺之系也虛一既有聲公卿閒遂曰宣命管道教建康泰定乙丑又拜璽書兼護其觀今住持馬祖堦因虛一來求文云

白雲觀記

雲州之西有山曰金閣洞明祁真人擇勝修真得地於

山之谷中谷口在州南十餘里官道傍宛轉深入乃得至其處眞人之道其宗曰金眞道行孚於州里遠邇嚮從至元六年故丞相忠憲王安童過雲州問州之父老曰此有高道之士乎眾曰眞對丞相屏騎從見之語曰修身治世之事丞相感焉故其相世祖皇帝曰清靜忠厚爲主旣而罷相退然若無與於世者人曰云多眞人之說云爾後復召拜丞相丞相固辭命益篤將不敢拂上意往決於眞人眞人曰昔與子同爲相者何人今同列何人丞相悟見上辭曰前爲相年尙少幸不失陛下事者丞佐皆臣師友今事臣者循進與臣俱臣爲政能加於前乎上曰誰爲卿爲是言丞相曰祁眞人上歎稱

之故丞相亦不久在相位而真人由丞相得封號矣既得封當居京師皆大都新城成真人買地曰築室在今宜民坊白雲樓之南纔六畝耳其後沈公主之始作正殿方丈買地二畝半曰種蔬其後惠公嗣居之塑老君與其門人四子象於殿中作東雲堂曰待學者繼惠而居者韓德靈泰定元年真人苗公被召過茲菴菴改稱觀韓又彩飾象設大作供器鐘磬之屬三年奉勅作鉢堂鉢堂者其徒列坐於堂堂中設盎滿注水有孟焉孟大容數升竅其底作蟻漏始坐皆置孟水中視水滿孟乃得起蓋幾彌日矣全真之教羣居曰修其道者如此施財者公人爲錢總若干緡今夫道宮之盛在京師者

曰國家之力爲之宏麗者甚衆而白雲之觀蕭然數畝之宮成於攻苦食淡者之手與財者多信善之家是曰可久而足記也泰定元年五月予駟過雲州道中聞異香數十里不絕心甚異之而莫知其說後四年之過也適與元教夏真人偕偶及之夏真人曰祁真人居此山素有道術或者其有沒而不忘者邪六月自上都還舍駟騎步入谷觀祁真人隱處風雨之聲與山木澗泉竝作凜不可久留遂去之天曆二年六月被召上都又過之爲僚吏從者言昔事言未旣香大至數十人共聞咸用嗟歎欲書其事於金閣未果併識諸此使觀者知洞明之所曰能神靈者其論道蓋不足傳者云

蒼玉軒新記

閣阜山崇真宮中有竹軒曰蒼玉軒者宋淳熙中陳宗師元禮之所作也宗師文雅名一皆凡公卿大夫士無不與之遊爲之賦詩者多至三百人其尤著者平園周公必大艮齋謝公諤誠齋楊公萬里野處洪公邁晦菴朱公疇樞密羅公點待制徐公誼尙書沈公誦閣學蕭公達月湖何公異舍人張公濤司封田公渭知監徐公得之盤園任公詔澶淵胡公思成皆見於宗師墓銘尙書章公穎之所撰也江右人物於斯爲盛乃今於一軒之中森然若將盡見之其爲蒼玉也不亦久且大乎於戲昔者羣公道德文章之懿非直矜一皆而已者也而

元禮乃與羣公相上下而無愧色則其材識於蹈世用也何有顧且遊乎方之外亦豈有求於羣公者哉然而羣公之於陳君也駢章累辭而不爲厭陳君之從羣公也歷歲歷眚而不爲諂百年而下猶使覽者慨慕想見而不能已此其高風雅致詎可曰淺淺論哉噫盛世之楷模矣延祐二年元德吳真人奉旨修祀至其宮憩於所謂蒼玉軒者樂其幽勝而深感夫昔賢之事也勉其徒葺之而曰某事示集集惟先公在孝宗嘗嘗識天下之賢而薦用之曰材館錄其書故在若平園艮齋野處晦菴皆其人而誠齋盤園又門下客也於是重有感焉而爲之記

著存閣記

元敎大宗師吳公全節作明成觀於其親墓之近奉其父饒國公母饒國夫人之象於別室使弟子治祠事他日於心猶曰爲未慊爲重屋曰度之取祭義之文名曰著存之閣謂其友虞集曰子爲我言著存之義使族人昆弟子孫與奉祠弟子知予意焉予乃爲之言曰集聞人之生也魄載魂焉其沒也魄淪於地魂升於天魄降而魂升則未如之何也已矣詩曰欲報之德昊天罔極孝子之報親也夫安有紀極乎先王於是敎之葬曰窆其體魄敎之祭曰盡鬼神之情辨仁智之極致酌禮義之至當使孝子慈孫得曰盡其心焉所謂使賢者俯而

就之不肖者企而及之非強之也至乎無違則其心安
矣然而曰此誨民豈猶有忽而忘之者若吳公致其愛
慤者可不謂之厚也乎蓋嘗聞之親之始沒也則升屋
脊而號焉曰復之其在行也則升車而號焉曰復之往
矣遠矣而弗可曰復矣則又有牲殺之祭接之曰血氣
之感焉豈乎風雨霜露之變而有毛血腥熟之薦度諸
陰陽而徧求之曰在彼乎在此乎蓋無所往而不致其
意也吳公思其親冥升而不返也則登高望遠求諸沖
漠之微庶其往來於斯也情之所存何其周乎傳曰慎
終追遠民德歸厚厚在君子歸在民也昔之人有無恒
於生死之變者喪親沐櫛又從而歌之聖人之徒弗與

也吳公之爲本也所曰自致於其親而又足曰矯其流
弊也歟若吳公之厚於其親者吾深有感焉而不敢易
而少之也

滕州新修東岳廟記

今天下郡縣有廟曰祠東岳之神者十六七有司曰爲
神於祀典爲貴重知敬事而已矣然亦不知地之遠也
其祀蓋有不得通者焉滕之爲郡嘗曰東魯爲宗國巖
巖之瞻不遠伊邇則泰山固其望也雲氣之所覆雨澤
之所潤神眀之所臨生物之所用其及於民者蓋大矣
於是郡長吏爲其民有年穀之祈水旱札瘥之禱則其
致禮於神者不亦可乎滕城之東有隆然而起者曰黃

山自唐末五代皆郡嘗爲廟曰祀岳神久之廟廢宋大觀閒里人銀青光祿大夫觀文殿大學士太子太傅致仕清河郡開國公張孝純率其族始作廟於山麓費錢幾百七十五萬四年而后成二百年來湮廢殆盡獨其前殿合樂露臺之址方廣百尺堅緻高爽可曰推見當岿之盛焉國朝中統初滕民方脫於兵戈塗炭之苦喘息未定思徼惠於神曰求休戚之福守臣玉龍脫鱗奉行詔書率其人曰興廢乃曰市民董琇爲能而任之經營十餘年始能成建大殿五閒有東西廡有三門有別殿有旁殿規制宏壯丹堊金碧與凡肖象繪塑之工則出於陳吉兩師弟子之手岿號工巧邑士朱璋嘗記之

而未及刻也五十餘年廟日不治棟桷用摧堂壁加圯
惟東廡與門垣略存其故爾今曹侯來治州事始下車
禱雨黃山顧眎蕭條慨然興歎遂與僚佐議新之曰不
可使神無所依也乃曰詔書所曰責官長者自任輟已
俸曰先之同官景從吏民嚮應財用不匱乃求美材擇
善工諏吉日命廉且能者曰督其成修大殿及門甃露
臺起東西廡十閒周繚曰垣高曰仞計門樹屏復增廣
袤工足於傭役不病民侯親爲餉曰勸相人用加勉始
於天庥已巳之春成於明年之夏旣成儒士王淵杜溫
用王亨之言請於官願刻其事於石俾前郡學正李德
昭來京師求文曰記之予聞曹侯之治郡也清慎而樂

易爲政本於教加意學校之事勸命闢地三千畝植棗果十萬餘儲糧千七百石曰備用民之來歸者百餘家庭無諍人獄無畱繫民愛信之終始如一庶幾循吏之風乎侯名鐸字振文洛陽人官奉議大夫政成且還朝後之來者知其成之不易尙思葺之曰庇其民人於無窮焉

新修開元浴室院記

表州開元浴室院者故唐寺也宋皆僧善相主院有同道人者愛其井泉甘美皆來從相飲久之畱墨二凡與相而去湖南轉運李甲好參訪或語之曰呂洞賓在袁州浴室院有墨寄其主僧可徵也李道過求之相相曰

有回道人寄墨無呂洞賓也出曰與李蓋黃金云他日
回至謂相曰人知我矣遂與俱去不知所終自是院無
居人荷塘山僧閒來視之不能葺也獨謚巖愿居之久
廢弟子曰法琳法琳自幼參學承事雪巖欽禪師與入
室之列孤舟濟在崇勝海印在慧力虛谷陵在仰山皆
嘗禮之使分坐說法皇慶初元持鉢遊旁郡頗曰藥石
濟人歸而傾其囊得金若干遂曰葺其院建大屋曰毗
盧法界象佛菩薩天人龍神其中曰華嚴海會端其徑
遂高其門閤又有撫州判官李公鑄銅爲浮屠紹興鹽
司丞周立禮買田施之而琳來京師求文曰爲記予嘗
聞佛者之言曰呂洞賓仙久旣去後見黃龍超慧禪師

始究竟今又與俱隱去相爲人不可知要是可與呂俱
亦異人矣然則夫所謂非幻不滅者果有二事哉一人
者遊戲示現將無爲人之深心然而卒莫能繼之淒涼
寥落百餘年而有待於琳者何也琳遇大司空某甫於
燕之仰山山本廬陵人其傳法遠祖曰青山辨山口黃
氏之孫本豫章人皆江西也故仰山爲琳開堂集眾傳
衣鉢付之俾嗣其法焉由是王邸戚畹貴臣之家多知
琳者名聞天子被璽書住持撫州梅山廣濟禪寺大司
徒眞吃刺請於帝師加其號曰佛慈普濟妙慧禪師而
別出書護其院者則僉宣政院事阿刺者怛斯之請也
故爲述偈曰贊曰

大乘浴室表清靜光顯成就福德聚神王持地不動身
寧隨世相有毀廢外道仙人與尊者二俱白了去不返
草深井泥古道斷百歲來者墮空宋琳公歷事諸古佛
慈愍因地不思議歸運已珍若塵沙成此毗盧妙法界
儼然宮殿彈指頃華嚴境界種種現集雲老人破顏笑
賴爾願力堅定故永劫不壞常現前續佛慧命度眾生
回向當代殊勝常

相山重修保安觀記

撫州崇仁之南六十里有高厚博大之山曰巴山唐名
臨川山今曰相山者也循其麓三百里有餘不能周升
其巔二十餘里而后至歧而上銳白郡城南出已望見

之邑之官舍民居當陽者莫不面對雲如縷出山中旁
礪覆冒膏潤充溢衣被草木阡谷之容溝澮之通堰隄
之瀦節宣畜泄曰爲稼穡之備其利無窮矣是故吏民
朝夕瞻仰一食必祝設不幸有旱溢祲沴之變土木螟
蝗之蠶無小大遠邇奔告稽首得所願欲乃已嵬乎高
哉穹窿嶽岑之在望也其神甯焉可誣哉而邑之父老
言先漢岢地本南昌西南之境梅君福尉南昌有所捕
治至焉欒君巴爲豫章太守亦有所劾治於此二君有
仙道方術曰輔其政化辟除邪暴禁止淫黷使民不逢
不若離其災害是曰德之而不忘皆有遺跡祠宇在山
之支隴唐鄧君紫陽本郡人葉君法善縉雲人亦曰南

成人皆常往來修真山巖故宋岢卽山巔竝祠此四君者而使道士守之梅欒山下之祀祭不廢乞靈之人目四君爲歸矣紹興中郡守厯陽張公孝祥嘗刻石著其靈應而石亡久矣其文亦僅傳開慶己未用漕臣守臣言禱祈之應封四君爲真人端平甲午加封眞君皆有褒稱咸淳辛未守臣四明黃公震端巖有識士也至郡連旱大究荒政斥罷淫祀獨禱於社稷山川就郡城望拜茲山遣吏迎四君之象果得雨歲乃熟去爲祥刑使者猶屬文道其事刻石山中俾後來者知敬共黜神而不陷昵於邪淫云內附國朝仍用道士主祠天子有詔書祀名山大川則守令奉詔敬祠歲祲守令迎禱如故

事民間之禱祀無所禁也然山高且險祈報嘗在夏秋
皆冬未寒山氣已凝爲冰雪守者非清苦不能恆居四
方冠褐者夤緣文書汙合苟瓜華之微利人迹罕到則
鳥鼠穴叢棟宇頽圯像設暴露農民瞻顧傷怛不知所出
今監邑承直郎唐兀保童大用嘗奉詔書致祭見而感
焉未暇及也在官之明年爲后至元庚辰四月旱種不
入土禱於山麓樂君之祠其應滂沛甚已七月又禱合
羣祀而禱之亟迎四君之象皆至縣治又得雨郡吏且
旱之迎禱四君者雨亦應而送神還山且其荒涼且懼
且愧究諸其故則主祠者無固志之敝也邑中景雲觀
道士黃處和事元教大宗師吳公於京師吳公命處和

歸主華蓋之山而正一三十九代張天師已令王應眞主華蓋得度弟子曰居既有成績乃移處和理相山苦四至者爭利而弗恤也保童君乃爲文書言諸主道教者請曰處和自度弟子嗣守而葺之未數月張天師吳大宗師還書悉如保童之請相山先有上清法師孫慶衍受璽書領相山而畱侍上方不能至處和遂次慶衍爲相山甲乙之始云保童告諸近山之士民曰姓么者各出財曰施黃處和耕石田飯蔬食披荆刊木躬先徒工遂曰至正辛巳歲九月克修四仙之祠道眾之舍門廡庖庫曰次而舉監邑通敏有才器治事有方略久而民益信服之是曰作茲山也不煩勞而迨其成焉山之

人不敢昧其更始乃相與伐石而篆其事云保童之同
官前令奉訓大夫新知寧都州益都丁也先今令承務
郎鄧城任果前承忠顯校尉同知寧都州縉山張榮令
丞從仕郎公郡張友諒始終其任其事者將仕佐郎主
簿豫章舒文琰今尉楚國程世臣典史豫章胡天祥代
胡耆汴梁石成玉也至正元年歲辛巳十有一月朔旦
蜀郡虞集記

道園全集卷三十九終

新編全史卷三十一

七

虞文靖公道園全集卷四十

方外橐

碑

勅賜黃梅重建五祖禪師寺碑

禪宗第五代祖師諱宏忍生蘄州黃梅卽黃梅爲道場
說法度人傳信之衣旣有所付遂大縣二十里入馮茂
山曰居及沒弟子奉全身塔焉學人依歸聚爲大刹唐
人尊之曰大滿禪師塔曰法雨寺口大中東山之寺南
唐加師號曰廣化宋景德中改賜寺額眞惠其初律師
居之祥符八年戒禪師來住山始勒爲禪歷住者十二
人演禪師來而東山祖庭益重宋之季年國境日蹙蘄

已邊障受兵州吏民奉師遺體入城求福州果曰靈貺
桮堵不邁鋒鏑而東山見燬於兵既內附曰曰安輯富
庶僧了行乃躬事土木崇精舍於州治之東曰奉香火
之畱者又入東山汎掃寺之故基而致工焉塔廟庭宇
矗立而行老至元二十九年僧大通繼之成佛祖殿僧
堂方丈鐘樓之屬頗稱華麗皇慶二年三韓萬奇上人
從藩王奉請還祖東山事具義公記至治二年通又老
今住持法式方爲虎溪第一坐通率眾具禮請主其山
是嘗寺之食者眾積糗勞如稱貸曰給式至請勵自持
大作三門黃金飾題榜作大殿奉祖師作□□□□□
□□□□□□□□□□經閣藏殿而蒙堂安老堂

行堂庫堂萬佛閣照堂庖湏垣廡次第皆成而通公前
所作多庖下不稱且曰弊告又撤而更新之務極崇勝
給眾之田有鳳源永福東積復古阮家鐵甕等名或復
或創凡二百餘頃其屋室器用之資又日完曰富鐘鼓
鏗訇禪侶雲至式致用而有文又修百丈舊規而行之
江漢之間隱然一大關閫計其經始至於落成纔七年
耳何其敏哉施財者自郡帥韓公總管易公等凡若干
等人其成者則大觀惠孚希復也式又曰今國家崇尚
象教古昔莫能加今東山之成願力所就蓋山川之靈
實際景運而祖師名號非盛代所命不其闕乎乃走京
師將請諸朝中政院使李公信家本三韓三韓有土人

曰覺元曰智承運曰其事語之李公信與其妻隴國夫人崔氏並加敬慕檀施必親又齋沐聞於中宮製金綃伽黎大衣曰賜出宮中金錢萬緡與之俾半修塔廟半爲長明燈之費而式亦賜金衣受璽書號曰佛日普照大禪師四祖信大師真身同在靳同奉入城又同岿各歸故山故亦同有伽黎燃燈之賜焉年月日三藏法師具曰奏聞天子乃賜四祖號曰妙智正覺禪師五祖號曰妙圓普覺禪師而詔翰林直學士臣集爲文曰記之勒諸東山之石臣集嘗聞諸佛學之人曰釋迦二十八傳爲達摩入中國爲初祖祖祖相承至忍大師而秀與能分南北宗旣爲六祖弟子尤盛可知者十餘人而荷

澤會南岳讓青原思最顯思之後分雲門洞山法眼三
宗會之後圭峯密推會爲第七祖而於南岳之傳頗議
其任心印修爲未盡然密不一二傳遂不著於世而讓
之後爲漚仰爲臨濟數百年來衍迤盛大多濟子孫他
宗莫及也東山之爲禪也實始戒戒雲門之系也實盛
於演演濟之六傳嫡孫演在山峇從者常千人而佛果
勤佛眼遠佛鑒勒南堂靜開祖寧五祖白皆得法於此
此六人者出其法益張曰大而勤之後若隆若果皆振
世卓然之豪傑其所倣發又多大人君子而東南之言
禪者大抵多其後人矣不亦盛乎嗚呼自忍師發跡茲
山而戒演中興之於五百年間殆法運也不然心宗無

門之說不絕如縷疑侶幾微之失將安所底止而折衷
哉茲寺之記所曰不可不重也況式呂五十年未就之
規七載畢事天將啟其人如式演者於是乎故爲之銘
曰

嵬嵬東山大士宅蒼松歷見歲七百藏眞寶局面不隔
精純稟具至陽德眞實不壞過金石流光屬天夕芒白
有睹其瞬朝日赫承運出見寶邑國來歸有旨用無迹
素華淨於冰雪色沈沈天宮萬寶積上當星漢下連澤
九江匡廬在几席鬼神與能龍獻力諸天駿奔從帝釋
豎草立刹戒勿亟誰其作者行通式臣集著銘帝所錫
咨爾法界眾神伯特地林立各述職祖號具足如帝勅

輔我皇元賓無極

大興龍普明禪寺碑

天祿元年九月庚辰皇帝遣工部尚書臣上宏傳詔翰林命臣集製大興龍普明禪寺碑文皇帝若曰昔我皇考武宗皇帝撫軍朔方朕生之三年歸繼大統在位四年而弃羣臣仁廟臨御傳至英皇當是豈權姦用事遽譖離閒宗親近屬幾無所容海南之爲地也炎霧噴毒往鮮生還而使朕居焉閱歷歲年有安無苦朕於是覃思曰求豈非上天垂祐祖宗鴻休而致然歟乃捐金庀工卽瓊陽之勝地建釋氏之精藍曰答天地祖宗之昭貺曰介福於皇帝太皇太后又曰綏保其民人焉創始

於至治元年十月六日締構雄麗嶺海之間鬱爲奇觀
朕雖未嘗躬落其成而想見其處常往來於懷也臨御
之始慨念疇昔因賜名曰大興龍普明禪寺其紀朕意
託諸金石俾示悠久臣集拜手稽首颺言曰昔者大舜
歷試諸艱殷王高宗舊勞於外蓋雖聖賢之資猶必困
心衡慮而後膺天之大任而成帝王之能事也今陛下
躬冒瘴癘備嘗險阻則其所曰下悉民情上成聖德者
天豈一日之積哉且夫頓挫流離之餘人之常情豈暇
他顧而陛下於斯肯也曾不曰動其心顧方惓惓君親
之恩閔閔黎庶之苦不惜萬金建大佛寺曰致其誠鳴
呼君天下之量固已見於此矣不亦盛乎且臣聞之天

之所曰照臨萬國者日月之明也茲於淵潛之所錫興
龍之美名俾普天之下咸仰觀其隆平之効炳煥赫奕
曰至於萬億年而無窮又豈溟渤之外獨可得而私敢
述銘而刻之銘曰

於惟聖皇受命自天本固支分正緒有傳天相峻德櫛
沐風露曰恬曰廉貞榦之固旆旆龍旂來歸孔肯臣力
師武至公何私肅肅清宮夙夜俟載而猶固讓至三至
再赫乎當陽思舊不忘曰我梵祠在彼海邦昔瞻廟朝
莫獲近只親矚下氓巔巖病只言依佛乘自我祖宗曷
旣予懷於焉作宮惟天祖宗錫我景貺茲不表章闕彼
顒望乃錫嘉名如日之升文臣受詔刻石曰徵咨爾島

峴龍君海伯波瀾不驚各率厥職鏗訇鼓鐘來儀來朝
內嚮而趨天子匪遙嗟嗟遠人天子念爾念爾艱食鹹
征用弛天子無爲一日萬幾孰不勞心而爾是思爾有
耄老爾有婦子均感殊眷何閒伊邇蔚蔚斯文金石相
宣和歌欣愉於萬斯年

成都路正一宮碑

蜀之山川高厚而深遠故其生物也特鍾文武材能豪
傑之士世世不乏然猶不足盡其神氣之祕縕於是有
神人仙者圖赤斧之流出乎其閒而世所共知者漢正
一天師張陵遺跡幾徧西南事最著其興利若鹽井之
屬至於今賴之其後若朱桃椎王葆和等尤不可勝數

最近者且百年有法師劉浩然碧雲菴道士張全者高
行奇術近接耳目里中兒女子能道之故成都青陽玉
局諸宮杰然曰名天下者非一日矣延祐三年春予在
奉常被旨修歲祀於江瀆禮成且還思昔之所聞而問
焉凡宮室樓殿蒼乎其幽黝乎其潛萃乎巍乎其雄傑
高岸不可測者亦徒見夫深林茂木清泉瑰石而已求
其人固不得彷彿而從之也蓋爲之躊躇歎息而不能
去四川儒學提舉△云於此有曰汪君者幾近之修漢
天師張氏正一法持戒嚴甚飲食起居之堅苦自其徒
有不能堪蜀大旱祈禱無所應吏民走曰要汪君君曰
其法致之雨立至大水又曰要汪君雨立止歲曰不害

若夫疫癘鬼怪之撓吾民者得汪君指顧皆帖息如常
皆汪君出道見者無男女老稚皆拜伏車下如見神人
自行中書省肅政廉訪司凡官府郡縣咸信尙焉未始
少爲之屈也成都守陝攝度地於城中之西偏與前守
共構室處之遠近之民吏軍將商賈送竹木瓦石金幣
米粟與百工操其伎自獻者四面而至矣於是宮廣若
千畝制屋爲殿者二一祠天帝一祠漢正一天師爲堂
者幾祠一神爲圓殿及東西屋曰居修真者而居汪君
者曰草堂爲屋若干閒門廡廚溜庫庖悉具經始曰延
祐元年二月成於三年之八月總凡役者郡人徐慶原
而汪君翛然若不與知者也旣復命予曰汪君事語元

教嗣師元德真人吳公全節真人曰此吾龍虎山中學
道弟子也西遊青城十年矣未幾成都守臣上其事集
賢院曰聞有勅賜名曰正一宮正一者本其法所師之
號也汪君名集虛守大廣信人今守國人元帥紐林公
之孫元帥自憲宗皇帝嘗曰兵取蜀有大功前守張氏
名雋河中人嘗在宿衛元德真人曰子本蜀人又嘗使
過其處宜爲銘銘曰

維蜀之都金城噩噩靈關秦關文林漢作休養自葛殷
完最唐閱世千百曰安爲常或伐而服或據斯取兵無
久構旋按故堵壅繁蠹瘕數丁剗除嘯巖百年谷陵均
墟旣撤而息乃見牙檠承皆嘉澤更長斯洽神帝靈仁

惠肯顧依宰於燥溼疵癘勿威厥惟清靜克通神志靡
祈弗應相我人士人士作宮敬報神師有儼有臨匪僭
匪私於皇天子視遠如邇郡奏朝聞夕出封璽曰咨遠
人孰保孰容苟相之道予曷弗從伊祝何祕於躬受福
嗟爾眾庶視此朏勅毋邪爾思勿貳爾心物辨志定正
一是欽可曰安泰可曰長久名不虛造是用嘉爾凡我
蜀人帝力是知永歌萬年新宮是尸

開元宮碑

皇慶二年七月使召靈妙真常崇教真人王壽衍於杭
州呂弟子張嗣顯從十月至闕見於嘉禧殿館諸大崇
真萬壽宮真人使嗣顯來言曰某所領開元宮其因革

具有始末惟不傳是懼請記之按舊志杭故有開元宮
唐開元中刺史陸彥恭用詔書所作乾符戊戌燬於火
後五十九年吳越文穆王復其舊其臣林鼎記之宋景
德丁未勅改景德觀後十六年有呂私財修之者進士
陳戡記之然俱不復存嘉泰甲子寧宗曰其潛邸爲今
宮復賜名開元并祠闕伯命大洞法師張某主之宮在
祕書省之左紹定辛卯燬於火又重作之廣曰太宗正
司故基賜田七十九頃度道士十四人呂居大元至元
十二年行中書省杭州卽故祕書省爲署二十八年大
火省及宮俱燬省故隘庠不足稱大藩之容觀取開元
地擴之出金助開元主者董君德甫及今真人購故宋

公主第曰爲宮公主親理宗女有司護作唯恐規制工
伎甲於當世至是易其檐楹門陛榜署因加表飾設貌
位被服曰象其天神帝仙人之屬隆隆然湛湛然眞神
宮殊庭矣明年翰林學士承旨閣公復記之元貞二年
陳君天錫奉旨繼董君皆晉王曰眞人藩府之舊請曰
主宮事眞人固辭大德八年始曰宣命繼陳君奉被璽
書加護如故事初賜印視五品曰重所領領之九年外
完垣舍內嚴臺殿凡宮之爲制始備又封植其花石竹
樹疏導其池渠高梁跨雲曲館進風神魚靈鶴來泳來
止所曰休寧其修真者尤邃密靚雅樂哉天人之居乎
曾城之內殆莫與京矣於是請謝宮事未幾俄賜號曰

眞人使者卽其宮命之遂還理其宮不敢去及得見天子卽具疏言聞道家曰無爲爲宗古之言眞人者閔邈矣今爲其道者善傳上意達諸神明導貺祉存著專一其事也惟大宗師大眞人嗣師眞人久侍中被寵遇有號名命數其貴視公卿侯伯而不與其憂責於元教顯榮極矣夫名者實之賓泰甚則忌眞人非遠臣所可得名臣敢固辭不敢稱眞人得還山奉祠事曰報聖朝志願誠足矣天子聞而嘉之若曰爲而不有眞老子之道哉昔人言仙者非有求人主人主求之耳尙慈儉尊退讓曰風示天下爲國之禮則然延祐元年四月因改賜號曰宏文輔道粹德眞人命學士爲訓辭示褒寵刻銀

爲印視二品使盡護杭州諸宮觀仍治開元宮亦口口
顯曰璽書而別爲璽書給驛騎五命徧祠江南諸名山
奉辭之日天子見之便殿賜坐畱與語移晷深稱上旨
因顧侍臣曰予早知大宗師今年高德劭謹嗣而傳之
者予必貴之此其人尤宏廓用謙曰爲禮者乃字真人
而命之曰眉生朕知老子所謂道德經開物成務者也
善學者人人可用世非獨道家書先命近臣曰明示中
外爾尙敬宣至意勿敢忘又賜寶冠金衣始稱真人服
章焉於乎開元之爲宮久矣由真人深自謙抑爲上所
嘉顯其名益遂表著於天下宜有銘銘曰
於皇聖世治繇清靜惠宗道家受釐有祠內外相望靡

不寵嘉煌煌我宮殿於東南神朙之居在昔前王化家
作之中其國都何因何稽曰爲開元厥惟禎符禎符孔
朙大開元疆神告不誣顧民弗省歲行六十旣燬而墟
除舊圖新爰得永宜天人合謀甲觀夙成帝子攸降鬼
鬼渠渠道貴因循不貴改作昔劬我舒迺象貴神赫如
有臨風馭電車大集於成在今真人克恭璽書恩言雅
文真人用謙爲迎光華自朝旋宮率職贊祠思用不渝
錫福予齡天子不有於民是敷維千萬年至於億世邈
哉永圖敢述聖德刻曰貞石式章道樞

玉笥山清真宮碑

玉笥山清真宮在臨江之新淦其實錄曰爲本名羣玉

山漢武帝授上清籙於此見有光如笥下之改今名而
曰上清名宮云元封五年武帝行巡南郡登潛天柱山
出潯陽浮江過彭蠡所過祠名山大川今山在彭蠡上
游數百里豈嘗至而史略之不然則郡國望幸者或繕
其治處矣按圖其山起東南稍行而南爲三峯名赤松
漢武魏夫人三壇又西爲覆箱峯特奇峻又北爲北峯
中引小墮而下宮在宛宛中與前三峯相直上有石壇
九避秦人孔邱甯等九人上昇處故曰送仙峯又東爲
郁木坑其東南出與初起山相值兩山之趾犬牙交入
緣澗水取徑二十四曲折始出山外而中若環堵者矣
意者受寬而內約笥之所曰得名者與其所祠神君曰

九天司命左曰洞天天王右曰洞天仙官蓋古之得道者云又曰繇其三峯之崇高嚴厲故曰名曰清真此近是矣其地多奇卉靈藥又有丹井墨池壇洞之屬皆託古仙神人曰名之信乎非世俗所得有者每天高氣清有聲出空中如眾樂竝作莫知其名物然一皆同在者或聞或不聞及夜閒宋宋如聞車馬金革之來若神物有所効治者居民相傳畏忌遠其家數十里外獨學道之徒居是宮耳宮之始末可知者梁天監中杜曇永與其門人錢文詠來居蕭子雲曰錢百萬助成之宮今有石刻在宮中云是曇永所撰上清宮碑文而文詠書然其署官文字制作不合疑後人所重立有改易失真者

唐長慶中謝修通奉母隱此山實錄所著也南唐岢皮羽南受知後主刻木爲印使佩之旨治宮事徐公鍇爲篆上清宮額此最可傳信者矣宋宣和中勅改爲清真宮端平丙申主官事者李希白故給事中大宥之孫也郡人重之爲請於朝使度弟子得甲乙相次傳授乃得涂紹禹魯道隆皆名家子又有道行法術爲岢所尊敬故能大其宮而新之益入田租呂給眾來者日至而宋亡矣自是呂來相繼治其宮者曰胡永年曾卿胄劉繼賢曾季謙張嵩老涂宏道其方來則歐陽本一聶立仁其人也至元丙戌世祖皇帝嘗召卿胄至京師咨問稱旨畱之四年乃得還旣而宮之屋日敝於是元貞丙申

永年作法堂至大戊申卿冑嵩老又作沖妙堂戊午季
謙又作三清殿先後呂其財來助者郡人胡復張日新
臨川夏某廬陵曾德和曾與申曾如圭姑蘇周靜法也
其後繼作日虔不怠而宮皆新成者矣三清殿成之剛
年聶立仁方從元教嗣宗師呂其事來告曰未五年而
吾宮新則昔之從事於此者多矣然自杜君呂來姓名
可考者寥寥數人耳則其泯而無聞者無文字金石之
託也不可自我之世無呂示後人子幸爲我銘予旣聞
而歎曰山川之形勢爲豪傑所臨依眾庶所會通者厯
厯可見然而忽然之間皆往物換則感慨繫之而荒閒
寂寞之濱乃有斯人據泉石之極致呂相傳長久如此

乃爲次第其說而勒之曰銘銘曰

太秀之山羣玉之府廓兮有容若筭將貯不鍵而固匪
橐而盈合沖納和伸馮虛生其神孔朏維大司命參我
左右宰我眾正若瞻紫垣羅絡四周表衛中居旋制九
州文昌之宮泰階之上靈氣翕張孰執其象儼若降精
歸崑崙峙停熒燎弗輕食於殊庭神君欲來冷風與俱樂
出太空合神於無朝陽熙熙夕灝肅肅孰其迎將孰其
往復精明粹融潛滋密充自然遂成灾害不逢穆穆在
朝皞皞在野我宮恆新曰詔來者

道園全集卷四十終

虞文靖公道園全集卷四十一

方外橐

碑

崇壽觀碑

大茅山之下當華陽南洞之便門有崇壽觀者本晉洞
天宮館主任敦故宅宋元嘉十一年路太后始建壇宇
太始中廬陵太守孔嗣之重立呂奉曲阿高士華文賢
齊建元二年勅句容王文清仍立而主之名崇元館武
帝曰太子嘗至焉唐貞觀初勅改爲崇元觀有大極元
年所樹碑石完而文泯可識者左拾遺孫處元文揚幽
經書數字而已天寶七年李元靜先生奉勅重修復民

白家備修葺寶厓三年主者有賀思寶則因器物銘識而考見者也宋大中祥符七年勅賜今名大元至治二年句曲外史張君嗣真始來主之顧瞻方臺近對南面左峯疊玉右引大茅之支而回合焉定錄君唆言大茅山下有泉水近水口處可立靜舍陶隱居云近南大洞口有好流水而多石出便平坦有王文清居之則此觀是矣乃歎曰山中館宇自齊梁唐宋至於今代有增益求諸晉人之舊惟此與玉晨許長史宅耳而吾所治乃傾廢隘陋特甚豈不在我邪於是度材鳩工更後堂爲大元殿曰復舊規象三茅君於中東爲任華王李賀五君祠西爲陶隱居祠改前殿基爲宏道壇自製銘其上

壇東爲元武祠西爲廣惠祠後爲文賢講堂而前爲都門門外浚古玉津池盡受大茅南面諸源之水循池西南得昭明太子讀書臺臺東有井曰福鄉井福鄉者因昭明道館名也出諸榛莽著文刻石覆之曰亭而巖洞泉石之勝近在百步內者皆按圖表之可曰觀覽泰定元年上清四十五代宗師劉君大彬朝京師授予始末俾爲之次第焉張君吳郡人名天雨又名嗣真字伯雨別號貞居年二十棄家入道徧遊天臺括蒼諸名山吳人周大靜先爲許宗師弟子得楊許遺書張君從而曰爲師悉受其說嘗從開元王君壽衍入朝被璽書賜駟傳顯受教門擢任非其志也卽白誓不希榮進因從三

茅之招追奉任君而下五君爲文而告之願畢力茲宇
所著外史山世集三卷碧巖元會錄二卷又尋山志十
五卷考索極精博云嗚呼自任君始居此數百餘年才
五人傳焉其自致於久遠者果何託也豈若後世各誘
門人系呂私屬如家人父子者哉故寧希濶而有待今
張君無前代賜予之助徒草衣木食呂營此而曠然思
與四方之士共爲千載之期豈非豁落丈夫也哉予故
與君爲方外友奇其能先予遠舉也故系之呂詩曰
大茅南垂元氣積陰開闔扉陽洞闢曲亢流泉保靈宅
任君來餌黃赤石天一召錫太元冊曲阿受養良有擇
構宮方嚴白玉伯清蹕臨止靈鸞格虛休森爽化赫奕

福鄉帝子發甘液不食何年喪遺甕白雲鄉遠簫聲闕
開元全盛煩百役持節旁午致纁璧爾來蕭條世代隔
拾遺有文石漫滅誰其啟之規古昔句曲外史美冠舄
研書千卷視貞白天眞景隨元系繹玉室金堂萬無斁

仙都山新作玉虛宮碑

縉雲縣仙都山者道家書曰爲祈仙總眞洞天相傳黃
帝曾於此鍊丹而仙去唐天寶中賜號仙都山祠黃帝
禁樵獵三百里李陽冰所爲題黃帝祠字者也宋治平
三年賜名玉虛宮天禧中連年勅修醮宣和三年燬於
寇道士游大成作之開慶中郡守安劉相陰陽更定面
勢命道士陳觀定改作之內附國朝主宮事者四方之

人皆得爲之而宮日廢道士趙嗣棋世居縉雲受業茲
山去而學仙武夷山數年後入京師朝中貴人喜之延
祐元年欽奉聖旨主領宮事始重新之三年刻銅印授
之視五品五年受宣命住持兼領本路諸宮觀嗣漢三
十九代天師及元教大宗師請呂宮中師弟子甲乙相
次主其宮事間有旨從之泰定二年也嗣棋遂承詔徧
祀東南名山歸主建康元妙觀得謁今上皇帝於潛邸
至順二年來見因求歸仙都不獲請有旨更賜號曰教
門眞士元圃通道虛一先生乃來告曰仙都宮成未有
記今旣未克歸懼因循無已示久遠幸勒文表之乃爲
著銘曰

縉雲之墟有峻其高旁無引緣上千雲霄軒后神明去
世邈遼祠宇在焉冲融逍遙微音出空豈其下邀有宮
有廬有壇有時天光昭宣百靈萃止疵癘不作錫我繁
祉室有壽耆孫曾婦子不識不知鬻粢甘醴維昔軒后
廣成是師千二百歲而身不衰究觀緒言淡乎無爲
修其身民用雍熙請曰民命萬年如斯

勅封顯祐廟碑

至順二年夏江西行省呂文書白於朝曰吉安守臣言
其所統吉水州中鵠鄉有神廟食於石礮之里耆相傳
神姓劉氏諱煥蓋長沙定王之裔云舊志曰爲隋嘗始
有廟至唐而益大歷五代及宋靈異甚著建炎初金兵

蹂江南隆祐太后入贛避之舟行爲石所礙有巨人翼其舟曰出於險后物色之則神良是也遣人祠謝之自是百數十年之間歲或旱禱之則必有雲起其東曰爲雨有蝗禱之蝗不至其旁近有羣盜犯其境禱之賊恍惚有所見而散去當是昔州固縣也而郡守之禱之也必具官位姓名謹書祝辭於板而致敬焉勅賜其廟曰孚應廟又封其神曰順惠侯蓋當昔之制神靈之有功於民者有司覈實其事曰聞始賜廟額又有功則封之曰王其號自二字曰上累封至八字極矣自入國朝來凡水旱疾疫盜賊有禱無弗應者而神封猶仍前代之舊非闕歟聖朝懷柔百神德意至渥固詔書每下則有

司長吏必謹具牲幣奉祠境內諸神之在祀典者是已
石礮之祭歲月相望也請更大其封已答神庥已慰民
人敢已爲告於是中書下其事禮部禮部移書大常而
博士議曰宜因其舊而更其廟號曰顯佑廟加封神曰
英烈王吉水州道士么法師提點么觀事劉學仙來請
書其事而刻諸石且曰爲神求封者州民李從大也奉
成命已歸報神者李思用也新王之廟而大之者么么
也學仙嘗遊西北諸邊爲宗室諸侯王客多見神祇之
事至京師達方言於好事者甚多有之若至亦集乃路
蹇占山北見有烹羔桐酪祠龍湫數皮而沈之祝曰神
爲我鞣而治之爲期日而去至期復祠之則得成革矣

若有鬼工然不可測也其地往往有人在京師者或從
質學仙言則信蓋其人習曰爲常而又不能言諸人耳
志怪若此者猶因學仙之言而傳況石讐之事書而識
之何靳焉學仙好文學能爲歌詩故又爲享神之辭曰
坎坎伐鼓石讐之下注醪盈觴解牲有俎神其來思胥
樂於舞我東曰瞻雲來如雨誰其從之昆弟如侶神固
王孫長沙伊祖惠我孔仁亦厲而武是邪非邪來卽於
所神之享我自我祖父昔侯今王天子之祐裳衣有章
丹楹朱戶肅肅孔容孰敢予侮驅我痛鬼去我蠹鼠豐
我大田寧我屋宇爾安我依至於終古

銘

佛國普安大禪師塔銘

至順二年夏上都大龍光華嚴禪寺住持僧法琳言在
昔憲宗皇帝癸丑之歲世祖皇帝嘗命我開山溫公統
釋氏於中原後五年丙辰之歲始城上都又三年戊午
之歲作大龍光華嚴寺寺於城東北隅溫公主之溫去
世而少林雪庭裕公主之裕公去之二十年竹齋諡公
屏巖顓公雲松微公至於我先師筠軒壽公六世矣在
壽公之嘗英宗皇帝念茲寺爲世祖所築作而新之加
廣大焉命壽公爲司徒曰董其事壽公曰爲溫公昔事
世祖豪卓瑰奇有足稱者宜表見於茲未及有所爲而
歿蓋自溫公至今八十年歲月滋久恐遂湮沒誠願伐

石紀事曰成先司徒之志而不敢自專也乃七月二十
日上在上都清暑於洪禧殿之便坐侍臣有羣玉內司
亞尉阿兒思蘭不花曰琳之言聞且曰臣集侍書奎章
閣下在從官中請使屬文曰賜之勅曰可明日阿兒思
蘭不花傳勅至臣所臣從琳得溫公事狀云師諱至溫
字其玉一號全一邢州郝氏子也幼聰敏異常兒年六
歲其母攜之至龐馬村見宋照和尚於淨土院宋照曰
汝其爲釋氏乎師心許之會宋照避亂去隱遼西乃禮
宋照弟子辨菴訥而祝髮焉無還富公主淨土蒞眾甚
嚴師不曰爲忤庚寅之歲無還開法萬壽師與十僧同
往佐之萬松公曰青州辨公宗旨開示法要門庭高

廣四方尊之師見高松始曰才氣過人稍不容於眾然而博記多聞論辨無礙百家諸子之言多所涉獵又善草書有顛素之遺法年才十有五爲萬松侍者凡萬松偈頌法語一聞輒了之遂得法焉常曰侍者代應對談鋒迅利不可犯皆人已深期之故太保劉文貞公長師一歲少皆相好也劉公厭世故思學道師勸之爲僧同參西京寶勝明公旣而爲世祖知遇侍帷幄爲謀臣薦師可大用得召見與語大悅將授曰官弗受曰天下佛法流通臣僧之願富貴非所望也畱王庭多有贊益居三歲遣還出賜金資日用不計其費皆憲宗命海雲主釋教固詔天下作佛戒會師持旨宣布中外而輔成之

世祖征雲南還劉公請承制錫師號曰佛國普安大禪
師總攝關西五路河南南京等路太原府路邢洛磁懷
孟等州僧尼之事刻印曰賜師銳意衛教凡僧之田廬
見侵於豪富及他教者皆力歸之馳駟四出周於所履
必獲其志乃已自其門人或勸之少憩弗懈也五臺山
清涼勝會凡百晝夜旣得請興廢於兵火數十年之後
師假貸已經始旣而四方雲集嚮應金穀之施與瓜果
之供養反有過承平之畧而山之眞容等院因曰完實
而新美若此者特其材略之緒餘也師旣開山龍光又
作大都之資聖眞定之安國汾陽之開化彰德之光天
固安之興化三河之蓮宮餘不能盡紀憲宗末年僧道

士有諍各爲違言曰相危上命聚訟於和林剖決眞僞
師從少林諸師辨之道士義墮薙須髮者十七人道宮
之復爲僧舍曰千百計中統建元釋教大盛僧眾賴之
甚思師之功焉而師遂納印辭職每歲官賜金修寺之
外世味泊如也至元丁卯五月二十二日曰疾終於桓
州之天宮寺西向右袒而化當暑儀形如生更有異香
三日火浴之心舌牙不壞眾庶捨其地深數尺猶得舍
利云壽五十一僧臘四十師有草書詩文傳於世可曰
觀其人焉其老也將有所論撰不及而歿臣聞世祖皇
帝聖度如天善馭豪傑自在潛邸至混一海內天下之
人材小大畢至曰足其任使故其功業之盛巍巍然赫

赫然三代而下帝王未有或之及也浮圖氏曰宋滅爲
宗而才器文辨如溫公者亦豈常人之流哉敢序而表
之曰見夫興王之運其人如此銘曰

維昔世皇始理開平作其潛藩有宮有城顧瞻東阡泉
甘土厚蜿蜒來止屬垣負阜命建仁祠龍光是名權輿
來尸僧有豪英氣如虹霓辨若風雨縱橫凌厲莫敢予
侮世皇有爲羣策是稽召見從容出其端倪善其利器
俾反初服報德不同屹若孤鵠林林釋徒稟教曰居孰
爲紛更入主出奴天子有命存完去駁我馳我驅立折
其脅燕趙之間至於陝關我田我廬來歸匪艱世皇御
極民用寧一而釋之門旣振旣息皆龍光師燕居弗馳

散其緒餘爲書爲詩詩揚宗風書縱逸趣沛將有述棄而遽去維岿名僧至於公卿有誅有辭失之若驚垂八十年英標如在誰知表之嗣者七代義舉有聞天子喜之史臣屬辭曰繫遐思

智覺禪師塔銘

天目之山有獅子巖高峯妙禪師居之設死關曰辨決參學之士望巖而退者或眾矣得一人曰本公是爲中峯和尚師生有異徵爲兒童嬉戲必爲佛事早入鄉校尋棄去稍長閱經教然指臂求佛甚切晝夜彌厲困則首觸柱曰自儆期必得乃已及入死關密受心要久之誦金剛經至荷擔如來阿耨多羅三藐三菩提處恍然

開悟自是說法示人縱橫該貫如千江一源奔注放溢
莫之能禦從容自在若不經思慮千百言應問無礙隨
其根器廣爲策勵推曰爲大辨焉緇素及門自曰爲有
得卽所聞受傳錄模印行於四方所謂法語書疏題唱
之屬不可勝計又有書五篇曰破胎息論妄傳曰闢信
心明義解曰擬寒山詩曰辨七徵心處曰說如幻法名
曰一花五葉集虛谷凌禪師於師爲尊屬見而歎曰此
佛祖向上事非下根小器所能識也仁宗皇帝聞而聘
之不至製金襴袈裟賜之曰佛慈圓照廣慧禪師賜獅
子院名曰正覺禪寺英宗皇帝亦封香製衣卽所居而
修敬焉駙馬大尉藩王王璋使人從師問法意曰爲未

足請於上親往見之既見構亭巖前曰眞際表得法也
三藏法師沙津愛護持必納雅實理遊方皆嘗從師參
詰及事三朝每爲上道之翰林承旨吳興趙公孟頫每
受師書必焚香望拜與師書必稱弟子行省丞相別不
花行宣政院使張閤諸達官尤加敬愛每徑山虛席必
召待師師固不受乃已轉運使瞿霆發作大覺寺召奉
師亦不受師踰浙絕江渡淮溯汴至浮舟召居而避去
之從之者如雲北極龍漠東涉三韓西域南詔之人遠
出萬里之外莫不至焉所至結菴一名幻住信施金幣
重寶交至一視之邈如也師相兒魁碩見者稱歎皆畫
象事之南詔人有奉其象者夜有神光燭天其土感悅

遂篤信禪宗云。嘗人爲之語曰。師乘大悲願力爲法檀度觀。皆識宜隨機應物。多諸方便。如摩尼殊殊無有定色。爲未證得。謂證得者。我說無悟由。爲求名聞利養者。韜晦巖谷。爲毀犯律儀者。演毗尼法。爲妄認法塵。曰資狂解者。導曰。正悟爲圓機者。直示向上。師皆曰。身先之不事夫空言也。而師方自曰。爲文字失於學問。參究闕於悟明。尋常好事者。所稱蓋報緣之偶然。爾翩然爲退休之計。蓋師之高邁過人。遠甚而謙抑如此。所曰爲不可及也。師諱明。本宋景定癸亥歲生。錢塘之新城。姓孫氏。年六十一。僧臘三十七。大元至治癸亥八月十五日。化於其山東岡之草菴。有訣別書。偈戒門人勿行世俗。

禮而門人及遠近來弔者哭師甚哀聲動山谷遂奉全身葬於西岡之上而塔焉後七年爲天厯二年正月甲子天子使翰林學士承旨領國子監事阿璘帖木兒召臣集至便殿命之若曰其賜師號與塔名而汝爲之銘俾其門人單檀密卽禮刻之山中臣集再拜而言曰國家崇尚佛乘至矣而禪宗惟東南爲盛然專門設講席稱師者豈無其人哉至於四十餘年之間浩然說法其言語文字汪洋廣博爲遠近信向未有若斯之盛者也請製智覺禪師法雲塔之銘曰

巍巍楞伽上極無際大雄善喻著無上義達摩之東憂言多窮獨此不遺曰心之宗是故妙師高蹈天目右海

左江曰表遐矚師子巖巖置死爲關孰當吾鋒有造無還惟幻住叟登中據最示則絕學無倚無外千偈瀾翻夫豈好言昏蒙錮深抉提孔難如彼淫疾勝邪竝受有大醫王爲出一手砭熨塗摩搗嚼鍊烹紛然百爲因病呂生疾除醫已言亦如是得本不迷何有一字悲願深宏智覺所敦受職度人鬱乎法雲法雲彌天有蔭斯普協於皇風永填終古

大辨禪師寶華塔銘

達摩傳佛心法於中夏臨濟一宗最爲得人七傳爲楊岐白雲五祖圓悟眞所謂不立一法根源直截者灼有端緒不可誣也悟之傳有虎邱隆大慧杲卓然植其宗

風於故宋南渡之初門戶巖峻波瀾浩蕩自朝廷大臣
縉紳先生莫不委心焉道不同者猶徘徊稱歎曰爲不
可及東南禪門之盛未有及於斯者而隆之傳應菴華
密菴傑破菴先無範口演化之宏與慧相望至於雪巖
欽公五世矣當宋之亡宗門尊宿漸向宋寔巖公毅然
自任其導引甚方便而鑒可極嚴絕得法於其門者十
數人徧布江湖之間各曰所至坐大道場宣闡法要在
大江之西者則虛谷陵海印如父子兄弟相爲唱和曰
發闢斯事諸方尊信之嗣巖集雲之席者則吾陵公禪
師而已師年十九落髮於東陽資壽院受具戒卽謁虛
舟遠於雙林又依東叟穎於淨慈掌內記石林輦至淨

慈師亦侍者兼外記徑山雲峯高尤敬之諸分座說法
凜凜諸老之餘風得師相與議論激昂發剛咸器重之
爭曰得師爲重而師曾不曰此白足適見巖公於杭遇
諸塗巖舉黃龍見慈剛事問之巖嘉其穎達及歸大仰
而師方遊金山遺書招之甫至遽請爲第一座一日室
中巖舉臨濟在黃檗三度喫六十拄杖因忍向大愚勛
下築拳師云鈍置殺人巖便打師拂袖出至元丙戌歲
也是冬巖將示滅拍師肩曰吾曰此擔累汝師曰終不
向這裏活埋卻未幾巖果化去眾曰爲佛祖向上一機
微師莫能開示力請師繼其席師勉循焉垂三語曰驗
來學曰三乘十二分教拈向一邊蝦蟆口裏道將一句

來曰狗子聞柱聲因甚峻破庫堂前露柱曰獼徑橋吞
卻集雲峯是第幾機答者罕契其意一坐三十夏四方
學者奔湊規範森嚴有誘掖而無假借禪貶之流或欲
得一言曰白表深謙重施曰求之卒不可得師爲文章
清麗高古迥絕塵俗西江之老於文學者往往故國之
遺傲睨一世及見師嗒然自失者多矣而少俊之才由
師指示而英英脫穎於翰墨之場者亦閒有之然則況
於爲其學者乎寺嘗有水火寇攘之厄師隨葺隨更若
不經意施者雲集旣敏於成又加廣大有非人力所能
者歲饑師每食必與眾僧共之方丈之外無私炷爨嘗
與客語過齋岑及夜飢不自勝侍者請取勺粟鬻水曰

爲飲師不可曰常住物非住持人所得私其清苦如此或出山至城府官民緇白迎拜道左親慕愛敬始終如一無或閒然杭之徑山江左望刹之最公論願師一至其處久矣延祐丙辰行省稟朝旨迎師居之袁人士號慕遮挽或訴有司畱之不可扁舟所經望塵瞻禮曰祈法施及至徑山開堂之日萬口翕然曰爲不媿妙喜於二百年之外者百廢具舉四眾歸心嘗與隣峯受供長者之家食器列皆白金也施者奉齋竟請從者并几器收之師曰從者只取餘齋而已及與隣峯聯舟還從者微哂曰師誤鄰峯虛行矣問故從者對曰長者重施曰爲常師不受他師亦不取師歎曰汝奉佛遺教固爲是

見解邪此與瓦礫何殊而生伎願心貴人達官舉家奉
施拜禮師不爲動亦不加傲識者稱之蓋住山七年而
沒世祖皇帝嘗召見說法稱旨賜號佛鑒禪師大德
中新作大仰山太平興國禪寺事聞成宗皇帝嘉之勅
翰林學士承旨程鉅夫製文勒石加賜大圓之號其來
徑山也仁宗皇帝又加號曰慧照至治壬戌四月十二
日手書囑咐皆官外護宗教戒勅弟子說偈示宋於不
動軒其徒奉全身瘞諸西峯昌浦田師諱希陵字西白
姓何氏婺之義烏人也世壽七十六僧臘五十七有瀑
巖集及語錄偈頌凡若干卷行於世昌浦田者故給事
中郎公簡歸隱故處而其塔癡絕冲照堂一荆叟珏之

次初師在眾中有兩蛇常於楹外朝之仰山古有二龍
龍至今靈異或曰二蛇卽龍云無準塔前有巖桂樹常
曰歲三月準示涅槃日開數花及師主山之歲花乃盈
樹師生平主二大山幾四十年其因緣豈偶然哉泰定
四年徑山首座子良徒步乞食來京師求塔銘於集久
未克爲也良堅忍寒苦者數年不解天厯二年四月二
十一日翰林學士承旨光祿大夫阿璘帖木兒奎章閣
大學士光祿大夫忽都魯兒迷失奎章閣學士參書文
林郎柯九思侍便殿具言師之道行良之志與文之所
曰未克者有旨賜號曰大辨禪師塔曰寶華之塔而命
臣集爲文臣集頓首稽首而著銘曰

先師既遠後佛未逢如是中間妙義非空琤琤巖瀑春
雨皆至珠璣散落無有量計天上人間海藏龍宮各得
少分不昧心宗而大辨師宴坐一室翠藤彌天紫竹緜
密古雪在山夔絕人蹤略示三關一綫之通觀我華嚴
兒童未智帝綱交參殊光無二大雄之宮列城潭潭雷
音不興羣蒙共酣樂雲之峯雙徑之塢樹大法幢鳴大
法鼓神龍來聽天雨寶華諸天唱言辨才不夸聖皇馭
世尊敬法寶千劫信願億載之保應期而生師在江南
四聖具瞻如見優曇巍巍靈山儼然高曾其來非來其
去非逝無垢者月大慈者雲覆照無窮質曰彌文
道園全集卷四十一終

漢書卷一百一十五

五

虞文靖公道園全集卷四十二

方外藁五

銘

晦機禪師塔銘

古之所謂豪傑之士者必曠世而一遇其不恆見於天下者何也蓋嘗聞之豈無其人哉自夫世務之沈冥俗學之纏糾有不足曰繫而畱之者於是脫然自拔於浮湛起滅之表曰求其本初之極至者焉則漠然無所爲乎斯世者矣其空爲浮屠氏之歸者皆其人也予嘗誦其言而悲之然嘗上下千百年閒而求之殆果然不誣也大江之南有佛智晦機禪師者諱公姓唐氏世爲豫

章儒家其族父曰剛公者學佛西山剛覺院而能聚族
人子弟教之師與兄子元齡俱從學進士業元齡既登
進士第而歸遂從剛公落髮遠遊嘗年十九耳其母憐
之私具白金爲裝具剛公曰是足喪子之志師卽盡曰
歸毋不持一錢曰行至吳一耆名師皆欲出己座下不
顧也聞物初觀禪師住玉几往依之十年無知者偶與
書記清默語大驚異之曰告初初召詰之信然畱侍左
右朝夕諮問盡發其祕字之曰晦機爲偈曰囑然後至
前錢塘後退耕衍石几在南北山虛記室曰待不應久
之勉從潁東叟之請當耆貴人多致師出世者皆不答
一衲二十年泊如也至元中楊璉真伽總統釋教江淮有

旨取育王塔中舍利進入乃親詣師求記述始末因與俱朝京師師曰我有老母兵後存亡不可知歸江西尋之則元齡固與臨江通判從文丞相起兵死獨母在耳奉之曰孝聞種竹卓菴於鄉曰竹所與簡竹屋中如翁居往復酬唱發揚宗旨四方來學者數百人至無所容又居洪山凡六年而棄之洪之人請師住天寧師曰讓簡簡沒洪人來請師又曰讓秀祖巖江西總統乃請師住黃龍亦不往元禎二年始應百丈之請居十三年而百丈赫然爲天下禪宗第一至大元年應淨慈之請至之日行中書省行宣政院之長各率其屬拜伏迎請中國學者及高麗雲南日本之僧前願至師而不得者皆

爭見門下曰千百數居十年乃作大佛閣市民僦居旁
近相撓雜者撤而遷之端門廣術夾植松柏皆前人曰
爲難者指顧成之有餘也於是中書省平章政事張閭
與行省丞相下令告羣寺曰其各曰僧集冷泉亭下惟
老病守舍者勿至眾大驚不知所爲是日集者幾萬人
曰次立聽曰徑山者當卜么若某眾曰諾丞相親探得
師名曰示眾眾曰諾無異言卽親送師入山不容辭至
親爲券假食曰供眾居三月師扶杖歸南山之下復起
之不往也江西學者凡咸思慕師願得住大仰而依歸
之師頗聞竟乘扁舟逃去或告曰師老矣百丈故鄉也
盍此歸乎師信之返至杭大仰人哀懇得師歸乃已居

三年將示宋手書謝所與往來作偈示眾擲筆化去
年月日也諱八十二度弟子數百參學者數千人大仰
之下有金雞石者應名馬大師元教故奉瘞焉而弟子
之在杭者又建塔於淨慈之西隱公所嘗居也至治二
年夏集過浙江遇師之大弟子某於報國寺同禮師山
中從諸門人知師遺事因請爲之銘云集嘗觀師於文
字蓋積思博學非俗儒小生所能至其大辨明慧洞徹
心要誠一代之宗匠四住名山皆迫而後應進退裕如
菴居從之者過於大刹及其門者多特達卓異此非所
謂豪傑者乎彼持不足之資區區自矜求試致敗取訾
而不恥者視師爲何如哉銘曰

於皇聖元崇佛尙祖旁求碩師密贊神宇跨浙歷江梵
宇于于師三十年四專其居或尙力致我有弗有或競
於暫我紓而久鼓鍾振揚人天畢來龍象言言孰是可
欺師住世皆言滿天下宏慈暢宣心泯物化來參來歸
千百與俱各極精明不畱固愚今去而忘仰俯無極何
已識之南山之石金雞悵悵慧日赫然有覺爾冥孰敢
不欽

廣鑄禪師塔銘

荆門當陽玉泉景德禪寺者智者大師道場也智者荆
州人白天臺還止此山相傳有神自稱漢前將軍關公
沒而藏神於此願佐師遂建伽藍焉自隋歷唐至宋主

之者皆名世之士元豐中蜀僧乘皓來主之道行孤峻
張公商英爲著法堂記及沒又著塔銘其文具在其後
天慧三弟相繼主之赫然荆楚間他刹莫之及也宋季
郡當兵衝不能有所安輟及內附國朝荆爲樂土有惠
珍師經理茲寺巖能創始而化去至大二年珍之弟子
廣鑄應請曰來大有建立凡二十二年而沒藏舍利於
縣之青陽坪其弟子福祐自其寺如京師介奎章閣學
士典籤幹克莊請用皓公故事求塔銘其言曰我佛氏
家應機致用隨旨顯蹟非一端也或嚴戒律曰制心或
專禪定曰啟悟或妙莊嚴曰生信或廣經典曰酬教一
期方便等無差別先師一座道場垂及兩紀風雨不動

安如須彌爲法爲人熾盛圓滿白非夙有記受其福德
詎能爾邪張君予鄉人固非予所敢望而克莊予僚友
也儒業之外深明內典故重其言而述焉師諱廣姓黃
氏父公母伏蒙城人至元丁丑歲伏夫人夢大香象背
負圓光而至寤卽生師稍長不與羣兒嬉戲每聞佛經
順口依之卽能成誦行履端嚴如素守律年十三辭親
至玉泉禮象山珍禪師受具落髮蓋松源岳禪師之第
五傳也年十五遊方未遠聞珍歿而還師嘗夢見三佛
相好殊勝光明希有其中尊舒金色臂摩其頂呼之爲
掬多者九傍有聖僧謂師曰世尊命爾爲掬多何不禮
拜師遂具禮恍然而悟一峯儼然在前心源清涼三歎

奇事指授繪者寫具所覩至今存焉珍之治景藍也僅
能起廢有瑄者弗克嗣其業日加廢敗寺眾迎師歸絕
繼珍席曾未踰晷白爲具舉至大二午入見武宗皇帝
出璽書護其寺賜香俾誦大藏經滿數之日師升座說
法天雨寶花繽紛滿空不至地者才及丈許萬目驚異
歎未曾有皇慶元年入見仁宗皇帝上知師無雜食曰
馬湏爲賜泰定四年賜號曰佛光慧日普照永福大師
帝師親爲授記名之曰僧嘉幹節兒授曰伽藍衣仍歸
主其山凡珍之未備者既皆成之別建毘盧閣十丈曰
貯藏像華嚴五十三參於壁下嚴兩金剛高四丈五尺
又建萬佛閣高十丈上奉佛像萬軀下爲法堂又作鐘

樓皆高十丈其像設嚴悉曰黃金僧堂行堂兩方丈旃
檀林庖庫之屬其高廣大抵與諸閣相稱又別建關將
軍廟龍王祠於寺側尤極宏麗又曰伏夫人故宅爲永
福報隆寺在當陽縣中吏民祈禱曰爲首刹凡有營建
不憚寒暑皆身先之建閣皆材木之鉅且脩者水運多
灣洄莫能致一夕水忽大漲盡至近地餘筏溯溪挽者
徧履田畔不絕田主欲因夜斷引綆至則見若於菟守
之迺悔愧曰懼更爲推致云環寺種松杉數萬株增廣
寺田曰贍眾先奪於豪家者復之可購者購之設有水
旱虫蝗之災師默禱輒應環寺百數十里閒未嘗有凶
歲刻華嚴法華楞嚴圓覺楞伽金剛般若諸經與模印

流通前後所施凡數萬部度經之餘地又廣購儒書道
書曰實之修水陸大醮一百餘會日誦華嚴經兩函禮
觀音千拜領眾說法清規嚴整夙興夜坐至老不變談
辯文慧江湖尚之至順二年四月二十四日師集眾遂
別眾舉座元至吉嗣寺事師肯之遂跏趺而逝空中如
聞有妙樂之音白雲覆地陵谷悲慘南土早災驟變寒
慄入龕逾夕顏貌如生炎秉之餘收舍利無數惟舌根
牙齒數珠不壞世壽五十五僧臘四十二有詩偈語錄
若干卷門人傳焉昔智者大師立精藍三十六所玉泉
其一也千百年中或存或廢或顯或微巋然鼎盛於聖
元治平之世若茲山者豈偶然哉今叢林學者知死生

之大究竟已事豈乏其人而依止啟發則存乎得所宗
者尙多智者大師在昔楞嚴未至震旦嘗西望踟躕而
願見焉今師首刻是經庶幾智者之遺意矣銘曰

我聞掬多於法大護籌盈丈室不可量數應緣出世宿
因現前九呼其名佛口親宣宏教一方起於早歲樹大
法幢江漢之涘前哲寥寥鼓魚絕音師始爲之願力如
心宮殿樓閣金瑰珠璧纓絡幡蓋充滿嚴飭田池園林
材用所生來獻來歸不煩度營百萬億佛諸菩薩眾聖
僧法寶攝受妙供大威力神忠勇之資迺暨龍君竝安
厥祠旣安旣成廣大堅固師於是皆鳴大法鼓四眾安
然肅恭軌儀晨香夕燈師率先之二十二年常如一日

天華散隊已贊皇錫大乘諸經沛然四馳凡有見聞自
決其疑大圓寶光初現妙相俄歸大寥仍曰象往千山
之陰萬杉之林付託有傳龍天具欽

斷崖和尚塔銘

昔西方聖人爲一大事出見於世法流中士皆至緣熟
達摩之來直指人心而已至於大鑒其道大行五宗竝
立枝葉扶疏戶庭雖分惟一不二臨濟一宗大機大用
收攝無量視彼孤絕接人爲廣自是曰來幾將千載宏
法宇內多其子孫其最明著者白風穴小止首山淳興
汾陽慈明楊岐白雲東山圓悟灼有端緒宋之南渡國
於江海之間而慧命克昌有隆有果所謂千古豪傑之

士激揚宗要風動雷應聲光莫盛焉華公親承虎邱而
受妙喜衣鉢之付佛照振其父風演化相望而應菴曰
來相繼者密菴傑破菴先無準範遂終宋之世矣皇元
混一海內崇尚象教度越前代豈則有雪巖欽公擔荷
此事一嘗坐大道場說法東南無慮十數皆其法嗣師
子巖頭立死關者高峯妙公其長子乎能殺能活據其
正令曰接後人寥寥曠絕之餘環視四顧能及之者鮮
矣是故出其門者辨才福德名行於世者不無其人至
於實證實悟正眼洞徹縱橫自在人天罔措則吾斷巖
禪師而已師俗姓楊氏父大有母張氏曰宋景定癸亥
十一月二十三日生師於湖州德清縣能食不茹暈酒

六歲始能言但從其母誦法華經於人世事懵無所知
姿貌嶷然志若有所待年十七有禪者過之誦高峯上
堂語曰欲窮千里目更上一層樓師忽言曰此大善知
識必能爲人拔釘去楔耳能與我往見之乎母驚異之
略具衣裝與之行見高峯於天目山師子巖之死關爲
童子峯謂之曰汝所持何多爲師曰曰待寒暑峯曰學
佛者不如是師卽刻盡曰散諸人乃令提萬法歸一一
歸何處話因名之曰從一他日峯爲僧舉牛過廂櫺話
師聞之忽生大疑參究不倦一日告峯曰上極天宮下
窮水際盡大帝一琉璃瓶峯曰莫作甚解他日過鉢盂
塘見松上雪墜有省卽請峯呈頌曰不分南北與西東

大地山河一片雪聲未絕峯痛捧之不覺殞身巖下懸
巖壁立人意其必絕同學斷通捫蘿接磴曰救之則已
出半無所苦也謂通曰我往江西見欽公去也通曰汝
孤負老漢棒矣力挽之還卽與通還山之西禪菴自誓
曰我七日不證則決去矣遂直堅壁忘廢寢食夜則攀
樹露立達旦未及所期豁然大悟馳至死關呼曰老和
尚今日瞞我不得也呈頌曰大地山河一片雪太陽一
照便無蹤自此不疑諸佛祖更無南北與西東明日峯
上堂云我布幕天大綱打鳳羅龍不曾遇得一鰕一蜃
今日有螭螟虫撞入三十年後向孤峯絕頂揚聲大叫
且道叫個甚麼舉拂子云大地山河一片雪師便奪峯

拂子爲眾舉揚訶勵同學辭不少遜復曰盡大地有一人發真歸源從一皆知之峯歎其俊快有僧參峯次峯令見師師曰驀直去出言大抵如此久參者愧之幾有命如懸絲之慮遂歸德清其母爲賣簪珥同入武康上柏山結茅曰居人見其渾俗罔測其意越五年還山見峯峯云大有人見你拖泥帶水師曰兩眼對兩眼遂薙落峯改其名曰了義元貞乙未高峯示宋師亦韜晦或遊禪林頽然居下板孤峭巖峻不假借人辭色或觸其機鋒發言如奔雷諸方客衲莫不驚歎居不擇地隨寓而休而律範大閑凜如冰雪所至四眾歸重公侯貴人爭相迎奉無虛日師子正宗禪寺累請住持若不聞召

未嘗受請立僧而咸尊之曰義首座云中峯本公大揚
嵩峯之道烜赫昭著法席之盛中外罕及至治癸亥棄
眾而化同布袍雍公見地闢白提唱超卓而去世更久
後泰定三年師勉徇眾請歸坐祖庭者一載所謂正宗
禪寺者也參學之眾輻輳而至或示眾曰除卻語默動
靜道將一句來又嘗曰一息不來自何處安身立命然
或嬉笑怒罵觸其穢語人所不堪或不因勸請自肆談
說或成頌偈不待思惟應機而發人所莫測元統元年
歲除日師忽謂從者曰有一件事天來大你還委悉麼
良久闕日是年朝正月六日詣法塔西指空地曰更好
立箇無縫塔其晚與禪者談笑至夜分乃曰老僧闕日

天臺去也禪者曰△甲隨師去師曰你走馬也趕我不
及翼早跣趺而化世壽七十一僧臘四十有九後七日
藏其全身於師子巖之後雲深菴化之日雷坪雨射白
晝晦暝葬之日雪花繽紛林木縞素送葬者幾千人悲
慟哀戀聲撼山谷初華公示宋會葬齋次師笑謂眾曰
後二十年更爲老僧一會至是二十年矣至順二年七
月文宗皇帝聞師道行有詔命宣政院使賚香幣入山
宣問勅有司加護元統二年八月中書平章政事御史
大夫撒迪奉今皇帝詔賜號佛慧圓明正覺普度大
師璽書至山師已不及見也前住持普慶禪師正印本
蒙古人歷徑山第一座曰常侍香其席與同志曰師事

實來求塔銘後二年鄱陽張善式從本公遊居天目最
久結輯師生緣悟由語錄平實可考乃按而序之集昔
常與師相見於吳郡忽已十七年矣周遊南北退處空
山思欲再見如師之高明洞達者不可復得慨觀古昔
祖師之盛接人之的何其宏偉卓絕哉虛空無盡佛法
無盡有能得是傳者集雖老猶將往問之故爲之銘曰
傳法正宗臨濟最宏汾陽慈明揚歧大行佛果二子雙
樹齊聳區區東南雷動海湧密付心傳惟證乃知孰爲
之祖孰爲之師巖峯之巔獅子返躑我見其人斷巖千
尺莖草金身說法熾然無當吾機我非不言堂堂天目
鼓鍾朝夕龍象人天遊宴食息前際既往後者未來我

於其開重關一開天子有詔於赫嚴護使未及山委席
不住山高雲深靈骨在焉摩尼滄海朗月中天

鐵牛禪師塔

衡州酃縣靈雲寺鐵牛禪師去世二十六年其弟子智
涇自吳越行乞歸茶陵謀建禪師之塔曰天曰僧惟則
所述狀來求爲之著銘集於湖海閒方外之士其學有
所不能盡知而來求者隨分贊歎使天下後世有曰觀
夫一昔人材品節之盛也初予得鐵牛病後普說而觀
之歎其用功之實勤見地之真到其語人也曰其踐履
經行之真實無假借無掇拾無巖險曰驚眩誅萌於魑
魅魍魎狐兔虎狼之窮山曾不事奔走酬應居大剎曰

爲崇其從之者實爲死生之事曰求決擇激勵誘掖必有實得而印之非有所因藉推引曰爲衣食進用之計者也予早出仕蹤跡不得至湖南吾師已告宋常恨不得相見而予亡弟前進士槃仲常父少年宦學清湘嘗一見師師告之曰此事最好著力亡弟儒者也亦於師言有所感焉是曰予甚欲知師之始末而不能得也今曰是相囑而則之言鑿二金石凡所紀載不待矚括敘而錄之無愧辭矣師姓王氏諱峕定吉安太和人故宋戶部侍郎贊之九世孫也曰嘉熙庚子八月十一日生自幼輦血不接於喉吻清苦剛正而世緣頗奪之咸淳庚午年三十一矣始從肯菴勤禪師於其鄉之西峯寺

乃得剪髮如其志旣而雪巖欽公禪師住宜春之仰山
師往事之服頭陀行聞巖公上堂云學者工夫七日一
一念無閒眼不交睫而無入處則老僧爲大妄語師默
有所領迅厲奮發巖請師主東淨師爲眾僧滌廁等是
年堂中僧多病痢下師悉力供持亦染其疾居涅槃堂
醫曰爲不可爲師乃內自省究平日所得所用盡不得
力師取滌器於屏處危坐其上勺飲不入口屹然如山
經兩晝夜不動其三日一念無生前後際斷四日至七
日動靜二相不生至二更盡忽見山河大地遍界如雪
天朗月乾坤包不得久之間擊木聲通身大汗而愈見
堂中然燈草卽頌之曰脫皮脫骨體白如玉未點已前

河沙遍燭自信踴躍不已振衣叩方丈通悟巖連舉公案詰之應答如響乃示偈曰昭昭靈靈是甚麼眨得眼來已蹉過廁邊等子放光剛直下元來只是我則癸酉歲之六月二十四也日居眾中六年當我國朝至元十五年之戊寅巖於卍字堂前以衣付之有偈云無相福田衣我今付與汝悟剛心地後如龍吐甘雨自是從大僧歸堂脇不黏席者又六年一日聞上堂舉亡僧燒了向甚處去白代云山河及大地全露法王身言下疑情湧盡身如踴高丈許眾退卽詣方丈曰適來和尚舉揚般若直得法堂前石獅子笑舞不已巖曰試道著師云劫外春回萬物枯山河大地一塵無法身超出如何舉

笑倒西天碧眼胡巖敲面前桌子云山河大地一塵無
者箇你師作掀倒勢巖云一采兩賽及入室問云親切
處道將一句來師曰不道巖云爲甚麼不道師拈起手
中香合子曰者箇得來不直半文錢巖云多口漢巡堂
次師曰楮衾裹身而睡巖召至方丈厲聲云我巡堂汝
打睡道得卽得若道不得卽趕汝下山門師隨口答曰
鐵牛無力懶耕田帶索和犁就雪眠大地白銀都蓋盡
德山無處下金鞭巖曰好箇鐵牛遂因曰爲號二十五
年戊子歲師遊衡陽之酃縣有桃源山者頗險絕邑人
嘗寨之曰避兵天兵至招之不服盡殲諸其下骸肉狼
藉自是無過之者畜聚怪毒傍近甚畏其害師至眾請

居焉師與其徒數人茆舍其閒風雨昏莫狂獸異類號呼環繞師諭曰迷悟因緣且授之戒其怪遂息鄙素不知禪學邑長伯顏令程公相率入山受教而豪強者亦來盡禮瞻拜邑人尹桂芳與其族人捨地段德祥父子等創殿割田曰爲先倡營構日盛爲大精藍四方禪衲踵至寺曰靈雲者因桃花而命之也鐘鼓旣設大宏雪巖之道儼然一大道場矣行百丈清規亦略其繁細曰爲有妨於工程也行參坐究曰身先之其將有覺者則躬候其告而發之嘗因僧病次示之曰參涅槃堂禪正是當人捨身命處直使如虛空不挂纖毫念方有自由凡其警策激切類如此然勘辨之次棒喝正令則不輕

許可矣其得法弟子若豫章般若之世誠瑞州南山之
智清天臨皇慶之克紹白鹿之師念韶陽南華之志規
江陵資壽之福越臨江福林之永椿皆得法於師者巨
徒梗眾各得其遺風焉度弟子凡七十餘人師之友曰
陡巖惑公魯山慧公生同里同肯爲僧又同得法於雪
巖而惑公開法於其鄉之六字峯與桃源法席相望二
百里近出巖之門者何其盛哉師於貧病凡庸誘而接
之皆無所遺缺西菴之後建普濟之塔盡斂山之遺骨
而瘞之僧之終於其寺與鄰近之人歿而無歸者皆得
藏焉其用心之慈普如此壬寅之冬師將示宋作長偈
曰屬學者弟子正悟結菴於茶陵曰雲居距靈雲四十

里迎師度歲明年正月十五日化去遺命火葬弟子不忍也奉全身歸靈雲曰陶器函蓋而斂之座諸西菴越三年啟而視面如生爪髮俱長云泰定甲子移葬於寺北三十里曰沙潭今營塔所也是皆也涇與其徒皆發俱來予問之云先有鐵邪先有牛邪涇曰先師親見仰山來予笑曰吾試與汝略模畫之因歎曰師用盡平生之力與巖翁相見但得碧眼之胡大發西天之笑堂前獅子不勝起舞之歡果何干涉乎噫微笑密傳久奉七徽者猶有待於刹竿之倒西來直指通宵立雪者曾不辭於斷臂之艱獠方甘於墜石馬駒何事於磨磚一花五葉之分披善巧多端之方便然一字之關五位之

賣心識指要義海晦機傳者寥寥每興翹企若夫大機
天用全收全放肇開河北之原近接汾陽之曲乃有閒
關微服跋涉殊方化行東南威振江海華公虎邱之嫡
子兼揚大慧之宗風子孫眾多班班可考遇風卽止之
歎吾不能不慨然於近歲焉雪巖坐禪一歲銀山鐵壁
曰無爲門非萬全牛之力猶恐無纖毫之分曰相應也
及其門者或得之於咳唾之閒或顯之於語言之際豈
大法幢鳴大法鼓豈止一人而已哉信其七晝夜之言
行其七晝夜之事師言不妄表之後來則惟吾定公也
噫曳履長廊之松風閒話方鑪之夜雪吾不敢輕於初
學亦有堅持勇進能如定公者乎吾所曰歷敘是事傳

之方來蓋曰爲佛法初無繫綴於人而不如是不足曰
得之也雖然漸源覓靈骨於吾道洪波白浪必有爲涇
言者乃述贊曰爲之銘曰

我觀古尊宿刻苦成佛道勞辱病穢惱諸不堪忍者如
牆壁木石不著亦不礙專一如虛空亦無虛空相如是
七晝夜塵勞乃真息如師之可見淨如雪中月無有山
河體宇宙可包括剎剎見法身佛說眾生說如是兩六
年履踐悉真實曰我真實行所證亦真實曰真實化人
得者無虛妄靈雲桃花海嚴靜無變異天人非人等一
攝一切攝凜凜金剛王過去不思議石巖如楞伽莫可
至其頂偉哉顧眄雄一見更不疑拈草作梵剎帝釋之

所贊來者如密霧一一爲法故一一接法流不昧其初
心分座導諸方其法無別二不遺勸請勤畱此窄堵波
見師真實相無在無不在世閒文句身贊歎不能盡
錡曰傳方外人卽用禪詞頌偈成篇所謂著題法要
是操觚家一斃然亦足見伯生之無所不學

道園全集卷四十二終

虞文靖公道園全集卷四十三

方外橐六

碑

真大道教第八代崇元廣化真人岳公之碑

國家混一海宇兼進羣藝俾各得自致其功罔或遺佚
是故禱祠膾饗之事有屬諸道家者其別數宗而真大
道者曰言節危行爲要不妄求於人不苟侈於己庶幾
曰徇世誇俗爲不敢者昔者金有中原豪傑奇偉之士
往往不肯嬰世故蹈亂離輒草衣木食或佯狂獨往各
立名號曰自放山澤之間當是皆師友道喪聖賢之學
湮泯漸盡惟是爲道家者多能自異於流俗而又曰去

惡後善之說曰勸諸人一皆州里田野各曰其所近而從之受其教戒者風靡水流散於郡縣皆能力耕作治廬舍聯絡表樹曰相保守久而未之變也國朝之制凡爲其教之師者必得在禁近號其人曰真人給曰印章得行文書視官府而真大道教者則制封無憂普濟開微洞明真君劉德仁之所立也曰弟子嗣守其業治大都南城天寶宮又嘗得郡置道官一人領其徒屬與全真正一之流參立矣今其弟九傳掌教真人張清忠者世家關中其譜則橫渠氏之族姓也事親至孝制行堅以嘗掌教矣厭謁請逢迎之煩逃去之久無克充其任朝廷重其名實遣使尋訪給駟致之旣見度不可辭

卽舍所賜傳徒步入京師深居寡出人或不識其面著書曰名其學文多奇奧貴人達官來見率告病伏臥內雖有金玉重幣之獻漠如也或拜伏戶下良久自牖閒得一語而去已爲幸甚過望至於道德忠正縉紳先生則納屣杖策往見不曰爲難肯人高其風至畫爲圖曰相傳翰林學士吳公嘗移疾假館於天寶宮之別業其徒曰真人道行記請吳公之言天下學者所尊信因曰其可書者曰遺之其徒爭取曰模刻諸石遠近且十餘所真人聞而喑之曰始吾學道豈求名哉遽止之不能也則來者告曰木則有本水則有源吾師之隱德未傳聞於世而吾獨曰文公之文行是旣爲吾弟子先矣惟

先師之事今吳公歸老臨川之上念不可復曰強之請
子爲之辭予旣思吳公知張真人事必敬重之乃授其
事而爲之次第曰真太道第八代師曰岳真人諱德文
字□□父曰得慶故家絳州翼縣娶澤州王氏兵閒遷
涿之范陽今爲涿州人生三子真人其季也將生嘗其
母夢老人皓鬚長身冠劍壯偉告之曰當暫寄母家矣
明日州人見有青氣西北起若白天來者奔從氣所往
視之則岳氏家也氣止而真人生歲乙未之九月十九
日距今九十三年矣生而雄渾稍長不爲兒嬉性不嗜
酒食肉亦絕不啖年十六辭親入道龍陽宮其父愿慙
人也事稼穡惟謹心甚異之而長兄興方曰才勇爲行

軍百夫長疑其情也驅而置之行伍之間非其志也是
皆五代師大元酈希成真人居懷來水峪之大元宮往
依焉十八受教被其冠服漸領其文書穀帛之事又主
四方之來受其戒誓者大元甚重之而其父母且老從
真人於水峪事太元後卽皆泊然委蛻其徒稱之太元
之化去也密告其六代師元通孫得福真人曰岳生其
八代乎第七代師願真李德和真人之掌教也署爲法
師充教門諸路都提點曰副己也至元十九年十月真
人所焚香鑪中有異徵方怪之而李師升堂集眾曰教
事付真人曰先師之屬如此遂曰二十一年宣授崇元
廣化真人掌教宗師統轄諸路真大元道教師又賜璽

書褒護之自是眷遇隆渥宮中至召見親賜袍焉安童
丞相嘗病真人視之立差皆甚神之諸王邸各曰其章
致書爲崇教禮助者多至五十餘通而實都兩王又爲
創庫藏脩宮宇廣門牆藝田畝治冠與衣閒飾金寶極
其精盛元貞□年加封其祖師錫賚尤厚使人立碑棣
州衣冠所藏處是年奏詔修大內延春閣下賜予徧及其
徒而真人曰大德三年二月化去而升仙矣始涿有童
謠云涿有八岳父老莫之解也後真人號岳祖蓋其徵
云而岳氏由真人父子入道自其仲兄得元曰次子孫
女婦從其教數十人焉吾聞其徒云西出關隴至於蜀
東望齊魯至於海濱南極江淮之表皆有奉其教戒者

皆攻苦力作嚴祝香火朔望晨夕拜禮其師之爲真人者如神鬳然信非有道行福德者多不足當其任而真人豈常使人行江南錄奉其教者已三千餘人菴觀四百其他可知矣銘曰

道之大行天下爲公獨別其真孰異其同民之好徑前哲攸病盍塞多歧曰會景行我保肫肫補息泯泯弗鑿弗夷混然樸淳萬僞日滋莫得而止故憂世者去彼取此深宮渠渠千靈來居神師教言接筆有書敬其奉承徵信元契道和曰興涿鹿之阿樂邱舉巍矧畏疵癘鞭風駕霆肅其能來贊我泰定億萬千禩何曰著之刻石垂紀

陳真人道行碑

善爲老子之學者泊然而通介然而容燭乎幾而不作
於用貞乎變而不阿其從至自外者漠然不爲之動存
乎中者淵然不見其窮冲冲乎克克乎執之則無方建
之則有宗者吾得一人焉崇元冲道嗣復真人陳公先
生也公弱不好弄靜居若思昆弟三人旣喪父伯氏曰
儒顯仲氏能治家曰爲養其母公夫人知公志使從師
龍虎山玩心希夷爲學日約人莫測其所至而其所造
亦莫自知也及來京師天下英俊咸在從而締驪者若
飲醇而飫甘豪者靡機者弛有其能者莫不慊然自失
而退若公者非古所謂德人者邪公始辭母出家雖去

遠而未始頃刻忘嘗思報親之大者而盡心焉而人所
見者晚歲歸爲親壽燕樂親戚鄉里累日人人感動及
沒奔喪治葬哀毀如禮故開府儀同三司張公畱孫歿
公曰弟子諸孫護葬喪歸開府朝之大人舊臣喪所過
傾官府走士庶弔奠無虛日公摧盡中情凡役具辨人
又曰爲難能然公再罹鉅創形氣向繭而爲生之道傷
矣蓋還京居五年淘煉清虛一旦化去隤然委順弗撓
弗怛天祿二年四月四日也年五十二師友哭之慟大
夫士來弔者皆失聲凡爲其道者哀思之不忘無閒言
初開府公受知世祖皇帝肇設元教身爲大宗師擇可
曰受其傳者非奇材異質不與也今太宗師吳公全節

元貞大德中爲天子禱祠名山見公於上清正一萬壽宮歸曰告開府遂召曰來深得開府心歲從車駕行幸嘗察罕海有旨禱雨大應故武宗皇帝仁宗皇帝興聖太皇太后皆知公道術宣授公法師提舉崇真萬壽宮延佑提點遂封真人兼領龍興王隆萬壽宮又領杭州宗陽宮開府之師弟子得封真人者十數人而張公吳公夏公曰真人居大都崇真萬壽宮典司元教公之封真人也贊書已四傳屬之而遽止此其命也夫公好讀書而樂接世務其居在宮中最幽迴處庭中草木無所翦治花實岿成云曰觀化好爲詩清麗自然有足傳者手校道書丹經大洞玉訣靈寶黃錄齋科等書皆極精

詣其徒受而習焉嘗道杭杭方旱徧禱弗應行省丞相
咎刺罕侯公曰爲請公坐爲致雨告足杭人至今道之
又能論人生甲子推之曰爲言其禍福壽夭奇中人異
之公不曰爲事亦未嘗言也公歿嘗篋中有書數卷耳
幾無曰爲斂自附身曰至於還葬皆吳公出私財給之
奉喪歸其里者馮瑞京徐慎初其墓在公處葬曰公年
月日提點舒公張公來求銘舒張皆公曰次相傳之弟
子嘗從遊者也予與公爲方外之交者三十年最知公
故宜銘公諱曰新字又新饒之安仁人祖諱公父諱公
銘曰

真人乘鸞忽其登天上薄太霞下蹴紫煙寶化而消名

在世間我哦其詩琅璈相宣秋高霞零素華娟娟松有
茯苓石有醴泉來食來遊待曰歲年雨入於田雲復於
山泯泯漻漻曷窺其元城郭孔固何日一還燕樂曾孫
有教有言我銘在茲百靈守虔

九萬彭君之碑

九萬先生彭君南起者廬陵人六歲能記誦經史其父
攜之至豫章西山又六歲入城府學於紫極宮遂爲道
士稍長遊湖湘旣歸有文名尤長於詩臨川崇仁西北
四十里有仙祠曰上方觀觀之主者陳復宗見而異之
延而客之親之譽之使其長老友之其卑幼事之爲父
兄皆人蓋莫知其意也故翰林學士臨川吳公澄縉紳

儒宗海內之彥及其門者甚眾万外士曰清通博雅見
知遇則未有如君之無厭無倦者也予雖寓臨川而居
家之日少徒從君於文墨議論不知其他在史館嘗有
自江南來者言君得神仙術閉門修之三月覺有氣汨
汨從中起稍引之其動如風其煖如火曰次周其身如
貫珠然久之有歸如甌鏡止水身心泰然若與大虛爲
一或嘯咏曰樂或簡默曰居凡俗疑其爲狂病云釋氏
之宗本卑因果之說而其徒修儀範爲世人求福田滅
罪業其文甚多君見而笑之取其所爲金剛供儀者一
筆數千言依其節奏而開曰法要佛理燦然凡情豁然
予見之固異其所得矣後聞其東出閩嶠過武夷至於

海際曰爲古仙奇藥往往在是蓋有所訪云予旣歸田始得至所居畱久之乃取問之曰予聞近世有神仙者宜春玉谿李簡易先生其人也信國趙丞相之子淇嘗面授其說予偶見其書予之遊湘州聞其說君啞然笑曰吾危得仙矣不欲與世俗爲異也文心之老願進其方乃扁其室曰青城真寓曰待予來而予未之能從也邑中有富家棄妻子變居室爲道家祠宇其教之師采其意上聞而請君主之從之居三月忽往紫極宮畱三月與所知別遽歸上方所居之山房而委蛻焉嘗仍改至元之元年十一月九日也年五十有詩文若干卷道釋儀文若干卷西去山房數十步有支隴焉隱然其隆

廓然其容松柏梗枿鬱乎蒼蒼良田清水隱映左右蓋
嘗與予采蘭於斯也其弟子陳子靖龔致虛請予觀之
師尊康克剛袁用宏曰所遺冠劍藏之其有戴衍其從
子從之學道者大年請予書其遺事而識之君族本出
唐吉州刺史玕君在豈嘗求予誌其父墓頗詳上方爲
郡邑之望車馬至者不絕自得君也聲聞日重部使者
張策曰大儒卓行自居歷所部揀荒過之畱君舍論民
事疾苦與政令所宜泛論經史古今治亂天文地理之
說至於儒行道要語至達旦不能相舍去歎曰道家乃
有斯人哉至京師爲予誦之則吾九萬君也陳復宗將
老出黃金散諸弟子皆有所囑亦有曰與君而笑曰惟

子所爲復宗歿數年君集眾而告之曰師鄉所與金有
客化易致息倍蓰具在此其爲觀中買田曰食眾吾無
所用也然後人服復宗之知人云戴衍曰公幸爲詩曰
招之去之千年必能爲其人一來也乃爲之賦詩詩曰
天之蒼蒼其有涯邪九萬其程孰羽儀邪大羅之麓旂
峯旆旆膏田丹井靈氣所會有芝有蘭爲秋爲春子去
不來白雲誰鄰噫後之人善視松柏我作新詩永鎮元
宅

倪文光墓碑

至順二年夏予扈從上都吳郡倪瑛與其弟璉使人持
張先生貞居之書來求製兄文光貞人碑銘前十年予

從表兄臨邛魏君起客吳中爲予言文光之善且曰部使者過其門見之表其堂曰高風託予記之予爲之言曰嗟夫士或困於窮愁放逐力有所不得爲則自託神仙道士曰爲解苟有可爲焉知其將無不爲乎唯德慧術智可曰有爲而有所不爲脫然遺世獨立庶幾其爲高風者乎若文光之所就部使者廉問所至表之敬之爲宜云後予在翰林聞朝廷賜文光曰眞人之號歎曰名者實之賓文光之高風旣達矣乎不知其未及受命而沒也貞居修大洞祕訣句曲山中與予有栖遁之約者也今實曰書來請而瑛璉又知好文學予敢愛於言乎按鞏昌王仁輔狀文光姓倪氏系出漢御史大夫寬

宋景祐中有諱願者白西夏入使宋不還徙居梁子孫
漸多聚族曰居其里遂名倪湖建炎初其曾孫益渡江
至常州無錫居梅里之祇陀遂爲錫人益生伋伋生淞
淞生將仕郎椿椿生炳世積陰德族大曰厚實生昭奎
是爲文光眞人也母邵氏始娠文光夢異僧持械至其
家及生有光夜赫然出屋上鄉人曰爲火也操具車水
輾至則知非火也其家固已異之稍長入鄉校校師常
絀其問辨爲歌詩興趣自然有出世之意善相者過之
告其父兄曰是兒不策勳萬里亦且標名九霄文光頗
曰此言自信經史之外凡瞿聃之書至於輿地象胥之
說莫不精究及冠雅志屏華絕欲獨念無他兄弟備養

不忍舍其親而去耳元貞初東平徐公琰按察浙西招
文光議幕中甚奇之薦諸行省授學道書院山長吳人
祠子游處也因爲立學官焉文光訓授有法又出私錢
更作禮殿及祭器士子畏愛之秩滿用薦者當遷官文
光慨然曰爲不足則有務於外吾安所不足使吾心茫
然無所主曰身從桎梏乎謝去薰俗曰黃老爲歸久之
二弟生且長文光曰可矣去從金先生應新爲女學又
從餘杭王真人壽衍游卽弓河之上作夕文館祠老子
而事之附曰尹子亢桑子莊子列子規制宏敞夕教大
宗師張上卿偉之召而薦諸朝曰親老弗欲出上卿亦
不之強也署文光爲州道判又進道正曰領祀事州人

履曰水旱請禱之靜默內處而胖蠻外應人莫窺其際
蝗出境中文光爲鄉錫山祝之雲族而雨蝗悉入具區
歲大熟長吏列上其行業至大元年有旨曰元文館爲
觀賜號元素神應崇道法師爲住持提點二年宣授常
州路道錄延祐元年有旨陞元文觀爲元文萬壽宮仍
住持提點杭州路開元宮事明年特賜真人號是爲元
中文節貞曰真人命及門而文光已遷化則天祿元年
九月十四日也文光旣服道士服然執親之喪亦遵程
子朱子所修禮用古葬法亦不徇流俗爲祠曰奉祀又
爲永思堂於錫山曰瞻望其祖父之始來居者母夫人
「老父光築室先廬之近歲月皆歸養親煥寒飲食之

宜得親之驩心焉二弟九淳族人里中子弟不暇教者
爲義塾教之歿不能葬者葬之貧無歸者資遣之大夫
士相見見其儀觀軒特襟靈虛曠未嘗不歎焉晚自號
元中子或稱初陽真逸別有清微館於錫山之陰蓋將
神遊寥廓又爲樓居曰棲神樓觀又臨黃公澗左作小
蓬萊之亭右爲天淵之亭自擬於陶隱居之聽松風也
又卜霞步峯下爲棲神之地築室種樹高風堂在焉句
曲白茅氏兄弟歷陶隱居司馬承禎世有傳授今劉君
大彬奉其大洞經法寫之宗師文光晚乃從之遊每一
造之彌旬乃返神契冥感句曲人愛慕之而文光有遠
舉之志矣前解化數日召二弟屬曰善守先業事母夫

人召弟子單宗元屬曰傳法度之事曰九月九日會親友於清微館登惠山於絕頂下睨五湖揮手謝別後五日宴坐元文方丈道室翛然蟬脫顏貌如生春秋五十雖其令聞美譽表於鄉里達於四方泊淡絕欲曰終其身非所謂卓行者邪國家崇尙元教其位號曰法師爲真人始自宁廷錄旨識曰寶璽而賜之其重白中書書制而命之所謂宣也其位望重矣至若真人者多在朝廷任祝釐之事不然亦當曰釐事入奏則命之文光高居雲海之上林泉之間跬步不踰於戶庭而君命卿至遂躋清顯非名實素孚者疇克爾邪昔元靜先生之終也柳識之文不加多顏清臣之文不加少後世竝稱焉

故酌其宜而爲文光之詩詩曰

錫山之原其土阜溫麓有嘉泉泓渟弗奔敷潤千里升
爲雨雲濯濯秋暘煦煦晨暉卉木清妍庶生竝繁含景
抽英出爲真人抱道曰居孝友具存眞館邃嚴金碧珠
璫雲霞蔽虧日月吐吞逍遙庭戶高風遠聞天書玉章
來於九閭霞衣金純佩切瑤琨受命於家三接彌尊淵
潤巖輝龔體燕溫稼穡有秋桃李何言句曲之墟有祕
洞文攝衣來登受道神君飛步太霞下卻塵紛審於九
淵歸息天根鬱鬱邱園遺劍在焉寥廓歲年永懷孤騫

墓誌銘

元門掌教孫真人墓誌銘

真人道行著於天下其最可傳信者延祐二年夏禮部
尚書元明善代丞相禱雨長春宮真人曰明日雨微至
須丞相上章自言憂民報國之意小得雨尚書卽爲章
往白丞相丞相病在臥內使人取章入署名付還真人
一見告尚書曰章觸婦人手且得罪寧敢望雨乎使人
問丞相門下果然二人恐懼拜伏請罪久之退齋宮俟
命夜半真人曰上帝念民無辜賜之雨三日果雨三日
尚書儒者盛貴人不覺屈膝下之後建法主殿於宮西
朝廷命國公塑像而元公爲之碑五年夏中書參知政
事王公桂禱雨亦如之興聖宮遣重臣醮雨長春七日
止醮雨大至所遣重臣憂之真人曰勿憂也比祭酒雨

七月星粲然皆曰聞後上見真人目迎送之曰公仙人也命圖其像屬翰林學士承旨趙公孟頫爲贊曰璽識之陝西行御史臺都事吳君昉僉陝西廉訪司事張君翥在鳳鳴見真人爲李氏修醮五色雲覆其壇二日迺已皆記曰文渭湓岸壞漂廬舍民走告真人真人爲至水次登壞岸眾危之然水立止此皆有文書可考歌詠曰百數若此者不可盡書也蓋真人端靜真一自然感化如此非有神怪譎幻者也故君子信而傳之真人諱德或字用章眉山書樓孫武諸孫年六歲造終南祖廷穆真人座下十一歲爲道士事天樂李真人與同輩執事未嘗忘讀書紫陽楊公奐然見而異之□□猶子誠

明章真人淳和王真人洞明祁真人□□張真掌教皆
皆親禮用之世祖皇帝皆命真人從親王匡西服成宗
皇帝命真人分教秦蜀閒武宗皇帝賜真人號仁宗皇
帝累加恩命召至京師掌道教號曰特授神仙演道大
宗師元門掌教輔道體仁文粹開元真人管領諸路道
教所知集賢院道教事推恩封其師若祖於洞真爲真
君高園明李樂天爲真人穆王二師爲真人終南山重
陽宮者全真之祖庭也至真人居之始大修飾天子爲
出尙服賜之鎮其宮甘河祖師遇仙處也真人奉詔建
橋曰禹度濟來者之意其役甚大又詔元公明善製碑
文七年得請於上歸終南優禮送之至治元年秋夢賦

遊仙詞飄飄有遺世之意八月五日化去壽七十九有
希聲集行於世九月十二日瘞之仙遊園明年其弟子
任道剛張若訥顏若恨趙道直景若冲等來請銘銘曰
睂山之陽詩書故家篤生異人爲國光華於粲有文獨
曰道著號曰真人天子所予真人燕居雲閒日舒物不
疵癘容容于于真人出遊靈峯前除塵埃廓清百神爲
驅天子有所真人致之曰雨曰暘天亦不違盛德之尊
豈惟元門紛紛鄙涼亦皆寬敦終南峩峩仙遊有石深
刻我銘識者必式

黃元吉墓誌銘

黃君元吉字希文豫章豐城名族父公母吳年十一入

玉隆宮事清逸堂朱尊師朱歿其師王月航尊師而教
之王尊師嚴潔清儉有古人之意善醫藥饘粥之積麤
瞻卽閉門絕來求醫者希文請授其術曰爲業上尊師
不可曰吾非有所靳於子也顧醫道甚精微識慮稍不
至則人由我而死非易事也將曰此爲利益不宜若幸
得舍此不爲冀寡過耳誠慮返累子不如歸求清靜曰
自致也王尊師歿久之四山中有劉玉眞者本質行老
儒隱居深僻有神朙之遇晉旌陽許公千年龍沙之記
今及其耑而劉則八百仙人之首云獨重希文曰爲可
託及去世曰爲傳囑焉蓋其說曰本心淨朙爲要而制
曰必曰忠孝爲貴而已希文事劉先生如父事其夫人

如母有遠去飲食必祝之而後嘗奉其言如臨天地鬼神乃卽其山作玉真隱真洞真三壇曰授弟子至治三年又曰其說遊京師公卿大夫士多禮問之莫不歎異明年泰定改元嗣漢三十九代張天師朝京師廷臣薦希文者曰中黃公剛介堅鷙長於幹裁向嘗都監其宮治眾嚴甚人或不樂而土田之入廬舍之完公爲成功昔爲忤者更交譽之親之其後從玉真翁得旌陽忠孝之教益折節就冲淡爲達人鉅公前席宜表異之乃爲書請希文爲案法師玉隆萬壽宮焚備提點未行元教太宗師畜之崇真君期年將曰其名上聞奏且上有璽書之賜而希文翛然高居惟曰發明師說爲己事古所

謂清虛曰來滓穢淨盡者蓋庶幾焉十二月十一日爲書寄別其弟子陳△等而命其從者曰今夜子豈當報我及期從者曰告希文曰吾返玉真之墟矣明日用火淨吾骨於城東門外薪盡火絕其風南來者吾報汝也已而果然從者負其遺劍歸藏西山希文在世五十五年爲道士四十年爲度弟子若干人授淨明忠孝之教者人眾不可備列趙中山嘗與希文俱來爲之言曰子爲銘其藏予重趙君之請故爲銘曰

西山之墟古仙宅奇蹤一隱兩五百陽品發輝表靈赫我興受書繼元德長生不死爲世則忽焉去之不可測鏘金爲音玉爲畫表歸其土塤無極

張宗飢墓誌銘

至治元年十二月壬子開府儀同三司上卿輔成贊化
保運元教大宗師知集賢院事領諸路道教事張公卒
於京師年七十有四明年三月辛未歸其喪於廣信之
貴溪將曰泰定三年十二月十四日甲申葬於南山之
月嶠其弟子吳全節曰事狀致書虞集曰維元教本始
於我大宗師今忝承嗣之重誠不敢怠惟大宗師有道
行願刻石元宮曰著無極謹按公諱畱孫字師漢姓張
氏其居貴溪自高祖戡始上溯唐宰相文瓘十七世公
生有奇質長七尺餘清峻端重廣頰美鬚髯音吐如洪
鐘周遊四方見者異之相師曰此神仙宰相也從伯氏

聞詩學道上清宮江南內附與三十六代天師宗衍入
朝世祖皇帝見而異之召與語稱旨畱侍左右給廩餼
供張從行幸上祠幄殿裕宗皇帝呂皇太子侍風雨暴
至眾駭懼詔公禱之立止上幸日月山昭睿順聖皇后
病甚詔公禱之卽有奇徵病良愈自宮禁邸第大臣之
家皆事之如神闕上命公稱天師公言天師嗣漢張陵
有世系非臣所當爲乃號公上卿命上方鑄寶劍刻文
曰大元皇帝賜張上卿兩都皆作崇真宮賜園田命公
居之號元教宗師佩銀印用公奏曰天師宗演爲真人
掌教江南分集賢翰林爲兩院曰道教隸集賢郡置道
官用五品印宮觀各置主掌爲其道者復之無所與上

用言者焚道家經裕宗皇曰公言入告上爲集廷臣議存其不當焚者而醮祈禁祝亦不廢岳瀆旣皆在天子封內卽使近臣從公徧祠名山大川訪問隱逸勅百官餞之國南門比還所薦論上皆曰名召用有司議開河京城曰便漕者未決上召問公乃可其奏大臣聞公論傷財害民之故乃至躬負畚鍤曰爲民先河至於今便之公非洗沐不得遠去帷帳每出郊勅衛士載腰輿歸公是皆天下大定上思與民休息公曰論黃老治身清淨在宥天下之說深契旨意上將命相召公曰周易筮用完澤得同人之豫公曰同人柔得位而應乎乾君臣之合也豫利建侯命相之事也願陛下勿疑完澤旣相

遂受遺輔立身繫天下之託者十有餘年誠由世祖之聖宗社之福然與聞贊決之密事亦重矣是曰世祖未命曰公舊德屬隆福宮而隆福太后又曰上意諭公善事嗣君也成宗皇帝履太平之盛致意天人之際曰持保其盈謂道家醮設事上帝甚謹既尊信公則命爲之如其方終成宗之世幾歲脩之內在仁智殿延春閣外則崇眞長春兩宮上嘗親祠其章皆親署御名每盡七日乃罷致白鶴翔集眞之應史臣頌之然而星孛水旱地震之禱公猶曰脩德有政之事懇懇□爲上言之則非徒禱矣於是詔天下復用其經錄章醮加號元教大宗師同知集賢院道教事又加特賜上卿武宗皇帝卽

位公每入見上望見卽亟召賜座陞大真人知集賢院
事位大學士上尋加特進皆太皇太后居興聖宮仁宗
皇帝在東宮竝待曰優禮武宗仁宗之生也公皆受命
世祖爲製名與宮記其事是曰贊書及之進講老子東
宮推明謙讓之道及仁宗在御猶恆誦其言上嘗坐嘉
禧殿顧謂大臣近侍曰累朝舊德今爲誰乎未及對上
曰無踰張上卿矣進開府儀同三司加號輔成贊化保
運元教大宗師刻玉爲印曰元教大宗師印上手授公
曰曰此傳元教之宗公年七十上使國工畫公像詔翰
林學士承旨趙公孟頫書贊進入上親臨視識曰皇帝
之寶自賜公生日是日賜宴崇真宮內外有司各曰其

職供具宰相百官咸與焉興聖宮中宮皆有加賜明日
公入謝因奏曰臣曰山林疏遠遭遇列聖恩寵顯榮於
臣極矣深懼滿盈乞骸骨歸不允今皇帝禮遇一如先
朝重賜璽書護之公年彌高感上知遇未敢求去竟卒
京師卒之日召弟子入室戒囑百十言端坐而逝三日
始斂顏色如生手足溫軟輕若委衣事聞上震悼遣使
賻贈曰禮興聖宮中宮使者繼至傾朝虛市來會哭莫
不悲慟及出國門送者擁填於郊畛亭午霏霧翳日冷
風蕭然林木野草人馬鬚髯車蓋衣帽簌簌成冰花綃
素如一自京師至其鄉水陸數千里所過郡縣迎送設
奠不約而集比葬四方弔問之使交至自王公曰下治

喪致客未有若此盛者於戲世祖皇帝旣一海內盡得其豪傑而用之至元中羣策盡屈用集大成謀略商計勇士工藝之臣與公竝立於朝者其遺言成績之存或遠矣而公歸然乃獨至今於是神孫聖子繼繼承承者五世矣四十七年之間大臣拜罷親近用事者更迭出入其善者固已至其子若孫若曾孫彼紛紛起滅於忽然之頃者又何可勝計天師神朙之家也公爲奏其子孫之傳亦旣四易況其他哉而公已一身對之無一日之渝改其於斯世何如也蓋嘗見公已高年甚尊貴每入朝大官貴人或迎拜如事其大父而公之接士雖極困約者不爲敖情累聖命公服皆范金爲冠集重寶已

飾直萬金織金文爲衣裳佩綬劍履冠貫絡珠玉而公
常服取具澣濯上尊大官之餽旨至日備而飲食不踰
中人朝廷有大謀議必見諮問其救旨拯物嘗密幹於
幾微未嘗曰爲已功所薦用排解皆死生榮辱之大故
而未嘗曰語人其高弟門人多聰明特達有識量才器
可曰用世而退然奉其教惟謹師友之間雍雍肅肅如
古君子家法然則公之道德其可窺測哉公旣貴曾祖
宏綱累贈集賢大學士光祿大夫柱國謚安惠祖粹夫
贈金紫光祿大夫大司徒上柱國謚康穆父九德太中
大夫同知江東道宣慰司事累贈開府儀同三司大司
徒上柱國謚文簡皆封魏國公公嘗曰兄子榮祖弟子

熙祖備宿衛後榮祖曰邵武路同知贈其父曾孫祕書
少監熙祖曰衢州路同知贈其父廣孫玉山縣男而張
氏稱魏國世家矣公之祖師八人皆贈真人事見傳宗
碑故弟子十人其二人爲真人徐懋昭陳義高也不弟
子五十四人號真人者七佩銀章者四曰宣命其一十
六人余曰誠何恩榮吳全壽王壽衍云云公在集賢嘗
集嘗忝論謨其官敢志而銘之銘曰

於赫世祖受命維新建德與能曰邁後人何文不揚何
武不試靡靡肯邁疇克永世侃侃張公玉色長身疑其
冠衣作帝外臣小大有位瘁躬課效我則無爲作宗元
教日皇宣闕塵波不驚我柔百神佑命集成穆穆成宗

肅肅武廟歷資保贊仁考之詔道維賓師貴同孤公彼
有成虧我無汙隆盛德不匱寵亦隨至世多富榮安尊
孰擬四十七年坐觀物遷譬諸逝流其來源源聖皇御
極一是我顧不敢寧老棄屣俄去回光斂英飄風流霆
往來承乘陟降碩庭列聖在天鑒於孫子公在左右申
錫純祉大江南東阜隆液融升神返全有識其封皇錫
其躬宗傳之守尙俾來嗣與國長久

非非子幽室志

漢代所謂道家之言蓋曰黃老爲宗清靜無爲爲本其
流弊曰長生不死爲要謂之金丹金表不壞丹言純陽
也其後變爲禁祝禱祈章醮符籙之類抑末之甚矣昔

者汴宋之將亡而道士家之說詭幻益甚乃有豪傑之士佯狂玩世志之所存則求返其真而已謂之全真士有識變亂之機者往往從之門戶頗寬宏雜出乎其間者亦不可勝紀而澗飲谷食耐辛苦寒者堅忍人之間不能堪力行人之所不能守曰自志於道頗有所述於世者不無也爲其學者常推一人爲之土自朝廷命之勢位甚尊重而溯其立教之初意同不同未可知也予在北方數聞有爲其道者而不可得見如書樓大方兩孫公之掌教略嘗與之遊其山居者有汝州趙先生嘗奉詔至京師而得見之服羊皮大布之衣曾不掩脛而肌膚潔白玉溫如雪食飲甚寡而其氣充然如春與人

語辭簡而意遠貴富盛氣多智術者見之莫不泊然自
矢予是已知爲其道者嘗或有人也歸田江上聞有蓬
頭金先生者甚高潔接其徒極嚴峻閒嘗相聞往來武
夷聖井諸山而不獲相見則予貿貿塵土歲云暮矣能
無慨然於中乎昔人云十里空谷聞足音而喜亦人之
情也崇仁仙遊山在邑東郭門外晉王郭二仙人求其
師浮邱伯之所歷也有余岫雲師者居之終日與人相
接而不失其介其中毅然不可犯而未嘗與人有競意
日使童子挈一簞入市人家見爲岫雲僮也輒與飯一
小器日向中簞稍滿卽還師弟子主僕烹水瀹而食而
江東西高雅之流或道過或徑詣無不卽岫雲之室者

分簞食其食無愧容無德色山下薄有田數畝鄰人多
助之耕穫給不給亦不經意故常往來予舍久而不厭
問其生則華蓋山南谷人也年十五辭親入道於宜黃
縣南華山昭福觀旣而歎曰託兄弟曰養親從師曰入
道果爲何事邪辭其師曰去徧歷江漢淮海渡河循山
東遊乎齊魯至於燕趙之間兩遊淮陰入終南登太白
而後還乎武當衡岳羅浮出武夷過天台計其所見必
有異於人者矣在温州寓同學者之舍州郡命方士禱
旱不應或曰此君不凡當可得雨羣起之岫雲曰欲雨
乎是日雨霑足亦不見其有所爲也郡中先有教人學
道者出妻子破家產乃可岫雲曰非道也復爾家室治

爾田疇行人道之常而不累於心可也及歸臨川祥符道士黃執中聞其風而悅焉率玉清觀之人處之仙遊山破屋數椽耳居亡何信嚮四至仙殿門廡陶甃竹石不約而輯有山木閣者憑虛丈尺耳士大夫仙人過客就是曰信宿而去或至兼旬月亦不知其餅粟之無儲也岫雲未嘗讀書而所言平易雅正故翰林學士吳公之夫人余氏岫雲之從姑也仙遊修葺略成吳公爲之記公嘗問爾之爲學何如曰顏子喟然章對始則恍惚難象而卒見卓然自立豈
化爾公曰咕嚕終年未有如是舉者蓋深許之矣有爲作鐘樓者岫雲來告曰樓戊子一言予遊宜春之仰山自十一月至家而岫

雲前一月化去矣至元五年己卯歲之十月二十七日
也得年六十未沒嘗徧與所識書別略無怛意其弟子
彭致中瘞諸山下予至其墓前致中曰誌幽爲請始悟
鐘記蓋自爲也乃使求石羅山之陽而刻斯文焉岫雲
諱希聖一字非非子有偈頌善說等致中山下人年少
淳謹今繫籍玉清亦嘗遊方江南道教之師署爲仙遊
山昭清觀住持提舉云銘曰
六十而化藏斯邱孰云非仙乃其遊微風落月山木秋
簞食屢空吁不畱

錡曰銘詞佳

道園全集卷四十二終

虞文靖公道園全集卷四十四

方外橐七

雜銘

龍虎山道藏銘

道家曰老子清靜之言爲宗老子本周藏室史故其流出於史官今道家有藏室曰藏書蓋有所因起矣漢之皆去老子未遠其言最用世然著於志者凡三十七家九百九十三篇而伊尹太公管仲之書在焉不皆本於清靜也後世神仙祀禱凡方伎悉繫於道家其書則謂之經蓋其相傳最尊者二洞三十六部凡萬百千篇世徒聞其名而陶隱居真誥或著其目多云未傳於世者

是也其可知者大抵出於老子之後而老子至矣今其徒尊而藏之曰室不亦宜乎龍虎山者嗣漢天師居之其上清正一宮者道家之總會也宋慶元中冲靜先生劉用光見知寧宗使有司新其宮而藏室之所謂經者皆粉黃金爲泥書之後曰宮火不存皇元大德三年有勅重建宮嗣漢天師劉國公曰不可曰重煩縣官也凡祠宇可爲者率其徒各曰其力爲之而君見張先生作藏室木石堅美締構雄麗規制益加於舊藏曰木爲匱置室中高若干尺內廣圍徑若干尺觚其隅爲八面面爲方格曰次受盛經之函刻木爲天人神仙地靈水官飛龍翥鳳之屬附麗其上皆塗曰金中立鉅木貫之下

施盤輪令可關曰旋轉言象大運焉工未畢先生去世
弟子孫景真成之而奉祠先生於藏室之北不忘其功
也先生之師曰黃君復亨復亨之師黃君崇鼎至元中
佐天師立道教多所畫諾亦有祠復亨嘗鑄大鐘起鐘
樓施田益宮中先生名彥綱字宋紀閩人有文章其道
行見翰林學士元公明善所撰碑文既爲藏室亦買田
食其眾曰備修葺蓋遠計也復亨弟子李謹修從三十
九代天師至京師來求銘其藏室銘曰

粵若太始虛皇之廷天真丈人象氣錄形結畫神丹出
圖帝青散芒垂羽振耀流霆昭明三光敷落九星縱橫
自然非有使令變合萬億出物宣靈後聖有作取曰爲

經五千其文載之兼駢示我清靜遂我杳冥天根之門
牝虛元靈配天作極宰於化亭肩孽緒餘襲武承馨法
言神方枚數曰莛要其宗歸如器在型上清有宮萬神
攸停乃作瓊室俠列幽屏題囊篆茂刻日雕玲龍韜括
籍虎帶縈緹玉氣充達金耀晶熒陽衛雄毅陰官娉婷
人不敢褻鬼不敢聽慎爾授受俾老復丁寶茲萬年合
增帝齡下土小子集稽首述銘勒作真符後天不傾

大若巖廣福靈真宮銘

臨江道士聶立仁記大若巖曰大若巖者在温州永嘉
縣北百八十里道書所書赤水山福地者也其山周迴
五十里巖高十七丈深百四十尺廣倍之石環中虛容

光東啟居者如在屋室大抵世言洞穴多在幽闇險絕必旁行仄入莫窮其所至篝火捫索乃頗有見曰爲奇未有若是之明爽者也有石臺高數丈當其前若門屏然其北有東西兩溪合流道巖下匯爲龍潭面南出至縣其西溪相傳有赤水嘗出飲者壽考今山下多老人百十歲而赤水不常有也沿溪皆奇石稍可目物象名者若香鑪石筓屏霞蓮花之屬凡數十處其不可名者至多也溪之源有兩瀑布皆垂百尺一曰谷際一曰傳巖尤奔怒者也晉永嘉中有傳隱逸王貞白者隱此洞其弟子朱孺子見白犬走枸杞叢下怪之掘得根若犬者煮食之身輕登石臺仙去故名其臺曰飛昇臺而枸

杞至今豐茂異常產來遊者皆擷茹之傳王或云猶在
昔曾有人見之其后陶隱居著真誥於此故又名真誥
巖又嘗煉丹畱巖中夜晴皆或望見光煜煜然云是丹
光也唐昔人聞曰水旱疾疫禱輒應咸通七年思王府
參軍知永嘉監崔元德始請於朝爲立祠度道士居之
予田四百五十畝禁樵采一里宋宣和三年建三清殿
巖中賜名廣福靈真宮巖中風雨不及至今若新成者
又有兩殿五祠一鐘樓皆在巖中道館廚庫在巖外慶
元中道士婁王希皓知宮事皆修治之入國朝用溫州
道錄兼領故其徒散理別業宮廢不治大德四年曹淵
龍始專居之出私錢募人二墾其山下隄其溪水除導

其湮蕪得田數十畝益曰己之私產悉曰資宮中之用作齋堂治凡屋之當治者凡廿年而宮事備天子下璽書護之俾曰其徒相傳勿敢有所易淵龍瑞安人其先累世仕故宋多至清顯故家凋喪乃從黃冠遊至是兩被恩命提點宮事蓋盛事也其記如此淵龍嘗言曰上巖後山近一里得最高處木石深秀樵者至此每聞鐘磬聲相惑不敢動而去淵龍數至其處無所聞然尤奇勝也蜀郡虞集曰此子之元應也爲著銘曰

巖中虛容作室門出震當離曰承闕端鎮鉅石朱陶君去百年赤水隱原木葛縣縣曹淵龍修其宮學仙翁百靈受命斥物怪非有道者勿敢至矧敢壞勒曰吾銘示

千載

贊

佛母贊

佛念眾生如母憶子憐愛同情揀度殊智淨梵宮中寶
月華雲朝生王子尊貴無倫

辛澄蓮花菩薩像

聖具大慈悲手執妙蓮華清淨無垢輪威照虛空界華
與持華者無二亦無別我於不二門得見見在等爲一
大事出常住於世間大人及我等是故敬信禮

維摩居士文殊像

城裏普薰香積飯聖中同供妙天花清涼山上千年石

猶結慈雲候翠華

龍眠華藏變相贊

龍眠居士宿慧通神覩華嚴法界觀毗盧妙相好靈智
所現非幻作諸大知識曰次來衣冠纓絡嚴飾具迺至
諸天諸大天福德鬼神八部等威慈竝承佛恩力各隨
因地見形勢我思法雲頂中寶紫金光聚超眾地一毛
孔中一切見半月滿月諸寶王香雲鬘雲宮殿雲重重
單複互含攝悲愍眾生故在世令我愚蒙得瞻仰願如
童真法王子彈指開門入寶閣普現普讚盡未來與佛
常住金剛定

瑞光塔院贊

大修行人本覺明了腳跟之下十日竝照信功德母眾
聖伴繞大宋定光恆住佛表

達摩象贊

萬里東來言不契九年壁裏影爲雙等閒風信生蘆葉
雲散青天月滿江

毘沙門天王贊

介冑曰居容濯斯赫持器不用填厭陰慝機槍在陲帷
幄何思幽禱顯符吁有神師

多聞天王贊

承佛願力曰德爲威鎮於天門人龍弗違我自聞聞靈
曰多勝斂鎧橐戈默然天定

老子贊

上古聖神邈若羲黃民之識知休乎善忘鬼鬼其成皞
皞其治猶龍之歎庶其在此禮儀三百威儀三千不有
遺老吾何徵焉熙兮春臺泊兮淵水孔德之容是謂物
始

題陳希夷先生畫像贊

集嘗奉詔祠華陰入雲臺觀進至張超谷拜先生遺象
高遠淵冲之風變化流通之妙猶可想見其彷彿也昔
邵氏先天之學上溯其源實自先生出天作斯文焉可
誣也而世人曰神仙求之殆因其所見而然歟錢塘隱
者薛無塵得先生畫象草衣蓬跣蓋其終隱而無復當

世之意者令集作贊集何足目知先生哉姑目所聞其
麤者而言之其辭曰

風霆流形宇宙在手隱顯盡神而已弗有匠有代斲迺
反無爲圖書之傳百世之師

二茅山四十五代宗師贊

第一代太師

仰瞻紫虛巍乎祝融飛霞成章流響振空日朗月輝玉
質金容上承諸天啟我仙宗

第二代女師

夷質虛閒靈儔感夕金宮流韻玉樹浮煙眾冥會言太
帝錫召手傳道書筆精墨妙

第三代真師

夙緣應運世胄承祉妙敷人文密贊神理塵爵外靡何
閒內修玉宸之虛我懷真游

第四代宗師

紫微受書追奔兩儀人閒如帑久畱何爲委形虛壇合
莫太始遺經不忘保之有子

第五代宗師

天不愛道地不愛寶而彼尠薄莫之能保羣真手遺玉
佩金璫知之者希見之者昌

第六代宗師

維昔茅君兄升弟及繼茲令蹤其保靈笈玉書所在萬

神衛持道已皆與匪人得私

第七代宗師

緬遊靈岳結友匡廬采秀黃華濯清素渠手握奇文足
履輪輻簫管虛林想見遺躅

第八代宗師

百穀之精結英中庭人已腹實我已虛寧全真玉光神
文在世青童復來吾得攸塹

第九代宗師

高臥白雲晨飡絳霞弟子如林著書滿家濯神九清騰
耀三景與天爲徒如日之烜

第十代宗師

翺翺鳳儀覽德不遲或隱或來景運有期質化神通不
滯玄白百廿六歲唐仙宗伯

十一代宗師

絕世之資皆思友之仙緣有定敢糜私茂松清泉亦
復何須冥心合真樂出太虛

十二代宗師

至神合虛應物無迹強名坐忘銷爾塵質高風華林旭
日丹臺蓬海無師歸求天台

十三代宗師

公私之辨至道名言徒說弗從頻煩主恩上經十三妙
補遺闕忝著刻銘無愧稱絕

十四代宗師

神馮虛生至靈爲寶世塵紛揚獨靜已保皆成返空我知其歸來無所欣去無所悲

十五代宗師

瞻日得道其知甚真柏庭之來桃源始春石龜五色首動尾應忽然亡之妙極玄徵

十六代宗師

食味養形食氣養神鼎俎傷生忍而害仁我貴食母無假於外瞻儀有感豈識其會

十七代宗師

世之將危智者去之而彼真人慨然興悲深處巖洞流

潤千甲動

風雨皆至

十八代宗師

龍章鳳書可制劫運藏之貴虛保之貴定全體皆用誰
執其方欲窮所入弟子亡羊

十九代宗師

旭日未升眾星粲如江南之都依我僊墟金印紫綬於
我何有彼曰爲貴來斯順受

二十代宗師

域中之大惟王與道我曰虛神彼曰位寶華陽之傳其
書孔多曰佐豈功陰陽太和

二十一代宗師

朝遊寶林暮宿玉池微吟所激籟生涼颺元圃之英濯
濯其羽我翔太清假爾飛舞

二十二代宗師

赫陽吐芒赤水騰光引曰神鼎灌曰靈漿千日道成潛
躍白在盤桓玉童縞衣夕帶

二十三代宗師

赤子童真宿智冥得淩虛有音履冰無迹有道之朝暖
如中春執玉振金爲峕外臣

二十四代宗師

積金之陰其神孔威潛靈感符啟我仙扉兩扉合開神
生懸景丹光在林人識餘鼎

二十五代宗師

玉華蕩空金英散香羣仙啟關受契紫皇神朙之區有
相成道襲眞給傳天地同老

二十六代宗師

秋空塵消春淵冰渙美哉僊儀皇朙所贊徒贊其儀弗
究其道臨終之言帝王之要

二十七代宗師

古先聖眞鍊質返始往來無方聚散無體我神甚眞故
與之遇外戶何人欲聞其語

二十八代宗師

土木之崇岿息岿興我行無爲彼夢有徵峩峩象帝王

道藏卷之三十一
質大粹臨化俱返孰執其契

二十九代宗師

神物之還電雷與俱青李何來報徵神墟發藥羣疾泉
流林注曰無盡施符有緣者

三十代宗師

太乙好生法容禱祠而所福禍則不敢私迷國當誅猶
冀冥報夕獄之警亦輔名教

三十一代宗師

流星之光下而爲人斂精含輝忘言絕塵神丹之來道
不苟授應物泊然是善女守

三十二代宗師

何學所能非人間書示假毫素何妨乘餘幾動於微我
感曰虛謂我預知孰究元樞

三十三代宗師

於皇阜陵躬勤孝理爰尙清靜詢於眞士手製華巾俾
卻冠塵疇克稱茲玉立長身

三十四代宗師

發書啟元託易著明出日入月道正不傾瑞露密降芝
英白生白鶴起飛遂超太清

三十五代宗師

孰謂仙眞遺世去之受職於天忠孝是司地道無成含
章爲美俾揚皇風是用錫爾

三十六代宗師

千萬之一人保純德萬億之一純德之極純極而仙人化而遷父不拾遺仙許子爲

三十七代宗師

冠巾裳衣人飾其外我髻曰遊返質非怪桑林之憂釋曰甘沛而不自神曰天所漑

三十八代宗師

得書石室古仙所畱具釋隱言曰鎮丹邱天門廣開羣真畢來匪夢伊真萬方其新

三十九代宗師

偉平駕嚴誓遺世塵食地徇形實滯昇真處高非危守

潔非介飛步神京接軌玉海

四十代宗師

世運向微海將塵飛仙人知幾暫至過歸山靈夜呼芝
英書映我保玉書曰請民命

四十一代宗師

道之所傳天且弗違孰睥睨之間曰人爲苟可閒者斯
非其道告示眞士善守神保

四十二代宗師

華陽之洞壁曰女瓊千歲一開列見仙名仙之爲道有
化無迹人窮大傳我返眞極

四十三代宗師

上清之宗世曰賢受景運白
新仙裔乃復噓和吸精保
衛聖躬翼曰星斗導之雷風

四十四代宗師

養素曰朴通真曰誠內接方
洞外佐昇平蜚蝗伏藏年
穀成遂少見其微已足名世

四十五代宗師

山岳昂藏湖海浩蕩方微備
至禮宗華陽承光紫闕敷
貺朱方九老都君錫爾寶章

張宗師畫像贊

維大宗師天錫耆年雲風悔
從不曰世遷翼翼小心赫
赫盛服出入帝所長樂無極

吳宗師畫像贊

列仙之儒身爲道樞舒卷經綸綽乎有餘宇宙名言河
海偉量冠服高朗雲漢之上

道士小像贊

曖曖曾霄三素之雲超乎象外蔚然繽紛中有至真獨
立不羣霞屬羽裾翼扶道君上朝紫闕手執玉文

道園全集卷四十四終

C51
1

1210258



21101000187982